

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二四一冊



責任編輯：孫言誠 賀 偉

ISBN 7-5333-0615-5



9 787533 306151 >

E1344/04

四庫全書存目叢書·集部二四一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 53.875印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第二四一冊目次

集部·別集類

健松齋集二十四卷續集十卷

〔清〕方象瑛撰
湖北省圖書館藏清康熙世美堂刻康熙四十年續刻本

.....

百尺梧桐閣集詩十六卷文八卷遺稿十卷

〔清〕汪懋麟撰
中國社會科學院文學研究所藏清康熙刻本

.....

健松齋集二十四卷續集十

卷

〔清〕方象瑛撰

湖北省圖書館藏清康熙世美堂刻康

熙四十年續刻本

附《四庫全書總目·健松齋集

二十四卷續集十卷》提要

原缺第一葉前半葉

其所傳子虛大人諸賦詞奇詭侈靡不足道卽諭蜀封禪亦僅揚國家威德潤色太平已耳惟歐陽永叔文章爲一代宗工官館閣登宰執制詔國史咸出其手又嘗爲主司得眉山兄弟益昌其所學於是言文者始翕然歸之豈非以其

遇之所際者隆而文之行者愈遠與方
子渭仁出相門華胄妙齡成進士陟清
要幸逢

今上好文學博採經術鴻儒充侍從顧問
之選方子得召試

闕下特擢史館其遇與司馬長卿無異

健松齋集敘二

踰年卽出典蜀試又眉山兄弟之鄉也
所得士有師授當如二蘇者相繼而起
不具論獨喜躬列禁近出乘輜軒乃鉛
槧含毫苦吟浩歌雖征途崎嶇中未嘗
少輟於文翁講堂浣花故宅以至琴臺
卜肆莫不登眺流連上下數千年間山

川人物有感於中或發爲詩歌或爲
碑記銘頌琅琅作金石聲輦上諸君子
咸相傳頌予在閩以不得傾篋一讀爲
憾及移節武林適方子請沐歸日偃臥
於客星瀨下有所謂健松齋者杜門却
軌益富著述間巾車蠟屐訪一二柴桑

健松齋集敘三

故友遊宴贈答之篇復滿奚囊不鄙疇
昔携至湖上屬余論定以傳於後簿書
之暇麗觀大畧見其文直追史遷視廬
陵似爲過之而詩則已駕錢劉而上知
其必傳無疑也然竊意方子以文章見
知於

主上燕喜之任是所專屬且資望素隆前
席久廢行當入中書坐政事堂議封禪
郊祀諸大典禮弘

聖朝經世大業爲金匱石室之制作則新
唐書之成未必不懸以待歐陽也予久
辭承明愧不能追陪嚴馬後乘復何敢

健松齋集敘四

序方子集聊書此以趣鋒車之駕

康熙丁卯孟夏中澣

宛平金鉉拜誤



健松齋集序

予友方子渭仁所撰古文詞若干首總名曰健松齋
集渭仁遂安名雋爲前朝相國文孫而叔氏侍講先
生則予鄉試時座主也已亥之役予復與難兄雪岷
金舉南宮稱世講故予與渭仁交最相善渭仁仰承
家學夙有元本又能銳志精思孜孜矻矻經史諸書
皆極搜獵貫穿且於先秦兩漢唐宋諸大家之文亦
復直詣傍綜自然神合予每觀其點翰敷辭翰寫胷
臆往往不激而高不雕而工而絕無文人誇鬪僞廣
之習嗚呼可謂難矣昔王仲淹評論文士患徐庾輩

健松齋集

序

十

之夸且貪而目其文爲誕爲煩以予觀今人行世之
集長編巨軸幾如牛腰率皆不免乎是展讀斯帙獨
能汰出二病殊可貴也渭仁授甲科復以博學鴻辭
高等官翰林時望甚重其所爲古文詞海內久已傳
誦茲特近作耳學問日新而不知底止以之明道卽
以之經世行見趾美前業而益光大之渭仁豈僅用
文章名世哉予獨喜古人爲文之旨不盡漸泯於今
天下之誕且煩者也謹書數言以爲左券時康熙已
未之仲冬吳門世弟葉方謁書

序

已未春方子渭仁示予健松齋文集予讀而心慕之
後同試闕下遂

恩入史館時時過從因復以健松齋近稿相質且蜀
予序方子以文雄海內十餘年予何能序方子而方
子抑抑自下若未嘗有文也者則甚矣方子之於文
之勤也論文於今日夫人而能文也而古文之亡亦
已久矣高者厭近代體格卑靡規規焉取史漢摩擬
之句雕字琢碑精結撰自以為西京在是而才束於
法文有餘而質不足求諸買董排宕敦厚之風不得
健松齋集

序

其合而秦漢亡矣爭門戶者矯以昌黎柳州之文而
力不能逮於是盡洗佶屈聱牙之習遁辭於廬陵眉
山而才弱氣索如怯夫之疋羸蒼然之骨超逸之神
不存焉而唐宋八家亡矣最其下者盡棄津筏方言
俚語掇拾成篇借口不泥古以自文其陋而荒穢淺
卑學者恥焉晚宋險僻之文亦亡矣夫文代有其美
則代有其弊太史公不云乎其文不雅馴薦紳先生
難言之又曰擇其言尤雅者故君子之立言也原於
道德性命之旨以扶維名教又不敢以矜心躁氣乘
之必折衷六經以不詭於聖賢其深厚爾雅非文辭

之爲而仁義之所流也方子博極經史百家之言舍
英茹華而不襲其跡故其文若風水之相遭而淪漪
生焉乃猶孜孜矻矻盡去其名以遊於無窮之域雖
荒陋如予亦且懸懸下問而不自知其不可也甚矣
方子之勤於文也渭仁家遂安其先景問先生講建
松齋讀書其中渭仁取以名其集蓋每事不忘孝思
如此宜其文之卓然名家類乎古之立言者也渭仁
之答

主知鼓吹休明其以此哉世之讀之者擬之爲秦漢
爲唐宋諸大家方子不屑也要成其爲方子之文而

健松齋集

序

三

已矣

諸城李澄中渭清撰

序

始余讀健松齋集慨然想見其爲人謂必清勁特立不苟同於世者及日與方子遊悉讀其近作乃益嘆文之可以知人不爽如此也渭仁爲書田相國孫清勁特立有祖父風故其文宗尚韓歐性情有過人者每上下古今人行事反覆感慨意緒愴然至於友朋離合之際悲繼以歡尤三致意焉方子之性情畢見於方子之詩文不自知所以然也記曰其愛心感者其音彈以緩其敬心感者其音直以廉聲音之道本乎人心而感物甚速夫豈可以僞爲乎有高世之

健松齋集

序

四

品斯有高世之文心所營營不置者官崇卑賄有無衣食僕賃毀譽得失之計豁然雜生於中而執筆欲求爲清勁特立之文吾知其不可也余亦從事於文者久退而返之所以爲文之心而蕪穢不治者日甚卽安能如方子之文且安能知方子之文乎方子論歐陽公文歸之自命不苟嗚呼此足以知歐公卽足以知方子矣同年弟大興張烈誤

敘

記余曩歲客富沙方子渭仁遊閩過訪時已識其爲人越十年余以閩變蒙難後携孥客杭渭仁方應宏博之選載筆史館余與同年友毛子會侯旅寓得讀其所著健松齋集又已識其爲文旣而渭仁自燕寓書以新著數十首見示余矜有獨得什襲而藏之以爲枕祕又數年渭仁兩晤余於杭耶握手傾倒有浩浩落落之概余因歎其文如其人立言蓋有本也茲當全集告成余友王子丹麓爲之屬序余椎不文且自惟落鬼餘生言何足重獨念文本乎情而其力足以赴之又存乎學凡所以爲此者亦極難耳今操觚家往往謬執古人陳迹錄兩求合皆非胸中本所欲吐及憐澹營度間意有所至反不能達之以辭弱筆作嗚嗚聲將書復止卒割愛棄去於是乎不得已以佶屈爲古以荒誕爲奇以櫛拾爲博冀塗庸人耳目自三代秦漢以來如此類者不知凡幾未有不隨荒烟野蔓凋零磨滅此無他學未至也渭仁以數十年積學其於古人之文罔拘陳迹沉浸含咀自爲一家凡胸中翹有所欲吐卽振筆直遂以追兔起鶻落於未逝之頃靡不曲折立赴是其文之至者皆其情之

健松齋集

序

五

至故不期於古而自古不期於奇而自奇不期於博而自博讀書破萬卷下筆無點塵蓋謂此矣持此用之國家而天祿石渠既藉以爲重則傳之海內而雕龍繡虎必奉以爲型舉可知也豈待余之小言詹詹而後決其不朽乎雖然古人之立言不朽必有其本故曰仁義之人其言藹如渭仁以浩浩落落之懷抒而爲文卽澹宕變幻中其大旨總不詭於正是又得古人立言之本尤操觚家所難者余所謂文如其人在善讀者當自得之若僅謂其以文能不朽猶未知渭仁者也

健松齋集

序 林二

六

晉安林雲銘西仲撰

序

遂安方子渭仁宰相孫起家成進士入直史館出典蜀試益以文章名海內三十年矣歸于鄉而輯其集若干篇屬余序之余卒讀曰吾今而悟文章之驚奇變宕者皆起於後來者也今夫天日月五星二十八宿有常度矣地之方輿畫九州五岳四瀆有常形矣天生蒸民有物有則人秉五常具恒性焉在文章而何獨不然哉古經不可以文章論也然易書詩之措筆周儀二禮之鋪敘也皆有定法至于春秋內外傳有一不準于矩矱者乎否也降及戰國短長之策用

健松齋集

序 毛一

七

道術之旨裂騷人之哀怨興而文字乃始窮極其變自今觀之洵哉眩神由古人觀之猶之毀井田開阡陌廢賓興而尚游說耳方子爲人溫然以嚴不輕語笑發而爲文莊莊乎君子儼乎其將正容而樹軌其鴻篇鉅冊詳瞻典雅乃若論世務求民隱大有救焚拯溺之思焉小品雋逸亦饒遠神四六能沉練不以靡詞華色爲好詩稍遜於文而風格挺挺佳句微思亦時形現于楮墨之表裏此方子全集之大概也噫亦盛已客或曰然則文竟不尚奇變耶余曰否否文何嫌乎奇變且方子之文亦非竟無奇變也特藏奇

於雅寓變於整耳夫山坡陀也一起一伏卽具險峭之理夫水安瀾也一漪一波隱見怒湍之勢昔子瞻與魯直云凡文務使平和至足餘溢爲奇方子其可謂平和至足而不欲定溢爲奇者與雖然西京有兩司馬而議者必推董江都爲一代儒宗宋蘇家父子極文章之能事而終奉永叔繼退之謂足以當立言之任古者之指義如此其故可思已然則方子之所爲學其涵蓄于中肆好於外者亦可以因古人而得其定論也哉

康熙二十六年三月立夏後一日錢唐同學弟毛先

健松齋集

序毛二

八

舒稚黃拜譔

序

遂安方子渭仁所著健松齋集予十年前旣得而讀之矣今春遇於湖上出其續集合若干卷將授剞劂命予曰子爲我序之予持歸卒業旣歎其詩文之富又見爲之序者鼎鼎殆十餘篇噫嘻何其多也夫古之立言者四子五經無論他如屈原莊周荀卿司馬遷楊雄之流類能成一家之書未聞有人作序其書之有序者大抵後人纂述爲之非同時之人自相稱贊之謂也惟左思作三都賦請元晏先生爲序而或謂思自擬者至于今日人人有集亦人人有序浸淫

健松齋集

序虎一

九

及于時文更僕不能數矣方子之集將同今日之時文耶抑斬合于古之立言者耶如同今日之時文則無取乎予之序矣如斬合于古之立言者雖無序而可何必買葉乎求益也往時濟南王阮亭先生刻漁洋集有序二十餘篇已而知其非也刪之畧盡方子其知之矣雖然方子之集成則諸公之序不可以不存而予又無辭以序方子則奈何吾聞先輩歸太僕論爲文章者人知之過于吾所自知者不能自得也已知之過于人之所知其爲自得也方且追古人于數千載之上方子之爲詩文豈無所以自得者耶故

予知之不如方子之自知也蓋卽以方子之言序之
方子之言曰著書者才與學而已有學無才常苦于
繁重而不能舉有才無學雖勞費筆墨卒未能極聖
人之規矩恢前哲之聞見若夫深心靜氣初不使人
可喜而淹貫六籍綜覽百家發爲文章閎深奧衍不
能測其所至豈不難哉嗟乎知其難則易者至矣蓋
方子之集才與學兼也

康熙丁卯季春穀雨日長洲年弟尤侗拜誤

序

余讀渭仁文凡三變矣弱齡定交語石習爲律吏之
篇暨與余避寇會城得稚黃諸子相與切劘敏章就
實風格駿駸日上卽海內所傳健松齋集是也已而
應文學之徵

天子臨軒觀試之拔居侍從與修明史若所編于少
保汪總制諸傳精忠大節與日星爭光而瀛臺
賜宴之盛長白應運之符楊厲敷陳號稱極盛以及
在廷諸臣入叅大政出宣

王言盡欲得渭仁一言以爲重且典試三蜀在西南

健松齋集

序

上

數千里外錦里浣溪黃陵赤甲之名勝皆以皇華使
節臨之凡所撰著博大雄奇稱其志氣遂取前集而
廣之重付梓人屬余爲序余謂文章與境遇相關境
不變則文不益進夫臺閣山林其體不可不備其才
不可不兼如子厚之居粵西東坡之遊海外文章更
爲超絕蓋二君少壯登朝踐歷華廡一旦置之於荒
僻險遠之區苗獍之與居島嶼蛟蜃之是狎足以震
蹕其心思惟廣其聞見若夫渭仁雖爲宰輔之裔少
遭喪亂及權第南宮而需次里門未膺一命流離兵
燹復從而困之多窮愁抑鬱之作高文大冊不能不

有待於近日而始著則臺閣山林之互嬾所謂文以變而益進者此爾嗟乎余向有松臯文集問世比來研摩歲月紙墨逾積乃窮愁抑鬱之作猶然故吾固境遇爲之否耶雖然人苦不自知即使余致位通顯而才分所限等次以分恐亦不能與涓仁並驅爭先也哉

同里姻弟毛際可撰

健松齋集

序

三

序

遂安方先生當弱冠輒有大志擁書萬卷聲出金石自以爲南面百城之樂獲有加焉已而策名通籍遊歷名山大川覽宮闕都市之鉅麗交天下賢士大夫相與討論今古又官文學侍從抽金匱石室之藏則經國大業直以千秋爲已任益先生家食宦遊未嘗一日不學也曩勝國天啓間魏璫亂政有以楚試程策規諷者是爲先生大父閣學公愍帝枚卜由詞臣筦機務然以揭救劉司寇與時齟齬入直甫七閱月罷歸閣學之學如此再傳而淳蓄閤行潛德未耀至先生而紹衣光大之諺曰醴泉芝草有以哉先生恂恂長者貌雁若不勝衣然發爲詩歌古文辭則滔滔澎湃如天潢屈注而滙滄海也觚翰家及門請益汲引無倦容亦無少矜色蓋若谷云先是桐城馬先生受業先生之門而德嘉執經馬帳爲弟子以是數過從先生所窺見所著全集凡二十四卷伏而讀之竊歎先生之學原原本本壹稟先人之渠獲而遭遇則有過焉閣學公雖已致身鈞軸然當年稟擬遺藁猶使後嗣掩卷歆歔其生平憂患可知矣今先生當有道之世事

健松齋集

序

三

聖天子出入承明之廬淵雲賦頌韓柳碑雅潤色闢焉又奉

詔典試西蜀竣事還

朝雍雍乎卷阿燕喜蔚然公輔之望噫何其盛也先生嘗詒友人書言人無問窮通胸中斷不可無學意念深哉雖然學亦有難言者委巷之士家少先代之藏書耳目覩記弗及中朝掌故白首咕嗶未必通儒故世家尚焉然世家汗牛充棟之載籍具矣而裘馬聲伎飲博交游之好往往從而間之讀先生集者知先生之學數十年來孜孜如一日則澹泊寧靜之志

健松齋集

序

齒

真不可及也夫

門下晚生楚黃金德嘉百拜謹撰

健松齋集舊序

丁未之役家司徒公之典禮閣也所得百五十人皆現奇維博之士當是時朝廷欲易數百年制科之舊方以策論取士故士之好古淵雅精微於性命之學深湛於經術之務如漢賈誼董仲舒劉向揚雄以及唐宋韓柳歐曾蘇王之儒亦輩出而有以自見方子渭仁其一也第百五十人中或浮沉金馬或出膺民社執掌劬勞而方子獨以需次里居幾十年矣近因避亂自遂至杭而余適理錢塘方子迴淵源之誼修孔李之好與余相見歡甚一日手一編示余曰僕之

健松齋集

舊序

五

受知於司徒公也不專在帖括章句之末唯是詩古文詞畢力殫志窮年矻矻期成一家言以無負知遇今且積而成帙敢以質之於子惟子一言命之使窮劣如僕尚能服食書卷以報司徒公且嘆子能推司徒公之意以及於僕則相與有成實厚幸也余既逡巡遜謝退而取方子之文卒業焉大抵原本於先秦兩漢而出入唐宋大家間至其賦心騷骨則時有晉魏之蔥蒨虛豁之豔麗洵可稱才子之文也獨是以方子之才使蚤列清華則黼黻鴻業當必有如燕許諸公鳴一代著作之盛而天故老其才養其氣廣其

識遲之又久使之閱歷於人情背向盛衰治忽之故
一一寄之於文章遂至嶽峯歷落卓然與賈董韓歐
等未必非天之所以厚報方子欲其簡鍊樹立以幾
至於不朽也至余之蕪陋雖心慕作者然視方子猶
未幾其萬一亦安能序方子之文還而質之家司徒
公俾司徒公與方子論究往復如昌黎之有李翱張
籍廬陵之於介甫子固則余亦從家教中浸淫涵泳
於方子之所爲古文者余已有厚幸矣余又安敢序
方子之文哉康熙乙卯仲夏恒山梁允植

健松齋集

舊序

去

文人傑士挺生其間爲邦國具瞻焉邑中方君渭仁
與其友毛君會侯年少壯竝以制策時藝舉甲科顯
名當世當世多宗師之識者謂得山川之靈又以其
餘閒肆力於詩古文詞交相切劘尤稱莫逆余觀會
侯古文詞明秀澹折深許其有歐蘇之遺風而渭仁
文其源實出於周秦漢魏淵博高古卓然極文章
之盛分鑣迭出各擅其長此如楂梨之與橘柚性雖
不同其美一也頃來武林枉車騎下訪出其所著古
文詞數卷屬余點定其虛中善下無異會侯以此知
兩先生之文業高出於流俗萬萬蓋亦有所繇致豈

偶然構造云爾歟且渭仁雖文不一體大要思深力
厚有網羅囊括之概其藝特工譬諸雲雨然今夫培
塿之山其布氣不過數仞無滄蓄變幻故澤不及遠
若夫泰岱則有垂天之雲故不崇朝而徧雨乎天下
何則惟其厚故也以觀渭仁之文湛深雅健包舉一
切充其所至此亦文苑之岱宗也豈與培塿爭勝乎
哉又聞夙承相國書田先生家學年十餘時卽能操
筆成詩騷短賦爲鄉國豔傳蓋雅麗其天性也頃復
手秋琴四遊二草見示余讀而嘆之喜爲唐音復出
然謂仁別有序故不具論論其古文之可誦者世有

健松齋集

舊序

七

君子覽觀因余言得以訂焉西陵陳廷會
近世尚制舉之文視詩古文辭如別調漫謂科名既
得餘閒及之及入仕版又汲汲然若有所未遑榮華
焜忽浪沒無稱比比而然良足慨矣無論穆叔以立
言比於功德典論稱經國大業不朽之盛事士大夫
讀書明理既卓立於流輩之中卽一語一言自必扶
維名教獎掖風流道必源於六經辭不入于靡雜古
人文詞體氣規模具在如飲食之適口衣服之附身
豈日用可離之事而世以別調目之紕漏繆妄茫無
指歸無惑乎秦漢之薪傳韓歐之綫緒往往而絕也

睦州方子渭仁今士大夫之能立言者也渭仁天資穎敏五六歲時乃祖書田先生授以六經左史離騷詞賦諸書矢口吟詩有驚人之句稍長從游會城坐客莫不改容而起丁未成進士日購遺書閉戶而讀因寇亂與同里毛子會侯僑居杭城南以文章相劇切自以性疎脫不耐煩劇頃需次入中書欣然謂得偃息鳳池之上讀所未見書四方之人士望其風采冀一言以爲重者日造廬而請莫不翕然稱之曰繼韓歐而起者茲殆其人與而方子欲乎不自有也持所著健松齋集以示余曰世有知定吾文者是在吾

健松齋集

舊序

太

子矣嗟乎昔昌黎爲制科之文恠怩汗下而奮然有志于古文也非謂足以博世好而取榮名其爲人之怪詭而訾訾者不知凡幾矣以爲人之言語發爲文章必如是而可無愧於古初未嘗以世之知我而居我於古人者何等也至廬陵得其書于弊篋壞壁間愛玩不能釋旣從時而取科名乃得盡力於斯文以償其夙志亦以見文章之道必如是而可無憾又非必取昌黎之文句櫛字比規模然求其有合于前入者奚若也今渭仁幼習舉業浸淫于六經先秦唐宋大家之書及成進士入仕籍尤以其學力沉酣縱恣

于詩歌古文辭其植根也厚其紆榮也茂日引月長不知其所造何極然亦本其平昔所積之氣力而爲之正不必問其原于秦漢者何法合于唐宋大家者何篇知士大夫之言語爲文章必如是而卓然自樹於古今之途自必有從而好之而知定其文者渭仁亦可以自信矣菁華易竭瞬息百年當強仕之時而立千秋之業如吾渭仁者其加于士大夫也豈特一等而已哉錢唐王嗣槐

健松齋集

舊序

尤

怪莫如楊子雲其書雖傳何足貴以艱深而文淺易昔人固已譏之譬之昌猷羊棗嗜之不過一二人若米穀則人人嗜之以爲常飽夫文亦爲其共嗜者而已左國史漢以及唐宋諸大家皆古今至文人之所共嗜者昔人謂韓出左柳出國歐陽出西漢明允父子出戰國介甫出注疏子固出東漢書疏似乎皆有專而後能成其爲一家之言及反復諸家求所以似前人者無有故知文章之難始之欲其似繼之欲其不必似終之則不必似而無不似究不能名其何以似夫而後可卓然自成一古人予嘗持此以自爲

文未得其萬一及見健松齋集始嘆當吾世而有其
文予之說可不孤於天下予與渭仁同舉進士越十
年而同官京師朝夕切劘渭仁虛懷若谷每成一義
必質於予間有商確未嘗不斷斷喜予戲謂渭仁曰
西子者君里之美人也今猶有識其貌者乎試鑿今
人之眉目以合之必有所不可畫者曰我能是肥瘠
修短不失尺寸可以爲美矣而求其顰笑不可得雖
美何足悅人有人焉美不必如西子磊磊落落自適
其性情不傷今人不倣古人坦然由之而無所飾卽
亂頭麤服亦未始不成佳致渭仁曰然西子以美而

健松齋集

傳序

丰

傳無鹽以不美而傳人亦貴其傳而已何必西子予
曰以爲美不必盡如西子則可若止論其傳子雲非
傳者哉吾人之文不傳欲其可傳可傳又慮其傳慮
之不得不慎之今渭仁傳矣慎矣予總總爲言者欲
天下後世觀健松齋集者并存予與渭仁之論以考
之而渭仁之所以傳者可知也昆陵陳玉堪

古文之不作於時久矣二十餘年來人稍知從事於
此其高者或詭而自軼於繩尺之外而卑者局趨於
唐宋人之後塵以爲近稱爲名家者如是而已此其
所以爲之者衆而卒不能至者不求其法與雖究其

法而不能自得之於已故皆歸於無所成以終也予
去年抵都下臥病於逆旅主人方進士渭仁辱投予
詩文刻本各一卷予久聞方子才以病不得見就枕
上取其詩文讀之觀其遣辭命意馳騁盡變一軌於
法而不困於法與吾所嘗聞於古人之言者無以異
也予未嘗及見古人然自謂古人去今不遠者讀古
人之言知其有所爲言者也以古人之文較之方
子今所爲之文而知其所以爲言者初不甚異則余
於方子之爲人其得之於心也久矣豈必俟其既見
而後識之乎今年方子過予綴其文若干篇屬予論

健松齋集

舊序

丰

定顧予自揣淪棄于時學殖荒落宜其無復過而問
之者乃方子非獨不鄙其愚於予有所商榷去取亦
忻然受之無悵情予於是知方子非獨能爲古人之
文者也其自得之於已以發爲文者特其餘耳迹其
用心之勤且厚如此雖與古之道亦何以異耶夫文
章者性情之枝葉也性情者文章之根本也今方子
既沃其根本而茂其枝葉矣則滋培灌潤之以著成
一家之言表裏六經以上訴於聖賢之事業方子將
獨以文見哉慈谿姜宸英

健松齋集目錄

卷之一

序二十二首

卷之二

序二十三首

卷之三

序二十六首

卷之四

序十一首

卷之五

健松齋集

目錄

序十二首

卷之六

記十九首

卷之七

記十首

卷之八

論五首

議三首

卷之九

賦八首

卷之十

表三首

頌二首

銘五首

卷之十一

書十九首

卷之十二

策問四首

題跋十九首

卷之十三

健松齋集

目錄

傳十九首

卷之十四

行述十二首

卷之十五

碑記三首

墓志銘五首

祭文七首

誄二首

卷之十六

辯二首

說五首

賈十二首

雜著七首

卷之十七

秋琴閣詩八十二首

卷之十八

展臺詩鈔上一百七十二首

卷之十九

展臺詩鈔下一百六十八首

卷之二十

健松齋集

目錄

三

錦官集上一百二十二首

卷之二十一

錦官集下一百二十八首

卷之二十二

四游詩八十七首

卷之二十三

萍留草七十三首

卷之二十四

都門懷古詩十六首

卷還篇四十三首

目錄終

健松齋集卷之一

遂安方象瑛渭仁著

序

重修遂安縣志序

皇上御極之十有一年 召大學士曲沃衛公於田間應 詔陳六事其一請 命天下郡國各修志乘宣付史館彙成通志 制曰可於是直省或以其志上遂安僻處山陬屬當修志郡侯梁公邑大夫劉公思任事之難其人也以命家仲兄象瑛暨不肖象瑛愚兄弟自媿謏劣何敢妄操筆削固以辭公固命之

健松齋集

卷之一

一

且曰嘉靖之志兩余公爲祭酒萬曆之志毛氏二先生生焉焉君昆季適當家食非遂志之幸乎且修韓志者君之曾祖祖父也續家學修邑乘其奚辭焉於是遜謝弗獲偕明經文學諸君子就局華嚴閣盟心誓日矢慎矢公已復念之遂當積弊之後旱蝗相仍愚兄弟曾列其實上聞歲省脂膏萬計然民困稍甦元氣未復使更遷延時日是供億之煩重苦吾父老子弟也遂然脂吮墨不匝月而藁成質正於兩公屬象瑛宣言末簡愚惟遂之有志舊矣元志聞有藏本遍求不能獲兩朱氏詞樸義簡尚多殘缺吳志收錄較

繁韓志芟除過畧損益而折衷之非可苟焉從事也是故志方輿矣山川不改則詳之志食貨矣戶口不加增而興革各異制則條分而縷晰之營建有志必稽其若者與若者發也藝文有志必擇其闢理道著綱常經濟匪是無濫收也文治詳禮制而鄉約新遊上諭昭德意也武備重弭盜凡舊制缺遺與近世所身歷稽其實而紀之懲亂本且不忘戰績也而謹小慎微卽雜志不敢忽焉若夫蒞治之賢否莫重於官師鄉邑之儀型莫要於人物選舉則尤加詳焉有諸志所未載今得之碑碣棹牒問或散見於羣書傳記者唐令李公廉劉澄未知縣李廷芝諸公是也丞尉教職舊頗寥寥詳考而序次之唐黃任宋陳彥諸公是也武職舊未列銜因其忠勳而特書之元上干戶高裕是也逐寇殉官舊志不應列於弭盜宋尉曹獻可是也才足任事節足垂型舊志乃不登於宦績明知縣袁政輩是也前代選舉舊詳甲榜而諸科畧焉是宜備制科所偶遺是宜增徵辟各有其途舊止總附續紀是宜別功在桑梓則補傳以表之列傳而品題有未當則更定以信之科目偶誤則從碑乘名地相訛則從家譜諸如此類不可枚舉大都旁

搜博采補其缺漏正其舛錯非有所要譽於前輩也毋使有餘憾焉爾迨夫韓志以後則創古而事今矣然賢侯先達以輿思公論爲衡孝子節婦以具題旌表爲定功令所未合不無餘歎焉不辭勞不任怨不避怨事取其核議取其公辭取其馴雅雖未敢謬希垂信然而虛懷相範上之副國家一統車書之盛大之應郡邑賢大夫詳慎之求下之慰六十里搜逸闡微之意穢史貽譏庶乎其知免矣是役也明經余君主文武雜志姜氏叔姪主營建藝文則諸文學任之方輿食貨則兄象璜任之而職官仕進考據最難惟家太學叔搜輯廿載故得事半功倍焉象璜幸承盛舉寧敢輕議古今惟是諸君子命人物一志與夫諸志潤色之任概不獲辭藁具於癸丑三月刻成於甲寅四月參稽確覈久乃審定後有作者尚其鑒此苦心乎然而難矣

鹿忠節公三世崇祀錄序

古者鄉先生有道德教於民死則以爲樂祖祀於瞽宗所以崇德興賢甚盛典也後世沿流失實高爵大位輒皆列祀甚或碌碌無所表見子若孫位致通顯亦不難厠名俎豆之間於是瞽宗之祭賢愚雜進高識遠見之士至以從祀爲辱是豈崇德興賢遺意哉君子於此亦求其無愧者而已余童時聞定興鹿太常名及來京師都人論叢輔人物輒稱太常父太公及其子解元化麟心益嚮往之戊午分校北闕得鹿子鳴嘉因得讀其先世傳志及諸詩文撰著甚悉嗚

偉松齋集

卷之十序

四

嘉故解元之孫而太常父子其高曾也太常理學氣節重海內天啓中與楊左周魏諸君子相友善魏忠賢竊政刊章捕諸公下詔獄時太常參佐孫高陽軍中太公獨領身營救及諸公先後考死子孫俘繫追比無虛日一時知交無敢出一言分一粟爲抹其惡者太公一田間老人耳家世清白閉門謹守亦何與中朝事乃不難忘家以赴諸孤之難釀金應比義聲動天下定興之園太常致仕家居無寺土責也斯時太公已老卽全身以事父何不可耆而捐軀赴難視死如飴解元匍匐闕廷哀號骨立卒以身殉太常嘗

對高陽有曰家君范陽男子太公於太常之死亦曰

吾見志必死今果然矣其家庭間忠義相信如此嗟乎一門忠孝古有之矣然或事起一時或禍延九族要未有父子祖孫從容慷慨各成其志如鹿氏者也太公父侍御公明神宗時以直諫謫謫當時祀之鄉賢康熙十四年今少詹王公督學順天以士民之請復奉太公三世金祀蓋祭於瞽宗者四世矣自常情視之春秋秩祀雖所以旌賢然在今日已成故事何足爲鹿氏重顧闕幽搜佚國家之盛典也賢如太常父子乃祀典缺焉何以稱崇德興賢至意故祀太公以愧天下之爲父祀太常以愧天下之爲臣祀解元以愧天下之爲子以視夫倖營而躡躡者蓋已遠矣且夫爵祿人所常有耳同朝繼相非不極一時榮遇然其人不必傳也今以聖人之庭郡邑之學宮祖孫父子儼然並列而不媿當時榮之後世稱之此豈故家世祿所能望哉吾聞仁人之後必昌鳴嘉今舉進士克世其家服太公之義推太常之忠思解元之孝以上承乎侍御之賢未竟之業意在斯乎鳴嘉於此亦求其無愧者而可矣吾安得天下之人盡如鹿氏而後無愧於瞽宗也哉

偉松齋集

卷之十序

五

馮易齋先生年譜序

吾師相國易齋先生既致政歸

皇上親賦詩寵其行於時先生年七十有四矣及門諸子請曰先生德盛業隆自通籍以來歷清要參密勿今躋高齡七上章乞休始予告歸恩榮周渥古大臣進退有禮孰有如先生者乎願先生譜敘生平以垂示後世昔宣尼少壯至老自述其所學而弟子記鄉黨不遺日用此物此志也先生笑曰吾生平無他才無繆以文學見知得逮事兩朝生平言語行事載在史官不可誣也安用譜敘爲顧吾念之自成

健松齋集

卷之一序

六

童以迄於今無一事不可告人非吾心所發吾弗言也非吾力所能成吾弗爲也吾雖不敢誇示於人然使他人爲之以文辭沒吾實豈吾之意哉顧謂毛子奇齡曰子能之爲一銓次其梗概使吾後世子孫知吾居家立朝其質行如此毛子再拜受命譜成象瑛受而讀之因語毛子曰先生之言語行事表見於時者多矣子所記毋乃畧乎毛子曰是先生之志也余嘗以草藁上先生矣先生刪者半存者半謂以是概吾生平是吾真面目也苟一語過其實吾反已而弗安吾遂不悅矣嗟乎先生之志若此此其德量豈常

人所可及哉嘗觀士大夫之爲年譜者矣曰紀月書

燦然備美卽守一官効一職無不纖悉羅列甚至同寮共事雖切非已出皆得並稱而先生之意不然也先生不因人而成以讓美爲恥至於贊大政與密議古人所爲歸美讓善焚削諫草人罕聞知者則慨然慕之是故年愈高爵愈尊德業愈懋而先生所欲存者蓋已寡矣魯論二十篇雜載門弟子之言而其行事在左氏傳及莊周韓嬰諸書多有失其傳者然使當日僅存魯論一書其他外傳不多見而聖人之盛德大業未嘗不於此書概之然則讀先生之年譜於其所紀以思其所不紀於其所不存而知其所存以是概先生生平所云無一事不可以告人不於茲益信哉先生貽書命象瑛爲序因拜手記於簡末不敢繁辭以失實是亦先生之志也

健松齋集

卷之一序

七

荒政考畧序

三代以上有荒年而無荒民三代以下有荒民而無荒政周禮以十二政理萬民其可濟今緩急者散利薄征而已散利卽今之賑薄征卽今之蠲一時之權宜未始非良法也後世農政不修常平社倉旣視爲具文一旦有急議蠲議賑夫大農金錢有限小民之望澤無窮非立法變通欲民無流亡何可得哉少叅西山張公起家名進士初宰仁和卽以循卓聞敷歷中外垂三十年比者奉簡書備兵淄青

天子右文詔舉博學宏辭之士備顧問公旣擅揚

健松齋集

卷之一序

本

馬之才兼優吏事當事以公名應徵詣闕下試有日矣會齊大饑詔遣部臣分賑公慨然曰吾守土吏也今歲凶民流乃微倖文墨不思安全之何以報天子俾吾民無流亡耶於是亟上書自請還青州至則倡捐輸招流移寬徭役設粥糜所全活甚衆夫惡勞喜逸人之常情也以公之才應制爲文章簪筆侍從直分內事且業奉召入都其視閭閻疾苦吏治艱難曠然若釋重負亦何必奔馳數千里爲斯民計生死而公不然也昔者富鄭公爲青州河北歲凶流民就食者衆勸所部出粟益以官廩得公私廬舍十

餘萬區散處之山林陂澤之利聽民自取凡活五十餘萬人天下傳之以爲法夫富公身爲司牧其爲民計誠切矣公旣膺內召乃勤恤民困若此然則良法美意固不減鄭公其舍逸卽勞之心又豈常情所能及哉公文學政事各有元本凡所設施皆從學問出之政修人和之暇時時著書自娛頃復取古今成績與一時變通之法爲荒政考畧貽書索余序夫求荒之政公旣身試有効矣河濟一時卽可通萬世可以治一郡卽可以及天下公之意非僅臨淄百萬戶已也今天下東瀕浩濶西北皆旱蝗

健松齋集

卷之一序

九

皇上軫念宣太諸郡至運京倉米賑之誠得公數輩奉宣德意豈復憂水旱哉余旣嘆公之用心度越常情而又喜其殫精經濟因樂得而傳之使天下後世知三代以下未嘗無荒政散利薄征得其意而用之良法固在也

四川鄉試序齒錄序

蜀都山川靈奇擅絕海內以余所歷連雲棧閣之險
瞿唐灘瀨之奇岷江奔流義眉秀削在西南另闢一
境故其氣之所鍾才人杰士照耀史冊勝國以來叠
罹寇亂頃又再被兵革人亡土曠滿目荆榛輶車所
至有百十里無炊烟者竊意凋殘若此即使淵雲輩
出亦何能操筆爲文字已復念之梗楠杞梓天寶生
之雖游遭斤斧而窮山遠谷中千尋之幹固不乏也
入關之日與銓部王君暨諸同事殫心蒐拔愛惜矜
護不敢率意塗乙得士四十二人每拆一卷當事輒
僊松齋集 卷之一序 十

額手稱得人余忤忤未敢信也當未撤棘時學使者
馮君訥生籍三川名雋三十人驗其得失榜發售者
二十有五副車三所未見者二人耳於是蜀人相傳
以爲極盛余私心自喜故事試蜀無遺詞臣副以吏
部郎者

天子念巴蜀甫定以文教懷柔遠人特有是命方慮
疎庸病困仰負任使今幸告無罪雖不敢附以人事
君之義然而萬里之行亦差可無憾矣今年春諸生
計偕京師以中卷額少舉南宮者二人皆余所取士
而樊生澤遠以解首得入讀中祕書諸生亦循例試

縣職學官以需後舉彙其同年序齒錄請余序余乃
進諸生告之曰諸生知所以序齒之義乎度非徒明
少長習禮讓侈氏族已也古人有言其人可及其年
不可及謂少年壯盛其精神才力足以致用而餘
今諸生年多二十以上卽最長者亦止踰強仕可謂
富於年矣出其精神才力爲 國家用豈慮其不足
乎繼自今惜陰計晷求盡古人之無窮上之館閣臺
省次亦方牧守令親民之官教育人才之寄居其位
卽能其職將坤維井絡之區文章若楊馬三蘇勳業
若范景仁虞雍公忠直若呂陶田錫理學若南軒鶴

僊松齋集

卷之一序

十

山以及張綱鮮于侁之政事邇韶陳壽李燾之經史
李白陳子昂之詩章爭先競美皆余所取士是則諸
生序齒之盛心而亦余不敏間關萬里以人事
君之一得也夫

遂賢講學編序

遂安固先賢講學之區也宋淳熙中邑人虛舟詹先生倡道瀛山朱子自鷺湖來訪賦詩有半畝方塘之句今池尚在焉朱子去貽書商訂格物致知之旨張南軒亦自蜀中寄書論學二書今藏其家蓋五百餘年矣邑博支先生以武水名宿來主學事體莊氣和言規行渠于聖人之道業身體而力行之時時進諸生論難所著講學編學者稱之謂虛舟復見夫講學非古也三代盛時天下之教皆由學校天子有太學諸侯有國學以至黨庠術序莫不有學主其教者國

健松齋集

卷之一

序

之卿大夫其入而受學者元子適于與凡民之俊秀道德一風俗同抑何盛歟後世學校壞而後講學之說興始于漢盛于唐極于南北宋鷺湖鹿洞之教天下宗尚焉其後書院徧海內論議滋繁貞邪雜進有明之季東林講席遂與國運相盛衰何者教不出于學校而驚名者失其實也今天下教化興行聖天子方崇儒重道御書萬世師表頒賜學官又表章先儒六祠及嶽麓諸書院所以教天下者至矣先生當右文之世居其官能盡其職是古者設教明倫之實心也亦何俟筆之爲書始足垂示後世而先

生孜孜不敢懈究天人理欲之源流析濂洛關閩之同異醇而不雜大而不偏蓋自秉鐸以來七八年間以身爲教而未嘗驚講學之名可謂賢矣余生平不喜講學竊謂學不在講講則爲學必不實倫紀之內日用之間各循乎理之所當然出則爲良臣處則爲善士言行可師衾影不覩所謂雖曰未學吾必謂之學也不求其實而徒鐘鼓登堂旅進旅退問答數言語錄數則此老生常談于聖人之道何與彼村農里婦至性所發動符聖賢豈待講學而始能哉余所持以論學者如此先生屬余序因舉此質之夫師道不

健松齋集

卷之一

序

立久矣士習輕浮人心僣薄有造士之責者又競尚虛名不復以實行爲惡故風俗日趨於下觀先生之書曰遂賢尊師重道之地不必其書院也曰講學與教育德之方不必其具文也使天下之爲師者皆如先生三代學校將復見其盛區區聚徒會講以竊虛名吾知其有所不屑已

今文短篇序

昔教祭酒英選古文短篇上下數千年而登者不數
百高古雋永藝苑寶焉錢唐諸君虎男讀是書喟然
嘆興遂集近時各作爲今文短篇方于讀而快之謂
虎男之果善取長也凡文之至者其言必簡上古渾
渾噩噩尚已左馬文章之祖其敘戰陳讎會諸大事
非不纖悉備具然言不煩而意則無盡乃知後人累
牘連篇雖才氣橫溢亦由筆舌間實不能了人謂不
善用短吾謂政不善用長耳虎男之爲是選也語約
而體該節短而味長舉類小而取義大九州之廣千
健林齋集 卷之一 序 古

許貞婦傳後序

余友海寧許孝廉汝龍示余許母潘貞婦傳且屬余
序蓋其族之曾大母也當明嘉靖中貞婦年十六歸
同邑許釗踰年生子淮南期而釗率貞婦視殮畢闔
戶自經死三日矣有老嫗過之曰是可活也投之藥
果甦嫗忽不見族伯某素與釗郤百方窘辱復令人
誘之嫁將不利於孤貞婦毅然誓必死伯度不能奪
結豪家奴夜劫之貞婦負淮南踰垣走至河干追者將
及之仰天號慟遂投于河忽獨木浮出憑之以渡達
母家依兄弟爲生淮年十九始同歸許淮尋補諸生
健林齋集 卷之一 序 圭

古之遙忠孝義烈之奇山川人物之勝與夫文史經
濟窮源溯流莫不於尺幅中見之昔蘇子以簡線爲
揣摩簡線之至古今長篇莫過於是卽天地大文亦
莫外于是矣使徒以片言相高而無關於立言之大
豈虎男之意哉謝征西八千兵走淮淝百萬衆文
與可畫簣管谷偃竹數尺而有萬尺之勢嗚呼盡之
矣

連舉五子貞婦年五十矣誕日召宗族會飲伯某亦
至母曰伯幸亡恙氏所以得有今日伯成之也命淮
酌卮酒爲伯壽旣北向再拜曰未亡人十八殞所天
三十年苟活者以有淮耳今淮幸成立且多子未亡
人復何憾語畢趨入比宴罷諸宗族同淮入謝則貞
婦投纆死矣有司旌其事其渡處至今稱獨木橋焉
方子讀之不禁喟然三歎也曰嗟乎傳有之可以死
可以無死死傷勇其貞婦之謂乎事故未可一概論
也方貞婦夫亡子幼擲掄者百端死於縊死於水是
真可以死矣而卒不死及乎撫孤成立授室舉孫年

且五十此時卽舍館課讀受子孫之養以終餘年豈復有議其不死者哉而貞婦顧斷然必出於死則何也昔者下宮之難公孫杵臼死程嬰匿趙孤而立之蓋生者誠難耳迨武既冠成人誓已報位已復矣斯時優游諸大夫間爲趙氏遺老詎不身名俱美而嬰必斷然自殺而不顧誠謂不死固無以報宣孟及杵臼也嗚呼貞婦之心亦若是焉已矣世衰道微忠孝節烈之事闕焉罕見甚且食人之祿不死其難而臣事他人取高爵厚祿方且揚揚自詡曰吾向者非不能死所以不死者以有今日耳嗟乎旣已不死而又

健松齋集

卷之一序

七

自幸其不死以視貞婦爲何如哉故君子論人於忠孝節烈之際與其不及也寧過

鄴獄存稿序

余友毛君會侯理彰德以明允著稱習撫重其能凡大疑獄悉委之君虛公推鞠成案有不當者反復詳請必求得其平而後已兩河之民翕然稱之余公車過鄴讀其獄狀諸牘委曲詳盡而哀矜惻怛之意溢于楮墨間所謂居其官能其職蓋無媿焉夫理官所以持刑法之平也其職與司寇廷尉相表裏而繡衣巡方則倚之爲耳目故貪墨畏威豪右斂跡使天下無冤民秩雖卑任綦重矣自世之服是官者不思

健松齋集

卷之一序

七

害所關則依阿兩可漫無所更定甚且徇私殖賄有入金爲曲直者矣視祿位過重民命常輕卽有呼號宛轉于其庭亦何能爲斯民平亭疑法哉無怪乎資疣其官一罷而不可復也君居其官獨能其職使殫心久任何難弼成化理乃李鄴甫二年以內艱歸矣服闋補牂牁又抵任復裁缺矣改令樂城已非其志而遭太翁之喪里居更數歲嗟乎此豈獨君之不幸也哉余與君少同學每盱衡古今輒以不負此心相期許或者謂吾輩坐而言未必起見諸行事乃君果若此視世之浮沉祿位者何如哉惜諸牘燬于寇存

稿止數十篇而哀矜惻怛之意大畧可以類推昔歐陽永叔爲西京留守推官有政聲予瞻理開封尤決斷精敏若固學爲歐蘇之文者也後二公而居其官復以其文章發爲政事使天下後世知理官之設實有裨於民得賢者爲之皆足持平而達其枉而因使服是官者惕然於官守之所重以仰副朝廷置吏慎刑德意則是牘之爲功又豈獨兩河已哉

健林齋集

卷之一 序

七

梅峯課業序

古者家有塾黨有庠一年視離經辨志三年視敬業樂羣論學取友之功極於知類通達而其效遂至化民而易俗由今觀之抑何求於已者專而資於人者無不盡哉蓋求已者不專則時過後學必勤苦而難成資人者不盡將獨學無友非惟孤陋寡聞抑或以燕朋廢學是故君子慎之重其事于家塾黨序先辨志次樂羣而論學取友反俟之小成以後謂夫能論學取友而後可爲小成即大成之業不外此也後世庠塾制廢學校而外所爲論學取友者其惟會課乎

健林齋集 卷之一 序 七

氣親志合或亦君子會友輔仁之意然士風不古聯袂招搖卽間行課藝亦詭誕酣歌虛糜歲月甚且結同類爲黨援文章聲氣之禍始于一二人而中于天下國家嗟乎論學取友古人所爲興教成德之方也以若所爲是豈君子所宜尚哉青溪諸君其人皆身衣舊姓也其齒盡終買也其業本經傳崇先正非聖之言不陳也其行稱先服古不知有佻達之尚也其切劘之益月有課歲有程求于已者專而資于人者復無不盡使爲學悉如諸君三代庠塾之美將於是乎存而豈斤斤焉呻其佔畢哉猶憶辛卯壬辰間與

同學兄弟讀書語石山極一時人文之盛今顧毛皆
種種矣觀諸君少雋殊有年不可及之嘆顧聞之古
人贈言之義頌不忘規且諸君方以古人自處而予
敢以今人待諸君乎因舉學記之語推廣之以爲諸
君勉異日者以知類通達之才爲化民易俗之用而
皆於論學取友時具之度非徒分長角藝已也吾聞
青溪之山有峯嶙嶙秀列望之若梅花五出宋時吾
家蛟峯與黃營齋何潛齋兩先生同學相繼登巍科
有明三百年科名事業推商文毅說者謂得茲峯之
秀諸君生其鄉或出其裔景行前哲誰謂古今人不
相及哉

健松齋集

卷之一

序

選詩彙刪序

少時不喜觀選詩厭其排比索索無生氣然觀子美
詩熟精文選理又似作詩必不可不熟選詩者心頗
惟之比在館中始稍稍取選詩閱之朝廟館閣之作
取材漢魏擷采齊梁三百篇以後唐人以前自不可
無此體製特當時雅尚駢比昭明是選亦從其性之
所近耳若謂古人之詩以選爲定則樂府古詩奇崛
古奧者多矣卽曹氏父子以及陶謝諸公自出性靈
傳作亦復不少顧舍彼而取此何也鍾伯敬謂王粲
公譙從軍諸篇多乞氣語雖似刻然仲宣實不能免
此至謂大陸一生止民動如烟四字小陸亦止天地
則爾戶庭已悠二語未免過甚夫平原才具極大累
處時有之安可一概詆訶耶選詩舊皆分體苦於尋
涉吾友慈谿姜西溟彙而抄之各從其人而習見熟
聞者去之不獨觀覽最便而文章氣運之升降亦大
畧可觀余猶病其去取過恕未能快然心目歸舟多
暇復取而刪之汰其滯累簡其清英砂礫盡而精良
出非敢謂選詩以定亦從乎余性之所近耳夫詩
也今天下奉是書久矣舉古今共推之人人所共推

之篇一旦去之而不顧未有不見而怪焉者公謂
所不計也存之苛饒以適吾意初未嘗有意棄取古
人亦何必求合今人哉

健松齋集

卷之十序

圭

聞乘序

余友徐君武令家貧喜著書所撰述十種析經史詞
賦之源流極事物見聞之細故亦綦博矣聞乘一編
則有明三百年彙所聞而筆之者也其體倣世說新
語其事本國史家傳與夫稗官野史爲卷二爲目三
十有二余讀而善之嘆其用意深篤使三百年賢士
大夫嘉言懿則粲若列眉卽壬人末技一言一動亦
得纖悉具備而因使天下後世讀其書者曉然於法
戒之所存夫紀事之書左馬尚矣左之重在事馬之
重在人左之重事因事而得其人馬之重人因人而
得其事兼擅所長蓋未易覩矣宋臨川王生魏晉之
後人尚風流言多僞承所述世說賢者資爲勸懲詞
人挹其情致紀事之長殆庶幾焉武令擅左馬之才
而窮愁著書獨綜三百年所聞而哀輯之夫三百年
中所爲嘉言懿則與夫壬人末技之一言一動亦復
何限然或分見於史傳或散寄於稗官野史數世以
後卷帙散失若存若亡使賢者無以自著而不肖者
反因之以藏其醜亦何由曉然於法戒之所存哉故
余謂武令蒐采之廣彙集之勤學士家類能之而用
意深篤則非徒掇舊聞已也余嘗有松窓雜述一書

紀數十年來耳目所經之事然皆得於邸抄由於傳聞非參稽確覈不敢率意命筆故屬藁至今未定夫武令能取三百年已經紀載之書哀集而使傳而余不能使數十年之事成書以垂於世著述之難如此然則傳人傳事豈不因乎其人哉

斐園讌集序

余既作思古堂雅集記嘆良會不可再乃相隔旬日又有斐園之遊賞心樂事半月中兩遇之顧爲樂有同有不同思古之會雅黃諸子招飲也斐園之召則仲昭丹麓蓋思絜符諸子也諸君皆西陵之秀余得遍識而定交焉樽酒相邀不問賓主其人同也論辨詩文盱衡今古雖促膝雄談言不傷虐其情同也赴思古時值盡思偕往頃發三橋復遇武令遂拉之舟行相顧而笑若互易然其事同也然又以不必盡同爲快倘務循一轍是千古讌遊時必蘭亭景必金谷

趣必西園而後可耶思古門巷蕭寂以靜勝斐園泉石亭臺松栝竹木以遠曠勝遠望西湖兩峯宛然几席菱渚麥疇黃綠相映則境不必同集思古者九人畧具杭墅之盛茲遊則十有六人而鄴中牛明府由富春停車湖墅蔣子馭鹿來自晉陵千里萍踪曠然而合則遊侶不必同向時品竹調絲靡曼可聽遂至達旦此則醉石酌花轟飲盡三鼓且絜符謝絕血味酒鹽不入唇而酬應不倦情致更復不同夫同者固佳其不必盡同者亦復更佳若夫訂行前一夕零雨如絲別之時滂沱竟日獨留此風日恬熙之片晷俾

得遂登臨而適情與天之與我何如又何必感歲月之遷流悵後期之難覩哉諸君各分體賦成屬余序其事正未知季倫逸少蘇米諸公豪遊高宴亦屢有此樂否也

松溪子序

學至乃可以擬經識超乃可以續子子者經之餘也顧經義蘊渾涵不使人一望而竟挹之而愈深味之而愈永子則刻畫惟恐不盡峭厲孤雋或別爲幽深幻渺之言以自異要其旨歸初無餘蘊乃世之學者每快意於子之爽然心口而於經則對之欲臥無怪乎離經畔道者多也莊列而後以子名者何啻數百輩惟河汾稍爲近道蓋以子之識闡經之學故足述焉法言元包鉤奇弔詭彼且不堪續子何況擬經故經不可擬子亦無庸作也松溪子非有意擬子也沈健齋集

卷之一序

吳仲明先生醫驗遺書序

醫者意也意不可預定按脈立法因時辨方變施於神明之中亦揆之於理而已甚不吝執古法以治今也使謂守古方可以療疾無論素問難經深渺罕通即使東垣祗循乎仲景立齋務執夫丹溪肺腑能語必且笑其寡當矣故局方者古人以意爲之者也時移氣變古人之意亦盡矣能濟以我之意斯變化出焉庸醫不辨天道之盈虛人質之強弱受病之虛實藥性之溫寒一以局方爲定引指調氣亦似深有所得者而并誤乎強動無生理此非敢於殺人也師古而

健松齋集

卷之十

序

不得其意貿貿焉以人命爲戲固猶夫談笑而殺之也內父吳仲明先生生世胄文行藹藹序序闕并業醫者比也先世廉憲公精醫蘊比部公禮之皆以施方濟物爲志先生習聞家學綜羣書而神理之蓋殫心者三十年矣先生之言曰儒者之醫先明氣運廿年以前人體多熱宜用清涼近今以來入世多寒宜用溫補且服熱而誤十可救九服寒而誤百無一生故其按脈製方不必與症對而施治之理難以培元氣固脾土爲本蓋土者五行之母氣者諸陽之總母壯則子盛陽生則陰長持論有最精者時醫莫不心

誹之然先生施治立應全活歲數百人或者謂先生

生平所用率本理中異功而權衡之得無偏於燥烈而不知非偏也予嘗見其白痢用芩連赤痢用薑桂目疾宜寒矣而參附奏功胎產宜溫矣而石膏獲効神明變化初非執一道以爲用蓋意不前定以理之所存爲意此乃所以善用其意也先生初未嘗著書乙巳過予視痘疹勸其立說垂世始彙集生平治驗冠以論辨甫及半而殁纔十八篇而神明變化之用大畧可推使稍假以年振聾瞶而起天札豈淺鮮哉雖然趙括讀父書而喪師荆公用周禮以亂宋天下之事莫不皆然徒守先生之書而不能神明其意參附之誤與庸醫等耳吾安得起九原而與之謀利濟哉

健松齋集

卷之十

序

地理十種序

天地之靈氣在山川非人智術所能測也然自有山川以來青島管郭輩皆以形勢驗人禍福豈後世曾廖賴始稱名師哉頃地理之說興而人皆惑於禍福大江以南至有數十年不葬者其始審視吉凶因循歲月究且日久人繁議同築舍欲厚其親而不知已出於薄誠不可解也古者三月而葬傳曰卜其兆域而安厝之儀禮亦言冢人物土夫既卜之而又物其土宜即安得不求吉壤審形襲吉毋失其時是則仁人孝子之用心已矣仲父太學君博聞強記少時即

傳集

卷之一序

三

究心地理想從華師樹地輒指某也吉某也不吉往往不爽自是益心喜自負躡屐登山窮覽古規格其學以形勢為主嚆棄時流以爲不足語蓋潛心此中者三十餘年矣比年聚書益多皆諸家秘本而犀精爲最所謂讀雪心賦以後諸地書以前不可不亟讀犀精也夫犀精一書余未得涉其旨趣顧念禍福之說中乎人心漸且沿爲風俗彼忍於忘親者無論已卽或甚愛其親而貧者詘於資富有力者又且展轉悠忽任之不得其人求福得禍比比而是而一時狹技求售之徒目未見全書輒倚羅經往來公卿士庶

之門曰吾以相地率之形理背謬茫無徵據至使聰明有意之士深鄙其人以爲不足語而所謂潛心力學者又未能使其親安然妥覓覓仁人孝子之心固如是哉叔父既精心此學而復得異書以廣其識於以妥先靈開示當世當必有大異乎流俗之所爲者顧學之數十年而未嘗輕試何也倘亦學愈高志愈慎固有不取自恃者乎嗚呼難矣今年秋議盡出十種書行世不果大兄捐貲刻犀精叔父貽書屬余序因質以所見如此世之讀是書者曠然於山川形勢之故而確焉自斷於心不爲流俗所眩惑而挾技求售之士從此得新其聞見以爲福於天下庶其有當乎余生平不諳技術每念拙守一官二親尚厝淺土近又有妻子之喪南望涕零形於夢寐明年史事竣擬乞身歸田里求所謂犀精者而讀之與諸君子訪求山川以畢吾志然未知何如也語曰穴在心不在山人不能存此心以孝其親而徒倖營吉壤彼眠牛伏狐豈智術之所能及哉

傳集

卷之一序

三

演禽數學序

演禽數始於黃石公行於子房孔明傳於劉誠意其術上參天道下極地理中究乎人事丹禽修煉宮會行師今所演乃時禽也取二十八宿所屬之鳥獸記五行貫六甲通乎四時七十二候三百六十日辰彰往察來蓋亦奇矣某君頃始學之請余爲序余生平拙於技術凡星算占卜以及琴奕丹青楊柳六博之類庸夫豎子所能爲者皆茫乎不知所由入何況於數顧家世受易易以言理亦以言數理立而數行乎其中故自河洛以來有一定之理卽有一定之數吉

便林齋集

卷之一序

三

凶禍福各因乎其所自致所謂儒者信理不信數也演禽之數亦若是焉則已矣若夫禽之爲義或亦原於庖羲乎昔者聖人仰觀於天文俯察於地理觀鳥獸之文與地之宜於是類情通德爲萬世言數之祖今以絕不相關之鳥獸演之中乎人事則近取諸身遠取諸物非荒渺而不可信也況其說兼通於八卦倘亦有與圖書相爲表裏者與吾聞之業成於專荒於雜天下之務莫不皆然誠守是書而益精之以理推數以數窮理將通於易可矣京焦管郭夫獨非以數名者哉

內黃尚氏家譜序

家之有譜猶國之有史所以昭信紀實重本篤親使後世子孫不敢忘所自也蓋枝分派行之際系序易淆非筆之於譜將數世以還茫然不知祖考所自出或相視如秦越焉故家譜之作於蕃衍之日者誠亟而作於遷析之初者尤不容緩也尚氏之先出於內黃東長固里世以武功顯至邑佐素侯君始舉明經佐尹淳安蒞治九年循聲藉甚今年冬奉檄護遂篆寧靜安閒澹然無事古所謂仁厚長者也一日手家譜詣予曰吾家世居燕左始祖武德君迄今十世載

便林齋集

卷之一序

三

在舊譜不以煩君聽獨念吾父邑庠君生吾兄弟齋志蚤殞兄騰鳳開國初從平藩征粵有功除高要武城司署邑事遂偕三子占籍粵東吾幸叨恩選待罪鄰封今已五男二孫矣早失怙恃兄弟睽違冀北海南時移地易心竊懼焉因筆爲家譜且授字命名俾毋紊祖考以昭信也君曷爲我紀其實予聞而善之蓋凡族姓之始歎然一父之子也久之而親者疎矣又久之而疎者遠矣矧分疆異地系序闕焉其相視若秦越者勢也君當政事之餘惻然念祖考所自出既有承復有圖用心可謂厚矣異日者君與兄之

子若孫各祖其祖雖南北懸殊而按譜以稽森然有序譬諸黃河之水千里九曲穿龍門過積石以達於海其始固同源星宿也讀斯譜也油然而孝敬生藹然而禮讓接重本篤親毋忘所自是則君之志也夫

序

茶坡方氏族譜序

茶坡族兄錫公氏自爲諸生卽蒐輯家乘已未計偕京師索余序適余應 御試旋奉 命纂修明史未以應也今年錫公成進士復以相屬余乃舉厄酒告之曰君亦見夫治室者乎經之營之又從而垣墉塗墍之室乃成矣然久之不能無敝壞也循其舊而新焉繼起之難常與創始等君家逸齋府君之自東郭遷茶坡也嗣續妣祖誕啓子孫所謂創始者也少參公承之篤宗祊明系序斯觀成之會乎然距今又二百餘年族益盛人益繁親者不能無疎遠者不能

鍾林齋集

卷之一 序

五

無渙散墾族而新之是所望於繼起者矣蘇氏曰國有君邑有大夫而爭訟者訴於其門鄉有庠里有學而學道者赴於其家鄉人爲不善者其父兄相與恐曰吾夫子母乃聞之夫所謂赴於其家而畏其聞之者果何以得此哉必其德足以式鄉閭不則爵高齒茂爲族人所仰望者也自宗法不講父兄之德未嘗先而子弟亦不復率其行咻道戾志相習爲固然而一二爵齒具者又多不能自處飭羣起椰榆之於是鍵戶緘口漠然若于我無與而族之敝壞遂不可復振嗟乎凡吾所謂族人其始固一父之子也漸而至

於習爲固然又漸而至於漠然不相與此豈故家世族所宜有哉君幸承世德而又膺國家優造之選是祖宗所式靈而族之人望爲表率者也嘉與父兄子弟敦本篤親以睦九族豈徒驅從呵導赫然侈鄉人光寵已哉今之爲是譜也惟逸齋府君創始之心與夫少叅公勉勉觀成之業明少長別親疎舉族之父兄子弟循習於孝弟之經睦嫻任恤之意使夫出入相親有無相恤疾病患難相扶持男事敬於外女職修乎內毋侈靡驕佚蕩其心毋詬詈德色傷其氣毋游閒聲色貨利易其性情士農工賈各有常業以

建林齋集

卷之一序

美

事祖考是則錫公繼起之盛心而亦逸齋諸公所重有待於後人者也書曰若考作室既底法厥子乃弗肯堂矧肯構言創承之難也惟逸齋府君克昌厥始惟少叅克舉厥中惟吾錫公克嗣厥後凡我族衆尚其共勉之無忘世澤矣哉若夫吾家世望河南駁侯之裔蔓衍天下固諸宗所自出少叅公業載爲前集無俟余言爲也錫公歸以此送之并書爲序

章氏族譜序

邑中多巨族而人繁物阜家學相承莫若章氏章出齊支庶初封鄆後去邑爲章唐末任鈞公刺建州夫人練氏有全城功建人德之墓在府治內余嘗讀其遺碑爲之太息子十三人蔓延海內邑所傳則第三子仁崗公後也章既世有令德而又居當山水之勝自鳳林達于龍津背三台面發峯鬱然秀蔚者爲珠淵派出北郭而西界連嶽歛山翠嶺而水清冽爲貂山派二派上下相望戶口殷蕃財賄饒沃自宋以來薦紳子衿代不乏人可謂盛矣然其所以盛者非無

建林齋集

卷之一序

美

故也家世勤儉敦尚淳樸其士大夫修詩書明禮讓以教子孫氓庶之家力田服賈各勉所事有無相通患難相恤守望捍禦相助故能保世滋大數百年如一日藉令聚族而居士農工賈無常業將游手游食邪侈相尚先世詒謀之善蕩然盡矣亦何能世承令德歷久而弗替哉顧二派分處譜系之修闕焉未講成都永新舒城諸公先後編輯率因循未就吾友范山系出珠淵既舉進士始合族人而重修之支分派列然有序傳不云乎治國先齊其家范山之敦倫睦族若此異時出而服官移風易俗使民藹然知敬

愛其父兄教育其子弟其道不外乎是矣吾家曾王
母封太夫人實出貂山家助教侍講兩叔皆珠淵臂
而侍講配章宜人死難最烈則范山姊也今會同諸
父子又皆胥吾門兩家迭爲姻好故稔其世德甚悉
吾聞之源遠者流必長根深者枝益茂章旣以閭閻
甲里中從此尤加勉焉教勸教儉勿替厥澤使後之
志氏族者知吾邑名族莫盛于章氏且知章氏之盛
由于世德是則范山修譜之意而亦章之祖若宗所
深望于後人者也詩曰無念爾祖聿修厥德二派之
裔尚其毋忘世德也哉

健松齋集

卷之十序

美

東南輿誦序

戊午春 詔舉博學鴻辭之士今撫軍宛平金先生
暨少司農嚴先生皆首以象瑛應時先生方長御史
臺其實心實政固已嶽嶽朝端澤及天下矣丙寅初
夏先生自閩移鎮兩浙象瑛廷於三衢時淫雨暴漲
田廬漂沒數百里人民緣岸哀號先生俯詢災黎憂
形詞色輕舟往返躬閱捐金分賑昏墊之民賴以存
活者數萬家是時先生之澤甫及東浙而遐邇聞風
已手額稱慶而咨嗟嘆慕之及建節武林首宣
聖諭條分縷析申誠愚蒙不數月政化大洽諸如禁

健松齋集

卷之一序

美

苞苴抑奔競課士師商和輯兵民以及增高市橋拓
棘闢號舍實心實政卓然見諸施行而尤異者杭城
民居稠雜火患最甚先生殫心殫力復製繩以救民
得無患丁卯夏大旱步禱天竺旬日間澍雨霑足夫
至難感者人心而不易弭者天變天且可格而况食
德之士民乎象瑛年來就醫會城親覩先生善政種
種而軫恤民艱輾轉不遑之意仍不減目擊災傷時
於是歎先生愛民之誠憂民之切宜其深入乎人心
而不能去也兩浙士民歌頌載道偶一哀集而詩文
且盈笥候都人士緇衣授梓傳之久遠夫感恩慕德

人有同心故恩施偶及有一飯不忘者矣匹夫爲善於鄉有爲之流連弗置者矣彼古之所謂良吏者循分盡職不過一政之美一時之澤而其民謳吟贊歎光流史冊矧先生以節鉞重鎮百寮之所表率十一州郡之所瞻依一舉措而當一輿輦而宜其利及於民者何如而謂此途謠巷視果足紀其萬一哉然不可謂先生之實心實政不於此少徵其概也獨是先

生弘才懋德簡在

帝心從此孚德升猷施及寰海天下之人將謳吟贊歎之是集也豈獨吳越一方之幸也哉刻成屬象琬

健林齋集

卷之二

序

識末簡幸附門牆因舉先生之實心實政如此輿論攸同非敢阿其所好也

黃氏族譜序

西澗黃氏世有令德其人多淳謹有萬石家風自殺齋公詔始以明經歲薦自時厥後沔陽學正應元河池丞九官寧波教授九功雲和諭正中選貢金兼世德相承一經授受文學行誼之士後先繼起常數十人里中稱儒行者首推焉予家里閭相望曾王父壽寧公與雲和公以師弟爲昏姻今選貢公配耄且隤者予祖姑也先王父復與雲和弟太學君相友善予兄弟讀書語石雲和孫凝禧同筆研又最久蓋交好者五世矣黃氏既爲邑望族先世胤基公梁太清中

健林齋集

卷之一

序

由湖湘遷遂安珠水任公再遷東郭崇二公自東郭移市心先公復自市心卜居西澗其家譜創於道宗公前後凡三修沔陽兄弟增飾殘缺先相國實序之所謂地靈人傑世德高門是也距今又六十年生齒益繁舊譜漫漶諸文學乃舉而更修之支分派列而遷遂始祖則斷自胤基公可謂核矣方沔陽公修譜時閩人黃理黃中鵠漢太尉宋涪翁二像及海內黃姓名族彙成十二冊諸公約同附梓公閱所刻率合傳會與家譜異乃謝之其人拂然去嗟乎家之有譜所以傳信使人知祖宗所自出也攀援蔓引動侈華

胄甚且合先世之源流徇他人之祖父繪爲遺容撰爲傳贊自欺欺人恬不知惟而人之披其譜者亦不復考據真偽見簪紳赫奕輒相顧歎爲巨族於敦本睦族之道反漠然若無與沔陽公於此不誠有過人者哉予嘗謂昌宗之舉與辱宗等年來編次家乘凡受姓以後悉列爲古系而遷遂之祖始自震四公其間訛舛脫誤槩以史家闕文之意通之自謂頗有當於傳信之義今黃氏之譜亦然蓋世俗相沿廉恥道喪知此者蓋已寡矣今年養疴西泠選貢公冢孫雲英亦寓湖上偶及兩家譜牒嘆所見畧同雲英請予儻不棄集

卷之一 序

罕

序因書此告之黃氏子孫既曉然於祖宗所自出從此敦本睦族毋忘所自而又修詩書典禮讓本先業而光大之以上承乎累世傳經之舊使後之讀是譜者謂江夏世德乃傳信如此其裨益於人心風俗豈獨一家已哉

孫節婦孝節錄序

爲節婦難節而孝更難孝姑章兼孝父母則尤難余於孫母聖節婦不禁三歎也當節婦之刲股療其夫也爲侍婢所窺以爲自刲也奪之而夫以死執執孤兒相依爲命其不堪告語者正多也及姑病手足耳目皆廢節婦刲股療之病果起使救夫之時婢不疑而奪之精誠所格安知不以愈其姑者愈其夫乎是有天焉節婦固無如何矣未幾舅又病奉飲食伺湯藥潔衣襦指使僕隸舅安之而不知若此者豈不難哉然而婦道宜爾也節婦吾友只嬰之女也只嬰年六十餘未有子又大病女既嫁而婆詎能兼顧乃節婦延醫禱神備殮具寢食俱廢者四十餘日而只嬰亦遂得生於是迎養於家置一姬以侍今只嬰垂老而獲子者節婦之賜也善乎只嬰之言曰忠孝節義苦事也不苦不能爲不耐於苦不能再卽再爲之亦不能久且効而節婦兼焉昔者麗婦乳姑孝於姑而未聞孝於舅繼索代父救父之生而不能延父之後節婦豈巾幗中人哉 國典婦守節至五十例得旌表節婦明年壽五袞矣孤鳳翻錄只嬰書堂記事徧求名人詩文爲母壽余過由溪與只嬰班荆話舊只

儻不棄集

卷之一 序

罕

要屬余序因書此報之嗚呼若節婦者可以

健松齋集

卷之一 序

三

健松齋集卷之二

遂安方象瑛渭仁著

序

益都先生佳山堂詩序

昔孔子刪詩一言蔽之曰思無邪夫詩以道性情而思者性情之所發也思出於正貞靜專一可以感人心易風俗不得其正而雜用之其憧憧往來於吾心者蓋不知何如矣故欲治詩先治思思固詩之本也吾師益都馮先生文章行業朝野倚重者三十餘年自官侍從至掌邦禁所謂進思盡忠退思補過者

健松齋集

卷之二 序

一

業孜孜勿替輔政以來經綸密勿仰佐太平士大夫皆能稱道之乃先生政事之暇正襟危坐門無雜賓與二三及門揚屹風雅發爲詩歌繫纍成帙象瑛受知先生又得與邸第接近每入侍輒命取新詩授讀竊意先生遐齡碩德爲國元老卽稍自娛樂亦何所不可顧乃勞神瘁慮如此先生固曰吾非欲以詩名夫人精神有限思無窮不善用之將聲色貨利雜然不可復問矣故吾以詩靜吾思非必與古今詞人較工拙也嗟乎世固有貞靜專一若先生者哉未有詩而思赴之既有思而詩又絡繹赴之一日之中治

其思如是豈復有雜然者往來於吾心乎然則先生之詩先生之思之所寄也貞靜專一之極發於性情止乎禮義潛移默化乎人心風俗而不自知以相天下視此矣在易之艮曰君子思不出其位而孔子正樂又曰雅頌各得其所夫易言位猶詩言所也思適其位則詩復其所矣故思正詩亦正也依永和聲與宅揆亮工金命周南召南豈泊然一無所思者哉佳山堂詩刻成因推先生所以作詩之本若夫性情之發若者風若者大小雅若者頌門弟子既各述所見余小子何足以知之

龍溪集

卷之二

二

大司農梁先生詩集序

象瑛下國監儒獲游今大司農真定梁先生之門先生文章在翰苑德業在中臺出其緒餘軼蘇辛而駕何李象瑛幸竊窺一二然未敢請也今年僑居錢唐先生從子允植適宰是邑刻先生詩詞若干卷象瑛受而讀之輒嘆先生之志無所不周而特於詩寄之也夫詩所以言志也志在廟廷其詩必莊以肅志在田野其詩必靜以深志在天下國家其詩必淵厚而廣博是故古之大臣入侍清華出領幾務其忠君愛國之志往往見于篇章持之忠厚發之和平非必與

龍溪集

卷之二

三

一時詩人較工拙也蓋所謂詩人者非有廟廷田野之異其趨天下國家之煩其慮也故其志易竟而其詩易工若夫名卿鉅公其人既繫天下之重輕其詩亦遂移易天下之風氣何者權愉之日志易荒而拂情之來志難定也先生之由禁近而領度支也朝野倚重三十餘年矣時海內承平侍臣皆優游暇豫使稍自荒逸亦何事不可自娛而先生壽國餘閒時時賦詩以見志蓋以詩為教視惜陰運變加勤焉丁未以後境稍殊矣單車歸里無戚容特詔起田間亦無喜色夫進退之際改其常度者多矣一觴一詠不

忘 君父此其志豈易窺乎且今天下亦甚煩同農

矣冠叢于疆卒繁于伍日費數千百萬之金錢致置

宵旰當其任者非仰屋嗟咨即急治末而忘其本

耳經營勞瘁之餘誰復詩詞贈答宴然若無事如先

生者哉然則治亂何常惟大臣之志足以定之志定

而治成其象先見于聲歌而非僅于詩寄之也今試

讀其詩掌邦禮以前莊以肅者其頌之遺乎歸田諸

什氣靜而思深殆得于雅乎兵農禮樂之大譙勞登

眺之章淵厚廣博者十五國風之正聲乎即以追美

風人之志夫奚媿焉昔蘇子瞻爲歐陽公所取士其

集

卷之十序

甲

作六一居士集序稱公生平大端而獨謂其詩似李

白夫品行如歐公較白誠遠甚于瞻蓋即公詩舉其

似耳先生文章德業今之廬陵竊就所爲詩論之包

舉漢魏變化三唐其體無所不具而忠君愛國之意

則類杜甫然甫不得志而僅托之于詩先生志在天

下國家而姑卽詩以達其志持之忠厚發之和平然

則先生之詩先生之志也徒以詩論先生又豈知先

生者哉

陳際叔集序

士欲以文名天下傳後世非多讀書而厚養氣未可

易言也讀書如居肆然珠玉綺繡以及粟帛器用無

一不具而後應天下之求而無不足養氣者譬若培

風風之積也不厚則其負大翼也無力故必多讀書

而後識始精養氣厚而後力始大苟非綜貫古今而

又無淵博靜深之氣以持之淺才末學不數見而易

盡矣陳子際叔讀書養氣之士也爲人端嚴淳謹有

太丘遺風爲文縱橫浩博包羅萬有益其讀書也鎔

經鑄史根極理要卽九流百氏之言無不窮微而抉

集

卷之十序

五

其蘊而其養氣也閉門掃軌足不出里閑授徒講學

外絕不知繁囂綺靡之習夫人纔解操觚便自許名

士或好爲新奇詭僻之言以自異要其所爲名士又

皆被統襲綺聯袂酣呼招搖市井亦曾有如陳子者

乎卽以陳子之文觀之大約三變始學爲秦漢繼從

事於六朝近乃好爲唐宋大家自世俗論之似乎每

趨而愈近而不知其以秦漢爲體六朝敷其華八家

達其氣讀書多而養氣厚固不可以一人一體名之

也余少時讀西陵十子詩心向往之今得與陳子居

接武爲予評點詩文雅相推許余雖深契陳子亟思

得其文而讀之然未敢請也陳子顧盡出平生著述
屬序余方驚怖其言而又烏足以序之要以陳子之
爲人序陳子之爲文讀書養氣固莫陳子若也夫必
讀書養氣如陳子而後可以爲文文顧可易言乎哉

學文堂文集序

少時聞椒峯名歎其高邁能以古文爲制義然未識
其人也丁未之役與椒峯同舉進士始一見於禮部
往來訪謁每苦不值余又臥疾蕭寺卒未能得其文
讀之蓋音問遼濶者十年餘矣甲寅避亂錢唐與毛
稚黃諸子約爲古學雅黃歷數今海內之能文者首
稱椒峯且曰君同年交好顧未識耶余媿悔良久亟
假椒峯集觀之姑無論詩文所至何者爲史漢何者
爲韓歐大家何者爲漢魏三唐卽此卷帙之富已令
人望洋而怖乃歎余之淺陋誠不能知椒峯宜椒峯
以余爲不知文未嘗與之言著述也今年謁選京師
椒峯訪余驩甚自是時時過從爲余點評近藁頗相
稱許蓋前此余固未知椒峯椒峯亦未知有余也夏
日過寓齋索所爲學文堂集椒峯以濕於水請俟他
日余笑曰君固謂我不知君耳水濕奚傷焉椒峯乃
函致全集且屬余序余受而閱之泥爛幾不能理手
自披揭三日而畢喜皆完好所損者數篇耳雖未卽
窺堂奧然可見余之傾倒椒峯至矣夫椒峯之才視
余不啻十倍余復何能序椒峯顧吾思之文章聲氣
之合非偶然也尋常交遊無論已余與椒峯同年昇

合其傾慕之私相見之難且如此今幸同官冷曹得以殫心書史椒峯其有以教我乎顧椒峯學識淵博從此進焉不知更當何如余將焚膏繼晷求進古人之無窮譬之追風之駿瞬息千里策驚駘而逐之恐終瞠乎其後耳持此復椒峯是余之志也若夫其文之爲史漢爲韓歐大家爲漢魏三唐諸君子序之詳矣余誠不能知椒峯亦安能序椒峯之文哉

孫宇台文集序

論文首秦漢而何古今來爲秦漢者之少也作文動言秦漢握管操觚又何爲秦漢者之多也夫所謂秦漢者高古簡質存乎神理氣骨之間非可句竊而形似後秦漢而文者莫若昌黎廬陵然其所以起衰傳世實皆自出其才與古人相遇於神理氣骨之間故屢變而不失其真若使僅求於字句則雖才如韓歐而順宗實錄五代史諸編論者尚不無遺議焉況其下焉者哉李獻吉倡爲古學舍八家而遠溯秦漢以上其于左國規規求似在當時非不快人心目然于

篇一手始而慕之繼且厭之正如摹倣古彝鼎規製工而真氣盡無怪乎言秦漢者多而能爲秦漢者之少也吾友孫子宇台以文名海內者數十年其文無所不有而得於秦漢最深蓋其神理氣骨之間實能高古簡質與古人相通若謂其何者似史遷何者似班范迹求之而有所不可也況其撰述之富溢而爲六朝分而爲八家固有屢變而不失者歟然則才如孫子而後可言秦漢文如孫子而後可爲秦漢也余學識淺陋未敢窺古人堂奧然生平所嗜頗尚雅健絕不喜拖沓之習故於孫子文有深契焉孫子論余

文亦謂意在儷體兩漢不屑爲儷薄余雖不敢受然亦可見吾兩人之所好矣今天下不乏作者苟無高古簡質之氣變化於神理氣骨之間而徒侈口秦漢卽日取孫子之文讀之烏足以知孫子哉

毛稚黃十二種書序

錢唐毛子稚黃彙其所著書十二種屬余序余合而觀之竊嘆著書之難也夫所謂著書者才與學是已才人賦姿超絕馳騁古今其藻思逸情風發雲涌固已極文人之能事然學問未深或者叩之易竭乃學博矣而才力不足以貫之則亦漫無統宗不可收拾若夫深心靜氣初不使人可喜而淹貫六籍綜覽百家發爲文章闡深奧行不能測其所至若是者豈不難哉毛子以詩文名天下四十餘年海內著述家蓋無不知錢唐毛先生者余自避亂居武林始得與毛

子定交毛子方病甚臥起小室中積書滿案其神穆然自是時相過從毛子縱談竟日久不倦凡古今升降之由人事物類之變與夫經史之源流學術之同異詩文之得失四聲六韻之通變莫不元元本本窮極指歸余每造之未嘗不退而心折也蓋嘗觀今之著書者矣出其所長不難分席濂洛企踵韓蘇欲與李唐詩人相頡頏然譚駁難出雅鄭並陳要未能不謬於作者于是穿鑿以爲理學而理學誤割竊以爲古文而古文乖掇拾殘瀋以爲詩詞而詩詞敝至于韻學之微茫然不知徵據其承訛襲舛又無論焉夫

著書將以名天下傳後世也而弊且若此求其知毛子者復幾人哉然則毛子之書皆毛子四十年精神之所聚而學問之所流也今試取其言觀之或爲理道之津梁或爲議論之淵海或斟酌風雅或綜綴音韻要皆卓乎有見信而可徵所謂不得已而有言非孟浪操觚姑藉以爲名高者等也談者或嫌其理學則旁及二氏詩格又時逮溫李一時諸君子往復辯難然參互諸家往往獨成其是人亦不得以此訾之今夫水源于崑崙支分派別放之而爲江河蓄之而爲池澤其大者奔騰澎湃汪洋浩淼不可窮止其小

龍理侯集

卷之二序

主

者亦細浪微風自然成文固非簷滴蹄涔可以同類而竝觀也毛子之書亦若是已嗟乎文章者不朽之盛事有學無才常苦于繁重而不能舉而有才無學雖勞費筆墨卒未能極聖人之規矩恢前哲之聞見此柳州所以慨歎也然則著書垂世豈易言哉

龍理侯集序

千古文人每不欲盡見其才杜工詩不必於文兩司馬善文不傳其詩屈宋之騷賦周辛之詞曲皆是已近世誇多好勝若一體未備卽不可言文是豈今人多全才古人反有所未足哉古人自審其精苟有一長必殫精肆力於其所得故其詣力所至亦遂單行不朽今人廣求博驚毋論才力有限卽少極通敏然自壯至老精神亦復有幾故古人不欲以才見而才傳今人好盡見其才而才未必盡傳非古今人遂不相及也余嘗持是說以論文乃今于龍子理侯顧有

龍理侯集

卷之二序

主

不然者理侯負雋才著名東南最久伯氏二爲與余同舉南宮每稱理侯豪邁無書不讀亦無體不兼余頗訝其言人非通才安能遽至是會詔舉博學宏詞備顧問著作之選一時文人應薦至者以百十計理侯裒然在其列余竊私喜欲得理侯文觀之且以驗余言之當否也理侯來京師名籍籍長安中余氣雋軼余乃驚歎良久二爲稱家弟豪邁固如是耶乃理侯出其近集屬余序余誠不能序理侯然觀其詣力所至既無體不備亦無美不兼則又大喜悔余

之失言而理侯之才爲不可測也夫余所兄者近作耳今理侯以文學事

主上天祿石渠中爲理侯首推一席從此出其雄奇淹博之能而復殫精肆力於其所欲得於以鼓吹休明佐

聖天子右文之治豈必與古今才人較偏全哉兼者傳專者益傳余不復輕論天下士矣

健齋集

卷之二 序

古

王仲昭合集序

文章家駢體宗六朝單行師八家八家之不可爲六朝猶六朝不可爲八家也蓋單行之文風厲泉涌如幽燕老將叱咤風雲見者辟易引之香奩閨閣之間雖力求其工豪風正是難掩駢體引商刻羽縱金受玉譬之珊珊秀骨臨風正恐飛去強以高睨闊步則悖矣故潘陸徐庾不必以單行見長而韓歐諸大家亦不復出于駢麗古人各有所長卽各不相強非獨理有難兼勢亦有所不可合也蘇子瞻始欲擅而有之然觀長公表啓俊利有餘而工整不足夫以子瞻之才豈尚有未及哉才大者思不能精則兼之蓋誠難也吾友王子仲昭素以才藻名所著駢體一時傳誦久矣今余來錢塘王子投以桂山堂集豪邁縱橫不可一世余始讀而疑之固猶然王子也何才思殊絕乃爾乃王子固非可一體名也蓋王子少工六朝之學屬詞比事鏗然若出金石邇始棄其所有肆力爲唐宋大家之文如天馬行空不可羈捉又如瞿塘峽水四十八灘迅利無比余乃渙然釋喟然歎與駢體者固王子單行者亦王子固如是其才大而思精也猶憶余少時雅尚聲華間爲古文長篇苦于束縛

健齋集

卷之二 序

古

排此邇年來從事秦漢八家然落筆爲齊梁體製已無復向時聲偶矣以視王子不誠有才少才多之別哉王子諸集一時名人序之頗詳今以合稿問世顧屬序于余余閱歷此中多矣於駢體服其思之精於單行見其才之大蓋分而觀之各自成其爲王子合而論之猶然一王子無疑也夫文章之道專之難兼之更難王子能爲其難者其真可以自豪矣哉

健松齋集

卷之二 序

去

安敘堂文鈔序

余與會侯幼同學會侯少余一歲制義之暇相與學爲詩古文辭會侯爲余序四游集言之詳矣甲寅之亂同携家僑居錢唐與稚黃諸子相切劘時余兩人意氣豪甚日以文章朋友爲樂事一時詩文詣余者必過會侯從會侯游者亦必及余十數年來兩人姓字著于篇帙覺有闕一不可者於是東南之士往往方毛竝稱夫古之詩文齊名者若李杜若韓柳若王孟蘇黃以及近世何李之屬大率才足相當學力復相敵故竝傳不媿若余與會侯毋論才學短淺不逮遠甚卽其神健氣王視余衰病亦何啻數倍余何敢望會侯然則今之稱方毛者蓋謂西陵流寓固有此兩人耳若云竝駕齊驅余方瞠乎其後譬之駑駘躑躅安能與騏驎爭先後哉會侯向有松皋集行世今復刻安敘堂文鈔余兩人交最深不可無言以序其首然病怔忡且益甚會侯與稚黃皆以屏絕筆墨相戒因書數言以見余之傾倒於會侯者如此若其文之與年遞進卓然名家海內久已共推之無俟余言爲也

健松齋集

卷之二 序

去

梁治渭詩序

兩湖之間多良吏而古今所傳文章政事獨推白蘇兩公蓋其才既卓越而復精心吏事職舉政修人皆樂業讀西湖燕飲諸詩想見其盛焉使無兩公之才而又不能以時拊循其民奔走簿書碌碌無足輕重則雖點綴亭臺金碧輝映旦去官而暮已易矣其湮滅無聞亦奚怪哉真定梁君之宰錢唐也世其家學所著古文詩詞雄奇綺麗各極所長自服官以至報最 璽書獎擢士民攀留借寇又復數載識者謂君文章政事度越兩公無疑而不知在君更有難焉者

健松齋集

卷之二

七

蓋白蘇當無事之時疆場晏安人物殷阜六橋花柳固足娛心悅目即工作勞民而人不吝怨所傳兩堤詎可望之今人乎其水光山色詩酒勾留宜矣若君蒞任風俗政教已非唐宋之舊其民鮮衣美食外極侈靡之觀而戶鮮蓋藏人多爭訟非一日矣邇者八閩告變兩浙震驚凡饑餽之煩浩夫役芻茭之驛騷郵符使車之雜選羽檄紛馳師徒雲集使香山眉山處此當亦不免彭蠡歸來之歎而君處之靜如政事之暇論詩文禮遺逸兩峯三竺之間樽酒豪吟宴然一如無事嗟乎軍興以來吏治幾何矣能者以材武

著功名弱者且席不得煖君獨以文士經營戎馬之間雍容吟咏而邑無廢事謂勞逸不同時古今人遂

不相及是豈知君者哉即以君之詩觀之分長薄體倘與兩公分題倡和于瞻當亦傾倒固無論白家老嫗矣然則君之才誠不可及而非時之所得而限也余獲游司農公之門知君名已久今來西陵見其勤敏通練即受廬如余亦得緣通門之雅安糲食而樂交游則君之文章政事可見故序君詩而論其才與時如此錢唐才藪也從君游者皆一時知名之士異日紀載風流將與兩公並美余得附僑寓以傳則幸

健松齋集

卷之三

八

甚矣然則君之詩之傳又豈時之所得而限哉

謝靈運詩序

園苑更名近十年今始識其人澹靜古懷類學道者其詩無所不有而樂府爲最夫樂府難言矣漢去古未遠郊廟登歌自爲質與之音魏武之奇子桓兄弟之秀樂府中父子各擅一體亦各肖乎其入晉宋而後稍涉輕冶杯槃拂鳩體漸薄矣杜工部冠絕今昔新安石濤出塞諸篇不襲樂府一字明初間多作者惟空同惟獨步蓋神明而得其意故能以其樂府爲樂府也近世動言擬古練時日天馬而下如上之回聖人出上邪諸曲規規求似覺體製所存不必有其

傳世齋集

卷之二十一

九

事而不可無其語夫樂府繼詩之亡者也觸境寄情靈變窮渺後人且不得其解不知其意何言擬古耶故不輕擬樂府正以存樂府句蠅蛉而字土偶吾未見其有合也宛更之樂府未嘗有意擬古也或悄然以悲或惻然以喜或愀然以思或穆然以嘆或決澗奔騰累數千百言或短篇數語澹宕言外揆厥青歸往往不謬於作者至其五七言諸體勁渾者學唐秀練者學晉魏談理寫致亦時有宋元人近其筆墨作樂府人乃有此敦體奇矣詩之服古之家几衆多秦漢法製其人竹冠履裾悠然有淳古澹泊之遺卽間

植奇花時寵小石閒遊綺閣曲房不害其爲古也余謫陋未敢窺古人堂奧然觀世所爲樂府輒嘆其索索無生氣故因宛更之詩一及焉黃山白嶽風稱靈藪意必有振起風雅之士宛更歸試以此質之

傳世齋集

卷之二十一

十

黃山詩序

予既跋江君黃山圖矣君復出十餘年來閱歷黃山詩屬予序予讀未竟輒嘆君之私有黃山也夫黃山雖欲境然名勝天下所共有天下之人不得而私之何論新安哉君顧取而圖之詩之若貯之襟袖而引之几案是何私據其有也既復思之君之私黃山非私也何者黃山自浮丘容成以來天下人知有黃山矣未知黃山之面目何若性情又何若也有君之畫而黃山之面目自得君之詩而黃山之性情亦見詩以補畫所未及畫以佐詩所偶窮使九州之廣千古

傳錄齋集

卷之十一 序

五

之遙人人皆知有黃山且使人人之意中夢中耳目中皆可寢食坐臥乎黃山則皆君之公之也今試讀其詩有蒼然孤松者矣有峭然怪石者矣有冷然流泉軒然古寺者矣詩耶畫耶蓋不啻登蓮華之頂與羣真往還而酬唱焉已然則君既圖之而復繼以詩公平抑私乎吾恐天下人不得而私者浮丘諸公又將爲君私之矣

牛潛菴詩序

天下惟靜者可與言詩蓋靜則才敏而氣沉思深而致遠舉凡懽愉拂逆之來皆不足以動之發爲詩歌雋永淵深使人慕其才不能測其所至孔子刪詩一言蔽之曰思無邪無邪者靜之至也後世惟陶元亮冥心真寄其詩外樸中腴讀之浮氣俱盡蓋本乎其人之性情非可易言矣上黨牛君潛菴以富春令擢佐吳郡未行余始見之于斐園私謂仲昭諸子曰君恂恂若不勝衣而襟度如此殆所謂靜者乎人之靜者詩必靜吾當于君遇之已與君泛臯亭譙湖舫呼

傳錄齋集

卷之十二 序

五

酒彈棋澹然不改常度卽或與會酣舉于縱譚劇飲時一往俱有靜氣所爲詩歌變化古今雖感慨中來而緣物寫意絕無牢騷不平之鳴蓋自靖安再補富陽兩宰劇邑可謂煩矣政簡刑清民以寧一暇則杯酒臨江憑弔千古在懽愉之日其靜固自若也今停車湖墅三年矣撫時感遇羈旅離愁或未能免而處之穆如燕飲登臨往來酬唱詩遂纍纍成帙夫詩所以道性情也性情所寄動者易竟靜則難窺君隨遇而安視向令爲何如哉余避地西陵獲與君數晨夕今君刻詩湖上余適赴補入都不能竟讀君貽書屬

序舟中書此應之并報仲昭諸于天下惟靜者可與
言詩吾向見其人今且讀其詩矣

健齋集

卷之十一序

圭

孫豹人詩序

別豹人先生五六年天外冥鴻不可踪跡蓋未嘗一
日忘旣堂也癸亥秋奉使過華山意先生家于秦
倘得策杖同登驚人句豈必定思謝眺乃遙望蕪城
悵惘彌日今春放舟南下客有言先生在武昌者亟
渡江訪之握手問勞不知身之在客也相與遊洪山
登黃鶴樓尊酒縱譚因得盡讀別後諸詩大畧數卷
中歲不多作而古健質直旨趣遙深卽偶然贈答之
作亦感慨蕭涼各有其故於陶杜間自出一手筆畫
桂之性老而愈辣詩固如其人耶余自力疾西行棧
雨蠻雲備歷艱險雖山川靈奇足供眺詠而良朋契
闊筆墨所寄以詩爲侶而已豈意盤旋萬二千里乃
復有故人哉然則是行也於山見二華終南棧閣瞿
塘之勝於水見潯沱汧渭涪閬巴峽之奇而又得遇
先生且讀先生之詩舟車勞勞差可以無憾矣先生
不得意買舟浮洞庭泝長沙將復遊京師夫自先生
之歸輦下諸公相望久矣余旦晚還朝待先生於
慈仁松下出新詩讀之其於陶杜間又不知更何如
也

健齋集

卷之二序

圭

張仲張詩序

文人筆墨所寄其人之生平因之柳子厚詩文峻削雖當登臨觴咏而幽憂沈鬱之氣若不能自解故常坎壈終其身人生升沉得失孰若蘇長公然其襟度軒豁毋論廟堂之作輒發霞舉卽黃州惠州諸詩酣暢淋漓使人神爽究之習苦得甘境遇不足以窮之然則欲觀其人不若讀其詩卽其詩固可得其人已余初未識仲張戊午同以薦召遇之長安邸舍中通外朗絕無城府是歲秋復同事京闈余分校壁經仲張得毛詩深思廣覽欲得真才以毋負簡命益心

健齋集

卷之二序

五

相期許久矣乃仲張以同經之累奪一職愛仲張者謂循例預入粟大農可幸無罪仲張信之遂以被論去邑人之災無不爲之溢掣太息仲張顧自若也夫是非之際人所難忘使他人處此必且憤懣不平上書自白卽不然亦感慨牢騷悲天憫人以吐其幽憂沈鬱之氣而仲張樽酒賦詩始終無一言嗟呼其難也已今試讀其詩入都以前流連景物類乎風被薦以後春容應制近乎頌自桂吏議不復多作詩間有吟咏蕭然遠寄有小雅之遺焉然則未知仲張之爲人當讀仲張之爲詩詩可以觀信矣韓昌黎曰凡

物不得其平則鳴余謂天下原無不平人自不能平耳前窮愁拂抑之來而皆以平心處之豈有難遣者仲張既舉進士復以文學徵今雖扁舟南返無愚溪嶺海懷鄉去國之悲而又得優游田園以奉其親東海之濱所爲寄其筆墨者較坡公當必更適而豈與柳州較生平哉國家需人甚亟以仲張之才宜無不可者易曰樂則行之憂則違之詩曰神之聽之終和且平仲張生平出處早于詩信之咄咄書空吾知其有所不屑也

健齋集

卷之二序

五

橋西草堂唱和詩序

古今唱和詩多矣一唱則衆和此唱則彼和大抵才必相敵境必相等然使才與境同矣而性情有未合其詩未必工也雖工亦不傳是故金谷蘭亭無論已後此若裴王若元白若秦劉皮陸或共待朝廊或偕游丘壑有唱必和若出一手此豈偶然哉交以專而篤性情亦以習而深也余僑居錢唐諸君子詩文淵峇極一時之盛而所見性情之合無若丁顧二君者二君負雋才同生世胄而安淡泊處境又同故無論平昔契好卽此草堂一集江雨欲來秋花滿砌聯牀促膝樽酒詩成其性情詎相遠乎然而素涵之詩靜以愉嚮中之詩婉而多感何也蓋素涵忘世緣物寫意絕無蕭騷不平之鳴嚮中年少方馳騁而顧困於病撫今弔古一往思深憂其所寄一也余前過嚮中留飲橋西草堂招素涵以疾未至悵然者久之今讀二君詩始嘆向猶未值素涵耳使傳觴共酌其爲唱和當不俟風雨夜話時余旅人草草聽擊鉢豪吟惟應從壁上觀矣然則二君之詩傳謂錢唐有丁顧比之裴王元白諸公倡余和汝豈偶然者哉

樓松齋集

卷之七

序

麗雪崖詩序

戊午冬余以辟舉候召試與清苑陳謫公論詩謫公負奇少許可獨稱任丘麗君雪崖謫公之言曰今天下詩學微極矣麗君文而不縛質而不俚有風人之遺焉且性謙退善下進之當不止於是余聞心識之今年春與君同試體仁閣自是數相過從貌清弱恂恂若不勝衣每朝會簪華麗處雖笑獨睨目默坐若不欲多與人事者余意文如其人乃讀發碧堂新詩高古澹朴一往輒有真氣其野雞尖鹽池諸章奇峭發壯有絕近杜甫者然則形質固不可論人文而不縛質而不俚惟君能爲之亦惟謫公能言之未可與今之學詩者道也吾聞任丘當南北之衝濱滄海枕滹沱土高氣厚代多奇人家丞祭酒兩邢君後高達夫劉文房皆以詩名中盛間今大雅不作久矣積衰之後必將復興中條隔津之間有繼高劉而起者其在麗君乎惜謫公歸不獲貰酒憇仁松松下出君新詩與之快賞共晨夕也雖然謫公今之奇士嘗貽予書生平從不耳食非目見不肯心折獨於余恨相見之晚又云不樂爲無關係文字夫君與謫公交久度非耳食可知今天下習爲酬應文體卑喪求所謂

樓松齋集

卷之七

序

關係之文蓋少矣君之詩出乎性情止乎禮義
金馬著述之庭不朽盛事豈止五七言已哉君素余
序其詩因以藹公之言告之謙退善下真不止於
是者寄語藹公余不能測其所至矣

龍松齋集

卷之二序

无

顧向中詩序

余序橋西草堂唱和詩而知向中之婉而多感也韓
昌黎曰歡愉之辭難工窮愁之言易好夫詩必待窮
愁而後工則是金谷蘭亭必盡幽憂憤鬱之士而曹
陸王謝皆不可與言詩矣昌黎之言非謂能詩者盡
窮愁也蓋人幸值宴安父母俱存疾疢不作尊酒賦
詩亦其常耳若夫窮愁之士其歷境也艱其積慮也
遠蕭條不平之感觸緒而動詩即工工即傳矣向中
非窮士也而所見愁困之境無若向中者向中八歲
失怙恃鞠於王父母年十二王父母復相繼沒焚
龍松齋集 卷之二序 幸
孤兒何以自立乃向中少負才內綜米鹽外通賓客
卽結稿納采之事皆身謀之長而有子方期馳騁文
場展其生平鬱積之氣而忽遭奇疾纏綿於藥餌者
十餘年夫孤如令伯病如長卿古今傳之然困苦難
堪有若向中者乎宜其言之婉而多感也向中意氣
豪爽所交皆一時名士新詩高邁不羣余尤喜其秋
興諸章寄托高遠不獨追步少陵卽以合乎小雅怨
誹不怒之義蓋亦無愧然則向中之詩之工實從閱
歷中得之宜其言之婉而多感也向中刻其詩畱余
序因書此告之夫素位之義隨遇而安非必盡窮愁

也君今者有田廬可以自給有子可以自娛有良朋
詩酒可以自樂回視二十年前恍如夢寐詩曰神之
聽之終和且平繼自今聖至于溫柔敦厚可矣蕭瑟
不平非詩人之正也向中曰然謂君知我耳今乃
有以益我微君何從聞此言乎然而言之有餘感矣

健松齋集

卷之二 序

三

毛允大燕游詩序

山川名勝待人而傳非人之能傳之也因乎其時焉
時而速也一日江陵馬當七百里詎非快事然或日
月淹留舟車阻滯洞庭之風彭蠡之雨常有不能自
必之處夫地既待人以傳而人又必需時以遇使時
會不相值不且重負山水哉故山水之勝以時遇尤
以才傳毛君允大遊京師自發里門至入都阻兵
阻風舟居六十餘日豈已久矣在他人處此索索都
無生氣而允大登金山弔蕪城沂黃河觀魯運射書
臺憑眺太白酒樓一丘一壑一觴一詠皆有蕭然自
適之意觀其詩章意致高遠覺停舟寂寞時反若因
遲遲以暢其幽異然則地無論遠近時無問遲速才
人固無不可也允大天才敏麗詞賦詩歌滔滔不可
窮止尊人頴思君與余共筆墨最久頴思文章有奇
氣允大繼之人比之眉山父子今
天子詔舉文學之士允大名列薦剡子虛上林且優
爲之丘經之觴詠何足與較遲速哉余嘆允大之才
能使山川生色因書數言以序其首

健松齋集

卷之二 序

三

羅君奉詩序

三百篇楚辭無風而江漢士女之歌吟散見於二南
非必屈宋始爲騷賦祖也李唐詩人如杜審言孟浩
然皮日休皆楚產而子美起襄陽遂爲千古風雅之
冠盛已有明三百年中李賓之吳明卿主持壇坫隆
萬以後天下之詩一變於公安再變於竟陵雖矯枉
過甚所尚各有不同譬之終日厭甘肥一旦與之啜
茗烹泉未有不快然喜者詩固不可無此一變也羅
君魯峯生漢陽本二南之遺風以詩名楚者二十年
庚申舉明經北上余遇之長安邸舍握手如平生歡
能操書集 卷之十一 序
癸亥夏再來京師以詩屬余序余適病怔忡危甚不
能應稍間卽奉使蜀之命力疾西行君過余爲別約
以臘月待於漢上是時方立秋比竣事還過楚而晴
川芳草已青矣君飲余鏡堂旋同遊洪山登黃鵠樓
往復唱和得盡讀所爲詩歌高視闊步居然楚風而
爾雅溫文風流蘊藉猶不失二南遺意於楚材中當
是李吳二公一流又無問公安竟陵矣數十年前楚
人主持風會一時之見遂與氣運相盛衰大抵豪放
蕭風之意多而溫柔敦厚之致少夫衰極則必盛
天子好學右文賢士大夫皆無不風雅自任以楚詩

爭衡海內其將在羅君乎君不得志於有司將復入
京師夫京師風氣之所聚也一時賢士大夫又皆知
君且有與君善者試以此質之或以余言爲不謬也

能操書集

卷之十一 序

書

程兼三詩序

天子勤學好文詔公卿百執事舉博學宏辭之士一時徵書備海內士之能詩文者莫不待詔闕下於時新安程君兼三遊京師哀然舉首余從江君長六得觀其所爲文顧旅居咫尺未相識也一日介朱君續菴以其詩屬余論定而爲之序余逕謝久之朱君貽書引輪囷離奇就正繩尺爲喻而責以古人贈言君子切劘之義嗟乎朱君於程君好友也君之才度知之素矣亦何藉余言且君業以文學召出其所有何難使天下才人望而辟易顧乃抑然善下就拙工

傳書集 卷之二 序 重

而問繩尺哉朱君之言曰程君負才不偶所爲詩未嘗輕示人嘗讀子撰著輒嘆曰必如方子乃不媿作者今幸同薦辟故介余而以詩來請嗟乎余何敢望作者哉今之以召至者不少矣薦者稱其才受薦者亦競以才見孰肯退然若不足如君者然則君之虛懷誠不可及也雖然君之詩朱君既知之矣而貽書敦迫以成其友且如此意君抑然善下固有以感之乎夫交道之衰久矣君才而能虛其志實未可量未吾不如其能而又致諸同人以求合乎贈言切劘之義嗚呼又豈可易得哉

詹文夏詩序

余初不知詹孝廉文夏已未歲文夏與家兄雪帆同客西江余兄弟相別久未聞也今春蜀歸過武昌飲徐子星卽山樓讀其與文夏唱和詩向往久之繼偕諸君遊洪山從俞子掌天贈行冊讀文夏所爲七言古詩于是始真知黃州有詹孝廉矣越十日文夏訪余寓齋執手驩甚已復屬掌天索余序其詩余病久不能應然卒不欲辭蓋深有感於文夏之交誼至厚而詩遂因之以工也夫文夏與掌天傾蓋定交耳其與掌天別幾時矣掌天將遊滇亦已久矣文夏方客

傳書集 卷之二 序 美

江州相隔千餘里於此而澹漠置之亦何損於厚且使掌天竟入滇卽繼絕無盡之意亦何由達乃文夏從笥中得其詩必反復屬和情見乎詞而掌天淹留鄂渚又若故遲其行以待文夏之來來而贈之以詩是有數存焉非偶然也從來賦物之旨難工言情之詞易入文夏朋友之情如此其詩豈有不工者哉然此猶近日題詠耳向時泛彭蠡濟潯陽匡廬栗里間裴回青衫司馬舊蹟所謂縱筆成詩者必多惜余行迫不及讀家兄方里居當亟往問之黃州有詩人如文夏吾兄既與之遊而不吾告何也

鄧唐山集杜詩序

往見桐城鄧君集杜詩歎爲天工人巧俱絕今年謁選唐山今出所爲部門集杜詩索序屬詞比事愈出愈精不知其爲杜爲鄧君也夫古今人相去遠矣其性情言語不可強而同也取千百年以前之人之性情言語必欲使出於一人一時一事豈有合哉且夫少陵當日流離遷播齊魯秦蜀荆楚之間所爲得之於心而矢之於口者千四百五篇中前後既非一致卽起少陵更爲之境易情移亦豈能悉獲其故乃君之工如此覺少陵偶然吟咏皆若預爲今日而設者

健松齋集

卷之二 序

三

自非千四百五篇貫串於中固未易易也雖然君今旣作令矣干言僻壤薄書期會足煩今君者諒亦有限從此集古今詩人之成性情言語當必無所不合然吾所望於君不以此也少陵生平忠愛至以覆契自比終老不遇姑寄其意於偶然吟咏之間彭衙石濠新婚垂老諸篇惻然詩人遺意焉使其得一命而用之必且有以自見今君縮符百里卽事簡民貧然勞來教養未嘗不可以治天下之道治也少陵不遇而托之於言君卽其言而見之於事觀風問俗其爲集杜也大矣於其行書此告之

健松齋集卷之三

遂安方象瑛渭仁著

序

王仲昭賦序

賦者敷陳之義其原蓋出於詩前世作者孫卿屈平猶有古詩之意宋玉以下馬班揚左以及潘陸徐庾非不璀璨一時流聲金石然淫浮靡麗極矣唐人以賦取士由今觀之膚近都無餘蘊而各卿鉅公率由此出蓋上以是求下以是應有固然者今天下尚制舉義士之負才好文者詩詞而外間爲六朝小賦自娛至於漢魏體製作者絕少豈真撰造遠遜古人蓋唐宋以後山川地理人物事類名稱不古卽連篇累牘終歸凡近然則包括宇宙綜覽萬物長卿所謂賦心誠不可得而傳卽經緯宮商纂組成文亦豈易言哉仲昭素負雋才所爲駢體衣被詞人者三十餘年而古力單行復濤怒雲涌不可窮止客歲遊京師值天子廣求文學仲昭名列薦剡所爲賡盛詩一百韻高華流麗一時文人旣已跋而行之乃復殫其精力爲瀛臺長白二賦夫禁苑之遠深豐沛之遙隔耳目所未經傳聞或憂失實而仲昭顧纚纚言之聞其成

瀛臺以三日長白五日同人從旁觀之落紙彈毫在
呼獨絕昔左太冲賦三都牆潤皆著筆視猶且積之
十年仲昭顧敏麗若此豈今人之才固勝古人耶吾
誠不能測其所至然而敷陳盛美蓋已極矣雖然仲
昭之爲此非必鋪張揚厲與古人爭工拙也司馬相
如奏大人賦武帝讀之飄飄有凌雲之氣至慙不與
此人同時而杜甫進三大禮賦乃不得與清平三調
同受寵遇文章似有幸有不幸今仲昭坎塹數奇頗
類子美而侍中之薦已幸此文固

聖天子徵書徧海內研京練都仰副側席者將接踵

健林齋集

卷之三

序

而進鼓吹休明其以此爲嚆矢也哉余需次一官經
年苦未能就窮愁寂寞日與病俱仲昭顧屬余序且
曰非子寧不載片字夫三都紙貴必假皇甫始傳仲
昭顧躬自喜復何藉余言乎三復斯文蓋不覺霍然
而興矣

陸冠周詩序

西陵閭閻之盛首推陸氏余自與紫羅左城同補
子員榜發爲亂所驅未得謀面卽知有景宣先生兩
先生然未識其人也丁未之春梯霞許余聞讀相
雅愛心嚮往之距今又入九年矣去冬携家武林大
行殉節已久景宣先生亦超然物外梯霞過余寓兩
報諸皆不值左城遠客武昌拒石復避地河清每念
聞聲數十年皆不得一數晨夕可嘆也春初過徐子
武令始得識冠周冠周則景宣令嗣而鯢庭諸公猶
子也世其家學文名藉藉吳越間所著詩鈔根抵漢
魏變化三唐其高遠古秀在筆墨之外較之雲間家
學似爲勝之余嘗嘆閭閻之家非徒門第相高也膏
梁純袴無論已卽使簪紱盈庭而書卷之氣不深終
非俊物安得風雅相承人人有集如陸氏者乎余喜
冠周之才克世其家而又慨景宣諸先生終身不得
一見梯霞左城遠邈不可親見冠周卽如見諸先生
焉若冠周年未強仕出其神力學問將不難追踪古
人東吳家世又豈獨以詩名天下已哉

健林齋集

卷之三

序

和陶飲酒詩序

人無日不在經營計慮中獨至飲酒頽然自放之際其性反一往而真故真氣不死於醉時留之屈平曰衆人皆醉我獨醒夫惟獨醒所以爲左徒也使其沈酣永日豈至行吟憔悴哉然而劉伶之荷鍾畢卓之抱甕李白之捧硯脫鞵一時興會古今以爲美譚倘時時效之人人爲之名教中幾無樂地矣何者醉則真擬卽假也後世好言擬古無論折巾墮馬卽醉中之言亦往往倣之如陶令飲酒諸詩折腰歸去把菊東籬天下事皆托之於酒度非僅沉湎適藥者當日

健松齋集

卷之三 序

三

之胸中人且不得其故何易言飲酒哉不得其意而猶襲其言吾不知何解也李于渭清示余深丘周君和陶飲酒詩余未識周君意必疑視塵俗沈沈不平或有托而逃焉者乃周君方需次爲令視淵明束帶見督郵時且復有待而顧取其言規規求合倘亦有不得於中者耶今觀其詩忽而求仙忽而學道忽而懷古忽而憫時忽而自憤自解覺意有所托時不必盡飲飲不必盡醉一達其胸中之所有而絕無規倣古人之意其六章有曰劉伶醉非真阮籍狂豈是真善飲酒者矣人生不滿百常懷千歲憂吾安得中

山千日之藏與醉鄉諸公痛飲畢生平哉周君刻其詩介李于屬余爲序因廣其意如此李子曰周君自道其真固然矣于非周君又烏知周君之意乎余笑而不應姑與之飲酒

健松齋集

卷之三 序

四

龍二爲西湖雜詠序

至杭必遊西湖湖遊必有詩固已大率遊不厭喧詩不厭熟夫西湖山遠水秀自與人相遇於性情之間乃徒以習見習聞應之無怪乎畫舫笙歌分題賡和而山水之性情不屬也望江龍君二爲卓犖負奇別且十年矣今夏來湖上余索所爲近詩君歎曰吾遊西湖屢矣不賦詩無以謝山水必爲詩又無如此習見習聞何也吾當俟吾性情之所至耳余深服其言蓋余生平游歷輒多紙墨惟聖湖咫尺未嘗出一語意正謂此乃若遲歷名勝兩湖三竺悠然其懷即斷

健餘齋集

卷之三

五

碣荒祠亦莫不憑弔徘徊信宿忘返旬日中得詩詞四十餘首境必搜奇語多創闢蓋自是湖山始得佳客矣余因思天下游人決不可無才才之大者卽事寫心每出于見聞之外卽習見習聞者入其中亦不難變砂礫爲金液人忠才少子忠才多吾于君信之矣雖然西湖秀絕寰中二爲才雄江表其性情相感發宜也乃讀其詩若有慷慨中來不能自己者何哉夫深心斯世人其志原別有所寄耳目之所及忽不禁而遇之于詩然則君自言之亦惟君自知之非習見習聞所能道也

仲兄雲與題詩吟草序

余兄弟幼先大父家訓經傳而外稍涉詞章之學十年來同燈共研一堂之中自相師友實有天津焉伯氏高亮出沈宋仲氏警秀學鮑庾余少宗瞻遠近喜聲華爲變愈多茫無定體未嘗不嘆兩兄之卓立也甲午長兄刻沁園偶吟余亦謬爲秋琴之舉二兄自越吟諸章外概未授梓夫自戊子迄今馬首南北蓋亦久經閱歷矣憑弔山川抒情寫志積之既多而存之愈慎夫不欲輕刻詩所以善其詩也今年秋始以詩行余思吾三人向皆菰蘆中倡和耳吾兄幸舉

健餘齋集

卷之三

六

進士高等行且出而治民無帖括章句腐其才無窮通遇合休其志無寒暑課校挫其氣無車馬風塵瘁其身心由是而詩焉託根漢魏取材三唐變化于有明諸大家吾何能測其所至哉抑聞之詩以道性情而君民之間性情所由見也瓜壺告主龜葵哀時杜拾遺石壕之篇元道州春陵之句若有休戚肥瘠在其字裏吾兄試一諷咏焉風人之志非僅吟花賦月已也余所爲序兄詩者如此

韓醉白詩序

詩以道性情也至性所感一往而莫無論未流澆薄不足累其生平即聲氣文章亦無所用而纏綿篤摯獨以其意孤行天地之間發爲詩歌亦遂高遠深厚使人不敢以詩人目之故不知其人視其詩而欲知其詩又當視其人韓子醉白在江都得詩名最早意必風流蘊藉江淮間一詩人耳甲子醉白來京師余適病甚不得見聞其呼酒豪游悲歌忼慨于朋友患難之際不避生死晝則流涕相對夜歸經營其家事一時義聲傾動長安中余竊嘆今天下安得有是人

健松齋集

卷之三序

七

亟往訪之而醉白已扁舟歸矣今年就醫錢塘醉白亦在湖上握手論心真不難出肺腑相示夫余特傾蓋定交耳而纏綿篤摯已如此其倦倦故交自非徒文章聲氣之末也今天下朋友道喪久矣常時樽酒論文賦詩結社歡洽不啻若兄弟一旦緩急閉戶搖手莫敢出一語甚或傾軋翻覆棄之如遺此其爲人視醉白爲何如哉吾聞醉白少孤尊人文適先生當城破時一門盡節母夫人以醉白託老嫗得下死嫗歿爲持服盡哀夫忠臣孝子高義之士皆至性之所發也醉白不忍死其親卽不忍薄其嫗又豈肯漠然

棄絕重負朋友乎使天下之人皆醉白谷風可不作矣試取其詩讀之發乎性情止乎禮義高遠深厚皆有纏綿篤摯之意以特之其人傳其詩之傳益無疑徒以詩人目之嗚呼豈知醉白者哉

健松齋集

卷之主序

八

吟圃詩序

粵自桐峯文祚以還晨露卿雲而後音律肇于蘇李
倡和極于曹劉風雲月露之詞競數陰何庾鮑圭璧
琳瑯之製爭稱沈宋王楊太白仙人始創奇于采石
少陵詩史特表望于浣花正聲已遠繁響漸多昌谷
携囊鬼琢王孫之句幽隄絨怨入傳浪子之名小杜
之雋氣雲流短李之精思綺合于鑿咏固稱別調較
大雅殊魏元音詩學衰唐風乍謝宋儒律參訓詁
不無豆重榆暎之疑元人譜叶宮商空歌花落鴉啼
之曲有明續舊夙習重新青田義烏關荆榛于詞苑

健林齋集

卷之三

九

信陽北地霸鐘鼓于騷壇要以法極四深體全九準
珠璣滿斛何難長價于雞林冰玉爲心當使滌毫于
雪椀欲兼厥美實罕其倫吾友經傳奕葉幟樹一時
譽祇受書羣誇王粲弱齡蜚采座擬禰衡侈博物于
文江萃珍奇于學海况復翡翠筆牀時親柴几琉璃
研匣屢續蘭膏交遊盡墨客吟儔登覽偏枝峯蔓經
故其新篇芍藥舊製葡萄不必借彩鳳于羅含受毫
鸞于郭璞固非滿橋覓句得擬其淵淳醕蘗苦吟足
方其警捷也幾才無揚鳳夢少江花一徑松濤怡笑
窺園董子半思辨火漫擬閉戶潛夫竊從吮墨之餘

謬測諧聲之始上邪天馬意取調歌杯樂佛娉詞堪
節舞無論齊梁漢魏迨夫唐宋元明惟獨境以成篇
斯會心其不遠欣茲珠玉近出金蘭盟舊薇之露拜
手下風吹玉蕤之香傾心上乘允宜裝之錦軸麗以
縹囊擲地作金石之聲發笥睹雲霞之氣揚令抑古
我實愿于風人結采含華君何慚乎作者

健林齋集

卷之三

十

毛行九詩序

吾師相國益都先生好賢下士先後館西軒肯綮海內名流最後爲毘陵毛子行九先生既以清靜補治門無雜賓又好吟咏退食之暇正襟危坐行九垂其旁書卷外無一言及他事花辰雪夜置酒南窓或招致及門文學之士徧遊名園觴飲萬柳堂分題限韻毛子輒擊鉢先成以是先生雅重之嘗謂余曰行九文行卓卓度非長貧賤者蓋先生之待行九與行九之所以受知先生者如此使行九側身相門日招搖不稍休滿坐豪吟獨無以自見先生亦何取于行

健松齋集

卷之三 序

上

九而禮遇之然則觀人於其所主行九之生平概可見矣行九年少負雋才所爲制舉業魁壘中尺度其詩清新秀逸有唐人風夏中出翰香閣詩屬余序余適病且行九方有事秋闈出其魁壘拔出之才當不難得志有司乃榜發則又報罷矣嗟乎才如行九顧憂貧賤耶抑遇合有時未可以得失論也昔曾子固名未立歐公爲之延譽謂曾生之業大者固已魁壘其小者亦可以中尺度而有司棄之子固歸爲文贈行夫士生斯世得一知已可以無憾歐公於子固倦倦若此而子固卒亦以功名顯今行九之才卽未

何如子固而先生今之歐陽也數年知遇視古人爲過之亦何必以一時得失爲戚哉吾聞行九不得志將省親延平夫潭州之津雷煥劍飛處也行九遊其地斗酒詩成將與豐城劍氣相輝映遙望東南見甌閩之墟有寶光熊熊觸牛女而直上者必毛子之詩也於其行書此爲序

健松齋集

卷之三 序

上

胡樞部詩序

自韓退之歐陽永叔論詩謂必窮而後工於是世之言詩者遂以詩爲憂窮苦言愁遺憤之作夫定詩必窮始工則是三百篇後定推郊島而王謝機雲皆不可與言風雅矣唐人如張燕公高達夫入參侍從出領節旄其詩高邁雄偉絕非寒儉可擬蓋窮愁之士怵鬱無聊發爲詩歌使人可悲可涕若夫履豐席腴耳不聞凄楚之音目不覩儉儉之氣適境怡情往往引入入勝詩固因乎其遇未可一概論也山陰胡君智修生長華閭周歷諸曹無統袴綺靡之習所著

集

卷之三

主

谷園詩一時名流歎爲秀絕頃奉簡書備兵寧夏天子念君文人不欲煩以邊事復留佐中樞君優游暇豫登臨譙賞之會與二三僚友樽酒賦詩其適境怡情豈郊島所能望哉然後知詩之工拙存乎其人因乎其遇固未可以窮達論也前明三百年間李獻吉王元美皆起家郎署振興詩教一時倡和之盛稱前後七才子今諸君子政事之暇多以詩自豪君周旋其間登臨譙賞所爲助其詩思者當必更勝願亟以寄我使天下言詩者知閭閻家學有元本郊寒島瘦輩不得藉口韓歐之論輕議天下詩人也

陳平樂集序

余將去武昌過羅子魯峯爲別得值黃陂陂水酒半出所爲集唐詩余披讀良久不覺慨然嘆曰昌黎有言歌喻之詞難工窮愁之言易好信然哉當君舉進士司理南陽是時天下承平服官循職無所爲幽憂凄惻之音也迨補令平樂瘴雨蠻烟已不能無萬里投荒之感乃不數年而逆帥叛矣平樂距桂林近明末喪亂之餘人民稀少公私無餘君與邑人袁進士密山誓衆守積四十餘日援不至賊遣兵來攻守將以城降君倉皇棄妻子間行走梧州乞

集

卷之三

古

師制府憐之爲聞於朝上念其勞下部議事平優敘於是君馳驅軍旅凡數歲大兵平粵西議補懷集令又令署梧州郡丞君以親老辭歸嗟乎君之棄家請師也視申包胥南霽雲何異哉然謀同策舍孤城陷亡愛妾孤兒十數口皆隕於賊可謂悲矣君泣血從戎幽憂凄惻一寄之於詩蓋藉古人之韻語寫萬里之悲哀猿嘯腸啼一字一淚而屬辭比事出乎自然若李唐數百年之人之詩適爲君今日而作者即君亦不自知其何以工也向使優游太平卽淹貫風雅亦豈能慷慨動人若此

哉然則窮愁易工皆古今忠臣孝子幽憂憂惻不得已之所爲也余雖未習君然與密山同鄉舉平樂之陷密山出萬死迎王師且結義勇具芻糗以待天子異之特超授九列間關荼苦在密山可無憾君崎嶇患難久卒未能邀格外之賞遇固有幸有不幸哉余既歎君之忘家報國得人臣之大義而兵戈擾攘中組織全唐怨而不怒哀而不傷有風人遺意因序而歸之君今肯茲無意功名矣詩酒之暇回憶當年宛如夢寐取此集觀之得無恍然自失也哉

健松齋集

卷之三

五

秋永堂詩序

制義與詩異道乎文以趨時詩以言志故能文者不必詩善詩者不必文也然詩與制義竟異道乎文取達聖賢之蘊詩亦原本風雅益人性情故長於文者無勿詩工於詩者無勿文也雖然難言之蓋自制科以時藝取士父授師傳必以此爲青紫之資詩騷詞賦裨秀視之曰吾他日得志工此無難耳至問其所以爲詩則茫無所解而世之自命爲詩人者又輒高自矜許唾棄一切見夫綴葺爲時文者鄙之若浮瓜斷梗於是彼此相傾漫然不知所合嗟夫制義之行幾百年矣守溪荆川爲舉業宗匠其詩高渾有唐人風明詩推李空同而所爲制舉業哀然大家徒守偏勝之見而不深原其所合豈通論哉蔣君波澄以制舉義名於時所選持義精嚴意殫心此中或未能旁及風雅乃觀所爲詩分長備體駿駿乎風人之遺余謂君亟出問世俾海內挹慕流風視君所論定之文以移易天下之風尚讀君之詩以導揚一世之性情因文以傳其詩復因詩以傳其文合王唐北地爲一人無難矣何者畸之則分原之則合通於詩文之蘊者初無異道也

健松齋集

卷之三

六

鄭生詩序

昔夫子於詩與觀羣怨極於事父事君夫詩三百篇皆古忠臣孝子所爲作也忠孝之外別無所謂羣怨羣怨吧屹致思几筵生感以至聚居獨處歡愉涕泣皆有纏綿悱惻之意使人讀其詩想見其人蓋非徒鳥獸草木工吟咏已也鄭生懋嘉年少負雋才余識其文闢中藹然忠孝之旨顧未嘗以詩名及罷春官遂肆力於詩歌樂府古詞卽寄予數詩駿駿乎唐人風格余竊歎生年未三十銳意詩文如此其進當無已時也乃披其全帙一吟一咏皆有纏綿悱惻之意

健松齋集 卷之三 序

蓋自其大父水部公初休園以詩文自娛尋人侍御公繼之文行藉藉朝野間兩公既卽世生孤幼所謂園亭竹樹幾鞠同茂草矣今年始加整葺與二三同志唱酬其中於是休園之盛復倍於前日嗟平方水部公初休園時豈僅園亭竹樹後遊觀資鴈咏已哉蓋將使後人世守之無忘先業也使子若孫不能光大而式廓之雖園亭竹樹無恙於祖若父無與乃生之不忘其先已如此吾嘗登蕪城眺望隋堤竹西諸勝所謂歌樓舞榭已荒草迷離無復向時名勝而鄭氏休園獨鬱然不改其舊盛衰興廢之數固有待人

而持之者歟雖然水部父子既並祀晉宗其各忠昭然在人耳目實有不止於是者生能益光大而式廓之忠孝所感較園亭竹樹當必更切詩曰無念爾祖聿修厥德又曰夙興夜寐無忝爾所生嗚呼可不勗哉

健松齋集

卷之三

序

駱叔夜詩序

山陰駱君叔夜與家兄雪岷同舉明經文章聲氣重一時爲余序秋琴閣詩今且三十年矣君兩宰嚴邑輒策吏議家兄李荊州補令合肥亦以註誤去余嘗與家兄論舊事輒嘆君之才何難俯拾一第卽不得已小試爲縣令通敏強幹亦何難遽致通顯乃幽憂怫鬱放廢以老可歎也乃君意致豪邁絕無愴戚可憐之色縱橫慨益發之於詩戊午春 詔舉博學鴻辭之士海內名流與君同敦槃者皆應 召闕下鄙陋如余亦得廁名諸君子後竊意徵書下兩浙當

健松齋集

卷之三

九

無踰君者乃毛君大可來則君已被薦一上書辭旋報罷矣嗟乎制科之不復舉久矣天子稽古右文士之淪落不偶者皆得以文詞被知遇此真君見才之日乃君舉於有司而不得入告家兄旣上名於朝而部議以停罷不行升沉得失何前後若一轍哉君之意蓋曰吾窮愁放廢由不能隨俗俯仰今老矣奈何倪首求人然則君於此誠有隱然不欲言者人爲之要非人之能爲之也今君放遊過京師病且日甚而言論丰采不減三十年時其詩識愈高格愈老才氣益奔放而雄渾雖蕭瑟不平之中

風流蘊藉有詩人遺意幽憂怫鬱所得於詩者如此宜其千巖萬壑放而不顧也嗟乎人情何常之有伏居咿唔一官如在天上追閱歷其中束縛周旋未有不索然味盡者君閱歷此中多矣今扁舟吳越樽酒賦詩視余輩碌碌晨夕委頓不復成一字其所得何如乎斯時卽虛一席待君吾知其有所不屑已君自題其詩乃曰悼日月之已老痛白首之無成得無尚有未達也哉

健松齋集

卷之三

十

葉郴州贈言偶存序

臨海葉君修卜集其數十年來友朋贈答之章與夫
宦轍所經大夫士庶之歌咏總而各之曰贈言偶存
夫聲氣之同非僅樂交游侈耳目已也朋友之合以
道士庶之感以心道不足以乎乎人則雖交滿天下
意氣勢利之私於性情何與心不足以感召乎隱微
卽兩岐五稊之歌日至於前而自顧多慚君子以爲
其辱殆甚故觀人者於其言聽其言也而人之生平
概可見矣君鍾石梁華頂之奇爲諸生卽以文章名
敦樂之好無不知有葉君者自茲仕迄今益務爲延

健松齋集

卷之三 序

三

攬書扁舟西湖縱遊大江南北賦詩載酒一時名流
又無不樂有葉君者令潛江守郴州皆以政事稱楚
之士大夫頗能言之讀投贈諸章何入人之深也嗟
乎古道不復存久矣向使道不足以乎人而心不足
以相感召卽言人人殊亦何能各極其情有如此哉
然則君之所以致於人與人之所以樂致於君者蓋
可知已君性至孝年末艾投膝奉母夫人歸養前年
春詔舉博學鴻辭復以親老辭謝夫孝百行之首也
君行成於門內又如此吾知家庭聚順之際道愈尊
心愈篤所以致於人者當亦愈切安車蒲輪豈必舍

此而他求哉余與君交幾二十年長君天士從余
知君最深天士倅廬江奉君手書屬余序因舉此歸
之天士年少克世其家試取是編反復焉曉然於我
之所以致於人與人之樂致於我者皆非偶然而合
則凡出身加民獲上信友之故取之庭訓有餘矣

健松齋集

卷之三 序

三

徐武令碎琴詞序

余嘗次武令百和詩有笑指星光學月光之句蓋以武令多情祗緣中饋蚤虛代供甘旨哀淑配而美新姬正以重武令毛子稚黃以爲善立言然將緣比索未知武令多情果何屬也一日過武令出碎琴詞示余其音淒切使人不忍竟讀始信余言不謬而武令之信有情也夫伉儷之悲不必房幃私昵也其人之賢之美實足留連感慕乎人心卽鼓盆而歌終爲矯情物外唐文皇英武尊貴猶入宮嘆失一良友何況荀奉倩潘安仁哉武令始賦碎琴詞以寄其坎白分

健松齋集

卷之三 序

五

釵之慟而復索各人百和詩以寫其錦衾角枕之歡今試取其詞讀之或觸境以興懷或緣物而託意不必皆出于悼亡而一往情深無非悲感覺正字碎琴軒軒豪舉武令碎琴聲哀絃絕有百和愈不可以無碎琴焉若徒以三韻百篇侈其綺麗柔音曼調不且令纖繁主婦死痛靡蕪哉雖然鍾情之極哀樂皆能傷人武令旣憾無少君之術致影燈前而百非真珠又縈繞心曲而不能遣吾恐武令將不勝情矣稚黃子謂情癡無關名教盍爲武令謀之

諸虎男苦柯詞序

數十年來詞學盛於西陵余所見諸賢製作莫不人迴蘇辛宋工周柳其未經寓目者不知柳浪新聲更何若也諸子虎男詞名最久諸公間共推挹余嘗出北郭訪之舟楫未便恨然中返襁日虎男過余出茗柯詞相示憶余壬辰癸巳間雅尚詩餘每當鳥語花明時輒題小令數闕家仲氏倚而和之週年車馬勞勞無復草堂筆墨虎男顧向余索序辟之二八麗人新妝炫服見者將鬚乃復詣過時老姬問嫁衣裳豈不令人笑絕邪虎男詞娟秀流麗中時具清挺之致

健松齋集

卷之三 序

五

曉風殘月固自靡靡動人卽使鐵板按歌亦復慷慨淋漓唾壺欲缺虎男之才真無所不有矣聞虎男下榻富春杯酒凭江臨風酬唱西望子陵釣臺東盡浙水海門之勝宜其才情與繡嶺龜山相映發也余誠不足序虎男卽使嚼梅花盪薇露讀之豈足當旗亭

老松工哉

毛會侯詩餘序

往與會侯讀書語石山書卷而外間作小令自娛家
仲兄倚而和之會侯不屑也十年來都已廢棄而會
侯歸自漢中避寇居城西始好爲草堂花間之學比
至西陵與諸少年相酬唱纍纍成帙今別又一年矣
會侯補令浚儀詞益工貽書京師索余序夫詩無所
謂餘也正聲焉爾陸機曰詩緣情而綺靡於是言詩
者以綺靡爲尚而風雅之正亡矣梁陳而下遞變爲
詞曲纖巧淫哇雅音盡失夫詩所以言情也溫柔敦
厚之教息而徒取綺靡之餘相倣其害於詩何如哉

健松齋集

卷之三

三

公卿士庶無人不詞登臨譙別無事不詞詞之盛且
較詩而倍吾不知其何解也會侯文尚道遠力洗近
世膚僞之習年來相切劘久矣今官中州吾意政事
之暇求唐魏之遺音放鄭衛之繁響陳詩歌風粹然
一出於正顧亦靡靡焉好之何也豈文人固無不可
耶抑舉世相尚有不能已者耶吾嘗讀廬陵眉山集
其文古宕雄偉政治品行復卓越今古宜與綺靡之
好若不相習今觀其詞柔情曼調有不可概論者蓋
兩公才大思深以其大者正用于文章政治品行之
間而復出其餘以研情而寫致非專取綺靡爲尚也

使必以詞重兩公豈知兩公者哉會侯學爲歐蘇之
文故以此質之雖然詞者詩之餘也會侯之詞又會
侯之文之餘也會侯有餘閒不他用而用之於詞其
猶情之正也夫

健松齋集

卷之三

三

俞季瑛玉糈詞鈔序

余僑居武林一時名流皆得握手論交歡然如故舊然相距率十餘里近或數里求與共晨夕者甚少每讀南村卜居之詩悵惘久之間語王子丹麓王子曰君寓左陳際叔先生西陵耆宿也俞季瑛兄弟年少工詩文君出郭求友顧近而失之邪余聞之瞿然于是造其廬定交焉陳先生又遠館柴氏惟季瑛得時時過從季瑛家貧善讀書與兄漱伯齊各詩古文辭皆能超出儕輩所著玉糈詞風期秀上兼蘇辛周柳之長余尤喜其論文卓絕有宿師碩儒所未及者陳建松齋集

卷之三

序

披雲閣詩餘序

余自甲午以後不復留心詩餘者三十餘年矣間為西陵諸君作詞序輒笑過時老嫗為人作嫁衣裳未免顧影自媿客冬過新安從汪吏部坐中得讀汪子紫滄少年端整不見有風流可喜之色酒半出吾友毛子會侯所評詩餘一冊風華流麗神采動人心竊怪之端人正士又復斌媚如是才人真未易測耶陸士衡曰詩緣情而綺靡夫綺靡之情流為詩餘柔聲曼調似非端人正士所尚然曼元獻歐陽永叔諸公生平豎立剛方後偉而所著詩餘溫雅蘊藉乃知深情勁氣正不相妨不必文如其人也顧毛子論紫滄詞謂酷類辛稼軒其引義規諷亦就稼軒為比夫以紫滄之才出其緒餘何難兼蘇辛周柳而有之而毛子顧獨舉稼軒蓋稼軒體氣高邁顧盼奕奕學之而似固不失為雄豪學之苟未似將流為粗率君子墮人以言所謂取其長當去其所短耳然則紫滄既盡其虛毛子復盡其直余更何以序紫滄哉亦即毛子之告紫滄者序紫滄之詞而已矣

健松齋集

卷之三

序

若韓姪制義序

吾家系出漢縣侯儲河南之宗蔓衍天下睦鄰諸派
則出唐處士干非如他族一姓數望不可聚而同也
瀛山之麓考亭詹體仁講學處遺迹存焉先世比部
新會兩公後先振起若韓承家世之貽早歲以穎敏
稱為文高邁有奇氣一時推服謂光大前烈無疑矣
若韓顧精心學業與里中少俊論文語石之山語石
巖壑幽美予兄弟暨諸同學分憲課藝之所也若韓
既負才杰出而復簡練為揣摩間以其餘肆力於詩
歌駢偶論議之學莫不擷華六代取長八家雄文麗
藻蓋兼而有之今秋舉賢書主司重其才獎借特至
夫士患學未至耳當若韓閉戶讀書足不出里閭客
秋之亂竄處山谷間流離遷播不可言狀亦豈意一
發而遇聲名見重於世如此哉今試取其文觀之靈
奇超忽如天馬馳驟不可羈捉或規行矩步如控長
驥遊康莊豪風正復奕奕闡策縱橫剴切至此諸買
董二蘇吾向謂每變益上文人無不可耳不知其通
達圓體洞中機要遂至此也余喜若韓之才克亢吾
宗行且大用於天下故序其稿而樂告之若韓勉乎
哉士所當為尚不止此也

健松齋集

卷之三

序

馬嚴冲制義序

文章遇合詎偶然哉蓋凡負才積學之士無不屑隨
世俯仰其性情所發自孤行天地之間然而識者常
苦少當其潛然相遭穆然不見可喜則見為非所好
而忽之矣感召未深驟而快之旋且置之矣即不然
而一人識之衆人未必好則又姑聽之矣其人之生
平究無與也故性情之文能使千百年必傳不能使
一時必遇惟作者精光靈氣繚繞楮墨間而識者之
心思深有以入之始而樂繼而思久乃不知其何以
不能忘者此則性情之合也余分校京闈自念生平
困頓由不能隨世俯仰幸膺簡命其敢輕視都人
士顧操繩尺以衡人求其性情出拔無有也中秋日
獲一卷澹折靈竒初不見其可喜余恐率易失之掩
卷深思者彌日覺性情所發真有即之愈深味之愈
永者不禁狂呼嘆絕亟以第一人薦兩主司雖加稱
賞顧以余執持過切頗疑之余聞憮然曰安有求真
才而使人疑者乎於是詣聚奎堂引天日自誓且告
主司曰兩君掄文畿輔將取其負才積學手抑姑隨
世俯仰也今所見揣摩之業滿几案性情之發獨此
卷耳夫人負才學而不我遇斯已矣既識之而又姑

健松齋集

卷之三

序

聽焉其實不忍兩君獨不爲天地惜才爲國家得士乎於是兩主司欣然曰君毋過敵人能以性情爲文豈有私者凡八薦乃以第七人冠本房當是時余詞色俱厲同事皆爲太息榜發則桐城馬生也余不識生何如人吳戶部五崖張學士敦復詣余稱生不置口且曰得名士難得寒士更難君獨爲其難者余笑而謝之生名重江左積學數十年以不得志於有司就試京師曾大父問卿公尊人樞部公皆以文章清直名其課子務絕時俗庸庸之習故生博學好古不肯與世俗俯仰然而坎壈拂鬱其食報於文章亦已健松齋集

卷之三

三

極矣向使生掇拾餘藩人人得而知之度速化已久乃必以其性情之文孤行於天下雖歷困抑不稍易然非北遊京師或試京闈而不余遇卽遇余矣復澹漠聽之縱邀升斗之祿未知其生平何如也人之言曰作者難識者不易生之才之學則誠作者矣余顧何敢當識者哉

鄭懋嘉小題稿序

余既序鄭生制義而生復出其小品問序余閱未竟不禁興嘆曰干將莫耶天下之利器也然使悉露其穎則光芒盡矣生年少何盡見其才如此哉已復思之人惟無其才斯已耳有干莫之能而顧掩抑之其何以致用且光氣熊熊卽欲掩抑之不能也夫文固無分大小也古今至文孰若司馬子長余讀其傳志書表洋洋大篇而其敘戰陳燕會飲食言語諸細故莫不可笑可涕韓蘇垂世之文如山如河獲麟怪石諸作又何假詭不測也然則制義雖小道其才與學

健松齋集

卷之三

三

亦若是焉矣君家超宗先生蒐集各人小品爲文娛其間忠孝節烈至今藥藥有生氣小中見大生其庶幾乎吾聞之文章之道通於政事政之大者致君澤民兵農禮樂是已其小者亦必發一言行一事循分盡職要無負所用已耳生旣以其學發爲昌明博大之文而復出其才原情而寫意以此推之大而致君澤民兵農禮樂小而循分盡職一言一行皆足以致用可知也於此而必欲盡斂其光芒嗚呼何以別利

槌哉

俱亭禪師溪流文字序

儒者之道德性問學而已德性從天問學從人無二用也後世岐性學而二之於是有朱陸之分究之著書所以窮理主靜所以致知驚湖鹿洞各是其傳而朱陸未嘗異同也佛法以頓漸立教頓之義因乎性漸之義近乎學誰謂語言文字便非西來大意乎故通其旨者不獨朱陸同原卽孔釋亦無異教也俱大師在儒而儒名在禪而禪悟方其博綜諸家聲馳海內則逸亭十集以禪心廣儒術不見其多及夫振錫吳越究極入天則溪流文字以儒理發禪機不疑其健松齋集

卷之三序

三

以一披讀之覺就文字以觀大師與離文字以求大師俱有所勿受也今試進天下學子問之高者希心冥悟等著述爲駢枝卑者習持咀誦且不知五燈爲何義亦曾有學綜內外如俱公者乎荆朱陸於同堂萃孔釋爲一理雲門之溪流水淙淙作文字觀可也不作文字觀亦可也

釋逸菴詩序

詩以道性情性情所寄不可強而同也朝廟館閣之作鉅麗瑰瑋始爲雅稱若山林縉羽其性情所至自有靈心朴緒迴旋楮墨間必使同出一途無論體不相宜揆諸風雅之原當亦有未合矣逸菴禪人也工於詩輕清秀逸超然筆墨之外蓋冥心靜息原不欲以詩名卽吟咏所偶存亦由叅悟之餘不肯落禪偈窠臼皎然靈一殆有難相伯仲者倘慨以朝廟館閣之體律之辟之俱伊蒲而責以珍錯有不笑其寡當者哉余既喜逸菴能自寫其性情又慨論詩者各執健松齋集

卷之五序

五

所見不復折衷於正故因逸菴之詩併及焉若余自顧非陋每欲兼綜古今游覽懷思之什幽奇婁婉者依乎風酬贈賦物之章和平質實者依乎雅應制之篇堂皇端麗者依乎頌集羣言之液共臻大雅然而未能也今天下不乏作者逸菴試出其性情以相質元音未遽當必有辨之者

琴樓合稿序

亡友張孝廉步青與余同補杭弟子員別且十餘年矣丙午冬見步青於燕邸握手歡甚已步青罷春官時時過余寓齋雖感慨悲涼而呼酒論文豪邁不可一世步青爲余言家有三女皆工詩而長女槎雲不由師授尤能自出已習性至孝結褵後日依依念父母余竊心與步青才士而復有才女斯足奇也乃不踰歲而步青死今來西陵訪槎雲詩而槎雲又已死矣嗟乎天既生才何不能使少延歲月哉雖然余觀近代名媛孫夫人鄒賽貞富貴避年備諸福慧其貞

健樸齋集

卷之三

序

才早殞若朱淑真輩率由所配非偶抑鬱以致槎雲歸胡生詎非嘉耦而顧不獲永其年何也豈亦有不在于中者耶抑天故歿之以傳其才耶槎雲詩近體高雅截句秀逸而孝思深篤時見于篇章讀思歸憶長安諸什情致纏綿於步青之歿哭墓憶墓尤使人不欲竟讀蓋歡愉之字少而凄楚之音多其蘭摧玉折正猶以身殉父而非僅以才傳也胡生刻琴樓合稿索予序夫人琴之淚吾爲步青傷之弦哀柱絕復何能爲生慰乎然而筆墨所存向時閨閣聯吟之樂與夫懷思傷逝之情概可想見秦徐佳事將於合稿

彷彿焉亦何必感秋算而悼亡也哉然援琴而鼓之生固失一良內助矣

健樸齋集

卷之三

序

靜好集序

往飲稚黃思古堂長君靖武婿徐華徵皆能倚韻屬和然未聞其女安芳之善詩也華徵北游安芳作詩送之有妾心先已到京師句一時傳誦其家庭倡和詩毛子會侯題曰靜好集序而傳之矣余意華徵爲恨公仲嗣安芳又稚黃愛女兩家詩教元元本本此時偕隱鹿門倡予和汝當不亞秦嘉徐淑乃稚黃書來則安芳已死矣嗟乎錢唐向多才女張棖雲不永於前安芳又未老凋謝天之生才固不易耶抑人生甚全之遇造物所忌無論豐其才必齎其命卽白頭

健松齋集

卷之三

序

偕老亦未易數數見也安芳詩匿不肯示人嘗曰吾年四十無子詩乃吾神明爲之卽吾子矣傷哉言也其識耶抑信其必無子而始以自遣耶亦曠懷高奇故爲是新奇可喜之論耶其言似達其意實悲矣夫妻梅子鶴湖山韵事然處士終老無子安芳旣爲華徵置姬矣妾子卽若子視賈浪仙酒脯祭詩不較勝哉顧安芳後慧知大體傷逝之篇在華徵必有不能解者余婦知書雖不工吟咏然三十年來尙爲良內助一旦奄逝中饋無復緒理觸事感心亦何能自己乎三復斯編益令我泫泫泣下也

健松齋集卷之四

遂安方象瑛渭仁著

序

送座師益都先生致政東歸序

康熙二十一年夏六月吾師相國益都先生請告歸青州

上命馳驛遣官護送七月 召遊瀛臺復 賜石章

其文曰樂志東山 親爲詩寵其行一時朝野知與

不知莫不歎

皇上優禮老臣始終無間而先生之進退以道其精

健松齋集

卷之四

序

誠上格有非近代所能及也夫君臣之際以心相感而已易曰有孚舉如言上下交孚其精誠所積至於固結而不可解而孔子繫象申之以位正當蓋上有剛健中正之德下應九二之賢旣縻之以好爵又和之以中心所以化邦成治也古者七十而致仕引年請老者多矣增秩賜金安車駟馬禮遇非不極渥亦曾有殊恩稠疊始終無間如先生者哉當順治中先生起詞林歷侍講幄

先皇帝繩重之嘗曰如馮某乃真翰林

皇上眷求宿德自少宰擢長御史臺晉秋官尚書遂

參大政論者謂升庸陟相極一時殊遇不知其董率百僚政平職舉澹泊寧靜之德默承特簡非偶然也先生既爰立首以薦賢爲大務所引鯁亮之臣今大司寇魏公輩

上特信而用之其他贊大計決大議正色而陳改容而受天下之人陰受其賜而不知乃先生雖柄用無日不以引退爲念輔政逾年卽屢上章乞骸骨溫旨慰留不啻再四會海內用兵不敢復言去今天下蕩平無事始再疏得請益前後凡七上疏矣人知皇上優禮老臣如此其厚抑知先生精誠所格其進

健松齋集

卷之四

二

退一準於道固有交孚於上下之間者哉嘗見夫世之仕者矣一命之榮輒徘徊眷戀及躋高位竊厚祿既無致君澤民之學感動君心尸位曠官依違不肯去此其爲人賢不肖何如故非知足以決幾仁足以自愛道足以忘物之得喪志足以一氣之盛衰固未能脫屣功名而不顧也先生今年七十有四清明強固齒髮未衰又

天子仁聖同寅協恭諸大夫國人奉之爲表率疏傳所謂知足不辱知止不殆固無足慮顧功成身退天之道也

皇上以簡任爲先生善其始故進得効輔弼之忠復以優禮爲先生善其終將退亦得以適林泉之志君臣之間精誠固結其所以風勵天下者大矣象瑛於先生爲門下士頃來京師提携教誨又最厚故不敢爲攀留惜別之私惟就君臣之際進退始終之間深原其所以固結不可解之故先生或許爲知言乎蘇子瞻賀歐陽公致仕有曰軾受知最深聞道有自雖外爲天下惜老成之去而私喜明哲得保身之全象瑛不敏竊以此爲先生賀矣

健松齋集

卷之四

三

送師學博擢洪洞令序

姚江邵先生署遂諭五載擢山西洪洞令剛命之日諸生相慶於澤宮謂進師而令且值先生壽也於是其有爲先生喜者有爲先生惜者亦有羨先生并爲先生慮者喜者曰先生雋賢書三十餘年矣秉鐸觀其學治縣試其才蓋兩兼之惜者曰先生越之世家也其才與學當大用乃一試之於師而煩之以令何足爲先生重美者曰先生三爲學博周旋冷暑久矣履豐腴腴殆天以報先生也慮者曰洪洞巖邑也土廣人稠貨賄之饒紳士之衆甲天下然土廣賦多矣人

健松齋集

卷之四

四

稠訟繁矣財藪不虞衆攫巨族不憂旁掣乎先生雖善應顧儒者何能堪此余皆以爲不然蓋爲先生喜者愛先生者也其惜之而或羨且慮者非知先生者也古者儒與吏一致政與教同途故國學外職教無專官而黨正州長歲時讀法考其道德糾其過惡而勸戒之黨正黨之師州長州之師也爲之上者既德行道藝爲人表率而復以忠厚長者之道待其下故養之爲農造之爲士長之則爲師官之則爲吏典賢課能皆政發號施令皆教也後世分政教而二之於是儒術吏治漠然不相謀教化衰而治道維矣先生

健松齋集

卷之四

五

以吏之道師卽不難以師之道令蓋儒者之治治心而已心主造士不必典樂教胄也蘇湖之教寧山訓元變化下乎心主愛民不必三槐九列也卓魯之政何嘗不賜侯錫秩乎故遷擢非爲喜暫試非足惜也且先生何如人乎高懷遠學非離齋寒皚比也問齊不因人熱卽沃土奚美哉若夫斤斤過慮蓋就先生成績決之先生之三爲教也峻規條勤課校費序無遺糧催科視此矣遴髦秀獎單寒崇節士不佻達以侵民民不亢莽以狎士寧人息訟視此矣噫逐蠹營吾視之仍首肯也攫我者必寡賢士大夫吾親之仍生儒仍更老也掣我者必希故雖甚繁劇竊以爲無慮也何也先生以德行道藝淑其身卽以忠厚長者待其士而何不可以忠厚長者治其民民與士一將政與教一儒與吏一學校爲賢師司牧爲良吏一心通之有餘矣諸君奉教有年亦何容輕測先生哉諸君曰微子言愛先生幾無以知先生也先生行矣書此贈之并以爲壽

送表弟姜騰上南歸并壽其尊人瑞若先生序
母姨弟姜生騰上年少嘏文行名藉藉庠序間偕余
遊京師九閱月矣不通賓客不事遊覽敝衣蔬食屹
屹几案間其意似有所用之者夏四月將歸應省試
并壽其尊人瑞若先生余乃舉卮酒告曰子勉之天
祐明德其後必昌吾于此行信之矣夫人之碌碌不
自振者非獨天困之也其特身礪志實未嘗攻苦自
命而祖若父又不能貽謀于後譬之木然發榮方華
而既沃不加厚則生氣薄矣使因其盛而培之雖經
凋落而將來之繁滋如故也吾與子里巷相望先府

健松齋集

卷之四序

六

君暨尊公先生同爲淳安吳比部公婿婚姻世好知
子者素矣方京卿公以清修直諫著名啓禎間香河
公繼之再爲民罷官初未嘗剝民肥家貽後人以不
肖也然而廿年來中落極矣勢窮則變世固有京卿
父子而子孫長貧賤者乎瑞若先生承家學已當否
剝之初而又豪邁不事生產年未艾棄博士弟子縱
覽經史于籍暇則遊名山流連花鳥以適志吾黨論
襟度之曠無若姜伯子者今年六十矣豪飲笑談老
且勿倦比者得先生書以偶疾事藥餌騰上憂形詞
色余作詩慰之夫天祐姜氏既困苦之使閱歷于甘

苦中其必默相之承前修而觀後嗣之成立可知也
子來京師瞻泰岱之崇高濟黃河之浩淼宮闕呼嘯
郊壇肅穆所爲壯其文心者已極而又攻苦如是茲
之南旋也奉觴爲尊人壽然後放舟西陵一舉賀戰
勝天祐明德其在斯乎雖賢者事其親不必盡山顯
揚然觀京卿父子之勉爲善與先生之澹泊自怡夫
亦謂吾以清白留後人將有大吾門者子勉之使人
謂子之祖若父能栽培以教子孫而騰上克振家聲
于中落之後且謂吳比部有甥又能相與有成則吾
母與若母雖不得見猶將稍慰九原矣若因一時之

健松齋集

卷之四序

七

窮愁以報施善人歸咎于天豈知君家世者哉

送陳六謙之安邑丞序

海寧陳子六謙年少以詩名所刻大梁泰山諸作風行海內久矣顧獨請試吏余竊怪之夫以陳子之才博極古今乃亟於求仕如此吾知其心必有所不得已也間以問陳子陳子笑不應冬十月謁退山西安邑丞行有日矣余乃屬卮酒告之曰子之請試吏豈誠有所不得已於中者乎子之意固別有所寄而不吾告也吾聞之朝廷設官分職總以爲民內而六官外而郡縣巨而三事大夫下至丞簿尉佐無論大小也是故令尹掌邑事而丞爲之貳非僅哦松占氣以

健松齋集

卷之四序

八

清閑了公事也後世政治不修卑視丞爲散員不足比數而當其位者亦碌碌自安無復以民爲己任於是丞之職輕而丞之心亦不可問矣夫誠得民而治之度必盡其心而後快豈必沾沾科第始足致通顯哉且夫安邑非最爾也襟山帶河是堯禹之故都而三晉要區也地高土沃舊稱富饒陳子官於此當無憂貧窶矣然而酌水縱囚夫獨非丞乎苟丞不負人而人負丞其何以重此職也矯末流而上之必有以處此矣陳子詩人也安邑於國風宜歌唐蟋蟀在堂至今思勤儉焉夫勤儉之俗其教易成問俗觀風之

暇其和平忠厚必有入人心而誠神聽者登臨憑弔易足盡陳子哉今國家立賢無方苟有奇才茂績不難立躋顯秩陳子膺親民之任而又當陶唐夏后之遺墟三載政成增秩超遷如孫璽漬朱龍門故事向者不得已之心庶其大慰乎陳子尊人於先大父有淵源之誼余喜陳子之才得以詩教其民鳴條姑射之間將因陳子而奏唐風也故與之論政更與之言詩

健松齋集

卷之四序

九

送湯西崖南歸序

余僑居錢唐三年士之能詩文者必訪而求之諸君子競相推許知余文章朋友外無他好也顧獨以未識湯子西崖爲憾西崖浮江淮歷齊魯放遊京師文名藉公卿間今年余入都識西崖於長椿寺握手驪甚西崖亦大喜數相過從意氣之合有不知何以然者西崖年纔二十爲唐宋大家之文其詩高遠類王孟余嘗謂西崖年少蚤孤家素貧顧超絕如此倘更老其才不知復當何似乃西崖爲余序健松齋集極論讀書作文之道而以余爲能學韓歐蓋愛而忘

健松齋集

卷之四序

十

其醜不覺言之夸也然吾兩人之所好亦概可見矣余生平以文章朋友爲樂湖山讌集往往見於篇章今別且一載矣追念舊遊邈不可得從吾遊者多鄉曲故人不嫻爲文辭一二知交又皆羈於職守今有西崖或者載酒西山賦詩金魚池上如阜亭河渚時乎乃西崖則又促裝將南歸矣西崖之言曰今天下貢舉尚制義士非此無以進吾來京師非得已也風塵酬應妨吾靜者多矣歸當理吾舊業耳余聞而疑之西崖方以詩文名都下顧戀戀如是豈誠有所不得者耶則試爲西崖思之制義與古文無異道也能

於制義求古文卽不難以古文爲制義夫制義之興有體有度有氣有神要亦涵濡六經沐浴先秦史漢而變化於韓歐諸大家得其精者以爲文亦遂歷久遠而不可泯沒今士不服古剽竊者時人緒餘耳未得其步趨而反失吾所故有敝敝焉何爲乎西崖於此亦卽古文通其意可矣若夫遇合誠有數然天下未嘗無知己吾以其精者相通彼亦將遇於冥冥之內固有所不必計也顧西崖以京師塵囂欲歸理其靜業夫湖隄十里士女之熙遊管絃舟楫之嘈雜視此中何如乎倘仍徵逐於六橋花柳間固無事於歸矣余所爲告西崖者如此

健松齋集

卷之四序

十

送同年汪孝子歸省

人生家庭聚順之樂豈不有天幸哉夫祿不逮養無
論已然或謂曰三方或學王事至求一省侍不可
得白雲之下凡爲子者所當懷也乃循分舉職既克
盡其心而又奉升斗之祿邀半通之綸以悅其親雖
至性所感天之所以成之豈偶然哉吾友汪君鐘如
少失恃依依太宜人者三十年甲寅春當赴闕試太
宜人春秋六十有九矣君躊躇不欲行太宜人固命
之乃長跪泣別計試竣南旋不敢貽倚閭望也乃試
輒高等遂守官京師既以甫拜 命不敢陳情而

健松齋集

卷之四

序

國家功令京朝官歷俸六年始許歸省於是太宜人
壽不得躬奉杯觴每爲余言徘徊戀慕君於此誠有
所不得已也今君優游禁直且佐司農歷天官尚書
郎前後蓋七年矣在恒情視之君雖與例合然忠孝
未能兼盡從此展所長以顯揚代旨菽太宜人當亦
欣慰亦何必脂車南邁始樂其志而君不敢安者謂
非此固無以悅母心也於是投牒請 假復省例給
與 敕命長安士大夫莫不歎鐘如之賢既盡其忠
復不失於孝有如此嗟乎吾嘗見夫世之爲子者平
時不能以至性相親一旦服官後各歸然即或合切

承歡而望靡及此非薄待其親勢固有不能也以
君視之不足有天幸哉今君歸矣旦夕拜堂下太宜
人白髮冠被稱觴上壽家庭之樂莫快於是爾且輯
贈公懿行擬祀著宗然後奉太宜人就養京邸以從
王事嗟乎人情不甚相遠也余與君同年好新安
距余鄉不二百里凡君所能爲者余未嘗不日夕志
之顧少失所恃先君子又不逮養雖母孺人在堂然
格於例不得一承色笑視吾鐘如相去蓋不知何如
矣能無慨然自失也哉

健松齋集

卷之四

序

送李尉序

尉之爲職所以弭寇盜興水利佐令與丞之不逮非徒文移出入已也漢唐及宋皆以士人爲之故職舉政修游登華要即或蕭然遠引如梅子真輩亦足超視塵外蓋其讀書明理修身遜行能安於進退之節自處者尊人固不得而卑之也近世類以府史充之上既視爲驅使末員而當其任者亦自甘爲無所輕重之寄伺上官爲喜怒結豪蠹爲友朋鼠竊蠅營耽耽歲月薦剗未嘗列其名而計吏則借以塞責欲其克自振拔卒爲善士難矣李君之爲尉也蓋起家同

健松齋集

卷之四

五

官諸生當是時邑人少司馬汪公喬年督闕中學政君始籍於庠汪公文行忠節名重三秦青衿雖一日之遇其鑒拔非偶然者會鼎革需才凡宣勞幕府皆得授州郡倅君乃由諸生從總督孟公於秦勤敏通練積有歲年督府爲循例上請而部議已具題改授矣入仕之先後固有幸有不幸哉君自奉檄來遂民淳俗樸無萑苻之擾亦無迎送奔走之煩晝則承牒判決夜則鈴柝森然招流移勸開墾督修隄堰民得安生而樂業乃君志切故鄉念舍儒就吏而服官僅同胥吏惴惴然若不能一日安其位者亟請於令君

得放歸田里嗟乎八法之行吾見夫露奏者矣對簿大吏之庭進退若觸藩然孰有蕭然遠引者哉今君將行矣邑之士大夫諭君儒者競爲詩歌以送之予故樂爲序夫君直以士進者耳若古之蕭曹皆明法也今天下不皆其人而府史胥徒援之以自托吏道雜而儒術衰天之與之則又何哉

健松齋集

卷之四

五

送施愚山先生典試河南序

儒臣無官守言責所謂循分盡職者編纂與典試而已編纂之任褒譏予奪重矣典試則知人得士古大臣以人事君之義也愚山先生文章行誼名海內四十年住者視學山東一時稱得人項應召纂修明史褒譏予奪夙夜不敢懈可謂能其職矣今年秋奉命典河南試夫衡文之任督學別其材主司收其用其爲國求賢一也鄒魯文學之邦梁又居天下中多奇士先生皆身歷焉驗於前必效於後曩時旦旦而校之既區別其高下豈糊名易書而失之乎吾

健松齋集

卷之四序

六

知其必有得也雖然今天下取士制義而已古之人固有因其文知其人者夫梁才藪也兔園作賦鄒枚遺蹟存焉建安七子鄴下之所以盛也驅車過彝門問侯生隱處亦曾有負奇如毛公薛公者乎蘇門百泉之間未可謂遂無其人也求而得之庶乎以人事君之義矣苟徒以文墨筆札事

主上班范之詞章豈吾所望於先生者哉先生在史館引余爲忘年交於其行也敬以此告之

送顧九恒南歸兼壽其尊堂翁太君序

節孝之家其後必昌蓋節婦孝子其歷境也報其積慮也苦庭闈之間母之教其子與子之所以慰其母皆有奮往自勵之志以爲不如是不足振孤莸而強志氣故天之報之亦常若適如其意近者及其身遠則于其子孫蓋天不能使人皆富壽故以此勸天下而非有所擇于其間也余客錢塘聞橋西兩顧子皆負才早孤丙辰夏嚮中飲予復堂余爲序其詩而行之九恒適遊吳中丁巳余謁選入都九恒亦奉其母翁太君命就試京師余訪之長椿寺一見驩甚

健松齋集

卷之四序

七

恒詣余曰吾之來京師非得已也先君早世母孺人忍死撫孤三十八年矣生平頗事吟咏先君之喪剪髮并所著幽蘭集以殉惟日取毛詩課不孝不孝十五遊于庠屢試不得志今春奉命北上念母春秋高不欲行母怒叱之蓋痛先君齋志早殞冀不孝及時樹立而又慮學識庸鄙非徧交賢士大夫不足廣其見聞以有成也今幸奉教諸君子願以執贄請余遂謝久之九月秋試不利少司農嚴先生以故人子留之邸中余適辱先生之薦數相過從九恒下帷攻苦志益堅文益工明年戊午京闈當論秀余奉命

分校壁經得馬生教思輩九恒果以毛詩冠其本房
當是時兩君文皆雋奇超卓馬顧齊名溢于都下
九恒顧執禮愈謹余雖不敢受然其虛懷普下極矣
太君聞捷手書慰勉謂四十年愁眉得此稍紆遠大
方始母以此自棄九恒拜讀涕泣今年試春官馬生
舉第一人九恒復報罷中夜徬皇慮重傷母氏心余
輒以義命解之然而嚙指之感至是已兩載餘矣向
使太君就姑息之愛以呱呱無父護持憐惜必不能
課其成立即使長而能文足不出門閭亦安能翺翔
賢士大夫之前博聞洽見以成其材然則九恒之魁

健松齋集

卷之四

序

京聞天固報之要亦太君之教獨見其大也嗚呼其
賢也已余家六世祖慕庭公早孤事節母余孺人至
孝有司旌其閭雖身未顯仕然不再傳而先大父由
詞林歷政府贈孝子公如其官于姓孫曾繁衍且數
百人咸謂節孝之報九恒既登賢書天之報之較余
家爲近今之南歸也奉觴爲母夫人壽三十八年之
志度已稍慰亦何必計遇合之遲速哉九恒歸屬余
一言爲壽因書此寄之使天下人知節孝之家其獲
報于天非偶然也

送汪悔齋檢討冊封琉球序

康熙二十年琉球國中山王尚質薨其明年世子貞
遣陪臣奉表請封

上以冊使務得人 命九卿擇廷臣堪任者以聞羣
推檢討汪君悔齋 詔曰可于是以君爲正使而中
書舍人林君麟煥副之君上疏陳五事其一請降
御書頒賜國王

上特允所請書中山世土四大字予之將行公卿大
夫皆詩文祖餞余既已爲詩四章至是乃嘆

皇上以文教懷柔遠人古今所未有而君之請爲獨

健松齋集

卷之四

序

見其大也夫古之禮遇屬國者多矣殊恩異數要亦
頒爵賞予綰帛或璽書褒慰已爾未有煌煌
天章下逮于小邦君長者

皇上聖文神武化洽海外乃不難親瀝宸翰以示
寵異可弗思其義乎夫琉球固中山之土也而既奉
表稱東藩則非中山所得私矣詩曰普天之下莫非
王土又曰錫山土田琉球僻處海中澎湖落滌之間
得休養生息以保其宗廟社稷者誰之賜歟亦惟是
恭順恪慎弗替臣節乃得貢享不絕以世有此土也
今嗣王當拜爵之初

皇上優之以禮渥之以恩而又 御書下頒若曰爾
守茲土用藩屏我 國家尚其欽承世世子孫毋負
寵命蓋必如是乃謂之世土云爾然則奎璧榮之不
啻告誡申之我

皇上仁育義正超越前古君之請亦誠有見乎其大
者哉昔者漢文帝諭南粵則遣陸賈武帝通西南則
用司馬相如兩公皆文人克副任使君文學名海內
已未 召試闕下 特簡五十人官翰林予與君與
焉一時談者謂諸君起田間徒以文墨侍從于國家
大事未必有當予嘗恨碌碌史官無以表見今君奉

健松齋集

卷之四序

圭

聖書行萬里外待節在前弩矢夾道固已極文人之
榮而高識遠見通達大體又如此視彼尋行數墨者
不知當何如矣吾聞琉球素恭謹有明盛時其王子
及陪臣之子皆入太學受書而一時冊使能以禮義
自持所有餽遺至表請以君命受之故遠人敬畏不
敢慢君今卿 命冊封又重以 御書典禮視前代
加重宜宜諭其君臣使知世守茲土毋或隕越之意
然後謝絕私交歸報

天子此尤不辱君命之大者君高識遠見必有以處
此若夫風濤之險惡帆檣之勞苦魚龍鱗鰈之變幻

島嶼遊氛之出沒鄙夫方色然憂之 簡書在躬百
靈呵護何足介方寸哉

健松齋集

卷之四序

圭

送同年劉誠菴吏部歸省序

同年劉考功誠菴典試入闈還朝不數月請假省其母夫人於淮安一時同人祖餞莫不歎誠菴以人事君復能以善養母非常情所能及也北山之詩曰王事靡盬不遑將母言馳驅勞瘁不獲歸事其父母也是故匹夫之家晨昏旨菽極人倫之樂事而顯揚有所未逮若夫出而圖君此身非吾所得私矣職掌未盡則不可歸簡書在躬則不敢歸甚或瞻望白雲徒悵悵於親舍之不可即則有欲歸而不得者此其君親之際誠有幸有不幸而非忍於忘親也誠菴

自爲廷評分校京闈即得今檢討倪君輩

皇上新銓司特權君主政考功明年遂典試福建誠

菴念叠受寵遇驛車過里門不敢入謂簡書在躬職

掌未盡非吾省覲膝下時也入闈之日於兵戈擾攘後拔其尤者五十三人閩人翕然稱之夫朝廷重吏部所以進退天下之才也誠菴於此亦既無忝厥職矣乃竣事至今無時不以母夫人爲念今春兄文起舉進士誠菴喜極而悲謂吾兄弟幸不辱慈訓願同留京師何以慰母氏心投牒請假凡人所不可歸不敢歸與夫欲歸而不得者獨澹然有以自慰其於

親之際可謂兩無憾矣異時歸拜堂下家庭聚首之樂卽高爵大祿詎足易其所願哉余與誠菴同鄉舉又同官於朝顧早失怙恃今母孺人在堂以史事未竣不敢言歸國家功令京朝官非歷俸六年不得請拜書省候切切焉念之前年汪考功鍾如歸省余送之慈仁寺悵然自失今誠菴又南旋矣拙守一官有懷如故其將何以自解也哉

健林齋集

卷之四序

三

序

賀大宗伯吳公入參大政序

代

天地昌明俊偉之氣鍾於名山大川氣之所鍾必有大君子起而應之其用關乎氣運而其效極於天下國家非偶然也三楚山川雄偉甲於天下書傳所載多奇人傑士姑無論前古卽有明三百年間相業彪炳如石首之德罷茶陵之文章江陵之經濟江夏之清忠皆卓然有以自見蓋衡山夢澤之靈秀所從來

健松齋集

卷之五序

一

久矣國家鼎興楚材先後杰出大宗伯賡菴吳公起自江漢爲時名臣十數年來修明禮樂釐正典章海內知與不知莫不歎爲端人正士

皇上神武削平僭亂思得老成耆舊共佐太平冬十月

月

上特簡公暨錢塘黃公入輔大政一時朝野相慶

皇上眷求宿德爲天下得人而公之文章德業仰孚聖心固非偶然也公端亮誠一出自性成通籍四十餘年高文大冊表式海寓兩典鄉會試皆得人最盛文章德業士大夫類能言之惟是公自起家翰林其

生平遭際實有非尋常所能及者當

世祖章皇帝時破格用人簡儒臣才望加銜出補監司蓋內外並用使知親民蒞政之意公始由官坊參藩江右旋晉秦臬夫循資序遷所以待常材非所論於天下之士也使公文章德業未當宸衷將必歷數遷始登三事乃

先帝不謀之廷推召公入爲少司寇不次之擢蓋寵遇於茲極矣佐秋官未幾以讀禮歸服闋需補固猶然田間也

先帝復降特旨起公貳中樞俟領督捕尋長御史

健松齋集

卷之五序

二

臺遂以大司空簡任秩宗夫殊恩異數非臣子所能屢邀也况詰戎重任乎乃公之承恩至再且如此今皇上用人立政同符

先帝公之生平簡在

帝心久矣爰立大典何難旦夕立下乃必需之數月審慎鄭重而後用之夫儒臣先罷議外僚尚功能今名卿濟濟敷歷中外要未有若公者故知之也誠深用之也誠決而所以信嚮之者不得不出於慎古帝王如不得已之心固以爲天下也然則我

皇上知人善任超軼萬古而公之疊承寵遇兩

朝如一日從此平德升猷弼成盛業衡湘漢沔開將
與南楊並美而豈茶陵以下所能望哉余與公同朝
久稔公文章德業非一日楚中卿大夫問序於余因
舉公生平而推其篤生之由與所以得君行道之故
爲天下國家慶書曰元首明哉股肱良哉又曰同寅
協恭和衷哉言君臣上下交修厥德以襄至治也今
天下乂安庶民樂業

健松齋集

卷之五

序

三

賀張素存學士擢閣學序

代

皇上好學勤政 召海內文學之士纂修明史既以
學士素存張公爲副總裁明年內閣學士需人復
特簡公兼少宗伯任厥事一時朝野稱慶莫不歎
皇上知人善任而公之才與學能勝任而無愧也蓋
天下大業文章政事而已文莫大於史政莫重於內
閣專其任者恒難言之是故左馬班范代有傳人然
珥筆載書未聞以政治顯也丙魏韓富勳業著矣其
文辭不少概見學優者或絀於才才長或不足於學
文章政事固未有責之一人界之一時者然則其事

健松齋集

卷之五

序

四

誠難兼其人尤未易多觀也公旣擅東南之秀導人
公選先生 開國初領解第一其典銓選督學中州
皆卓然有聲譽文章政事受於家學者久矣公少負
雋才弱冠舉於鄉踰年成進士讀中祕書經義制策
海內奉爲程式夫世宦之家早達負盛名天之所甚
忌也公澹泊寧靜爲史官十五年無幾微冀俸丙午
典試浙江彬彬稱得人侍 講筵凡數載悉心啓沃
夙夜孜孜不敢懈夫掄才重任也直講巨典也以私
心怠氣乘之無論職業未稱卽生平稽古致君之心
不無稍媿而公之澹泊寧靜顧如此其誠身獲上實

有在文章政事之先者詎止一時遇合已哉且夫史學難言矣而明史更難洪永熙宣之治平二正神熹之末造其間貞邪理亂非不粲然耳目然實錄既未可盡憑稗官尤多失實革除復辟間得無有曲諱乎大禮三案之得失是非予奪又甚煩良史矣公自試浙江卽發策以明史爲問今編輯垂竣與總裁葉公遐咨博采遲久毋率易其難其慎之心蓋有非前代史臣可望者 國家設大學士總機務復置內閣學士爲之貳凡大政大議總其成而出納之其秩視諸司爲優而其任較諸司更劇自非精敏勤練未有

健松齋集

卷之五

序

五

不心力交瘁者公固慨然有餘度非僅明習掌故誇詞臣極任也夫文莫大於史而公任之政莫重於內閣而公又任之舉古今難兼者斷然用之而不疑確然受之而不愧在公誠仰副任使我

皇上知人善任豈近代帝王所能及者哉夏六月當公覽揆之辰門人某某爲公浙閩所得士請余言爲祝余與公同朝相善令兄禮存復有一日之知諭公行如詳夫文人裁決政務莫若陸敬輿其以史學被寵渥莫若司馬君實宋景濂然未有責之一人畀之一時者卽歐陽永叔奉命撰唐書五代史而學士叅

政事年且幾六十今公適屆強仕耳文章政事之大且萃於一身昇於一時一以澹泊寧靜之氣主之責愈重心愈密所以仰副任使者豈有易量乎其爲天下得人慶不知當更何如也

健松齋集

卷之五

序

六

余雲將先生七十序

雲將先生以夏四月登七十知交謀所以祝之書
書及門曰生平重方子不獨以制義脫然索文墨焉
齒非方子寧已之夫予何足以壽翁哉雖然古今論
致壽之理詳矣儒者之論必本仲尼仲尼曰仁者壽
非必延年祝算與安期美門較修短也體無欲故強
道無私故示情無累故適而其所以致之者泊然一
主於靜龜鶴之遐齡松柏之蟠茂類皆寧神息氣與
天爲游况岡陵山阜仁固有靜體哉雲將先生靜者
也卽以仲尼之言推之翁生武強望族於書無所不

健松齋集

卷之五序

七

窺爲文變化八家出入子史啓禎間文體詭異獨以
古療之里中推祭酒焉予嘗見當時操觚之士聯袂
酣呼白眼傲睨而翁危冠道貌凜乎不可犯是故家
世替紳無亢容早負盛名無矜氣卽馳騁文壇一經
終老亦無殊致何者靜故也滄桑而後則以隱君子
老矣訓徒授經暇則支筇蠟屐分題賦詩益才以靜
存教以靜立扶風前生徒後聲樂固有所不屑也辛
丑舉明經有司敦趣廷對翁笑謂吾積學四十年寧
藉青袍爲投牒公府以所給道里費賑饑乏引疾
樵溪賦十咏以見志蓋至是而翁之氣愈靜矣翁先

世有宋林處士者辭榮不仕卜壽藏手植玉蘭其上
花葉繁茂四百餘年其冥心靜寄先後蓋無幾焉今
者翁七十矣諸君試思先生何如人乎學古行高無
欲也教必因材入心盡心無私也展視功名放情丘
壑無累也其體強其道永其情適而靜足以概之寧
神息氣斯固壽之基哉諸君曰善以靜爲徵以聖言
爲斷此真吾儒之所爲壽而先生所以樂有子之文
也遂書以爲祝

健松齋集

卷之五序

八

壽少司農嚴顯亭先生序

余童時聞餘杭嚴先生名時先生舉賢書受知于柴桑文燈巖吏部燈巖西江名宿先大父辛未所識拔而主司黜之者也先大父分轡南宮得馬文肅楊維節項仲展輩稱極盛最後獲燈巖奇之以觸忌諱力爭不得真副卷第一燈巖終身感切見于詩文燈巖生于先大父淵源之誼相孚合久矣乙未先生成進士讀中秘書已歷諫垣陟同卿總臺憲以及貳司農朝野倚重若泰山北斗余伏處山陬不得瞻望丰采東南士自京師來者談長安公卿輒稱先生篤故舊

健齋集

卷之五

九

好獎誘後進爲士類表率心益嚮往之今年謁先生于燕邸延見問慰詢先人舊事咨嗟嘆息余文章無所知名亦復謬相稱許延譽不置口夫聲氣之宗傳聞或交過實不謂當今日而果有忠厚長者如先生者也先生世承家學詩文被海內四十餘年翰苑爲名史官省闈爲名諫議總理度支爲名公卿父子臺垣一時濟美于若孫復森森繼起勳名弗祿可謂極盛矣當此之時卽養專處優亦何事不可自娛顧乃惓惓故舊嗜才樂善如此且今天下人情亦可見矣幸通仕籍奉養師門其師友淵源之所自類皆淺漠

視之彼或專居朝宁則奔走伺候豈不待言一

去不復相聞問且若不知有其人者況其滄海之隔乎若夫士之能文章者以所撰著爲羔雁要亦預教先達之意乃闢吏詆呵不得一望顏色卷帙之收贈非惡而遠之則姑置之且忘之矣問其所操何文何似固茫然也嗟乎交道之薄久矣孰有忠厚長者如先生者哉先生旣以忠厚長者之道待其身卽無日不以忠厚長者之道待天下生吾前者吾念之思其人求其遺書殷殷乎不忘也生吾後者吾引而進之衣食教誨一長之善目受心賞勤勤乎不容自己

健齋集

卷之五

十

也天道忌盈而好謙人情崇厚而惡薄謙厚之至積慶歸焉享期願昌孫子致君而澤民此心通之有餘矣問以語顧子永年顧子曰勳名弗祿朝野倚先生二十年矣君以忠厚長者之道推之是誠知先生會先生壽索余言爲祝因以此告之頌禱恒辭非余所敢出亦非先生所樂聞也

撫浙少司馬宛平金先生詩序

王正令序歲歲佳辰處士梅花芬條風於玉藥蘇公
楊柳漾遲日于金絲聽浙水之春潮峯來海外攬吳
山之麗景逾迥天中淑氣煥崇牙三百六旬今朝最
盛和風榮壽戟七十五屬此處偏佳楨符宜諧管絃
勝事應傳詠詠蓋元臣弭節星明牛女之交上壽徵
麻座接風雲之氣故南山之頌未敢後於雲璈北海
之樽竊願陳於瓊府也恭惟吾師懷存先生德業范
韓文章燕許靈根越嶠千巖萬壑之奇秀出蘭亭曲
水流觴之勝卜鳳凰而徙宅自昔蟬聯依葦葢以爲

健齋集

卷之五

上

家于今錫起聲傳金石范陽四傑之盧誼叶塹虎燕
山五株之寶終軍弱冠攀桂闕之靈枝韋綬風流占
槐廳之仙籙蜀襖袍傳來天上金蓮炬後自禁中耳
筆承明升華秘府班名玉荀知人不數歐陽鑑是冰
壺相士寧殊司馬總鶴禁麟臺之秩春華與秋實兼
資領園橋泮壁之宗稽古共通今竝擅惟

先皇帝簡內臣以資外任乃大司成較造士而出親
民畢公保釐東郊以伯惠綏南國隼旗拂曉梅嶺香
飛熊軾行春羊城日暖愛持臬憲平亭徧珠江玉壘
之區載啓藩屏遷步歷牛首龍山之境表率久傳于

左轄蕃宣特著乎中州治奏無雙政稱第一于是八

瞻卿月 朝傳福星花滿客臺賀奉常冰清玉潔烏
飛憲府顧中丞虎視鷹揚遂參樞省之權籌分帷幄
兼掌趙趙之籍滙寓行楊屬以南荒用武北鎗需入
帝心重社稷之臣 簡命赴滇黔之地輪蹄曉曉氣
壯熊羆銖黍恭稽奸消雀鼠冠恂轉餉竟催狐兔之
羣劉晏持籌遂掃鯨鯢之窟策動九列開府三山吏
畏民懷績紀辭霄之閭春生秋肅膏流浴恩之池慨
越懷崇聞天覆露是以村無伏莽征人盡喜西歸海
不揚波

健齋集

卷之五

上

天子無煩南顧倦茲兩浙實東南之要區特沛 新
綸移旌麾而作鎮 鸞章甫煥錢唐江畔望切雲霓
龍旂初臨靈鷲峯前歌生草木趙閭道之琴鶴兩袖
風清韋節度之丰裁羣寮霜肅軍恬弓劍閭閻並沐
春和士樂我菁黨序咸濡雨化捐金以恤民困恒深
饑溺之思躬禱而迓神庥大集盈寧之慶凡茲經文
緯武敷歷者二十年信乎內安外寧育功在千百世
宜其載道口碑饒人心版者矣瑛鉛粟鄙儒山陬下
士芝蘭舊譜喜托栽培五缶凡音偏資獎借寶燕石
以如王恒殷說項之懷愛魚目而忘珠曾削薦桂之

廣春風絳帳矢環草于勿忘曉月青燈冀駑駘之無
負何幸騶軒遠蒞式諧立雪之忱罄咳親承重沃吹
蘭之訓欣斯穀旦適際揆辰九陌華鐙光搖碧漢千
郊絲竹響徹紅雲用陳下里之辭稍佐喬松之祝快
人心之允洽知天眷之彌殷從此黃髮升庸班崇台
斗黑頭作輔履曳星辰不惟尚父勳名歷中書二十
四考選期潞公弗祿會耆英一十三人榮及蓬茅蓋
誠心乎愛而心乎藏矣慶同寰海豈徒善爲頌而善
爲禱哉謹序

健松齋集

卷之五 序

三

壽江青園先生序

癸卯秋新安江子辰六與余同鄉舉黔越異地未相
識也今年春謁選來京師會 詔舉博學宏辭之士
以備顧問命中外臣僚各舉所知少司農餘杭嚴先
生謬以余應辰六爲沈繹堂學士所舉而諸侍御復
交章論薦於是始相見於吏部握手知平生歡秋八
月尊人青園先生壽七十辰六述其生平爲序
余掩卷歎曰語云不知其子視其父觀辰六以文行
重於時而先生之生平亦可知矣蓋江氏爲歙望族
曾大父竹岡公早世方萬兩孺人撫孤子光祿公成

健松齋集

卷之五 序

古

立崇禎中建坊旌表所謂雙節是也父尚寶公篤學
嗜古滄桑後當事疏薦以疾辭先生世其家學游太
學有聲會辟舉亦不赴其持身立行足於已而無求
若此今觀先生生平表光祿君孝行續初新安節烈
祠家廟災踏火出十九世木主祖母病刲股以進莖
先尚寶及許宜人皆廬墓期年輯累世詩文疏草以
垂世其孝可謂盡矣舍乘騎完人妻鬻產脫宦家婦
八口除乞求貸雖未謀面必質金與之巨族姻好憤
爭互操戈不已卒爲排解之有亡命欲加害解衣縱
飲不以不肖相待謀竟息好義之效又已見矣夫使

先生之賢早受辟命出其身以化天下自當多所建
立乃優游田里以德行賓於鄉豈誠忘情斯世與草
木同朽腐蓋謂吾以孝義教後人必有大吾門者今
辰六傷賢書兄若弟皆力學有聲於時不以祿位爲
榮而以文行之優信友獲上爲急所以壽其親者庶
幾無愧矣乎陳太丘德乎遠邇與子謀紀並著名每
公府辟召常同日至羔雁成羣當世榮之先生不受
辟以孝義教其子孫辰六名重當時裒然爲公卿舉
首異時奏對甘泉躬膺 寵遇謂有是父乃有是子
安車徵詣先生即不欲仕恐亦有不得辭者矣余雖
未獲親手采然與辰六交故以此爲祝先生隱居樂
道得毋傲脫不屑也哉

健松齋集

卷之五

序

壽仲兄五十序

歡樂之家壽常少患難之後壽常多豈患難遂可致
壽哉因勞得逸因瘁得愉實有在尋常歌祝外者偶
然而值之君子謂足喜不足悲也吾兄以甲寅七月
登五臺適八閩告變衛饒常玉間遽起應之邑四鄉
聞風震動人無固志然城守尚無恙也七夕潰帥自
姑蔑來奔始張皇其辭而將吏宵遯矣越日寇始集
焚廬居掠金帛炊烟盡絕市無雞犬聲父老相驚謂
數百年所未有也維時同堂兄弟各散失不暇顧余
與毛子會侯變姓名奔馳淳歙間兄獨以幼子病倉
皇走燕源山旬有二日則兄誕辰踴躍窮岡荆榛露
宿腹不得果蓋患難於茲極矣論者謂兄生世胄早
達負盛名一爲李官旋宰嚴邑懸弧之辰不獲一觴
相娛何以自慰自某觀之兄之壽正當由此得倍何
者兄非患難中人也然使非罹寇燹際此佳辰亦不
過孫子盈前親朋滿座選伎徵歌屏障雜還如荆南
淝水舊事耳天道絀有餘而獎不足不足者有餘所
自生也日盈則昃水滿則溢物殄則祿薄享渥則數
窮留天地有餘之氣以還之造化則造化厚愛之矣
且兄亦思自辟盤以來曾有困苦如此日者乎窮乏

健松齋集

卷之五

序

拂亂天之所以眷吾兄也惜物力而甘澹泊則兄之所以承天也間以語毛子毛子笑曰子之壽兄遠矣然方丈蓬萊仙人寧無居處雪岷之壽乃竟蕭然叢薄間恐仙人亦未必至此相與鼓掌大笑及歸述之於兄兄亦輟然喜授簡書之

壽黃寧海序

詔我黃君佐遂安八載循聲藉甚業以上考擢尹寧海矣宰寧之五年循聲復大著夏五月君壽登六十吾友黃子介伯貽書索予言爲壽予惟譚吏治于今日難矣然非令之難人自難于視令耳前輩有意之士多願爲郡縣謂與民最親也且學古入官循分盡職吾儒志之素矣使皆辭艱就易天下事誰任其難者故有難于視令之心則見其衝繁凋疲也而不敢爲見其卑屈煩瑣也而不欲爲見其上交下伺掣肘敝膝也而不能爲且謂不足爲要之惟盡此心而已

心不可預期視乎時與地而爲之應故心盡而治成固可幸無罪苟或不能亦聽乎其所自至于吾心無歉也然精誠之積天必因之安在朝歌渤海非以勵循卓哉君生宕渠名勝鎮靜之德敏練之才備矣而慈和愷悌尤不敢更其心方其佐遂也謝餽遺息爭訟勸農桑恤人之困完人之姻所與共晨夕者心經一卷而已若其宰寧當海氛出沒之餘措餉宿兵入迺土蕪而又水旱頻仍寇賊充斥夙夜之積以千萬計官其地者坐席未溫旋挂吏議可謂難矣君自下車勞來招集甫半載有馴鹿隨車之異前總督趙公

按行邊海論君治民優待等今年春當事趙通議
責償甚亟邑民數百人投牒兩臺陳金代辦不旬日
而足制府劉公撫軍范公異之爲聞于朝嗟乎此豈
君智術經營遂能獲上而飾下哉亦惟心相感而已
是心也利害無所計貧富無所營毀譽無所私進退
無所怵以之化民則風俗厚以之事上則熙洽成以
之提躬亦氣裕神閒樂期願而昌孫子天之于君爲
何如哉予自爲諸生知君行久每嘆設心如此何事
不可爲者今之屈覽揆也卽以此言報黃子君當笑
增三爵矣

健齋集

卷之五

九

姚元叔先生八十序

余自就外傳師事余先生十有四年中間余先生歲
時歸省或赴郡國試先府君輒命余寄習他塾多至
匝月少或十數日而元叔姚先生爲稍久蓋前後幾
兩月矣時及門頗衆余年十一二爲先生稱許今且
三十餘年衣冠杖履與夫居處講論猶歷歷能記憶
也先生嚴整質直望而知爲端人正士甫弱冠受知
於邑令余公賜翔文名藉藉庠序間顧數奇不過先
生泊然安之崇禎永邑大饑先生積粟得十許石悉
散賑貧族里有黃太學者避寇亂以金珠數篋寄先

健齋集

卷之五

辛

生家先生率家孥環守亡何太學死召其子還之封
議如故康熙丙辰先生年七十餘同學余君聯翹當
歲薦道梗不得試除名以次及先生先生請於邑博
士曰余某故阻冠非避也越次奪之不義邑博歎曰
君老矣乃以功名讓豈復有廷試時耶先生不顧踰
年乃貢於鄉嗟乎賑乏至仁也還金至義也讓功名
至厚也三者有一於此已足進於聖賢之道然而古
道不作天下之士以利名相傾軋久矣貧者不能施
富者不肯予饑饉流離漠然若無與且攫金而效之
朋好中有盜賊焉功名之際能者先拙者後營求躁

競捷得之爲快孰有白首明經甘心推讓而不悔者哉先生家非素封乃不難出其修脯之所入以贍宗族不死其友以返遺金不忍奪其友以明德讓此聖賢所深許而非可望於今之士大夫也嗚呼其難也已今年冬先生壽八十里中知交屬莆田侯生繪圖爲壽貽書屬余序余濫竽史館不獲從諸生後進一觴竊謂先生雖不復求仕然已舉明經登大耋矣向使丙辰之役不稍忍歲月因利乘便先得之初無損於盛德顧其中或不能無歎乃先生歸而病病而復甦再期始克充貢然則天之壽先生或因其至厚之心

健松齋集

卷之五序

主

而篤之以媿夫營求躁競之所爲使天下之士盡如先生豈至利名相傾軋哉先生家居以詩書授諸孫暇則蒔花種菊所著四書周易說意學者多宗之其避亂出山時撰高人傳鄉先生傳夫先生端人正士其取予必當惜余同處山中未得一見明年史事竣乞身歸田里當從先生一快讀之

田母梁太宜人七十壽序

代

婦德不踰閭閻於夫若子徵之乃梁孟高風旣爲鄉閭表式而九熊畫荻之教復能頡頏藝苑作楨王家諸大夫稱之國人榮之君子於此觀婦德焉若雲中田母梁太宜人是已太宜人生山陰胄族幼承家訓鍾郝禮法兼而有之年十三歸贈公先生婉婉柔嘉克循婦職諸如事尊章以孝睦娣姒以和閨黨稱其能子姓臧獲戴其惠以至潔滌澆治田廬宜雁鶩養食不厭糲泉絮不厭陋半菽可以飽十石粟可以施勤儉寬仁所謂婦德之常何足爲太宜人重惟是相

健松齋集

卷之五序

主

夫課子生平大端實有非尋常閭閻所能及者方贈公著書力學頗不屑家人生產事無巨細悉太宜人躬親之斯久勤劬籌畫井井贈公豪邁喜交游每昆友滿前賓朋狎至輒呼殺榼具酒醴太宜人咄嗟而辦卒未聞庖厨聲當時謂贈公賢豪門多長者車轍不知太宜人才能成其德有如此也蚤歲連舉五丈夫子鞠育訓課不少寬假長君今洗馬望西先生少以文章名太宜人督之無情容及讀書中秘爲史官游歷司成典經局極文人之榮太宜人就養京邸亦無侂色今子若孫後先屢舉各見其才人知王謝庭

階芝蘭玉樹亦思太宜人逸勞之訓固有以母德兼
師道父道者哉今海宇蕩平 詔加恩大小臣工贈
公得貽贈如子官太宜人遂親承 寵命鸞章象服
輝耀閭里今年重五後三日爲七袞誕辰三晉士大
夫及門下諸生謀所以爲祝問序於余以余共桑梓
且與洗馬君同朝諗懿行加詳也余聞山川俊偉之
氣惟文人鉅公應之而靈秀所鍾往往見於賢媛淑
德今洗馬君既擅雁門龍首之奇而肇基發祥實原
於太宜人非偶然也太宜人之德徵於夫與子者如
此豈尋常閭閻所能望哉設悅之辰洗馬君官京師

健松齋集

卷之五 序

五

不獲舞綵衣爲母氏歡諸子及孫曾輩奉觴上壽太
宜人紺瞳鬢髮翟裼雍容里隣聚觀咸咨嗟嘆爲盛
事人倫之樂度莫有過於是者矣君子曰是舉也有
三善焉勞其身以相夫若子太宜人之賢也以德養
更以祿養洗馬君之孝也因賢母知有賢子以子之
賢益信母之賢諸大夫國人之公也余不敏請以是
爲太宜人壽

壽廣陵章君序

嘗讀史至禹貢揚州之域其間天橋包匭之貢瑤琨
篠簜之陳大海東流江淮綿亘山水精英鍾爲魁人
傑士卽棲隱如東陵邵平輩亦莫不修身砥行卓然
以名節自見蓋揚俗喜聲華尚侈靡竹西之鼓吹隋
苑之歌舞豪商巨賈車服擬于王侯庶民之家日食
萬錢衣紕襲綺雖家無儲粟而角逐奢靡曾不稍顧
苟非勤儉性成鮮能自奮於習俗之外者蓋勤則自
食其力儉則不改其常此中真未可多觀也章君世
歛產隸籍廣陵崇禎中從其尊人買於吾遂遂處萬

健松齋集

卷之五 序

五

山中俗敦勤儉君習知山川民物土俗遂之人無不
樂有章君父子者滄桑後復携家歸揚散亂之餘貿
易騰踊君夙夜經營不二十年揚之人又無不知有
章君父子者然君儻豪邁不欲以習尚侈入敝衣
糲食纖悉必親絕不知習俗侈華之好以故賢士大
夫咸愛重之猶憶丁未夏余歸自金臺馬瘠僕痛披
裘五月君笑謂公方捷南宮何澹泊若是時同人後
先旅集君置酒瓊臺敘閭里舊事余深喜之顧謂君
少長吾遂今奮跡江淮尚復憶山城田畝乎君則停
杯凝想蕪城冶靡故非性所宜終當向獅山龍水作

歸老計耳其高識遠見不改其舊如此今者君五袞
矣異時謝別紛華歸耕隴畝余與君倘侖於杯酒泉
石間娛心適志以永大年奚必二十四橋始足娛壽
者哉非勤無以成業惟儉可以持家修身砥行雖耄
期可也

健松齋集

卷之五 序

五

壽族兄惟學序

吾家系出漢駸侯儲河南之宗徧天下而大江以南
歙與睦爲最盛顧源遠流分中更變亂支序多不可
考然其始固同出軒黃也曩家明經司理兩兄薄遊
吳會始得識族兄惟學翁癸卯夏先君暨家功敬叔
復過吳與翁敘諸誼至悉予固心儀久矣是今計偕
北上乃訪翁閭門瞻其丰采聆其緒論蓋翁歙產旅
於姑蘇生平豪爽豁達多長者風少讀書家適中落
恐無以奉兩親廢書歎曰儒者治生爲急倘能供甘
旨以娛親亦何媿於孝也因服買吳中往來江漢間

健松齋集

卷之五 序

五

業遂駸駸起朝夕承歡靡所不至十餘年間盡復先
人之舊其素所欲得以娛親者至是蓋無不慰矣性
易直無城府凡義所當爲慷慨自任不辭勞不避怨
不論難易務期於濟初未嘗有絲毫曖昧不可告人
者人以是敬服之尤好施予親故窮困者委曲周給
必求安全而後已至文行之士孤寒偃蹇每折節禮
之解橐以贈無少吝惜人有過雖面折不稍假然究
無藏怒宿怨意即終有負之者坦然置之不屑屑與
較也其嚴以律已厚以待人有固然者舉丈夫子八
人皆負才敦孝友翁既以品行重江左而諸郎復光

大前烈交遊多一時賢豪晚年舉茂才入庠序季君羽可尹思皆有名太學需次銓曹里人榮之謂是父是子將來大其門而擴其緒正未易量也翁篤於族誼與予交最厚自服官京師書問稠疊予念之未嘗忘甲寅翁六十初度三姪羽可索予言爲壽適當寇亂播遷之餘旋濫竽史館朝夕纂輯久未能應受吏秋奉命校士蜀中明年便道歸省值翁七十懸弧之辰予與翁別且八年今復登其堂兩鬢未絲步履輕健聞其花晨月夕觥籌交錯議論風采俱不減少年時爲之手額稱慶蓋耄耋期頤固可操券而合也

健松齋集

卷之五

序

諸子復以文請因述其品行竝志夙昔遊好之概如此蓋誼切同宗詞尚樸遯九如三多之文非翁所樂聞也

健松齋集卷之六

遂安方象瑛潤仁著

記

瀛臺燕養記

臣讀詩至小雅鹿鳴之什輒嘆古君臣燕樂其所以通上下之情者良深且厚也蓋朝廷之禮主於嚴本於敬然嚴敬之極情或未通故文武盛時制爲燕饗之禮俎豆牲醴薦羞皆有等差以明貴賤而又旨酒式燕承筐是將以和樂之若曰畧君臣之分而通以朋友燕好之誼則禮行而嚴敬具聖人之感人心者

健松齋集

卷之六

記

至矣今國家時和歲豐海宇寧戢

皇上講學勤政情通乎上下蓋已備矣猶念大小臣工未得親承 寵渥七月二十一日 駕幸瀛臺召內閣九卿翰林詹事科道及部曹五品以上官入賜宴蓮露初晞涼颺蕭爽羣臣肅而登舟瞻拜亭下上遣侍衛宣諭詞意溫厚臣悚息跪聽感愧竝集凡

人交游好會既飲食之又加飢遺其情文之至猶有

感極涕零歉然不能安者況君臣之際乎於時采綴文綬以次 頒受再拜而出則大官傳 賜食矣六禽四膳香秬乳酪悉出自

內府臣聞之將賞爲之嘉膳嘉膳則餼賜今賞且膳矣仙庖珍饈豈儒生麤糲所能望哉食畢族退太波澄修槐歷歷遙望五雲雙闕迴然天際羣臣憩息講論雖無執紼糾儀之在其前而

天顏咫尺實有翼然無敢肆者何者敬故也君嚴而臣敬斯禮備而情一矣旣而張翠幕列芳蘭羣臣奉卮跪飲酒行無算皆引滿務盡毋論杯勺不勝卽異時斗石之飲亦不覺沾醉昔謝幾卿停車對飲宋濂蹕跚下殿以今視昔其樂何如也羣臣拜手稽首謝復有旨賜菱藕蓮實臣右奉綺幣左櫛芳鮮都人

健松齋集

卷之六

二

聚觀餘醅未散殊恩異數殆非可言罄矣臣因卽鹿鳴之詩思之旨酒旣式燕矣復奉筐而幣帛所謂飲則以送酒食則以勸飽也其卒章乃曰以燕樂嘉賓之心夫臣而曰賓禮過益非常矣樂其心則非僅適口體已也食之以禮和之以樂將之以實求之以誠臣孰無心敢忘報乎天保之答其君也曰受天百祿又曰萬壽無疆人臣事君豈以飲食幣帛爲悅哉傳曰體羣臣則士之報禮重頌禱之私猶其末焉者已今

皇上燕養臣工如此其渥羣臣沐浴高厚何以爲祝

雖循分盡職不待寵惠之頒始謀靖獻然承恩極矣繼自今服休服采以報稱於萬一不將有更切者哉臣小臣也學植卑鄙無能仰答知遇敬從百執事後紀其盛如此以附詩人之義使天下後世知我皇上嘉惠臣工其通上下之情者不獨成周宇宙間也

健松齋集

卷之六

三

封長白山記

康熙十有六年四月望

上以長白山發祥要地 特命內大臣覺羅武某一等侍衛兼親隨侍衛費耀色一等侍衛崇義禮等於大暑前馳驛往五月四日啓行十四日至盛京二十三日至兀喇宣 諭鎮守將軍等召村庄獵戶皆無知長白者都統尼雅漢族祖戴穆布魯世孫獵以老獵聞自言祖居額黑訥陰聞其父嘗云獵鹿長白山負以歸四日可抵家以此度之長白山距訥陰當不遠因問訥陰路幾何獵戶噶喇大額黑等曰陸行十

健松齋集

卷之六 記

四

日水路乘小舟二十日乃命獵人喀喇前導各持三月糧又慮食盡馬乏不能歸也期將軍巴海載米一舟候於訥陰于是噶喇大額黑等由舟覺羅率固山大薩布素由陸六月三日啓行經文德痕河阿虎山庫納訥林那爾薩河渾沱河法布爾堪河納丹佛勒地方輝發江法河水敦林巴克塔河納爾渾河敦敦山卓龍窩河凡數十處抵訥陰而噶喇大等亦至蓋白江通湖由瓦努湖河至佛多和河復順流來會纔七日耳十一日發訥陰一望林莽迷不得路薩布素率旂甲二百人伐木開道十二日悉衆行是日陸市

素遣顧懷等先後馳報前進約百數十里登一山升嶺而望遙見遠峯白光片片殆長白山也因留騎大額黑督采珠蚌十四日與薩布素等合密樹茂林揣摩開路十六日黎明聞鶴鳴六七聲雲霧遙漫不復見山乃從鶴鳴處覓徑得鹿蹊循之以進則山麓矣始至一處樹木環密中頗坦而圓有草無木前臨水林盡處有白樺木宛如栽植香木叢生黃花爛熳隨移駐林中然雲霧漫漫無所見也衆惶惑前詢綸音禮甫畢雲披霧捲歷歷可觀莫不歡呼稱異遂攀躋而上有勝地平敞如臺遙望山形長濶近視頗

健松齋集

卷之六 記

五

圓所見白光皆冰雪也山高約百里五峯環繞憑水而立頂有池約三四十里無草木碧水澄清波文蕩漾繞池諸峯望之搖搖若墜觀者駭焉南一峯稍低宛然如門池水不流山間則處處有水左流爲松阿里兀喇河右流爲大小訥陰河瞻眺之頃峯頭游鹿一羣皆駭逸惟七鹿忽墜落衆喜曰神賜也蓋登山適七人時正乏食拜而受之回首望山倏復雲霧遂于十八日南回至前登山高望處一氣杳冥并不見有山光矣二十一日至二訥陰河合流處二十五日至恰庫河則訥陰東流合處也二十九日由恰庫河

歷色克騰圖白黑噶爾漢噶大渾薩滿薩克錫法克
錫松阿里多渾大江險絕處凡九七月二日次兀刺
十二日抵寧古塔遍閱會寧諸府八月二十一日還
京具疏聞

上以發祥之地奇蹟甚多山靈宜加封號下內閣禮
部議封爲長白山之神歲時享祀如五嶽焉夫封山
之典肇始唐虞然報祀嶽瀆非有關於鍾祥之自也
志稱長白山橫亘千里高二百里巔有渾周八十里
南注爲鴨綠北流爲混同 國家龍興所自然至今
無知其處者 睿慮周詳穆然念

健松齋集

卷之六 記

六

祖宗所由出專官訪求備歷險異卒光大典以答神
庥其享天心而致靈貺宜哉謹撫原疏綴葺爲記用
志千萬世無疆之盛云

重修六星亭潮音閣記

松山之巔上爲六星亭傍爲潮音閣登臨之勝地人
文之靈數也蓋吾邑踞巖上游科第相望居大僚者
乃如落落晨星形家者歎焉萬曆中羅浮韓侯攬勝
茲山謂宜亭而閣也於是捐俸創亭會其時有當罪
者俾出醵助成焉潮音閣則大士示現邑人士構臺
而奉之者也靈秀既儲名卿鵲起司馬之績著東南
總制之忠勤西北端揆弼亮瑣闥抒猷蓋彬彬焉甲
平六睦矣顧歲久傾圯康熙辛亥夏邑大旱蝗而虎
翼狐成實繁有徒父老子弟訴其實於郡侯梁公公

健松齋集

卷之六 記

七

延見紳士詢知所爲不得已狀多方慰諭擇所議便
民者舉行其不便者勒石永禁蠹惡輩則懲飭之使
修六星亭潮音閣以自贖聞者快焉時邑令劉公初
蒞任公以其事屬之擇老成廉幹者董其役庀材拓
基闢歲而告成父老子弟屬余記其實予惟公之施
及遂人至矣卽不修葺亭閣亦何日可以忘公願是
役也有四善焉旺氣所鍾萃之使靈一也稅法必刑
山川勿改二也民就備作以全其生三也憑高遠眺
畢然神爽四也四善備而公之施及遂人者更無既
矣登斯臺也觀山川之秀蔚觀田野之豐融人文輻

轉於方來婦子熙恬於永日一草一木皆以爲公之德澤存焉然則翼然而翬飛軒然而鵲峙又奚不可以報公乎六星之亭潮音之閣卽與峴山碑竝峙可也

健松齋集

卷之六 記

八

思古堂雅集記

嘗讀魏武詩對酒當歌人生幾何竊歎人非鹿豕何能長聚卽聚矣人與地不必相宜或情境不洽蓋亦有數存焉余自甲寅秋偕毛會侯避地西陵播遷之餘惟詩文朋友稍慰晨夕明年四月七日毛子稚黃李子東琪徐武令華徵兄弟諸子虎男稚黃從子次源招集思古之堂思古堂者稚黃著書處也余與會侯將赴之出門值陸子蕙思遂挾以俱虎男見蕙思卽日向未折東卿何得來蕙思曰吾非王濬冲亦欲來敗君輩意耳相與大笑肴核既陳觥籌交錯啜導

健松齋集

卷之六 記

九

羹噉含桃極論古今詩文之變與夫山川名勝人物臧否盡思以事歸相送庭階夕照卽山歸鳥漸聚時夜禁頗嚴諸君謀散去稚黃曰酒且盈樽禁夜行不禁人夜飲也吾雖善病乃卜晝已邪於是洗醖更酌絳蠟熒熒與纖月相映歌者兩計生奏鳳凰臺之曲鸞蕭雁柱慷慨動人時武令納一姬稚黃從孫山頌製百和曲美其事武令聞歌聲心怦怦若不能已余笑謂武令有百和姬傳若得計生歌此曲將無更佳疾歸語新姬當脫簪珥勞倡者武令大喜索絃筆歡聶疾書同人睨之互私語不暇聞也錄成兩生按節

而歌居然雅韻謔浪恢談載醉載醒墨漬酒痕點漆
堦砌不知雞人已戒曙矣聯榻中庭擁衣暫臥望日
影而起宿醒猶未解自播遷來未有此良宴會也向
使華筵廣廈主賓相對旅進旅退于心亦復何樂且
環視座中已非向時年少得握手重歡寧非大快然
或數年之別千里百里之遙聞聲相思日月言邁若
復不痛飲得無金谷蘭亭笑人哉稚黃屬余紀其事
倘他日風流雲散羈滯各天追憶今宵邈若河漢酒
酣耳熱後試取斯文誼之勝集猶可得粲粲耳

健松齋集

卷之六

十

白嶽記

新安各勝稱黃山白嶽黃山屢期未至僅從蓮華鋪
海諸圖想見其勝而已白嶽俗呼齊雲巖真武降靈
之所每歲士女酬賽無虛日余嘗遊而樂之大要峯
之勝曰紫雲曰鼓曰鐘曰香爐曰三姑五老而獨聳
爲最石之勝門曰天門洞曰羅漢兩君呂仙巖曰觀
音石橋崖曰黑虎而羅漢影爲最山無水所見龜蛇
二池而珍珠簾爲最殿閣菴院高下綦布其著者元
武宮淨樂宮翠微天堂仙亭榔梅菴而洞天福地爲
最蓋諸峯皆截然高秀僅取形似獨聳峯距西天門
數里自山至頂約十餘丈徑道皆絕梯而升手攀目
眩不得旁視僧依巖支柱泉流出焉耕播在山麓上
下便疾如俛頂有虬松古藤野菜數種多別味頗視
村落炊烟縷縷長江縹緲如綫余題詩石壁蓋遊跡
所罕到且有未知其處者羅漢影壁列如屏坐立俯
仰宛然各具然不可名狀奇絕正在影耳凡瀑布皆
懸崖奔瀉珍珠簾崖石兩層泉自上滴下著石濺濺
然如珠飛四時不絕殿右里許爲洞天福地修真習
靜者居焉長楓老檜綠繞庭戶予嘗叩之龕中閉目
導氣四五人一老鍊師年九十餘自言張邈過弟子

健松齋集

卷之六

十一

張蓋萬層中羽化士遺蛻尚存若杭之丁野鶴焉余
所取于白嶽者如此若夫耳目熟習者遊人頽知之
茲不復云

偉松齋集

卷之六 記

主

神游閣記

同年姚主事陟山靜其先方伯神游閣成屬余紀其
事先是乙巳夏公歿已五年陟山方家居夢從公登
一閣四面環山桃梅鬱郁公語陟山汝爲吾創此手
畫神游閣三字授之陟山驚寤然荏苒未遑也甲寅
奉假南歸始買地舍旁構樓三楹前對道場山環植
花木悉如公指閣之後爲軒奉公像其東爲別室南
爲承思堂堂後爲塾閣西爲廣庭直北爲門總曰方
伯姚公書院一時名人題咏莫不歎方伯精誠不泯
陟山之孝能冥通先志以有此閣也公文章政事所
至有聲當司臬憲時海氛陷京口且犯江寧公佐督
府城守有功大帥方驕橫無敢抗者公獨不爲屈卒
有犯輒捕治如法鎮江婦女被掠千七百餘口親詣
江干釋遣之帥怒然無以中也江南獄訟素繁至是
有仇讐者率誣入叛案公平反最多金壇紳某憾諸
生十人欲擠之死公察其無驗不肯坐遂爲蜚語構
公會有告密者遣官江南會鞠御史則奏公失出而
所遣官又適主大帥家引隙附會而公死矣士民感
公恩重哀共死號哭道祭數百里不絕會

世祖上賓

今皇帝未親政務未有爲公白者陟山舉進士官中
翰始兩上疏訟寬下部議僉謂處分太過然論定尚
有待焉嗟乎司臬所以持法之平也獄無寬濫斯已
難矣捐一身以殉千萬人孰有若公者哉宜其精誠
之積歷久而不渝也獨是公生平文章政事於柳於
桂林平樂於長蘆於嶺南於江寧遺愛所存靈爽上
下亦何所不至顧何必戀戀桑梓昔者于公治獄多
陰德知其後必與公以身殉法其游神於此或亦隱
示以斯意歟登斯閣也知公之棲靈有自而又思陟
山所以冥通先志之故則閣之所貽者遠矣倘謂後
健松齋集 卷之六 記 古

遊觀娛心目世之美臺榭者不少陟山方惻然不忍
登其敢言樂乎哉因推陟山之意紀其始末如此

河渚採梅記

武林梅花舊稱西溪近時惟余家莊最盛丙辰春日
予與毛子會侯家兄雪暎赴雲溪偃公之約舟登松
木塲歷古蕩有山屹然秦亭山也數里達水橋頭桑
畦竹徑中梅萼點點如殘雪輒注視久之舟苦欲側
傍人急止余君尚未觀衆香國顧驚怪乃爾稍進抵
一處茅屋數間土人穿池蓄魚陂塘相次若畝潄然
池隄盡種梅老幹數十株相傳百餘年物餘皆低枝
細柯徑林參錯幾不得路會侯携酒榼至席地浮數
觴余巡視諸隄間有屈曲如木假山者婆婆若偃蓋

健松齋集

卷之六 記

古

者交柯者欹者偃者頽入水者柔條繞幹若藤蘿者
俯仰莫能名狀叫絕而已解纜抵雲溪偃公烹泉瀹
茗清冽沁人所謂梅花泉也公語余曰君赴探梅約
乎曰然曾見梅極盛處乎曰有之已復歎曰盛衰何
常永興寺古梅不復存矣當與君暢游余家莊耳復
具舟東出蕩槳如駛遙望花村宛然心目乃知榜人
所誇衆香國余輩停杯快賞者卽余莊也相顧大笑
遂放舟徐園圍去莊數里溪流盤折舟行不辨出入
梅可百餘本登樓望之白光鱗鱗香聞數里至環河
渚皆梅然散處平曠村落間圓聚之散固佳聚乃更

勝也時丁子素酒方倚樓作望江南詞日暮不能讀
棹船而返是夕宿方丈偃公縱談五燈宗旨與儒佛
異同旁及古今人物山川名勝山雨忽來竹牕設設
不知身之是客也

健松齋集

卷之六 記

六

遊鷺爲湖記

橋李城南數里曰鷺鷥湖俗名南湖廣數十畝澄波
蕩漾舟楫往來爲遊覽勝地予至嘉興訪新安胡生
生邀遊福城寺弔朱太守墓兩過白蓮禪刹與僧止
飭梵林賦詩醉酒惟南湖烟雲屢訂未果生乃具舟
命酒榼招平湖馬生同遊舟放角里過宣公橋乍對
湖光心目曠絕湖中編竹爲魚柵漁舟畫舫頗類杭
西湖而無繁囂靡麗之飾又居南偏旂卒馬蹄所不
至較清靜可喜時冬初木落菱葉浮沉餘荷貼水丹
楓紅柏掩映陂岸間與松檜相錯舟移岸轉紅綠無

健松齋集

卷之六 記

七

定湖盡爲朱相國東園亭榭池臺位置殊勝顧歲久
漸圯園蓋三鶴一鶴出竹間亭亭獨立二鶴鬪於池
頸翼糾結强者負力弱者血流被毛羽生提竿逐之
始解余謂凡人倚盛強凌小弱力屈氣靡非得豪俠
有意之士達其枉而助其氣將摧挫不能自振拊心
檻擊寧獨鶴然哉遂緣疎籬度小木橋達西園古木
千章修竹數百箇引湖水爲池芙蓉夾岸懸藤倒影
俄聞東園鶴聲清越近而若遠有亭曰招鶴亭旁小
軒數楹陰竹中大抵東園以整勝微嫌太密西園疎
曠自過之然合東西園爲一境天工人力固未可缺

也飯畢循橋右行渚田每每澗流滴疾覓小舟得渡
抵真如寺唐司空裴休捨宅後爲真如塔丹碧輝映
鈴鐸鏗鏘然予拾級登其半頭岑顚顚視禾城遠
樹極浦彷彿可辨馬生方坐地仰睇而胡生年少已
躋巔而下矣因念人精力與年上下余少時登陸城
南北峯必凌絕頂近遊荊州觀音寺捨盡三之二今
且纔及半更復數年惟應坐視如馬生耳然壯者日
以老少者亦日以壯諸君行自歷壯盛寧可恃耶歸
次烟雨樓故址三面臨水居然佳勝惜已廢圯僅從
斷石間摩娑歲月而已使得好事者倡議更建酒舫
健松齋集

卷之六

大

上下艤舟登臨詎出湖心亭下惜乎郡人動誇烟雨
樓而竟委之頽垣荒草也是役也南湖之秀東西園
之幽真如浮圖之高峻殘碑廢址亦得憑弔徘徊寄
其感慨于山水差可無負矣呼酒持螯盡歡而別時
康熙乙卯十月三日也

世儀堂記

余讀徐太史世儀堂記而知應太翁之貽謀遠也蓋
凡家世創造之始其人必具偉才特識其閱境必深
其積慮必久其承前而燕後也必遠大而周詳故始
之或見爲難而經營暇豫無締造勞瘁之迹迨其後
世守之勿敢替頌禱興焉然後知積之有素規畫自
弘遠也應太翁長者也其才識者龍山雉水間當鼎
革時青溪兵火頻仍比閭不能相保翁獨席其所有
周旋飄風墜雨之間宴然一如無事閱境蓋已深矣
先世居聯芳亭徙古城書院翁獨以子姓繁衍肇基

健松齋集

卷之六

九

而改卜焉積慮抑已久矣新居承堂構之貽復能集
湖山之勝人文幅輳俾子若孫得以廣交游而新耳
目光垂前後又何周詳而遠大也余嘗登其堂審基
必固選材必良輒嘆翁規製若此不知幾經圖畫乃
翁處之裕如偉才特識真有超出尋常者今翁鶴髮
鯢齒杖履優游子若孫克世其家登斯堂也思太翁
之閱境如此其深積慮如此其久承前燕後如此其
周詳而遠大廣前業而益式廓之以無負締造之意
是則太翁之志也歟在易之漸曰鴻漸於逵其羽可
用爲儀吉翁既冥然尚蹈以其身爲世羽儀而復以

經營締造之心儀型乎後世父子兄弟足法而民法
之此儀之所以不忒也顏曰世儀其真善類善禮矣
哉

健松齋集

卷之六

三

姜姨母書主記

姨母姓吳氏諱永新淳安雲峯人先妣孀人女弟也
六世祖康憲公倬高祖念憲公欽祖嗣使公一棧皆
起家進士有政聲外祖比部公諱觀光娶方孀人生
四子二女姨母最幼年十九歸文學瑞若先生故鴻
臚公孫而香河公長子也姨母逮事鴻臚公兩世異
順柔婉能修婦德內外皆稱其賢文學喜賓客操作
款待無倦容待家人極慈終歲無詬詈聲丙申十一
月以疾卒年三十有八子一奮渭娶余從妹女適余
弟象琦猶憶先孀人病姨母肩輿省視執手別極悲
健松齋集 卷之六 三
時尚無恙也嗚呼豈意未三年遂亦長往哉方吾母
寢疾時余欲寫遺容傳後然冀幸平愈不忍寫及彌
留困頓則已貌改易不可寫矣追念音容杳渺歲時
瞻拜愴然如母他人而奮渭亦然每相對泣下先孀
人歿奮渭方少或者彷彿記憶若姨母之喪余已壯
乃宛然心目而不能傳于筆不大可哀耶嗟乎先孀
人與姨母同出比部公同歸遂安又同止一子同不
永其年可謂憾事乃遺容之不傳亦同歸于盡嗚呼
慟矣邑俗例設影堂先府君命工畫母孀人像不類
余題之曰憶容而紀其後有我非畫工畫工非我之

句至今思之淚淫淫下奮渭亦以謂他人母為慈乃
舊主代像夫余不幸傳疑似之小影不敢已成報棄
姑留之慟在有像奮渭求畫像不可得又不忍使母
氏獨不以像傳不得已而畫其主慟又在無像兩氏
子孫其能知此苦心乎嗚呼抑又悲矣

繞屋梅花圖記

禹航陸君蓋思家武林之湖墅卓犖工詩文顧年歷
五十尚困諸生中初度之辰屬謝文侯寫照毘陵惲
正叔補繞屋梅花圖一時名人題咏至盈數冊君持
示余曰吾殆將終老此中矣或曰君非能老此中者
也才富力彊詎甘長寂寞乎或曰中庭雜樹多偏為
梅吞嗟蓋自傷也或曰孤山之麓遺蹟存焉意者別
有所托而姑於梅寓之乎或曰若和羹用汝作鹽梅
陸子將用世矣或曰君既欲老此中矣即彈冠相慶
恐不可舍此而去也不聞猿驚鶴怨乎或又曰吾讀

諸題咏矣有招隱者有勸駕者要無以定之也余乃
披圖而觀焉見夫嗒然靜者陸子也冷然豔者梅也
蕭然適者書屋也君真宜老此中矣然其神暢其色
愉其氣整以暇又似非終老此中者然則真無以定
之也雖然下士玩物達人乘時疎影橫斜讀書學道
是即君棲逸圖也若廣平作賦元微之文章映日亦
何妨於廊廟乎則謂經濟圖可也迨乎名成志就投
閒於繞屋三百樹之下是終老其中矣謂君歸休圖
亦可也然此猶作畫圖觀也去湖墅十里許曰西溪
居人種梅為業多至數百本少亦數十本綠萼絳柑

紅白相映余嘗遊而樂之君誠能結廬其間謝塵紛而安澹泊終老此中無難矣賢者自有真樂奚用畫圖爲諸君喜曰羣言紛紛維子衷之今而知畫圖之中非盡思而盡思之所歷乃真畫圖也遂次所言以爲記

健松齋集

卷之六

書

卓氏傳經堂記

仁和卓君大傳構傳經堂祀其先世入齋施句樂淵三先生仲君大厚屬余爲記余緇塵微逐旋益衰病久未能應也今年遇大厚於湖上復以相屬夫自堂之成海內賢士大夫詩文投贈不知凡幾余日事獲藥筆墨都已荒棄大厚亦何取于余而諄諄焉命之以是知其好文篤友三先生之澤未艾也夫聖人之道著於經原非可文字求也易之變通準乎時書之授受本乎中春秋之褒譏予奪主乎正詩三百篇蔽之曰思無邪大禮三百三千約之曰毋不敬得其意

健松齋集

卷之六

書

而通之豈必穿鑿附會始爲窮經哉後人以已意測經而不以經求經太玄元包之易四始五際之詩大戴小戴之議禮今古文之疑書膏肓墨守之攻三傳或失則詭或失則誣或失則陋或失則支所謂秦人燔經而經存漢人解經而經亡也向使說經者皆以經求經通乎天人性命之原博綜于民物政治之大體之于身施之爲事著之爲書使天下後世湛然于明體達用之學斯其爲傳經也大矣三先生之以經學名也涵濡淹貫既身體而力行之發爲著述元元本本成一家言而未嘗有穿鑿附會之失蓋自有

經以來祖父相傳子孫相繼未有若卓氏者漢世傳
經稱韋氏劉氏然元成父子文辭不少慨見劉歆且
顯然呼道矣其相承最久者桓氏四世歐陽氏八世
濟南伏氏至十六世要皆世其訓詁漫無所表見以
視卓氏爲何如乎余家世受易曾大父直完先生以
易授里中故遂安易最盛向時列祀警宗喪亂以來
遺書散失祠廟亦未能葺也火傳能不朽其祖父堂
構而俎豆之大厚又好文篤友以成其志卓氏之傳
且五世矣余兄弟雖不敢墮家學碌碌世資究無
當于六籍之源流聖人之道登斯堂也能無惕焉

健松齋集

卷之六

五

內魏矣哉

淡廬記

余浮家西陵一年餘矣其地諸名宿皆得聞識而定
交焉一日毛子稚黃屬余作諸君簡淡廬記且曰君
高尚士駿男虎男季父也善畫聚於酒所居古楠苑
多名人題咏近燬於火矣其爲文傳之余謂作記必
悉其山川名勝人物居址余雖雅慕君然未知其人
何以盡其狀也毛子曰然淡廬去此近盍過而訪之
乃廣豐樂橋入委巷叩其居頽垣荒草寒菜蕭籬環
堵數椽不蔽風雨秦亭記所謂銀杏蠟梅長松老桂
無復宋元時物矣君簡方曝背讀書遠心機貌居然

健松齋集

卷之六

五

淳古斗室中一几一榻筆牀書卷墨漬丹青此外都
無長物余私念士卽蕭然高寄奈何一寒如此乃君
簡十日一山五日一石呼酒揮毫雲烟在手好種菊
時十月既望寒芳挺挺堦砌間憶家太學叔植菊五
十餘種客歲移植健松齋方華殘於兵今君安居無
事東籬佳色入冬猶盛物固有幸不幸哉相與嘆息
久之煮泉淪茗逡巡而別迴望淡廬已如桃李蘇門
迷其徑路矣夫君生繁囂綺靡之鄉泊然獨抱其素
淡廬之義豈或魂焉爲報稚黃吾向者未識君簡但
因廬而思其人然未知其淡固至此也

重建方氏宗祠記

嘗讀易至萃渙之卦其彖辭皆曰王假有廟夫聖人操禮樂以化天下其所以整一人心者豈無良法顧必以立廟爲亟亟哉蓋人當渙極難合之時惟廟中可以萃之祖考之神氣聚斯人心風俗皆有所維繫而不可分是故天子七廟諸侯五大夫三十二庶人祭於寢所以同仁合敬敦本尚親蓋誠重矣吾家宗祠始自有宋明萬曆中曾大父壽寧公率族人贖金重建期年火壽寧公呼天祝曰後世子孫賢當成吾志及大父閣學公解政組歸捐俸購伊氏宅將踵成

健松齋集

卷之六 記

一

焉會遭變亂事遂廢祠之廢者四十七年順治丁酉伯父歲貢公念祖父志未就且無以妥祀事合宗族也於是謀之父老子弟按丁輸助舉伊氏屋重建焉後爲五楹奉神主前爲坊左右爲廡期年而告成伯父命象瑛考祭義撰祝辭定子孫命名二十字已復命爲文記其事以父兄在不敢任也歲庚戌伯父及先府君相繼卒旋遭閭亂祠爲大軍駐牧幸亡恙今年秋仲父太學公大修家諸告成復貽書京師命爲記象瑛不敢辭竊嘆宗祠之興深有合乎萃渙之義也蓋吾家自震四公卜遷於遂二祖八派衆至千餘

八先世型仁講讓之風故在前時矣願象瑛自歲童以來祠地蕪廢歲時伏臘主者祭於其家而族之人散處城邑都鄙凡冠昏喪葬漠不相聞甚有不知其名氏覲面不識爲何人者蓋人心之渙至是極矣自祠之成也春秋二仲聚族而祭明少長別尊卑俎豆有常登降有節始獻終獻有儀餽餘有制毋論祀事孔修而山農野老皆得進而觀禮焉二十年來出入相親貌言相接死喪疾病相恤近且爭訟不興患難扶持雍雍然猶一父之子矣使非歲貢公勉承先志而族之父老子弟相與贊襄而經營之將卿大夫

健松齋集

卷之六 記

无

之祭下同氓庶我祖考實恫何能使源遠流分不相視如秦越哉繼自今士修其業農習其勤工買必其事毋侈淫詐力以蕩其心毋爭鬪詬詈以傷其義毋聲色飲博以喪其行父與父言慈子與子言孝弟與弟言恭男位乎外女位乎內以上承夫型仁講讓之風將出則爲良臣處亦不失爲修謹使天下之人謂浙東門族無若方氏而方氏之所以興由於世德是則我祖宗所憑依而亦壽寧諸公治萃濟渙之盛心也柳氏家訓曰門高則自驕族大則人窺吾族人其戒之哉

詹氏家藏考亭南軒兩先生真蹟記

道與藝之分夫人知之要亦在乎其人焉爾其人而藝傳也秋之奕條之九由基之射伯牙之琴皆足名天下垂後世不必其聞道也苟其人未嘗以藝傳而數十百年後觀其遺蹟想見其人流連感慕而不能去則所重有不在藝者矣吾邑詹氏南宋時科第最盛虛舟先生諱體仁諱學瀛山與考亭南軒兩先生相友善考亭貽書商訂格物致知之旨往復至再今載朱子集中南軒自蜀中寄書論理學宗旨甚悉二書裝潢成軸子孫世守封錫甚密余嘗就而觀之朱

健松齋集

卷之六

三

子書端勁古質穆然不使人可喜敬夫稍秀潤亦不甚作意夫兩先生未嘗以書法名也其深心靜氣盎然睟然於楮墨之間立與鍾王顏柳並垂正猶商周彝鼎欽其實不能名其拙非可以工拙論也向使兩先生而亦以書名則筆墨所存度不及鍾王顏柳何以數百年後觀其遺蹟想見其人流連感慕而不能已哉然則道之與藝孰重孰輕要必有辨之者

重葺健松齋記

健松齋在遂安城內西偏先君子所嘗讀書處也先君仁孝與物無忤里中推爲長者性好蒔花木崇禎中構小園名之曰勺圃傍水關枕忠烈橋中爲齋左爲蕉隣爲香風亭爲菊畦達於桑芋園右爲竹士軒爲秋琴閣閣虛四牕遠山入坐歷歷然齋前穿一池不受水益濬之得古鏡一背鑄乾道六年製土花斑駁召工新之能鑑毫末先君愛玩不釋手甲申之變土寇焚室廬殆盡鏡亦燼於火而園獨存先君携家避杭娶戊子始歸稍稍完葺順治甲午遊新安得枯

健松齋集

卷之六

三

子松於許氏舊園載以歸植池之東始纔及簷近且娑娑若車蓋矣松五粒勁如縣針皮剝落如龍鱗余取唐詩松涼憂健人之句以名齋常讀書其中濤聲謾謾如在深山萬壑也甲寅閩變盜起開化常山邑將吏棄城遁余亦踉蹌走錢唐比歸則大兵駐牧三年矣環城內外數百年喬柯盡於樵採蔬藿韭薤之屬皆求之三四十里外園之桃柳梧竹悉薪之矣而園與松獨存嗟乎園之與松先君子所經營而手植之者也園之存猶躬視修葺今松雖存而先君奄棄數年矣撫時感事顧何以爲情哉雖然人苟有所嗜

雖世遠人湮其精氣必憑依而不能去故思祖父之音容不可見見手澤如見祖父焉是松也安知非先君子精光靈氣所式憑者乎兩經喪亂隣比多不能相保而欄檻雖燬蒼松如故不可謂非仁孝之貽俾余得保有其牆屋也固築垣市木加整葺焉雖需次一官窮愁拂鬱不獲光大前業然周旋患難使先人手澤不致鞠爲茂草抑不可謂不幸矣蕭相國曰後世賢師吾儉不賢毋爲勢家所奪嗚呼吾後人其念之哉

健松齋集

卷之六 記

三

怡亭記

新安族兄惟學卓犖好義生子五兆僕兆儀兆儀兆位兆任晚又生子兆佐兆仁兆信康熙十三年惟學以諸子長有才行予資千金使各食其力兆儀聚諸弟謀曰千金細利也不同意勉旦夕盡矣吾聞力分則易散志合則易成使各自爲謀異時分馳南北度不能兼顧且何以慰吾父母吾差長不欲受金當爲諸弟畫於是命兆儀兆儀經營吳楚兆位總家政兆任幼令就塾而身自指示凡貨賄斂散之宜因時趨舍之道與夫舟車險易處人接物之方人情之淳

健松齋集

卷之六 記

三

漓風俗之良薄若者宜謹凜若者宜節蓄一一耳提而面命之傑儀拜受教行之期年所入輒倍則又聚諸弟謀曰息且益業且漸廣矣匪簿籍後何以稽於是置一簿時其出入計其子母道里月日共籍之自稽察焉已又聚諸弟謀曰吾不能綱紀四方賴諸弟賢幸不辱父母吾慰矣村東南往來憩息地願露居草處吾常念之諸弟幸努力更一二年以所贏餘亭之使行者有所依所以嘉惠閭黨且志吾兄弟之勞也諸弟敬諾亡何兆儀歿無子諸弟痛兄之亡且不受金而圖度教誨未嘗一念稍私乃不獲永年以觀

厥成也遵遺命爲亭於孔道以其意告余余名之曰
怡亭取兄弟怡怡之義別且六年矣兆儼寓書京師
屬余記余乃慨然歎興曰義利之於人大矣別於利
者不必明於義篤於義者又未必工於謀利故事親
爲仁從兄爲義學士大夫猶難言之况賈遷有無之
末乎乃觀諸子何勤於取利而所爲一出於義也夫
惟學之分金也冀諸子各自食其力耳然錐刀之末
人所易爭使爲之兄者獨豐其有不以予諸弟卽予
諸弟而漠然視其得失不一爲籌畫且兄或悉心籌
畫矣而弟且羣恃其能於兄命未必受受而未能悉

健松齋集

卷之六

記

如其所期則雖終日孜孜利且未必興而何有於義
乃兆儼既不私其利以曲成其弟而諸弟循循焉居
者有贏餘行者有厚實無事不善承其兄以慰悅其
父母則是兄弟之間雖以利接而友恭天顯之義莫
備於是嗚呼可謂難也已余嘗歎天下之言利者堯
算權醕權衡纖細之計始於朝廷極乎大夫士庶而
尺布斗粟禍且中於骨肉故後義而先利聖賢深戒
之亦曾有謀其利必出於義如諸子者乎余故喜諸
子之賢而又歎其克承兄志以施及里人因記其實
而推廣之後之憩斯亭者思兆儼率弟之意則友于

之愛生知兆儼等之遵循相助則從兄改長之事儼
型仁譙讓將風俗粹然一出於厚豈區區言利者所
能及哉傳曰衣食足而後禮義興計自今兄弟怡怡
益相勉爲敦睦修詩書典禮教以訓其子孫知必有
光大而顯揚焉者吾於茲亭信之已

健松齋集

卷之六

記

舫影記

新安胡翁家秀州角里街長君季君皆年少能文買園於居之北偏古木千章修竹數百挺流泉怪石疎曠可觀中爲堂三楹堂右構小閣應虛四面冷然空
中余名之曰舫影兩君曰舫影有說乎余笑曰姑無論天地虛舟古今幻影試思初此園者誰乎人初之而君兄弟有之汎汎乎舫也則皆影也其何從辨之今夫稜然時者塋影也翼然大牙相錯者城堞影也高下曲直各隨其宜田疇影也園之中竹影桐影荷影亭榭影瓜棚簾架影梅影扶疎松影盤曲鶴影如
健松齋集 卷之六 記 三
人鳥影如螟螣星河倒映殆池影乎遠山突兀其石影乎篆如烟散如螢者茶鐺酒壚影乎園之外則雲影遠村影帆影橋影漁燈影雨之影宜霧月之影宜秋變幻明滅於遠近間者奚窮乎故一閣耳而遠近之影赴之遠近之影至無盡矣而閣受之赴之受之者舫也皆影也則皆舫之影也舫無影而以名吾閣閣有影而以爲似乎舫然歟否歟其又安從辨之兩君曰然吾夜讀書閣中燈影熒熒若燭波光而上下今乃知樓固舫之影也請書之以爲記

大龍山禱雨記

家姪紫崖宰樂安政通人和歲登有秋前後蓋五年矣丁卯夏江右大旱樂處萬山中土田饒穡旱尤甚自五月至七月不雨米驟貴人心洶洶甚有歃血相鬪者紫崖憂之召羽流結壇郊外齋誠步禱卒無應紫崖引罪自責將謀賑貸之法十三日詹生某進曰邑南大龍山故普化禪師院也中爲關壯繆廟神最靈因建諸靈異狀紫崖大喜立下令致禱衆意令君之遣人往也嗣聞親行相率諫阻謂山險道暍不宜輕以身試紫崖不聽曉起趣駕行馳三十里始曙屏
健松齋集 卷之六 記 三
輿從蹶短屨入山荆榛夾路非俛首側身不得上時有腥風撲鼻蓋蛇虎出入徑也行十五里勢益陡峭紫崖素肥復苦熱揮汗喘息數武輒小憩竟一日始至廟傍有池繞池皆細竹引其枝則滿山皆動土人謂其下卽龍湫故廟若浮者然是夜宿廟中五鼓率官民祭禱備陳所以爲民意少頃神降於平爲體童數燃炬納口中衆悚息駭異俄呼令君曰茲山人跡罕到君不憚勞暑爲民請命意甚誠當得雨吾爲君取水致之語畢疾走登山衆從之復六七里及巔引劍擊石泉流迸出貯以兩竹筒戒勿返顧以水灑壇

之四隅自有駁遂列炬擁護先行質明紫崖詣神謝
始下山黑雲黯黯自石嶺起行十數里隨馬首不散
衆益怪之所過村落空濛霖霖城內外則烈日如故
也抵壇亟取水揚之甫再拜疾風起壇中沙石俱飛
相顧各不見雲隨風集大雨如注街巷水深數尺一
時士民歡呼泥淖中聲震林谷自是凡十日遠近霑
足枯苗復生卒稱有年莫不嘆神之靈而令君精誠
相感召也夫有天地卽有此山神之廟食於是度非
一日而前此未聞施澤於民者何也蓋宦斯土者漠
視民隱不能以心相通故神不我許而民因之以困

健松齋集

卷之六

美

紫崖志切爲民不避危險其救災恤患之誠默與神
孚故回車之頃甘霖立沛如響應聲天人之際豈偶
然哉余抵洪州境塗之人多有述其異者至樂邑詢
之紫崖紫崖遙謝良久余爲嘉嘆不置因援筆記之

健松齋集卷之七

遂安方象瑛渭仁著

記

赴都日記

余需次後期丙辰除日連得家姪若韓書趣余赴選
還播以來拮据遠巡未能也顧期迫擬二月十八日
起行十二日告先墓遇風驟成脾疾十六日稍間遂
如期行十九日茶園二十日嚴州疾未已淹留三宿
二十四日桐廬望子陵釣臺力疾遠行殊自慙惡二
十五日富陽二十六日杭州余自甲寅寇亂流離轉
徙得達會城旅食二年餘始携家返里追憶往事不
覺太息二十七日入城寓白馬廟巷二十九日別錢
塘諸友疾復大作三月初三日移寓吳山道院毛稚
黃舒先見過余縱譚不倦徐武令汾首賦詩爲贈倚韻
和之十七日棹湖墅買舟得勝橋讀諸君贈言快甚
十八日詣王丹麓時武令適來別遂同小飲贈詩皆
西陵名士顧無丹麓怪之丹麓曰持服不爲詩久矣
且贈君詎宜旁假秋中有緘詩都門者必王生也余
謝而別出北新關關吏來巡視書數篋而已是夜宿
橫林十九日斗門二十日嘉興故人胡翁搆小閣余

名之曰舫影許爲記晚次平望燈火滿江吳歛競發
倚月望之不知身之病也二十一日過吳江以近刻
投顧茂倫^有茂倫亦病報書比之七發未知枚生當
日亦抱疴否耳舟中走筆成牛潛子^與顧向中^有詩
序胡翁舫影記手錄寄之未時抵蘇州訪尤悔菴^同
錢官聲^中顧我在^芳哀重其^駁皆不值聞蔡九霞^炳
客遊宋既庭^實掃墓胥門期旦日來訪行迫不能待
也二十二日無錫嚴蓀友^孫過舟中夜話二十三日
阻風二十四日常州訊陳椒峯^玉已北上矣二十五
日丹陽寄家書二十六日潛艘擁京口遂陸行繞鎮

徐君偶及先大父與馬文肅^世舊事徐君曰當文肅
鄉薦相國已官編修文肅計偕歸語人曰不恨不作
新孝廉但恨不識方書田其相慕如此後果爲相國
所知余曰固也先大父在聞得文肅卷最後甲申殉
難報至無文肅名先大父嘆曰君常^字乃不死耶
已而果然蓋師生相信不獨文章也四月初一日偶
步黃河故道河初北徙去王家營數百步今徙而南
竟抵清江浦矣北岸淤漲且三四里渡口祇如錢陵
谷變遷古今來不知幾經閱歷也初二日僦驛車陸
行里許爲黃河決處衆下馬挽舟逆河凡三決口夫
河遷徙無常當事者不因時堵治壞田廬漂人畜而
隄防止憑柳埽柔脆易敗總河坐得罪不知將來何
策處此夜宿新集初三日宿遷平蕪曠野行者戒心
余意荒棄皆沃壤使招集流亡貸牛種給予粒寬其
雜徭限年起科不數年間可盡地利可聚民并可息
盜何久不爲或者黃河時溢欲耕不能耶午後大雨
見決口甚鉅乃知議防議壅故未易耳初四日雨初
五日曉發輪蹄雜還如駛輓人云年來四方盜起江
淮又疊罹水災行旅寥寥今年乃盛如此水旱盜賊
所繫誠非細也午過投紅花舖初六日霽涉白馬河

登傾蓋亭中奉先師左程子右子路史記夫子過郊
過程子傾蓋語甚驩命子路取束帛以贈卽此是夕
駐李家庄初七日渡沂水清淺可濯有漢二疏故里
碑余兩過此皆夜行失之初八日始進山山泰山也
南起仲城北盡開山廟凡五日五百一十里所謂終
日行泰山不知泰山之高也如必上泰安見巍然高
大者始爲岱小之乎望岱矣道經青馳寺路漸高多
石磷磷齒齒流泉間出殆泰山七十二泉也初九日
蒙陰蒙山茶類石蘇淪之五十里新泰縣初十日夜
大雷雨曉霽如羊流晉太傅成侯故里也行者已息

健松齋集

卷之七記

四

駕余疾驅崔家庄旅館對徂徠山垂柳蟠槐坐臨流
水北來所未有十一日濟甌河深廣類沂土人云東
南與運河合意七十二泉會此達于濟耶午憩泰安
州余自丙午丁未至是三度泰山向時連值旱蝗人
民稀少比歲年穀順成逃亡復業數百里中男耕婦
饁果木繁茂所在成市顧居人憤憤問日觀素觀諸
峯茫然莫識卽孫明復石守道講學處亦無從得其
遺蹟殊敗人意將止長城酬香者蠟集乃徙灣底夫
岱宗五嶽之長升中祭告禮也今四方士女車牛絡
繹甚至鳴金樹幟百十爲羣盛矣然皆禮碧霞元君

而不及熱神何耶十二日次開山廟卽泰山西麓回
望岱峯渺然天表十三日踰齊河縣麥已將登菽苗
始秀耕耨方蒞黍稷團圞斷塲爲室廬計蓋東北壤
沃土厚畝入之積可支數歲年來西南變亂齊魯燕
豫間安生樂業無變心衣食足也十四日至平原感
顏魯公事頃聞告變浙東冠蜂起使得強幹之村
同心固守當自解散乃將吏率聞風奔潰賊始大肆
計八郡人民被兵寇及逆竄餓死者不下數十萬焚
廬居俘子女罄貲財皆由于此偃然民上可怪也是
日次德州十五日渡河過景州憶丙午冬計偕宿此

健松齋集

卷之七記

五

拾枯草燎寒轉盼十載餘矣十六日經單家橋橋
大河記稱漳洩下流合徒駭詰水會于津門午餘越
獻縣宿商家林十七日緣河間府而北道新中驛息
任丘吾師李學士家在焉追念音容不勝感愴癸卯
兩主司皆李任丘學士新開十八日過雄縣渡白溝河十
九日過新城縣至涿州將宿琉璃河已而之寶店二
十日越良鄉度蘆溝橋攬轡入都寓三元會館東
館以吾鄉商文毅名蓋自發里門六旬有二日矣記丁未榜發
同郡一前輩語余曰君前半生事今已遂當努力後
半生事至今思之悚然自念學疎才短翹首木天已

荒先業又不能紹百里登人爲喜怒合公性適宜爲分盡職或者後半生樹立乎康庶丁巳

仁記
余兩入京皆有詩載燕遊草然限于聲韻十待三四此天節日所見同登次爲記而撫時感事亦覺見其中非有隱繫則附爲小註州縣名稱悉遺本其古名非體也

健松齋集

卷之七記

六

使蜀日記

康熙二十二年癸亥閏六月奉 命典試四川初八日宣 旨先是十九年春四川平明年辛酉例當舉秋試撫臣杭君愛以新經底定議於亥秋補行已復請改期九月

上皆可其奏至是禮臣以考官請故事蜀試用諸曹郎或評博中行無遺詞臣者

上以文教懷柔遠人特命象瑛及吏部員外郎王君材任往蓋典數也七月初一日出都門人馬生教思

高生壽名沈生朝初郊送下車話別時余病怔忡力

健松齋集

卷之七記

七

疾西行日服獲半兩藥稱之是夕宿良鄉縣夢亡室吳肩輿來送怡然有賦初二日涿州初三日定興初

四日過安肅驟雨暮抵保定府初五日慶都縣堯坤初六日過定州憩新樂縣讀王阮亭司成禪壁間

詩因感施愚山侍講章時愚山歿京邸余以使命不得往哭作詩紀哀夜宿伏城驛初七次真定府余

癸卯公車過此今二十一年矣渡滹沱河洪流濁浪甚洶涌晚至獲鹿縣初八日次井陘縣出固關關路

山頂中通一路卽井陘關也韓信大破趙師處晚宿核桃源夾道皆胡桃兩山石層疊僧菴之往來曲折自此致

日皆太行山路初九日過柏井驛至平定州熱甚和
阮亭韻題壁途中無村落土人穴土爲居有至數層
者炊烟縷縷出其中急揭几几皆就土成之其巔依
然樹莢也初十日過芹泉驛雨甚夜始抵壽陽縣令
遣燈來迂入城時民燃燈燭或草束候於門光照街
衢十一日大雨過太安驛宿土橋十二日大雨過鳴
謙驛至徐溝縣十三日大雨甚人馬蹣跚泥淖中盡
一日始到祁縣晉祁奚十四日雨次平遙縣古陶地
於堯城在縣西午後稍霽宿郝家堡十五日至介休
縣古綿有介子推廟郭林宗故里文潞公祠夜抵靈

健松齋集

卷之七 記

八

石縣北門一石高丈道旁三義祠俗傳李衛公過張
仲堅處是夕復大雨十六日冒雨過韓信嶺山谷險
巖車殆馬滑絕頂有韓侯廟夜入霍州望霍山晦蒙
不可見十七日至趙城縣周穆王封途中國士橋豫
讓漆身報趙襄子處傍有祠流水繞其足申刻洪洞
縣是日細雨沿汾河西行十八日霽抵平陽府自發
平定凡八日皆山行苦雨至此始曠衍古堯都遺廟
存焉十九日復大雨至蒙城驛夜宿高嶽過文中子
故里二十日至候馬驛午後雨從者相失夜始抵聞
喜縣古同邑漢武帝過有裴晉公祠郭景純故里二

十一日至弘芝驛午後雨宿猗氏縣古鄆國秦更猗氏以猗頓名
二十二日過臨晉縣稍晴望中條山修然雲表顧不
知何處爲首陽山晡時抵蒲州古帝舜都二十三日
渡黃河頤河路仄甚疾雨如注人馬幾蹶者數四少
頃達南岸崇山壁立潼關踞其上秦批林寨俯瞰河流奔
涌撼蕩因歎一夫當關萬人莫敵乃祿山之亂哥舒
翰棄不守明末李自成因秦中尚未大逞自出關始
蹂躪晉豫以至亡國可歎也爲潼關行一章書其事
十里楊橋舖漢太尉楊震墓傍有四知祠過西嶽廟
雨不得入太二峯僅從雲霧中彷彿其概是夕宿

健松齋集

卷之七 記

九

華陰縣二十四日至華州郭汾陽時雨久諸水皆漲
州守言西行山澗暴溢往往留滯以余 王事迫遣
諭沿途瀕水居民預爲渡具比至赤水鎮果阻水宿
蓮花菴爲二絕句贈僧補後稍霽二十五日水落縛
几案坐其上數十人擎之以濟僕從行李皆然水洶
洶尚數尺也午過渭南縣數里至新豐漢高帝爲太
此是日喜晴過鴻門項羽宴夜三鼓抵臨潼縣驪山
在縣南溫泉出其下有唐梨園故址秦始皇陵惜夜
闌未試浴耳二十六日渡大小潼水瀕橋橫灞水上
石已斷以土木續之午時至西安府秦中山水奇秀

終南一帶佳氣鬱蔥漢唐建都有以也問樊川韋曲
杜曲皆爲民居夜有巨蛇墮梁間從者欲斃之余
不可放池中二十七日留西安更驛馬作家書郵寄
二十八日次渭水漢時東西渭橋無復舊址咸陽令
具舟迎遂登舟買舶漁船銜尾相接登岸卽咸陽縣
始皇所都周文武成康陵在焉復大雨遂止宿二十
九日霽至興平縣過馬嵬觀楊妃墓碑石題咏甚多
所謂墓上白土如粉可治女無有也遙望漢武帝茂
陵蕭蕭禾黍楊雄立塚亦未知何所而妃墓獨巋然
行人往來憑弔駐馬久之何耶夜宿扶風驛三十日

健松齋集

卷之七

十

至武功縣武功諸山皆有秀氣而太白山最挺拔古
詩去天三百當非虛語是日又雨夜行十餘里抵扶
風縣道左漢蘭臺令班固墓碑馬伏波祠八月一日
次岐山縣三公廟祀太公望周公旦召公奭今圯秦
地過此風景漸蕭索世鳳翔已暮矣初二日經磻溪
澗中亂石礧礧泉流清冽上爲太公廟夢應飛熊四
大字刻石或言石上隱隱兩膝痕未審果否晡抵寶
雞縣古陳倉地大散關在其西詢石鼓山無知者初三日
縣令呂君送余渡渭水上流曰過此卽棧道矣余賦
詩留別二十里至益門鎮爲入棧之始高峯峯律潤

水奔流兩山茂林深箐止通一路巨石橫斜礪中棧
山大抵皆然特險處各不同耳過觀音堂壬子秋阮
亭以試事入蜀宿此有詩今才十年院宇傾頽無舊
時下榻處矣數里度煎茶坪坪水東流入秦夜抵東
河驛編竹爲舍山風颯颯時聞虎嘯聲初四日過黃
牛驛一帶崇山峻阪水洑洑流石隙中細浪如雪途
中野花遍開紅黃紫翠多所未見者夜宿草涼樓驛
無驛舍茅屋數間蟲聲四壁霜氣襲人夜夢施愚山
索余詩共讀愚山歿久此時或歸觀宣城不知棧山
千里何以入夢也初五日度石門嶺抵鳳縣參寥數

健松齋集

卷之七

十一

十家和尚原在縣東題入棧四詩及草涼樓截句於
壁初六日過心紅峽峽當兩山間橫亘如枕鸚鵡羣
羣飛鳴林箐中泉流清淺魚游可數過廢丘驛踰鳳
嶺嶺極高曲折崎嶇從輿中仰睇前驅度嶺如在天
半人馬皆長尺許蜿蜒鳥道中嶺有關上接崇崖頽
臨遠徑中止通一騎峯巒雲霧皆出其下秦風天險
也夜宿南星茅舍人馬同羣截竹爲簷鋪條爲茵蟲
豸往來余枕間初七日次松林驛午度柴關嶺四面
高山不見頂路狹苦溽止宿流壩驛初八日大雨度
武關虎頭關書眉嶺馬鞍嶺皆險隘馬鞍尤欹崎紆

曲高或逢起低則窪伏如馬鞍然登降凡二十有四
夜宿馬道驛相傳蕭相國追韓信至此初九日霽過
青橋驛至觀音碕危崖峻壁橫列如屏障鑿石爲徑
下臨絕澗石缺處架木補之人馬相扶以度搖搖然
志稱褒城棧閣二千九百八十九間想卽此今廢斧
鑿痕參錯崖壁間本名閭王碕順治中賈中丞漢復
煨石開徑稍寬之護以竹闌始更今名萊陽宋玉叔
琬賦棧道平歌華亭沈繹堂荃書刻於石西卽雞頭
關巨石巉銳橫出道中如雞頭自此十數盤始至頂
瀑布落澗中轟轟不辨人語巖有石約高十數丈從

建林齋集

卷之七

三

山下屹立如竹筍離奇峭拔較江郎三石更奇出關
不數里山勢陡斷平原曠野炊烟點點卽褒城縣也
初十日憩黃沙驛東南距漢中府六十里自益門鎮至褒城凡
五百五十里曰北棧至此始平十一日過沔縣定軍
山謁漢丞相諸葛忠武侯祠墓墓之西爲征西將軍
馬超墓薄暮始抵沮水喬柯叢篠間猿聲凄切百十
爲羣十二日次青陽驛過蠟塔溝險仄不可行晚宿
大安驛十三日過裂錦壩以裂名未時度五丁峽
一名金牛峽卽五丁力士鑿山開道處山石高數百仞截然中分兩崖
鋒鏘廉厲碎石零亂蹊澗中水激石如雷鳴或如笙

瑟人行石上杖而步僂僂上下馬蹄觸石皆脫落與
人則疾驅步武著石不失尺寸哀猿怪鳥吟嘯壁間
數里瀑布從山顛下瀉束於石散濺如珠飛曰滴水
崖暮抵寧羌州城郭室廬盡廢秋花爛熳滿街市嶠
冢山在州境漢水出焉十四日大雨次黃壩驛十五
日過閬家山木架山七盤嶺最高陡凡七折四面
危峯峭石下視皆百尺深澗人偃而行前後頂趾相
觸以鐵鞵繫足心狀如馬鞍鐵著石得不滑也絕頂
四望全蜀山川歷歷在西南另闢一境是爲秦蜀分
界處十六日次神宣驛山石險惡或高如浮圖或連

建林齋集

卷之七

三

亘如列幃下有洞甚修廣神龍所居道乃出其上曰
龍洞背三十里至朝天鋪西北卽劍州古劍閣也十
七日始更舟凡陸行由朝天鋪上朝天關大小梅嶺
大小二郎曰南棧視北棧尤險峻舟行避險也晚發
嘉陵江俗呼白龍江經劍州廣元昭化閬中界其
日則水巴水渝水漢水皆此江之異名也疾
流激石舟行如駛榜人唱渝州歌悠揚清越可聽仰
睇朝天諸嶺高入天際崖半石穴數千亦古棧閣故
蹟也下有千佛崖鑿石爲屋像諸佛羅漢其中大小
數百或立或坐變相畢具川東諸處亦有之是夕泊
廣元縣古葭萌地詢武侯壽華驛已非舊矣十八日經飛

十九日內解鬼廟易兩房例解十名一房佳卷多至六卷而二房僅得四余謂取士務真才何論彼此乃以一房贏卷入二房衆以爲公已二房有後言余不憚索回而貴二房別求佳者終不得是夕鬼從後出余勿聞也王吏部聞之旦語余余笑曰佳卷不得傷鬼神固宜怒耳俄而各房至人人皆闔井研令僕人且親見之朱衣長身從易二房出循牆至中堂而減於是衆皆驚嘆二房亦頗悟請別易一牘前卷定本房第二是夕寂無聲蓋十七名涪州劉衍均也二十日搜遺卷磨對中式諸牘余病甚日夕蒐閱不知病

健松齋集

卷之七

六

之在身也二十四日放榜取中樊澤達等四十二人副榜充貢雷弘震等八人鹿鳴宴如儀是日周視故蜀府廣袤十數里中爲貢院餘皆瓦礫茂樹叢生舊多石刻皆不存存明人數碑川槿在藩邸今亦無二十五日文武諸大吏過訪府州縣以次謁見勞瘁之餘苦酬對疾復大作二十六日諸生來謁所取多三川名雋年亦十七以上四十以下蜀中稱得人二十七日報謁諸當事因徧覽城市蜀都周五十里異時人物繁富號錦城張獻忠據蜀已去之秦盪燒公私廬舍屠其人凡數十萬自浣溪至新津屍山積水爲

不流今通衢瓦房百十所餘皆誅茅編竹爲之茅屋潘苗人造每冬月苗携妻子至各郡縣管工西北隅給食婦人能負重子女帽覆頂飲以蚌殼則頽牆敗礫蕭然慘人其民多江楚陝西流寓土著僅十之二耳額賦大縣不過五十金或一二十金甚至四五金人亡土蕪目所未見招徠生聚故未易也自此兩旬皆臥病謝客十月二十日過兩浙會館各拜同鄉流寓館初於前按察使今太常胡君昇猷召僧主之浙人依焉衆釀金飲余索題額余榜曰吳越星臨偶及桐花鳳無知者耶箇酒井尚存其法不傳蜀錦川扇屠戮後法皆絕矣二十五日謁江濱廟

健松齋集

卷之七

七

江出岷山故廟在蜀岷山在茂州西十一月一日王更部南歸初二日病稍間南出錦官門過萬里橋武送費韓使吳曰萬里之行自此始矣後人因以名橋西爲青羊宮殿上銅羊青色不知何據舊極闊麗今圯張三手手書詩六句刻石里許爲草堂寺古浣花溪寺也右卽杜工部祠有石刻像詳遊記初三日謁諸葛丞相祠古漢廟今皆稱武侯祠前殿祀昭烈關張等十五人配頗未當余作從祀議正之後殿祀侯長子瞻瞻子尚配舊有雙柏今不存古碑惟唐貞元中裴度撰柳公綽書稍古碑中甚怪餘皆近世石刻祠西昭烈惠陵志稱關

羽張飛墓在萬里橋南未及訪望帝祠蠶叢祠張忠
定祠皆荒廢不得其處初四日遊浣花溪一名百花
潭卽錦江也溪流澄澈荷藻紛披前代遊人畫舫不
減西湖山水如故無復昔時佳麗矣詳具遊記潭上
薛濤井濤家于旁以潭水造五色箋明蜀王卽此製
錦今失傳文翁禮殿相如琴臺楊雄草玄亭殿君平
宅皆不可考或云楊亭在成都縣治琴臺在市橋又
云金花橋西初五日辭行初七日發成都府諸公會
饒武侯祠是日陸行至金花橋宿黃水河門人樊澤
逢從初八日過修覺山至新津縣始登筏子編竹爲

健松齋集

卷之七

大

之架竹屋覆以茅門窓皆具可遠眺初九日至舊彭
山縣望青城玉壘大隋諸山連亘千里峯巒秀出初
十日至眉州度疲癘江訪三蘇祠祠在州西門內灌
木叢草颯然深山榜曰眉山書院卽老泉秋穀行舊
第也門前古榆樹相傳老泉手植祠三楹奉公父子
木主復爲木假山堂右瑞蓮院殘荷蕩漾池中東坡
手書馬勞乳母任氏墓誌刻石續永止存一人州守
請于督學給衣頂奉
祠十七日經青衣江一名平上有上巖中巖爲古諾
距那尊者道場喚魚潭客至撫掌魚輒躍出以夜過
不及登十二日過小三峽水洶急筏皆搖蕩遂停橈

野泊十三日至嘉定州整筏子古漢嘉地唐
宋曰嘉州 日海棠香國所謂海棠無香惟嘉州獨香也或云昌
州今重慶府大足縣有香霏亭然漢嘉海棠實香州
守爲余言氣似蘭云竹公溪在城外竹中小兒夜郎
王也江有魚大而肥美曰魚舅春水時見十四日微
雪或言凌雲山之勝棹舟乘雪登之山瀕江路頗峭
仄東坡詩載酒時作凌雲遊是也今石崖刻東坡載
酒時遊處七大字
中爲寺前爲大佛閣唐韋臯建鑲巨石爲佛頭傍有
小閣可望三水九山後爲註易洞宋吳秘讀書處右
有僧龕明初住持坐化人髥而龕之宛然生也左達

健松齋集

卷之七

九

烏尤山晉郭璞隱此註爾雅曰爾雅臺洗硯山下魚
吞之頭皆黑今有烏頭魚二三月中見曰墨魚然止
傷山十許里有之餘皆無十五日登高標山一名高
望山
高閣可望峨眉初苦昏霧已而霧散三峩歷歷積雪
數百仞日光灼之一望如削玉余擬往遊僧言此時
雪封路山僧方積薪米爲冬春計卽往不得上矣眺
望久之山下涪翁亭故址爲黃魯直建丁東泉在焉
遙睇州城三面濱水蓋雅水沫水合流達於江也倚
檻作歌從遊者門人樊澤達羅英楊藏家弟象敬十
六日馬州守贈香海棠雪蘭口占截句謝之十七日

泊石板溪嘉定舊稱繁庶獻忠之亂州人楊展集兵拒守得免屠戮後賊將袁韜武大定潰卒據犍爲偽降展信之遂殺展并其軍民始被害然較諸郡消勝十八日至犍爲縣有花卿廟唐段子璋反牙將花敬定討平之廟食于此十九日至宣化驛二十日抵敘州府古犍國漢犍爲郡治此隋曰戎州瀘水出其南俗呼馬湖江武侯五月渡瀘其上流也郡有師來朱提諸勝鬱姑臺在城北產筇竹可作杖客餽佛手柑二枚重二層放數十指香氣馥烈我眉山產也二十二日發宜賓瀘江一帶皆石望之如堵牆連亘數里及登岸其平如

健松齋集

卷之七 記

壬

砥可當數十千人石惜生戎熒無人能點綴者夜抵南溪縣樊生別去二十三日至江安縣漢江舊有江陽地陽兒祠相傳光武微時過江陽生一子望氣者言江陽有貴兒氣縣人因王莽亂求而殺之後光武怒爲兒立祠不使江陽人冠帶余謂誕漫不經戲嘲以詩夜泊井口二十四日過納溪縣縣踞石山頂石虎關通雲南交趾晚至瀘州州枕瀘江一名汝江非武侯渡處也伯奇爲後母所逐自沉於此南有穆清廟祀尹吉甫北有撫琴臺伯奇鼓履霜操處方山之麓乃有魏武帝廟舊傳宋時征乞弟蠻陰雨數月神宗絨

香禱之輒應余意漢地不應祀曹瞞以詩誚之或曰蜀祀甘寧楚祀伍員非與余謂典霸蜀人子胥楚人祀於其鄉耳彼操何許人耶二十五日泊舊瀘州二十六日至合江縣縣東榕山宋時產天符葉如荔枝葉而長文如蟲蝕篆不知何木或曰劉真人仙蹟二十七日松溉二十八日至江津縣過七門灘大石橫江凡七望之如門二十九日抵重慶府古巴子國隋曰渝州水與白水合流至城東曲折三迴如巴字故名郡皆石山城市廬舍依坡陀爲高下三面距水陸路達佛圖關東魚復西焚道北漢中南夜郎形勝要地也石

健松齋集

卷之七 記

壬

高水疾漏二鼓始抵岸三十日具舟爲出峽計舟長五丈廣半之惟後二艙可坐餘皆平以板上架木爲篷屋舟行則撤去用橈十有四十四人左右蕩之前二人挽巨橈規所向後柁類櫓而長主船者曰板主柁工曰太公意即古長年三老也祭江祀水神及張桓侯餽餘先太公然後敢食每行船太公升柁樓唱巴渝歌衆和之輕重疾徐皆有頓挫大約唱峽中諸地名或俗傳故事無他詞也十二月初二日放舟東下泊木洞驛初三日至長壽縣經不語灘俗傳舟人言則水勢噴湧縣產皮盤做苗製然頗不佳初四

健松齋集

卷之七

記

三

日至涪州荔枝園在龜龍峽東唐時爲妃子園荔枝
百餘株馬上七日抵長安卽此今無種江心雙魚刻
石上各三十六鱗旁有石稱石斗見則歲豐北巖普
津院程伊川讀易處黃山谷題曰鉤深有張飛祠宋
大觀中人於祠前得三印及佩鉤刀斗上鐫飛名初
五日鄴都縣古枳縣地漢平城倚平都山道書七十
二福地之一漢王方平得道于此又云陰長生上昇
處有仙都觀麻姑洞林木幽深夾道翠柏皆千餘年
物麋鹿出沒與人狎號紫府真仙之居不知何時初
森羅殿因傳會爲閻君洞以爲卽地獄之鄴都遠近
禱祀求符籙蓋道流惑世失其實耳初六日抵忠州
古巴地唐初以白居易刺郡時築東坡西坡建荔枝
樓今皆不存陸宣公墓在城南公論裴延齡謫州別
駕卒葉葬於此墓碣駁落不可辨識初七日過石寶
驛江岸石奇絕崢嶸挺拔如峯如雲或如樓臺如屏
如柱如笏是不一狀頂有瀑水穿石而下惜無善畫
者圖之爲臥遊耳晡時至萬縣西山有絕塵龕宋郡
守馬元穎曾有開於山麓修池種芙蕖及荔枝雜果
景物清勝爲夔路第一南山下瞰大江水落石出曰
峨眉磧上有岑公巖石盤結若華蓋左右方池泉噴

健松齋集

卷之七

三

薄如廉松蘿藤蘿蒼蔚蒼翠後皆不復暗錢虎畫
出猿猱成羣初八日至雲陽縣古胸昭地胸昭縣名
雲荒殘無人居蓬茅數間令尉棲焉對江飛鳳山古
刻鳳凰巖三字瀑布注橋下有廟祀張桓侯僧請榜
額余書矯矯虎臣應之初九日至夔州府春秋夔國
八陣圖在城南石磧上凡六十四絕擬棹舟觀之大
雨不果登城樓遙望而已別有記甘夫人墓在府治
鎮峽堂後永安宮卽今府學初十日十餘里至瞿唐
峽兩岸各數十仞對峙如門灩澦堆當其口江水分
流左右下循灩澦而北登白帝城路陡峻上爲先主
廟丞相亮前將軍羽車騎將軍飛配廟前石坊倚闌
望大江正對灩澦所謂如象如馬峽人以此占水候
今冬殘水涸不覺其險耳城之東接白鹽山山石白
如水晶白鹽之對爲赤甲山不產樹木土石皆赤山
有廢城址卽漢魚復縣基城之北一帶渚田清流如
綫俗呼草堂河余意卽灩水東屯少陵寓處也詳具
灩澦白帝二記峽外南岸石鼻子北岸錢柱當是舊
設關處關今廢關外張飛擂鼓臺孟良梯皆極高峻
下有粉壁堂壁白如垩粉舊有題咏兵書峽在絕壁
上石層疊如束數卷書彈穿石亦高聳廣丈許有眼

如九際光相逼若彈所穿然大抵三峽皆重巖疊嶂
虧蔽天日非亭午夜分不見日月非虛語也十一日
至巫山縣巫山在縣南形如巫字故名東曰琵琶峯
神女廟移此舊傳峯形似琵琶此中婦女多曉音律
未知然否巫峽壁立峭削與瞿唐歸峽爲三峽連亘
七百里絕頂皆檉柏懸泉飛瀑猱攫哀吟十二日至
跳石阻風峽山數里一折水奔急舟行易弱故遇風
輒止十三日出峽過三分水巖畔三泉眼分流甚奇
舟人言相傳上爲川水性浮中湖廣水性平下江西
水性沉好事者淪茗試之果然余以風逆未及辨望

健松齋集

卷之七記

五

十二峯皆雄峭橫見錯出惟美人峯最高秀考十二
峯曰望霞翠屏朝雲松巒集仙聚鶴淨壇上昇起雲
飛鳳登龍望泉首尾一百六十里顧不甚肖亦無美
人名舊神女廟在峯半故有石刻引庸城記瑤妃西
王母女稱雲華夫人助禹驅神鬼斬石疏波今封妙
用真人廟額曰疑真觀神女所由名也宋玉高唐賦
文人游戲如牛女洛神之類後人不察至加穢褻余
作詩爲解嘲或亦神所樂聞耳午過萬流驛楚蜀分
界處大巴東縣瀕江倚巴山又各金字山一峯自麓
分三岡狀若金字至顛因山爲城市寇萊公祠二柏相傳公手植十四

日過歸峽怪石猱攫較瞿巫二峽稍卑而奔流怒濤
過之葉灘多石與新灘同險然葉灘水高於石新灘
石高於水語云有葉無新言葉灘水大則新灘平也
午抵歸州不得泊阻風艤屈原沱沱卽調三閭大夫
廟俗呼清舊有姊歸廟祀原姊娶雙子城俗呼舊歸
州宋玉宅昭君村皆在神歸是日次新灘十五日度
新難灘高數丈巨石橫欹江中雪浪峯湧晝夜轟轟
若江湖聲凡舟至行李悉陸運更募其地舟師加橈
棹凌空而下船首沒浪復起者再然後徐引近岸小
船則以長筏沿岸放之上水用百丈盤之而上蜀江

健松齋集

卷之七記

五

第一險也余從岸上遙觀覓楫目憚是夕宿灘下灘
凡三處十六日至黃牛峽重巖疊起最高處崖黑色
如人負刀牽牛狀人黑牛黃江湍紆曲經數宿猶望
見之行者謠曰朝發黃牛暮宿黃牛三朝三暮黃牛
如故山下黃陵廟峽神佐禹治水諸葛亮建祠祀之
自爲記碑文刻廟中前有閣臨江亂石嶙峋水石相
觸磷磷齒齒此下水漸平乘夜泛舟山空峽靜明月
滿船猿聲裊裊峭壁間漏三鼓抵彝陵州以川江至
此始平故名夷陵巖石中斷豁然大江矣十七日更舟州守延余
署齋卽歐公六一堂故址十八日過白陽驛張江陵

正祖墓野燒山樵采往來對江宜都縣虎牙山云
孫述據此造浮橋拒漢下有虎牙灘一名與荆門山
對夜抵枝江縣古羅地憶家兄黃李荆時署邑事今十
八年矣十九日立春過松滋縣至百里洲地寬衍洲
首派別南爲外江北爲內江故稱枝江吳三桂之叛
自歸巴以下皆遣兵拒守王師駐城陵磯卒殲叛
逆洲上營壘尚存二十日至荊州府泊沙市江陵名
勝皆余舊遊留理署三月時乙巳秋冬也二十一日
公安縣二十二日宿三杆桅二十三日過石首縣至
壺瓶套二十四日過監利縣經城陵磯在洞庭湖口南望
洞庭水天浩淼岳陽樓崢嶸雲霧間青螺數點益君
山也二十五日至白羅山夜大風驟雨江豚跳擲寒
鴉譟呼甚蕭寂初意抵漢上度歲至是連值怪風雨
雪紛霏舟人皆思歸歎息長隨燕人泣下沾襟余亦
悵然有懷呼酒放歌作懷人詩二十首二十九日至
新堤在臨湘縣東六十里客饒酒脯小飲不知爲歲除也康熙
二十三年正月一日風利遂發舟經嘉魚縣望赤壁
山孫劉破曹處也黃州特以東坡二賦名本名赤鼻山夜
泊牌洲在嘉魚縣東七十里初二日過鵝鵝洲達漢口詢爾衡
墓久失其處初三日訪羅魯峯世珍留飲鏡堂始見梅

花初四日重遊大別山登晴川閣初五日渡江訪醫
中流風濤怒湧疾遂大作留寓漢陽門內距黃鶴磯
不半里二十日稍瘳間步黃鶴樓及仙槎亭諸勝廿
二日徐方伯惺招飲卽山樓樓踞大觀山顛俯視鄂
城萬井鱗次遠望江漢及湖南諸峯極山川勝覽自
是復臥病三十日遊洪山寺寺極弘麗爲全楚諸刹
冠亭有故楚王詩刻石東十里卽卓刀泉二月初二
日疾復甚旬餘不能興十七日病起王吳廬少詹吳
治吳漢陽相招子重吏部尊人也力疾往赴詢卽官
湖久涸二十日清明渡江東發二十一日至青山阻
風二十二日過陽邏至白湖鎮二十三日經團風鎮
至黃州赤壁白龜渚皆舊遊以病未登二十四日過
武昌縣至蘭溪驛二十五日進蘄水縣謁房師張鄂
山先生諱邦福宿浴蓮巷頗幽雅明末故宗伯龔端毅
公鼎孳宰蘄時爲詩僧恒度建恒度弟子等觀年七
十四善詩有秋影閣集余初未及見次日始知之爲
題數語卷首二十六日遊文昌閣臨溪石壁刻擊空
明三字云蘇子瞻書二十七日返舟經鳳棲山訪陸
羽第三泉是日泊道士泐二十八日過蘄州泊田家
鎮鎮有吳將甘寧廟二十九日三十日阻風三月初

一曰至九江府登琵琶亭眺望匡廬諸山初二日過
湖口縣水石湍急余向自江陵回觸風幾殆今九江
關移此初三日過彭澤縣小孤山突立江心四面斗
絕經馬當山王勃夢神助風處也是夕泊花陽鎮初
四日東流縣阻風初五日抵安慶府寓天寧寺初六
日遇同年倪檢討燦遂別去從維揚入都向有日記
不復登曆矣

健松齋集

卷之七記

天

遊杜工部草堂記

成都南門外二里爲青羊宮又里許爲草堂寺卽古
浣花溪寺也寺右卽工部草堂堂三楹有公石刻像
又有一斷碑像臥草中其地濱浣花溪背郭面山遠
峯秀疊清流縈迴東望武侯祠廟西眺雪山極山水
之勝余意錦城山川秀絕西南浣溪又其最勝地少
陵卜築於此前後五年所謂入門四松橙林修竹當
必更勝回首長安慶未能卽至使終老此中親客死
耒陽歸葬偃師亦復何異乃汲汲然去之下夔州往
來漢西東屯卒之具舟出峽流離播遷以死豈崔旰

健松齋集

卷之七記

无

之亂勢固不可留耶抑羈棲日久不勝其忠君戀國
之心冀北歸以慰其志耶觀公在雲安作詩懷錦水
居止慕畫浣溪風景至悉然則公雖去其不能忘情
草堂明矣草堂自唐迄明屢經修葺弘治中增置書
院廊廡後皆燬于寇順治初卽故址新之草搆而已
余來潭上值再罹叛亂大軍駐牧日久蔓草頽垣間
牛搜馬矢狼藉階砌像雖設寥寥無復燈火余竊悲
之間以語藩臬諸君皆唯唯然未知何如也雖然少
陵幸有祠矣以余所聞于蜀文翁之講堂司馬相如
之琴臺楊雄之草玄亭君平之故宅後世讀其詩想

見其人思識其居址碑碣以爲快乃千百年間或爲僧寮或爲縣署甚至茫然無可憑弔而公之草堂猶髣髴於烽烟戎馬之餘意古人遺蹟其存沒亦有幸不幸乎噫可慨也已

健松齋集

卷之七

三

浣花溪記

浣花溪在成都府西南五里一名百花潭清流澄澈約數里許舊傳唐冀國夫人任氏微時居潭上有僧墮汚渌女爲浣衣蓮花應手而出人異之因呼爲百花潭崔寧節度西川納爲妾妻死遂爲繼室累封國夫人夫人既貴每歲生日來置酒其家泛舟高會後人因之遂以爲常按唐書大曆中崔寧入朝留弟寬居守楊子琳自瀘州襲之寬戰力屈寧妻任出家財募兵得千人自將以進子琳引去蜀賴以安初不載其封冀國亦不知爲何許人宋任正一遊浣花記謂

健松齋集

卷之七

三

夫人有功于蜀人德之於其生日卽其祠祀焉因相與娛樂理或有之百花之說實出于附會杜甫詩云百花潭北莊又云百花潭水卽滄浪其來舊矣非由冀國得名也其說近是顧謂成都風俗以游樂相尚歲孟夏十有九日通國士女靚粧麗服南出錦官門拜夫人祠下退遊杜子美宅遂汎舟浣花連檣卸尾飾以綵繒簫鼓歌吹聲不絕其不能具舟者依岸結棚以閱舟之往來芻蕘負販至稱貸爲樂府尹亦爲之置酒設水嬉盡一日而返夫畫船簫鼓之盛莫若吳中及西湖蜀人之遊如此其繁麗侈靡何減江南

惜乎未及見其盛而風流遂以銷歇也蓋益州沃野千里天府之國其物產富饒甲天下故川北號爲陸海而又代際承平家給人足宜其游觀之樂至于如此明末疊經寇亂民不聊生張獻忠之去蜀將入秦也慮蜀人爲變夜驅成都民出南門盡殲之分遣四將軍屠殺各州郡上功論賞計男婦數百萬人已又召諸郡生儒技術僧道赴成都試職及汰除新兵衛軍悉殺之又數十萬人於是焚城市公私廬舍及米粟積聚無一存者嗟乎闔獻之亂極矣屠殺之慘要未有若蜀者余自葭萌入川北起閬中東盡夔巫所

見城郭傾廢官僦屋以居異時通都大邑茅茨十數家其民多不過百十人皆秦楚流寓甚有七八十里無人烟者猿啼虎跳僅得于荒陲廢礎間想見昔日之勝蓋治亂盛衰之感不獨浣花爲然矣夫天下之數盛極必衰衰極又必盛今天子仁聖加意荒徼招民者許授官復蠲除墾墾墾墾諸田糧所以爲蜀計至切誠得文翁韋臯張詠輩休養生息招流亡免其徭役宦遊旅於四方者俾悉返故籍數十年後雖不能還舊觀或者其稍稍起乎嗚呼難矣

志稱武侯八陣圖在夔州者六十有四爲方陣法在新都牟壩鎮者一百一十有八爲當頭陣法在雲陽市者二百五十有六爲下營法是圖凡三矣乃湯升菴記止稱牟壩及夔之永安宮而不及棋盤市何耶豈博雅如升菴又生其地顧有所未悉耶余過新都試命不得遊北至成都索通志觀之乃在縣北三十里與人憤憤已疾驅失之矣舟還過夔門值甚雨登城南樓望之細石累累成隊所謂高五尺相去各九尺正中南北悉方廣五尺凡六十四聚又後兩層凡三十二聚桓溫謂常山蛇勢宋范孫云圖數八前八八六十四正也後四八三十二奇也然烟雨冥濛僅得其概土人云春夏泛漲圖悉沒於水水落聚如故夔人每歲人日傾城遊其間謂之踏碛夫人精誠所積其氣常凝結而不可散侯孤忠貫天地此特其跡耳宜後人思之流連玩賞而不能去也獨侯以天下奇才使得盡其所學不難戮力中原光復漢室乃苗蠻更叛征討無虛日使奇正相生之法不用之司馬曹魏而七擒七縱小試于雍閬孟獲之流豈不重可惜哉雖然三分決策侯益早已知之矣

鹽瀆堆記

益州記云鹽瀆堆夏水漲沒數十丈其狀如馬舟人不敢進故曰鹽瀆又曰猶豫言舟子取途不決水脉故猶豫也樂府作淫豫淫豫大如襍瞿唐不可觸世說鹽瀆如象瞿唐莫上鹽瀆如馬瞿唐莫下峽中人以此爲水候余自發夔州十里許至瞿唐時仲冬水殺兩岸壁立千仞鹽瀆當其口江水分流左右下堆高二十餘丈廣亦十數丈碎石凝積而成不產樹水其礪硯離奇與彭蠡之巽山江中之小孤畧相類顧如象如馬不得其似心竊怪之已緣小徑登白帝城

健齋集

卷之七記

鹽

謁先主祠廟廟前石欄周繞下瞰江流正對鹽瀆其形乃銳而長西角首昂起如獸蹲然乃知方冬涸落石盡出於水夏水暴漲則堆皆沒微露其頂故如象更如馬耳如象石勢猶巨故不可上如馬則水愈高石愈小并不可下矣嗚呼其險如此

登白帝城記

白帝城在夔州東十三里公孫述所築昭烈托孤受遺處也城緣山爲高下陂陀約數里頽垣廢礫中戍堡數間微獨當年宮闕鞠爲茂草卽近世琳宮梵剎亦無復存矣城之西卽瞿唐北崖鹽瀆當其下拾級而登爲先主廟配以丞相亮前將軍羽車騎將軍飛廟中石刻題詠頗多然皆明時物廟前立一坊坊外周以石欄俯視江流歷歷然其東接白鹽山崖壁高峻皆白色望之如水晶故名白鹽白鹽之對西南爲瞿唐之南崖東聯赤甲山不產樹木土石皆赤如人袒背故曰赤甲或云漢時有巴人爲赤甲軍因名山有廢城址相傳亦述所築又謂卽漢魚復縣地未知孰是城之北其下皆平曠渚田清流一綫縈繞如帶余疑卽大瀼水詢之住僧則曰草堂河也夫自子美居瀼西始有草堂今乃以名河得無是耶顧訪東屯不得其處志稱在府治東北王龜齡云計臺卽少陵故宅陸務觀記瞿唐關東卽東屯又云東屯李氏居已三世距少陵纔三易主唐時勢尚存于臬修東屯故居記則云峽中多高山峻谷獨東屯距白帝五里而近稻田水畦延袤百頃前帶清溪後枕崇岡樹水

健齋集

卷之七記

鹽

蕙蒨少陵卜築於此果爾則草堂河一帶共爲東屯無疑矣大約少陵自下夔門遷赤甲又遷瀘西遷東屯復自東屯歸瀘西凡二年總不越白帝數里內恨從人憤憤不得所據耳然觀草堂之稱以因草堂而後以名其河者夫自有白帝以來其傷城而居者不知何限要皆寒烟衰草不可踪跡而河乃以草堂名山川之勝豈不重乎其人哉特未知吳所紀捐金市李氏舊居創建大觀堂奉工部遺像其爲堂齋軒檻今且何如也

健松齋集

卷之七 記

吳

謁岳忠武家廟記

浙江按察使署汝宋岳鄂王宅也舊有祠余每過其地向往久之頃以觀察君之招憩息祠畔乃得登堂瞻拜焉中爲王廟張憲等六人配稍東三楹曰家廟中祀王父母左祀王子雲等五人侍坐右祀夫人女孝娥侍而子婦五亦以次列坐其後有井王女就義處也正德中覆以亭樹曰孝娥井余過而悲之當王之戮力中原也高宗欲爲營第王辭曰強敵未滅何以家爲此其意視宅第如浮雲卽父母妻子亦同夢幻豈意數百年後俎豆一堂覓覓相聚有如此哉考

健松齋集

卷之七 記

毛

王廟在杭者二樓霞嶺埋環之所故廟貌巍巍我配以一時忠義之士而檜舄亦鑄像墓前所以快今古之人心家廟聚族之地則爲別廟爲別寢祀其祖父孫三世而間以內亦與焉所以表一門之忠孝其不忍忘王一也且王旣千古矣清河坊望仙橋非張循王秦太師故第乎長橋複道詎無一二遺蹟足供憑弔然卒未有過而問焉者東窓何處且令人拊心搔摩而不能去嗚呼賢奸之辨可畏也已獨惜奉祀木主自王而外皆稱封號而不書生時官爵名氏如王父孚虞侯諸子繼忠紹忠續忠諸婦相德介德之類而

王女既稱節女又曰仙官殊非祀典之正誠攷而更定之曰宋某官贈某諡某某公夫人則各從其氏王女直書之曰孝娥或節女庶亦王父子生死不忘宋之意乎神其稱非王志也

健松齋集

卷之七 記

三

姜伯子畫像記

今人安閒快樂輒羨爲神仙夫仙人亦祇自適其性耳設身居蓬閣而勞身焦思役役於經營計慮中仙人亦甚無樂趣矣故凡能適其性其樂卽與佗喬等姜伯子瑞若先生里中所稱謫仙人也生長華胄優游快意不具論滄桑以後則家漸中落矣始之索逋盈門久且半菽不得飽窮愁困苦幾二十年他人當此前愉後瘁其悲天憫人較寒士將必更甚乃先生處之恬然今春秋且七十矣圖書滿架花卉盈前書卷之暇放遊語石諸山或徧訪同人縱談竟日或偕

健松齋集

卷之七 記

三

孫曾弟姪含飴戲笑以爲樂神健氣王體貌充腴莫不歎爲神仙中人雖十年來令子承歡養志然先生之高風曠致實出於自然非強而能也使先生役役焉經營計慮不能去將憂能傷人亦何以安閒快樂如此哉廣成子曰毋勞爾形毋搖爾精毋思慮營營乃以長生先生殆近之矣憶往時有仙降凡謂先生爲衡山道士唐末上升以小過謫降言頗怪誕然先生以七夕生其襟期氣度非具有仙骨不能然則人苦不自適耳能適其性卽擾擾人寰便有灑然出塵之意不必乘雲御風始與天地同久也先生屬余題

像余少先生十有四歲臥病經年不禁蒲柳早衰之
歎因書數言於此披斯圖者觀余之言可以知先生
之爲人矣

健松齋集

卷之七 記

罕

樂安詹明經全城記

余至樂安訪家紫崖令君因詢前光祿起鵬詹公後
裔公萬曆中宰吾邑有惠政其從弟侍御一菴先生
則先大父南宮所取士也循良直諫竝祀著宗盛矣
公之孫賢來謁少年才雋心益喜之往復晤對述其
先尊人全城事甚悉蓋光祿公仲子也博學能文章
試有司危得復失晚始以明經歲薦爲人偶黨好義
當開國初江西盜未平撫軍劉公率師徇諸郡縣君
持牛酒謁軍門劉公延見與語君侃侃而談凡生民
利病敷陳詳切公禮遇特優禁約諸軍悉如君指其

健松齋集

卷之七 記

罕

明年庚寅永豐賊高日洪復聚崇淦羣盜盤踞樂安
山中村墟亡賴往往起應之結爲小約勢益猖獗邑
令孟學遷帥義勇進討遂爲所殺事聞遣二將軍剿
之遠近震恐夜詣君告曰官軍討罪而賊已遠遁禍
且及平民奈何君曰微公言吾亦念之乃上書撫軍
備陳焚掠殺戮之慘反復數千言劉公得書立下令
分別首從毋擅殺良民君復徧詣諸帥假一旗出入
邑賴以全鄉人感君恩屬臨川李進士爲文刻碑一
菴先生祠傍雖勒石不忘里人之義然非君誠信足
以相結將玉石俱焚不復有今日矣其碑而亭之宜

也昔者魯仲連爲人排難解紛當時稱爲天下士然連輕世肆志遺燕將一書保全生靈意甚善而捐燕棄世東遊于齊未免策士之習君志切桑梓不避危險雖未得其書讀之要必慷慨懇至所謂仁義之言請如也豈與連同日而語哉賢請余書其事余重君義且附世交爲識其大畧俾後之搜獨行者采焉君名運章字正被已丑歲貢士

健松齋集

卷之七 記

四

健松齋集卷之八

論

遂安方象瑛渭仁者

范增論

史稱范增年七十素家居好奇計方子曰嗚呼增亦何嘗有奇計哉增之事項羽有年矣矯殺卿子冠軍增未能救也倡議立義帝羽弑之江中未能明大義以諫也入關倍約燒秦宮室殺降王子嬰掘始皇冢增未能止也屠咸陽坑秦卒二十餘萬人不聞一言解也韓生請都關中怒而烹之又未能指畫形勢建

健松齋集

卷之八 論

不拔之業也尊爲亞夫侯封歷陽漫然一無所匡救安在其爲奇計哉且夫仁暴順逆之分增非不知也增勸羽擊沛公曰沛公入關財物婦女無所取此其志不在小又曰使人望其氣皆爲龍虎成五采此天子氣夫天之所興人不能廢不待知者而知也乃明知漢王之必有天下思奪其成功鴻門之宴舉佩玦示羽者三雖曰君王爲人不忍蓋亦有天幸焉夫人苟有旦夕之祿天猶必曲庇以成之荆軻之匕首不能堪秦王項莊之劍顧可擊沛公于座乎哉迹其所爲不過庸夫豎子陰鷲猜忌之謀冀倖成於萬一意

居家好奇計止此耳究之樊噲翼蔽於內張良計盡於外太牢惡草具進君臣猜間歸死彭城以術制人反受制於人之術中安在其爲奇計也哉且增旣年七十矣其更事必多其閱境已久老馬知途非一日也旣不能引魯連高蹈之義復不能有馬援擇主之明又不能效伍胥死諫之節迨禮過寢疎始乞骸歸卒伍且曰天下事大定矣君王自爲之夫天下紛紛方苦戰爭不休乃以大定懟其君好奇計者固如是哉蘇子顧以增爲人傑意者周旋嗜鳴叱咤之間或別有深謀祕策而史故畧之歟夫陳平六出奇計而

健松齋集

卷之八 論

二

矣

漢以興增好奇計而楚不免於滅則其效蓋亦可觀

鄭伯克段論

余友錢唐毛稚黃論鄭伯克段于鄆深責叔段可謂詞嚴而義正矣獨恕於論莊公謂呂氏釣者負漁獵者負獸爲謬余竊以爲未盡夫段固不得爲良臣悌弟莊公顧可爲仁君孝子乎哉蓋當莊公之寤生也武姜惡之愛共叔欲立之君臣之變兄弟之禍啓於武姜愛憎之心亂匪降自天生自婦人信矣顧段不過一遊畋墜子耳讀于田之什恃材好勇類皆猥薄浮蕩之所爲其繕甲兵具卒乘也安知非侈羽獵之盛思誇美于國人歟乃公於此旣無蒸乂之化而復

健松齋集

卷之八 論

三

昧于教誨之方始則縱之以逞其心繼且殺之以伺其變請制之時已儼然有死其弟之心矣何者制固嚴邑也亦何難曉以大義息其邪謀乃必引號叔以懟其母仁人之于弟也固如是哉且夫兄弟情也誅實法也賢者不以法勝情亦不以情屈法使段逆謀果著如吳淠永王薳宸濠故事聲罪致討使天下後世知有罪在所不赦而因以明其不得已之心豈非法立而情盡乃祭仲之諫則曰多行不義必自斃子姑待之公子呂之謀則曰毋庸將自及子封之請則曰不義不暱厚將崩蓋明設一阱以需之垂餌以俟

之若惟恐其惡之未深而私幸其罪之日積者卽欲
不謂之負獸負魚不可矣况父母之分尊如天地孔
子言微不言在稱名之際非獨分不容忒心固有所
不敢也公則直以姜氏呼其母亦何待城潁之誓而
始見其忍哉故吾謂叔段固不得爲悌弟良臣公亦
不得爲仁君孝子蓋存毛子之論以示人臣無將之
義所以峻亂賊之大防也臣道也弟道也由吾之論
以推昔賢所未及所以立慈孝之大本也君道也子
道也

健松齋集

卷之八 論

四

蘇軾論

宋蘇子瞻軾賢者也惜也恃才陵物而好自行其意
夫其恃才陵物非不知才之不可恃物之不可陵也
特好自行其意而嫌怨因之日甚夫程頤當世之賢
人也生平誦法孔孟力學好古安貧守節言必忠信
動遵禮度司馬光呂公著薦其行義詳矣哲宗冲幼
國是未定得頤等數輩在經筵寧不足以裨益君德
子瞻素推獎善類而於頤顧深嫉之加玩侮焉慶甲
之爭則曰枉死市叔孫通制此禮又嘗斥之爲不近
人情夫非人情不可近莫若王安石頤之守正視介
甫之執拘何如哉二人之隙旣成而胡宗愈孔文仲
顧臨之徒連章論劾頤遂不安其位夫頤之賢軾非
不知也軾之于頤亦非若邪正不並立必去之而甘
心也直以頤好引古禮軾豪邁不羈其性之不相入
若柄鑿然而文章道義之爭遂甚於水火雖曰附和
者爲之然軾之恃才陵物好行其意蓋已久矣安石
之以新法誤天下也好剛偏執亦由所用非其人耳
軾之好行己意如此設進而柄用能泯嫌怨如司馬
諸公乎吾知有所不能也同類攻擊日甚而大儒之
講席旋移使天下後世謂新法之行安石尚引程頤

健松齋集

卷之八 論

五

其議而崇政說書之罷由于子瞻豈不惜哉劉定之
論元祐三黨曰蜀黨侵隣之兵洛黨應敵之兵其得
失固有在矣孔子曰君子矜而不爭羣而不黨又曰
中立而不倚賢如子瞻猶不免乎始而黨繼而爭卒
未講于中立之道也况其下焉者哉

魯仲連論

古未有自處高而以不忠教人者即未有教人不忠
而可爲天下之士者蓋所謂天下之士者羣天下之
人而引之於義也是故與子言孝與臣言忠其人而
宣力盡瘁焉者不難贊襄以畢其志若夫成敗向背
之際苟稍涉于徘徊瞻顧則惟恐其或陷于非義而
委曲以成之此所謂高世之行也徒逞口舌之能使
人忘仇讐而輕棄其君父雖超然遠引其去縱橫功
利幾何哉魯仲連當世所稱天下士也由今觀之辭
平原之封踏海不肯帝秦可謂輕世肆志矣而射書

聊城抑何教人以不忠也夫人臣受命而出軍國存
亡繫焉成則不敢任功敗則無所逃罪戰國之世君
臣之義不明久矣旦而帥師夕而棄國是故吳起去
魏樂毅去燕廉頗去趙視其職任若傳舍而棄其君
如路人燕將之才度非能如吳起樂毅廉頗也捐燕
棄世豈待繫矢射書而後能哉且夫背城借一將之
分也仲連誠以義高天下城存與存城亡與亡此常
理耳乃始勸之以歸燕繼說之以歸齊夫燕將既被
讒矣明知其必不能歸國而姑難之卒乃引曹沫管
仲爲證裂地定封富比陶衛意不在歸燕明矣夫沫

之不死忍小辱以信大仇也堂阜請曰豈人臣之常經哉陳隆之被執至漢州大呼賊下曰丈夫死爾勿降也文天祥北上王炎午爲文生祭之徧布道路賢者愛人不肯使陷於不義類如此幸燕將得書泣三日卒自剄耳設因連言而醜然以軍降是以不忠教人已則超然事外尚得爲天下之士乎哉乃或者曰仲連齊人聊城之書爲其主耳夫子貢非聖人之徒歟存魯亂齊孔子猶謂非吾意何況仲連或曰人臣死封疆固已聊城齊地何必爾不知地則齊境而命之者燕王也背君辱命將奚取焉或又曰聊城圍久

健松齋集

卷之八 論

八

項王論
宿遷古下相地卽項王故里也余北上過此阻雨感楚漢舊事率成此論
古今大英雄人其制事必果而其用情常深夫深於情未有能果於事者也故情之所在善用之而成不善用之而敗夫英雄情深孰有如項王者哉當羽與沛公受命懷王約爲兄弟手足之情定矣顧奪項王天下者沛公也鴻門之宴范增召項莊以劍舞將擊沛公於坐殺之舉所佩玉玦示羽者三項王猶豫未忍沛公得間道脫走去論者謂張良之出樊噲之入

健松齋集

卷之八 論

九

項伯之翼蔽功莫大焉而不知項王固不忍殺沛公也英雄舉事以力爭恥以術濟使果甘心沛公直几上肉耳詎肯聽其間行至軍哉迫勢窮力蹙在常人必自悔其用情之誤而羽終未嘗一語及沛公忼慨起舞惟舉而歸之於天蓋至是而項王之情愈見矣且垓下何時乎眷念愛姬傷心駿馬與呂馬迴數語戀戀故人其深情且如此安能殺沛公亞父曰君王爲人不忍韓信對高帝曰項王婦人之仁其深於情不果於事二人固知之久矣漢王豁達大度誠過之然隔鴻溝而語曰吾與羽爲兄弟吾翁卽若翁必欲

烹而翁幸分我一杯羹嗟乎此何言歟此言而忍出於口將何所不至歟幸項王不卽烹太公耳設觀晉鼎鑊何以令天下韓彭蒯醢猶其小焉者矣然則天下最深情莫如項羽而至薄卽莫若沛公楚滅而漢興羽所以痛心搯擘呼天以自解也或曰項王不殺沛公固已顧義帝君也弑之江中宋義主將也卽帳中斬之夫獨非人情乎曰此其所以爲項王也使能善用其情豈有垓下之剄哉故吾謂項王之霸也以力興而其亡也以情敗情之敗事不獨一項王也

健松齋集

卷之八 論

十

議

釐正樂章議

王者治定功成必有一代之樂章所以昭德象功協神人和上下典至重也成英章韶尚已三代之制莫備於成周由今攷之太王之祭歌天作文王之祭歌清廟維清武王歌執競成王歌昊天有成命他如鹿鳴四牡湛露彤弓讀饗讌諸章懇懇其盛焉漢叔孫通定制宗廟奏休成永至之樂明帝改大予樂作於郊廟黃門鼓吹樂作於燕會其饗祀登歌練時日而下不襲雅頌自爲古奧之音論者謂郊廟十九章失

健松齋集

卷之八 議

十一

之太峻仍秦風小戎之邊非頌詩比則漢樂可知已唐制七德九功之樂其樂章名十二和豫和降天神順和降地祇永和降神鬼開元時又有龍池聖壽立部坐部等曲則漸靡矣宋更爲十二安祭天奏高安祭地奏靜安宗廟奏理安正冬朝會奏永安祭饗酌獻飲福受胙奏禧安明初定制天地宗廟社稷及日月太歲風雷嶽瀆先師先農先蠶歷代帝王諸祭奏中和肅和凝和壽和豫和熙和諸曲所用間不同要卽唐十二和而推廣之也洪武二年定朝會燕饗樂舞之制凡聖節正旦冬至大朝賀奏飛龍吟風雲會

慶皇都喜昇平賀聖明諸曲燕饗進爵奏起臨深開
太平安建業削羣雄平幽都撫四裔定封賞大一統
守承平九曲上膳奏飛龍引風雲會慶皇都賀聖明
九重歡萬年春之樂平定天下撫安四裔車書會同
之舞四年尚書詹同陶凱等進更製宴饗樂章一曰
本太初二曰仰太明三曰民初生四曰品物亨五曰
御六龍六曰泰階平七曰君德成八曰聖道行九曰
樂清寧命協律歌之七年以祭祀還宮宜用樂舞命
儒臣製歌致謹慎監戒之意於是上所撰神降祥神
貺酣酒色荒禽荒諸曲凡三十九章命曰御鑒歌其

健松齋集

卷之八

主

詞皆存規諫十五年御奉天殿受朝賀賜宴用儒臣
重製燕饗九奏曰炎精開運曰皇風曰睿皇明曰天
道傳曰振皇綱曰金陵曰長楊曰方醴曰駕六龍二
十六年復加申定焉太宗永樂初定合祀合饗禮樂
一如舊制其燕饗樂舞一奏上萬壽之曲平定天下
之舞二奏仰天恩之曲撫四裔之舞三奏感地德之
曲車書會同之舞四奏民樂生之曲表正萬邦之舞
五奏感皇恩之曲天命有德之舞蓋自是禮明樂備
與漢唐宋比隆矣夫一代制作莫大於禮樂古帝王
精詳釐定豈好爲煩瑣以侈觀聽哉誠謂美盛德之

形容告成於天地祖考班朝宴會皆以和氣相感召
故肅雍之奏在廟廷而清明廣大之象見于天下和
平之音動乎神聽而性情之感深入乎人心風俗而
不自知非可苟焉而已也我國家制禮作樂悉準
前代
世祖章皇帝聲律身度於郊廟樂章親加審定
蓋已用之萬世而無弊矣
皇上親光揚烈削平僭亂統一區宇則釐正樂章告
成於
天地

健松齋集

卷之八

主

祖考誠萬世一時也竊謂昭代之樂屢中踏和蓋不
知幾經參定矣推
祖宗積慶發祥之意垂諸無窮豈可輕議更易乎審
其音聲調其節奏正其訛舛是卽率由舊章之大端
也顧愚聞之易曰先王以作樂崇德殷薦之上帝以
配祖考今圓丘方澤固洋洋雅奏矣
太祖高皇帝初業開基太王之烈也
太宗文皇帝守成續緒王季文王之盛也同堂異室
之中共爲一奏鋪張揚厲得毋有未備歟明太宗謂
侍臣曰皇考功德隆盛樂章未有稱述朕甚媿焉其

以爲之

世祖章皇帝大勳丕集文德誕敷是武王之受命所謂奕世不祧者也播之聲容奏之廟饗可勿早爲撰述歟是故倣天作清廟以備

太祖

太宗之樂倣執競以備

章皇帝之樂則太和之象不獨在成周矣若我

皇上神功聖德超越古今二十年來懿徽不可勝紀

於此分命詞臣製爲朝會燕饗之樂或先文德或先

武功禮官采之以爲文歌工按之以爲節神人以協

律

卷之八

古

上下以和世世子孫垂之永久豈直漢唐宋明之極盛已哉抑愚更有進焉古者樂舞皆擇國子生凡公卿子弟在學者預教肄之洪武中詔公侯及諸武臣子弟百一十九人習樂舞以共祀事凡有過疾病者悉遣歸所以修誠敬致感格也今皆沿習俗陋太常所掌又止委之道流平居既未能審聲知音臨時演習何以將事誠取樂舞生更定之兼用俊秀子弟教以升降作止之容高下清濁疾徐之節將秉箏吹笙皆士人依永諧聲無俗學於以成一代之雅樂其爲聖治光豈淺鮮哉謹議

漢廟從祀議

武侯祠在萬里橋南卽古漢廟舊祀昭烈南面東夾室卽後主而西偏稍南爲別廟以祀侯明蜀獻王始爲合祀帝位中以侯及前將軍羽車騎將軍飛配弘治中益以北地王湛將軍傅僉而侯之子瞻孫尚亦以死難與焉明末燬於寇本朝平蜀督撫諸君葺而新之乃奉昭烈前殿而配以關張北地王傅僉後殿祀侯瞻尚左右配康熙中按察使宋可發修侯廟始增蔣琬費禕董允龐統趙雲馬超黃忠向寵張苞關興姜維等十一人今仍之方子瞻拜祠下顧而嘆曰

律

卷之八

五

功臣配饗太廟禮也爲別廟爲後殿已非禮之正然侯之功大而德隆且後人俎豆固不必與太廟比則權而不失其正未爲無當也若濫祀之失則有不能無議焉者古者有功德于民則祀之不當祀而祀謂之淫當祀而不祀謂之滅禮是故君子慎之關羽張飛號萬人敵且同起微賤義同兄弟所謂干城腹心之寄也當陽之役微趙雲則後主且不免虎口矣蔣琬費禕內修國政外禦強敵董允獻替盡忠終允之世黃皓不敢爲非皆可謂賢矣龐統非百里才雖未盡其用武鄉之流亞也之七臣者文足以經邦武足

以戡亂以之配食夫何魏焉北地王後主之子而昭烈之孫也卽身死社稷不當與羣臣等黃忠老將知兵然在當日僅斬一夏侯淵耳馬超雄武志報父讐入蜀以後未聞有所建豎也向寵性行淑均見于亮之表薦然裨歸之敗祇能自全其軍卽軍中之事一以咨之其大畧已可見矣張苞早夭關興少有令聞丞相亮罷之亦早卒今乃儼然並于二父得無如演義所稱從亮出師有斬將奪旗之烈乎傳會戰死陽平關忠矣然其父將軍形貌亭之戰亦罵賊死祀會而不祀形何以示勸亦何以安會心若夫姜維者魏

健松齋集

卷之八

七

之降將也分守下邳歸款于蜀雖屢有戰伐然勞民斂怨迄無成功安樂公失國不能拒戰死敵視然以其軍降鍾會之反又親附之乃欲構鍾鄧之讐使會盡殺北來諸將因殺會復立漢帝卒之魏軍殺會維亦被殺夫身既降矣顧欲因人乘讐以復舊業能乎否乎有婦於此夫爲人所殺已從而嫁之語人曰吾將伺隙以報夫仇其誰信之維之所爲得毋類是此生平狙詐反復益戰國策士之流不忠之大者也然則何以正之曰祭法有分祭有合祭有附祭有一方之祭其崇德報功一也向者後主嘗祀東夾室矣雖

亡國無道顧父子天性不可棄則仍昭穆之制分祀後主北地於東西二夾室於義不較當乎故夫張苞關興附食於其父之廟而別爲忠臣廟合祭會父子與當日死事之臣馬超黃忠向寵各祀於其鄉或所歷之地若姜維者斥而去之可也或曰蜀人尚見信巫故所祀諸神有土主江主川主之屬姜維業祀成州矣蘆山黎州又皆爲立廟是必有功于蜀烏可斥夫蹟亂無稽愚民惑之麗統張飛與夫李冰嚴顏韋臯生有功德歿爲明神或未可知苟以土人之祀爲可據則龍安之祀鄧艾果何以稱焉或又曰七臣之

健松齋集

卷之八

七

祀是已章武延熙間不乏文武將吏節取而益之意者其法正乎嗚呼是又劉璋之罪人也

毛孝子殉父議

毛孝子周胤字藩侯事父母至孝謹順治乙未閏寇掠毛村擄其父索賄五百金孝子聞變慟哭頓首不能應傾貲往贖不許弼田廬往亦不許哭貲親友得數百金往復不許孝子計無所出乃詣賊求以身代且告賊曰我孺子耳父歸當多得金賊信之縱其父孝子爲質比父措置趨贖之已移營處州山中官軍會剿不可踪跡矣於是里中稱毛孝子乃好事者疑之謂孝子之得稱爲孝以殉父也殉父則必死而後論始定今孝子存歿未可知遽以孝名之信乎余乃

健松齋集

卷之八

九

喟然曰是未知孝子之用心也孝子之心知愛父而已當其傾資贖產往返數千里不辭勞不避險可謂難矣然志在生其父未嘗計及於死也及數往不得釋計窮力盡乃出于代父代父而父不忍則多方紿賊以信之意亦惟父得歸爲幸耳父歸而吾之心慰矣生與死并未嘗計也未嘗計及於死而卒不免於死此則孝子之不幸而亦天之所以成孝子也且其時何時乎淫刑酷考殺人如草菅得金則生不則死甚有金盡而猶不得歸者矣孝子豈能免乎師徒雲集玉石俱焚孝子卽脫于賊其能免于兵乎崖谷之

陡削毒蛇猛獸之搏噬其足死孝子者又無論矣故

使孝子而存也老親在堂必不肯久離暫倚閭之若孝子而竟死也白骨青燐招覓何處淒風寒月之下有不可思不忍言者於此而猶責以未必死亦過矣或曰孝子之必死是已吾聞古之孝者或以身代僇或爲父代刑曹娥女子且抱屍而出孝子特死於寇與兵耳安可以殉父名嗟乎亦思孝子果何爲而死于寇與兵乎捐軀赴難所謂志士仁人也孝子以書生能之而猶不免於吹求之論人道幾何而不漸減哉或又曰然則君修邑乘何不立傳以傳孝子乎

健松齋集

卷之八

九

曰此非吾所得專也令甲凡孝子節婦非奏請旌表不得輒入志吾爲孝子及蔣烈婦請者數矣旣不敢特書以干功令又不忍二人者泯沒不傳不得已而載於冊蓋之後所以志二人之死之由以待後人也吾嘗作蔣氏傳而孝子事則其從兄會侯傳之最詳故不復述今年見孝子之子超倫讀所爲孝行狀哀孝子之用心純於愛父而超倫負才好學三十年來切切焉未忍一日忘其親也因舉向所聞著之於議而孝子之爲孝子益信

健松齋集卷之九

遂安方象英潤仁著

賦

瘠幾玉衡賦

有序

康熙十八年
御試

臣聞 聖人御曆德莫大於敬天 元后乘時制
獨隆於法帝蓋欲授人若昊必先立象陳儀五紀
以還非無容成大撓之命三古而後遂有土圭泉
影之司然而察變觀文首重華以立極良由制器
尚象準乾造而不違幾衡千古為昭瘠玉四時不
易蓋幾圓象天二曜之運行適合衡平測影五緯
健松齋集 卷之九 賦 一

之靈大攸徵此立儀立象所由開即先天後天之
莫外我

皇上德符乾健光啓離文頒時憲以一車書行永年
而垂法象固已三辰叶序五德徵休乃當右文策
士之時特深稽古觀型之慕夫以天象為可畏則
災祥總修省之誠以帝治為當遵即制作為率循
之志自與危微精一同心豈直濬哲文明合德已
哉爰疏短賦謬塵蕪詞雖猶井窺管測之常竊附
就日瞻雲之義賦曰

國家化洽八紘威行九有榮光塞河松雲生牖駿業

訖於要荒鴻施徧於林藪三能齊夫泰階六府桑乎
奎斗兵銷日月位秩星辰瑤圖孔固寶曆恒新登靈
臺而布憲吹幽籥以宜民蓋七十二候協其應而二
十四氣無勿均律中姑洗時屆杪春若稽古制運
命儒臣緬姚虞之律度察在天之呈形原夫協帝承
符紹堯出治化始家庭道隆孝弟河圖告其帝期千
羽馴於聖世咨岳牧以襄猷徧羣神而肆類按四序
以準時莫兩儀而定位爰當敬授用詔司天朝日夕
月占星定躔重黎之所未習羲和之所未傳將布令
而敷政憑幾衡以察焉若夫天位乎上渾渾無端左

健松齋集 卷之九 賦 二

旋右轉若珠在盤黃道赤道二曜運行於其際青裴
黑環五行迭見乎其間擬觀象以崇效斯靈承而盛
觀維玉為管平衡是式仰而瞻之與天無極追琢既
有其章矩度不愆其職象橫吹以無聲擬葭管而愈
密璇儀之所昭回胥粲然而勿失爾其理以形求法
由器審仰睇顯著旁窺流景幾為體而衡為用亦濬
常動而玉常靜當兩晦而風蕭或背昏而漏永管測
海之有資望指南而共省極象緯之紛繁且孰遊於
俄頃於是疾若磨輪圖如倚蓋日以遲為進月以疾
為退薄蝕成於相掩閏差始於交會升恒之理攸昭

陰陽之義斯在義暉出沒蟾兔盈虧晦朔弦望寒暑
歲時駿鳥玉兔之象扶桑鸞樹之枝魚滅蚌盈之變
重輪抱珥之奇假尺管而考驗實昭垂於靡遺至於
金號長庚火名熒惑歲則在東辰乃集北填星中央
是曰土德迴旋列宿之中出入天街之側或伏見而
無常抑循環而有則聚非集奎聯珠合璧九野鱗鱗
星榆歷歷若燭照而數計含璿衡其焉測爰是析因
寒輿朔南西東對時育物候呂吹銅以調六氣以叶
八風無遠弗届有象咸通蓋不俟馮相保章世其氏
挈壺刻漏習其功章節紀元之準已具於神明制作

健松齋集

卷之九

三

之中迨夫典冊攸垂師承勿替渾儀猶璿璣之遺圭
表寶玉衡之義洛下殫其幽通一行符其冥昇亘六
合以窮微審四遊而卜歲酌古準今因時定制峇影
之永短以平經緯之參差悉備左旋右旋以爲往來
極南極北以別分至箕畢之好象乎兩風州野之區
應乎辰次粵稽古而修明顧今昔其奚異况乃辰居
星拱維德動天財成輔相維帝乘乾故勤民爲欽吳
之木而鑒古實懋德之全禋六宗而奉若統四德以
糾虔感再中以仁儉回熒火於三言斯則祇承以陟
降奚必則古而稱先乃若緯測之經占候之術周髀

宣夜之紛紜太白東方之詭譎匪警畏之攸資宜推
算所勿述然則日月不過四時不忒念於穆之難誑
稟儀象於有赫萃七曜於一心斂休徵而惕翼彼符
瑞之侈陳烏足與觀
至人之令德

健松齋集

卷之九

四

經史賦有序

御試 康熙二十九年

臣聞重學崇儒 聖世大同文之治因人徵事
哲王切稽古之思惟諸經爲載道之書而列史實
觀型之要論傳虎觀每辨異同序出邇英用資法
戒尚矣欽惟

皇帝陛下離文廣被乾德懋新日隻日雙旣探聖賢
之與部甲部乙復綜帝王之全固已學備古今勳
銘典冊乃當 講惟談經之暇彌展黼展問道之
心特試儒臣俾陳經史 學疎六籍職魏三長竊
從咕聖之餘畧悉源流之概不揆鄙陋謹獻蕪辭

健松齋集

卷之九 賦

五

賦曰

苞符初啓五緯耀光丹書綠字文教乃臧觀天象以
察變審人文而化昌黎日星之在列儼雲漢之爲章
書封宛委典祕酉陽秦灰既炮魯壁方彰受漆書於
杜林校石經於中郎實真本之孤史壘博雅之書倉
五車統會四部分藏金題玉躋細帙縹緲維經筵與
史乘實載籍之弘綱 自龍馬方呈河洛始貢立盡
披圖因時效動憂良 乾元爲重義文周孔衍其
傳卦爻象象異其用 理立而數存遂前民而覺衆
陶唐虞夏代有傳書典謨訓詰制治攸殊精一危微

之統緒兵農刑政之典除竹書發於汲冢掌故受於

焚餘允帝王所莫外矧嚆範之典道俱備其溫厚和
平詩以言志正變雖分性情攸寄比賦興之較殊風
雅頌其各異大化始於二南刪定通乎六義總以適
夫人心卽採風而已備惟聖之道志在春秋春王正
月大矣尊周予奪是非之正興亡理亂之由筆削以
定文獻以修游夏所勿克贊宜告備而虹流迨夫蒼
萃諸儒是日大禮考工以補冬官曲臺以扶人紀大
而朝聘祭饗之儀細及內則少儀之理綱舉目張禮
明樂美詎綴葦於後人乃經曲之有體此皆載道之

健松齋集

卷之九 賦

六

全書與天地而終始至於儀禮周禮委曲周詳齊論
魯論見道羹牆左豔而富功翼素王辨裁清婉公穀
分長爾雅極卉木飛潛之細孝經實至德要道之常
賦文章之淵府允道義之津梁垂萬禩而勿替胥異
代而同堂然而傳會滋繁異紛紛起師授專門雌黃
詆毀擬易則太玄元包說詩則五際四始今文古文
以疑書大戴小戴以議禮張蒼杜預之鈞深何休范
甯之櫛比譬繁星之爭明若蹄涔之測水苟返本以
窮源夫孰窺其所紀若夫道以經傳法由史立羽翼
天經扶維人極祖麟筆以編年規壁書而紀實緊懲

勸之是資詎旁搜其勿及則有網羅百代創起龍門
蘭臺今史著述攸存信史家之升冕匪羣材之可倫
范繼班而述漢始華綱以成文志三分於陳氏乃帝
曹黜蜀之紛紛晉魏以降史職屬專或奉詔而奏草
或獨撰以紀年或合衆長以成帙或歷歲月而始傳
或以裨官貽誦或以藏史叢愆咄齊諧之冒史復何
有夫長編然觀南史北史之竝行舊唐新唐之各著
廬陵接班馬之遺潛溪表金元之緒通鑑出而法戒
昭綱目成而褒譏寓斯史氏之攸光九三長其各具
是故道之體用具於經政之污隆備於史經學舉則

健松齋集

卷之九

七

學術醇史職修則政事理披典墳丘索之餘溯疏仵
循蜚之始皆相輔以成文斯交修而疊臺

天子儔千聖之令德審歷代之源流統天人以懋迪
被民物而遐周猶且蓬山鄴架爰吞爰詠細旃廣屢
雖休弗休考史歲以鏡古開經幄而進修太常博士
之所掌金匱石室之所收陳農之所未輯河間之所
未求靡不殺青竹素索隱探幽希壇祕閣充宇汗牛
一道德而同風俗型百辟而格九州美哉蒸蒸乎右
文之懿軌又奚論乎石渠天祿之儔

擬大獵賦

皇帝十有七年秋九月大獵於南苑講武事也維時
金風乍肅玉露初流寒蛩夜語候雁南游風蕭蕭而
捲戶霜颼颼而被丘洞庭波兮木葉下鷹隼鷙兮羽
族愁葭迴南呂祭屆獬劉稽人竣事萬寶畢收正勅
法明刑之日亦詰戎習武之秋於是圻父諏儀秩宗
筮吉宜則天行以應商律乃啓端門警仙蹕六龍矯
首雙鳳齊翼青旂胥夫朝霞紅旌彗乎皎口召烈缺
使前驅命豐隆而後集吹清角以喇嘈鳴征旂而凜
栗鏘玉鸞之輅車按金雞之廣術度阡陌之鱗鱗睇

健松齋集

卷之九

八

鳳城之奕奕懽萬國而誠六師於南苑乎是蒞夫此
南苑也靈囿萬戶層城九重迢遙帳殿縹緲離宮周
池不鑿珍林自豐峯瞻涿鹿門對沙龍賧鷹之臺百
尺儀鳳之門四通戶鮮金鋪之飾皆無玉瑩之崇長
松蔚柏紫條丹楓綠垣環匝茂草蒙茸翳天蔽日莫
知西東周匝禽獸充仞乎其中爰乃陳車攻之詩奏
蒐獮之樂揚風發之靈旂引雷空之巨礮狸首三歌
騶虞九作劍啓星移鼓行月落張師徒以合圍陳百
戲而奮躍則有楚材三戶蜀郡五丁魚麗七萃虎賁
九營伏飛決拾之士拔山超距之英翼展象犀之卒

箕張羆豹之兵據河魁而列陣乘太白以揚旌叱咤
而山河震悚跳蕩而林壑騰騰旃旗鶴膝機臂魚文
草枯鷹疾沙軟蹄輕馬則追風逐電人則躍景騰雲
控弦則弓彎明月飛鏑則羽簇流星於是雲怒濤奔
雷行風往瞋目星奔發聲谷響拉虎摧熊分犀裂鱗
殲道兕於陰林挾文豹於榛莽伏嶺之狐喪其居顧
窟之兔奪其養麋磨之巨駭其羣獐麋之細視其膽
亦何俟擊伐以躬親固已陳三品於陛級之上迨夫
彌天置網被野張罟虞人逞技羅氏喧呼仰虧流景
俯接平蕪雖寬一面猶用三驅曳鳴雁下飛鳬梢駕

健松齋集

卷之九

九

鸞落鼠餘翔鵬掩於絃內矯翮墮於荒塗九霄勁羽
三匝啼鳥鵲鵲水宿鵲鵲雲扶莫不薦陳珍膳近狎
雕斂蓋上林長楊未足侈其盛而甘泉驪阜亦何能
壯其模况復蒼隼脫韞海青遙戾飛土彈空繁弱振
地七札頻穿五靶同殪後抱木而遙驚鳥聞弦而早
墜鹿有由而自來雉承媒而畢萃獲無問乎公私地
奚殊於險易詎卽鹿而無虞實前禽而後至於陳
大射奏承雲挽迴日靜征塵進百福之酒飾五采之
正唐弓九合夏箭三成騎揮九逸轡縱五文始移竿
而貫鵠旋聽鼓而鳴鉦太史書籌而紀勝司馬頒賞

以疏榮襲人飭饌酒正揚觥杯浮鸚鵡脯擘麒麟蜀
郡魚油之錦莊山鮫文之金茲白乘黃之駿金貂玉
珥之珍策勳受錫以大而升褒鄂從龍之傑揖讓於
虎幄期門所養之末忭舞於柳營旄倪聚觀之衆攢
蹕而喧軌嬰蔡來庭之國服教而畏神濟濟乎桓桓
乎若葵藿之傾旭日萬壑之赴滄溟獵畢禮成天旋
日轉宸衷允懌軍容胥展霞映戈明威隨旆捲月
出西山燈連上苑魚啓綸而門深龍啣燭而露淺綏
萬騎之羽儀迴九重之步輦奉長樂之歡心啓

健松齋集

卷之九

十

金縢文園上大人之賦揚亭述羽獵之音于邁有從
公之樂農隙無蜀車之驚游心治籍問道聖經兩階
來格六幕率賓允哉盛德乎既乘時以講武乃耀德
而不觀兵

西域貢獅子賦

若夫儀鳳來庭祥麟出圃犀兕偃於遐荒騏驎充於
內廐鴟張螳怒之衆既倒戈而勿前島居卉服之氓
亦奉琛而恐後乃瞻西藩貢茲馴獸允盛化之攸同
稟車書而輻輳方其白狼誕異舄弋鍾奇千盤巨壑
萬仞崇崖烟雲變幻林木蔽虧猗猗怪質突兀奔馳
祥未徵於白澤種獨擅夫青倪匪觸邪之豸角詎隱
霧之豹姿當虞羅之乍及辭巖谷而羈縻繁享王其
敢匿奉梯航而獻之於是縹緲雲山焜煌玉帛虎路
三雙羊腸九譯帆檣萬里之勞輪輓千程之力關河

健松齋集

卷之九

賦

楊柳之津驛路芙蓉之側父老扶杖以擯觀童穉填
駭而嘆噴此共訝其珍奇彼實陳夫方物其爲狀也
拳毛似斗怒目疑星頰鬚狼集濶臆鳥呻鈞爪鷹鸞
之利鋸牙犬錯之陳柔毳拔豪之穎勁毫倒薤之針
弭耳宛足青鬣赤睛羣同牛馬族謝龍麟既非百獸
之長猶同魑魅之形而其爲物也力擅辭豺威傳搏
象螭熊驚呼哮虎匿響裂獸則血溢巨川攫鳥則毛
次指掌吐聲而遼谷雷奔曜目而幽巖電朗四十里
之雞犬息鳴五百程之風雲驟往出林踞魏武之車
夾座侍金仙之講雖傑驚其難馴同豢龍而畜養爰

乃鎔金作柙鑊鐵爲籠遠矚五嶺言歸上宮虎園之
山君失其梟象房之大客習其雄方依仁而服德遂
戢猛以斂躬望兩階而率舞逐六擾以從風斯豈駕
馭之有術實乃至順之攸通上士陳辭侍臣獻頌榮
木來賓旅獒入貢維德格天無遠勿動肆騶虞角端
之祥與茲白乘黃而効用

天子曰嘻是物也予安所用之今夫深耕致遠民用
是資龍文鳳采瑞爲世儀徃徃縹緲之蟲其何知爰
命服不寘諸上林大官錫譙以勞厥賓蓋

上之所寶在土國之所重惟民信彙遠而能邇亦何

健松齋集

卷之九

賦

忍貴物而賤人

黃金臺賦

燕昭王既即位臨乎易水升自薊丘眺恒嶽之巖嶭
俯桑乾之奔流挹西山之翠爽睇龍潭之白浮盧龍
峙其北戶涿鹿扼夫雄州吹春陽于黍谷紛車騎于
蘆溝瞻山川之如故忽憐焉而深憂顧謂羣臣曰續
服前王保邦令于簡賢棄國詰后所恥是故臣靡進
而禹服載新嚴叟升而商丁嗣起管照用則會肅兵
車方名興則烈高薇芭皆積賢以自彊況得人而共
理孤嗣先世之宗祊嗟艱虞其未已甘棠之遺澤猶
存銅馬之鐘簾乍燬方將棲甲楯于稽山營投鞭乎

健松齋集

卷之九

七

濟水弔死問孤卑躬厚幣與氓庶同苦甘冀招徠夫
多士顧乃俊乂裏足髦碩迴車寂寥雁帛縹緲鶴書
詎占熊之失尚父抑吹簫之去伍胥九焦心而刻臆
胡北轍之倒驅將求賢而敬事其何術以教予郭隗
先生進曰帝者尊師王者求友霸主擇臣亡國斯走
驪黃牝牡眎其羣杞梓梗楠擇其有璧來和氏之闔
玉出崑丘之阜干莫延平之津竹箭東南之藪楚有
材而晉用執去衛而秦取豈必豪俠盡出于幽并材
武悉登乎朝右且夫龍興雲湧虎嘯風從愛寶則夜
光照乘嗜美則細腰名官辟商羽之協應感堂陛以

攸通誠博選而北面奚有夫泱泱之大風王亦聞古
之令辟乎絕影追風是名良馬命彼涓人載求于野
視駿骨而覓悲悼空羣而涕灑台奚恤乎千金俾聞
聲以致生者爰是穆駿雲來注駒蹏起良造前驅致
阜至止天駟下于雲中繼離來于西鄙月頰後其權
奇霜蹄驚其迅駛未期而馬至者三矧招賢而奚遠
千里王欲致士請自隗始王乃迨然而喜舉然而興
命羲和以吉告敕禮卿以饑陳規方辨位番曲面形
壘石爲臺于彼郊園采漁陽之文砥致鑿閭之貞珉
集悲歌之壯士部擊筑之羣倫陶人奉甃巧者效忱

健松齋集

卷之九

古

公輸佐巧匠氏運斤措址固于磐石崇臺鬱其嶙峋
文梁貫乎日月畫棟接夫星辰懸三品之美質萃九
牧之良珍罄萬鎰而弗恤經百鍊而常新瓊閣玉樓
失其麗藥官銀闕疑其真信築宮而改卜用虔召夫
哲人于是辨色視朝未明聽政敷奏既終升輿而進
揚龍鳳之文旂駕鸞鷟之萬乘躡金臺之嵯峨誼高
賢而拜命奉觴薦匪陳謨執敬氣壯三州慮周四境
決滌督亢之坡浩森高梁之浸悲涼朔雁之哀渠列
邊風之勁竝凄切于予懷冀重收夫餘燼斯則經始
之雄心或亦于來之協順若夫賄豐鹿野麗擅章華

彈人以戲作法于奢役青陵而樂愁守金穴以爲家
方且眇臨淄而涕頂詎云臺榭之可誇爾乃冲德布
聞賢聲浸廣九陌傳呼八方結想蘇子自周來屈景
自衛往劇辛籌合從之餘鄉行肆談天之講任羣材
以國政奉樂毅爲亞卿合五國之甲士下七十之堅
城東侯遁莒朔騎連營積愁乍雪深怒以平植薊簞
于汶上設齊器于燕京反故鼎乎磨室歸大呂于元
英咸歎王之知人能得士崇勳峻烈與三臺而崢嶸
重爲歌曰高臺裝裝兮易水湯湯築館致士兮勉勉
我王黃金燦兮棟宇光土趨來兮霸業昌除兇雪恥
健松齋集 卷之九 賦 五

今酬先皇登臺飲至兮樂且無央

壁影賦

壁影何月影也而花木亭池悉具焉月之影乃在
壁壁之影無非月夜久靜觀恐非俗筆能畫也

融風警夏禾甲不鮮魚唼鵲怒澗枯木燃六螭甫息
玉宇乍圓微涼入夜素白滿天軒櫺學月萬象盈前
盡態極變靡不森然受者如練映者如川綴者如繡
動者如烟巨則輪蔽纖亦絲聯直疑山立橫似波連
象山河於尺帛圖雲物于寸縑徹琉璃而作障懸玳
瑁以爲簾旣紛披而宕漾復參錯而芊綿若雲描與
天繪憑月管已布焉爾其濤箋十幅壁高張而霜毫

健松齋集

卷之九 賦

六

數矢棟輝光而臨摹萬本密樹列而皴染悉備宵光
微而車蓋蔭畝松婆娑而長戟倚垣竹森羅而桓圭
半剪桐初放而螺文細疊槐相向而荇藻橫斜蘭枝
敷而珊瑚錯落葡萄疎而海棠始萼舞衫秀而臘梅
戴藥水肌瘦而紈扇疾揮蕉翻翻而玉塵短拂菊仙
仙而銀瓶倒帶榴旋舞而蟬珠紛列柑可數而鳳卵
顚顚桃實垂而難距鸞鸞葵葉齊而縣鐘編磬瓜棚
集而垂鍼倒薤柳堤密而宮綵續粉庭荆紅而鬢髮
連蜷徑草茸而文梁飛雲藤架覆而繡栢繞砌雕闌
曲而渚田方廣池發平而巒岫嶙峋壘石成而翔鸞

入座臺軒爽而蹲狔伏草石麤莽而方如削玉几磴
磐而圓如聚貝盆盤憤而湘娥掩映簾半捲而篆烟
縹緲香初遠而雪藕龍紗琴在縣而牙籤碎錦書滿
前而蕩兮若搖輕風至而黯兮若失微雲蔽而歷兮
若聲晚蟬雪而突兮若動歸禽戾而參斗旋兮羣影
隨杳不知其何寄而爰爲歌曰犀簾兮葯房荷衣兮
荔裳清芬兮滿座幽輝兮半牀招涼颺兮碧簫欲皎
參差兮新月光重曰嘉陵兮翰墨朝聖兮丹青宛依
人兮靜影復何辨兮質真摹子影兮鏤吾壁放我懷
兮共子清追臥遊兮三五夕莫相忘兮新月明

健松齋集

卷之九 賦

七

遠山淨賦

金風颯颯高秋正分蟬呼疎柳雁破孤雲鬱清冥而
若滌景爽亢以難羣信穠華其勿染詎頑豔之爭紆
若乃葉欲望霜山初過雨天宇初澄晴嵐半吐嶼以
遠而青嶂未衰而綠嫵旣濯濯以無塵遂蕭蕭而
氣古爾其朝雲倏散曉露初收雲蒼犯日松寒入樓
蘭皐皎潔蕙徑清幽竹平岡以浮水色楊過雨而學
烟流晨啓扉以眺遠嶽疑凝翠之滴予眸至於倦翮
將歸棲螢漸逐未說楓丹還驚黛綠鳥入林以影明
樹依空而素薄似坐久以峯來乍會心而木落祝暮

健松齋集

卷之九 賦

六

霞其緩生聽松濤之捲壑其風舒也秋聲到席疎影
澄波葉將黃掩山乍白多散幽芬於天末寄蕭澹于
崇阿恍清音其可接託雅意于嘯歌其月至也高映
峯明光含石醉夜冷仍空宵深如媚水雪瑩其清姿
星河澹其無翳閒俯聽以遐矚欣靜綠之未睡况復
文茵被谷幽巒貼天亭能致遠嶠可入筵客邀青兮
脉戀秋鋪黛兮痕鮮瞻紫崖兮淨掃望丹樹兮紅捐
詎慢欄之乍拂俾林谷兮修然正如絳樹晨妝淡櫳
雅髻萼綠遊仙香生素袂又若笙吹緩嶺卉服游翱
雪連空谷鶴驚遙鳴呼世競榮華山超附麗春苑

搖紅炎風失翠雪亦雷同霜偏告瘁孰若茲辰澹然
高寄上林青兮玉樹洞庭黛兮君山吳峯高兮招越
岫太華翠兮連終南歛隋堤之五絲森岱嶽之千盤
宛青蔥其可數影疎檻以生寒余不能賦此淨也尚
效著履乎謝安

此余年十餘時社課也久失其藁見章偶於殘帙
檢得之徐庾小體真漸學步未能也自記

健松齋集

卷之九 賦

九

蠟梅花賦

臣居樞戶澗畔林邊萬卉盡脫有花澹然名與梅伍
質以蠟傳幽芬滿徑賞而賦焉若夫紅豔漁人之水
青留西子之堤紫落珊瑚之樹翠分蛺蝶之團蒲辰
則榴枝絳捲萼節則菊蕊黃迷蕭靜則谷蘭作友旖
旎則木芍名妃或擬櫻桃之佐或聘海棠之妻或覆
新亭之井或連故苑之畦名金傅公香分盧女洛下
洗粧池邊解語莫不各趁芬辰競依雅序賞心樓管
之儔託郭絲文之侶茲乃清風餞暖朔氣迎寒霜凝
萬木雪映千巒羣英彫而已瘁佳植落以俱殘獨孤

健松齋集

卷之九 賦

三

清而挺秀且修澹以娛觀斂淡黃兮色古剪靜碧兮
容端傲隆冬兮骨瘦凌結凍兮神安松醪賞而月下
麟脯對以露溥幽芬襲而浣俗奇葩列以破酸紛顚
顚共若珠圓容栗栗其如珀吐既黯澹其似脂凝復
羅列其猶星聚謝麗色於紅奔辭冶顏於綠嫵散幽
意於雕闌綻寒芳於野戶繁勿薦此光榮誰當哀其
清苦爾其庄閒綠野閣秀紅樓梅花字聖楊葉名洲
珠簾颯而草脂寶檻列以香浮暖重帷其若夏冽甘
泉而生秋倚疎屏兮乍發傷孤館兮未收暗香達兮
滿徑幽姿動兮盈眸匪玉缸兮影舞不金錯兮容修

至於美比西方佳傳南國性護奇葩心憐雅植昇俗
萼其勿偷委羣華之欲擲采素質以爲容顏孤芳而
綴飾茲實淡其幽懷若欣承夫雅飭爰是佐華勝侶
步搖環綠黛貼翠翹吐寒芬於金鈿舞逸態於銀貂
助蘭膏以不死映掩貌而如描非春藹之足擬詎秋
卉之可超亦有玉面才人金丸公子鳥署爲歡蕉恩
自喜清琴在牀奇書滿几畫集吟朋夕觴花史酌傾
竹葉之杯墨落桃花之紙曲連洛鼓之聲歌入羸簫
之耳或耽茲異複飛巨羅於月中或受此清幽輝珠
玉於字裏皆雅暢乎斯華勿怡情於彼美若乃寶肥
健松齋集 卷之九 賦 圭

枝於東舍繁俗卉於西園繁紛紜而是樂強佳種以
弗憐斯則蠟梅之妬也安知此之芳鮮爰爲歌曰涼
風吹玉藥寒月護幽枝不共芳春侈藻景應留殘臘
伴椒卮歌響未畢松風瑟瑟花夢未回吟竟欲逸願
金鈴以護之長伴台而永日

健松齋集卷之十

遂安方象瑛渭仁著

表

擬

上命內院諸臣校正通鑑書成進呈 御覽羣臣進

表 康熙二年

康熙癸卯科
浙江鄉試

伏以 道存今古丹扈垂法戒之書 業尚居稽青
史立勸懲之極惟千百載之治績向 講蠲以披陳
斯一二日之圖維與 細芸而共永人鑑事鑑無非
始終典學之徵是訓是行如見 夙夜殫心之密功

健松齋集

卷之十 表

一

漸汗簡慶洽班聯臣等云云竊惟治世有三權曰天
曰君曰史制心無二道紀事紀動紀言典謨訓誥代
有傳文虞夏黃農史無溢筆晉乘楚杌何當制作之
符正月春王隱寓憲章之志左史所徵在事固卽事
以見其人馬遷所重在人亦因人而得其事扶風蒐
羅百代博而能裁蔚宗贊述諸篇華而不擲正名爲
大乃帝曹黜蜀漫無正閫之分君過必書何獨影斧
聲未見褒譏之正遂荆燕於五季還榛莽乎六朝吳
越亦有春秋楚漢亦有春秋豈真大書特書之劍天
祿亦曰外史長源亦曰外史不無文獻賈勝之疑况

乎警戒無資圖書自喜每奏稱善止陸賈之新篇
不同時嘆相如之一賦石渠稱制僅辨異同虎觀橫
經徒勞歲月雖邇英作序終沉黨綱之碑卽綱目續
經未盡生平之學以古爲鑒自昔罕聞茲益伏遇
皇帝陛下 天竄岐嶷 性成敦敏 敬承禹道鈞
臺紀姒啓之功 丕顯文謨清廟頌寧王之孝當
黼座譚經之日履宵衣問道之心謂繼治繼亂理固
從同而其義其文爲類甚博一部二十一史所見異
辭所聞異辭吾未及史之闕也三千七百餘年莫爲
之先莫爲之後豈非待人而行哉若夫涑水勳名見

健松齋集

卷之十表

二

於元祐兩代而其生平論斷備在通鑑一書窺宣聖
之羹牆接龍門之鉢履儀型渺矣或若存而若亡楮
墨燦然實識大而識小爰 命院臣弘開秘閣才推
二至會當校其豕魚業擅三難仍須正其字句蓋史
以鑑著既不等杞宋之無徵而鑑以通稱尤當萃古
今爲一理屬詞比事勿怠其勤搜逸聞幽卽新厥舊
沙堤高敞頻留學士之蓮綸閣穹隆遠映侍中之筆
聖人之勤也羣工有責焉臣等識魏左狐學慚揚馬
居恒稽疑考信冀陳一得之思今日內侍外寧擬上
千秋之錄入西昆之玉局古道照八裁前史之金根

新型不遠芸蓀雪映散雲氣於墨莊韋竹烟蜚聽蠶
聲於筆陣前微可考方將率厥攸行後事有師詎日
其文則史伏願 永厥令終 所其無逸 思勤治
理集凝丞輔弼以交驩 治躋昇平合格致修齊而
共勉是非賞罰適協於中禮樂兵農務從其大將
言以道接遠駕漢唐宋政教之先 文與行孚事追
夏商周邳隆之治

健松齋集

卷之十表

三

擬

上以白糧改折累民仍令全運本色羣臣謝表

五年

康熙丁未
科會試

伏以 盛世雇民依總稅率常供之典 興朝籌國恤銀鏐餘不盡之藏 定久暫之良規益下不損於上 權金粟之遠利足國期便於民 德音風發乎形埒 雅澤春回夫白屋歡生兆姓喜溢工寮臣等云云竊惟辨方定賦禹貢有三壤之供度地取民周官重九式之典蓋上供原不可缺而制法務使其平以民力運民財猶是先公兩田之義即公賦歸公帑健松齋集 卷之十 表 四

憂亦惟辟玉食之宜故近者力易致其蠹遠者力難致其精原期協常以通變而貢不欲強其所無賦不欲盡其所有尤宜準古以治今自芻牧不求涸源罔念征求無藝人嗟白著之來新法乍行戶識背苗之困上下年之豐歉勿酌大小東之杼柚其空望杏當耕即稱貸以舉種贍蒲可穡旋指不以完供墨吏之豁整何如小民之脂膏盡矣况隨漕金運盤剝既累於重科則以金代糧輕齎或免乎餘羨然而民哀政虎吏覬賦蛇耗贈之例猶同未必金生而粟死追呼之聲愈怒能無糶穀而賣絲欲仍不易之

維新之令茲茲伏遇

皇帝陛下 澤沛風雲 恩孚雨露 通蜀四載橋

松下珠玉之音 法減三章園草靜冰霜之氣固已

仁周西北乃復 念切東南謂白糧與漕糧並征賦

式原有定制而本色與折色孰便利害必取攸宜蓋

向以餽運之勞民不欲使一身之需與一國之需同

其輪輓乃近聞正義之病下將無使一路之哭因一

家之哭竭於誅求况歲既有凶稔之不同則價不無

輕重之難一若概以定額為準或恐星斗北而箕南

然聽以時值爲衡必且狙朝三而暮四爰 命全運

健松齋集 卷之十 表 五

悉仍舊章從此天庾常盈玉粒慶陳因之富固亦民

勞堪任銀河忘漸石之勞洵 九重克灼乎人情斯

八表咸沾於 聖化臣等麥穗無聞繭絲自覩民風

雖似草未遂生成賦法比諸弓安知柔勁竊附循良

之考下下每懷荆揚之錯中中欣茲異命重申自有

易轍更絃之美實惟乾心合德不俟瞻雲望歲之陳

供億有常催科敢後伏願無逸書屏未央問道修和

入政府事不越虞書保乂三農出入允揆周禮則五

百里四百里三百里結秬米均列職方之版而八十

物七十物五十物貢助徵統歸王會之圖矣

擬唐東封泰山出玉牒宣示羣臣賀表

開元十三年

伏以金函煥采明堂告有道之文王檢浮香岱嶽紀無疆之祚惟一十三載之治績美懿德於山川斯七十二代之禎符告鴻猷於天地祝史志呼嵩之盛工僚欽協帝之祥事美升中道隆昭格臣等云云竊惟禮崇柴望常典秩於虞書化啓登封盛事傳於管氏烝嘗禴禘宜思百祀之先衡華恒嵩必尊五嶽之長蓋惟岱宗表天孫之望且以震位當辰極之中縹緲雲嶠遠接乘鸞之岫嵯峨日觀遙連辨馬之峯吳越周秦列嶂之游觀萬里鄒滕齊魯山靈之毓秀千年

健松齋集

卷之十表

六

洵棲神可接穹蒼况觸石能興雲雨故自軒黃而後禪云亭禪社首必表望於東方爰逮中古以來禮泰時禮泰壇鮮躬巡乎梁父之杲刻石空傳避雨之山汾水馳旌浪奏練時之曲雖典制侈爲美舉而沿襲終屬虛文天覆雲油司馬之書未獻銘庸紀治義烏之表空聞上明堂之圖孰是天心克饗讀乾封之頌得無民力堪哀名山間陳祝嘏之辭下里終切矯誣之嘆茲益伏遇○○○運啓昇平勳高耆定嶧仙李於永固武功文德交修剪鵲翼於方殘內治外寧畢舉樓開花萼氣協璫篋席敞金華學優圖史允矣

英明之質作述文皇况兼仁厚之心淵源高祖乃當

禮備樂明之日特修告功報德之儀秩宗奉圭而請焉維帝時舉天子播笏而拜曰予其欽哉蓋予一人舊勞於外實惟天啓臨淄而爾百職入告我猷何必祠陳太乙遂俞衆請特命東巡玉輅星馳歡慰齊州父老金根雷動驚來魯國諸生玉帛送陳笙鏞雜奏三和簫管應知帝享神歆六變發鐘會見山鳴谷應十八盤之磴道聞呼萬歲者三億萬載之休徵共慶一時無兩于是登之玉牒兄堯舜弟湯武與赤文綠字俱傳乃復宣之羣臣內輔弼外旬宣知鳥篆龜符

健松齋集

卷之十表

七

獨盛龍章夜粲遙籠大夫之松豹髓宵燃氣肅真人之座臣等雙理何能追隨有幸沉香亭北喜奉宸遊太液池東親承睿藻欣茲報祀升柴之舉乃從大酺合樂之餘不獲贊化亮工追房杜同心之績雖當囊書珥筆陋程李勒石之文伏願治警三風思勤十漸歲巡首於東省斂省耕深念兆民爲本肇祀致其敬有板有敔每懷明德維馨將得士燕天常集璽降河清之瑞修誠答昊永著卿雲甘露之祥

頌

萬壽無疆頌 有序

臣聞自古帝王乘乾御極莫不鍾川嶽之精英受天地之篤祐用能不承駿業誕啓鴻圖唐紀瑞於赤龍漢肇祥於彩鳳瑤光貫月紫氣充庭由來尚矣欽惟

皇帝陛下業兼文武統集創承勤孝養於

重闈鐘清長樂綿緝熙於講幄燈榮延英千羽格

乎兩階烽燧銷於四裔六符叶吉五德徵休時屆

三春恭逢

健松齋集 卷之十 頌

八

聖壽

一人有慶正符五百載之昌期

萬壽無疆共祝八千春之上算維時銅龍曉闕鐵鳳

晨開鐘簾盈庭簪裾塞路雍容鸞鷟若衆星之共

北辰輻輳車書則百川之赴巨海彤墀日麗丹城

風輕禹步堯趨

天顏有喜夔稽益拜衆志維虔光耀綺疏聲搖劍佩

千鍾獻堯之酒五絃歌舜之風益日升川至之算

以莫不增而虹流電繞之祥方斯爲劣矣昔者山

舞萬歲瑞啓玉卮節屆千秋書陳金鏡凡頌禱之

所寓實忠愛之攸存臣謬廁班聯親承 高厚

茲東西南朔莫不尊親祿位名壽咸歸大德報附

壤擊衛謠之義冀仰蒿呼華祝之誠其辭曰

於鑠景命誕啓丕基作求世德慶躋雍熙我

皇受之一十八載克配彼 天永清四海紹聞衣行

率由舊章 重闈孝養曰篤勿忘典學親師經筵問

道躬勤萬幾雞鳴戒曉臨雍釋菜親耕籍田左圖右

史宿寐求賢獨運賑窮恩威竝建早禱郊丘撤縣減

膳誕敷文德載績武功覆載所及罔弗攸同茲茲佳

符頻年旅拒救彼一方

健松齋集 卷之十 頌

九

王赫斯怒天戈所向閩粵歸誠招携服畔捷彼蠻荆

波息洞庭氣吞雲夢指顧滇黔兵銷不用我

皇右文奎璧圖書周爰咨詢乃賁徵車多士雲興羣

材霧集揚馬鄒枚錫金詔食懿哉 聖德媲美虞唐

文揆武奮至治彌光春日載陽律中姑洗

天子萬年臣民燕喜駢玉交易濟濟踰趨日華五色

嶽響三呼述職躬桓奉琛侍子虎拜稽首矧茲卿士

星臨北闕杯獻南山

天子曰俞維后克艱

皇天眷命俾予亶厚矧任之貽敢忘

文母乃潔饗兕奉觴 兩宮千官百辟賚祉優崇九
陌傳歡百靈效順福履綏之邦家之慶祥光夜合淑
氣晨浮雲開三素化洽九丘保佑命申俾爾孔固於
萬斯年受 天之祐

健松齋集

卷之十 頌

十

雲南蕩平頌 有序

皇上受 天景命繼承大統薄海內外罔不臣服十
餘年來好學勤政時和歲豐垂白韶皞之氓蓋莫
不蒸蒸然沐浴太平矣比以海宇寧謐 念諸侯
王勞苦俾各就藩關東偃武修文甚盛德也諸藩
稟奉 德音罷侯就第詎非甚善乃逆賊吳三桂
以勝國遁逃受

世祖皇帝高厚之恩不思糜竭頂踵乃包藏禍心敢
行稱亂蕩搖我疆土荼毒我吏民閩粵川黔相繼
煽動秦楚虔浙之間騷然無寧土臣聞之周禮大

健松齋集

卷之十 頌

十

司馬以九伐之法正邦國蓋諸侯有違王命則征
伐之所以正之也是故王者之師有征無戰彼義
和涵淫葛伯廢祀罪之小者耳猶且張皇六師用
彰天討況臣子而逆君父者哉

皇上命將出師一舉而服甌閩再舉而蕩兩粵龍蜀
失其險牾荆失其衆苗蠻土目望風降附三桂窮
蹙旋就寃誅夫亂臣賊子未有不奪其兔而速之
斃者非徒辜盈惡貫也天眷有德必陰驅而默相
之况降罰固有自乎此時銜璧面縛歸命 闕廷
或猶邀恩法外乃遽立我童寖然負固夫釜魚穴

鼠不待智者而知其無濟也行間諸臣亦何難哉
此朝食顧猶長圍守之好生之德誠不欲以攻伐
爲能然而春生秋肅仁義之道也

皇上愍念無辜既寬以不殺之仁倘曠日持久供饋
驛騷欲掠此一方民以與天下休息卽攻城滅衆
亦何傷於大義哉 嚴綸甫下師武臣蓋無不人
人奮矣賊將懼誅迎降城下之日吳世璠自劉其
黨郭壯圖等悉從殄滅夫神武不殺所謂時雨之
師也然未有不費一矢不修一人而成功者今旬
日之內全滇底定人不知兵此豈師武臣智力所

健松齋集

卷之十

三

能致哉仁義並施 天之所以眷佑者良非偶然
也昔唐藩鎮之亂九節度之衆不能制河北裴度
李愬雪夜平淮蔡始禽吳元濟然終唐之世強藩
叛服不常卒未能盡諸國而削平之也而其臣韓
愈柳宗元輩撰爲碑雅鋪張揚厲以今較之 神
功駿烈相去且何如哉傳曰王者治定功成則有
樂國家重熙屢洽所暫煩 宵旰者西南一隅耳
今版圖無缺四海一家從此獻囚獻誠嘉與海內
維新

一人端拱於上百執事勤宣佐理於下寧人息事共

臻德化之成其所以祈天永命者度非七制三宗
所得彷彿矣於此而扶杖觀成雅歌尚闕則是文
德武功超絕前古而羣臣咏歌紀盛顧出唐臣下
也采薇出車之頌知必有賡頌太平者臣學業淺
陋無能敷揚萬一顧七八年來 廟堂憂勤至矣
維 天眷命成此大功敬述保佑中命之實使天
下後世知我

皇上仁育義正非近代所能及也爰拜手稽首而獻
頌曰

皇清受籙奄有八荒文謨武烈作述同光重熙累洽
健松齋集

卷之十

三

誕啓我

皇敬承勿替文武成康我

皇烝哉廣淵齊聖講幄崇經宵衣聽政典學明農祥
刑額俊惟茲臣庶罔或不敬修文偃武懷柔百神悒
爾藩服迺西人俾侯於東一視同仁張戈息甲時
乃蓋臣蠢茲逆渠惡同安史具曰無將矧茲不軌瘴
雨蠻烟蛇皆從虺蕩我土疆殘我赤子圻父請討禍
牙誓旗

帝曰勿亟整乃六師奉辭伐叛厥民何知苟或歸命
尚共貫之厥惡勿悛

皇赫斯怒撰徒祠兵以征負固桓桓赴赴馳星布
敵王所憚得道者助旗旄央央駟介匆匆設時濯
征櫓伐用張組繫八越角芴五羊黔驢蜀犬弭息戎
行夜隕櫓槍鬼號厥鬼彼役童今載承凶慝元戎十
乘旦暮且克哀此無辜誰爲玉石爰戒徂旅簇簇重
關中契君長奉璧來歸伐山通道彼昏阻饑須臾緩
死烏知其非

帝念征夫遲之又久既瘁蒸徒亦殫糧糗

上天有命其何敢後授策師中有嘉折首車徒乃譟
至於昆明羣醜景附奉表郊迎元兇授首脅從販誠

健松齋集

卷之十

古

熊旗指顧六詔底平捷奏長楊天顏有喜黍谷回
春土膏脈起飲至策勳獻四泮水維天之靈敢忘
厥始乃頒大賚錫爾臣工蠲逋省臯四海攸同臣拜
稽首制勝廟中多方多士載績武功
天子曰嘻師行火烈誕告武成痼瘼乃切何以拊之
俾無草竊本固邦寧咸正無缺緝熙典學寤寐維賢
都俞吁咈如臨冰淵金甌鞏固王道平平保佑命之
於萬斯年

銘

萬柳堂銘

并序

古大臣致君澤民不廢山水游觀之樂然皆功成
身退歸老田園與父老子弟載酒賦詩相娛樂耳
其身在廊廟寄興林泉稱一時盛事者無有也有
之自今相國益都馮先生始先生宅揆論道澹泊
自安無珍玩綺麗之好丁巳冬屢疏請告
上溫旨慰留相國之賢

聖恩之厚有非偶然者生平虛懷下士暇則游心圖
史登臨觴詠以寄其意崇文門外有地一區沮洳

健松齋集

卷之十

五

榛莽先生規而園之穿池築山爲堂三楹雜植花
卉竹木園以柳萬本都人呼萬柳堂因名焉東爲
放生池又東爲育嬰堂召僧主之歲時携賓客燕
賞其中方春柳條初青平蕪漸綠遊屐雜遝無虛
日稱都城勝境或者謂先生家青齊今治園於此
得無美一時之遊觀未爲久遠計與嗟乎是未知
先生之心也先生隨遇而安視天地如寄旅何有
於園是故委之緇流聽之樵採小山突兀流水淪
淪楊柳之扶疎烟雲之變換賓客士女之嬉遊視
鄉壘樓海市何異哉景不前定以趣所涉爲景

事不預期以情所適爲事魚蚌贏蛤之得所則愛
物者視此矣嬰兒無主者乳哺之則仁民之意又
可見矣 廟廷事業山林經濟直以無心任之倘
謂侈遊觀娛心目豈知先生者哉士從四方來皆
爲詩文紀其盛象瑛受知最久輒從諸君後載筆
爲之銘銘曰

鳳城翼翼崇文之東沮如漫漫茂草蒙茸人棄我取
勝地攸通繁誰構止休休馮公維公之賢百揆是宅
乎德升猷門無俗客維儉養廉左圖右籍休沐餘閒
遊觀是適乃瞻茲土經之營之因阜爲山穿泉作池

健松齋集

卷之十 銘

六

堂楹軒敞塗墍勿施丹雘翠草繁繞階墀何以垣之
穆穆楊柳千株萬株橫肩接肘靜綠潯軒飛花入牖
車馬聲稀蕭然林藪對時育物休哉放生澤及無告
堂名育嬰代天理物爲國宜氓以小視大調變惟平
在已之冬再疏請老

天子曰嘻咨予師保予資汝弼汝歸毋早公拜稽首
雍容論道爰以一德賡歌都俞錫之几杖榮及 御
書端揆密勿其樂于予駕言出遊於彼郊居綢徒守
之榜無厲禁以熙以游或觴或詠不知公私何論遠
近公心若忘都人之慶人亦有言歸老於田燕齊異

地胡勿思焉維公之心無地弗然在朝在野以全其
天春日載陽芳郊豔冶斗酒雙柑繁陰之下公澤常
新如彼廣廈和風清節以告來者

健松齋集

卷之十 銘

七

靈壁磬銘

浮玉在懸其來泗水擊之杼之以清吾耳

端硯銘

廿載石交是吾良田不雕不飾依乎自然以全其天

健松齋集

卷之十 銘

太

叩竹杖銘

稔爾叩產邁爾蜀都爾節落落爾神益孤縉塵九陌
焉用爾扶吾將歸老與爾爲徒

四弟小研銘

度之徑寸厥德則潤磨而不磷

健松齋集卷之十一

遂安方象瑛渭仁著

書

爲閩邑上余岫雲宮諭書

先生爲海內儀型二十餘載矣蓋自家學淵長人文
冠冕聲華翰苑衡鑑閩南凡人世甚全之遇皆所固
有無足爲先生美者惟是高蹈遠識當黑頭作輔之
年卽引華髮歸田之典朝野倚重處之穆如求之古
人不可多得僕幸叨譜末信宿柯城不獲時親提命
痛懷高雅何日忘之茲有不得已仰陳者敝邑僻處

健松齋集

卷之十一 書

一

山中疊經凋耗先生所素聞也中間差徭之陋規胥
役之積弊劣衿里猾朋比爲奸雖兩經控聞微行禁
飭而秕政如故蓋民困難堪者十年於茲矣昨舊令
量遷士民之心亟思脫水火而登衽席撫實款陳字
字淒痛郡大夫梁公多方慰諭於是委曲調停酌爲
申飭弊端之議業荷諸當事矜允勒石嚴禁矣然天
下事言之難行之更難言者既不殫勞怨而非力任
興除將具文視之何以慰父老子弟僕責深慮重誠
有旦夕不敢安者伏聞新任劉令君先生所取士也
夫尹公端人取友必端孟子稱之先生以人事君既

以其才擢之賢書必且望其人爲循吏爲名臣今咫尺隣封固相與有成之會況東山息駕以來諠周桑梓所爲興利除弊者固有同心乎令君來謁幸以此告之罷稅政振新猷使六十里得安其田里保其身家新令君之施卽先生更生之賜也諸議中釐奸斥蠹業已奉行惟差徭一事向來加派爲害最大兩番陳請皆以良法未立致啓更端胥吏得以窟穴其中今議做開化汪徐諸前輩條定之例事由樂輸差均合邑上不累官下不損民衆論僉同非同私派惟良司牧力行之耳敝邑民俗淳樸每歲正供八月全完

健松齋集

卷十一

書

於此更加之意遷擢直分內事爲敝邑正以爲令君想先生不吝爲山城一援手也士民望恩念切謹將條陳弊政十二款并酌定勒石公議錄上先生一垂覽焉前此困苦之狀目前救弊之方斯民無可如何之計僕輩萬不得已之情概可見矣

與毛稚黃書

聞足下名二十年嗣從會侯處讀吳書自歎辭處山陬無由親承教益乃邇日過訪揚亭足下引之臥室出藏書共讀高雅之懷亦似念睦陵僻壤尚有可與言文如方生者綠杜門習靜不敢數煩起處惟日取詩辨諸書冥心尋繹卽如常對左右耳僕於詩文一道向頗究心不知而作動輒盈帙昨已奉塵清覽而撰造止憑臆慮實未能極意于古作者加以志氣傲於揣摩精神疲于車馬因循廢日所妨實多今避亂西湖翻因患難而獲周旋于足下斯不幸中大幸也

健松齋集

卷十一

書

夫古今慧業文人雖才具極大未有不虛懷而能傳者近見操觚之士纔解篇章便自尊大心莽氣張究無實得僕竊恥之故嘗深自刻礪冀不謬于古人非外示謙抑詹詹自喜爲也足下靜氣潛修以古道自處多聞直諒應在于茲實望取僕諸詩文嚴爲論定俾得附于作者之林感且不朽如謂下土蠅聲不堪扶進卽當謝絕楮毫不致取譏當世惟一言教之至于丹黃之澤實冀增重卷帙特恐過勞滋戾古人千里神交一言投合或有所以命之者此又僕所佇望而不敢必也肅布不宣

再與毛稚黃書

前於鸞情集讀足下擬漢卿騁懷之作甚佳夜來兩
計生歌之善寫曲意跌宕豪激令人起舞已奏焉見
宿草哀豔驚覓弔蘇一闕悽楚欲絕龍涎默炭不知
雪飛絃悲酒清醒而復醉避亂移家流離至此既獲
良朋兼與稚集人生樂事何以過之歸來頭岑岑恨
不能作賦紀此勝耳僕才不逮古人常思以古人自
處居止幸適冀親直諒昨席間論文遽以歐曾相目
持螯擬月豈所望於稚黃者邪至武令納姬詩鄙意
以武令祇緣中饋早虛代供甘旨故敘及舊事星光
健松齋集 卷十一 書 四

月光哀淑配而美新姬正以重武令也不然乍悲秋
簾旋賦雪星曼調柔情一時竝作天下謂武令爲何
如人哉原倡小星亦有蘋蘩託先見其大竊謂善頌
髯徐惟我兩人耳

與俚亭大師書

少從先大父避地西泠在座名流皆東南之秀時大
師方馳騁詞壇高談雄辯大父指示僕此君非常人
不但文字見長也僕竊窺大作鴻文麗藻光采陸離
適寄試杭郡教誨提携情誼周至別來三十餘年矣
先公盡瘁舊時知交亦凋謝畧盡竊意遺老猶存歡
然道故乃大師棄儒服賈箴叟習翁踪跡已不可物
色癸卯再至西陵則超然遠引且三載矣海鶴雲鴻
誰不讚歎然車塵碌碌未知飛錫何所飄笠更無恙
否也客秋敝鄉變亂携家會城與諸郎君握手問勞
健松齋集 卷十一 書 五

得讀曹洞撰述始知大師近駐雲門祝座之旁人天
圍繞恨三至蠡城未得親承法誨乃遠寄篇章殷殷
舊誼昔者佛說四思不忘師長大師不繫於情而情
獨至不獨僕輩讀之涕隕先大父九原之下當亦感
淚矣僕生平簡素旋里以來拙守杜門不與戶外一
事蓋患難之後閱歷已深不敢隕越以墜先德此番
播遷彌覺澹然但將來爲貧所驅又不免有蜂粘蛛
網之懼安得借吾師青蓮生火宅中也聞不時乘杯
西渡萍棲在望江門左近慈雲所至實爲便途未審
尚有此因緣否

上曹秋岳先生書

僕山阪鄙儒讀先生詩文私心嚮往三十餘年癸卯遊京師所見名公巨卿交口稱先生且謂僕何幸得與先生同鄉里竊憾僻處山中無由奉教大君子之前聆其緒論昨秋移家會城有客傳先生虛懷延攬謏劣如僕亦辱齒牙之末欲訂期過訪夫先生豈真有所采于僕或亦好賢若渴忘其鄙陋耳乃三枉車騎不辭風雨先生憐才好士乃如其無已耶報謁之頃辱詢先大父行實擬爲立傳先生之意蓋謂訪求文獻具備苦心先人事蹟雖知之頗詳然不早爲健松齋集 卷十一 六

健松齋集

卷十一

六

答陳際叔書

昨承招飲得讀及問諸集如玉饌仙庖極珍錯之美飢德醉心況重以良朋旨酒邪僕生平無他長少承家學頗留意詩古文辭顧十載揣摩頻年道路未能殫心作者竊嘗私念人不問窮通胸中斷不可無學沉埋章句無論已卽倖與科第稠人廣坐中談及古今詩文之變瞠目閉口畧無以應雖曳綬垂紳仍與草木同腐僕亦僅免於茫然耳足下稱譽過當得毋增我愧悔邪至謂僕虛懷好問與世俗所號士大夫不同僕竊自信人惟不足故夸耳若稍有知識天地健松齋集 卷十一 七

健松齋集

卷十一

七

闢揚數十年後若隱若現若存若亡便非表章前詰之意夫前詰淪亡久矣老成典型孰若先生著述名海內而能留心故典以告後人亦孰若先生取幽隱而表章之自是千古盛心亦何容私意鳴謝惟是先大父生平大端載在史冊盡瘁以來知交零落未有一言及之者先生拳拳如此不覺感極而涕零耳年譜散亡後記憶不全昨承枉問補錄數條仰備採擇惟先生矜而許之幸甚

之大何處可容我驕倨究之虛心人親之矜氣人厭而遠之亦何樂而妄自尊大也昨宇台稚黃丹麓諸子皆以此相推僕雖媿古人亦可見諸君子感孚之故矣此番移家祇賴文章朋友稍慰目前若旅況無聊數米而炊實有不堪告語者蓋世俗之論皆謂僕生世胄且叨一第儘可自娛不知先公盡瘁門戶蕭條當日所存悉燬於寇三十年來田園易主散處城隅惟師友一堂頗因貧窮砥其志氣倘使厭膏粱而襲純袴神明幾何未必不移而他用矣用是拙守杜門懼隕先德且蒿目桑梓謬爲條列利弊迄今五年

誓不投公門一字非故爲高簡理固有不可者足下
愛我試思自處如此尚堪患難相仍流離遷播否耶
夜來承垂問故縷及之所謂可爲知己道也

與徐武令論賦書

兩承惠顧雨雪載塗促坐縱談竟忘寒冽惜不獲
酒吳山一望西泠積雪耳日讀賦辨博雅精聚富與
稚黃詩辨坻並傳僕少時雅嗜賦學手錄賦苑盈帙
間以已意評論如于虛上林起結仍近國策梁園諸
製情致無餘李唐應試之作膚詞習句正如今日關
體規模既熟千篇一手矣阿房赤壁以記爲賦王駱
諸公以歌行爲賦雖才極橫溢探之正體必有未合
近世若盧次梗輩非不刻意擬古然唐宋以後山川
都邑人事物類盡非秦漢之舊落筆不古易入俚近

連篇累牘徒蒐奇字耳故愚嘗論長卿所謂賦心實
有得于筆墨之外非可以言傳若研京鍊都之作古
人已讓之單行千古自不當更爲效顰登高而賦如
二謝之風流蘊藉庾鮑之神骨森挺便使人心怡神
爽不必取古人而規規求合也愚意如此足下許爲
知言乎十年以來此事都已蕪廢所有少作期在指
示疵類乃稱許踰分至以遠過前賢相譽夫今人才
雖宏博終不逮古人遠甚凌江鏐鮑是何言歟僕生
平虛衷願毋流俗相待也尊公超然塵外所寄詩章
舊誼惓切殊不能忘手札煩便使代致不備

與梁錢塘書

僕文章無所知名丁未之役邀司農公國士之知召見獎勵迥踰儕輩每念才智短淺無所報稱惟是詩文末技或者殫志竭能稍酬知己然而碌碌里居又將十年矣客冬得親丰采數枉車騎高厚逾涯讀撰著詩文藻思絡繹四應之餘乃風華掩映若此家學淵長于茲益信僕自問關出險獲依宇下意在寄家省會謁選長安而舊疾纏綿進退無據此時數米論薪俸歷艱困然卒未嘗輕賣左右蓋喪亂之餘澹泊自安不欲仰累清德耳旅中頗以文章自適不知而健松齋集 卷十一 十

作遂已盈帙諸君趣令授梓自媿荒陋且資身無術何能及此前辱足下垂問不復自匿謹錄舊稿并近著若干首倘不至取譏當世錫以弁言資之毛羽俾天下後世謂司農公知人得士不尚以帖括爲能謗劣如僕尚能服食書卷以報司農公且嘆足下能推司農公之意以及于僕相與有成寧非厚幸如謂謫陋下材不足爲師門光寵卽當閉筆焚硯不敢辱足下以辱司農公也區區之意蓋在於此惟一言命之

答吳芬月孝廉書

芬月足下辱手示誨諭殷切所謂謹言語寡交游謙卑自下省事節用此持身涉世之大端足下愛我良厚矣顧獨以僕爲好名夫僕之兢兢自持者正爲能好名耳古人有言三代以上惟恐其好名三代以下惟恐其不好名蓋好名誠外務不可幾於道然以言乎今日則猶其強爲善焉者矣夫今天下豈盡能若三代以上之士哉平居無千秋自命之意一旦脫棄鉛槧所好者聲色貨利伎樂之屬而已僕才識淺劣于世無所短長非不知州縣之任與民最親然竊自健松齋集 卷十一 十

審性疎懶不耐繁劇又頗簡直不能伺人爲喜怒吾見夫爲吏者矣賢者思爲民請命常苦于掣肘之多令格之嚴密不旋踵以註誤去不肖者得一善地亦足娛妻子美田宅忽焉而敗身家隨之矣當此之時欲好爲名高其可得乎僕常自以爲憂適奉新例遂勉就京職然家值中落先相國田廬燬于甲申再沒于丙戌比又橫罹剽掠舉家流離不得已從親友假貸足下所知也嗟乎僕之志亦可見矣若夫聲色貨利伎樂之屬實所厭棄僕嘗謂姣好當前祇足疲精神而昏志氣年屆強仕幸而有子卽不當多畜姬侍

蓋澹然于此久矣夫人一身一家之需適可而止僕承先人遺囑纔九十八畝自舉進士且鬻去三之一十年閉戶未能有所增益也計自今身無進自公賦易完三子各予田數十畝屋一區足矣深藏若虛安所用之凡人所供玩弄者如圍棋六博之類僕于此茫然不知豈真拙一至此由不好故不習耳足下以僕爲何如哉其一無所好而顧兢兢于好名者要亦愛惜品行砥礪學業或稍異于數者之所爲非真奔走公卿馳驅道路而博其名于天下也乃自名心未盡不幸有鄉閭之名有文章之名鄉閭之名非僕所

健松齋集

卷十一

書

得已也夫人幸叨一第凡事關桑梓卽當爲之興其利而除其弊若淡漠視之亦何賴有我輩故嘗痛墨吏之貪饕蠹胥之橫惡劣矜土豪之相緣爲奸稍爲論列罷差徭積弊歲省民脂膏鉅萬所言公公言之而已而非好名以喜事旣爲民條議矣卽不得復有干與是用謝絕請託名刺不入公門者七年理固宜爾而非好名以養高里中少年才雋之士以文來贊輒爲論次或資給薦引之獎掖後進吾黨諒有同心而非好名以悅衆甲寅之亂大帥頗多俘獲其中六人則傍郭農夫也僕見其旦僕証而午俘繫故爲

請六人者皆得釋所擄多良民婦女僕聞而哀之脫妻兒釵鐲贖難婦五口此亦乍見孺子之恒心而非好名以市恩故謂僕好名者亦未親歷其境見其事耳使人皆不好名將聽其困苦任其死生皆于我無與矣文章之名又非可邀求襲取而得也好名之人其業必不專僕非能殫心于古作者也童時學爲詩古文辭先君子以進取尚舉業禁不得旁鶩私取而伏讀之間爲詩歌自娛于是名爲能詩賦十餘年來沒溺于揣摩奔馳于車馬義蘊未深不敢妄有撰著也避亂居杭與諸文士約爲古學謬相稱許于是名

健松齋集

卷十一

書

爲能古文夫人亦患文之未至耳文而工也逃名而名歸矣苟其未能卽炫美于通衢碎琴于都市孰從而信之僕自反甚明此番入都尤刻意砥行所就之官于仕籍爲最閒搜求遺書博觀經史求進古人之無窮此則僕之志也以是而曰好名僕將安之而不辭矣如徒奔走公卿馳驅道路若世俗之所爲好名僕方恥之而又安可效之哉足下知我故具陳不宣

與萬臨晉書

銓曹兩接光儀正擬握手作竟日款乃不自意有分
校之命比由棘趨晤而騶軒已遄返久矣桐城馬生
教思饒所首拔士其人負才積學以不得志於有司
來游京師意在背城借一卽圖小就其閑牘高遠以
折語語性靈吐棄一切二三場復淵雅雄博有史漢
大家之風僕以其迥異恒流原不易識今既識之而
復聽其得失將來淪落可惜乃薦之過切反爲主司
所疑指心誓日詞色俱厲凡入薦始得冠木房榜發
之日長安傳爲美譚但家值中落授徒爲生僕雖以

健松齋集

卷十一

書

得貧士爲喜然此生之潦倒困苦亦已極矣此時客
阻無資擬訪舊濼城爲旅食計便道特令上謁祈進
而教之吾黨憐才好士具有同心非僕同其所好也

答施愚山侍講書

辱示李文達商文毅二傳事詳筆簡甚佳偶有未當
處據愚意商酌一二應台命耳先生不棄引爲忘年
交長者既盡其虛僕敢不盡其直耶于忠肅傳原分
屬范檢討總裁以范君傳徐武功不當復傳忠肅使
二人咸出一手故以屬僕數月來搜采不遺餘力自
奉教先生又復質之潛菴石臺鈍翁阮亭諸君子至
是已五易藁矣僕意于公一代偉人不致草草畧過
考核精詳期于至當來論云毫髮無遺憾當書一通
焚之忠肅祠中其信然耶潛菴亦云宜亟上史館僕

健松齋集

卷十一

書

生平謹慎故再奉詢勿致貽譏後人耳王弼崔恭姚
夔林聰諸傳大約以吾學編爲藁于然事蹟散見於
羣書者正復不少僕詳考而增定之殊快所未見也
景帝本紀已屬草倣歷代史例大書不過數事昨見
院長以進用文武大臣卽侍郎總兵之類皆當書又
如用兵遣使以及蠲租旌表亦宜書其要者如此將
不勝載矣僕力疾詳列蓋以爲繁而去之一舉手之
勞耳若更以少而求益則繙採殊費心力也但景泰
實錄出焦芳輩所紀私意傳會語多失實而館中又
無書可考何以折衷損益仰成信史惟先生教之

上益都先生書

新秋人至伏審老夫子與居佳勝精明強固倍勝往時且聞吟咏倡和時時作蠅頭細楷不覺狂喜天祐完人爲朝野倚重固勝常人萬萬也象瑛拙守冷署客春查收史傳忽得怔忡之疾心搖汗脫幾無生理重服發藥始稍稍愈乃不自意遂有使蜀之命力疾西征棧雨蠻烟備歷艱險幸藉庇漸安得從事筆墨所見崇巒怪壑勝蹟靈區駭心怵目莫可名狀西趨秦棧東下夔巫得日記一首遊記六首詩二百餘首雖不敢言文或可備一部蜀道路程耳巴蜀人文淵

健松齋集

卷十一

書

數向稱極盛兵火後觀場止九百有奇悉心搜錄得士四十二人大半名下寒士其年齒亦皆十七以上四十以下訥生督學曾籍三川名雋三十人驗其得失榜發中式者二十有五副車二所未見者三人耳以此頗爲士論所許雖拔取真才職分當然詎敢附古人以人事君之誼然返之生平攻苦庶幾無負且得藉此仰報知己吾夫子或亦聞之色喜耳至於凋殘之極人稀土曠豺虎環門帝懷挂壁轎車所歷城郭不完解舍頽廢僅得於荆榛敗草中想見異時第宅膏腴之盛荒涼蕭索真從來所未經見者閱歲一

年計程二萬里舟車往返行李無資窮官薄命乃至於此可笑亦可歎也此時已入都復命因冒暑長行驟車撼頓舊恙復作目前參藥已自不繼長安錢米踊貴無計支持來夏六年俸滿擬乞假爲先人治墓爾時便道歷下當叩函丈親承教誨也令親房城眉至蜀伏承手示萬里垂注深感鴻慈紀綱之便謹此附候蜀產四種稍將遠意闡卷併呈台覽臨稟悚切

健松齋集

卷十一

書

答陳謫公書

昨辱手書值回答公車親友已登塗矣未及裁報僕僻處山陬文章無所師承年來謬意古不知而作便多繼墨梁錢塘推司農夫子之意輒災梨棗非僕意也足下不以狂妄詆呵之斯已幸矣獎借過甚是何言耶足下文學意氣傾動海內僕在東南竊聞之久矣頃接丰采高論遠識皆足千古君家湖海元龍於今殆復見之來論云倔強從不卽食非目覩不心折獨於僕恨相見之晚又云不樂爲無關繫文字夫詩文道喪聞風附會聲氣之衰正緣耳食所誤耳連健松齋集

卷十一

六

篇累牘不問能受與否輒加以凌今軼古之稱又誰問關繫何如耶足下所見如此此固僕之所以傾倒也特非其人重自媿耳至於先大父立朝行實其大者忤魏璫削奪株大司寇去官二事儼鄉曹秋嶽侍郎曾爲作傳尚未携到畧記一二奉覽足下期於有關繫不敢以無關繫之事溷左右也健松齋詩文何時賜教望之望之

報魏庸齋先生書

曩辱手書下頒值舊疾大作有失裁報聞請告竝已奉俞旨殊切悵惻今名卿宿德充滿朝宇而清忠鯁亮眷注之殷倚毘之重未有若閣下者精明強固方期優游論道仰佐太平乃決志高蹈如天下何然古大臣勳德隆盛東山綠野身繫安危正不必垂紳曳綬始爲經濟顧典型日遠翹首雲中彌增望切耳來諭向來投贈詩章裝潢成卷拂歸故園展玩如對具見閣下對非不遺之意乃亦采及鄙陋使書卷末以垂久遠何嗜痴乃爾耶拙詩稍志景慕實未能掄健松齋集

卷十一

九

揚萬一勉錄報命惶愧極矣西川之行深慚有負任使蓋巴蜀夙稱才藪揚馬三蘇古今豔傳喪亂之餘讀書者絕少每荆榛露宿猿狖相羣輒嘆此中安得有文字且應試不滿千人幸獲一卷護持愛惜惟恐其失故早夜蒐閱得士四十二人皆年少有時譽返之廿載燈窗庶幾不負夙心仰副簡命耳閣下生平嚴重少許可乃以得士相推獎豈僕所敢望哉來書有云有文如此由訥生三年之培養實僕與子重兩人之搜羅則此番苦心竊有可共信者川中名宿無多其以才見者訥生皆深知而提携扶植之僕所

得之士爲錄科首拔者十有九人解首樊澤達羅英等皆是也訥生爲僕言初聞試蜀之命卽諭諸生主司識至高勿以庸碌自棄又籍兩川才雋三十人驗其得失榜發中式至二十五人蜀人稱嘆有英才拔盡之論僕選蜀闈全墨訥生序之備述蜀士不受僞署節苦誠正及衡文相信之實雖不敢誇得人然不謀而合蓋亦奇矣從來人才之責培養在督學搜羅在主司主司之識拔在一時而督學之甄陶則在平日蠻烟棧雨中訥生取之於先僕兩人登之於後閣下聞此當亦爲之快心也至垂問拙集僕自力疾西

健松齋集

卷十一

書

行日服獲藥始得竣事未敢役心筆墨然所過山川各勝不肯草草畧過計自發燕趙歷晉秦西入葭萌東下夔峽放舟荆鄂以至還朝水陸舟車凡二萬餘里得日記一篇文六篇古今體詩二百五十首才既有限病復相困率意成咏殊不足觀諸公間共推挹謂燕公得江山之助又云少陵夔州以後詩律轉工僕竊志之而未逮也日來就正諸君子擬災梨棗嗣容參教榮發何時當從諸大夫國人後祖帳都門知容嗟嘆慕者不止漢二疏也先此布復卷并上不宜

答毛稚黃書

七月十八日從吳志伊檢討得足下二月所寄書蓋自始發至披讀時已徂暑經秋矣亡荆奄逝慰諭殷篤顧入門失良內助觸目興悲殊難自遣耳辱諭于太傅傳僕以于公一代傳人不敢草草率易旁搜博攷五易彙始得成篇中間質正名賢宿老商訂亦不啻再四雖不敢謂有當作者然於于公亦既竭盡心力矣足下過稱愧何如耶來諭云機疎二字宜易夫僕所謂才大機疎者以于公負戡亂才其正氣直性毫不顧慮所謂無機械之心耳使一心謀國又一心

健松齋集

卷十一

書

慮患則於石亨輩必多方周旋矣惟公全無機械故禍至如此若謂指麾大事不得謂之機疎則僕於忠肅安攘之烈鋪張揚厲至矣所謂才大者謂何顧少之耶足下以機械之機作機宜之機故以相商然既謂不當便須另更二字易疎爲沉殊不爾也又云易儲不復爭故卒以不免句宜去此語亦屢經斟酌蓋帝意雖定在公自不可無言明知諫必不入然與其不諫孰若諫而不聽可盡吾心可告天下後世乎此亦春秋責備賢者之意景泰實錄載三年五月遣安遠侯都溥爲正使兵部尚書于謙爲副使持節冊封

見深爲沂王則公非獨不諫且奉冊矣雖爲方憲筆不可信僕作景帝紀毅然去之然在公當日固少此一段議論耳來教云云似欲曲爲公諱夫公心事青天白日卽不諫易儲亦何損於公正使瑕瑜不相掩乃見生平且此語總結上文初議立邸王及大同城守易儲諸事推公受禍之根與前徐石曹吉祥三段敘公致禍之由蓋重爲公傷非有所不足也僕向來虛心凡有指撻無不立從況事關千古耶別來自史外頗多紙墨無人繕寫不獲附教明年史事竣乞假南還爾時登吳山快讀枕中之祕并請教益也

健松齋集

卷十一

三

答王丹麓書

客歲四月中得足下書并示今世說數則詞義簡雅直可遠接臨川王先人獲附名簡末雖不朽大業非敢以私意謝然足下意良厚矣卽擬一言裁報緣亡荆病篤旋遂奄逝秋中復有仲子之喪哀慟慘切一病幾不能起今夏始稍稍愈然觸緒皆悲貧且日甚總無善狀可告知已也竊謂古今撰述作之於前必有人踵之於後太玄之後有元包新語之後有至言如此不可勝紀而世說一書獨單行今古未有繼之者非足下安得有此快事顧臨川生晉宋之間取漢

健松齋集

卷十一

三

末魏晉數百年之事網羅編次分門別類其時崇尚風流詞旨秀令簇簇生新今足下哀集將起齊梁至今續義慶所未有乎抑止今日所見所聞弄藏筆記也夫自齊梁至今爲唐語林爲續世說或紀一姓或載數朝惟何氏語林蒐采最博然其文辭已不逮臨川遠甚自不當更爲貂續矣若祇就今日見聞筆之爲書一時之流傳一人之採訪一方之觀聽豈能遽成一家言哉世說所載賢者可以勸不肖者亦可以懲有美無刺不如無作然居今日而述今人之事恐未易盡態極致矣近世文人筆墨煩費不能如古人

之雋永要以簡至爲尚使人讀之有餘味足下著述
妙天下凡此數者諒有卓見僕妄談冀不朽大業毋
使有餘憾耳向年家居時曾輯松憲雜述一書畧記
邇年聞見之事中有數條可采自入都來復已沉閣
然所聞所見尚多記憶此時史事敦迫不遑他務明
年事竣乞身歸田里當爲足下佐成快舉事求其核
義取其公辭尚其馴雅庶不使臨川王獨擅今古也
率復不宣

健松齋集

卷十一 書

三

答梵林上人書

客秋信宿禾城得親法誨論詩泛酒欣然適也歸來
薪水勞勞又復羈愁千斛矣讀手示知駐錫寒山使
人欣慰吳門才數也虎丘之山生公遺跡在焉師憩
息其間人天瞻仰視鷺湖半榻何如哉拙詩實不堪
問世喪亂之餘都未檢飭遺災梨棗不知何以嗜痂
若此媿矣媿矣大選博采兼收意在原本性情澤以
聲華持議甚善且每集前序後評尤從來選家所未
有但序之所重在人評之所指在詩今觀序次中或
類傳記或作論贊頗無定體夫紀載之書大率其人
已往舉其生平大端而表章之故文與事俱傳集中
皆當世作者生平未可定也草草數語在吾師雖未
嘗意爲輕重而閱者頗似異同反不若止紀爵里氏
號之爲詳切也至於評語先論體後論詩作者選者
精神學問所關尤期簡當不系千秋大業固須斟酌
盡善耳僕于此中原無一得念吾師蒐採之廣用意
之勤期于傳世無弊故不禁饒舌吳中不乏作者試
以此質之

健松齋集

卷十一 書

三

與毛會侯書

僕自四月中入都凡四寄書蓋以契濶良久藉便通問并陳抵京月日耳非有所冀也乃自五月迄今秋又將盡矣由梁達燕騎還不過五六日往來者未嘗絕竟未得一奉手書其忘之耶郵寄浮沉未到耶抑政務冗劇至極果不能片時暇耶亦或僕別有所問罪而以不報示意耶私心疑懼不敢復通於足下已復思之足下故善忘然未嘗頓忘至此也初寄三書或因便過浚儀中道耽延廻旋他所若縣隸之歸則固令君所遣也諒赴階拜久矣祥符巖邑汴當四達

健松齋集

卷十一

三

之衝期會至繁簿書至雜伺上官接往來使客至勞瘁然以足下之才據案作答十吏遞供則百函俱發矣不謂尋常寒暄語遂無半刻可了也若僕重獲戾于足下則真無所逃臯姑無論婚姻中表卽二十年筆研至交亦復何嫌何疑豈誠有間吾二人者不察耶然而使者南歸時又何辱書娓娓也是皆不然足下之于此非忘也非附書未達而執掌竟無暇也亦非有所開罪于左右也直以事無足輕重吾之使燕者既返矣嗣有所遣當爲裁答此時固無煩郵筒耳豈知千里之外想望如此其殷而疑且懼如此其不

能釋也是用復有所請若僕之揭重負覓冷官守候一年尚未得就前路方遙自顧迂拙可笑或聽之或憐之是在足下豈僕所敢望哉客居炎燠日甚不能多讀書每與胡菴先生椒峯西溪衡論古今恨相乖頗遠間有所作無人繕寫不能遠寄春間見所狀汪總督逸事甚佳記語意微有可商今亦忘之矣不審肯寄示否倘有一得當爲足下論列耳不宣

健松齋集

卷十一

三

與三子書

汝回後別緒依依悵然者彌日午後卽出開病已愈
飲食漸加亦不畏風此後當日勝一日觀我自嘗與
至平望兩日內作序記數首手錄寄之則精神可知
汝兄弟須和睦此將原無所爭只是心性各別故意
異同如論文辯事之類亦非好事禪禪宜及時力學
遲則後悔必多讀書非爲人并非爲父母思之勉之
變化氣質學者第一義尤貴介子弟第一義在臨事
時一思之耳以氣性加人誰無氣性可任意乎夜來
思汝輩文字俱可自立祇氣豪褻致秀禪筆簡各有
健松齋集 卷十一 書 天

健松齋集

卷十一

天

之母忽

健松齋集卷之十二

遂安方象瑛渭仁著

策問

擬戊午順天鄉試第四問

問一代治化之盛必以人心風俗爲本故風俗之弊
其害中於人心而心術之淳漓實關俗尚之隆替循
蜚疏乞以前無論已周禮三物六行所以教民者甚
備兩漢差爲近古而長沙太息言之意轉移化導之
方固有未盡者歟魏晉而後競趨浮誕宋明之初其
君若臣非不加意扶培究未能返末俗而登上理其

健松齋集

卷十二

策問

故何與我 國家治隆化洽度越前古

皇上崇文重道教化興行淫邪屏息近復

欽定教條頒行於天下家喻戶曉固已蒸蒸向風矣

豈有人心不古風俗未淳尚煩戒董者歟夫黜浮僞

抑奔競息告訐正人心之大端也所謂人知禮義家

敦廉恥果操何道歟廣場高譙費踰中產被統襲綺

濫至輿臺聯袂酣呼招搖市井爲風俗累匪細邦禁

之設蓋不啻三令五申矣然猶未盡革何也夫士四

民之首也士習不飭何以使民興行則夫杜僥倖以

示表率誠有不可緩者歟禮制於未然之先法施於

已然之後轉移化導其實宜何從歟王者以教化爲大務今欲使民無悖德士無詖行度非迂濶而遠於事情也其正言之毋隱

健松齋集

卷十二 策問

二

辛酉四川鄉試第一問

問自古帝王治天下莫不以學爲先務學也者所以宰化出治之原也唐虞未嘗有學之名精一執中傳心而已後此傳說之告高宗則曰念終始典于學成王訪落則曰學有緝熙于光明豈非帝王一日之學卽民生休戚所由關政治隆替乎田肇歟顧帝王之學與儒生異上參乎天人理數之原旁綜夫兵農禮樂之要凡用人行政無在非治無在非心卽無在非學內聖外王之道詎無其要歟我

皇上聰明天縱敦敏性成 經筵日講旣切實舉行

健松齋集

卷十二 策問

三

時 命儒臣解譯大學衍義諸書萬幾之暇游心典藝勤學好問固已接堯舜之心傳矣猶且懋勉日新孜孜不倦

聖學淵深度非恒人所能測然親承 德化則所以仰俾萬一者果安在歟書曰惟天聰明惟聖時憲詩曰夙夜基命宥密意心學之要固不外凝承昭事之誠陟降紹庭之實歟大學八條目先之格致誠正繼之修齊治平中庸言君子戒懼慎獨極其功於參贊位育豈非帝王之學體用一原本末共貫非知無以爲始事非行無以爲實功知仁勇三者有缺一不可

者歟六藝者載道之具周易尚書業次第敷陳矣古
人有言唯書藉益人神智將旁搜博採可以佐
聖天子清燕之覽觀者宜何先歟爾多士留心學術
其昌言之將藉以爲 黼座獻

辛酉四川鄉試第三問

問國有不得不用之兵兵有不得不需之餉二者利
相濟害亦相因三代寓兵於農之道不可復講矣由
漢以來有長從之兵因增養兵之費唯唐之府衛明
之五軍猶有井牧遺意其法而又壞矣籌兵計食何
者爲最善歟我 國家蕩掃驅除首資 禁旅而綠
旗之衆亦往往奮力前驅兵制視古爲良
皇上神謨聖畧芟刈羣醜議兵議餉何日不廛宸
衷然軍興以來多方籌畫從未一議加派所謂養兵
十年不費民間一錢者蓋非近代所能及矣海宇蕩
平正放馬歸牛之日欲使兵食永足何道之從歟今
天下有議裁兵者矣然無事之地可裁也有事之地
其可裁歟有議省餉者矣然額外之費可省也額內
之費豈可省歟有謂兵不可裁而可汰餉不可省而
可節者矣然幕府材官半投誠脅從嘉興維新者也
彼旣舍農而爲寇易寇而爲兵矣欲使之復歸於農
宜操何術歟膏粱紈袴之子隸名士伍相沿已久雖
簡稽軍實果汰者皆老弱而節者皆實餉歟夫兵猶
水也水不外於地兵不外於民容畜之道諒非無術
以處此矣我

皇上睿慮周詳參稽今古向時海上歸附之衆率令於山東河南北開墾荒地是卽古寓兵於農之意夫既行之而效矣推而廣之其利可勝言歟 廟堂之上必有成算然久安長治之業期於萬世無彛固有斟酌盡善者在也盍抒所見爲

聖世太平之助

健松齋集

卷十二 策問

六

辛酉四月鄉試第五問

問有田不墾與無田同是故洪範八政首先重農非必管商始專盡地力也然度地居民古非有餘今非不足而食之盈歉常相懸者何也豈非地有遺利民有遺力歟巴蜀沃野千里天府之國其在今日有不同於他省者矣勝國之季羣盜盤踞毒虐生民聖朝統一區宇休養生息三十餘年頃又再遭逆亂流離遷播有不忍言者

皇上神武削平僭亂擇良吏撫循茲土衆益之區出水火而登衽席當必欣欣然有樂生之心矣然哀鴻

健松齋集

卷十二 策問

七

未集四野荆榛果何術而使流民盡歸鄉里土著各安故業無人稀野曠之慮歟古有移狹鄉置廣鄉徙穉瘠置腴壤者然人情安土重遷何以使室家寧止頓有幹年之樂歟往者以人迹土蕪 詔招民三百家者文武官不論俸滿卽陞舉貢以下得授官所以爲蜀土計至矣然生聚卒未繁田畝究未闢者何也意招徠之方向有當優其賞減其數者歟且夫墾荒亦難言矣以少爲多以荒爲熟故按冊則有田履畝則無田是官吏受開墾之上賞而民固不聊生也欲使循名責實戶口殷盈其道何由歟報熟之後例許

五年起科顧凋瘵餘生尚苦輸納何以上不病 國
下不病民歟昔李冰守成都疏江灌田號稱陸海張
詠知益州教民去荼種桑其法有可踵而行之者歟
民富則禮教興蜀都人文之盛彪炳今古誠使勞來
安集數年之後將必家給人足復臻和樂之舊諸生
慮切桑梓其悉心以對

健松齋集

卷十一

策問

八

題跋

蔣馭鹿浙游詩題辭

文人游覽之廣莫如龍門其以詞賦被寵遇則惟長
卿蓋子長遍歷名山大川歸成史記相如見鄒枚莊
忌而悅之各游梁梁孝王令與諸生同舍乃著子虛
之賦所稱漢兩司馬也然未有奉筆賢王曠觀山海
如吾馭鹿者當順治中鎮國公以東海之親開府奉
天禮聘天下名士馭鹿首應其選夫馭鹿足跡幾遍
九州所未至者關以東耳睇醫閭長白之雄峯濟鴨
綠混同之巨浸作賦兔園和詩鄴下抑何盛也鎮國

健松齋集

卷十二

題跋

九

薨始歸江南今年來湖上出其囊中詩鉅麗瑰奇盡
挾名山大川之氣顧以浙游諸詩先問世或疑馭鹿
亭游殊遇其視大江止衣帶水西湖兩峯直益益几
石耳是集何足盡馭鹿不知馭鹿胸中原自具奇山
水故所歷名山大川視之若丘壑其遇一丘一壑卽
以名山大川之識應之鉅麗瑰奇畢見之於詩是集
誠不足盡馭鹿然又安知不足見馭鹿乎文章之道
使人喜不若使人思吾先得其可喜者則可思正無
盡矣弁州詩漢廷兩司馬吾代一攀龍夫濟南游不
出幘幅遇不過公卿安足並兩司馬哉

千秋雅調題辭

憶自甲寅秋避亂西陵與諸君子樽酒賦詩犬馬齒四十有三丹麓亦三十九歲耳風塵徵逐忽忽又十許年矣衰病綿延髭鬚盡白追念舊游不勝壯盛智慧之感乃丹麓襟期如故撰述益工五十誕辰賦千秋歲詞一闕悠閒曠達若有以自適者一時名人屬和極詞場勝事夫人生之樂期於適意耳牆東一室中花竹紛披著書學道泉石可以娛心妻子可以偕隱優游歲月卽松喬奚美乎今天下屏幃濫惡不根之言甚於辱罵丹麓不屑屑流俗而能致海內名流健松齋集 卷十二 題辭 十一

之言以快意真壽矣真壽矣

付雪詞三集題辭

與蘊思別十許年庚申廷對入都余適有妻兒之喪蘊思尋亦悼亡執手榻前秋歎言別又七八年矣今春養病湖上蘊思過余讀所爲付雪三集聲情意致依然餘杭大陸余因歎蘊思長余數歲柔情曼調猶能與少年行爭長競豔余久病綿延筆墨都已荒棄間不得已有作心頭突突有聲以是一切謝絕回思斐園賦詩臯亭醉酒不禁衰年高枕之嘆也三復斯編不獨美其工更妬其健矣蘊思索余序且戒勿以病爲辭然余實不能作姑書此歸之

健松齋集

卷十二 題辭

十一

恭跋先大父閣學公泰交策後

此先大父閣學公天啓甲子楚試程策也公壬戌登第官編修時魏璫與客氏竊政廷臣交章論劾不報諸大臣多引疾去公奉命偕章公允儒典試湖廣發泰交策論列時政規諷切直有云天聽寢高中旨頻傳舉朝不得其解爭切齒於與箋間一巨增大蠹又云宇內豈無人寧有覓臯夔稷契於黃衣闔尹之流者忠賢見之大怒矯旨降三級調外用丙寅南御史希璫意叅公遂削職爲民養馬當差追奪誥命時綈綺四出楊左諸公皆死公適丁外艱置煬以待會烹

健松齋集

卷十二 題跋

主

宗晏駕莊烈閔帝立起公充經筵講官尋權南大司成提調東宮講讀戊寅枚卜獨以詞林預機務嗟乎人臣進退邪正之分在所自立耳當公甫獲一第抗言擊奸非其責也使稍依阿取容卽不必驟躋顯榮亦何至遽遭削奪乃忠憤所積不勝其憂時嫉惡之心以發爲慷慨慙直之論至今讀之旁觀尚爲咋舌卒乃結主知而膺特簡在直七月復揭救司寇劉之鳳罷歸當時紀載諸篇或稱公字挾風霜或謂璫黷方張憤刺切直無冤董狐信矣明史記事乃以湖廣主考爲李應昇夫忠殺以御史忤璫死詔獄非典試

也記載之書期於傳信而乃亦舛誤如此

健松齋集

卷十二 題跋

主

先大父票擬簿跋

右先大父閣學公崇禎戊寅入直票擬簿公自六月到閣辦事十二月以揭救大司寇劉之鳳罷歸計在直僅七閱月耳時國事已非內擾外訌兵革餉匱天災叠告民困日深見於先大父票擬者已如此况當時政地尚十餘人其分本擬旨者危迫更富何如乎揣時度勢即皆公忠敏練之臣同心戮力猶懼不支乃督撫鎮將滿天下而防剿要職悉歸閣宦封疆日蹙匿不上聞宵旰焦勞補救無術譬之積薪厝火勢必燎原欲永固苞桑豈可得哉先大父出都門時門

健林齋集

卷十一 題跋

古

人臨清守備王道勝善天文迎謁曰吾師南歸未為不幸京師六年內必有大變屈指已卯至甲申其言果驗天時人事可畏也已

鄭寶水先生遺集跋

癸卯之秋余與縉雲鄭君元敬同舉於鄉越四年丁未復與瑚山同舉進士因得悉其尊人寶水先生加詳然未相識也甲寅寇亂余避地錢塘先生亦與元敬棄家寓吳山往復通謁穆然古君子也丙辰福建平先生西歸余亦携家返里明年謁選京師荏苒幾何時而先生且歿矣嗟乎亂離聚散宛然如在天不憖一老顧何以爲情哉今年元敬補令海康瑚山以中書舍人出佐宣州將行以先生遺集屬余論次余受而讀之易蒐一書精心理數發先後天之祕其他

健林齋集

卷十一 題跋

五

撰著皆高古余尤服其論辨諸篇識解超卓多從來未發而隨筆出之益人神智其奏疏撫時感事慷慨淋漓惜乎未用於時而徒爲他人供筆札也然而先生之文章學術於此概可見矣古今文人父子同擅名者漢之司馬氏班氏唐之蘇氏而宋之眉山爲最盛蓋八家爲文章起衰一門乃擅其三說者謂得山川之秀今先生倡起於前元敬兄弟繼之於後以視老泉軾轍爲何如哉括蒼山川奇秀舊多文人今有鄭氏青田諸公不得獨專其勝矣

黃山圖跋

古今遊覽之勝推康樂子瞻諸公予謂千古善遊惟宗少文耳蓋奇唱幽尋窮高陟遠自是雅人韻事然管絃絲竹之煩騁軒呵導之擾不獨塵境太喧抑或動淹歲月少文四壁丹青千山歷歷意之所至便可尚平五嶽不必蠟屐支筇始結山水緣也予性耽遊覽十年來耳目所經觸興成咏足跡所未至又多蹉跎未暇卽如黃山白嶽近若比隣而信宿齊雲夢覓黃海閱江君此冊蓋深我登臨之慨矣君詩畫妙天下胸次間原自有黃山乃復含毫吮墨寫三十六峯健松齋集

卷十二 題跋

六

之勝覺仙窟禪棲祇充作者藁子奇矣奇矣予願天下遊人實持此冊他日按籍而遊歡然如遇故舊則雖千百年後皆君爲之導師也畫圖分勝地便住小蓬萊其將囊琴襍被俟我乎少文見之必大笑曰君已遊遍黃山矣

一 黔遊日記跋

嘗讀北山之詩行役勞苦然不敢訟言其勞曰表從事獨賢曰嘉予未老想見詩人忠厚之意然燕燕居息數章較量人已勞逸之間未免徑露人臣事君固如是乎會侯以丁未四月補理黎平六月罷推官顧簡書在躬不敢告勞往返萬餘里夫明知李官之已裁而猶以一紙空牒跋涉于瘴烟蠻雨之鄉親老在堂冒觸炎暑使他人當此必且感憤蕭騷不能自已而會侯處之恬然觀其黔遊日記或憑弔山川或抒寫景物和平忠厚賢於北山之大夫遠矣王昌齡健松齋集

卷十二 題跋

七

遷龍標尉筆墨所寄能令遷荒增色今會侯改令浚義頃復與聖天子右文曠典他日志牂牁風土陳詩觀風於日記有取焉豈直與龍標並峙千古也哉

先府君崇祀鄉賢錄紀後

不孝自先府君奄棄霜露之感垂十七年辛酉恭遇
覃恩贈府君如子官 綸音褒錫幸稍報劬勞矣顧
念府君孝友仁厚閭里共推向擬舉鄉賢緣不孝待
罪史館奉使西川未獲舉行今年冬邑中紳士耆里
垂念生平公請列祀旋蒙詳允遂邀鉅典前後甫四
十日遠近惠送至千餘人此豈不孝能使之然哉梓
里推許之公心諸大人先生褒揚之盛德而亦府君
深仁厚澤所以致之有素也古者鄉先生有德於民
歿則祭之馨宗以爲樂祖今天下郡國之祀蓋不知
健松齋集 卷十二 題跋 文

凡幾矣吾邑風尚質實于鄉賢尤嚴一人未孚一事
未愜卽不得與故自南宋迄今五百餘年止二十一
人府君雖無殊才異績聳人聽聞然孝友仁厚六十
里實無間言所謂鄉之善士庶幾其無愧乎祀事告
成謹識數言以申哀慕若夫錫類之仁感均存歿世
世以之非言所能盡也

書侍講叔杜詩選

此先九叔侍講公選本也自題卷首云丙申秋日於
長安購得常夜讀之按是時侍講已變理學爲參禪
自稱月道人視萬有皆空顧獨好工部詩吾知其必
有合也中間去取精當丹黃亦最嚴有屢選終刪者
不傍詩歸所得固已多矣余與侍講同室共筆研待
講以余一歲自辛卯至戊戌八年中榮枯禍福宛然
邯鄲一夢余哀其志之勤而負才早殞也因爲錄出
并載原評以志遺蹟若余間讀有得亦附數言學識
健松齋集 卷十二 題跋 元

疎淺不敢謂善讀杜也錄成于甲辰九月時在山陰
道上云

書靳水僧等觀詩

甲子春余使蜀還 朝過靳水謁吾師張郭山先生
兼訪李令君 留宿浴蓮菴花竹滿軒簫然塵外
是夕等觀上人來謁年七十餘貌古朴不知其善詩
也翼日兩公具言合肥龔宗伯宰靳時善其師恒度
爲築此菴恒公故詩人上人由是學爲詩多蓄古今
書籍前年以水災皆漂失余聞而異之夜歸叩其戶
則上人已熟寢矣曉起得所爲秋影閣詩一冊高遠
幽尚在皎然靈一之間擬作詩爲贈行迫不果舟中
書菴宿二律寄之并題其詩後信宿東行深歎知公
健松齋集 卷十二 題跋 三
之不早也

楊仲延郡丞採木紀遊跋

古今遊紀石門桃花源尚矣近世作者推王遂東然
刻畫山水雜以諧謔有文人狎氣求其觸境興懷落
筆有關繫蓋絕少矣君文學政事度越一時採木紀
遊特一時登陟之勝耳然窮高閱險歷歷如畫而體
國憂民憑今弔古之感迴旋楮墨間或蕭然遠寄或
穆然情深或曠然而遠觀或官然而禪悟靈心妙緒
觸手雲來遂東見之應亦歎服一時題跋有云勞心
國事發抒性靈諒哉

健松齋集

卷十二 題跋

三

剪霞詞跋

西陵詞學之盛吳君清來最年少得詞名最早其寫
景最真言情最曲口齒歷歷覺毫楮間實有其人親
聞其語余戲謂清來善情語虛擬耶抑寫照耶清來
笑不應已見蔣子馭鹿乃知清來固未婚卽拂衣挂
冠之事未有也夫人惟情之所至不能代爲謀亦不
能代爲語不必有其人而先有其語清來真善言情
矣蔣子曰清來善言情君乃善言清來之情請書此
題其後

韓文適先生手書桃花源記跋

與醉白神交十許年今秋始相見于湖上握手極驩
出其尊人文適先生手書端楷秀勁如見其人夫先
生一諸生耳城破可以不死而舉家就義從容慷慨
兼而有之此其皦皦大節即素不工書後之人披其
遺蹟猶咨嗟感慕不能釋況其書固名天下乎醉白
孤子能購藏先澤于患難之餘韓氏有後信矣

健松齋集

卷十二 題跋

三

嘉定冷進士遺筆跋

此余門人羅生英受業師冷進士手書也端勁道逸
望而知爲莊人正士惜乎未及仕而卒生寶藏之歷
變亂弗敢失嗟乎楊子雲著太玄其徒桓譚侯芭信
爲必傳今生不忘師教藏其遺蹟於烽烟遷播之餘
嗚呼難矣余過嘉州生出此相示歎冷君之學行不
復用於世而徒藉筆墨以傳生之師友誼篤古道猶
未泯也因書數言於此數百年後有見而好之者書
法傳冷君傳矣雖然獨冷君也哉

書柳愚谷畫冊

生平不解畫理亦不復爲人題畫昌黎有言人各有
能有不能若此者非余之所能也然性癖林泉每見
千峯萬壑滿紙雲烟輒當數日臥遊同年紀職方孟
起得此卷屬余題其後漫書此應之至問其何者爲
雲林何者爲子久何者爲南宮北苑余固有所不識
也雖然撫琴動操神往此中久矣

健松齋集

卷十二 題跋

三

書西眉老人畫冊

高世之士其性情所寄自有佳山水不必與畫家爭
工拙也汪子舟藻藏其先大父西眉先生畫冊純儻
不類筆筆奇縱舟藻爲余言大父成此冊時年八十
七矣所爲詩詞皆燼于火惟冊幸存嗟乎古今人書
畫散亡于水火寇盜者多矣幸而完好其子孫不知
寶惜究歸淪沒亦知筆墨之間固先人性情所寄有
不與人俱往者歟先生高士寄意山水之外而舟藻
讀書好古不戚戚于所有獨以得存此冊爲幸可謂
賢矣其不忘先澤豈止畫冊已哉

題梅定九飲酒讀書圖

奇文欣賞濁酒共傾殆一幅栗里圖矣然陶公于書不求甚解其飲酒諸詩亦不倚在酒揮杯勸影寄想遙深所謂此中有真意非深于飲酒讀書者不知也顧窮愁著書大是難事君家學士謂不識字乃更快活吾輩半生脈望雖老病不肯休正坐識字耳然則閉戶盡萬卷書何如開懷一尊酒請質之定九先生

健松齋集

卷十二

題跋

詩

自題琴鶴漁船圖

先世唐處士雄飛先生隱居桐廬白雲源僧齊已贈之以詩有云聞君與琴鶴終日在漁船想見先生高致余自養病里居久不得愈繪此爲圖雖不敢希蹤先德一葉扁舟携琴載鶴西望子陵釣臺東盡十九泉山高水清蒼崖紅樹或亦遺病之一法也

健松齋集卷之十三

遂安方象瑛渭仁著

傳

汪總督傳

汪公喬年字歲星遂安人性剛毅刻意砥行天啓辛酉舉於鄉壬戌成進士授刑部主事歷郎中恤刑江南入郡丁卯丁內艱已巳補都水郎在道改守青州青故雄郡賦繁胥滑屬邑徵解例有添搭錢公至悉罷去永著爲令政尚勤敏案牘無巨細手自裁斷夜秉燭繼之廊廡置土銚十餘具薪水兩造自炊候鞠

健松齋集

卷十三

傳

是非立決青人有汪不解擔之謠言聽斷明速不俟信宿弛擔也大旱禱泰山雲隨馬首如慢澍雨霑足人以爲神崇禎庚午上計會舉卓異第一明年登州兵變其帥下令無躡青州尺土紆道去時觀軍大噉體擬督府公獨與抗禮噹不能奪於西擢山東布政司叅議分巡登萊諸郡生平冰蘖自持至是凡藩紳僚屬贈遺悉受不辭人莫喻其意及至萊城郭新破守禦空虛盡出所受資市馬募兵修濠隄治器械殘郡復完以親老乞終養歸裝惟文書數簏而已居父喪復起備兵河東戊寅詔廷臣舉邊才先大父時爲

禮部薦公長才真品操守無玷陞參政督學陝西崇正學絕羊續秦人至今稱之庚辰大計治行又第一辛巳陞陝西按察使時巨寇方張歲復大股公憂甚給贖緩積穀平糶勸秦藩督撫以下及巨室協助全活億萬計憂特簡右僉都御史巡撫陝西未受敕聞李自成將窺關率諸將趙大胤等赴商洛與士卒露處設險堵擊八月返西安未旬日張獻忠寇鄜西亟移駐山陽遇之九月總督傅宗龍敗沒關中大震即軍中以公爲總督代之當是時寇逼門庭悍帥不率命宗龍全軍皆覆而餉竭兵虛所向奔潰無固志中

健松齋集

卷十三 傳

二

外洵洵無能爲朝廷設一策者公雖以清望被命一歲數遷然三秦之勁盡矣時敕印未至卽舊署調回原臨洮及團練總兵賀人龍等三鎮兵臘月騎始集簡兵糧儲爲進計計而兵部促出關至番乃傳傲米脂令邊大受發自成祖坐得一蛇斬以殉壬午正月督師赴河南至潼關諸生迎謁公慷慨曰吾本書生蒙恩至此自知此行如以肉餒虎然不可不出以持中原心脫不幸惟有死耳聽者皆泣下時賊圍總兵左良玉於鄆城縣輜重屯襄城公計搗其巢留步兵火器營於洛陽精騎倍道兼進二月抵襄城賊憾公

之發其祖墓也舍良玉以數十萬衆迎戰人龍等三帥未陣先奔諸軍大潰公仰天曰此吾死所也率標兵千餘入襄城拒守城無守具賊鑿城爲穴置火藥其中火發城裂名曰放襄公令城中穿井隨賊所鑿以利刀刺之賊死甚衆凡七晝夜火藥矢石皆盡援兵不至賊覘公竊所在舉礮擊之雉堞盡碎左右泣請避公怒以足蹴其首曰汝畏死我不畏死也復揮拳折其一齒守益固俄大雨雪城崩公腋中流矢帥副將党威等巷戰手截數賊被創引刀自刎未死賊執詣韓家莊大罵不屈賊怒割其耳鼻舌乃死邑人

健松齋集

卷十三 傳

三

劉漢臣收其骸瘞莊後賊退收殮面如生事聞遣官護觀歸公生平清苦自勵蒞官祇二老僕隨行所屬供帳悉此去其去青也青人尸祝之與范文正同祀以所誤訓民書供案上公時尚無恙民有疾病疑難顧之輒應庭有木如槁郡有大慶則榮祀公之歲花實繁繁人至今神之公一子天以從孫滋慕爲後補諸生能文亦早卒從公死者監紀西安同知孫兆祿材官李可從襄城典史趙鳳豸守將李萬慶中軍党威副將張國欽張一貴馬某賈某等十餘人兆祿暨山人可從盜屋人威神木人嘗與趙大胤等擊賊于

西雒略禽賊首竇阿婆萬慶卽降將射塌天城破皆
不屈死賈某潰圍出西南行至令武山下陷澤中亦
戰死

方子曰總督與先大父同庚同學又同舉進士余兒
時猶及見之豐髯偉貌有膂力時天下多事公丁外
艱歸葛巾布袍引強弓習射慷慨自命嗚呼豈意其
果死哉夫士有幸有不幸使公生承平時清操介節
何讓海瑞軒輊乃時事已壞非人力所能支出師未
捷身死疆場悲夫

健松齋集

卷十三

四

許參政傳

許文岐字我西仁和人祖子良巡撫貴州都御史父
聯樞廣西叅政各有傳文岐聰穎敏文章登崇禎七
年進士授南京兵部主事督武學九年陞員外郎歷
職方司郎中方是時天下已亂寇盜充斥徧海內江
北賊輩裹眼等冠瀕江諸郡文岐從兵部尚書范景
文調兵食十年出爲黃州知府黃當寇亂後戶口凋
殘人多死徙景文擬留之文岐不可曰事不避險臣
職也慷慨登舟比至集父老諭之衆皆感泣未閱月
賊至遣騎偵之伏兵以待賊方食礮發倉皇奔潰射

健松齋集

卷十三

五

其前鋒一隻虎殲之奪大纛而還十三年大學士楊
嗣昌視師薦陞下江防道副使駐蘄州斬臨三塹乏
守具文岐練卒伍庠枳糧賊遣其黨張雄飛潛渡將
南下文岐偵得實獲雄飛立遣遊擊楊富馳田家鎮
焚其舟賊不能渡斬副將張一龍馭兵嚴文岐重之
常共宿帳中中夜呼譟聲四起文岐曰此必奸人乘
夜思遁耳堅壁不出質明叛兵百餘果奪門遁一龍
率兵追獲立斬之一軍肅然楊富既久鎮蘄楚撫宋
一鶴復遣叅將毛顯文至不相能兵民洶洶文岐會
二將以杯酒釋之荆襄失守譟報日益急人無固志

會陞督糧道客曰公可行矣文岐嘆曰吾爲天子守孤城三載矣分當死封疆雖危急奈何棄之命其妻吳率幼子奉母歸長跪泣別乃檄楊富毛顯文屯關廂爲固守計會藩宗逐守兵不給餉兩軍漸解散而藩下霍都司復潛通張獻忠十六年正月遂大隊圍新州文岐率甲士往來堵禦發神銃斃賊甚衆時夜將半天寒雪盈尺賊破西門文岐督軍巷戰雪愈甚砲火皆沾濕至關壯繆廟諸將請渡江文岐曰封疆已陷吾何敢獨生自經樹下家人解抹之佩刀出復殺數賊力盡遂被執賊見之曰好許參政不愛錢愛

健林齋集

卷十三

六

百姓環擁見獻忠獻忠亦聞其名頗禮之文岐厲聲曰既被執惟速死耳獻忠命繫於後營時舉人奚鼎鉉等數十人同繫文岐密謂曰觀賊老營多烏合凡此數萬皆被掠良民若告以大義同心協力賊可殲也於是陰相結期四月中以柳圈爲信諸生王國統者嘗姦宦家婦爲文岐所譴責心憾之至是亦與約遂以其謀告獻忠獻忠索之得柳圈召文岐曰吾破武昌當發榜安民君爲我署之文岐知事露腔目視賊取案上大硯擲獻忠曰吾頭可斷榜決不可押獻忠怒命引出至麻城三里畝文岐北向拜辭朝廷又

南向拜父母方再拜賊前連砍之遂死時文岐父從粵西解組歸道南昌知府龐某曰長公歿王事雖死猶生足賀不足弔也喪歸過斬黃士民哭送萬計督師史可法巡撫何騰蛟先後疏聞贈太僕寺卿

健林齋集

卷十三

七

姜鴻臚傳

姜公習孔字素臣遂安人家貧力學年十七補邑弟子員訓徒養親及諸弟下帷攻苦家四壁立勿問也邑令馬呈鼎愛其才擢冠軍萬曆癸卯舉於鄉丁未成進士授湖廣沅陵令沅故三楚邊境地趙黔蜀苗徭雜處公加意撫循邑苦養馬累民充役者多蕩產公力請免著爲令未期丁外艱士民籲留不得創祠祀之治業無措諸大吏捐俸以助乃得歸焉服闋補涇縣稅弊例有羨餘公取給覲費外置冊帑中備公用縣門井泉甘冽禁民不得汲公榜門曰臣門如市

健松齋集

卷十三

八

臣心如水聽其汲取民至今便之調繁無錫縣邑衝事繁晝夜判決無留牘時邑人顧公愆成高公攀龍創東林書院講學公政事之暇往復講論所拔士馬世奇等皆爲名臣以治行高擢南京吏科給事中省垣例受民詞公首禁絕五總省篆再巡京營司內外計典夙弊爲之頓革復奏蜀南直隸鋪設三殿銀百六十餘萬有以美言者不爲動也時魏忠賢擅政公上疏論魏良卿等世襲又薦高攀龍及文震孟孫慎行等奉聖夫人客氏出居外已有旨復入奉侍科臣倪思輝朱欽相上疏爭熹宗震怒御史王心一申

救竝得罪公抗疏畧曰客氏乳哺之勞臣豈不仰體第皇上卜吉遣行明知其不宜久居宮闈也以出官爲是必以復入爲非能斷大義於前卽當割小恩於後三臣雖稍煩聒而一念忠樸實愛君父臣非爲三臣惜實爲國家惜疏入以不諳事姑免罪尋升南京大理寺丞當是時璫訟益張高忠憲及楊左諸公皆死御史曾應瑞希璫意以公嘗薦用攀龍等不知其人視所舉有旨削職追奪諡命時先大父亦以忤璫歸往來西郊感慨時事相對太息崇禎改元復公原官廷臣交章論薦數載始補原職陞南鴻臚卿遂謝

健松齋集

卷十三

九

病歸生平和平易端介友愛諸弟至析產分宅以贈名刺不入郡縣邑有大利弊切於民者侃侃言之無少避課讀督耕創問稼草堂以自適壬午十一月無疾卒祀鄉賢三子調鼎以明經官香河令左遷掖縣丞變鼎餼於庠棄去曠達善詩文別有傳孫曾皆有聲庠序人謂公善人之報云方子曰余猶及見京卿公貌清挺蓋古君子也丙寅丁卯間縱騎四出公與先大父皆懼不免設重門置鳩以待夫人臣致身至使以死自期豈獨臣之不幸也哉一鳴而斥猶獲全其身嗚呼亦危矣

李儀部傳

李舍乙字青藜號東生蜀之渠縣人少師事兄孝廉儲乙奉母以孝聞蜀人稱之曰孝友之家乙卯舉於鄉崇禎甲戌成進士授高郵州知州精敏廉幹鄙人至今思之庚辰陞禮部儀制司員外郎壬午歷主客司郎中丁母憂時蜀中大亂所在被寇公問道還渠渠已爲張獻忠所據公匿民舍賊聞遣人致莫因叩門禮請公以母柩未窆匿不出旬月間擇吉卜葬事畢乃衰經至郊外挺身示賊奮投疾流中賊棹小舟沿江挽救公志在必死乃逆水廻旋至淺灘遂爲賊

健松齋集

卷十三 傳

十

所得賊驅公及兄儲乙入城將以禮送詣獻忠儲乙怒罵公不語仰天大笑而已賊知不可屈以利刃迫之公兄弟延頸就刃引而出之者數四終不動于是桎梏之繫獄中邑人素重公聞公被禁羣呼曰李公賢者以忠義被辱我等豈能坐視乎奮激赴難者倉卒數千人薄城圍之賊少知不敵夜遁去公乃得出獄卽里中壯士釋其勇健者爲一軍建立義旗方是時川北一帶爲賊盤踞聞公倡義各去僞號投所署爲官起應之軍聲大振時大學士王應熊以宰相節與公相犄角賊數戰不利乃引歸成都東

北稍稍寧息惟廣安州尚爲賊藪渠合之道阻塞應熊貽書必取此以通咽喉公遂麾衆進戰於廣安城下親冒矢石大呼奮入馬蹶爲賊所獲公嘆曰本期剪滅羣醜上報國家下安桑梓今事不濟天也大罵不屈死之兄儲乙統其衆後年餘賊衆僞降儲乙納之遂被執亦罵賊死

健松齋集

卷十三 傳

十

少司農徐杭嚴先生傳

先生姓嚴氏諱沆字子養號顯亭世爲餘杭人祖諱大紀嘉靖乙未進士歷官太常卿始居杭州父諱武順號訓公積學有文行與兄調御教皆以文章聲氣名海內調御字印持教字無敕所稱餘杭三嚴是也先生生五歲就錢唐周孝廉啓祥學指臂上銀錢命屬對先生府君曰玉尺聞大奇之曰此子他日必持文衡八歲通五經自是專受庭訓爲文高邁有奇氣暇則與諸兄習射城東門年十五督學黃公鳴俊試童子第一明年闕武試先生連貫七札黃大喜已知

徐松齋集

卷十三

主

爲先生也乃曰時方重武子乃嫺戎事乎雖然吾不欲子擅此也於是益精心問學崇禎己卯舉於鄉本朝開國初署浦江縣儒學訓導以念父母假歸尋丁外艱順治乙未成進士初先生鄉試出柴桑文公德興門至是爲京口張公九徵所識拔兩公皆名宿士類榮之改翰林院庶吉士

世祖章皇帝方重文館閣每自臨試擢第一丁酉授中書中歷吏戶科左右給事先生生平亢直遇言既在言職益詳切敷陳無所顧忌首言諸司常因循委卸內則聽諸宸斷外則諉諸督撫

會議愈多職業愈曠文移愈費時日愈稽且大小臣工條奏應下部議者不復虛公參酌輒以無庸再議草草塞責朝廷求言而究不得言之用可歎也請敕六部毋事因循共圖實治

上優旨答之秋七月典試山東得王士驥等九十八不數年舉南宮者踰半玉尺之言果驗故事四氏學歲解二人久之悉歸孔氏顏曾孟後遂不得與先生得顏光敏卷奇之格於例還朝屬巡按御史爲奏請於是聖賢裔得並舉二人著爲令光敏尋舉進士今爲吏部郎先生嘗抗疏極論山東巡撫耿燁耿懋

徐松齋集

卷十三

主

之至是遣私人日伺左右已知先生無他乃媿謝曰吾固知嚴公無私也明年陞刑科都給事中既敷歷諸垣凡治兵理餉選舉臣飭夫役請撥實在給軍需立關差期限知無不言皆次第允行於刑獄尤詳慎申明法司職掌復請刊行會典秋審叅錄要囚款曰先大愛物命卽簪介微類贖而放之獨未操柄活人耳今幸與法司分未議忍默默耶持議平反所矜全甚衆給假遷葬事竣補吏科都給事中會

章皇帝上賓今上御極感兩朝恩遇益盡心言責上疏論計察

甄別之方在去游移覈事實勸懲務服人心一切與論不孚才堪外用虛辭悉行禁絕而於滿漢之異同督撫之委卸尤極切直又言有司被參不得復留原任銓部陞轉不應同五部職官選授在籍候憑非體皆深中時弊得 旨俞允卽偶未舉行卒未嘗不用其言也是歲理大計舉所請考核法力行之康熙癸卯內陞以需次歸里丁母江太夫人喪辛亥召內陞候補科道官悉以次補用先生以正四品服俸仍管禮科掌印給事中應 詔上封事

上同所言及鄉里甲第與

傳

卷十三

古

先帝時推任始末具以對尋補太僕寺少卿癸丑六月陞都察院左僉都御史宗人府府丞歷左副都御史五旬三遷皆出 特簡先生整飭臺規疏陳禁白役革鹽胥寬租課三事時滇黔構逆有告旂丁謀不軌者闔門大索下法司會問先生悉心推鞠有儒生縛而至望階長揖先生察其無他縱遣之乙卯擢戶部右侍郎總督倉場時軍需旁午議裁倉場額費先生通贏細計出入歲省金錢鉅萬太倉故在通州受南北委輸歲漕千艘輓粟數百萬石運丁舟師車徒夫役最而蠹者不可數計吏胥又竊穴其中因緣爲

奸先生正已率屬人不敢犯旦起治事畢下闕危坐日開一寸書以爲常以時事未寧不敢求去而積勞成疾神氣已稍稍異又哭子曾采生平喜周人急在通州數年捐俸旣盡親勿以急難告多不能應獨坐慨然若有所忘對客宴笑或喟然長歎請其故亦不自知也戊午春力疾督山東河南漕務旣竣返就醫京邸疾益劇謂仲夏漕事方殷不敢誤國家大計枕上屬疏告病家人請遺命揮手示之無一言及私也計聞

上震悼 賜祭葬如例先生爲人坦易無城府謙冲

傳

卷十三

事

退約雖踐九列抑然如寒士平時未嘗聲色加人僮僕有過誠諭之使善改而已至於 朝廷大事侃侃敷陳不避嫌怨當時稱言路者首推焉性儉朴自爲諸生歷顯仕無綺麗玩具之好擢副憲入臺著越布袍同官爭目之不知爲何絲諦視乃粲然皆笑每歲必戒食一生味晚年所斷暑盞事父母先意承志念贈公不逮養終身飲泣家居時太夫人壽七十適奉 覃恩而長子侍御君方選庶常叔子舉武進士皆先後至太夫人白髮冠帔先生率子姓簇擁出廳事向闕謝 恩畢以次上壽里人聚觀歎爲盛事先生語

人曰生平稍自慰獨此兩日耳葺園茗溪南湖奉板
與游歷月夕率土人張燈樹上太夫人顧而樂之先
生舉觴再拜曰願歲歲長侍膝下已又築別業會城
東奉太夫人居之太夫人卒徘徊哀慕名所居曰臯
園取臯魚風樹之意及赴 召懸像別室晨夕省謁
如常疾亟猶昇至像前瞻慕不忍去弟渤沒不忍析
箸鞠姪曾相如已子從兄子岸公渡陶巷公津少同
研席渡早卒撫其孤津老無子分俸餽問或寄詩相
勞苦津聞先生訃慟曰吾弟孝友乃先我死豈我命
不辰致此耶聞者悲涕失聲他如賙貧族撫卹外家

健松齋集

卷十三

去

膳寡姊及鞠諸兄女爲擇婿治裝具皆人所難者少
喜交游篤於聲氣與四方知名士結社論文敦繫編
天下通籍後益推心結納以弘獎人倫爲已任士苟
擅一長必折節下交爲之延譽歲時置酒譙會詩文
賡和無虛日或有死喪窮乏必傾囊爲贈偶不給卽
稱貸濟之東南士倚之爲依歸者二十年

上以軍興需才復思得博學宏辭之士備顧問先後
詔廷臣各舉所知先生疏薦奉化俞廷瑞沁水王紀
晉江張汝珣僑軍前任用於文學則舉秀水朱彝尊
寧都魏禧而鄒陋如象瑛亦與焉憶拜疏前一夕先

生手札召象瑛及陸嘉淑王嗣槐顧承年飲西軒偶
及政府薦士某某承年曰方子亦被薦否乎先生曰
未也已又曰會須有人物色耳不知先生已繕疏詰
旦啓事矣其薦士不使人知如此家故多藏書凡左
國管韓莊騷與史漢文選八大家及浮屠老子之書
無不貫穿丙申丁酉間與萊陽宋琬仁和丁澎宣城
施閏章陽武趙賓大梁張文光同里陳祚明往來倡
和稱燕臺七子詩文以漢魏初盛唐爲宗晚頗留意
騷偶官庶常時奉 召賦詩南苑賜羊酒茶果人謂
異數云每日所行事夜輒疏記之分年者爲遽知錄

健松齋集

卷十三

七

日錄者爲日記其記初生時曰余生薦橋祖居初不
知身在何處若有二人掖之朦朧如月下行至一家
屋角日光照其上如火遂如墜沸湯中不復記憶及
易簀時方晦有星燦燦若隕廳事中隣人驚問則先
生歿矣春秋六十有二所著詩文集若干卷奏疏三
卷醇發堂古今尺牘選三十卷四六選若干卷論叢
古今史及詩文集若干卷元配王夫人繼徐夫人
皆前卒子曾集甲辰進士庶吉士與先生同 朝爲
御史曾業交河知縣博甲辰武進士曾采新昌教諭
早卒曾樂國子生皆以文章行誼世其家

張吏部傳

山陽張鞠存先生卒長君鴻烈官京師徒跣數千里趨治喪瀕行屬余爲先生傳自揆鄙陋何敢任願與先生父子同試闕廷已獲與長君共史館同官李君鎰先生中表弟也復申長君意乃不獲辭先生諱新標字鞠存號淮山山陽人曾祖世才明萬曆己丑進士禮部儀制司郎中父奕穎崇禎庚午舉人庚辰特用官戶部主事皆以文行並祀晉宗所謂祖孫鄉賢是也先生世承家學早歲以文章名順治丙戌舉於鄉己丑成進士時漕使者任諸蠹胥播惡江淮間

健松齋集

卷十三

六

先生甫釋褐念國家歲漕東南粟數百萬石運京師令甲釐剔至嚴而水旱徵輸困軍民已極胥役復窟穴其中爲害日甚嘗思抗章列其狀顧書生不敢言今幸邀一第復何忍坐視乃上疏發其惡職累巨萬下巡按御史秦世禎案驗得實竄殛有差一時朝野稱歎謂漕政弊已久當事者莫肯問一二薦紳緘默隱忍或藉爲干請先生未入仕風節已矯矯如此辛卯謁選分校順天鄉試拔俞有斐等二十餘人皆名士初授中書科中書舍人官閒多暇與諸名宿樽酒論文以學行相砥礪故相國陳公名夏得罪死無

敢敏者先生慨然曰溧陽死於法固未嘗禁敏葬乃集同志命老僕張臚製棺衾具敏老僕嘗曰我乃相公義兒先生則絕口不言也旋奉命護大學士張文安公端喪歸山東文安世族家入方構難力爲之解事竣文安父大司寇贈裝直千金辭不受乙未考選擢吏部考功司主事時高郵王文通公永吉爲冢宰特倚重之未幾引例迴避戶部主事朱世德者監德州倉考核還部後爲人所告吏部坐失察自尚書以下皆奪級先生雖去任亦左遷時論惜焉性孝友母李太孺人早卒終身哀慕農部公病刲股餵天喪

健松齋集

卷十三

九

服遵古禮時值甲申之亂潰兵將薄城門扁先生泣請於守者得扶觀厝祖塋服官後始卜吉高原復奉農部公遷葬成禮儀制在神宗時爲名臣農部繼之公議祀鄉賢先生稽考典故竝祀之日士大夫莫不咨嗟歎爲盛事族多寒素婚嫁病葬賙恤無倦容戊申歲地震祖宅傾圯先生捐資構葺落成顧而歎曰予豈敢侈居室不忍忘先業爾淮甯南北衝十數年間水患頻仍田賦益詘歲遣大臣及督撫會勘先生痛切敷陳尤留心河道所著有治河要策先生既以左遷不出雅意山水葦東溪草堂嘗扁舟游鄆尉靈

巖窮雲棲沂天目渡錢塘江探禹穴憩於蘭亭西廡
黃山白嶽浴硃砂泉與老僧品茶歎甚語人曰生平
第一遊也戊午春 詔舉博學鴻儒先生與長君同
受辟命明年三月 召試體仁閣長君授檢討纂修
明史先生以老疾罷歸歸甫半載而卒年六十二先
生與安東嵇杭州宗孟友善已未之役同就試南還
嵇君歿先生哭之慟遂得疾爲文宗秦漢詩古體出
漢魏五七言律法少陵及近世李空同有淮山詩選
英華涉江黃嶽諸集行於世

健松齋集

卷十三 傳

三

張贈公傳

象瑛獲受知於吾師鄂山先生與聞家世甚悉癸亥
秋典蜀試歸次新水謁先生於里第先生使撰述先
贈公行實象瑛不敢辭謹再拜受命作文林公傳公
諱問德字心吾世爲新水人幼凝重讀書遍大義輒
以古賢豪自命年十五季父原碩公以孝廉爲州倅
謁選京師公父原正公携公同往時明神宗末年俗
尚華侈人競機巧公獨屏棄一切以立身行已濟人
利物爲要循例入太學筮仕得山西蒲縣丞蒲地狹
民貧易於爲非公以至誠勸誠行之數月邑乃大治

健松齋集

卷十三 傳

三

內艱歸服闋補山東費縣費魯之巖邑也俗慆詐難
治倍於蒲公優游化導興利除弊必得請始已會歲
大旱民饑風遘多不能輸公力請蠲不得嘆曰吾一
小吏上無裨於國下不能益於民且親老不得養寧
戀此升斗爲投牒請終養凡再四始得允原正公歿
兩弟幼公策蹇扶輿歸塋拔樓山兩弟稍長爲擇配
復携之入都因材教導俾各成立仲仕至繁昌丞季
歷官郡幕皆服公教能其官時斬人官於朝者多顯
達初置會館以公名德推爲長公亦不辭建業升樓
海堂無廣厝舍置義塚有嘉善公後行國之者莫

之窮弱扶掖之躋仕路者曲全之其有告訐或驚悍不馴亦正色婉言無少避一時驩然道故不知其在客也顧年踰強仕未有子魏孺人爲置媵已納聘矣始婉聞於公公曰汝意甚善然須更訪之比詢諸里隣則果以適賦粥女償官方相持泣不忍別也公聞大驚謂吾爲子孫計顧使人父女離散耶亟遣媒謝却之不責償聞者莫不歎孺人之賢而服公仁且義也已遇相人者謂公有陰騰文後當顯公笑而謝之後三年舉長公歲貢君又三年舉先生公乃色喜持善益堅先生兄弟稍長公始治裝歸卜居邑之西偏

健林齋集

卷十三

傳

三

延師訓誨先生幼穎慧督之不稍懈宴會交游禁不得與卽列簞序數年猶未令出門交友也崇禎末張獻忠寇斯黃所在潰破公夢神挈公父子及幼孫藏石室中覺而異之三月城果陷時漏下四鼓先生兄弟倉皇縋城出幼孫亦襁褓而遞公獨坐門外向午始徐登城見長梯樹堞間綠之以下遂得脫當是時冠十餘萬布城市公所歷獨不見一賊乃知嚙昔之夢神實默相之也冠退宅舍悉焚燬乃結廬舊址獨處小室足不履戶闔親故至有不識其面者尋賓禮於鄉先生兄弟屢困塲屋公曰汝必成名顧我不

及見耳已遘疾召先生兄弟前諭以讀書明理做好人存好心行好事言訖而逝先生終制果薦於鄉明年成進士高等授紹興司理以文章政事著稱公年七十有五累贈奉政大夫子二長歲貢君諱屏公次卽先生諱邦福戊戌進士歷任紹興府同知今候補孫四人曾孫五人象瑛反復公生平剛方質直似王彥方排難解紛似魯連孝友醇謹又似陳仲弓而還妾一事尤人所難傳曰積行之報不於其身必於其子孫今先生旣光大前烈而庭階濟濟正未有艾天之報施善人豈淺鮮哉象瑛於公爲門下士敬述所

健林齋集

卷十三

傳

三

聞嘉言懿行非敢阿其所好也



蛻菴先生傳

先生姓姜氏名爰鼎字理夫一字聖胎晚更號蛻菴遂安人父鴻臚卿習孔明熹宗時以給事中論客魏奪職者也先生性高曠讀書好奇弱冠領於庠未老棄去爲文蕭爽有雋氣尤長於詩典會所之不名一體而澹遠靈秀有王維孟浩然之風生平放浪自喜布袍敝履往來丘壑間或縱遊名山古寺所至援筆爲詩歌淋漓清案少好談謔每放言高論奇詭幻僻多衆所未聞人或疑其誕先生顧盼自如要皆本虞初夷堅諸稗官非臆撰也與人交無賢愚貴賤皆坦

健松齋集

卷十三

詩

然相接不善欣然知交譙集歡呼達旦嘗大集問稼草堂酒半忽失所在亟遣人踪跡之方踞地爲棋局與羣兒角勝勝則鼓掌大笑以爲樂偶不勝羣兒競笑弄之亦無作色其高致如此素不事生產鴻臚公歿兄香河君豪爽喜賓客家漸中落先生不問嘗乏食數日同人負米饋之先生方閉戶偃臥一室中日啜水數盂手陶詩諷咏不休毛鷄舫際可先生婿也理鄴中遣人迎養先生不肯赴且曰吾放蕩成性優游田野猶慙不暢顧乃束縛李署中若烏觸樊籠耶以是日益困年五十未有子蓄一姬中道棄去先生

海不顧寄食于弟家親勿饋遺悉昇之不知爲隔宿計也少工書學文衡山七十餘能作蠅頭細楷秀緻可愛其畫做董北苑晚乃益工善植花木花經其移接無不活果實纍纍惡爲禽鳥所竊手製輕弓以彈鳥皆奇中仿秦漢印章多古勁秀出自然論者謂絕類近世何雪漁康熙壬戌七月無疾卒年七十九無子以兄子如蘭爲後亦前卒其詩隨手散去多不存存藁若干卷書畫圖章里中猶共寶之

健松齋集

卷十三

畫

諸城兩生傳

丘悔初名元調字太和諸城人家柴溝里少放浪不羈從師受書不任教稍督課之輒棄去蹴踘走馬擊劍無不爲尤喜呼盧一夕與里中兒博喪其橐立盡家益貧乃去依中表弟張衍於放鶴里衍從弟侗好黃老喜賓客酒狂趙清輩皆從之遊然孝友言行有尺度元調自寄居放鶴見侗兄弟心慕之慨然曰彼方禮義自處我顧博徒耶痛自悔恨盡變其少所爲因改名悔父嘗死於亂兵求之久不得至是乃大慟剪紙招魂葬焉母任死結廬墓側躬舂錫負土爲墳

偉松齋集

卷十三

傳

墓殿則理瓜棚間從侗及趙清談道書不復出清歎曰太和殆善補過者矣張氏兄弟時時遺薪米往省之
趙清亦諸城人字漣公號壺石居泃水上少讀書悅老氏家言豪於酒家貧不能多得常從里中張侗張僚遊所謂放鶴張氏禮義自處者也亦嗜酒談黃老清相得驩甚劉翼明李澄中徐田皆詩酒往來所至人具酒待之脫帽豪呼浮大白縱飲同聲和歌已輒分韻苦吟繞屋東西走寂無聲良久詩成墨淋漓壁間當是時侗兄弟既名著里中丘悔依之清又時時

過從於是三齊知名士競來集嘗與張氏兄弟王咸

照陳獻真徐田遊龍湫臥象鼻山中人預釀酒數石向夕月出呼巨瓢角飲笋圭峯下聯袂和歌夜分衆皆醉清解衣露脅下瘤掀髯獨酌復盡十許瓢斝斝睡矣忽念母老家貧不能具甘旨袖黃獨策款段徑歸先是父歿清方少廬墓三月母恐其病羣之歸又數年母死清哀慟過禮明年葬盤龍村遂廬於墓或勸之清流涕曰吾豈敢言廬墓乎生平狂蕩若流水居此冀自檢束儻復離墓門安居食旨不踰期沈酒不可問矣且丘太和博徒耳一旦改行我乃勿若耶

偉松齋集

卷十三

傳

人聞而哀之清年三十餘未有嗣葬母前三日舉一子一黃犬不知何來依廬次不去後復一著狼守之與犬狎人以爲異張侗曰孝感也

方子曰兩生余蓋得之李檢討澄中云檢討與兩生同里屬余傳其事余獨怪兩生一以博一以酒未嘗求孝名也至性所發皆以廬墓傳世固有棄過砥行兩生者哉雖然改行難無墮行更難兩生爲人度非不能終於善者然爲山九仞一青掩德君子傷之兩生與張氏兄弟庶其交勉矣乎余不敢輕論天下士也

王翁傳

余童時從先君子僑居杭州時里中親故時時過從者惟德盛王翁蓋翁與先君子樂善好施甚相得也庚戌夏翁爲仲君請婚未問名而先君子卒余仰承先志遂訂盟焉甲寅寇變余避亂山中翁貽書勸余東下乃與毛子會侯携家間行至錢唐翁分宅以居得日夕親翁緒論別且七八年書問往復知履錄倍常乃仲君書來則翁已捐館矣嗟乎天祐善人乃不遺一老哉仲君郡毛子所爲狀屬余作傳余不敢辭翁諱可儒號德盛世居遂安西南之山厚里少通敏

健松齋集

卷十三 傳

无

念家漸中落不欲以食指煩老親乃棄儒業經營杭秀衢括諸郡籍先世所遺田廬讓其兄父母歿合葬先墓以千金爲祠墓費里人至今稱之翁習於勤苦崎嶇深林叢谷中手足胼胝所獲輒倍鼎革初携貲江干卒遇兵泗水立水中一晝夜始得免又嘗客構李值叛亂屠城倉皇匿僮屍間所挈資亦得無失於是卜宅會城隸籍焉亡何杭城火貲廬已燬其半翁不得出俄聞樓上巨履閣閣聲若有神導之出者旦日謁拜旌德觀其神袍帶宛然蓋天之狀相非偶然者翁性儉朴茹麤食淡衣卽數澣未肯易幅巾芒屨

至老不更杭俗尚奢華齋船簫管競相徵逐翁日局門獨坐并飭二子勿逐逐嬉遊勤儉之德其天性然也顧好施予嘗捐貲還人妻挺身出同輩於獄辛卯壬辰間先君子倡建慈悲菴翁捐錢穀獨半又爲僧延宿德禮大悲懺一時遠近傳誦翁樂之無倦容頃以四方用兵例許入粟授官或勸爲二子計翁歎曰吾非不知旦入金夕可得應仕顧生平循分俟命兒子齒方少驟使之偃然人上恐非所以愛之也余深服其言今年夏病且革二子請召醫翁不許曰吾起孤寒積勤苦數十年得致溫飽實有天幸常念五十

健松齋集

卷十三 傳

无

未有子將散財宗族結廬山中以老今年幾耄得親汝兄弟成立諸孫環繞人生不滿百藉醫樂何爲耶自是日啜水數升易簣之日命陳身後器物於中堂躬自閱視溢然而逝其曠懷遠識臨歿不亂有如此大畧翁之生平勤儉有禮里中子弟得翁之餘以致豐裕者比比尤喜談論每述鄉閭舊聞及少壯時閱歷始終不失一字聽者或欠伸思臥獨娓娓不厭殆所謂精神大於身者耶翁年八十有四子二長弘次倬臣卽余妹婿詳狀中不具述

李烈母傳

烈母姓李氏諱壽大興人先大父閣學公側室也其季父李陽谷京師巨家好從縉紳長者游母生而端重寡言笑及長益務爲莊整閣學公聞而納之平居坐起一小樓足不出戶外卽語以戶外事弗顧性慈恕訓女使皆鮮過失終歲不聞鞭笞聲閣學公罷政家居毛夫人修蠡斯之德母最恭謹每遇良宴會諸人角采鬬碁嬉笑譚諠母端默坐衆莫不嚴憚以故閣學公益賢之早歲舉二子皆殤甲申三月寇陷京師公詣杭州哭臨邑中大猾倡亂破城焚第宅舉健松齋集 卷十三 傳 三

家皆以身免母倉皇緣河東走值遊閒數輩執刀杖後至母懼爲賊辱大呼投珠水死時五月十九日也年三十九戚屬獲其尸屑節孝墓旁問者稱焉先是東陽盜許都反閣學公集衆城守語家人曰猝有變奈何母自諸姬後倡言曰婦人死耳義不得辱身寇果至願開南河門共溺母爲相公羞公義而慰之是時英年十二親聞其言不半載竟以烈死殆所謂潔身踐言者與因記其大節如此

項烈婦傳

余與錫公同出唐處士干錫公長余一歲余兄事之述其先烈母殉難始末輒泣下壬子 詔直省舉節孝錫公循例請之撫軍范公爲聞於朝已奉部議兵寇相逼死與例不符事寢甲寅春避地茶坡館錫公園十日錫公泣語余先母殉烈子所知也大概具外兄項文學傳中而積書焚身頗嫌簡畧子盍爲我詳之夫旌表旣不可邀得子一言猶足千古余曰楊母烈成兄孝是余之志也敢不惟命按烈婦姓項氏諱淑美淳安東錦溪里人幼端飭不樂與羣輩戲或忤健松齋集 卷十三 傳 三

之怒輒能作數日哭長而警慧凡女工粟帛饋任諸細事一見輒諄雖數年後能道數年前事有要務商榷無不切中甫并適茶坡方希文希文庠生故叅議輔後裔也好學烈婦獨總家政奉姑以孝聞年三十未有子自爲希文置一妾未幾烈母生瑞合卽錫公人謂賢婦之報云順治丙戌春潰帥駐淳安沿江數百里皆屯兵戍守所在縱掠希文携家避諫村烈婦念田畝遺廢無以自給會親族姨姪皆居西坑山谷險峻去家近得以兼綜諸務遂徙依焉希文雅好古圖書萬軸悉載以往連茅結舍凡數十所居數月居

沽負販皆赴之幾成市矣五月四日妾子病疹希文携瑞合延醫百家坪烈婦與一姬一婢俱是夕兵驟至因風縱火火將及婢泣挽烈婦衣欲俱出烈婦正色曰出則死於兵不出死於火等死耳死火者不辱若能死從我不能亟去時嫗已先逸見火熾甚復奔入呼曰火封舍矣又曰某某已出匿他所矣皆不應積書左右坐其中人焚書燼烈婦死焉諸逃匿出者或不免於賊郡邑嘉烈婦事載志中顧傳聞謬誤郡謂未亡人抱書投櫃縣謂火焚鄰舍烈婦遣子遠徙刃刼之赴火死皆失實余知其事最詳備述之以俟

信史之采

傳

三

童烈婦傳

烈婦姓童氏遂安人文學童可師女弟也幼貞靜足不履戶外年十七歸淳安許士鯤奉尊章和妯娌里稱賢焉士鯤病天婦年二十二撫棺大節絕食不欲生同輩強起之且曰死而節易生而節難若舅姑老叔幼許氏宗祔繫焉長而有子叔子即若子也於是勉進食事兩親彌謹族罕窺其面踰歲舅姑相繼歿婦鞠其叔慈而有禮叔又善病婦延醫療泊稍長俾就傅且爲授室凡先人未了事以長嫂身任之後叔舉二子烈婦喜曰吾忍死爲許氏一綫耳今有子

信史之采

傳

三

撫孤意畢矣鞠育教誨命其次爲已後蓋兩世孰實一人爲嬰白也時歲末饑盜起常婆間延及淳遂有司不先時備患又不能設策剿捕以故益大譟丁酉盜刼程村經許氏携其叔并幼子婦聞仰天呼曰嗣子死許宗斬矣吾何生遂奔賊手奪之不暇自顧也賊見婦舍其子欲污之婦罵曰吾孤寡母子相倚若屬戕無辜行盡殲汝矣賊怒刀挾之益憤罵不絕口刃貫胸而死八月十有六日也嗟乎童氏一孀婦人耳矢節二十八年至五十而罵賊以死烈矣哉方子曰死等耳乃烈婦欲以身殉夫遲之廿有八年而

後頌觀其生平相夫事舅姑撫叔嗣子持家有方卽
不罵賊死亦賢且節也況其死尤烈乎余故樂傳之
以厲世之惜死偷生者

健松齋集

卷十三 傳

五

蔣烈婦傳

順治乙未盜起開化營山延及遂安焚劫村鎮所至
擄其人繫苦中夜則令兩人互臥繫其左右手足右
手左足參錯縛之縶以鐵紐又或束其肢體血凝惡
而後倒之勒索動百千計謂之做餉戶無得免者十
月營銅山銅山民余和上妻蔣氏頗少文聞賊搜山
抱幼子匿深谷間賊見欲污之婦罵曰我曹本窮民
若屬賊無辜天必戮汝肯爲汝辱耶賊大怒一賊遮
前斫之斷其首猶抱子立不仆其姑隔山見之慟哭
來取其子婦舉子授姑乃殞賊皆駭異今銅山民止
知蔣氏死賊無得其詳者余友毛子枝棠被俘賊中
守卒告之如此癸丑余修縣志以其事白令尹劉君
君具詳府以未經報部不便入志余因請給棹楔旌
之事附弭盜傳後召和上和上村野畏縮不肯前且
曰彼一婦人遇賊死有何關繫而煩官紳乃爾衆告
以故乃托族人具領卽銅山人亦無有鄭重其事者

健松齋集

卷十三 傳

五

章宜人傳

宜人姓章氏先九叔侍講公猶元配也祖可試宰舒城有拒寇功父選貢生復亨世居珠淵里宜人端重寡言笑幼時避亂山谷遇邏卒利其衣飾欲奪之宜人怒自投于池卒驚去得免年十九歸侍講公侍講公年少喜讀書不諳世事宜人常以爲憂辛卯侍講公舉于鄉子辰成進士讀中祕書商繞二十宜人追隨京邸未有子納大興詹氏生子二撫之若己出丁酉侍講公以試事逮繫宜人焚香禱佛經歲不少懈戊戌冬凶問至宜人慟哭投繯侍婢疾趨救宜人泣謂

健松齋集

卷十三

吳

曰我未亡人且無出腹子奈何窺身泥塗以辱家世如侍講公何是夕復自經婢又救免見者咸歎息泣下選貢君曰從容殉義丈夫所難宜人甘爲其難者雖不忍盡聽之以成其志于是婢不復救宜人死焉時己亥正月望日也初侍講公在獄有悍奴頗不遜宜人惡之是夕夢宜人以椎槌其足遂病脛尋死其烈如此

論曰侍講公之變宜人適歸寧叔祖封公屬余往迎之宜人慷慨誓必死歸而自經卒成其志可哀也夫

梁母桂夫人傳

歲丁未象瑛受知今大司農真定梁先生時先生兄少宰公方貳銓銓政投刺晉謁未得見比再至京師少宰公里居數歲矣今年春公喪桂夫人貽書先生命象瑛爲傳象瑛逡巡不敢任先生曰吾兄聞子名冀一言垂後世此千秋之事其毋辭于是遜謝弗獲作桂夫人傳夫人姓桂氏順天龍驤衛人父聯芳萬曆庚戌武進士歷任山西副總兵夫人其次女也少宰公初娶夫人姊已有子女能修婦德己卯歲病卒二子俱夭惟存一長女奉公父給諫公命復迎夫人于

健松齋集

卷十三

毛

歸焉夫人年十九與副室劉共循內職佐少宰公惟謹崇禎甲申李自成陷燕京公母王太夫人時在季弟錦衣公宦邸邸都城音問斷絕公與先給諫公皆孝廉里居間道北訪至涑水聞

皇清兵已入關破賊自成西潰道路梗塞遂微服返里時真定大亂文武紳有從賊者自都窺歸奉廢弁爲帥殺撫軍囚巡按御史招兵拒戰且謀以兵劫紳士投李闖于西安公父子不知也且日挾諸紳士及公父子詣城隍廟告以所謀給諫公正色拒之帥怒縛給諫及公將刀焉夫人方家居從者奔告大驚泣

語諸婦曰家難如此吾義在必死汝曹勿相顧乃與長女閉戶自經會兩學諸生楊言廟中能殺梁氏父子不能盡殺我輩帥意沮而故郡判平陽梁仰亦危言動以利害乃命釋縛而公父子得生已喧傳街市矣家人聞之排闥入救夫人及長女後時乃甦帥意梁氏世貴顯有厚藏分繫府縣衛獄將效闔為酷刑夫人竭所有得二千金猶不滿與劉盡脫簪珥以進會大將軍孟公喬芳張公存仁率師徇畿輔郡縣帥惶懼公父子始得釋公歸與夫人相見喜極而悲縊痕與縛痕相映二載猶未散也嗟乎患難之際偷生健松齋集 卷十三 傳 天

借死者多矣夫人明于大體引義投繯且罄貲營救使寇陷之日勦賊巨僚悉能如夫人亦何至駢辱賊庭金盡身死為天下戮笑哉夫人自脫禍難斷肉食茹齋奉佛勉少卒公以讀書治生丙戌舉進士由詞林歷登卿貳 覃恩封夫人戊午正月卒年五十有七夫人生女四子允潔允祺允章暨三女皆庶出夫人撫之如所生詳墓誌不具述述其大端如此

金衣公子傳

金衣公子柳州人其先蓋出軒轅氏年少美丰儀雅好矜飾儼巧妍麗有翩翩濁世之風膏顧影自賞語人曰服身之章也不見綠衣婢緋衣貴人乎吾雖世烏衣巷開然無章吾甚不取召太卜筮之得坤之五占者賀曰黃裳羽衣其容孔輝以為世儀夫黃中色也文在中而見於外吉孰大焉公子大喜乃著黃冠被杏黃衫子或襲狐裘躡金絲履春日郊行燭然金色人遂稱金衣公子云公子家鸞脰湖邊翠柳長堤方池曲檻彷彿類金谷性警慧善屬文所傳詩有淑健松齋集 卷十三 傳 天

氣催黃鳥之句嘗以所撰謁蔡邑邑奇之比於黃絹幼婦楊德祖所謂絕妙好辭是也春明初來遊上林所交盡一時名士善歌往來柳浪中與諸君巢飲酒酣奏喜遷鶯之曲口暖花明其聲百轉戴顒携雙柑斗酒聽之曰此俗耳針砭許腸鼓吹其見推如此生平雖放浪自喜然勸蠶桑審氣候好善疾惡一飯未嘗忘勸三良之無罪而死為賦黃鳥少時熙遊林薄為飛土所逐關西人楊寶收養之啖以黃花公子時雙環為報且曰君後世必為三公已而果然人服其厚且先見焉顧幹率不屑與齒輩伍已將風扶搖者

輒歎罵曰此賈賈野田雀耳由是衆皆惡之公子不顧或勸之仕公子笑曰吾少師事吾家石公入穀城山中受辟穀術豈望仕者且入世之難如鳥觸樊籠雲中白鶴天外冥鴻豈網羅所能致乎或退而歎曰孔子有言於止知其所止公子殆無愧矣配同郡戴氏女名勝小字雙文聲容服飾雅稱公子公子悅賦黃鸝兒贈之或云鶯啼序晚頗狎雪衣女勝妒之曰兒巧言益武墨也公子戲語勝人言倉庚療妒乃無驗耶遣女歸隴西同入委羽山尸解去子孫仍居柳州紹其衣不變唐時有豪客者憤李十郎薄情挾而

健林齋集

卷十三 傳

早

致之霍小玉猶有公子概云

俞明經傳

往在錢唐交俞璩伯季璩兄弟得識其尊人明經君今年春君歿季璩屬余爲傳夫聞幽搜佚史職也君純孝不讓古人余何容辭乃爲著其大者君諱文燾字天杼號木公先世汴人宋御醫明善公扈蹕南渡因家焉父諱起蛟以明經仕魯王府長史殉難死載明史忠義傳娶陳宜人人生二子君其長也少聰敏至性過人七歲祖歿哀毀如成人祖母病君從塾歸侍牀側扶持臥起弱冠補博士弟子試輒前諸生崇禎癸酉長史之魯任君留肄業每歲試畢走省父母以

健林齋集

卷十三 傳

早

爲常壬午冬大兵圍兗州君適至長史佐王城守聞陳宜人北上命君馳止之宜人泣謂君曰汝父烈士必殉國汝毋從死汝死則父骨不得歸矣君痛哭辭行至滕縣民遮道請勿往君泣曰吾非不知城旦夕且破然父有難子不赴於理安乎趣駕行詰旦抵城下長史守北門滋陽令郝芳聲守東門君呼曰我長史子也郝遣人以聞長史曰城閉矣不得開爲謝郝公吾子入當戮以殉君哭拜城下願入一見父死無恨郝爲力請乃奮而上伏地哭不能起長史叱之命御弓矢雜將士守陴十二月六日圍益惡授兵不至

長史度不能守馳訣王復語君曰城破我不顧汝矣
又曰已遣汝出圍城何復來求死我食王祿分也汝
何辜帥麾下奮勇登城夜半城陷長史巷戰入護王
君中流矢墮馬被擒繫營中守者偉其貌許活之縛
入城者五皆得不死十七日師還其人曰吾可爲汝
計矣營側積薪高三四丈令君匿其中戒勿動時大
雨雪聞斫殺乞命聲甚哀君蹲伏屏息明日乃出積
骸遍野城河水血凝結從人屍上行至御溝遇故舍
人唐賓詢父骸不得二十日舊隸徐德明逃歸乃曰
府君力盡不屈死矣因指死所血帽淋漓無完膚君

健松齋集

卷十三

望

哀慟幾絕會中丞王公永吉兵至爲措棺殮數日乃
畢君股創漸潰展轉苦由中明年正月鍊末微露始
嚙出之蓋鍊在股內者二十五日然卒不死人以爲
孝咸八月扶柩南還見宜人相抱哭宜人曰吾固知
有今日然汝幸免收父骸豈非天乎君著灑血錄紀
其事給諫曾應遴以長史殉節入告得贈諡祭葬如
例血帽藏於匱忌日則陳以祭如是者四十餘年乙
酉君貢成均廷試高等鼎革初奉宜人避亂超山寇
至匿草間宜人問汝妻子安在對曰彼各有命勿憂
也宜人曰父難惟汝今吾避亂亦惟汝言訖淚下不

數日遇盜行李俱盡自是家日貧初君在江南善沈
水部將薦用君謝曰吾餘生也何敢望仕辭不出因
更名緯賦詩以見志時杭初定東城舊宅皆爲兵據
居民失業君率衆訴當事乃悉還民其逃亡丁糧陳
汰之於是奉宜人歸故居宜人年六十七病篤刲臂
肉以進卒不起君痛絕數次冬夏臥喪次蚊蚋風濕
不顧期年始一出里每飯必哭奠夢中見母嗚咽達
旦同里陳先生際叔來唁見君哀戚輒慘然去五年
猶不茹葷人固勸之君曰吾母一日未葬吾忍食乎
卒典所居營之懸父母像出入啓告飲食先嘗後薦

健松齋集

卷十三

望

蓋書傳所紀諸孝行君兼有之可謂難矣家居輯宗
譜卹族姓課教子孫必以禮義待人極和有非禮相
干者正色叱之終身不談人隱微事所著書最富而
感應篇註尤備自遭父難手顫不能作字又哭母幾
盲至是註感應經燈下輒作細楷人皆異之晚自號
松道人擬撰孝經廣註未成卒年七十有五娶楊孺
人子二長美英卽璫伯次珮卽季璫皆以文行名於
時

汪母程太君傳

余與汪子鐘如同舉癸卯賢書又同官于 朝鐘如假歸余爲文送之深羨其庭闈聚慶之樂余試蜀南旋便道拜母堂下竊嘆太君生平荼苦今齒登八十鐘如方典銓旦晚內擢所以報母者未有艾乃客從新安來則太君歿矣冬十月過海陽鐘如以狀屬余爲傳曰知吾母者莫君若也余不敢辭太君姓程氏前福建叅政朝京公女孫也父諱有路生女五太君最幼十七歸贈公贈公少孤貧母憂孺人矢志撫育太君織紵井臼不憚勞瘁或諷之曰若生貴冑何自

健松齋集

卷十三

傳

苦乃爾太君謝曰婦道如是吾敢自逸耶夏孺人歿哀慟盡禮與妯娌處無間言贈公既輟儒業往來荆楚間太君獨綜家計嘗有貴籍舅氏權子母舅歿其家割產爲償太君憐之卒不問竟歸其券鐘如擬應邑試太君不可謂此中習俗移人兒當遠遊廣聞見於是贈公挈之往楚得補博士弟子丙戌應試歸贈公道病尋卒家益貧亥子間大饑太君拮据楮楮僅得存活然終無以自給不得已脫簪珥授鐘如曰汝素攻經業未嘗習生理顧困極矣坐而共斃孰若稍圖生息爲他日計鐘如泣受命乙未歸拜母壽太君

嘆曰向所爲舍儒服買者貧故也今衣食粗足猶逐逐道途兒僅終身貿易中人乎丁酉鐘如復入江夏

庠乃大喜曰差不負吾委曲苦心耳辛丑將往漢上召吳氏女諭曰吾此行俾汝兄潛心學業以需後舉三載當相見毋效孺子泣也比至鐘如方踰屋授徒太君處之恬然江漢名士從鐘如往還者衆輒爲具酒食無倦客祭耶鐘如舉于楚咸知皆賀太君相持哭失聲悼贈公不及見十年來流離困苦得有今日也明年罷春官始奉太君歸前後適三載云庚戌鐘如成進士應內閣試高等除中書舍人太君遺書以

健松齋集

卷十三

傳

勤慎供職爲訓時大叅公後陵替曰甚將毀故第他售太君亟止之曰此吾祖守溫陵歸養時所構賜綵堂也我實生長于此詎忍毀之乃償以值葺而居之仍故額不易人謂太君賢能守先業且不忘舊焉鐘如擢主政版曹晉天官尚書郎屢書迎養皆不赴辛酉遇 覃恩贈公如子官封太君太宜人鐘如肅冠帔歸覲甲子典試秦中事竣復星馳省候得秦碑壽萱字羣歸懸之中堂爲太君八袞慶一時名人爲詩歌美之丁卯春感微疾卒年八十有二子二長鐸卽鐘如見官文選郎中次鐸庠生詳狀志不具述其

大端如此

史氏曰余觀程太君其識過人遠矣當流離困苦之際使終守故業豈有生理哉始之權宜以遂其生卒之激厲以成其材一轉移間賢孝備矣語云有是母乃有是子身受重封遐齡昌後宜哉

健松齋集

卷十三 傳

哭

健松齋集卷之十四

遂安方象瑛渭仁著

行述

節孝行述

六世祖孝子公諱雲槐字國徽號慕庭先世系出唐玄英先生子始祖震四公由始新源遷遂安進賢坊傳六世爲元龍公南宋恩免進士仕本縣儒學教諭教諭公四傳爲忠一公生四子其三爲宗禮公又四傳爲惟免公是爲公大父公父諱文謹世業農母獅山余氏其先人以事道荆南有異夢歸而母適誕因

健松齋集

卷十四 行述

一

名判玉公生四歲文謹公歿母年二十餘由高曾以下五世鮮伯仲行家貧不自給或諷之嫁母撫公泣曰我無天有嬰兒在無生產有十指在且方氏止此六尺孤吾誓與共生死矣人聞其言而哀之時京絹綢解本色有司督催孔亟里中婦多傭於機杼母勤敏早夜操作縑又精好役者倚賴之以是獲餽粥無缺公性孝居恒念父早逝母茹荼鞠育中夜號慟里隣皆太息有泣下者母病劇刲股救療疾得旋愈先是公祖惟冕公出嗣從父永絜絜後有子命冕公歸予金家隴地四畝母指曰此先業也盍耕之時弟雲

桂早天公偉幹多膂力自家達田所十里許曉起操耒耜出城東門躬自耕播夕則負束薪供母爨如是以為常所獲輒倍比壯母為聘於任任夫人亦勤謹當姑意公得盡力生產家業稍稍振嘉靖十八年大饑公積穀得百餘石族豪破廩斂之公扶母踉蹌往視至則無粒遺矣母大忿惜公跪曰饑不常有母幸康歲不足殺我也無何浙東西以剽奪聞詔巡按御史所在治之豪大懼夜叩戶立券為償公盡揮去曰痛已往矣母苦節五十二年病且卒公哀毀踰禮任孺人初舉二女未有子族豪復覬覦雲桂公繼嗣公健松齋集 卷十四 行述 二

凡三男二女五孫子姓繁衍今且百餘人公純孝出於天性剛方質直為閭里所推自其失怙時宗禮公後不絕者如綫母忍死撫孤得成立晚年遂致充裕中間族豪壘吏耽耽几上肉然卒昌孫子拓田廬以貽後世不可謂非天也今里中談先德必稱余孺人及公節孝傳曰大孝終身慕父母公嗚嗚號慟七十載如一日自號慕庭或亦孺慕之意乎節孝墓在城東十里舖印金家隴前此無立錫地使免公不出嗣永聚公永聚公終無子則免公不復歸安得此四畝家地是又有天焉非偶然也公生弘治壬戌詎今百健松齋集 卷十四 行述 三

七十餘年雖學博楊公大韶志其墓而家傳未備敢述所聞冀大人先生採擇焉

見南公行述

高祖諱應庶字文會號見南父孝子慕庭公母任孺人禱於白嶽有異夢方艾連舉丈夫子三感玄帝所錫皆以玄命名公初名玄應後改今名孝子公冢嗣也孝子公家故貧自節母余太孺人十指拮据又躬藝田負薪治家人產晚乃構廬舍拓田莊孝子公不能通理公獨任之家業益駸駸起娶珠淵余夫人生子直完公岐嶷端重儼然如成人公益好行其德先是孝子公爲族豪齟齬奸胥墨吏耽耽未嘗忘明制良家子容止端肅才識通敏者例得推擇爲府縣吏

健松齋集

卷十四 行述

四

公乃補邑刑曹掾滌獄具恤繫囚凡可爲人地者輒委曲營解然不使人知曰德莫大於陰以此博閭里名非吾志也念家世寒素雖數舉明經未以科第顯竭力持戶而以勤學勉二弟季弟補博士弟子以直完公屬之孝子公既老命析箸公性豪舉向時操家政固不爲私蓄別產後益好施予余夫人替珥時時質市中嘗微諷之曰獨不能治生爲後嗣乎公笑曰吾止一子當大吾宗吾揮金不惜正以爲此子也在刑曹數年考滿當赴選中道驟雨主僕相失慙甚遂不復求仕時直完公舉先閣學已七齡公每撫摩之

曰楚楚可兒文名當不遜汝也年甫及艾無疾而逝余夫人亦尋卒公性伉直人有過正色折之小不平輒慷慨論列務得其曲直與人交無城府有所喜不難傾囊以贈而當其拂意時揮案而起杯盤委頓勿顧余夫人以柔承之曲意調攝族戚得無間言當時謂公以俠聞不諱於義夫人以順著能襄其成蓋實錄云公以順治六年合葬二都洪洞村去節孝墓二里志銘未具徵述其大端冀大人君子一言勒之貞珉感且不朽

健松齋集

卷十四 行述

五

直完公行述

曾祖直完公諱可正字允中號直完學者稱直完先生節婦余稱人曾孫孝子慕庭公家孫也父贈大學士諱應庶母珠淵余夫人公生而穎悟比長通五經諸書尤精於易年十二就童子試時邑令吳公擢謙以易學名江西謁選後道出桐城邑人王公銓爲桐城訓導治錢皖江以女孫爲托蓋王夫人生有異徵不欲輕字人也吳公下車得公及余公應詔奇之目爲雙璧然方生福較厚以王女許字焉余後領順天解早卒人謂吳神鑑云萬曆丙子擢博士弟子冠軍

健松齋集

卷十四 行述

六

時同邑毛光祿一公尚在諸生善談易公從之盡得其學明年紫溪蘇公濬視學兩浙首重易盡屏諸家訓詁公奏論閭閻深奧衍發先後天之祕紫溪大稱賞自是以易授里中執經問業者歲數十人公於易無所不究精心圖象鈞析卦爻多前人所未發門人余叔純尤得其傳所著周易讀爲學者宗尚其他以易得舉毛司馬以下又十數人公獨數奇不過晚年益精義蘊擁皋而談風發泉涌識者謂公作止語默皆易非獨語言文字也戊子連丁贈公余夫人愛壬辰王夫人繼卒時閭學公生八齡公不欲委之俗師躬

自督課夜則畫被授嘗夜分命請易義偶失對公怒起操大杖逐之閭學公走匿牀下公從弟署丞君跪請曰見善屬文盡聽爲文自贖命授題立成七藝公燈下微榮乃得解壬子閭學公舉鄉試公復下第歎曰吾學易三十年不獲用於世今且在汝天不負節孝其益勉之先世自元龍公以恩免爲儒學教諭至曾孫以忠以德兩公各四子支系繁衍散處至不相辨識公曰吾貴也醴金建祖祠堂楹几筵悉遵典制立宗法撰家訓敦詩說禮族人始知親睦乙卯以明經歲薦已未授桐鄉訓導捐俸葺學宮修建孔子

健松齋集

卷十四 行述

七

廟堂嚴課校却例金士有冤抑白守令立伸之時桐鄉令張定志與閭學公同舉南宮執禮謹甚好事者以竿牘請公怒曰暮夜金何爲及我於桐五載兩臺交章論薦陞福建壽寧知縣壽寧在萬山中文治簡陋公首闢延賓館集諸生問難又建壩與方拔寒士許觀俾與棘闈邑童子觀闈自此始平市值斥蠶胥吏盜帑金立抵於法官族奪民妻論還民憂秋稅蠲聽民自交兌里胥不得上下其手甲子議調繁松溪公已得疾力辭不待報徑歸抵家甫旬日閭學公典湖廣試便道省覲兼程拜榻前公起坐詢楚閩事時

魏忠賢擅政閣學公發泰交策推易上下志同之義
論刺時政語極切直公讀之點首曰汝言人所不敢
言是可報天子不負吾學矣已復曰非試命汝不出
都非楚還汝不歸里父子會聚皆天也晚起猶以易
學勗子孫至群濫然而逝公性謹厚規範峻整與人
交和易誠恪嘗瞑目危坐言不及褻服其教者謂謫
然春風中人自不敢犯今里中易學率本公教遞相
授受故遂安易爲最盛所著大易全解五經纂史斷
節錄諸書藏於家崇禎中祀桐鄉壽寧名宦郡邑鄉
賢公歿之歲仲子文學公赴省試禱夢于忠肅祠忠
健松齋集

卷十四 行述

八

肅授以周易上下篇瘡而異之是冬公卒壽六十五
適盡易數云

閣學公行述

大父閣學公諱逢年字書田孝子公曾孫直完公長
子也母王夫人早卒公年八歲從直完公受家學毛
明經一選見而奇之以姪許字焉直完公庭訓重經
義戒不得笏驚公夜篝燈取諸子百家伏讀之遂博
通今古年十四補府學弟子員與同邑汪公喬年齊
名邑令韓晟好士剡獅山書院延公父子及汪公歲
時講論家貧不能具舟楫每試輒草屨往返四五百
里比歸已首錄矣萬曆四十年舉於鄉主考上饒鄭
公以偉襄垣李公瑾皆當時人望雅重公以學行相

健松齋集

卷十四 行述

九

砥礪天啓二年成進士高陽孫公承宗爲讀卷官嘆
曰端人正士也改翰林院庶吉士公在詞林矩度雍
容文辭博雅大學士葉公向高韓公熲皆器重之爲
延譽聲名大振四年授編修時太監魏忠賢竊政漸
立威福廷臣交章論劾金不報諸大臣多引疾去公
既爲諸公引重常恨無言責不得盡言會奉命偕給
事中章公允儒典湖廣鄉試首發策以上下泰交爲
問舉漢常侍唐北司詆刺時政語極剴切有云天聽
寢高中旨頻傳重臣乞身元輔予告言官重則削秩
輕則奪俸舉朝不得其解爭切齒於與箋問一巨璫

大蠱乃皇上過憐其小忠小信之跡竟忘其大奸大詐之謀憲臣擊之不動言臣擊之不動并部院卿寺擊之亦不動矣公疏勿省單疏勿省卽閣臣揭帖亦勿省矣甚且奪勳臣之精喉部郎之杖馬史未伸破柱之誅而長安天下搜亡之令夫天下之患莫大於版章未裂而人心先騷宇內豈無人寧有薄視士大夫而覓臯夔稷契於黃衣閹尹之流者一時傳誦稱快忠賢見之大怒矯旨降三級調外用時公已丁外艱歸璫怒猶未已南御史希忠賢意疏論山東主考郝公士膏有旨公及章公等正副考官八人皆削職

健松齋集

卷十四

行述

十

爲民追奪誥命養馬當差御史劉廷佐論救亦奪二級當是時提騎四出楊左諸公皆死公設重門置榻以待會嘉宗晏駕得免莊烈愍帝登極詔原官起用崇禎元年升左中允纂修神光熹三朝實錄先是崔魏用事編集三朝要典以私意誣詆士大夫無得免者實錄亦多類此帝既毀要典命儒臣重加修定公持論公平人以是益稱之三年充經筵講官帝威嚴諸臣進講多失措公在講筵五年敷陳詳明帝每尋容諦聽四年陞左諭德會試同考取馬世奇楊以任項聲國詹爾選葉樹聲等楊項有盛名馬後殉國難

詹葉直諫稱名御史得人爲最盛九月武會試榜發南北士大譁帝亦聞武舉徐彥琦有膂力被放頗不憚考官楊世芳劉必達皆得罪命公及倪公元璐更試公以時方需將帥舊制右文抑武乃奏允殿試臚傳悉如文制賜王來聘等及第出身有差武舉殿試自此始六年以右庶子復主順天府鄉試公凡四典文武闈留心人才麻城劉侗已黜落公閱其五策淵博亟收之劉以著述名德化文德翼負雋才辛未春試公力薦不可得置副榜文終身感泣曰公固古大臣憐才盛心也七年進南京國子監祭酒罷撥歷陞

健松齋集

卷十四

行述

士

規獎名士徐孚遠周立勳等明年升詹事府少詹事請假卜葬十年召爲禮部右侍郎署部事充纂修兩朝實錄玉牒副總裁實錄舊書周宗建死於獄公曰諸公抗節杖下不應書死以斃易死字他更定多類此皇太子冠充正使提調東宮講讀韓國公後裔李世遷奉太祖手書求復封出內府御書舊校不類下詔獄公以其幼幽繫日久奏釋之十一年詔廷臣舉人才公卿多易子而薦公獨舉同邑汪公江後歷三邊總制殉難襄城二月帝召對羣臣公言東南絹解累民卽如臣鄉原不產絲駁退卽家產蕩破請改折

便帝以絹供內用難之公頓首曰臣非敢徑請永折祇求暫折今歲駁回之絹庶稍甦民困又言人才必操守無玷事業乃有可觀因及民風士習數事帝領之語具經筵召對記六月進禮部尚書兼東閣大學士入閣辦事時帝急於得人所向用多不循舊格同入閣者武陵楊公嗣昌欽縣程公國祥金谿蔡公國用黃縣范公復粹皆以外僚擢用而公獨起家翰林一時以爲異數公端重寡言雖渾然不露崖角然既爲東林善類人多側目而程公復剛方寡合獨善公於是同官皆忌之會兵餉缺刑部贓罰多追比不前

健松齋集

卷十四 行述

三

給事中吳希哲彙奏帝怒以罪尚書劉公之鳳之鳳以入亡產盡積逋實不能完自請繫部獄吏希首輔意以其疏屬公公謂賊比未完株累久同瓜蔓之風老臣應從輕帝不悅不得已改擬戍復不聽乃具揭引罪奉旨冠帶閒住去公在政府僅七月務持大體而苦於掣肘不能有所施設又去非其罪時論惜之家居課子孫營先人墳墓躬自督視直完公資產推予二弟祇受祖產三之一以供享祀十七年愍帝殉國公詣杭州哭臨殉難小錄遺馬世奇姓名公嘆曰君常不死吾黨無人矣已索他本見之乃曰吾固知

君常必死也君常世奇字蓋忠孝大節師弟相信如此福王建號金陵復故官致仕公表謝馬士英方當國引用逆案諸人慮公等復用擬旨以先帝勵精圖治諸臣誤國遂擢大難隱咎從前政府於是留守南和伯方一元薦公及錢公士升何公吾騶先朝舊德皆不報大兵下江浙公避地紹興善法寺復之餘徙天台九月卒於衢州事載國史故友毛可仰收公骸王令不得波累子弟乃奉喪歸公生平儉約家居出入徒步食不重味性至孝每念少失恃及而公喪每祭必立少時姊紫微損已食食公遂病瘵死公終身莫祭爲文警拔有奇氣晚乃務爲博大書法宗二王後更做孫過庭所著有經筵講義制草館課問劍學飲乳洞等刻行世雪滌齋文集若干卷藏於家

健松齋集

卷十四 行述

三

祖母毛夫人行述

祖母夫人姓毛氏十一都人先世六代同居詔旌其閭曰義門父諱一迷邑諸生夫人性寬仁端靜頗不以才見族母章貞女未嫁守節居小樓獨引夫人同臥起夫人年二十二始歸閤學公時王夫人已早卒繼姑章太夫人頗嚴峻夫人以柔婉事之無忤色及貴或有舉舊事問者夫人曰姑安得有此人言不可信也太夫人耄夫人年亦踰七十生辰令節先期具儀物必豐潔歲以為常及卒悲涕不食其純孝如此閤學公家故貧不給膏火夫人常嚴寒瞑坐及閤學建松齋集

卷十四 行述

古

事閤學公忤當削奪洎賜環晉秩穆然無喜愠七十後子若孫相繼叨科第以益務栽培為坊耳目頗昏眊孫曾環繞多不復辨識以次撫摩十不失一辛亥正月望前一日偶感微疾余家自甲申寇亂室廬盡燬諸父昆弟散處城西南聞夫人病羣集榻前比明無少長皆至遂卒距生萬曆壬午享年九十里中咸謂夫人婦德備具所留貽至厚封崇一品壽至耄齡親視子孫登仕籍為浙東罕觀云

建松齋集

卷十四 行述

三

兩叔祖行述

文學公諱蓮年字書玉直完公仲子閣學公異母弟也母章太夫人公早慧能文章閣學公亟稱之弱冠補縣學弟子員喜治家人生產不屑屑制舉業敝衣布履早夜計畫家日益裕閣學公歎曰吾弟殆無心仕進矣然自少多聞彊記閱古今書過目成誦年五十餘猶就試郡邸市時義數百首臥披之隨手棄去余偶叩所得公歷數某科何人人何篇篇何句娓娓不失一字嘗避亂山中夜被盜以聞於官獲大盜數人不肯承公指盜物內裙曰某襪積處有補綴大小

健松齋集

卷十四 行述

六

高下悉如所言乃具伏如律尤善悟測謎射覆輒奇中晚年墜廢壤爲圃雜植果蔬藥春時蒔舊可喜至秋實累累語人曰老圃不如也自奉至約饗客輒豐潔家故蓄良藥酒鳧雉麋麋竹豚童魚之屬多非常饌然亦不數款客也生平無求於人亦不樂與人通余喪先母從公僦片地爲殯公笑曰汝乃用僦耶余感之至今未敢忘也已酉公壽七十親族謀屏幃爲祝公不悅曰今俗尚錦軸濫極矣吾老儒無功德可稱必爲是是冒我也力謝免余賦詩美其讓乃謂諸子曰是良知我命書之并以題像辛亥夏大旱公

體豐不耐暑熱遂病歿數日卒年七十二娶王孺人繼娶鄭孺人康熙十四年合葬石羊灣

題封公諱蓮年字書衡直完公季子也少閣學公二十八歲與文學公同出章太夫人文學謹朴務生產公亢爽俊邁每非諂之好搜奇書交里中名士年及三十始隸博士弟子豪於酒闌地城東南爲穆園時花蓄朱魚引賓客歌妓飲其中酒酣譁呼譁浪或使氣至罵坐御家人至嚴徐太宜人以下皆噤不敢出聲僮婢有過笞之或至百爲人排難解紛數語立決重然諾揮金不吝糞土也明末天下大亂招致術數

健松齋集

卷十四 行述

七

材勇之士厚蓄之流離轉徙多得其力順治丁亥春試茂才高等當是時家值多難里中擲掄百端見公文章意氣始稍稍斂某翁治具飲公其族有忌者揚言將辱公公知之獨詣其家反復諄讓其人氣奪不敢出徐返索酒豪呼縱飲竟席而散公潛心制舉業于侍講公猶年十五六躬自督課余兄弟嘗叩公經義詞理簡切於大全諸書尤折衷不苟引滿縱談雄豪固自若也辛卯侍講舉於鄉公卷亦被薦爲主司所落捷至人謂必屬公不意其侍講也公慮侍講少不更事僦車同北上明年侍講成進士選讀中祕書

公始歸與先伯父先府君及諸知交爲讌會日夕豪
飲丁酉之役侍講公坐事被逮尋卒公悲慟成疾旋
丁章太夫人艱又哭徐太宜人鬱鬱山居者數歲思
以酒自遣時時同故酒徒二三人携樽山莊野寺浮
白飛觴然不數行沉沉矣自是疾益劇戊申二月
卒年五十七公生平好學晚年課二孫節錄尚書毛
詩左傳國語諸書手自繕錄又取周易集註增損之
參以諸儒論說命余爲序今又十餘年矣公與先府
君生同庚於家庭中爲最厚公嚴慈先府君寬和多
所調劑侍講公變後不常入城市每過先府君輒留
健松齋集 卷十四 行述 太

飲無少間云配淳安徐太宜人性柔婉公之嚴曲意

承順無忤色先公二年卒

先府君行述

府君諱成郊字稚官一字景問先大父閣學公仲子
母毛夫人仁儉有厚德生府君兄弟三人伯父茂貢
公題封文林郎諱成都叔父太學公諱成郊別有述
府君孝友仁恕與物無忤里中稱長者事閣學公先
意承順家有大小事召府君數言立解去內睦宗親
外通賓客皆得其歡心閣學公之變府君適病亟眼
瞶走衢州省候不得從南向涕泣計至時避亂蘭溪
山中爲位伏而哭歲餘議迎喪田廬已盡苦無資府
君粥已產先妣吳孺人脫衣簪爲助喪歸弔祭殯厝

健松齋集

卷十四 行述

九

之事悉肅任之後議償田十畝府君不受悉助入祠
供祀奉祖母夫人尤孝謹夫人有所需輒問府君嘗
解衣脫帽爲童兒戲夫人前或述里巷諸謔博驩笑
夫人遽苦昏眊飲食起處躬自奉視生平篤於友愛
伯父性嚴重叔父剛直寡合府君以和劑之始終無
間言叔父嘗爲亂兵所留府君力疾驚起涕泗哽咽
氣結不能言久乃甦叔父尋亦得免康熙中與五叔
孝廉君遊吳門五叔遽危疾不食飲者旬餘舌毛長
寸許府君親視湯藥日取帛裹指拭口中指爲潰裂
五叔嘗曰微仲兄吾幾不生矣里中香河令姜公調

鼎少許可獨稱方仲君無媿真孝友云家居和易近
人人亦樂與親暱與人交無久暫親疎貴賤悉推以
誠家人有過責讓而已有佃田者煮糠粃爲稻以供
租既去水流泛地或請訟於官府君笑曰彼冀重鉢
兩耳不能再也卒不問家難時寄居某家某故府君
所庇者惑人言頗嫌見累府君立徙去僦民莊以居
某歿往哭之盡哀里中人求貸無不曲應後其人多
死或貧不能償取其券悉焚之凡四千餘金僧某募
建慈慧菴捐資首倡每歲葺橋梁施棺槨辛卯壬辰
間歲大饑府君貸粟爲粥糜飼餓者所全活甚衆顧
健松齋集 卷十四 行述 辛

家漸中落出入每苦不給不孝赴舉府君典金獅墜
爲費及再被放自念蹇劣貽老人憂中夜與歎府君
聞而憫之癸卯舉於鄉府君歸自姑蘇舟人競負徐
曰恐又入債叢耳蓋終身未嘗見喜怒焉性嗜酒能
日進數斗不擇酒不較量酒明買客田夫亦盡驩無
倦嘗獨行市上一村老謂曰公奚往家釀初熟能從
吾飲乎府君欣然歸取鮮菜荷蓋行烈日中就其家
酣飲而歸出入不樂以人自隨午過必聚飲非城南
民家卽獅山石頂醉則客愈定無疾言放態然雖終
日飲實亦未嘗醉也爲文敏瞻蚤歲餼郡庠未老投

牒棄去手錄格言盈帙刊布崇儉約戒食牛犬說陳
徵君模世語曰言雖通俗至理不可易也少時夢入
一古寺老僧曰之曰頗記憶乎若本祚也因自號本
祚居士庚戌四月不孝入閩六月伯父病府君延醫
審視憂形詞色十六日從鄰翁小飲偶中寒越五日
卒於中庭年五十有九 覃恩敕贈文林郎翰林院
編修當疾革時諸孫侍謂引禭曰語汝父勉自立我
不能待也親朋褻侍者百餘人舉舉之日奠祭盈道
路里隣號慟皆曰長者死矣不孝方客建寧忽中夜
躍起狂呼煩悶若不欲生同舍驚視莫敢問不孝惴
健松齋集 卷十四 行述 壬

惴念府君明且亟歸七晝夜馳千二百里而府君已
奄棄十日矣嗚呼慟哉不孝少失所恃幸府君偉貌
豐頤強健無疾病明年壽躋六十乃竟不能待不孝
既未盡奉養之義復未能拜受遺言親視含斂何容
苟延視息顧祖母夫人耄弟妹幼稚不敢以未了之
事貽惆九原又念府君幸生世胄孝友仁恕實爲閭
里所推是用投淚撫陳仰冀一言光及泉壤不孝死
且不朽如謂夸言失實非不孝所敢出也

先母吳孺人行述

先母姓吳氏淳安太平鄉雲村人六世祖倬雲南按察使高祖欽湖廣僉事祖一枋廣東副使僉起家進士而按察以征黑苗功配祀諸葛武侯廟父諱觀光積學舉明經任刑部主事娶方孺人生子四女二母其長女也年十九歸先府君時閣學公官翰林府君留治家政母性嚴肅慈傷內外惕然不敢犯督耕織身自操作盡出簪珥治生產或諷之曰而翁方宦達何必爾母太息曰人生惟勤儉所積乃可久富貴安足恃耶及甲申後室廬貨產皆盡母所手置獨無恙

健松齋集

卷十四 行述

五

乃服母遠識云少警慧從諸兄涉書史喜觀列女傳不孝兒時母指示某也賢某也孝歷歷能記憶也事閣學公及毛夫人皆得其歡心土寇之變舉家散失母獨奉夫人走田郎村俄傳賊大索民家母徒步一婢負夫人倉皇匿山谷中得免自是夫人常與母俱無少間也不孝幼受書母督課最嚴每夜讀必遣人覘之聞啾啾聲則大喜馳果餌相勞否則閉戶自責跪請乃已不欲一日使廢學乙丙間天下大亂郡縣皆集兵城守不孝年十餘偶與里中兒嬉戲爲戰陳母聞撻之十已垂涕曰吾寧不知愛子願吾爲汝家

婦止育汝一子不思讀書承先業乃從亡賴子游

言已泣數行下不孝自是下帷不敢出丙戌先府君携家避亂衢婺間丁亥始歸寄外家時遭家多難母日夕愁歎又連值災祲米粟多不繼以是漸衰瘵久之得血疾醫藥舛誤疾乃日劇癸巳冬盜起常山開化邑大震不孝奉母避村莊十二月疾甚亟歸不孝侍榻前夜半呼曰吾生平無所苦獨恨未覩汝成名及見孫耳汝勉之不孝哽咽不能對十有六日卒享年四十三嗚呼慟哉母歿之三年長孫引祺生又八年不孝舉於鄉今孫三曾孫四 覃恩贈孺人皆我

健松齋集

卷十四 行述

五

母意中事然已不及見矣夫風木之悲人子所同憾顧不孝少鮮兄弟一妹蚤殤昔人以杖之重輕驗親力衰盛不孝以慈母爲嚴師音容杳渺垂三十年求昔時一杖不可得豈獨祿養不逮爲憾哉向時草率敘述兵火後久失其藁謹憶生平大端以志哀慕焉

伯父歲貢公行述

伯父歲貢公諱成都字稚華閣學公冢子也與先府君叔父太學公同出毛夫人閣學公家故貧授徒爲生公獨與母夫人俱敝衣蔬食寒夜至不能具簪人及長登第有幹畧閣學公官京師公總家政米鹽凌雜應賓客年二十餘始補邑博士弟子課兩兄最嚴嘗曰仕宦家不及時訓督卽膏粱執務中之矣延吾師余公養質晨夕課教凡十有四年公性嚴教人不敢干以私有不當正色叱之嘗夜行里中子弟及僮奴輩嬉戲街市間望公燈影倉皇避匿至相傾跌

健松齋集

卷十四 行述

五

不暇顧以是愈嚴憚之崇禎中杭州管守備李某京衛人罷官貧不能歸公憐之爲資給弁以二女謝公却不受弁固請受其一公怒曰吾哀若貧今受女視我何如人耶弁泣謝去公歸終身未嘗言也甲乙間天下大亂閣學公避地台紹諸郡公往來隨侍閣學公卒雖奉令不得波累子孫然籍產令下胥隸承牒催督如風雨又人心險惡椰榆者萬端公以家督身任之經營勞瘁歷五六年時邑人王某爲郡橡以事奪公族兄可銓邸宅值數千金可銓訴於巡撫橡已竄身撫標可銓亟投牒請下臬司鞠問乃具書其事

馳示家人以外緘屬公公不辭爲封識數日橡黨某謂得之以告橡遂白巡撫坐可銓賄管而以知情論公備極楚辱公不辨已驗內外書跡知公無與乃得釋可銓卽今檢討韓祖也橡後事敗姚亦坐罪或以舊怨言公笑曰事往矣且彼業自受何用報爲人皆服公雅量甲午長兄象琮舉明經辛卯仲兄象瑣中順天鄉試已亥成進士公始入城居經理舊業宗祠燬廢垂五十年歲時褰祀主者祭於其家公會族人釀金剏建立祭法辛丑歲貢一詣省試卽投牒歸仲兄李荊州數遣使迎養公不赴曰古人有言維儉

健松齋集

卷十四 行述

五

可養廉吾方冀爲良吏乃以老人累汝耶甲辰東陽詹氏爭訟出家譜首官譜中僞撰江東紳士序傳及閣學公語多狂悖已入告下法司矣當事按籍責捕羽檄飛馳人人惴恐公慨然曰吾昔遭家難備歷艱險今事若此非安坐時也率諸子弟分道陳雪是月爲公六十誕辰單舸就道已奉部議假冒悉置不問事得寢自是優游里居重葺閣學公舊第與諸弟親知爲宴會西園種竹數百竿牡丹桂各十許本花時置酒極歡公素善飲然有節不亂每酒酣引滿數行輒毅然起人不敢留客皆曰從先府君飲洗盞更酌

必盡醉乃已從公飲適可而止無酒過也少工書學
二王晚年喜爲人作書日作蠅頭細楷數幅語余曰
目力不用卽易昏吾久不屬書頗苦之久乃漸明故
樂此不疲耳庚戌春偕先府君徧遊諸山寺旬日而
返八月卒年六十六 覃恩題封文林郎江南合肥
縣知縣元配余孺人江西叅政諱焄孫女竹溪知縣
諱金垣女柔婉慈恕公之嚴多所調劑壬辰正月卒
年四十八子二卽兩兄也繼配鄭孺人生子二象玠
象珩

健松齋集

卷十四 行述

美

叔父太學公行述

叔父太學公諱成郊字稚菖閣學公第三子長身偉
幹少孤峭不屑與流俗伍年十四補邑諸生博涉諸
史及他書傳論古今成敗得失人物臧否具悉其本
末閣學公自南祭酒入爲少宗伯公侍京邸循例入
太學得習聞中朝掌故接賢士大夫所見日益廣闊
學公罷政歸公豪放自喜與里中少年日夕縱飲或
踞五獅山絕頂或泗文林湖中令童子浮杯水而啜
而飲之性剛直不能容人過見敗行飾詐者必唾之
或酒後拍案大罵聞者快焉族有豪奴數伐人冢木

健松齋集

卷十四 行述

毛

公廉得實一夕被酒遇於南城下叱之奴頗不遜公
怒呼僮立捶殺之主者大恚憤然邑中人則歡呼相
告曰三公子爲通邑除害矣旣而悔之深自檢飭甲
申後益務爲謹朴盡變其少所爲凡交游宴會悉謝
絕間有所赴酒三醺殺二簋束身緘口不復與戶外
事亦不投公門一刺長吏過訪匿不見素不治生產
閣學公盛時薄田不滿百畝患難中鬻去過半安貧
守約人更以端方稱之先師長子公暨毛祥符際可
重公行先後延之署中公每事持正內外肅然仲兄
李荊州復請主家政公敦尚儉嗇鮭菜酒脯皆有定

數兄以衣裘進受而藏之敝袍布履日手一卷坐內宅門無敢通一言者胥吏望見不知何許人已詢知公也乃大驚嘗慨葬師誤人專心堪輿家言少時踰江淮歷齊魯久留京師已復登太行入上黨泝舟黃河游大梁旋由彭蠡升大別盡江漢荆楚之勝最後省少弟六叔父於粵東遂泛洞庭度大庾嶺至於南海周覽南北大戒歸而益喜自負徧歷鄉邑相其先世丘墓以志驗因得縱觀諸家譜牒及棹楔碑碣考據前代職官鄉先達科貢始末手錄成帙癸丑余應郡邑聘修縣志請公同事補亡正謬皆舊志所未有

健松齋集

卷十四 行述

天

公之力也其論地理專重巒頭黜理氣謂巒頭爲體體立而用自具一時形家無敢造門者至亦數語立折去然所相擇率不愜意久復棄之晚乃卜兆斗閣奉祖父母歸藏焉余謁選入都尋奉命纂修明史公貽書祖孫史官上游所僅見顧大典宜加慎季世事尤難不可忽也家譜舊多散佚公殫心蒐輯三十餘年以古系源遠不可考斷自震四公以下支分派列犁然畢具命余撰次先世行實且曰韓忠獻祖父誌銘不事誇張自足垂遠汝勉之余不敢辭謹述節孝以下五世凡十篇附書郵寄公親加訂正間有指

槌無不精當生平落落少許可已令周君光啓康惠得民心卒之日民號哭罷市公謂令良吏數十年所未有書來屬余志其墓然實未嘗一識面也手鈔地學諸書甚富釋其尤精者十種行世苦無資長兄刻畢精先成公大喜命余爲序余久未得就及具藁上而公已捐館矣時辛酉臘月三日也春秋六十有七元配胡孺人甲子舉人諱文衡女性端靜事毛夫人至孝謹織紉操作日無虛晷年四十卒繼配范孺人亦前卒子二象敬元配出象琛繼出女四人公幼敏悟凡圍棋蹴鞠相人寫真挽弓馳馬之事無不能爲

健松齋集

卷十四 行述

完

文清簡有雋氣然未嘗輕命筆偶爾記事或作小尺牘言不煩而意盡乙卯丙辰間避亂錢唐余與諸子約爲古文辭公深加稱許每脫藁輒細楷手錄書法學顏魯公間倣張芝索靖晚益工其寄京諸牘手書精整至老無懈筆云

亡室吳孺人行述

余年二十喪先妣孺人甫釋褐先府君見背孰與一身所爲經營佐理無內顧憂者以吾妻吳孺人在耳孺人之來京師也流離烽火無家可歸又念余善病飲食啓處不欲委之僮僕故遠隨邸舍一官未就鬱鬱食貧者三年去年夏蒙恩濫竿史館意稍開報稱歸隱鹿門嗚呼何期今日遂成永隔哉安仁哀逝奉倩神傷伉儷之私何敢辱大人先生聽聞惟是婦言婦行實有不忍湮沒者是用收淚述其大畧焉吳於淳安爲著姓父郡庠君諱達觀先妣同母兄也要

健松齋集

卷十四 行述

三

賢溪方太孺人生五子及孺人兄家駿弟家容皆有各庠序而宏與余同登癸卯賢書貢中戊午鄉試克世其家孺人生而端重不好嬉戲刑部公奇之曰是兒有志行惜乎女也年十八歸余時先祖母毛夫人毫孺人先意承順能得其歡心明年吾母病屬孺人以家政棚內外井井整肅母病困不食孺人徧市甘肅中宵露立牖下伺食竟乃歸或笑之曰何嚴憚乃爾孺人曰婦畏姑奚笑耶先母歿事繼母余太孺人益謹嘗慮語言小失矢於神深自檢飭母亦倚重之無間言庚戌夏先府君寢疾余適阻建寧孺人碎肉

藥和粥以進府君甘之顧孺人淚下及卒孺人率引襚執大事或謂府君體豐不宜暑議三日移殯於外孺人慟哭持不可曰翁幸有子成進士奈何未成服遽委荒野甲寅寇變余携家西泠叔父太學君困頓山谷中孺人謂余曰翁兄弟獨叔翁存耳風聲鶴唳牛救不得飽盡迎之至則親視庖餼卽鮮菜亦務整潔嘗曰吾嘗奉塾師饗賓客不敢草草治具况尊者乎垂一載無倦容其孝親敬長類如此余丁酉庚子兩罷秋闈孺人簪珥之屬典質畧盡時諸父諸兄皆先後獲尚余獨數奇人或慢易之孺人悲曰細人

健松齋集

卷十四 行述

三

無知吾夫子豈青衿老者歸則益相勸勉或有他嬉遊輒正色規阻癸卯秋試出衣飾佐道理費捷至孺人不色喜徐曰稍可吐生平耳余嘗病疽狂躁不得寢孺人引燭視之紅暈浹背乃大驚禱於天願減年瘥病者禱畢余已熟寐矣詰旦腫去表叔毛君枝南曰一念之感神速乃如此是二事余嘗念之不忍忘也平居課諸子嚴每文藝見稱師友則大喜稍不若輒引咎自責待人務勉以謙抑曰處地既高孰敢輕汝顧汝輩不善下耳四父母病革無子議以三弟象瑣爲後余太孺人難之孺人進曰番如是鬼其餒矣

夫姑所不決者慮小叔出嗣無恒業且本宗資產復無與耳第從之均若產母慮也太孺人喜以告先府君議遂定蓋一言決大計非尋常巾幗所及也性勤儉督耕課穡無虛晷豚彘雞鷄之屬亦躬自經理衣必數浣敝則縫緝以禦冬而賑貧給難不惜倒篋予之鄰比胡生貸孺人粟計子母且十石貧不能償孺人召其妻問故立取券昇之胡十五者家貧鬻其妻已受直矣中夜哭別孺人聞之亟予粟三石且曰慎毋出妻有不給當以告我十五拜且泣且詣還之則娶者已在途族衆謝之曰賴方夫人賜不鬻妻矣其

健松齋集

卷十四 行述

三

人亦感歎而去是時余客會城及歸以語余余曰善事也汝能之吾滋慰矣他如施棺賑粥多此類顯性卞惡不能容人過人有失怒形於色事過輒已有不平反復爭論必得其曲直又好操作故往往善病家居田廬稍適自來京師踟躕拮据極生平所未有十一月遂患血疾力不能多致參藥今年春漸劇余咨嗟不樂孺人曰君奉

天子命修史儒臣職掌惟此奈何以婦人病誤千秋大事三月病甚遺命諸子讀書修行兄弟親睦毋爲父母羞四月復起跡家事五月十九日疾大作遂不

能支生平奉準提白衣經咒甚虔屬續之頃指語余曰佛菩薩去矣問以他事無所言孺人初不知書丙午後始稍稍學習性通悟遂能稽簿籍及他書卷尤精女工少時取髮縷劈之爲山水人物細巧如畫閨閣中爭寶之孺人生壬申年五月二十四日午時卒庚申年五月二十八日戌時享年四十九明年單恩贈孺人子三引禩引禩引禩孫繩武繼武繼武振武憶四月二十六日孺人方病起得次兒汴中書知已成婚午餘家報至大兒舉次孫三兒補博士弟子錢唐洪昉思作三慶詞爲壽或有以全福稱孺人者

健松齋集

卷十四 行述

三

孺人謝曰是何敢輕言賴天地祖宗之靈他日歸老故園白首相依子姓無恙差可自慰耳其言卑遜近理不謂其遂不永也今遺挂壁撫事懷心語無倫次曩時述先府君行實不敢一字浮誇死吾父於地下其敢諛婦重增罪戾及夫人先生憐而祭之感且不

朽

亡仲子行述

仲子引祺字奕昭小字台孫生而穎慧豐頤廣額步趨如成人六歲就外傳書一過成誦嘗與三兄同就姜表弟受古文姜子愛之曰授二子書如噉生梨鬆脆爽人余爲求婚於同學毛子會侯毛子賞其文曰神韻高秀如玉山上行快婿也好讀通鑑及他書傳每余與毛子談詩文掌故聽之忘倦以是多知古今事入都學爲詩楚楚多秀句性至孝能曲體父母意母病或悲怒輒旁皇涕泗母哭亦哭母不食亦不食跪請進七箸乃已每出遊得佳果必袖歸奉母父母

健松齋集

卷十四 行述

書

最憐愛之與兄弟處和顏怡色至辨論文藝有不合反復未嘗屈也素善病三四歲時患滯下肛脫服葭數斤始愈體益弱不耐勞已未秋遣大兄三兄歸就試兄獨留侍庚申上元日例許都人入禁城觀白塢梅檀諸寺兄往遊倦且餒市餅餌食之遂病脾漸羸瘦三月母病劇兒泣禱於神者旬一日日請於余曰母疾甚矣佛事虛文耳卽厚饗祀誰啖之計惟得美木差慰人子心願父官貧安能辦此兄請獨任之馳貸於婦翁倘憐而許之乎言已哭失聲會病間乃止四月母病起謀爲娶婦代家政告毛子毛子自汴遣

入來迎兒躊躇不欲行母慰而遣之時尚健馳馬出都門顧塗遠憾頓又重念母婚後病遂日劇五月母歿余馳召之但云母病念兒而陰以實白毛子毛子曰增病如此使復聞母訃是速之也且母喪業不及視含殮祕不使聞爲好語慰之兒得書泣曰常時吾父書必詳述母病狀今僅曰如前得無事已變姑安我乎益號慟不食疾轉劇奉書於余有曰母病幸瘥當俟稍健否則力疾就道古人有殺身以爲親者兒豈不能耶余讀之惡其不祥不數日凶問至矣嗚呼慟哉時大兄奔喪自浙至相抱哭極前聞兒訃又相

健松齋集

卷十四 行述

書

抱哭夫兒雖質弱多病然神氣未減汴梁之行意早竣婚事佳兒佳婦歸慰病人耳誰謂生離遂成死別既哭婦復哭兒天之降罰至此極哉諸子皆以不得送母爲憾而兒最篤孝展轉悲憶且不知母死信而遽死九泉乍見其爲慘切何如也嗚呼慟哉兒生壬寅九月初七日卒庚申八月十九日年僅十九婦毛氏幼服庭訓通書知大義兒病奉湯藥親濯潄數月不解帶兒歿數求死乳媼守之不能得今年三月夜自投樓下幾死得復甦嗟乎生兒娶婦乃至以節烈見豈家門幸事乎附記於此放筆一慟

健松齋集卷之十五

遂安方象瑛潤仁著

碑記

重修方氏始祖漢黟縣侯儲公廟碑記

凡世家巨族傳世久遠其祖若宗必有功德卓然可垂於後故歷久而彌盛所謂衣服之有冠冕水木之有本源也吾家世望河南由周之元老而遷歛東鄉則自漢長史絃絃之孫諱儲仕漢爲太常有功德今江以南諸方所祖黟縣侯是也公自舉直言極諫所至以明斷著稱其忠孝大節生死不二後人不知大

健松齋集

卷十五 碑記

一

義顧取所傳諸神異事競稱曰仙翁而公之生平功德反泯沒不彰愚竊怪之嘗思搜輯碑乘及他傳記撰爲行實會新安諸宗修公祠廟成屬象瑛爲記因考據而論定之公諱儲字聖公或曰聖明祖絃大司馬長史王莽亂避地江左家歛之東鄉父雄建武中官西河守生三子兄儕南部太守弟儼丹陽太守其剛果皆類公公少失父事母至孝長而博洽洽孟喜易精天文識緯之學所言多奇驗章帝建初五年二月朔日食詔舉直言極諫以嚴穴爲先勿取浮華丹陽太守周歆乃舉公公對策極言天降災咎各以類

應因指切時事有曰君失制度下不恭承臣忤悞慢

又曰百姓苦士卒煩碎責租稅失中臬師外營經歷三時內有怨女外有曠夫王者熟推其祥揆合於天圖之事情旱苗可除夫旱者過日天王無意於百姓恩德不行萬民煩擾故天應以無澤又曰民悲怨則陰類強河決海溢地動土漏言皆創切帝嘉其直除郎中召見詔郎能文居左武居右公獨位中曰臣文武兼備惟所用帝以亂絲使理公拔佩刀三斷之對曰反經任勢臨事宜然帝益奇之尋有詔直言士皆補外官乃以爲句章令民有亡田器者詣公訴公已

健松齋集

卷十五 碑記

二

預知盜主名立使人召之盜駭服人以爲神六年遷阜陵令七年再遷陽翟令遭母喪親負土爲墳墓哀毀踰禮服闋猶不忍除有鳳凰白兔之異元和元年太尉鄭弘司空第五倫舉孝廉賢良方正對策復第一拜博士遷議郎尋爲洛陽令尚書張林嫉之教功曹殺人夜寘寺門以誣公公又預知功曹所爲遣卒責捕功曹叩頭服罪請勿坐老母公許之母竟不坐四年拜太常和帝永和五年郊祀公言天且有變宜更擇吉帝不從已而風日和暘郊還責其欺罔公曰臣推步萌兆天降有咎不敢不言今咎時且至願亟

還使者去公歎曰為人臣蒙不忠之名奈何愛死飲
醢而卒須臾爾電如斗死者千計帝大驚召公公已
死贈尚書令封諡縣侯詔護其喪還葬歛公生平見
於唐左臺御史張文成碑及宋李孝光傳裔孫回廟
記大畧如此其中亦有乘錫省母喪還惟隻履之說
然事頗不經且非公所重故不具述大要公之為人
孝於事母忠於事君其學以易爲宗引義盡言明敏
善斷其歿也以死明不欺所謂成仁取義自非劉向
郎顗輩所能及乃史官不爲立傳其言畧具衆劉昭
補注後漢五行志中於是世人不得其本末徒見公

健松齋集

卷十五

碑記

三

言動不常輒以爲仙去夫古者有功德於民則祀之
公忠孝大節章章如此生爲烈士死爲明神亦何足
怪卽謂公果有道術彼顏真卿李泌世未嘗不傳爲
尸解究之兩公建豎卒不在此况公功德茂隆其剛
大之氣塞乎天地固有歷千百世而不替者哉然則
子孫推美其祖宗其輕重本末蓋必有在矣公墓在
淳安縣學前卽歛東鄉境廟祀則徽嚴山中皆有之
宋明帝遣鍾離景耀以大牢致祭贈龍驤將軍開國
公政和中父老言其靈異賜廟額曰真應在今柳亭
山明萬曆間爲僧所據宗老刑部尚書弘靜等訟於

官始復祠顧歲久傾圯康熙八年裔孫儒慈紹堯
倡議修葺翼然還舊觀象瑛羈滯京邸未得瞻拜祠
下今年夏族姪兆儀致諸宗人之意因舉其大者以
告後人推揚祖德或亦公所樂聞也其諸派輪助名
氏詳載碑陰俾後世知所考焉

健松齋集

卷十五

碑記

四

遂安縣重建孔子廟碑記

孔子廟祀徧天下所以尊師重道使人興起教化也顧琳宮梵宇往往金碧輝映而聖人之宮反傾圯剝落見者太息是豈吾儒之教不若二氏哉尊師重道之心不勝其求福避禍之念而身任教化者未能見乎其大也遂安僻處上游文風夙著兩浙甲寅之變文廟傾頽兩廡鞠爲茂草十年來未有過而問焉者何侯下車卽捐俸重建議者謂遂當兵火之後瘡痍未起侯清操惠政出入尚苦不給今土木遽興卽不費民間絲粟然歲俸無幾紳士輸助亦有限何能鳩工庀材訖告成事乃侯顧切切焉以治廟爲急豈好勞哉夫學所以廣教而廟者興起觀感之地也今國家正學修明淫邪屏息

健松齋集

卷十五 碑記

五

皇上幸闕里 御書萬世師表頒行學宮復 親製碑文所以教天下者至矣一時蒸蒸向風度無不修舉典章增崇廟貌遂爲文獻之邦乃聖人之宮蕪廢不治何以仰副德意使民興行侯不憚竭蹶而經營之蓋誠見夫

聖天子尊師重道之意與郡國長吏興起教化之方其化民成俗者必本乎此所謂見乎其大而非有所

冀倖於其間也卽以世情論之曩時文教蔚興科第相望喪亂以來士之罷於闕者十餘年矣今甫落成而毛生超倫裒然秋薦抑何捷也意賢大夫舉事其初造之誠固有與氣運相感召者歟傳曰有其舉之莫敢廢也遂之當修舉者多矣繼自今士氣昌明民情悅豫春秋釋奠之餘若倉廩若社學若使署若寅賓館次第興復以備凶荒以修禮讓以安使節以接賢士大夫先其大者而餘乃余及焉然則侯之大有造於遂豈直一時一事已哉教成而道尊化行而俗美以治天下可矣侯諱偉號五峯關東人是役也學

健松齋集

卷十五 碑記

六

博嘉善支君隆求寧海張君天佐協心經畫邑諸生汪可珍方成蕙勤勞襄事例得并書

開化縣重建先師廟碑記

開化縣學舊在起鳳門內萬曆中邑令蘇公瑾善堪輿家言乃遷望極門外鍾山之陽山水環繞規制弘壯鼎革來漸就傾圯雖屢經修葺訖未竣事康熙戊午山陰姚君來主學事謀於邑大夫崔侯舉吉侯祥先後踵修駁返舊觀矣壬戌五月大水垣宇崩頽椽瓦盡沒君方上春官司訓沈君德涓手出聖賢主于波濤中君歸哭語沈君曰殆吾二人不職所致耶何斯文之厄也時屆春祭乃修築明倫堂爲釋菜地明年吉侯以老去嵩州董侯下車毅然任之于是君

健松齋集

卷十五 碑記

七

捐貲首倡士皆樂助擇文學十人董其事會邑民方漢等輸巨木數十株遂鳩工庀材越歲而告成諸生汪子巖叟輩貽書屬予記其事竊惟國家定制自邦畿以逮郡邑得通祀者惟社稷與孔子顧社稷壇而不屋歲時報祀而已孔子則官牆廟貌千古常新所以尊師重道化民成俗也然歲月浸久不能無頽廢自非賢師帥時取更新之固未能使人觀感而興起也今

天子雅意右文黜邪崇正前年 駕幸魯躬祀先師于闕里 御書萬世師表頒賜學官復 製碑文勒

石金聲門右一時庠序承風無不倡率更新以副

聖化開邑介萬山中夙稱文獻名區乃聖人之官委之狂瀾其何以化民成俗俾知尊師重道之意侯與君不憚經營而拮据焉可謂知所務矣吾聞之創始難舉廢更難蓋締造之始協心積慮工力畢萃故一舉而功易集若頽廢剝落之餘事起倉卒謀未僉同卽憑高而呼而昏墊餘生未有不廢然返者今學之建也侯主之君任之邑士民共成之圯者以正廢者以興可不謂尤難歟夫學者教育人材之地也曩時卜遷之役大司空汪公中丞徐公聯鑣繼起爲時名

健松齋集

卷十五 碑記

八

卿今士風猶昔而秋闈罷舉至三十年振而興之不重賴于今日乎聞工竣之日 御書適頒邑人欣欣嘆爲盛事繼自今諷詠絃歌復臻昔日之盛則侯與君之有造于士也大矣古者政教同原故官之爲令教之爲師所謂德行道藝皆政比閭族黨皆教也侯方以教養斯民爲己任而君近且報最擢尹黔之安化矣夫儒與吏無異道也當其爲師也典學興行淑斯人于三物六行之內則其爲令也遂其生復其性使窮荒深箐之氓去其頑穢以若于仁義固有不外此而他求者易曰觀乎人文以化成天下教養之澤

又豈止姑篋一方已哉余忝隣封喜侯倡率之誠造
任事之力諸生邑人贊襄輸助之義于尊師重道造
育人才均有賴焉因書此報之後人從事于斯當亦
有觀感而興起者矣侯諱鐸河南嵩縣人戊子舉人
君諱夔浙江山陰人甲午舉人

健松齋集

卷十五 碑記

九

墓誌銘

富順知縣劬菴余公墓志銘

里中劬菴余公舉進士宰一邑明末歸里杜門者三
十五年康熙丁巳春余來京師過公爲別公年八十
餘飲啖笑談若五十許人去秋馳書通問則公捐館
舍數月矣公子中恬輩與兒子引祺同筆硯屬余志
墓余弗文誠不敢任顧老成凋謝吾黨所傷乃爲公
志其大端焉按狀公姓余氏諱國禎字瑞人號劬菴
邑西南儒洪里人祖志寵父登瀛皆隱德不仕公生
而岐嶷六歲能屬對年十一補博士弟子時故總督
健松齋集 卷十五 墓志銘 十
汪公喬年倡明易學公負笈往從獨得其祕自是文
名藉甚試輒冠多士執經受易者戶常滿天啓甲子
毛司馬開府三吳延公幕府公自授經論文外未嘗
一言及公事司馬深重之崇禎改元詔郡國舉明經
公以貢入南雍癸酉舉應天府鄉試受知於故相國
蔣公德璟庚辰成進士復出蒲州李學士紹賢之門
兩公皆當時人望士類榮之明年授四川富順知縣
富故巖邑豪強積胥相倚爲奸利公至抑豪猾清積
逋招集流移吏不得上下其手壬午分校得知名士
七八時張獻忠將窺蜀徵兵措餉民不得休息而夫

馬戶累民尤甚公多方軫恤郡守丁汝璣貽書曰愛惜貧民一念天地鬼神將憐之况人乎蓋公之治縣如此然冠叢於疆民困日甚汪公殉難襄城公知時不可為益無心仕進矣癸未入覲便道還里自後遂不復仕家居著書自適順治初縣大夫延公卿飲賓公投牒謝曰某民也得安耕鑿於聖世足矣其敢干大禮絕跡公庭歲時一投刺而已今

天子命儒臣纂修明史博採山林文學之士與前代遺獻傳史館誠得公數輩必能網羅故典以裨信史予方擬就公訪之而惜乎公已亡也生平澹泊勤苦

健松齋集

卷十五 墓誌銘

士

茹蔬食糲冠履敝盡不棄程褐屨泮未嘗更跋涉道塗間以一童自隨或以從大夫後諷者公笑而謝之性嗜學既老猶執卷向日影中日枯制義課諸子歎稱笑曰使吾復應童子試寧不當芥拾青紫耶乙未冬益起常山開化躡邑境公為所掠羈繫兩月餘得脫歸適屆六奏自是益齋心却世事然喜稱人善毛祥符際可方垂髫亟為延譽子婿章進士振萼孫婿家明經姪儒林皆童年自擇人服其鑒諸子負才好學令偏交諸文士常以文謁余余題謝公曰君方引掖後進奚辭焉辛亥之秋余以邑稅政屬民集同志

條列利病得請歲省脂膏二萬金公時年七十六矣與議亡倦容或勸之稍休公執余手曰吾老矣得君輩嘉惠閭里心樂之不疲也益相引重如此而今已矣公生萬曆丙申十二月卒康熙己未三月壽八十有四元配陳繼任繼陳皆前卒子四人中恂增廣生娶余姊先伯父歲貢公女也前公一年卒中恂中悒中慎俱廩生女三人孫五人中恂等將以年月日葬公某所銘曰

緊誰幽宮曰前進士少為文人壯為循吏及其老也潛德不仕克儉克勤以明厥志考卜於斯山川所萃

健松齋集

卷十五 墓誌銘

士

宜爾子孫式承弗墜

文學王公墓志銘

康熙癸卯秋余與王君行健同舉于鄉時君以文名
二十餘年矣顧屢困公車癸丑就廣文試第一已未
來京師屬余爲文志其先太翁墓余適候 御試未
追項溫筆史館念君之托久未能應且聞揚南隱史
職也何敢以不文辭按狀翁諱一敬字長興號兼山
世居淳安東之富德源先世景清公以明經仕福州
經歷數傳生鏗明萬曆元年恩選常以尚書擬冠浙
闡累于舉主僅得副浙有副榜自此始鏗生子四季
曰良猷則翁父也翁生而穎悟從塾學一口成誦師

建松齋集

卷十五 墓志銘

七

無能督過之兒時機警帥羣兒戲輒雄其儕輩十歲
卽習爲制舉之文時里中聯文社四方士雲集翁以
童髫與焉同里方公應宿器重之語子弟曰毋以王
郎爲少爲鄉閭光必此子也以女妻之丙午補博士
弟子與闈試已酉秋再赴棘闈同舍生皆攻苦不輟
翁微粲曰何自苦乃爾耶日走問水亭目送諸湖舫
晚則復逆之衆更相責讓勿聽也入闈疾作成首藝
後卽力疾勉構同考余公懋孳得之擊節稱賞至次
藝輟筆嘆曰何遽草草若是不知其病固不能支也
翁歸深自改悔研心經史自是試輒冠軍益心喜自

負囊雖穎脫直且暮遇之乃連赴七閘皆無復向日

之知感慨悲涼神傷骨瘁比再丁內艱而病已入膏
肓矣甲戌冬忽斷筆酒乙亥正月卒生平讀書觀大
意書法祖黃魯直祕不欲示人好蓄書家藏萬餘卷
從未一加丹鉛若手未觸者詢之故娓娓成誦也性
嗜酒然未嘗有酒失晚益沉酒卒以是得疾人謂之
酒化益無聊不平之感皆托之於酒不能去則以身
殉之吁可慨也已翁生云云行健以康熙戊午九月
葬翁及方孺人于荷坪上乃泚筆爲之銘銘曰

緊雄於文抑豪於酒與天爲徒數奇弗偶荷坪之山

建松齋集

卷十五 墓志銘

古

貞珉是守鴈斯詠斯以昌厥後

文林郎遂安縣知縣梅巷周君墓誌銘

康熙己未冬太平周君筮仕得吾邑君夙具文行爲先叔侍講公所取士而其先從曾祖少峯公爲邑宰以循卓稱入至今尸祝之余既喜梓里得賢令君少峯公之澤將再見而通門世好得相與以有成也出都之日執手丁寧爲鄉閭計甚至君亦不以爲嫌卒聽而力行之民欣欣有起色乃兒子書來則君奄然逝矣嗟乎天哉何奪君之速也嗣君啗貽書屬余志墓余方哀君之亡且爲邑人慟安容辭按狀君諱光啓字旭上號悔菴世籍寧國之太平曾祖洛泉公懌

傳松齋集

卷十五 墓誌銘

五

舉明經有學行惲弟恭簡公怡嘉靖間進士歷官太常卿直諫名天下竝以理學祀鄉賢少峯公恪則邑所傳隆慶中賢令今祀名宦者也君少承家學十歲應童子試輒冠其儕輩家貧不能延師課教諸弟皆以文章名父瘵疾爲文祀竈願以身代及卒哀毀喪葬悉如禮自以家世理學益刻意砥行與人言無虛浮人有一善咨嗟贊成之族嫂孫早孀守節時時分館穀爲資給叔祖文學公可宗從父孝廉公萬年皆以理學重里中力請崇祀邑大令將額外丈田又數起寃獄君作詩諷諭至投牒爭之事竟寢順治丁酉

舉於鄉時南闈頗多蜚語

章皇帝悉召諸貢士覆試午門擢今宮允吳公珂鳴第一賜進士君名第四明年再覆試又高等顧屢赴春官不第己未十二月始授遂安知縣君歎曰吾雖終斬一第然少峯公遺愛之邦而侍講先生故里也不負先德以不負吾師共在斯乎明日余往訪之舉邑中民情風俗及年來困苦狀君太息久之蓋邑民淳事簡稱易治前令數輩以酷虐濟貪墨正賦外計畝橫索民不能堪至粥妻子田廬猶不足嘗徵實上控復致而斃之怨怒不敢言康熙辛亥令量移去余

傳松齋集

卷十五 墓誌銘

十六

與父老子弟列其實於督撫諸公悉罷諸苛政實蠲胥劣矜於法刻石永禁復爲均輸之議稍資公用既不病官又不困民歲省二萬金一二年間皆得取婦完廬舍兵興以來余避亂錢塘諸蠹役稍稍進繼爲令者不能遵行議者謂良法美意將蕩然盡矣至是余悉以告君且曰初華難遵行易君第爲其易者君謝而許之下車訪求少峯公遺跡舉余所陳請勒石者悉加悲飭杜苞苴革火耗裁季里平官價暇卽優禮寒士斥假命訛詐者九輩時兩富室爭訟或有以暮夜請者君怒曰吾藉此爲喪具耶其人慚悚一囚

恣意株連人人惴恐君愆在官數人餘悉不問嘗語諸子曰遂民淳卽完賦一事可驗古稱糧無善徵吾不動鞭朴而爭輸恐後他日當踵謝以彰厚道蓋君之治遂與遂人之所以待君者如此君始病人恐失君羣禱城隍之神或各禱於其社歿後持服哀慟罷市者數日議祀君名宦數十年來令之得民心前此未有也君素豪飲無疾病以前令連帑金營脫去當事責君代償久不能應隸呵辱之患憤成疾易簣前三日夢天門山嶺牛洞僧招之曰來來已復從之曰去去君賦來去歌六首作書別紳士嘆曰吾家世理

健松齋集

卷十五 墓志銘

七

學惟隕越足懼今日庶無愧少峯公乎生平和平易簡朴動以古人爲法使稍假以年其施及遂人當不減少峯公乃向之闢茸去職者皆得優游歲月而君獨不永其年且詆辱於下隸以死嗚呼可哀也已君生某年月日卒某年月日享年五十有八配汪氏 敕封孺人子二長囑生員娶黃氏次元臣業儒娶譚氏孫一弘樞帽等將以某年月日葬君某所銘曰大小馮君治有譜誰承厥先歆豆俎懿哉周君民父母考卜於斯永今古

歲貢逸菴王君墓志銘

戊午秋余分枝京闈得內丘王生慎修卷精思雋采望而知爲才士已慎修來謁得悉其家世尊人逸菴君積學砥行爲鄉閭所推慎修文行卓卓受于庭訓爲多歲癸亥余奉 命典試蜀中明年還 朝則君已歿矣慎修奉所爲狀請余曰慎修不孝方冀專精舊業以報吾親詎意志未遂而親竟不及待也麗牲片石惟先生一言命之余病甚然知君久烏容辭按狀君諱爾祿字被甫晚號逸菴世籍洪洞明初徙居內丘始祖諱聚良傳七世至邑庠君維垣生三子長

健松齋集

卷十五 墓志銘

六

郡庠生諫卽君父君性醇厚事父母最孝謹弱冠補博士弟子敦尚朴素步趨不苟人多以遠大期之時邑人喬還一講學西園君負笈從遊質疑問難與喬劍州文衣爲詩酒交明末河北大旱盜蠶起君爲盜所執神色自如叅將土某救之始得免爲再生錄忠其事自是流離患難日肆力經史順治乙酉餞于庠壬子以歲薦 廷試高等入成均不復求仕喜讀騷選漢魏初盛唐詩沉醉其中手錄成冊尤嗜陶靖節詩花晨月夕輒發爲吟咏不輕以示人人亦罕知者又以詩近浮華取濫洛關閭諸書窮究旨要慎修

有時譽作名箴以戒之生平敦尚孝友祖塋古栢盤
蔭族老謀伐之爲利君垂涕勸諭至橫逆相加絕不
與較著留相行以志感家雖貧願好施予人有窘迫
或遠遊者薪米饋遺無不周然未嘗有德色戊午慎
修捷賢書君諭之曰賴祖宗積行得小成名須以謙
抑居之己未壬戌兩罷春官則又諭之曰非世無識
者學未到耳中實無主而喜談風氣學者之大患也
里中圓津菴丘壑亭池爲一方之勝君築園菴畔雜
植松竹花木登臨嘯咏悠然自得與舊時老友爲讌
會足不入城市者十餘年癸亥夏君壽七十自題一

健松齋集

卷十五

墓誌銘

九

律有但求子姓存忠孝世篤淳良莫爾違句頗似訣
子孫語未幾果病尋卒君生某年月日卒某年月日
享年七十子一卽慎修壬子拔貢戊午舉人娶韓氏
孫二長岷大瞻慎修以某年月日葬君某所銘曰
文高河朔名在成均敏德不仕以全其真黽勉堂構
最哉後人宜爾子孫此貞珉

經孺人墓志銘

代

壬午歲余受知于宮諭濟寧楊先生踰兩年爲崇禎
甲申先生棄家放浪江淮吳越間甚岑寂也已婚維
揚經孺人始相依爲晨夕孺人生幼子通倫先生尋
卒水蘂無孤越三十年比佺成立有妻子而孺人奄
然逝矣今年冬佺緘母孺人狀屬余志余于先生之
歿既不獲侍疾治喪而又念孺人相夫課子不克從
先生同穴也哀孺人實以悲先生而又安忍志孺人
墓顧先生與孺人已千古矣南北異所使後世貿然
不知所由始是重傷先生心也雖不文何容辭按狀

健松齋集

卷十五

墓誌銘

十

孺人姓經氏揚州人父小溪公豪爽喜談今古奇節
事孺人時時聽之卽嘆美不置口幼善病寄育外氏
家每念父母寢食俱廢兄早卒姊又遠嫁孺人孝事
二親母寢疾躬侍藥餌數年勿倦方申酉間先生去
家南游其客維揚也幽憂成疾卽舍無伺起居奉湯
藥者揚州守任君民育與先生同鄉舉聞經氏女賢
捐俸代聘孺人始侍先生于流離中時江左荏苒
發先生携孺人往來嘉禾武水間風雨播遷饔飧弗
繼恬如也已卜居毘陵方壘里先生坐臥一小樓爲
詩歌自遣或沽酒豪飲醉則慨悲歌北望涕泣

數行下孺人委曲解喻丙戌子佺生先生以孺人既有子益放情詩酒遂致危疾孺人侍牀第不解帶交馳者數月先生竟不起時佺甫三歲孺人欲以身殉遺命善撫孤抑情中止當先生易費時屬長子通膺會葬毘陵令經氏母子守墓孺人卜吉已奉安寓里元配孔孺人偕諸子自山左來謂先塋在故土而先生獨南厝于理未安遂遷柩以北佺幼姑留南以俟他日蓋自是而孺人責愈重矣負郭瘠田僅足自給內撫孤兒外支門戶有人所難堪者佺出就外傳孺人延師擇友每文期聞師許可輒欣然喜稍未當愀

律松齋集

卷十五 墓誌銘

三

然不樂初未嘗煦煦姑息也母病卒棺衾之費悉爲措置小溪公歿買山合葬其孫某家貧失怙撫之如已子人謂善體親心焉先生喪既北歸卽寓側爲衣冠墓歲時享祀悉如生時其進爵必以序徹饌務緩日遺言在耳奈何盡歡生前祭則草草畢事蓋每事知大體如此乙卯歲過故里拜祖壠及先生墓南旋未幾遂卒生平勤儉飯心佛法其從先生于患難茹苦食辛不減鹿門偕隱甫生子而先生歿今且三十載憂勞憔悴苦節以終真無愧先生矣先生楊姓諱士聰字非聞號鳬岫濟寧人辛未進士官至左諭

德孺人生年月日卒年月日將葬武進縣之江以南知先生流離患難時相與周旋者有經孺人也銘曰

辭家殉國傷哉孤臣母共荼苦撫孤食貧南北異室懿行勿泯維節成忠以勗後人

律松齋集

卷十五 墓誌銘

三

祭文

祭先師長子令余公文

順治十有七年秋七月癸酉先師山西潞安府長子
縣知縣吧洪余先生卒於寢受業諸生各爲位北向
哭八月丁未祭告先生之靈曰嗚呼天何奪吾師之
速也世之承其年大其用富壽安享者比比矣先生
無缺德所報曾勿逮焉是天之鍾先生特異酬先生
則甚薄也嗚呼先生弟子何心能不悲哉先大父之
於先生也見其文重其人謂端重有體殆壯人正士
於先生之家塾俾某兄弟叔姪受業焉朔望輒過論

健松齋集

卷十五 祭文

三

經史時時爲先生點評文藝蓋待先生如此敬且篤
也先生律已以正訓諸生亦最嚴因其材誘進之不
率者罰後先負笈磨集蓋自辛未迄甲申館寒門十
四年追隨杖履最久而胡曳杖云亡不及覩諸子樹
立也嗚呼悲哉先生雖生望族而家世寒素又不能
治生授經外一燈一研而已修脯之入以奉母夫人
給諸季大父所以重先生而太息也先生文至高試
輒前諸生顧不得一餽廩似小得失亦有鬼神憑之
丁亥春始首擢貢成均都人士爭師事之謁選得晉
之長子夫長子嚴邑也太行脊背河朔襟喉比年來

聞稍較矣先生爲政寬嚴謹恕各以其道蓋德行文
章治縣不異擁皋比耳提面命也顧以冠叢僻邑無
端代僎里旋之日行李蕭然或意澤潞天下奧區先
生卽不妄取何一貧至此然而發先生之篋彼囊數
襲無長物也易簀之夕幾不能殮則先生真貧矣嗚
呼慟哉先生年過五十尚未有嗣甲申戊戌先後歿
二子今之出蚩九月兒者先生一綫也尚平之哀言
謂難期豈意睽離之會遂不及見邪慟乎悲矣雖然
先生幸有子矣未掩一杯之土寧忘六尺之孤他時
讀父書廣宗祏惟先生默相之某等幼親函丈長立
健松齋集

卷十五 祭文

四

春風遠慙姚泓之侍疾近愧黃幹之治喪然而鏤心
刻臆神愴骨悲白日可寒息壤不改必不訛國明理
隔負吾夫子也生芻一束其輿然鑒之乎

祭邵武張太守文代

嗚呼古今忠臣烈士捐軀殉國者多矣千百年後撫時感事莫不咨嗟慷慨想見其爲人况闔門盡瘁如公者哉公名家子專人忠勤公啓土兩浙勸德重閩越間公雖起世蔭側儻不羣自牧三州倅杭郡以至守邵武殊才壯志未嘗須臾忘家國也嗚呼乃竟以一死畢生平哉方閩藩構逆公義不屈辱不得已爲董承王允之謀事機未遂身死雙門六子二媳同日就殞嗟乎倡亂以來貪生附逆者比比矣卽不然忍恥間關亦得苟延旦夕公獨駢首白刃而不辭子殉

健松齋集

卷十五

祭文

三

父婦殉夫僕殉主昔劉仁瞻一門盡節方遯志九族受誅以公較之爲何如哉夫死有重于泰山有輕于鴻毛公固不肯辱家聲而負簡任也嗚呼難矣今天厭禍亂歸骨長安

天子褒慰忠寬愍綸且旦暮下夫易州公遺愛地也風蕭蕭兮易水寒其將率佳兒佳婦往來昭王臺畔乎白楊衰草蘼露興歌公氣作山河固有所不欲聞矣然則瞻拜九喪歸來萬里莫而不能不哀者某等私情也其強然鑒之

祭餘杭嚴先生文同葉元禮舒崇

嗚呼先生往矣悠悠斯世豈復有憐才好士如先生者哉蓋先生總東南之秀自舉進士以至領度支文章道義天下模楷而稱道之聞訃之日僚屬涕洟士奔走視舍斂哀辭誄章充溢棟宇生榮死哀卿大夫得此於人益寡矣亦何俟兩生之言謂足告先生於地下惟是先生憐才好士根於至性寒士視爲依歸文人奉爲表率卽一技一能之長亦無不咨嗟獎引通其有無悉其窮乏蓋至歿無餘貲而先生之憐才好士概可見矣象瑛舒崇幸同鄉國其文章知遇非

健松齋集

卷十五

祭文

三

有要結之私攀援之藉也舒崇弱冠爲詩文先生謬加稱許今且廿餘年矣象瑛雖誼屬通門然間關流離未能望見丰采去年秋先生歸自通州始以文上謁又未得見十月六日先生譙集諸名士舒崇先在坐問慰曲至象瑛入先生降階執手且曰頻年聞君名今乃得相識然讀君詩文蓋已久矣當時座客無不驚嘆謂先生之遇兩生如此其厚也今年春天子雅意右文思得博學鴻辭之士備顧問命公卿各舉所知先生聞之加額曰盛典也吾雖病敢無以應已語所親曰吾所知無踰方葉二子者會舒崇

謬爲政府諸公論薦例不得更列於是首以象漢入告而寧都魏禧秀水朱彝尊次焉象瑛謁謝執弟子禮先生笑不受曰吾輩文章契合何用此舒崇聞之亦感歎不能已嗚呼先生之於兩生非有獨厚也一則薦之而輟於例一則亟稱之以聞於朝是豈尋常聲氣之感哉此無所求彼無所私其知我一也夫人自授經以後所爲感恩知己者惟兩閣主司糊名易書主司未知其人而取之 大廷廣衆先生知其人而舉之嗚呼先生誰謂拜疏四閱月遂一病而遽殞哉昔者歐陽文忠公以獎進天下士爲已任曾鞏

健松齋集

卷十五 祭文

七

名未立爲之延譽蘇洵來京師上其著述於朝至今以爲盛事象瑛舒崇雖不敢望子固明允然先生今之歐陽也其所以待天下者無非憐才好士之誠而其於兩生也亦卽古大臣以人事君之義顧嘗讀子瞻祭歐公文述其父子因緣出入之感而終之曰上爲天下慟而下以哭其私然則先生歿而高山流水不忍復聞私心誠不容已先生沒而憐才好士之誠不可復見於當世其爲天下慟可勝言哉

祭香河令姜太翁文

嗚呼太翁與吾家締好五世矣自壽寧公于昆季有授字之歡先相國暨京卿公復同朝相善婚姻之好筆墨之交知翁者莫若予也嗚呼竟長往哉方京卿公之盛也譚姜公政績無不知翩翩佳公子者蓋翁家邁不羈周親隣悉貧乏諸父昆弟咸析產以贈其慷慨好義真覺世無難事比年來亦中落矣而豪邁不羈者如故夫十畝之園亭語石之巖壑樽酒圍棋家無儲粟不稍顧蓋篤友于課孫子君家樂事也嗚呼乃竟長往哉生平于書無不窺旁通岐黃青烏之

健松齋集

卷十五 祭文

七

學益積學者四十年始以明經宰香河人謂翁慷慨尚義是宜親民然豪邁不羈非所以服官也無何果以挑浚爲民左遷校丞矣佐校之明年署篆卽墨又以供饋驛驢爲民代辦而罷官矣夫爲民罷官較肥囊奪職者何啻星壤然而行李蕭條三年羈旅捐館之日藉紳士以殯嗚呼豪邁不羈之效固至此耶方從者之歸也翁年逾七十蠅頭細書勉子孫以讀書作文之道且曰家庭寒酸況味不必相聞夫較奕忘倦曠矣鳴琴之際得毋廢事乎政務興除心勞圖繪勤矣貸官鑑以惡民得毋便于民戾于官乎監司諒

其心紳士樂其義何優游歲月訖無成緒乎凡昔素
適不羈之所爲終之傳以此翁之景亦以此在翁固
有不樂聞也嗚呼老成凋謝行道咨嗟予家封檢討
君殞于戊申明經文學兩贈公連喪于秋夏使翁而
在惋情當必更切乃愴然又復來告意予兩氏適當
阨數乎抑與地贈諸老猶能聚首夜臺也試思歲時
伏臘兩姓子孫無日不會今且環經談心墨衰相對
傷心慘目何以爲情蓋不待旅櫬歸來而泫泫然泣
下矣翁豪邁不羈毋乃笑其未達也哉

健松齋集

卷十五 祭文

元

祭先考府君文

慟哉吾父之逝也不孝少失所恃痛心慘骨十八年
矣稍堪自慰者我父幸康健耳豈意今日亦長往哉
我父仁厚和易當大父閣學公之盛也未嘗以貴介
加人及不孝叨提南宮亦澹然不異平素庭闈之孝
謹昆弟之友愛蓋性而有之香河令姜先生嘗言方
仲君無媿真孝友嗚呼劣材薄德安享遐年者比比
矣誰謂我父遂長往哉夫期頤壽考古今所難若甲
子一週人生常有耳我父稍延半載則六十矣喪母
氏於墓門悅高堂以祿養誠分內事嗚呼我父何不
能待而遽逝也不孝自計偕來出入必告建寧之役
父所命也拜書省候知起居故亡恙卽遙望故鄉亦
謂我父園亭避暑把酒臨風與二三知己痛飲如常
耳詎意病未決旬奄棄諸孤三月睽違遂結無窮之
永憾千里奔馳兼程匍匐未盡養生之義復乖堪死
之經名教罪人尚何以自解然猶苟延視息者未了
之事方身任之不敢以苦塊餘生重獲舉於九京耳
嗚呼慟哉雖然我父承節孝之遺徽紹壽寧閣學之
家教實勿族戚藹然相親卽賈豎田夫亦樽酒歡呼
樂而忘返仁厚和易真有人不能及者易簣之日環

健松齋集

卷十五 祭文

三

侍幾數百人奠祭者盈道路里鄰號慟行道嗟咨此
豈不孝能使之然哉邇音容其已杳奉色笑以無從
誠不禁涕之零而辭之亂也嗚呼悲哉

健松齋集

卷十五 祭文

三

丁未告先母吳孺人文

嗚呼我母不幸何不幸不獲永我母於百年也然不
孝復何幸猶得藉一第之榮告我母於今日也蓋我
母之生也鍾比部之庭作相門之婦諸凡習詩書孝
尊章睦妯娌儉以持家勤以殖產皆我母所素優何
敢後陳且諛墓之辭非我母所以期子者亦非不孝
今日告母之意惟是邇音在耳當此承恩省覲之際
實有痛心酸鼻不忍思不能忘者九原想亦心悲況
不孝哉我母享春秋纔四十三年耳一妹早殤終鮮
兄弟不孝束髮爲文章母氏教之雖慈母實嚴師也
健松齋集 卷十五 祭文 三
當我母易簀之夕舅父吳封翁同侍疾呼不孝命之
曰吾生平無所恨所不能瞑目者去親汝成各及見
孫耳嗚呼十五年來何敢一日忘此言哉今舉孫且
三人矣我母而在其爲喜慰何如邪生不識含飴之
母不孝於此真不覺泫然泣下也廿年攻苦燈牕
寒暑未嘗間乃屢舉被放癸卯幸捷賢書或少慰地
下矣然追思遺命不欲以此自竟也今年春賴我母
之靈兩試春官叨登一第榜發之日拊心增慟倘我
母而在母復何恨不孝亦何恨然而已矣生不獲榮
我母於當年歿乃報我母於千古豚肩在俎母勿饗

也旨酒在列毋勿甘也雖焚黃表墓尚俟他日試思辦香一縷楮錢一陌人子榮親遂止於此卽三台九列何若以舞綵代鸞書哉嗚呼慟矣雖然我母不可作矣使不孝終老章句何以慰我父卽何以報我母今之不負所望也或者含笑九京乎音容既渺思懿範以無從顧復難忘感 國恩而愈切我母有靈願言鑒格

健松齋集

卷十五

祭文

三

告亡室吳孺人文

嗚呼孺人汝死耶汝年甫及艾未宜死也婚娶未畢吾雖官禁近未獲邀 恩綸及汝汝未可死也生平拙守一編閫內外事無大小汝經畫之吾不問亦不知也汝不可死也常時參藥不去口入都以來益憂勞成疾然精神不減吾固慮其死猶謂其或不卽死也汝病始去冬至正月而甚三月又甚爾時垂死而得不死吾意汝幸不死當不死矣四月中強起視中饋餐賓客吾喜之然不睡不飲食吾又憂之誠慮其死而不虞其遂死也汝素下惡多疑慮吾數勸汝非

健松齋集

卷十五

祭文

三

養生却病計蓋常憂其死不謂其竟死也去年九月大兒三兒歸汝未病今年四月次兒就婚於汴汝病稍間矣吾見汝病亟馳書召之方謂諸兒至送汝故鄉飲食居處差如意或不死耳不謂汝竟不及待而死也吾登堂而茫然入室而聞然嗚呼竟死矣孤燈笑燐不見汝形也殘更漠漠不聞汝聲也汝夫號於庭汝不知也汝孫啼於側汝不聞也見于觸暑來奔汝不見也焚黃或有日乎汝不能親也吾雞鳴而朝晨而答客哺而歸饑飽寒暖汝不顧也衣垢不得潔襪敝不得更病呼藥渴呼茗汝不念也汝好儉棺殮

之費衰裳之費南歸舟舉之費聚而謀稱貸而畢事
汝不惜也汝好勤瓶粟之有無僮婢之勤情賓朋往
來殺核豆觴之美惡汝不察也嗚呼勸哉幸叨一命
齒半百年三子二孫在汝似可無憾然獨不念我髡
髮絲絲膚消骨立乎吾自汝喪一病不能起者兩旬
又念職守所繫二親尚厝淺土十年逋負懼累子孫
雖不忍效莊生鼓盆而歌亦不敢同奉倩神傷身隨
竝殞然一官寂寞萬慮縈心逝者已矣吾又何能久
侍哉猶憶三月之望汝病劇遺命諸子乃勸吾爲歸
田計或有見於仕路險巇吾疎嬾寡交不欲久宦乎
健松齋集 卷十五 祭文 三十五

吾方謂汝病瘳早竣史事當備老健松齋側嗚呼已
矣旣不克慰汝生前詎忍忘汝言歿後吾益將歸矣
今日者冤鬼何依故鄉堪念汝病中常言呼號痛楚
得早歸爲幸今歸矣其幸耶抑尚有不能忘者在耶
嗚呼痛哉

誄

按察使博平王先生誄代

瑯琊之山玉樹崢嶸奇姿慧質藉藉公卿謂此傑特
詎獵華名嗚呼夫子鄒魯之楨在山洵饒懷敏宵萌
篝燈永夜斷續書聲爰格所司分貸孤惴嗚呼夫子
小試生平刻意砥行澹泊無營無父何怙霜露哀鳴
母也天只色養將迎嗚呼夫子惟孝性成友恭之德
渺矣美肱誰篤天顯倦彼脊令割腴授室時靡有爭
嗚呼夫子宜弟宜兄爰以令德呦呦鹿苹 形階奏
對民牧誕膺分符上黨政教乃興嗚呼夫子茂宰神

健松齋集 卷十五 誄

三

明興學舉社人識水衡絳闕校士奕奕羣英伊余小
子桃李分榮嗚呼夫子莪蒿斯廣循良旣奏武庫論
兵燧燔東海六師徂征誰佐勝算樽俎不驚嗚呼夫
子展也師貞嘉乃丕績視學西行門無羊牘先民是
程開軒講藝文獻以徵嗚呼夫子模楷攸憑載邇邇
政江表澄淸埋輪叱馭騎置敢擐車書南北悠悠旆
旌嗚呼夫子不隨不矜地大獄繁株連蔓繁俾掌邦
禁平反重輕勿愆於律孰濫於刑嗚呼夫子獄無冤
祗有孚惠德卹死賙勿綈衣可贈麥舟屢停維師司
冠錫之箴銘嗚呼夫子執德彌精臣心似水屢眎簪

纓鸞章洵賁菽水陳情言返初服于彼郊垌嗚呼夫子忠孝乃并林棲十載篤我宗祊肇正祭典以逮筮銅輝輝孔璧秩秩頽楹嗚呼夫子吾道干城晨昏暇豫介爾兕觥槐庭訓子圖史森盈斑駁舞鼓瑟吹笙嗚呼夫子淑氣充庭春日載陽有鳴倉庚弁山萃嶧瓠水澄淥持螯呼白四韻俱呈嗚呼夫子樂且方亨胡然控鶴王母西乘廢我履石寒食杯羹以身殉母依依九京嗚呼夫子薤露悲零鄉摧月旦朝隕德星鴈來弔賈鶴去哀丁不慈一老天路沉冥嗚呼夫子矧茲諸生繫某弁鄙立雪高閭星霜三紀題

健松齋集

卷十五

七

鑒斯誠

亡友姜仲君誄并序

仲君死七年矣丁巳冬余在京師夢君來索余文覺而異之蓋君遺命屬余爲像贊冠亂未遑也君諱如蘭字芬若一字中林文行卓卓庠序間年五十齋志以死憶庚子科試凡稍能文者皆前列余與君獨不錄快快西歸比再至會城則八月六日矣直指校被黜士四千餘會大雨余與君懷鉛槧首承几机以入辰至未各奏五義榜發復不錄余忼慨悲歌君倚而和之同人皆歎息有泣下者君嘗曰吾一息尚存終當俯拾青紫余壯其言癸卯

健松齋集

卷十五

三

余濫與賢書君又被黜嗚呼豈意其遽死耶君雖生世冑家值中落一年內哭父哭季弟遂病不起遺像宛然如生也同學中余兩人交最深今縹緲數千里來見夢意知君莫若余冥冥中固有不能自己者因雪涕而誄之并題其像誄曰

伊何人哉淵源渭水大理之孫香河之子秀賢高齋清修自喜嗟嗟仲君誰云純綺鸞座解頤持螯酌兕書法歐陽文章壁史抗志千秋寧論青紫嗟嗟仲君卿才倍菴苗軌奇文早冠多士少作自悔引驥就軌草堂十年硯穿筆泚嗟嗟仲君將焉用彼語石之盟

今踰二紀選石峯前烹泉竹裏君頌若操縱毫淸
嗟嗟仲君誰倡厥始王謝門高偕焉中北婦歎金塵
兒啼散屣典裘粥廬貧且爲累嗟嗟仲君伊于胡底
庚子夏秋文衡靡靡片長亦登惟吾與爾懽懽江河
風雨寸晷嗟嗟仲君兩生奚恃中夜悲歌言猶在耳
謂吾舌存壯心未已八舉數奇歲月迅駛嗟嗟仲君
侘傺以死余與爾交諸君莫比竝研合燈甘苦共倚
爾病膏肓我登糗粃嗟嗟仲君胡然終否對君遺容
儼其瞻視誰寫爾生宛如彼美顧茲章縫是君所恥
嗟嗟仲君乃遂止此拜君幽宮式君靈几白楊蕭蕭

健松齋集

卷十五

三

溪流瀾瀾而父而季相從蒿里嗟嗟仲君瞻望母氏
撫君遺孤三珠鼎峙克讀父書以供饗祀爾志未竟
將毋在是嗟嗟仲君悲深甘旨傳君遺言爾行余誅
余實神悲胡能唯唯傷哉彌留念余知已嗟嗟仲君
寧忘爾指自君之殂辛壬迄癸憫余棘人旋罹寇燬
未章爾行間關轉徙嗟嗟仲君疚心江汜越今七載
薄遊燕市朔雪南雲迢迢桑梓覓來楓青呼余使起
嗟嗟仲君音容尚邇生死交情吾黨所矢負爾九京
俾爾至止收淚含哀爲君硯礪嗟嗟仲君人琴亡矣

健松齋集卷之十六

遂安方象瑛潤仁著

辯

客星辯

世皆以嚴子陵爲客星其說始于光武故人共臥一
語而不知帝一時之戲言未可信以爲實也按客星
有五曰周伯主喪曰老子主饑曰王蓬絮主兵曰國
星主疾曰溫星主暴骸其象皆最凶子陵高尚乃有
此不祥之應乎且客星之見多矣卽漢世考之明帝
順帝時三見章帝一見靈帝再見和帝且五見其占

健松齋集

卷十六

一

或兵或喪多不吉晉劉聰時客星入紫微太史康相
以爲非常之變聰遂滅亡其不得以子陵當之明矣
卽謂帝言爲真建武三十一年十月有客星隕二尺
許西南行明年二月至輿鬼東北而滅凡見百十有
二日輿鬼尸星客星居之越二年帝崩是光武之世
已再見矣升遐大故豈亦子陵所致乎意當時別有
所驗太史未敢明言帝方優禮故人卽以客星歸之
而不知其誤乃至此也自帝之言出一時傳會至謂
光與帝爲友帝登祚忘之光怨太史言天上客星恨
帝帝曰非朕故人嚴子陵乎遽命徵之夜共臥光以

足加帝腹太史奏客星侵御座光縮足客星即退其說益荒唐鄙俚不可信蓋子陵之受誣于客星甚矣獨中興天文志載客星有三一曰老子即李耳古德行老壽之人二曰國星國星者國皇也不知何國人三曰溫星溫其姓亦操行不仕三人之精皆爲客星其說小異或者子陵之所應其卽此耶然吾聞京房繫獄謂周敞曰吾死後四十日客星必入市卽吾無辜之驗又海濱人乘槎至河渚歸問嚴君平君平曰某年月日客星犯牽牛夫京房之死爲客星似矣乘槎人未死而亦爲客星則客星之爲客星且無定據

健松齋集

卷十六

辯

二

安可以不祥之占加于子陵哉傳曰天子無戲言光武一時偶言之固未審于天人之故也

商文毅傳奇辯

客有觀演三元劇者歸而問余曰商公妾媵子父早卒嫡母秦斷機教之信乎余曰不然所謂齊東野人之語也按淳安志及商氏家乘宋時西夏都知兵馬使商瑗入朝賜田里淳之芝山公祖敬中妣胡氏父仲瑄妣解氏無所謂秦雪梅也其庶出早孤亦不見於志傳但俗傳奇不知創自何人相傳王守溪鑒鄉會掄元廷對擬第一商公嫌科名埒已以人貌不及謝遷沮之抑居次守溪憾作此詆之嗟乎何其誣先賢也夫兩公何如人哉文毅不愧科名先後在政府

健松齋集

卷十六

辯

三

陳進賢納諫數十事文恪弘文大節金和賢相信如所言則商公猜忌之尤而王公修郅報復皆不得爲大臣矣文毅能使鑿不爲三元數十百年後有馮京王曾者輩出能盡沮之乎故文毅之賢必不因一第之私蔽賢以自異文恪知命守道亦必不爲誕漫無稽之辭重誣先達卽謂傳奇果出守溪素菴果妾媵所生夫古今名臣起于屠釣卒伍者多矣母雖微賤亦何損於文毅且賢母矢節教子不且於文毅有光哉詆之適以美之文恪亦何樂爲此大抵傳奇取快耳目其間忠孝節義亦自慷慨動人若傳訛附影如

琵琶會真之屬類多失實況名公鉅卿言動關乎名教乃竟以臆說誣之傳之既久羣信以爲真而不可復辨其惑世可勝言哉余故辨之且以戒傳奇小說之肆言無忌者

說

石梁說

同年鄭君元發筮仕鄭之長葛令行有日笑出其少作石梁賦示予且曰吾將以爲號夫古者有字無號號始於宋濫觴於明迹所由來或以地或以人或自寓自勉匪是無取也浸假而菴而齋而峯而亭軒而林泉溪山松雲竹月比比矣浸假爲愛爲仰爲繼爲肖又比比矣不必有其故而若不可無其稱識者笑之元發不襲是數者而顧有取於石梁倘亦隨時而不屑於俗尚者乎吾聞石梁在括蒼南明山連峽彌

艮山說

方子乞假南歸舟中更號艮山客曰艮止也先生殆無意用世乎方子曰嘻非獨身止也心亦止焉夫人之營營嗜進者由不能止耳充富貴利達之心公孤九列齒豁頭童孰肯舍而去焉者吾山中鄙儒也幸竊科名復邀薦辟七年侍從書生得此已幸矣適可而止鐘鳴漏盡奚爲乎且吾病怔忡三年餘矣向者銳意前史不間晨夕業成而病作則不善息之效也易曰君子思不出其位吾之思出位多矣事未至而皇然已往而猶不能釋中宵不寐九州之廣千古之

倦松齋集

卷十六

六

遙日用事物之細千變萬幻雜然並至於吾心心愈傷而病愈甚吾將凝神息氣以靜之而未能也故求之於艮毋勞我身毋搖我心以永餘年不亦可乎客曰善時行則行時止則止動靜不失其時艮之道也稱艮山先生請自此始

倦鳥說

歸去來辭雲無心而出岫鳥倦飛以知還可謂善言鳥矣富夫鳥之飛也翻然翬舉翔翔風雲搏扶搖而上者不知其何所止也久之而神勞則倦矣又久之而力微則益倦矣于此而不思還弓繳伺之虞羅及之欲息翼於中林其可得乎此非不能還也不知也知之則鴻飛冥冥豈待毛羽摧殘而始倦哉易曰知幾其神乎是知也所謂知其所止者也知其所止夫鳥固有然者矣

倦松齋集

卷十六

七

神痘說

江楚間多種神痘相傳昔有道士憫痘症殺人禮峨眉山四十九日夢授某童子仙苗翌日痘出以其痘爲屑吹羣兒鼻中七日壯熱十四日瘳復取痂厚潤者爲苗遞相傳種百無一失江右人便之以爲常康熙丙午豐城王翁以其術遊吾遂人始聞而疑之繼而信之久乃大服或問於余曰神痘有之乎予曰有之然傳染之恒理而非有異術也蓋痘乘胎毒蘊於五臟感天行之氣而發然或傷於食飲或觸風寒臟病而順逆分庸醫不審表裏虛實之宜所以難也神

健松齋集

卷十六 說

八

痘施於無病之先調於將病之日寧有失乎今人患痘幸痊相與襲其衣分啜其糜粥皆得傳染無恙亦猶是也然則何以神名也曰人情無不愛其子然以人治或未敢信以神治則爭敬奉之所謂神道設教益以愚人之耳目不專藉結壇咒符水也其不藉方藥何也曰藥以治病無病焉用藥然治熱飲菜豆湯寒用椒鹽和飯孳生雞熨臍以引毒則亦醫之意也倘更發奈何曰神痘非出於臟則已今自五臟達於筋骨肌膚皮毛皆如期而變而愈且有癍痕者矣吾家子弟皆以是得吉後痘症盛行悉無所患何虞更

出乎或曰善於是邑人皆便神痘余既哀痘症殺人最慘而又嘆時醫昧乎施治之道使皆得是術而濟之豈復憂天札哉故樂廣其說以告世之保赤子者蓋理有可信則亦信之於理而已

健松齋集

卷十六 說

九

西陵五先生祀鄉賢說

西陵故有六先生汪魏美淑柴虎臣紹炳應嗣寅揭謙陳際叔廷會沈甸華昀孫宇台治皆學古行高安貧不仕汪柴兩先生余未及見四先生則寓杭時常相過從者也別來不十年亦先後奄逝追憶舊遊慘然傷之應先生歿前撫軍趙公特祀之鄉賢去年春諸生復議奉五先生從祀會公移鎮吳而今少司馬金公始至諸生慮不得當以屬予予爲具言之公欣然許諾於是五先生同日祀學宮禮成孫君孝楨沈君純中陳君調元諸予謝予遜不敢受蓋崇祀鉅典

健松齋集

卷十六

說

十

也古者鄉先生有德行教於民死則祭之瞽宗以爲樂祖非其人則不得與近日循爲具文於是高爵大官輒皆濫祀甚或卑微庸碌之輩離齷齪無足比數其子孫宦達亦得儼然俎豆之間問學古行高安貧不仕如五先生者幾人乎國人請之諸大人先生成之所謂德行教於民者也使今之祀於鄉者皆如五先生瞽宗之祭蓋無媿矣予雖不及交兩君然讀其文想見其爲人且於三先生交最深死生契濶方期不朽吾友敢言德乎適會其成而掠美以市恩非予所敢出也諸君曰善記予言而去

贊

許力臣黃門像贊

伊何人哉蕭然高致兀坐匡牀松陰滿地問所讀者何書乃冥心其靜寄童子何知抱琴適至茗白鑄清泉流如駛吾知其丹旻獻替之餘固猶然東壁圖書之意方且自命千秋而豈徒以是樂其志

健松齋集

卷十六

贊

十一

王孝廉右軍觀鵝圖贊

而度坦然擬東廂耶而致陶然傲流觴邪而貌翰墨師黃庭邪而工文藻序蘭亭邪以吾所見較吾所聞孰今孰古是祖是孫必用是貌貌者爲奚稱乎後昆

馬嘉州王父放馬圖贊

三吳任俠四海豪遊論詩擊劍志在千秋聽松濤之
捲壑寄逸興於驂騑其壯也勳銘楚粵其老也託跡
林丘今者既千古矣視孫謀而思祖澤猶想見輕裘
緩帶儒將之風流

健松齋集

卷十六

七

琅邪鄭生像贊

公子翩翩風流儒雅志抗千秋交游天下既屢視乎
紛營詎移情於豔冶聽山水之清音恍素心其若寫
月落梧桐庭軒蕭灑名花滿前調高和寡是卽海上
之仙人何必山中之隱者

柯生像贊

爾儒者流胡爲乎青囊爾地師學又胡爲乎結客任
俠之忙忙君益曰藝也何足成名吾寧簪冠短褐以
自藏玉璽在手奇書在旁選石而坐會心若忘蓋適
志也而非以是韜其光

健松齋集

卷十六

七

夏叟像贊

曼樂是翁華顏皓首結客少年寸心杯酒旣豪俠以
知名復英率而耐久當時諸公卿咸樂與爲友今者
老矣克昌厥後玉樹庭堦皤然一叟問學道於何年
乃拂塵其在手

題先母吳孺人儀容

嗚呼此吾母也耶何其全不似我母也此非吾母也耶何以使我懷如聞慢如見也溯音容其已杳吾益意中有之夢中有之而曾不能傳諸筆也嗚呼畫工非我何能肖我母我非畫工又何能使我母畢肖哉慟乎悲矣

健松齋集

卷十六

古

余太公像贊

誰振家聲惟孫代子誰裕後昆惟經與史承素有而弗居藐功名其若屣偶儻賢豪間如翁者能幾我蓋視遺貌之雍雍慶庭堦之濟濟知其種德貽謀在此不在彼

內父吳贈公像贊

嗚呼此吾岳翁仲朗先生遺像也翁與先孺人同出比部公仁厚孝友恂恂若不勝衣而規範嚴整有古君子風奄棄且八載矣內兄弟持像屬題率附數言以志感慕

雲峯蒼蒼替紳世美奕葉彌光篤生舅氏外僕中堅古之君子學著州庠行孚閭里至孝弗違友恭自矢旁綜軒岐利人若已用振家聲以昌佑啓屬五齊飛蘭堦濟濟渺矣音容式瞻懿軌宜爾後人永綏繁祉

健松齋集

卷十六

五

徐孝廉像贊

怪石虬松泉流齒齒若白錯清圖書滿几靜氣冥心蕭然自喜伊何人歟南州高士

周明經像贊

嶽嶽丰儀軒軒勁氣今之文人古之良士其砥行也
修詩書敦孝友以克其家其應物也不亢不隨即排
難解紛而不愆于義固應搏扶天表試有用之才夫
何懷瑾握瑜晚乃以明經畢其志我蓋當潛踪避亂
之時見古君子忠難相成之意知天之報施在後人
宜子孫世承之衍弓裘于弗墜

健松齋集

卷十六 贊

六

程鍊師像贊

少學全真清修自喜玉秀靈文鳴鐘叩齒是宜緯冠
鶴氅抗志蓬閭之遊何乃束帶垂纓接跡緇塵之市
視道貌之雍容儼冠裳之濟濟乃知天上真仙人間
都紀其適性怡情固非寂寞窮山餌石餐霞之比

雜著

讀韓文

魏晉以降文競靡昌黎崛起爲古文蘇子稱其起
八代之衰信矣今觀其論文以能自樹立爲可傳夫
能自樹立安有不傳者哉故凡公之文結體高詩論
大用筆之曲運思之奇皆極變化不可端倪後人竊
其字句至於熟爛已極和味之終不能去手蓋熟爛
者字句其神理骨格固未嘗識也雖集中所載原人
原鬼及答張籍劉秀才論史書頗支離湖州謝表再
上宰相書情哀境蹙或亦大醇小疵然其大端在闕
健松齋集 卷十六 雜著 七

佛老崇孟子夫魏晉以來闢佛老者或有之矣能崇
孟子者誰乎嗚呼此尤樹立之大者已

讀歐文

歐陽公得昌黎集於漢東李氏慕而學之天下始知爲古文由今觀之公雖學韓而其文實源於史記蓋韓莫善於序歐序有絕類韓者傳誌碑狀似非韓公所能及何者估屈格牙戰鬪神鬼昌黎所爲陳言務去也然字句生割每使人不易讀歐則結構精密敘次簡雅唐書五代史諸論抑揚感慨居然史遷譬之

人觸石清怒雲涌何若微風蹙波自然而文

成哉故凡歐陽子之文學韓不必爲韓作史則全於史其立言措意尤在自命不苟夫自命不苟文之所

健松齋集

卷十六 雜著

大

以重也然而與高司諫書非值朱初將不免國武子之禍矣若夫奏疏劄子或直陳或婉諷大率揆情度事務求至當故文章事業兼擅千古夫所貴文人者非徒言辭之工名天下傳後世已也韓范文富有其事業而遜其文章黃蘇曾王得其文章而不能並其事業公豈直文人也哉區區較量於韓與史之間固其末焉者已

紀新安南昌買事

明末新安買某饒於財楚藩起兵勒餉數千金未厭乃挈妻女及一僕就蕪湖所親避之挾餘貲百餘金以行中途携眷屬登岸訪舊忘其金舟人已揚帆趨蕪矣同舟南昌客收得之訪候數四不可得藏焉新安買念金已亡失踉蹌至蕪所親復他徙計無所之寄食旅店始歸僕繼鬻女與妻形影相弔主人微諷之欲其妻稍效青樓以償逋負買不得已將聽之心殊慘然時南昌客在蕪聞邸舍有新婦拉伴訪焉疑睥含羞深有怨色客叩之妻具以實告客悵然曰收

健松齋集

卷十六 雜著

克

若金者我也召其夫悉還之買以半酬不受于是舉酒爲謝遂同客蕪久之新安買營運漸充裕矣南昌客念離家久悉資本易貨歸江西時金聲桓叛官軍討平之所載盡奪于兵歸視室廬已爲灰燼妻子僅婢四人亦被掠而南矣唐固山旋師過蕪湖盡鬻所掠新安買以白金并四人者買之未詢所由來也南昌客凄慟無依亟還蕪圖後計過所寓則其子在焉入內妻復在室驚喜問故始知新安買于無意中售之于是各率其家同客蕪不去好事者演劇以傳焉夫南昌客拾金不取以完新安氏之節可謂義矣而

已之妻女復賴新安氏以全報施何速而巧哉觀前
後兩氏皆四人往復悉當其數天道好還可畏也

健松齋集

卷十六

雜著

干

紀楊郡丞語

郡司馬楊君繼芳字仲延南和人善詩初任和州知
州康熙丙午苦病冬至夕忽昏悶見一隸執束相邀
須臾至一府第主人常服延入序賓主畢俄青衣投
一刺君竊睨之上書逸民周仁主人遽起出迎周至
則皤然老翁也讓坐之頃君推周高年周亦遜君官
長主人乃謂楊公年尚少此席應屬周坐定主人去
數隸舁二卷箱至曰此明年春闈卷也屬兩公詳定
公因問閱卷舊例隸曰不必閱也以天平較其輕重
重一斤爲合式十三四兩次之十兩以下則不入格
健松齋集 卷十六 雜著 三

矣于是君與周取平馬較兌得一斤者五十餘卷餘
重十三四兩不等兌畢送君歸則漏下五鼓矣家人
尚環守未去是日病始愈此楊君親語余云時友人
章孝廉在坐笑謂余曰然則子卷固公所較兌合式
者也君亦大笑

紀分撰明史

余以己未五月奉 命修明史十二月十七日開館
明年正月分撰景帝本紀景泰天順成化朝臣傳王
翱于謙等辛酉六月暫分天啓崇禎朝臣傳顧大章
朱雙元等壬戌四月分隆慶萬曆朝臣傳梁夢龍許
孚遠等計七十七傳又陳檢討維崧歿崑山徐公屬
續構王崇古等八傳睢州湯公屬補鄧廷瓚胡拱辰
二傳通八十七傳次第上史館惟防邊征廣樂侯諸
大吏政績年月考據未確癸亥春從丹徒張公借得
穆神兩廟實錄日夕蒐尋手披目涉躬自鈔錄一月
健松齋集 卷十六 雜著 三
之內悉皆改定比脫葉而怔忡病作矣迄今五載究
未得愈每念才識疎庸虛糜俸祿惟是文章一道稍
圖報稱今衰病乞歸所上諸傳藁或用或否或改易
或增芟事在總裁非予所敢知顧從事此中具極苦
心事業考之羣書是非衷之公論文章質之同館諸
賢據事敘述其人自見雖不敢希信史然職掌所存
或者其無負乎因錄藏笥中俾後之覽者知所考焉
啓禎以後書傳無徵間有紀載未可遽信雖綴茸成
篇尚多舛漏不敢自以爲是也

紀重得先大父手書扇于

凡祖父手澤雖無甚關繫皆當謹藏勿失卽如時對
祖父若狼藉棄置不復顧惜是忍於死其親矣然亦
有不可必者水火盜賊事出意外卽仁人孝子亦處
無可如何之數要惟盡此心而已余家藏先大父閣
學公遺蹟頗多而燈坎村一詩尤道勁生動酷類孫
過庭余寶之與黃石齋倪鴻寶兩先生手書便面同
貯一笥甲寅閏逆之亂悉散失無存痛恨惋惜意先
人手澤不可復覩矣今年客錢唐故人洪君過訪偶
爾話及洪歸以一扇見貽則公手書靈巖四律也云
健松齋集 卷十六 雜著 三
得之隣比九十七翁按崇禎丙子大父以南祭酒歸
省徧遊姑蘇名勝四詩今載學飲集手澤如新不覺
狂喜時一展閱真如親承笑語因援筆記其歲月子
孫世守之母使復失是卽仁人孝子之用心也康熙
丙寅中秋前一日

紀嚴州大佛寺

嚴州城南大佛寺初於順治戊子當明季時普陀僧
朗明有戒行發願莊嚴大士像歛入劉某助成之高
三丈許方舟載詣南海至嚴州忽止不行初舟發時
風吹大士帽失所在至是師偶步林間見帽著樹上
縈繞數匝郡人異之卽其地昇像安焉伐樹爲屋蔽
之越數年都督鮑君始建大殿并置禪室僧舍名其
山曰觀音山雜植松栢竹二十年來鬱然成巨剎
矣余嘗謂名山勝蹟往往仙佛降靈意好事者神其
事觀此乃知非偶然也師自初寺益精修苦行晝夜
健松齋集 卷十六 雜著 四
跌坐終身未嘗臥年七十餘忽示二偈別都督及郡
太守都督不解何意太守曰師殆歸其家耳遣人視
之已坐化矣先是像次南山潭士女聚觀禮拜有朱
氏子才二歲隨母兄往觀忽不見遍求弗獲母兄泣
而去謂失之矣俄旬旬出大士供案下師命送歸則
大哭密告其母兄來取益大哭不去遂捨爲僧法名
佛因自是從師禮佛夜卽臥大士足上如是一年忽
拜師暨道衆曰吾去矣衆謂汝歸母家耶搖首不應
予以飯不食暖水一盂疾趨至殿右端坐而化寺僧
觀知爲余言師與佛因皆夙根而因尤奇云

序

余每讀方子之詩輒歎其淵雅秀潤謂
爲王摩詰一流蓋其神理之似非彷彿
詞句者所能工也會梓成帙方子欲得
余一言爲弁余因爲之序曰詩道之難
言久矣夫詩原本於性情資深於學力

健松齋詩後一

夫人而知之也若夫掇拾膚竊嗜古未
融妍皮癡骨識闡神離其病非一端而
止也譬之織縑然一手弗柔便有浮絲
譬之審音然一聲未諧便乏逸響揆諸
古人得心應手之妙何啻倍蓰蓋古人
佳句往往於無意得之今刻畫求奇氣

傷其氣一不似也古人沉鬱頓挫海立
雲垂皆好學深思兼得山川之助聞見
之廣積久而發不自知其然而然也今
以弱腕而持六鈞之弩跛足而希二畢
之巔二不似也古人蘊藉深厚或澹而
可思或遠而愈妙雋永之味咀而始出

健松齋詩敘二

東坡亦云說詩卽此事定知非詩人今
澹則凡近遠或晦蒙三不似也持此以
觀方子之詩亦有數者之病焉否乎方
子系出華胄少掇巍科值干戈擾攘之
際僑寓錢唐與其地之名人碩彥相交
遊暇則以詩文切劘雖在窮愁落窻中

顧不以傷其氣也西湖之勝甲於宇內
籃輿尋春畫舫載酒一觴一詠蕭然遠
寄謂非得山川之助聞見之廣乎其詩
怨而不怒哀而不傷絕去凡近晦蒙之
習而一歸清遠澹逸之旨可以興矣雖
然學力無盡才識亦隨時會爲消長方

健松齋詩敘三

子以徵辟來京師旋蒙清華之選與修
明史方將揚權古今卓然立不朽之業
詎止以詩文見長然一時被召而來者
皆四方英俊之士多聞直諒之友樽酒
論文形諸篇什亦所必至也則異日所
進又豈可量乎哉予故樂得而稱道之

以最方子併以質夫世之言詩者
康熙己未長至日駢邑馮溥題



健松齋詩緒

秋琴閣詩舊序

神情簡遠靈心雋氣超映於楮墨之間是方子渭仁之詩也顧方子年纔終賈何遂超悟若是余友雪岷爲余言家弟性簡重年十三卽爲詩歌小賦先大父最愛之喪亂以來益潛心書卷塵游俗好不得近其耳目而奇文欣賞之暇焚香靜坐日綜營古今事徹夜分不休其意似有所用之者余因思古今大才識人入世出世皆當具此本領可縱情丘壑亦可待詔金門可剪闢刈蕪簡點幽事亦可坐尚書省押尺一可携一琴一冊自謂義皇上人亦可出才智立勳萬

健松齋集

卷十七 舊序

里杜李檀號長歌沈宋工五七言律體宋廣平高達夫且致位通顯不廢吟咏詩非必幽憂愁苦始工也今方子才名日上行且繩其祖武承明著作直分內事一卷冰雪文詎足盡方子哉持此語方子其以余爲知言否也東 驗復旦撰

曩見秋琴詩一編深知渭仁之善詩也閱十年余來新定始晤渭仁于健松之側容靄如雲氣定如石更手一編相質則十年間不數十咏焉嘻十年肯不數十咏此渭仁之善詩哉方今都邑巷曲無地不詩纖豸么華無物不詩直筐囊篋無事不詩似不必與其

懷而不可無其語尚復有詩存哉古人之作可見矣
或終身不詩惟至事屬網維情關至極浩氣正性觸
而聲聞或一詩或數詩詩即傳矣豈古人之不知以
多爲美哉蓋必斂氣一志終其身之精神盤旋于一
篇數語之內直可使千百世下如見其人如聞其聲
至於相感之深實不知其何以者此詩之用也且人
實有難兼者矣李善古與絕而不必律杜精律與古
而不必絕杜工詩不多於文韓擅文不長於詩豈若
今人之集歌行樂府律絕一體未備遂以爲不慊于
觀者哉今渭仁之數十咏也皆其精神之所凝結者
健松齋集 卷十七 舊序 二

健松齋集卷之十七

遂安方象瑛渭仁著

秋琴閣詩

紀遊

雨後萬山青對之百情定偶尋舊遊觀相携過竹徑
怪石依溪眠激水聲相應更有千年松婆娑臨危磴
浙浙涼風來清響靜中聽古佛如有情佛亦生奇興
願佛愛遊人還取松枝贈

其二

山高得山勢峯乃聚其全巍巍獨孤峙登之心曠然
健松齋集 卷十七 秋琴閣詩 一

日月出腕下遠村如孤烟遙望浮圖影縹渺天外縣
遊子驚何曠不知身在顛

懷姜理夫先輩

閒雲渺天末秋風寒野色寥寥星漢空遠思嘗惻惻
高人草堂居冥然抱真植靈心通樵牧詩歌道胸臆
終日行所安澹然不自識推其深朴時至性每有得
愜虛寒月來引我長相憶

讀陶

性情屬何處忽然成謳吟吟成酌春酒工拙固無心
隱約惟自得雲氣吐蕭森能使水欲靜又令山俱深

此中有真意唱歎生清音微雨從東來幽氣散林

題扇頭雪景

朔風吹故寒近與春光接散作梅花飛峯落古雪
烟束山之半野樹澹明滅何來策竹人孤行逐凜冽
茫茫純素間空濛氣蟠結六月涼颼生冰霜滿衣襖

讀史

千載感項王甚於懷漢祖哀其真意氣不得席尺土
入關雖背約旋軍亦在楚范增老忍人舉決空教舞
雄主情自深張樊亦何補以此心力盡陰陵困田父
帳下慷慨歌興亡俱以武

健松齋集

卷十七

秋琴閣詩

二

其二

嬴氏狡獪心在趙不在壁安有十五城易此荆山石
相如奉璧西勇氣生奇策畢禮屈秦王慷慨振今昔
將軍學力微宣言非有隙豈知絕秦望卽賴兩相釋
引車與負荆澹然冥其迹

放百舌詩

人鳥同一生天地無私曲靈蠢各自安靜觀非異屬
昨日天風寒羣鳥棲樹木破壘取雛雛於人何所屬
童意本在養以此悅所欲豈知養無術養乃勝於
見之感我懷始思人最酷百靈飽其口何機不

放之返於林不言倚修竹

其二

昔聞百舌啼愛其多慧聲昨聞百舌啼贊巧何太盈
既非羔雁資言語畢一生此物雖區區禍不止及身
今果困其子童子無遺情携持樊籠中雛嬌難自明
呼童請命人物理始平雛其歸舊巢慎毋學善鳴

憫冠

甲午乙未間旱蝗相繼盜始
開常延及淳遂踰年始平

天下無冠盜舉世皆循良循良徧仕版何爲尚披猖
其始漫山谷繼乃煩戎行將軍列廣幕曲諱復虛張
一朝白羽警投戈萑苻場令尹故文吏步伐頗未詳

健松齋集

卷十七

秋琴閣詩

三

軍令寄保長力役以貨量城門乞食兒隕作兵氣光
豈知禍有始乃在歲凶荒是以良司牧弭患在預防
微雨植玫瑰數畦

園林長新氣草木相爲春農家乘此候灌漑誠苦辛
我亦感時序種植悅昏晨伐竹除其冗去留審所因
顧見半畦土歲久荒荆榛呼童集羣力墾土使之均
爲此非求樂亦以勞汝身對圃無曠土當食無情人
他時香滿徑靜業誰與倫湘雨濛濛來悠然理可親
遣懷

嘗設千古懷奇蹟別有屬願思諸生肩得拜升斗祿

文章結主知聲名遍窮谷因假半通綸放遊歷五嶽
故人繼清醪縣官給馬粟所至經墨多奇文勒金玉
息駕歸田園清軒對松竹左右具圖史酒茗制寒燠
良友同志氣孫子趨教育垂老便須歸不藉靈方藥
此事亦人爲至今仍局促不如且醉寢夢裏足遊躅

題黃山鋪海圖

如何四大海移置此山中羣峯浸其內日月仍西東
茫茫烟霧影鋪作虬龍宮杳冥祗一氣萬象浮虛空
聚散視晴雨搖曳隨天風觀海難爲水此際焉能窮
君不見蓬萊之山衰弱水又不見層樓海市搖空濛
海中有山山有海離奇幻忽將無同

釣臺懷古

桐江七里清雙臺凌百尺先生靜其中冥心獨幽適
潔身謝莽新龍辱兩無及少小同交遊真人應符冊
披裘亦偶然垂綸樂泉石雲臺多元勸羞與共驅策
徵書問故人星占越常格生具伊呂才詎學求羊跡
惟帝喜自用察察事嚴嚴宰輔乍升沉妃嬪動譴責
達人見未然一去全風昔隱見如龍行蒼雲共晨夕
復笑周黨流小隱氣踟躕我本投竿報主知胡爲共
載污纓帛至今峩峩富春山落葉無聲秋水碧

夜潭蕩舟引

好月滿天秋水綠深溪淺溪涼意足雲烟夕合不見
人微聞欸乃歌江濱舟移柁動山漸遠漾入罔林棲
鳥晚空翠難名露濕衣山村月落人聲稀近流更逐
蘆花上濤呼衆瀨如松響願托衆潭一葉舟并將明
月載歸樓

曉發桐江

雨後青山青在水水光漾入山光裏此時曙氣含空
濛難聲嗶嗶啼晨風降舟乍動紛欲集霧擁一帆喧
正惡蘭橈欸欸行江烟層城漸遠舟連天遙聞旭日
起空野小艇蕩漾孤雲下

夜汎

輕舸新雨後夜色正蕭然漁火明空浦江烟接遠天
溪迴山不住月落水相連浙浙微風至涼吹小醉眠

湖心亭

湖每因秋好晴光屬此亭水平臺更綠桂小葉猶青
畫舸搖殘日微風點細萍登臨餘逸興陶賞不曾停

放生池

徑入蘆花裏方池間一橋餘荷還貼水清露欲浮蕙
馨遠僧初定波恬魚可招歸鴻點點暮秋色滿蘭橈

送人歸西湖

雪意先林冷歸懷不可思
自當相遇日已念別離時
風雨催殘臘湖山識舊知
征帆無計挽猶憶早春期
遇語石菴僧

不入高峯路秋新又一年
山僧能應客野意似參禪
迎問松前石曾疏竹裏泉
殷勤雖有夢難向此時傳

秋集送友得安字

自憐良晤少小集已真難
燭跋深杯煖譚深破夜寒
別從明日始夢暫此宵安
洗醺顛相對秋聲薄澗于
忽憶

佳林齋集

卷十七 秋琴閣詩

本

欲賦懷人曲琴歌亦渺然
步移花氣內思滿月光前
書遠猶堪憶燈孤祗自憐
不如尋蝶夢暫或到君邊
喜吳鴈市至

正作西冷夢帆移紅葉中
重來仍旅况相對說秋風
闌靜無人到山寒與客同
誰言良會少呼酒菊花叢
歲暮東介伯召樹

冬殘風雨內一徑斂松筠
刺雪還留臘寒梅已襲春
愁多先到夢事滿始知貧
猶憶西亭步疎花夾路新
送程只嬰歸新安

帶甲橫村市蕭蕭白羽飛
幾年同作客一旦送君歸

嶺雨侵詩卷霜風老鐵衣
漸江花月夜應夢舊青幃
舟行

其二

亂石橫溪路舟人各自扶
水多奔岸白鴉故掠船呼
岸曲江流斷山空落照孤
曾聞夔峽險還勝此間無
泊雪溪口

積念從斯役開篷頗自寬
石橫多忤水風惡不分灘
市桥安舟夢江鐘語夜闌
衣袂應早戒何事曉行難
佳林齋集

卷十七 秋琴閣詩

七

舟雨

忽暗千峯氣江村望裏稀
倚蓬看樹轉隔岸見樵歸
細草侵船濕寒禽貼水飛
遙思小兒子未解念征衣
登白嶽獨聳峯絕頂

飛鳥不到處攀條上下行
蒼藤封仄徑孤樹引鐘聲
目放千峯瀾江分萬里明
烹泉同試茗天外晚雲橫
雲圃看梅

歲宴疲人甚郊遊意始開
山晴微有雪風到便知梅
香裏藏書場池前較酒杯
愛花誰忍去分折幾枝回
雨中兩兄見過

十載分癡燭今年祗獨居孤燈明舊榻連雨滴殘書
鳥散園常靜春寒花自如偶然同過我始笑嬾成虛

馬蘭菊

同是芳堤草雙蕖載影新韻宜蘭作字淡亦菊爲人

隱約微香遠蕭疎淺翠勻東籬三兩朶分醉與陶隣

千日紅

千日爲今古中山一醉餘紫圍寒芍藥紅簇鐵菱蕖

靜裏涼炎改閒中草木虛百年人已老美菊尚榮舒

西番菊

名在陶家譜來從大宛中手香如葉嫩棚軟出花紅

洛陽花

細葉星初放奇葩錦自工何時隨漢節遂入玉門東

洛陽花

春事明如錦爭傳洛下城剪秋雲五色碎綵月三更

金谷曾陪賦華林待舉觥官門桃李歇珍重舊時名

老少年

仙人河上去秋冷髣髴絲華髮疑新改丹顏似舊時

含霜原未老映水自成姿應笑樊桐叟青蓮合翠蓮

小青花

不知何所似亦得可憐名繞砌宜幽韻聞香識遠情

方秋能滴翠似作不分清持向孤山月應須錯喚卿

蝴蝶花

別有尋芳意仙仙蛺蝶飛紅搖鬚不定翠點翅初肥

日暖春三月林香闌一園傷情惟賴爾何處送春歸

美人蕉

美人今已遠空憶美人歌顧影誰能受呼名祗自多

凝紅花蕩漾團翠葉婆娑秋信竹來近虞兮奈若何

元旦病目

應酬叢歲旦獨自臥燈光靜裏聞傳謁尊前缺拜觴

惠明留舊雪坐冷辨新霜稚子真閒甚頻呼爆竹忙

不寐

健松齋集

卷十七

秋琴閣詩

九

自覺無閒事其如不寐何所思難強致竟夕屢經過

戍鼓先更歇隣雞向曙多徘徊不成夢欹枕托清哦

元夜龔仲震携樽飲松憲梅月下二首

春雨連芳草荒園晚較晴共君譚竟夕真得慰生平

月浸良宵迥花添小院明勝遊剛此夜莫厭酒盈觥

其二

患難存耆舊知名三十年比聞依越嶠近喜泛吳船

雅會人千里佳辰月一天向來燈下宴今夕最堪傳

留別語石諸子

露浥梧桐秋正分幾年踪跡對細芸松聲入夜時吹

雨竹影平樓欲刺雲花外鳥啼清夢遠城頭月送晚
鐘聞爲別後懷人切未忍扶筇看落暉

晚泊富春

桐君山色正新秋落葉蕭蕭古渡頭烟影橫空青欲
合山光帶雨翠難收榜人貰酒話江水漁子長歌出
釣舟爲問吾家棲隱處一船琴鶴白蘋洲唐處士干
隱桐廬吾
家系出
於此

渡錢塘江

秋露晨流葉漸紅輕舸遠趁鯉魚風江雲忽立青巒
外海日遙生碧浪中潮發三門天欲動舟移十里岸

健松齋集

卷十七

秋琴閣詩

十

俱空西陵景色還如昨何事高懷迥不同

蘇堤

十年清夢隔西湖桃柳芳堤尚姓蘇公子游稀青易
老麗人跡少綠空蕪殘荷蕭寂秋光冷野水蒼涼墻

影孤剩有湖山堪領畧六橋風雨聽啼鳥

瀛山書院

在遂安縣西北朱子與邑
先賢詹公儀之講學處

半畝溶溶俯碧池方塘猶記舊題詩座分鹿洞雲來
處幽勝蘅湖月到時小閣陰森宜午夢春山迢遞感
人思登瀛亭下頻瞻拜松竹橫窓綠滿祠

送大兄入都兼懷家侍講叔

杏花三月滿吾廬又唱驪歌駕轎車喜有文章傳舊
業還看僕馬嘆離居弟兄千里頻分袂叔姪三年祗
寄書愧我數番勤送別人前怯聽子何如

寇警

落日荒荒照鐵衣山村幾夜陣雲飛將軍有勇思殲
敵野寇何謀屢合圍矢盡不知兵力竭風寒空聽鼓
聲稀臨江一莫寇應憐草白沙黃何處歸盜起常山
延及吾遂
把總花進忠戰死
時乙未十一月也

其二

城圍十日惡徵兵突騎南來殺氣盈符牒紛傳催饋

健松齋集

卷十七

秋琴閣詩

十一

餉人家走徙爲安營燈旂警夜將軍令羽旌衝寒甲
士橫寇遯幾年還養患師徒莫便罷征行

春遊禪師堂

春興款款小橋東纔入山門半沼通竹樹千竿叅大
士藤花十尺擁生公僧寮寂寞商農事佛屋幽涼待
好風幾辨新香齋誦後禪心只在磬聲中

暑興和韻

門前流水遶西城鎮日科頭儘適情偶得丹黃親史
乘嶺將黑白問棋枰魚浮荇藻驗花影風過梧桐落
雨聲稍待斜陽新浴罷輕紉隨意竹邊行

其二

涼草園居樹欲齊梅亭屈曲小虹蜺渴呼瑤海桃如
斗醉拾幾眉雪作蠶乘月登樓情不減聽人說鬼語
無稽詩成杯酒涼風下刻向新篁手自題

其三

肯荒歲月學逃禪蝸角吾廬尺五天一榻松聲朋友
共半窻詩味弟兄聯葡萄倒結龍珠帳茗甲香生蟹
眼泉爲語熟行罷穢子義皇高臥豈徒然

金蒂茉莉和韻

蓮翻秀影總知名姑射仙人玉琢成楊氏諸姨原金

健松齋集

卷十七

秋琴閣詩

主

鹽趙家姊妹亦雙清同心作結真何意聯臂行歌信
有情對倚闌干明月下不知何處辨卿卿

夾竹桃和韻

天華何事更榮榮

坡詩榮
榮瘦也

彷彿貧簪致可餐勁節忽

添之子夢蟠根還結此若歡紅移湘水花三秀翠滴
瑤池影數竿他日若供王母宴應呼青鳥報平安

三台山

在縣北俗名金紫山三峯
卓立秀入雲表爲一邑鎮

縹緲神山紀十洲移來華蓋望中收雲間積翠凌霄
迥雨過空青倚日浮疊嶂宛分三獨座占星還奠五
諸侯登臨信宿台垣近何日支筇最上頭

送家二兄司李荊州

暫試荊南路吾兄喜壯遊綸扉承舊德李署待新猷
執法今宜慎祥刑古所求明消霜六月惠徧雨千疇
鄢郢連天塹川巴接上流文章鍾屈宋教化助陶歐
士得瞻坊表人應別駿驕莫輕蔑子國還念仲宣樓
暇訪三游洞閒登百里洲濃溪懷杜老鶴澤想羊侯
自媿銷寒燭經年守敝裘未能陪雀舫時復倚鴻鄆
握手期珍重臨池隔唱酬雁飛千里別夢繞渚宮秋

壘石

散者使之聚拳然成小山一松山畔起動息在其間

健松齋集

卷十七

秋琴閣詩

主

蓄琴

古琴曰玉
泉蓄蓄之

有琴不好彈偶然以心賞琴言我自知不受知音獎

聽芬若弟受談奕

萬事領其端不辨奕中理聞君清夜譚黑白想如此

評葉

我文如平畦我詩如止水詩文十五年不識從來體

酬友人過訪

秋行紅葉村搖鞭竟歸去心歡無一言相送雲深處

獨酌

寒雲暗千山黯黯將往雪顧影試新醅寒知酒味別

讀曲歌

未必歡忘儂儂心寧不知情深雖待夢夢恐有盡時

其二

有字不敢寄亦如歡所照夜夢到歡邊問歡知不知

樵溪十景詩

存八首

余明經雲將與弟雲昂讀書樵溪品其勝爲十景

貽書索詩走筆成十絕句

天矯雲中龍雙耳峻如削傾聽紫霄空峯峯散天樂

其二

曾讀九峯詩今乃奪其七支筇峯下遊閒雲共出入

偉松齋集

卷十七

秋琴閣詩

古

其三

誰琢玉爲屏偏宜受古雪雪舞倚屏看漠漠寒烟接

其四

石借鯨爲名鯨倚石爲質鱗鬣神所憑莫隨風雨出

其五

突兀古浮圖金鈴搖碧瓦孤影入寒空烟雲蕩其下

其六

雙桐骨自幽月乃益其靜設設微風來詩成踏桐影

其七

三月桃花漲流紅直到門却疑樵徑外別有武陵源

其八

幽意夜讀書繞徑松爲屋何處涼風來靜辟捲秋谷

題黃山圖

十年白嶽訪靈宮夢裏黃山一徑空今日畫圖纔識面便須身住此山中

賦得殘月如新月四首

盈盈新月向黃昏一樣修眉曉尚存稚子不知時日改仰看還指舊弓痕

其二

夢破雞聲戍鼓頻瀟瀟零露月如新黃昏不及侵晨

偉松齋集

卷十七

秋琴閣詩

五

好半甲寒光更沁人

其三

浪將好月況佳人誰意姮娥擬更真愛學半彎宮樣巧一年二十四番新

其四

曾書鴉黃隔幾宵曉寒又見遠山描舉頭却憶張京兆開筆妝成正早朝

展臺詩鈔序

詩之爲教溫柔敦厚上以揚厲乎朝廟讌饗之隆下以抒寫乎山川行役風俗贈答之事蓋古今作者之所同而其升降則不能不與時而異在昔成周盛世天保采薇諸什其音和樂其氣象雍容尚已至於變風變雅怨而不亂君子亦有取焉然此特不得志於時者之所爲耳豈以是爲作詩者之則也哉太史公謂三百篇皆聖賢發憤之所爲作昌黎作裴楊唱和序致嘆於歡娛之詞難工愁苦之言易好顧皆取乎詩之哀者言之抑獨何歟竊嘗思之子長既失意于

健松齋集

卷十八 李序

武帝退之亦不得行其道于憲宗其言蓋有爲而發若執此以言詩夫豈通論乎遂安方潤仁先生爲前相國之孫伯仲俱極魏科頃膺辟命珥筆金門蓋以詩文名海內者二十餘年矣今春使蜀還朝相晤於鄂渚出所爲展臺詩鈔一編展臺者燕昭王展禮之臺而詩則先生七八年來編年之作也必果伏而讀之應制諸篇鋪張揚厲與天保采薇同風其登臨宴會之章贈答懷思之什清和秀潤思深致遠得風雅遺意雖中間悼亡哭友往往情見乎辭而凄婉和平絕無牢騷感憤之氣大約以雅適稱勝而不以愁苦

見長安在此之難工而彼之易好也哉雖然人知先生之詩溫柔敦厚爲風雅正宗抑知遭逢

聖主悠游侍從有非漢唐以下諸臣所能及故其爲詩直與三代盛時同風如此惜不得起龍門昌黎而見之也必果學殖將落老大無聞間有譔著方以先生爲元晏而先生顧使序其詩此皇甫士安所未嘗行之於太冲者必果何幸而得此豈惟樂附青雲以施後世亦以見先生嘉獎氣類加於古人一等而僭越之愆則有所不暇計也甲子春日漢陽李必果撰

健松齋集

卷十八 李序

十一

序

緬維語石之盟獨萃鑑湖之秀珠淵龍水翻玉漱以
流丹壁峭鰲崗掩金峯而積翠於是史公家學望峻
蓬瀛兼之謝傅庭階品推玉樹歌成白雪發龍天絡
地之文臭擬朱蘭振桂海瑤山之筆詎非倚鸞坡而
侍草竝駕班揚坐鳳閣而代言齊芳燕許者乎渭仁
年先生文山驚鵲學海螭龍早年馳譽金閨壯歲揚
聲銅馬詩成瓊苑花迎日際芙蓉曲顧芳樽月映風
前烟樹賦情風雅展筆宮商昆季一門車同鍾毓賓
朋千里命駕嵇康羅五色以蟠胸高岑斂手貫百家

健松齋集

卷十八 毛序

三

而在口郊島輸心久已飛譽詞場贈答半珊瑚之什
邇來歷官禁藥嘯歌盡金石之聲風物移情案集西
山朝爽登臨適志箋分東壁奎光冠蓋滿長安腕運
四時之氣倡酬皆作者情隨一往而深此皆才人擅
著作之奇是以慧業得江山之助固知絲綸一代陋
唐詩之閭闔衣冠豈止領袖千秋軼元句之曉風殘
月升風枝多慙雲津初躍乃先生舊稱父執新附蘭

編

聖天子臨軒而求已美金門上客賢公卿列刻而薦
兼收下里巴人鵲觀中陸士龍端宣世德蓬萊閣

上潘安仁久頌家風時從載筆之餘竊分藜火每當
下直之候盟諷芸章文魏長源敢序曲江之集才非
孝穆擬效玉臺之篇乃復緘書百里瞻念故人恭承
命於誨言響陳瓦缶并自忘其蕪句光藉琳瑯庶幾
求材南郢之璫鑒已逢夫大匠乍獻神筵之曲事或
殷於小巫借攻錯者他山敬揚綴於寸管云爾
康熙丁卯首夏年谷同學姪毛升芳頓首拜撰

健松齋集

卷十八 毛序

四

序

乙卯春余識遂安方渭仁先生於會城同舍者其同鄉毛會侯先生也時兩先生避寇來遊方以詩古文辭相切磨問字者不絕戶外會侯先生成松皋集而渭仁先生亦有健松齋集並行於世余嘗舉王右丞詩閉戶著書多歲月種松皆作老龍鱗惟兩先生健松松皋之集足以當之既渭仁先生需次入中書值天子詔舉博學宏辭備顧問先生應其選躋於侍從之列當世榮之顧先生善病猶復孜孜求掌故無間寒暑而又以其餘閒肆志於聲詩彙其七八年來之作

健松齋集

卷十八

吳序

曰展臺詩鈔人又莫不歎且美以爲先生之多才而整暇如此也夫今之京師燕昭王之故都也昭王築臺置金招致天下士鄒衍樂毅劇辛輩次第歸之蓋燕特分陝之一隅而昭王之慕賢徒爲郭隗所倡導爲強燕破齊之計至若鄒衍諸人亦僅遊說者流耳然且大有建樹赫奕一時况我國家一統之治蒸蒸復古頃逆藩反側悉以文德弭武功所謂蚤夜不忘者惟是遺逸之才或壅於上聞而末由振拔卒之名儒輩出特命編次明史勒爲一代之書書未成而四方兵革盡洗矣雖干羽之化何以加茲於時

午門之宣捷瀛臺之讌賚西南之出使遭逢美盛皆古人所幾幾不易得之事而先生已親與之而親賦之寧惟爲昭王展禮之臺爭價乎哉先生自言吾在燕爲詩卽以展臺名猶吾在蜀爲詩卽以錦官命名已耳而非有意也今先生又請沐歸里矣余不見者十餘年讀集中諸詩或似沈宋或似錢劉悉得之蒼鏘藥臼之間尤人所難者至倦還數十篇飭然泊然復不減彭澤意致雖然先生靜攝有素病且旦夕愈近與會侯先生仍來會城如疇昔倡和時吾恐史局之書未成必不能舍兩先生之才以竟其業豈得終

健松齋集

卷十八

吳序

六

老湖山與余輩詩酒徵逐如疇昔耶抑未知兩先生何以復之也

康熙戊辰上巳錢唐後學吳陳琬寶堂氏撰

健松齋集卷之十八

遂安方象瑛渭仁著

展臺詩鈔上

和韻留別西陵諸子以下丁巳

春風三月拂征衣，惆悵良朋會晤稀。
自覩浮名趨鳳沼，應留清夢向漁磯。
段橋花霽芳筵合，燕市天高旅雁飛。
此際故人能見憶，直從北斗望神畿。

沂州道中

四壁爲郎意若何，凌晨攬轡尚蹉跎。
計程漸識青駝寺，懷古曾經白馬河。
豈謂風流傳玉樹，應憑書卷重

健松齋集

卷十八

展臺詩鈔上

銀珂詠歸童冠休，相笑道上輪蹄舊已多。

伏日觀洗象

旌旗鼓吹順承門，賜浴臨觀仰至尊。
自古兩階馴

百獸雖無湯沐亦殊恩

其二

雲麾馴象有專司，鼓節金宣日午時。
一十八羣依次入，驚濤萬丈黑山移。

其三

劍影排山兩岸空，象奴旋疾亦如風。
銀鈎笑逐朱繩轉，出沒層層碧浪中。

其四

捲鼻修牙擁腫材，亦知按節傷城回。
驂駟未得陪天仗，安得鯨鯢破浪來。

葉修卜貽天台山志

靈勝何年到開城，願已奢移來華頂。
月望去赤城霞雲壑，生虛壁天風散古花。
自今相習久策杖，便如家

秋雨

旅憲無計已秋新，殘暑炎炎尚浹旬。
風颺流雲翳白日，燕翻疎雨過青蘋。
坐來便覺水霜氣，陌上應無車馬塵。
却笑一官寒未就，褐衣猶是舊年貧。

健松齋集

卷十八

展臺詩鈔上

二

積雨感懷

燕山氣高亢，塵沙吹古今。
綿延三日雨，九陌愁秋霖。
街巷沒車馬，悵望泥塗深。
擔荷不可步，頗息呼號音。
嗟彼寡人子，粒食非易尋。
兀然閒手足，涼颺將漸侵。
我亦感鵲緒，展轉單衣衾。
庭階鳴促織，淒淒風響寒砧。
臥起抱書卷，往往成孤吟。
儻非靜者意，對此應難禁。
會當卜郊霽，載酒西山岑。
雲壑生新氣，庶以開幽襟。

懷西陵諸子

懷思寄何所，乃在東南隅。
憶昨苦遷播，卜宅江門居。
良友悅清素，結志存詩書。
文章陋八代，詩篇追黃初。

清樽卜晝夜分賦人人殊亂離成契好歲月良不虛
別緒岐南北執手悵踟躕長安夏復秋渺渺空愁予

其二

佳會信難再追溯良已迂長安多貴游報謁誠區區
非無同心侶隔遠難久俱沙塵暗九陌薄宦慙無車
扁門臥書卷旅食愁錙銖安得尋舊好扁舟恣所如
濯足西泠橋歸臥吳山廬意氣更相許都無禮法拘
離愁方且始會晤諒阻紆思君不成夢夢亦徒須臾
寄書難徧陳惆悵雙鯉魚

登長椿寺妙光閣

健松齋集

卷十八

展臺詩鈔上

三

古寺迴廊戶未扃妙光高處俯孤亭鐘聲到閣僧齋
午秋色橫應佛火青殿闕中天霞半捲雲山南望路
曾經老僧解說前朝事惆悵遺聞不可聽

同諸子報國寺看松遂登毘盧閣眺望

涼風來大漠秋色滿皇州越客感羈緒結侶西城遊
慈仁前代剎豐碑彌道周古松寺之冠橫亘無春秋
十年枯苑異老幹風颺颺我昔吟松間更上毘盧樓
放眼四極外殿闕中天浮大士憇其下變相真殊尤
諸君憚登眺何以散離憂乘輿高閣爽氣豁心眸
雲霞環大內翼翼分郊丘遠色浩無際縹緲見蘆溝

臨風增太息匪爲懷鄉謀志士念駒隙悵望何時休
禮審變觀音

洪濛開大冶幻出補陀身嬰珞元非相踟躕自有真
似曾翻劫火誰復證前因讀歎都無着悠然意可親

天寧寺

殿有扉隙光照
人有兩塔影

秋清送客鳳城隈一帶僧藍野色開鈴鐸搖風雲外
度浮圖倒影殿中來苔封古碣隋唐舊路入斜陽車
馬回喜值諸公休暇好登臨且復盡餘杯

善果寺

都城遺剎半隋唐古樹陰森選佛場磬數聲魚出

健松齋集

卷十八

展臺詩鈔上

四

聽涼秋八月雁分行香殘尚裊譚經石葉落還依護
法堂一自翠華臨幸後老僧時爲說 先皇

送洪昉思遊梁兼寄毛祥符會侯

三載長安客萍踪又泝梁山川添壯氣風雪冷貧裝
朔馬歸無日南雲黯自傷不知覽令尹何處訪慈疎狂

其二

飄泊真無計蒼茫何所之幾年遊子淚芥里故人思
且下南州榻還吟良嶽詩歸懷應未得期得早春時
魏唐齋司農招飲同房慎菴白仲調許生洲陳

敬亭袁杜少

先生訂五簋約蘇潤
出說范觀公絕音詩

孤標元自重河汾五蠹風清便不羣門外吏稀真似
水樽前客到總如雲傷筵菊影分寒立隔院秋聲過
雨聞話向東南懷往事新詩半卷悵忠文

送湯西崖南歸

君雖不得意名已動長安何事遄歸早都忘行路難
秋風吹別緒斜月冷征鞍握手傷寬處南雲望裏看

其二

緇塵燕市久歸去臥江村莫爲浮名誤應知舊業存
文章留靜氣風雨護靈根試訂春來約囊書到薊門

喜二兄至京

健松齋集 卷十八 展臺詩鈔上 五

亂離同作客話別又經年何意燕山道重來臘月天
愁心催白髮壯志老青編旅況無聊甚今朝意爽然

送姜定菴京兆之奉天

容臺家世重承明驛馬南來又遠行舊種棠華留左
輔重携諫草出陪京關前雨露調三醴塞上烽烟靖
五兵此去保釐餘暇日新詩應徧鳳凰城

贈吳琰符赴姜京兆幕

度遼司馬控雙熊座上才人迥不同別緒共傾燕市
酒奇懷早歷杏山風題詩字壯書生氣草檄羣誇幕
府工閒道陪京方論秀歸來各姓重關東

從葉初菴學士張素存宮庶借書

平生癖書卷所志領其要微尚規淹通覽涉頗繁浩
經年客思孤師古謝冗冒縱覽求所歸益遠時俗好
草草長安遊囊書悵遠道動與古人違兀坐等虛耗
學士標靜修庶子擅清奧誰云借書癡我懷良可告
開函悅所期情性互感召似因舊業存愈知新歷妙
靜氣斂庭除明月遙相照

田望西夫子枉駕寓齋呈謝

數載飄零掩敝廬重來燕市竟何如師生尚憶當年
別經史新編未有書一自春風驅馬過猶憐絳帳隔

健松齋集 卷十八 展臺詩鈔上 本

城居園橋珍重桓榮學問字雲亭諒不虛時先生初
得監叔十

三經二
十一史

旅感

自覺都無緒蕭蕭鬢髮皤浮生經喪亂薄宦苦蹉跎
朔雪愁中盡南雲望裏多夜來常不寐空擬學漁蓑

燈市篇戊午

長安三五夕萬戶明月光晴雲澹霄漢高下華燈張
華燈照耀連三市天街夜永紛羅綺越鏡吳鉞相向
明層層寶鉅春棚裏往時燈聚靈佑宮近亦廊房雙
斷街曉珠耀綺麗奇巧飄飄錦帶圍屏風紅綾墨絹

連年盛簾幙穩互掩映百枝樹上珠吐輝四照榮
榮分曉鏡喧闐市集一何多照夜金吾早罷呵騎馬
連錢內城出軒軒云是五侯過郭李重裘誇翡翠金
張玉勒青絲轡揮金慣買錦堂紅直百論千都不計
何處幽并舊酒徒罷筵結隊繁歌呼查樓一夜千金
盡燈前調笑酒家胡香車寶馬來無數窄袖輕環籠
髣髴換得江南走馬燈金鞭笑捉喧歸路燕姬趙女
習春遊走病前門度御溝聯袂偶從燈下過驚人墜
落玉搔頭此時雜選芳菲節惡管哀絃殊未歇朱門
州火十丈雲錯落珊瑚飛絳雪兒童跳索鼓太平秧

健松齋集

卷十八

展臺詩鈔上

七

歌雜耍還縱橫魚燈鶴燈笑相逐鼓吹嘈嘈不辨聲
錦棚列肆千緡價火擁星光露不下都人簫卜歲豐
凶豈獨清輝暢遙夜拘迂踏月畫橋東有客相逢下
玉驄自言本是江都估購燈萬樹光玲瓏年來烽燧
連天起千里河淮沉瓠子繁華歇絕燈市稀正陽門
外寒如水今年兩廣捷書來江楚秦閩次第開不用
金錢買兩夜依然春色滿金臺我聞此言增歎息長
安燈月歡遊屐故園南望尚瘡痍不知今夕更何夕
太平憂樂本同民璧月虹雲處處新門掩蘭膏歸作
賦燈華結彩正芳春

梁司農夫子席上看烟火同及門諸子

春滿芳郊正夕曛華庭張讌綺窓分師生客裏同明
月兄弟樽前話舊羣寶炬雙行搖絳樹繁星萬點落
紅雲歸途喜罷金吾禁敢惜傳觴酒半醺

李容齋學士招飲是夕聞薦舉之令

春城月落擁芳尊學士風流喜尚存我自論詩驚太
白君真折節重龍門談清漸對瓶花發夜久重看火
樹繁聞道聖朝方側席知誰詞賦答殊恩

上諭薦舉博學鴻辭恭紀和李學士韻

同文盛世志偏虛漢策賢良總不如聖學自探千

健松齋集

卷十八

展臺詩鈔上

八

載祕侍臣原貫五車書乍傳沈宋承恩日恰喜班
揚獻賦初千羽兩皆文教遠炎荒萬里罷犀渠

其二

絲綸五色下諸司詔許同升各異辭拜疏先求天
下士感恩肯效市人爲應知學古能經世誰道雄文
祇入賞曠典初頒春正始鯢鵬早已到天池

其三

海內爭彈貢禹冠遭逢誰道會偏難山中猿鶴徵書
下陌上輪蹄詔語寬定限八日到部縹緲五雲來國士搏
扶八月滿長安遙知奏對甘泉日萬里風雲集簡端

其四

年來寂寞 帝京遊喜值鸞書側席求載筆自應容
董賈還山且莫羨巢由人文千里風雲合 天語三
春雨露收自媿已吟真黍竊敢誇名姓動公侯

寄羅洪洞園

柯亭八月解離騷夢裏蘭舟笑語酣三晉雲山依召
伯十年風雨隔羅含宮衙吏散調馴鶴花縣吟成對
遠嵐此際故人留闕下可能還憶舊朋簪

擬湯泉應制十二韻

望幸溫泉日鳴鑾出鳳樓紫黃過令節黃菊引清秋

健松齋集

卷十八

晨臺詩鈔上

九

五枝環馳道千官簇路周月迎 清蹕曉山過惠風
柔縹緲離宮接晶瑩水殿幽靈池從地涌仙沼自天
浮玉發連青砥金光蕩碧溝霜凝寒不到春去暖常
留浴德

天顏霽承歡

聖孝修華筵臨沸澗廣樂對芳洲瑞

色連行愜祥風發路譚陽和隨處滿長願奉 宸遊

東陳椒峯舍人

邸舍春新醉落梅徵書還並雪中開鳳池載筆趨金
掌微省含香著玉杯喜爾文章雄海內知予詩卷向
燕臺品題元晏成千古猶媿三都作賦才

酬徐勝力江辰六見過

徵書遙下五雲中海內文章盡向風江左十年傳孝
穆黔南萬里見文通高軒日午陪清賞旅巷春深遇
玉驄喜與諸君同待詔鄒枚詞賦媿難工

與表弟姜騰上夜坐

客心動遙夜坐久覺衣單兄弟相依好鄉園欲會難
繁星當檻白殘雪壓春寒莫下思親淚書來喜健安

其二

旅愁誰似我入口寄長安質米晨炊盡披裘夜月寒
祇今還待闕何日慶彈冠此際同甘苦登樓且莫看

健松齋集

卷十八

晨臺詩鈔上

十

法黃石前輩枉過贈詩

薊門春色共徘徊孝直元圭一代才著作當年天祿
閣旬宣近日雨花臺乍分奇字凌冰雪還簇高軒過
落梅盛世文章舊在徵書何必羨鄒枚

謝張晉之舍人餽米

所志非溫飽經年索米難憂長憐再食客久媿加餐
薄祿何時及多愁祇自寬感君冰雪俸喜極勝彈冠

其二

君亦沾微祿清貧尚念余似因身歷久頓使旅愁紆
升斗分天府美兒憑客居長安多舊好損俸獨何如

送吳耕方宮允督學順天

特簡新傳侍從才
揆文畿甸正春回
鴻名四海瞻
表雅澤三年徧
草萊共信孫陽空
冀野何須郭隗重
金臺持衡知有水
壺在牛斗芒寒接上台

送翁夢白之黃州司馬

赤壁揚舲又幾秋
喜君驅馬向黃州
寄懷每隔浮龜
渚選勝應登種竹樓
花發秦川承舊業
雲開楚甸待新猷
遙知方外賢司馬
載酒凭江賦遠遊

遙和葉元禮諸子祖圖讌集

山家市遠晝停驂
一水廻旋遠近含
隄柳田秧飛白
健松齋集

卷十八

展臺詩鈔上

十一

鷺可能春色似江南

其二

背郭堂開萬樹中
喬橋流水繞西東
遙知樽酒題詩處
芳草成茵半落紅

其三

蒼藤古樹接垂楊
紅藥翻堦日漸長
怪道朝來車馬驟
春光簇簇滿山莊

其四

芳郊載酒聽黃鸝
十里紅塵馬正嘶
記得去年修禊早
滿船驚鼓段橋西

其五

春晴真羨少年遊
刻竹分題卒未休
他日帝京傳盛事
諸君詩酒自風流

其六

名園佳客迥疑仙
酒詠琴歌三月天
若使招邀客我
嬾也應酬唱萬花前

上大中丞金懷存先生十六韻

千丈龍門峻
昌時應運興
江東傳世澤
冀北快先登
季父聯鑣早
詞林接翅騰
著書齊董賈
相士識蘇曾
帝念藩宣重
人推保障能
綏蠻欽嶽立
喻蜀陋脂凝

健松齋集

卷十八

展臺詩鈔上

十二

分陝三遷最
書屏獨坐升
奉常陳禮樂
執法凜淵冰
薄植慙疎陋
家聲勉敬承
微名來輦轂
久次尚絳燈
天子思楊馬
羣賢集阮應
鵬雄煩計相
說項美中丞
有意稱徐稚
先生籍或首
薦余以無才
御李膺文章
原水乳獎借
魏薪蒸知已
今方切依光
風所憑願言
風雨藉萬里
附鯢鵬

送許浣月禮部權南新闢時太宜人八十誕辰

適逢初閏

青細家學重先猷
世掌絲綸出鳳樓
十載容臺陪法
從三春權使纔仙舟
梓材南國通吳會
竹箭西陵接

上游此去政成多暇日湖亭蕭管正清秋

其二

仙郎奉使出楓宸壽母筵開浙水濱三月喜同新聞
層百年還值舊佳辰西湖絲管潘輿近南樵杯觴綵
舞新遙想官衙歌祝處歡聲應徧六橋春

元禮後寓嶺園

便有江南意茅齋一徑深亭孤宜待月樹老自成陰
圖史延清晝琴樽寄遠心從今傳勝地應署讀書林

其二

風塵燕市裏此已豁心眸細草分堦綠空亭入座幽

健松齋集

卷十人展臺詩鈔上

圭

著書成大隱對客語新秋傲直嗟予久從君竟日留

京闈分校印事和壁間韻

抱槩曾過明遠樓書堂今復對高秋沉沉鎖院簾常

靜點點寒星露未收冀野空羣思舊業

崇禎癸酉先
大父主顧天

試金臺求駿共名流半生惆悵燈窓久座有隋珠敢

浪投

其二

棘鎖層層夜向深秋空如水月初臨敝裘尚憶當年
事相士寧虛此日心畫角聲傳宵漏淺疎簾人靜曉
鐘沉黃封一道馳一丹闌萬里鯉鵬集上林

啼餞行

覓米向長安經年還潦倒入口等飄萍謀生良草草
未夜籌晨食蠶寒日已杲惆悵望炊烟一飯便如掃
稚子牽衣啼動索梨與棗阿翁正無計安能任汝好
家園頗餘糧鼠雀恣中飽欲歸苦未能悵然逆懷抱

苦寒行

憶昔冠張時山城棄倉猝暑熱衣裳單筒篋委殘卒
客久恨無家朔風冷肌骨敝裘已三年取足傳訪謁
諸兒日加長水垢無全襪非不勉相謀遂巡久更歇
長安多豪遊輕貂豔城關我實累汝曹憂來志恍惚

健松齋集

卷十人展臺詩鈔上

古

沽酒試高眠惆悵晨風發

述僕歎

喪亂三載餘窮愁久益燕無端燕市居需大還碌碌
萬慮瘁經營寂寥抱幽獨親戚每棄捐况乃孺僕僕
顧我雖蹉跎勉給饘粥回首三十年提携同鞠育
胡乃羈旅中翩然同脫鹿固知飽颺心去我恐不速
嘆息大義乖淥食甘反覆安史同不臣韓彭自詠戮
汝曹何足嗤車行會有轡

哭同年虞省菴

與爾同師友蒼茫二十年自分哭越路喜共夏秋天

作客嗟無計求官苦未前無端添旅病妻絕一燈

其二

何事沉冥日還扶向午門未傳天上信已斷客中
京閣分枝何用候部進士有夢憐孤女無家寄遠
自菴病亟向衙前候用

哭葉元禮

廿載才名重子虛凌雲爭擬薦相如司農已逝君還
死師友悲深一紙書詔舉文學殿先
生擬薦余及君

其二

蕭門握手只經年過我先徵唱和篇太息修文年未

健松齋集

卷十人展臺詩鈔上五

老不堪開篋讀遺箋若贈余二律有門風事
杜曲才調應劉同句

其三

研亭曲折小園虛花竹橫窓畫不如何事乍來偏病

劇侮教當日賦移居

其四

聖主崇文詔賜稱靈輜歸去已成虛漢廷倘更求遺
稿淒絕林頭未竟書時薦舉皆給俸金君已
歸喪○君註京江南賦

寄高澹人中翰

舍人文采自風流賜第西華又幾秋五夜裁詩趨禁
直四時簪筆奉宸遊榜題忠孝天章樂書奏編摩

詔語優喜共里門瞻望切何時相逐到瀛洲

訪王阮亭侍讀以再遊西山不值

退朝常是愛幽閑詩卷琴樽未可攀自遠傳書來玉
局每懷雲壑到西山慣遊不厭題僧壁載酒偏宜解
客顏那笑蹉跎山水約幾時相對翠微間

送宋牧仲推韻州

鳳城晴色照行杯畫舫乘風萬里開使節自通章貢
水文星還向夢孤臺三秋暫隔燕山夢十月先題庚
嶺梅但使度南長罷戰商車市舶不須催

上座師梁若巖先生

健松齋集

卷十人展臺詩鈔上六

龍門高與紫宸通身繫蒼生屬鉅公世業中臺周太
宰同朝內省薛河東兵農禮樂諸曹長言語文章萬
國風自是地靈鍾間氣恒山縹緲五雲中

其二

翰苑文章世所知風流儒雅獨吾師筆牀書卷成千
古笋屐琴樽適四時正是燕公推巨手何妨永叔譜
新詞只今司會焦勞日退食雍容自詠詩

其三

容臺當日總諸司桃李門開二月時策士喜看黃閣
近役閒遠與白雲期天留司馬存風紀詔起辭于

領度支拜手都俞方極盛黑頭相業 九重知

其四

當年乘傳越王臺上相旌旄夾道開庚嶺花明供作賦羊城月好照卽杯蠻方久識王褒頌漢使羣推陸賈才天祐忠貞良不易炎荒萬里使車迴時奉使粵東

天星總圖歌

我聞天垂象分野應九州如何躔次與疆域參差錯互常不侔雍楊齊魯各南北豈值元枵星紀與降婁周天三百六十有五度坎塹內外皆宜周不應止照十二舍光氣不到避荒陬又聞天地始開闢三辰掩

健松齋集

卷十八

展臺詩鈔上

七

映隨天游胡爲歷歷白榆裏乃有王良奚仲及蚩尤天道微茫不可問渾蓋宣夜終盾矛衙城竊女實淫行天孫誰見婚牽牛浮風已往一行死空占生剋談休囚人事當然且莫解高高那得知其由聖人法天先教授羲和分命成春秋二曜五緯順其序入紀九野迺天庥災青偶見急修省豈必周髀鄒衍窮微索渺忒冥搜我生落落天地內星占緯測原未謀繁星萬點不可識仰視但見明河流今觀此圖何詳密雲霓月鬼星精浮紫薇之垣夾輔彌太微天市供宸遊二十八宿環四極乘時布今天工修乃知天事等人

事人盡何必從天求但於書圖領其概毋庸炫人惑已後遐幽讀書且須得大意管窺蠡測徒悠悠

得姜定菴先生書

霜風颯颯滿長安京兆絨書拂曉看聞道春和隨五馬今年邊氣未全寒舊云今冬邊風不起未甚凜冽

其二

曾題詩卷送雙熊別緒臨岐說薦雄慙媿子虛還未獻開函愁絕憶嚴公薦舉詔下嚴司農商之先生以余應今司農謝世思之滋然

其三

篝燈十載歷艱辛敢負論文便失真何幸度逾千里

健松齋集

卷十八

展臺詩鈔上

七

信關東傳說最知人李札有今秋得士爲最之譽

內弟吳芬月五尚兩孝廉至以下未

停車偃松側訪舊語班荆縉塵暗九陌簇簇車馬聲兩君從南來聯騎方和鳴仲氏擅名早十載共吹笙叔也少警卓文苦過諸兄昨歲霜羽健並轡來都城機雲同入洛軾轍還齊名嗟予蹉跎久數載等漂萍一官苦未就虛譽煩公卿薦雄雖系竊無計籌生平汝姊侍京邸食指勞經營旅愁豈不困聚首差娛情知君兄弟至望眼方悻悻人生苦離別况乃遠道行一朝幸相聚喜極淚縱橫勉更問勞厄酒聊共傾

期君雙鳳飛天闕路崢嶸病傾耳聽更以勗諸生

擬大獵應 制二十韻

警蹕宮車發傳呼出鳳城從禽遵帝誠講武法天行
勒石岐陽盛張弓渭水平非熊勞夢卜于狩寓師貞
八月涼颺厲三秋鸞羽輕車攻諷令吉步伐事徂征
翠罕稍雲過朱旗耀日明豐隆驅後勁烈缺導前旌
霧擁千官集秋高萬騎鳴金輿臨上苑玉壘振先聲
德意周三網規模掩八紘草枯鷹突兀野闊馬嘒嘒
超距材爭奮穿楊技各呈伐狐驚兕虎擊兔走麋
文雉承媒至長駕掠水迎虞人工畢弋庖氏伺雉烹
健松齋集 卷十八 展臺詩鈔上 九

勝氣貔貅壯威容鶴鶴盈策功初賜錦計罰復揚旌
日霽 龍顏喜嵩呼豹旅榮驚塵浮地起圍火接天
橫田獲陳三品鏡吹蕭五兵日斜傳返旆烟暮罷鳴
鉦賦奏長楊苑旂歸細柳營雲韶方繚繞雷鼓自鏗
銅緩轡趨長樂端居向穆清上林司馬頌羽獵子雲
賡薦俎歆羣廟頒牲及列卿侍中歡獻壽
天子樂吹笙息志耽圖史虛衷拜老更不須書諫獵

聖德總難名

三月朔體仁閣

御試應 制

絲綸高閣飭金鑾三月春晴正曉寒沈沈朱戟
入馬揚詞賦倚雲看頒金久已分天府自十一月給
原詔食還聞出大官是日賜膳坐食最是傳來 溫言厚
右文異數古今難

其二

宴罷紅綾又十年重携鉛槧俯階前彤闈日麗傳呼
近黃閣風清 詔語宣有旨名若昊豈徒窺法象
省耕原自重民天試讀璣玉衡賦首耕詩文章燕許尋常事不
美長楊羽獵篇

御試省耕詩二十韻

健松齋集

卷十八

展臺詩鈔上

十

聖世勤民意乘時祝有年農祥青應候羽衛曉先天
花暖春三月風和耦十千鳴鳩初拂羽新柳欲吹綿
望杏農功切瞻蒲穡事專深耕原勿怠舉趾孰相憐
德意周三壤恩施徧八埏武功陳赤帝文教洽青編
露禱商霖集蠲道漢詔宣比來書歲稔此日計生全
率早臨青耒未旂過綠阡山鳴迎瑞藹谷轉長祥烟
婦子承恩早田疇待澤先念茲珠桂苦忍聽金鐘懸
東作能勤瘁西成自碩堅 九重還勗爾兆姓敢安
然佇看盈寧慶重廣補助篇萬方歌

帝力拜手五雲前

春日漫興

長安三載邸中留夢繞桐江舊釣洲漫道馬卿能獻賦應憐王粲獨登樓疎簾風過榆錢落小閣春深柳絮浮同是客遊偏寂寞朝來典盡鵲鵲裘

夏日同人大集和韻

天街初霽靜無塵客裏欣傳折簡頻別久尚榮當日夢重來喜集舊時人花飛綺陌含桃熟酒滴芳樽琥珀新高會金臺應不少相携可以故人真

早朝謝恩應制

健松齋集

卷十八

展臺詩鈔上

主

漏轉蓮花暑乍清景陽鐘動曉烟橫雲扶翠輦臨軒出日照朱旗傍輦明萬國來同看輯玉千官拜舞樂吹笙小臣幸得邀殊遇丹陛晨趨月五更

初入翰林呈同館諸君

十年對策尚萍居舊業瀛洲夢已虛執戟未能同曼備凌雲何幸薦相如西清召試晨趨陛東觀傳宣夜著書從古三長知不易無才真自愧簪裾時奉命纂修明史

夏日早朝

一天新雨滿皇州攬轡羣趨五鳳樓積著全消仙閣曉涼初入禁庭秋雲移漸覺龍鱗動風過頻看燕

雀遊歸路晴添蒼翠色西山爽氣望中浮

送李天生奉旨歸養

偶辭猿鶴詣徵車縹緲終南憶舊廬未許陳情明令伯誰云奏賦重相如還山賜秩恩偏厚捧檄歸田志未虛我無才同戀竊送君南望獨躊躇

送葉慕廬歸黃州

知君不得意歸去竟何如需次三年夢飄零數卷書文心原屈宋壯志豈樵漁爲訂重來約無勞念索居

其二

聖主崇文日徵書偏草萊已傳司馬賦未盡賈生才

健松齋集

卷十八

展臺詩鈔上

主

鄉夢千山路離愁八月杯自慙多忝竊惆悵送君回

送臧介子補令曹縣

菊門秋色映紅蕖茂宰風流攬轡初舊績早傳于蔦部新猷還傍漆園居鶴馴花縣朝題字吏散琴堦夜著書蟬羽曹風應一變雨膏常徧古陶墟

駱襄雷令蓋平兼寄姜京兆定菴

故人書問憶遼東又聽兒飛向此中路出居庸天闕迥江迴鴨綠成樓空由來重地需材亟況復蕪城裂錦工君去漫愁鄉夢遠賜侯原屬左扶風

贈梅耦長和施愚山韵

相見何偏晚，羈愁喜乍開。晤從新夏始，人是早春還。
仙尉寧遺世，山陽總愛才。名長安詩薦雄何足計，
原自重金臺。諸子贈詩皆以爲長未與爲試爲長

寄門人鄭懋嘉

春色慈仁別，吾知道已南。燕臺遲伏驥，江柳促歸驂。
客久書偏少，愁多夢未堪。揚亭雖奏賦，無字慰桓譚。

其二

聞道江都好繁華，過昔年莫辭風雨夕。長對綺羅筵，
世業留書帶家聲倚木天。相期年正少珍重舊青編。

重九生日偶成

健松齋集 卷十八 展臺詩鈔上 三

少壯通朝籍，蹉跎十載餘。黃扉承召入，丹闕拜恩初。
史乘窺中祕，家聲繼石渠。莫嗟還寂寞，差勝舊萍居。

其二

歲月催人老，今朝又此辰。祇憐增甲子，不記守庚申。
學薄糜全俸，地震秋冬季特給全俸官閒慰病身。鋒銛都斂盡，

非復舊時人

相國高陽夫子招集出新詩授讀

一傳迢夜引高吟，春滿皇州萬木深。百代雄文燕許筆，
幾年經國范韓心。新篇自挾教麗氣，舊學還傳渾
音深。愧桓譚能識字，揚亭載酒共追尋。

出郭

晨出長安西，秋風正寥廓。野曠浩無垠，平蕪帶城郭。
咫尺高梁橋，草草聚村落。空林鳥雀飛，霜風隕秋籜。
遙見松檜青，月壇氣冥漠。舉頭望西山，朝爽到林壑。
我家萬山中，處處供領畧。三年紆燕邸，神志同束縛。
今朝倦眼開，恍如逢舊約。乃知山野性，所遇成澹泊。
凌風振衣裾，懷抱欣有託。

冬日經高梁橋

聞說城西勝高梁，路未遙魚龍空。百戲楊柳自千條，
野店開荒草流泉出斷橋。霜風秋瑟恁惆悵，舊花朝

健松齋集 卷十八 展臺詩鈔上 四

高里行

長安富豪家，千金奉杯土。夾道盛幡幢，喧闐咽簫鼓。
明旂三五丈，聚觀每如堵。折柬致公卿，招邀各嘯伍。
賓主不相識，張譙陳歌舞。金錢何足論，一時快聽覩。
擾擾紛靡中，死者度已腐。君看北邙上，當日皆華廬。
同年盧西寧官庶招同陸義山汪蛟門喬石林

時大雪初霽

彤雲漠漠邸中看，却喜招尋禮數寬。菊有餘香秋尚在，
雪當初霽夜偏寒。縱譚便覺離愁盡，劇飲都忘道
路難。太息十年成芥澗，今朝且復共長安。

益都夫子招集酒半王仲昭胡朋明復出暢飲
長安車馬紛如簇載酒呼朋徧犖犖豪華謝絕交游
稀自歎此心同槁木師門原自無雜資毋獎幽恬厭
紛逐有時壺榼召名流萬柳堂前倒醴醪今朝張燕
錦堂開絳帳諸生往來熟招邀顧亦及迂疎酒泛鼻
程難看較憂時籌國語方長旁及幽奇快耳目古今
上下語縱橫新題險韵燈前讀是時寒月正熒熒洗
盞更酌麝殘菊王生胡生座上賓半筵出拜話疇風
金樽滿引未許辭庚公興逸神偏蕭顧笑侯門蠟曳
裾如我門庭匪炎燠何不開顏醉一卮吾將歸老沂

健松齋集

卷十

展臺詩鈔上

五

山麓呼童炙酒更頻斟此際都忘愁萬斛歸來蹈月
夜三更街巷無聲秋謾設

太和殿朝賀恭紀

庚申以下

唱罷雞人露未晞瞳眈旭日上朝衣旌旗影裏龍蛇
捲簾鼓聲中鳥雀飛簪華漫隨新仗序頌酥還識舊
恩輝皆前拜起陪臣肅始信梯航萬里歸

官軍收復四川

午門宣捷恭紀六十韻

有序

臣聞商宗三年克醜歌傳捷彼之章周宣六月興
師銘勒蒐于之鼓蓋版圖無漏在臥榻詎可姑容
而弔伐爲心知戈矛原非得已欽惟

皇帝陛下仁綏有截化洽無私文德耀而武功藏內
治成則外效舉東西南朔莫不尊親侯伯子男悉
同王享常杯酒釋兵之會正 廟堂偃武之時乃
技本黔驢吹同桀犬蛇皆從虺鳩復化鷹始以尉
佗之黠腥彼一隅散作旬始之妖孛於列服棧山
劍閣千里烽橫明月空舂頻年霧塞夫臣子而逆
君父法在必誅矧卵石而抗雷霆其何能淑

王赫斯怒我武維揚劍啓七盤鼓行三峽橫海樓船
之卒沂濫頌以揚旌拔山超石之雄指陽平而縱
轡楚材三戶羣推晷日之矛蜀郡五丁直引雷空

健松齋集

卷十

展臺詩鈔上

五

之礮先聲既震井鬼星搖勝氣方張浩淪波立遂
使連雲失險兵銷花藥之村巫岫無靈刃淬芙蓉
之水金城山下時雨來蘇玉壘關前嚴霜致肅蓋
川巴爲滇黔之屏蔽而全蜀實西南之奧區梁州
父老旣扶杖復親太平蜀都縉紳豈作檄尚煩使
者俘述露於 闕下繁圖獲於軍前關雎九泥自
是南人不復反世修降表應知

帝王自有真臣諤奉 宸恩溫典史館慶鯨鯢乍剪
幸寬南顧之憂親鴻雁來歸想見西征之樂爰撰
燕辭載屬盛事銘鏤勒石斯非良史之才獻賦貢

梁竊附風人之頌云爾

帝世馴千羽苗頑尚遠征三驅張捷伐一怒寓生成
至德乾坤徧鴻施雨露盈敷天徵豫順率土慶豐亨
黼帳圖書古形闡翰墨精臨軒宵論道求帛畫延英
偃武思彌切修文度自宏每懷行役苦特慰望歸情
西鄙分封久東朝賜第榮即應趨虎拜或擬効葵傾
泉鏡何堪竊雷選敢抗衡巖椒遙拒壘石茵驟傳鉦
螳臂嗟奚濟狼心卒未更餘光紛彗孛孽沸蜩螗
腥被巴人國冤依夔子城井蛙翻浪黑檻獸逆天橫
安史誅雖早汎滔惡尚縈五溪偏組甲六詔總呼庚

健松齋集

卷十入 展臺詩鈔上 毛

霧捲王孫宅烟迷玉女坪巫峯雲突兀劍閣路崢嶸
孟昶方憑險明昇實負蟲四郊叢虎豹九陌走麕麕
赤羽悲童叟青燐泣父兄幾年瞻正朔何日起孤惻
聖澤弘三綱 宸衷念八紘桂符能悔禍鋒鏑忍驅
氓不悟焚巢燕猶同走險麋比來甘旅拒是處縱遊
偵赫赫

皇威震桓桓大將行 廟中全勝算關外寄師貞敵
愾人原奮同仇氣莫撓秦京摧壁壘閩粵奉章程士
飽思超距軍呼激請纓裹襁羞鄧艾蕩滅美岑彭風
迅霜弧疾春新鐵騎鳴前茅開棧漢後勳下葭萌不

用祠金馬何須渡木罌鸞崖澄瘴霧鳥道關榛荆彼

險誰堪恃吾師實有名珠江方向化篆水自輸誠王
衍寧逃死吳曦漫乞生長驅山月落轉戰峽猿驚浪
說瞿唐峻還看豔瀕輕七星關不閉八陣磧方明義
肅中黃弩光搖太白旌岷峨薰穴鼠巴閬截長鯨
矢蠻王貢耶筒兆姓迎重歡披日月且復隕機槍威
已凌諸葛菁寧檄長卿拓疆來筠普問俗致桃笙
竹扶新雨桐花悅晚晴千村休吠萬里慶朝耕凱
唱旗黔近鏡歌冉熒清九泥通蜀徼降表繫秦嬰捷
奏長楊苑功符細柳營麟圖酬上賞鵠印壯軍聲烽

健松齋集

卷十入 展臺詩鈔上 天

燧從茲息車書自靡爭占星與鬼靜堊斗秦階平共
識金甌筆頻聞玉燭賡萬年綿曆祚四海永銷兵

送王仲昭之昆陵

三五華燈夕春風祖帳開誰憐宣室召終返洛陽才
落月人難別悲歌曲易哀故人多遠去惆悵舊金臺

其二

誰道窮途倦承恩許放歸還山仍白髮賦賦已朱衣
仲昭召試後蕭灑西清席優游北墅扉從今多著
特投內閣中書瀟灑西清席優游北墅扉從今多著
述非復舊書幃

賜藕紀恩

拜賜驚傳太液池分甘怡值薦秋時

君恩絡繹絲千縷臣節堅貞玉幾枝雪悅初擎榮祖
父鸞刀試劈餉親知託根幸有冰心在報稱真慙雨
露私

其二

齒舸宸遊舉擢歌頌鮮頒賜總天波漫言似露分
金掌便是如船出玉河司馬長卿消渴起東方曼倩
拜恩多小臣貧病今應減一片冰霜聽曉珂

送趙天羽戶部權揚州

梯航南北總燕城奉使仙郎壯此行舊識虞翻等畧
健松齋集卷十八展臺詩鈔上无

遠新看劉晏轉輸平匡時豈獨權金粟問俗還宜攬
旆旌遙想政成宜詔詠隋堤明月聽吹笙

送錢越江歸省

才名何必美機雲翼野驍騰便不羣猶憶錢閣秋夜
永一天風雨讀奇文午開余得馬子駿中徐勿歲中
翰備錢子互相款賓時值秋雨

其二

賦奏凌雲御擢新又從叩第簡詞臣只今多少金門
侶妙選能兼有幾人錢子與光子開平以薦試
授館職及傳庶常復與送

其三

蘭臺筆共拔尋辛苦慈闈倚望深不是瞻雲歸念

切千秋敢負侍臣心

其四

金臺楊柳正依依却喜承恩許暫歸極目南雲親舍
遠送君真羨老萊衣

和田子綸移居

湯桡八極喧雷車吾亦倉皇移我家殘瓶敗簏費捆
載經旬露宿同驚震垣頽瓦脫久未葺榜門片紙稱
官衙入戶自笑徒爾爾半牀書卷仍欹斜水部風流
過何遜慣從官閣哦梅花飢星數椽深巷裏一枝且
復隨棲鴉竭居巢飲遣歲月疎狂豈必漁陽搥巨觥

健松齋集卷十八展臺詩鈔上三

播蕩頗未已安能煉石求神媧

送羅魯峯歸漢陽

大別山前憶舊遊羅舍宅舍倚滄洲未能載酒招黃
鶴却喜乘風泛紫騮老去文章傳北闕到來名姓重
南州相携又惜遄歸早芳草晴川別夢愁

送陸蘊思南歸兼慰悼亡

漫道窮愁老蠹魚春來待詔詣公車名卿盡解收徐
稚京洛還憐失董舒北闕風雲迴望日西湖歌吹拜
恩初送君不覺添歸興高閣集青好著書

其二

策蹇燕山又幾時傳來消息蚤堪疑
算空我正憐影書到君還賦
室思千里離愁江上遠三秋歸夢客
中遲臨風不用頻相慰驛路蕭蕭祇自悲

題萬年冰送陸雲士宰郊縣

何年結瑱本天成川媚山輝舊有聲
早信雪霜堪共永卽看圖畫總難名
光分趙壁千秋合影散秦臺一鑑明
從此吏人冰上立使君原自重連城

爲王顓士悼亡四首

零香遺篋不堪思夢斷茸城授館時
兒女滿前都是淚何須重讀悼亡詩

健松齋集卷十八 展臺詩鈔上 三

解褐登朝佐奉常徵書近喜下明光
誰憐薄宦三年裏一曲離歌冷鳳凰

簪筆承恩向直廬簿燈佐讀共三餘
傷心猶記臨岐語珍重龍門太史書

年來無事不相同誰意蕭蕭枕簟空
從此明旂南去遠一般顓頊語秋風

送江辰六之官益陽

此去長沙路幾旬芙蓉秋色繞江濱
漢庭早擅凌雲奏楚甸還看攬轡新
學道十年寧俗吏種花萬樹總詞人
湖南烽火今纔罷辛苦循良莫厭貧

婦亡四十日不得三子消息

無母嗟何恃哀多不可思誰憐驛馬日
便是廢我時鄉國書應到梁園夢未知
披帷凝望處妻絕淚如絲

其二

生死真成別孤燈掩寂寥不眠愁遠信
無夢慰清宵驛路三千里啼痕四十朝
何時重聚首慰我鬢蕭蕭

七夕悼亡

常時當此夕今夕最堪憐豈爲填河約
空思乞巧年呼兒具瓜果按節理釵鈿
惆悵人何處燈孤淚黯然

其二

健松齋集卷十八 展臺詩鈔上 三

漫道星橋遠秋新尚有期誰憐生死隔
無復別離思斷簷榮蛛網殘香裊總惟愁
多不成寐安得夢來時

白松詩爲房慎菴比部作

芝草非不榮桃李亦烜赫貞勁比君子
乃在松與栢皦皦冰雪姿歲寒不能易
幽芳久益厲豈徒悅晨夕

貞靖挺孤標尊人兵部公解褐際屯厄薇蕨志首陽

哀吟激金石一死畢生平荒祠耀丹碧
庭樹靈所憑松亦隨之白始松初移時
曾未踰尋尺他勉二十年

霜髯勁如戟孝子風木悲攀條感遺澤
西望結遐思夢憶猶踟躕我家黃山松
先人志所適婆娑軒檻間

古幹陋常格烽火烈郊原蒼翁免摧摘或者先德存
不復隕兵革君肯爲我歌俯仰悲往迹詎知兩人心
悉與松俱積因君寄雙松託根異疇昔亭亭亘千古
精光溢靈珀倘修耳目觀鬼神豈終惜相望在貞堅
忠孝永無斁

中秋日早朝

秋色平分向曉天桂華香裊禁城烟雲瑋似識霓裳
奏侍從新題皓露篇暑氣纔收丹闕外晴光先到紫
宸前太平今久同民樂萬里清輝入御筵

中秋感亡

建松齋集

卷十八

展臺詩鈔上

七

見說中秋近無言已自悲可憐今夜月猶照舊時帷

其二

頻年當此夕按節纓尊章誰信頻婆果含悽莫汝旁

九日陸義山遊慈仁寺以病未赴

佳辰人自快登臨獨坐蕭蕭小巷深
酒乘黃遍種已傷心論年最怯重陽近
鏡還憐兩鬢侵慙媿故人相訂好不堪
貧病共追尋

是夕親友携尊過飲志感

老去真憐歲月殊不堪傾頓語柔孤
年驚白髮添新曆人以黃花冷舊圖
辛亥初度家兄繪圖見貽病起漫同荀令癖

眼枯誰怪卜生愚開尊莫問從前事
妻絕四圍空

移居

卜宅向西偏巷僻行踪寡敝廬誠易安
况乃容車馬几案數卷書牕櫺自蕭灑
適意良已後華軒何爲者蝸廬愛其
廬無心羨廣廈

其二

晨興戒僮僕餽車宣武門車人競笑謾
萍跡何無根往歲徙宅時僕僕勞朝昏
敝籠脫鎖鑰歡喜尚存敗書三兩架或
者供饗殮爲我謝車人將車慎勿奔

建松齋集

卷十八

展臺詩鈔上

七

汝言良知我難向他人論

其三

中道失妻子獨夜起徬徨勉從長者教
愚山先生哀多良易傷觸緒積悲感
愁病侵膏肓達人誠委化情至諒難忘
棄置勿復道天寒更漏長

和葉初菴院長題翰林院壁用東坡清虛堂韻

瀛洲亭古連堤沙修槐夾道森成衙
玉峯先生文章伯縱橫理窟推天花
經筵說書動宸衷蘭臺撰述傾百家
閒時閉戶抱幽獨詩成倚杖看歸鴉
此中甘苦向誰說寒風謾謾吹霜葩
自慙老大還碌碌愁侵體

骨難搔爬鹿門妻子積推勸病渴空思龍井茶窮愁
著書良匪易不眠時聽街鼓過先生高致乃如此吾
儕何復勞咨嗟願隨先生策杖段西山蒼翠凌朝霞

爲王山長題丹楓閣圖

真有深秋意丹林足臥遊夢中曾得路齒裏欲登樓
飛瀑千巖落危崖一徑幽何時來勝地拄杖小橋頭
冬日陪益都夫子遊祝園卽席奉和原韻

東山千古韻選展到幽棲竹樹分寒立郊壇入望迷
徑喧馴兔起林靜亂鴉啼禮法都無繫蕭然野興齊
其二

健松齋集 卷十上 展臺詩鈔上 畫

名園依北郭踏雪喜相過冰老凝新砌霜寒裊舊柯
開軒分紙墨捲幔對烟蘿今日長安客誰曾此嘯歌
其三

偶然同勝集雅曲更投壺地僻人聲遠天空雁影無
論文峯畔出得句雪中呼小醉危橋路凭闌各自扶
其四

居然韋杜曲卜築儘清幽閣外寒雲合峯前遠樹浮
賓朋方絡繹詩酒自綢繆此際追隨好都忘舊日愁
又和益都公祝園讌集韻

園林清絕簾垂繡梧竹琴樽銷短晝一時竝集梁園

秀雪裏梅花開小春輪蹄寂寞幾遊人凌寒且復娛
佳辰追陪喜逐東山謝呵筆分題高閣下詩成漠漠
空堂夜冰紋滿院霜花開十千沽酒幸能來當歌且
莫驅車回

其二

旗亭張讌春滿園載酒今朝偏逐凍闌人驚怪車馬
喧衝寒掃雪晨光動樓臺歷歷小橋橫霜華萬樹連
亭棟我公朝罷喜先來茗椀敲冰開小鳳十年烽火
冷長安捷書次第皆賓貢太平無事一官閒坐擁無
絃堪撫弄酒酣覓句繞迴廊合坐詩成誰伯仲追隨
健松齋集 卷十上 展臺詩鈔上 美

益都公招集王司馬怡園和原韻

遙夜不知寒歸來月照青絲控
司馬耽幽勝園林暢遠心軒開憑眺賞雪盡喜追尋
高閣通朝爽危崖疊夕陰登臨真不厭還坐撫清琴
其二

其三

緇塵滿都市寂絕萬山寒樹老參差合峯危結構安
穿橋述曲檻激石擬崩湍卜築能依此無心計屈蟠
乘月登樓興傾醅醪似澠支筇皆勝地呼酒任佳朋
霞捲千峯夕天高萬木澄重來應有約夢亦記吾曾

其四

敢道朝參嬾經旬野興耽
分明遠樹洞古宿歸嵐
坐覺峯逾靜寒知酒易酣
旅愁應暫遣且莫憶江南

題畫

危崖清絕俯茅茨古樹橫
牕雪滿枝君去十年應不
厭便從天半認峩眉

其二

三五茅堂倚石根寒雲漠
漠擁孤村此中似有袁安
臥萬壑無聲獨掩門

施愚山侍講初度

健松齋集

卷十八 展臺詩鈔上

毛

敬亭神仙宅宛水環雙流
達賢鍾灝氣邈絕今人儔
天子右文學敎書貢九州
先生既舉首我亦來山陬
相見自傾倒未敢托交游
被命共史館巨典期千秋
載筆懼隕越往復同咨諏
言辭務馴雅軼事恣冥搜
重感切劇意勉還相酬遂
忘愚者惑一得常幸收
乃知性情合匪爲虛聲謀
顧憐深巷隔數過時淹留
相對一杯茗論難久未休
僮僕倦已睡道左停軒騶
握手出肺肝誰云水石投
古者忘形交未知有此不
今年朔氣寒四壁風颼颼
旅館值初度寂寞荒觥籌
自言晨炊冷昨夜典衣裘
賦詩紀歲月當茲翻百憂

從來曠士懷萬慮等浮漚
我年行及艾甲子君已周
擾擾百年內霜雪都盈頭
一官真似水書卷銷窮愁
今辰烹綠雪宣城茶名爽氣西山浮
人生隨所安何必非滄洲

送少司寇高念東先生 予告歸潯川

齊魯才名五十年登朝偏
自愛林泉舊時南國遯多
士近日東山買薄田優老
盡知 仁主意辭榮真美
大夫賢卽今三徑餘松菊
學道參禪總澹然

其二

健松齋集

卷十八 展臺詩鈔上

毛

曾謝朝參理舊耕徵書再
起典秋卿登堂未得同徐
孺對客頻聞說項生正喜
文章尊海岱俄看蹤跡擬
蓬瀛送行不獨憐知己人
望由來屬老成

其三

薊門晴雪憶吾廬白髮還
山引犢車公子南荒歸國
日時長公自蜀奔回老臣北闕拜恩初
殷陽水落堪垂釣夾谷
嘗深好著書寄語同岑
賢小謝仙人海上近何如
令弟張東與余丁未同舉開辭家訪道登萊

讀趙玉譜中翰隄上行感賦

道州春陵行杜陵石濠吏
宛轉寫民哀凄切詩中淚
關西老宿趙舍人作令十
年勤撫字高標早竝赤城

霞再遷三輔還凋瘵頻連婦子總關心儒術由來
吏治昨歲崇文詔選才使君應 召長安市一官需
次江南遊徘徊隄上先淨泗是時河決清水渾淮徐
千里皆崩潰田廬決漕走蛟龍秋風孤子悲何濟

宸衷憫恤命司農水衡將作頻咨議民勞民便務求
詳百萬金錢都不計河渠使者冠蓋多符牒倉皇謀
水利丁男死徙婦女充鳩鵲千羣方集事柳埭竹樓
亦經營策動晉秩多殊異不知何日慶安瀾桃花乍
漲還淪棄吾聞禹績尚疏排宜房築後隄防備強水
從人勞逸殊橫亘長隄良不易勞人草草將奈何詩
健松齋集 卷十八 展臺詩鈔上 堯

早朝遇雪

俄看飛雪滿遙空又聽宮鴉逐曉風影散雲霄都不
辨飛花萬點禁庭中

其二

彤雲漠漠曙星稀路轉銅龍雪正飛自是豐年宜兆
瑞春光先透侍臣衣

東洪昉思

揚亭咫尺竟何如室邇人遐恨索居豈為避喧常鍵
戶不應訪舊更迴車題詩空憶高軒過掃雪真憐小
巷虛寄語西泠洪伯子湖山七載結相於

其二

攬轡相過已數旬三秋人隔又新春龍門正喜留住
客竭舍何緣到故人縹緲便同千里別寂寥誰念一
官貧錢唐交友如還問慙媿南村賦卜隣

得兒輩守東從陸路扶觀信口占寄之

幾月長途信息稀一帆猶自阻南歸可憐淚盡鍾離
驛兩道明旌帶雪飛

大兄舟東宿還

健松齋集 卷十八 展臺詩鈔上 罕

潞河淒絕母喪回又盼采園旅櫬來沛水孤舟風雪

夜死生相對總堪哀

大兄辛于汴喪會濟寧

水雲漠漠阻關河半載飄萍萬里過最是孫雛梨栗

盡啼痕落處馬塵多

孫繩武向隨京邸今大兄携歸

饑寒迢遞會舟車總恨風前一慟餘南去北來無限

苦九原愛子意何如

大兄南旋三兄迎慰北上會於宿遷以資費大兄駐回借置

哭兄哭母淚縱橫黃口伶仃學遠征太息官貧歸橐

盡挽車千里雪中行

三兄路費盡假驛車奉二柩陸行舉值舟金帛隨至揚州貨給

一官顚顛冷燕臺悔殺無端命汝回辛苦舟車都不

易傷心今日為誰來

去年九月造兩兄歸試

歲暮雜感

數載長安客今年歲又除官貧仍旅况夢擾爲家書
月落千山遠風高四壁虛誰過太平鼓切切獨愁予

其二

窮愁非不慣淒絕是今年鏡舞憐孤影蘭摧泣遠天
歸覓千里隔殘夢五更縣欲遣真無計深慙達者賢

其三

寥寂誰如我含愁只自知閉門常宴坐掩卷復深思
真笑交游少都忘歲月馳豪華人所羨猶憶少年時

其四

健松齋集

卷十入展臺詩鈔上 呈

巷僻容吾嬾經年只掩扉愁多人去遠病久客來稀
藥案時時檢鄉心處處違無才慙報稱何日遂初衣

得里中親友書

數月人來便親朋意念深尺書方寄慰遙夜倍傷心
夢醒驚殘漏宵長冷鐵衾殷勤非不報呵筆淚沾襟

健松齋集卷之十九

遂安方象瑛渭仁著

展臺詩鈔下

元旦 朝賀應 制二十四韻 辛酉以下

三微開令節四序轉鴻鈞歲適占平酉 裴度平吳元
日雞米肥酒未熟占者曰雞米肥無肉也酉未
熟無水也平賤當在巳酉平今年歲適在西年還

屈上辛雞人催唱曉鳧氏警司晨日暖輝丹闕霞明
護紫宸廣庭紛羽衛仙仗肅鈞陳翠輅臨軒出朱旗

夾路勾勾芒初布律風伯早清塵桂殿祥光啓璇宮
大禮親慶成歡鐵鳳端蹕引蒼麟雅樂肅韶奏和烟

健松齋集

卷十九 展臺詩鈔下 一

寶鼎伸桓桓森劍珮濟濟萃簪紳萬國來同候于官
舞蹈辰典儀方贊導柱史更糾巡久已通重譯何須

格七旬頒酥分內府錫宴勞嘉賓淑氣環圉良時
協士民卽看摧洱海寧止勒戎氓奉朝謳歌集呼嵩

瑞應真雲皆書大有箴亦聽吹豳調變資元老班聯
及小臣無才搜舊簡有志媿先人漫訝雙九疾欣聞

百度新紅雲瞻表近白獸拜恩頻願祝鴻圖永靈長
景命申

門人馬嚴冲葦書舍取先樞部天酬循吏以文
章句顏曰報循堂寄題二首

當年原自署循良絳帳晨開對草堂陶令風流傳栗
里安仁詞賦重河陽門臨皖水移舟便坐接浮山引
興長此際經營知不易數椽珍重舊詩章

其二

仙郎文藻自風流治績還聞古帝丘樞部宰抗疏舊
曾推柱史大父太僕公明神宗時名御史傳經今復向瀛洲十年夢
杳題詩壁半畝春新載酒樓我杞孤標霄漢上何時
共逐皖溪遊

孫吧瞻學士元旦詩用唐韋莊相看又見歲華

新爲起句和韻四首

健松齋集

卷十九

展臺詩鈔下

二

相看又見歲華新烽炬連天剩一身近喜故園休戰
伐重聞絕微罷征塵論功夢適占平酉裴度平淮事紀曆
年還合上辛從此春王同正朔六街燈火總遊人

其二

余與學士同出薪水張先生門別且十四年

相看又見歲華新頗憶當年旅館身十載蘭亭同絳
帳三秋梅市奉清塵登朝君自名先甲耳筆余還媿
受辛最喜趨陪丹闕下剪燈猶記舊時人

其三

相看又見歲華新良夜傾杯客裏身斜月半軒連火
樹清歌幾曲裊芳塵樽前兄弟欣同卯癸卯鄉試同年大集陳比

節座上詩章恰和辛
東坡與曾子固作和辛字韻詩
金谷西園舊往
事豪遊快絕古今人

其四

相看又見歲華新掩卷空聞著等身敢謂載書分玉
管或因閉戶息繙塵簡繙只合警魚亥衛杜真慙亂
細辛不朽文章千古事未知班馬是何人

新水

和益都公韻四首

日暖冰初泮流澌下碧湍游魚吹浪小浴鳥起沙寒
始覺微風颭還宜細草團兒童三兩隊橋畔理漁竿

新草

健松齋集

卷十九

展臺詩鈔下

三

蒙茸新雨後秀色點荒堤徑軟停朱轂塵香散碧蹄
坐來寒尚近望去影初齊游冶誰家子傾樽處處迷

新柳

彭澤移栽後春風放眼初攀條知有意折贈尚無書
裊裊扶虛幌纖纖俯舊渠西泠橋上望此際較何如

新蝶

不知何處住早得趁芳辰搖曳飛還倦翩跹粉乍勻
浪尋花下隊未遠夢中身底事傷春者相看便愴神

病中口占

漫道貧非病貧偏與病俱豪華盛意氣曾解一愁無

其二

寂寥誰過問日午不驚扉自是交游少誰云古道稀

其三

病侵難自遣况是旅中人童嬾呼不至牀書寸寸塵

其四

數載銷愁計細芸伴索居比來慣藥火只是檢方書

山城行

余邑自甲寅被寇流離遷播凡四年京邸追憶爲

長歌記之

憶昔山城烽火逼萑苻草草弄兵革西連姑篾東青

健松齋集

卷十九 展臺詩鈔下

四

溪後先淪陷皆奔北維時戍守尚干夫環城內外叢
狐域令尹倉皇甲士驕一朝棄去空城堡士女奔號
風鶴驚千萬生靈都不惜頗怪城門四面開黃巾驚
詫嗟奇策三五游偵覘市門雞犬無聲但空國裂帛
爲旂竹作矛十道狂氣始充斥雜坐喧呼總不馴孤
鼠成羣誰主客嗟余臥疾寄空山幾旬露宿牛羊棚
曉來聞變別妻兒百里兼程冒荆棘山靜無人問姓
名獨坐時看豺虎迹俄聞督府羽書飛關西老將親
馳擊可憐易合本無謀擾擾聞風先辟易村落鋤鎌
試一呼軍資棄盡哀號亟將軍不戰獲三城張皇捷

健松齋集

卷十九 展臺詩鈔下

五

秦修攻克人家稍稍見炊烟將吏揚鞭來舊城徵兵
三萬營四郊轅門大啓西城側噴廬橋木盡樵蘇居
人拱手恐驅迫我來謁見正中秋城隅殺氣連天黑
還山相對各唏噓重逢何處招冤鬼異時草竊數十
輩父老何難稽尺籍官軍蹂躪賊方多逃死誰曾分
玉石隊隊紅裙馬上來掘地焚巢氣烜赫苦兵苦寇
何時休野老吞聲淚空滴賊營昨日遣書來怨聲吠
犬多狂逆將軍斬使首逆書紀功幕府俄遷陟總是
尋常嘯聚羣豈真戎首傳飛檄無端虛冒濫深思孽
兒所養糜軍職猶記霜風九月天賊衆喧闐勢頗劇
旌旗搖颯鼓吹紛鳴呼鳥獸瀾山澤將軍令下戒毋
譁登陴衷甲城圍塞分軍五路左右馳鄭重真如臨
大敵巨敵纔轟賊已奔倒戈星散嗟何益前驅斬刈
總不遑草薶禽獮盡俘馘兇渠組繫不知名傀儡豈
是封侯格村莊執訊各連連僵屍遍野溪流赤此時
勝氣差強人余亦城頭幸休息持醪半刺賀軍門凱
唱今朝聊塞責乃知賊本不足平逍遙歲月甘留恩
早矣庸公報 聖朝何須供億疲民力携家問道下
錢塘故里山川委鋒鏑三年駐牧室虛空哀鳴鴻雁
聲悲惻威靈赫濯八方平浙東近喜銷戈戢滿目瘡

瘼白骨橫百年難起溝中瘠願挽天河洗甲兵婦子
恬熙樂晨夕

送汪鈍翁假歸

長安誰道不南歸十丈紅塵戀落暉今夜潞河橋畔
月一帆真得遂初衣

其二

遂著荷衣出鳳城薊門惆悵別離情豈真學道甘違
俗自是今人不愛名

其三

雨箋烟艇月黃昏老向吳江辭荔村不是史臣歸太
健松齋集

卷十九

展臺詩鈔下

六

蚤一編久已答殊恩

其四

楊柳春新綠又濃玉河南望水溶溶君行我欲思歸
甚倚杖同登縹緲峯

毛行九馮官聞躬暨寓齋小飲

五載寄長安一官澹如故知交良已稀局戶寄寒素
既無折簡招亦未戒厨傳餽菜足冬春饗殮以時度
今晨車馬便爛熳到庭戶公子兩翩翩清修謝統袴
授經有毛萇書卷共曉暮愈知相國賢肯與膏粱伍
看核草草陳市醪潑秋露京洛豪華家張筵盛供具

樺燭照軒楹珍錯相參互卽看庖饌拙足知主人趣
愛我共傾尊忘形悅情懽豈少良譙會貧交實有數
杯闌蹈月歸疎星淡庭樹

送何相如宰桐鄉

鷺鷥芳郊晝日長雙鳬奕奕出明光江花過雨迎飛
旆驛柳迴風繞別觴水部新篇傳潤浦朱侯舊績重
桐鄉由來十異君家事珍重屏名御墨香

送趙禹玉任林縣

蘭書十載正卿杯早佩麟符鄴水開琴鶴自傳先世
澤文章須信使君才花明萬樹仙人谷績紀千峯玉
健松齋集

卷十九

展臺詩鈔下

七

女臺此際長安游好在看君驄馬座中來

出郭望西山積雪

時送兩皇后
梓宮葬山陵

長安二月正春晴極目郊原綬轡行古雪鱗鱗天遠
近連岡歷歷路縱橫漫疑羣玉千峯碧却憶峨眉萬
丈明我欲乘風凌絕頂曉寒驢背看詩成

喜雨

九月初霖後燕山半載晴乍霑初雨氣差慰老農情
隴麥添新穗園條長舊榮來朝問米值應得暫時平
沙河過施愚山高阮懷倪閣公

信宿郊原外村村車馬多山寒新過雨沙軟漸通河

啓戶知相近烹泉喜暫過荒城無戍鼓待漏意如何
三君卽同過村寓汲河水烹茶

不辭筋力倦並轡過溪橋遠樹聞雞唱平沙任馬驕
啓門無別榻試茗有枯瓢雜坐還凝眺西山雪未消

橋望

數載羈縻久臨流放眼寬遠村明古樹斜日抱危欄
烏下青蕪夕魚牽翠藻寒故園風景在彷彿旅中看
還自德勝門憶于少保舊事

當年土木事全非倉猝都城屢合圍若使竟從南徙
策可能重望北轅歸九門日落喧聲鼓百戰秋高吟
健松齋集

卷十九 展臺詩餘下 八

鐵衣復辟鐘鳴身竟死行營何處亂鴉飛
萬柳堂修禊和益都夫子韻

風流誰美永和年勝日追隨地自偏曲水杯觴應不
減蘭亭詞賦總堪傳柳多野意分窻見花有紅心過
雨妍却笑幾番陪讌賞平泉今始到雲烟

其二

東山絲竹喜同偕驅馬郊原散遠靈襖飲漫誇當日
勝雅遊方信此中佳正須載酒依芳樹莫更臨風感
舊叙雜坐吟成誰最早謝公詩健恐難脩

答陳其年春日感懷見東用萬柳堂襖飲韻

往事驚心是舊年埋憂無處恨天偏誰憐遠夢愁中
斷空擬遺容枕上傳南去只今無雁到春來不信有
花妍哀吟讀罷添淒切一種啼腸泣暮烟

其二

白髮今生未許偕昏昏晝日總沉霾歡愉每歎生來
少杳渺真疑死後佳我自無聊看舞鏡君從何處問
遺釵金門不奏安仁賦淒絕神傷盡我脩

題畫

門掩松一株閒心何所託山靜畫初長松花自開落
夏日益都夫子招同其年遊善果寺

健松齋集 卷十九 展臺詩餘下 九

休沐真餘暇追隨此暫過到來人跡少坐處鳥聲多
香遠通紅藥簾開對薜蘿蘭湯新浴好不記有沉疴
其二

清絕長安市幽林獨掩關一簾宜畫永半榻卽深山
人散鐘聲外花明梵唄間塵心銷未盡寂寞窺僧閒
寄祝李鄴園總督

承平日已久黥彭恣跳梁弄兵起滇海閩粵同鳴張
前驅出仙霞雨浙紛蜩蟬李公奉簡書堵寇趨江郎
三衛既偃擾守具卒未遑忼慨誓六師士氣爲之揚
賊衆易易合八郡競披猖蜂蟻百萬聚皂纛爾崇岡

儒夫昧遠算首會惡周防我公奮臂呼克敵先驅場
上游棄不守千里皆危疆大小百十戰屹然壯重墜
王師下八閩幕府謀最良破家饗戰士白首勞星霜
余時遭變亂遷播依叢篁烽火驅徒步轉徙到錢塘
驚定見城邑士女方熙攘乃知保障力半壁倚金湯
東南免鋒鏑公勳安可忘蕩平今且奏電勉還戎行
功高恥自明勞臣職所當招携偏避避蠲賑亟流亡
誰云公善守匪守奚由強條侯制吳楚營平降諸羌
大將在持重豈必倭殺傷今公屈上壽吳越輶戈芒
軍恬民益附頌禱娛杯觴元臣重朝野况乃依梓桑
健松齋集 卷十九 展臺詩鈔下 十

臨風致遐祝相望在旂常

喜三兒到京

相見都無語悲來淚已傾憐渠少失母又復遠離兄
南北千山路舟車兩月程得書長憶汝差慰客中情

其二

是日亡室小祥

母是生時別今朝又小祥經年成往事相聚總他鄉
衰病吾將老追隨汝實傷不堪頻墮淚扶病禮空王

其三

同懷兄稍長仲季最相依何意中男別先從慈母歸
書緡前日字影斷舊時衣此際添余慟蕭蕭鴻雁飛

其四

往事愁無盡相從且自今傳經先世業教子老夫心
莫恃聰明快須知學力深九原都望汝電勉記遺音

題詩枕

苦吟亦何取不如高枕眠夢覺適無意得句發皇先
誰將詩作枕祕貯筒便便有時擁被臥注思如涌泉
此中有神遇不向醒時傳

劉鍾宛夫子七夕讌集和元韻

猶記扶風帳陪遊又幾年生徒重聚處花竹尚依然
纖月浮珠箔涼颺散綺筵星河凝眺遠瓜果正秋天

健松齋集

卷十九

展臺詩鈔下

十

其二

靈辰纔昨日涼意晚來侵促坐宜清讌高談感舊心
螢飛迴曲檻風過響寒砧夜久扶歸轡秋光滿上林

雁字

賓鴻嘹唳喜同羣隊隊遙看點畫分蒼史書雲開鳥
篆鳩皇煉石起蜂文浪傳繁帛來西域誰復龍鸞羨
右軍一代羽儀知不易晴空萬里碧天聞

其二

長天如畫雨初收鐵畫銀鈎處處留萬里羽書搖日
月千年麟筆紀春秋霜翎裊裊題清影勁翮稜稜賦

遠遊此際書空應有意隨陽肯爲稻粱謀

瀛臺 賜宴紀 恩二十四韻

萬國來同日承 恩正早秋晴雲開太液佳氣護瀛洲待曉依仙仗乘風引畫舟三公周旦爽百職漢枚鄒望裏

天顏近傳來詔語優吳綬頒鳳采蜀錦豔魚油扶藿章新寵縣鶚改敝裘大官方設饌內府更陳饌玉粒冰凝盃瓊酥雪滿殿趨蹌臨水榭徙倚對層樓荷露紅初散槐隄翠欲浮五龍連別浦雙鳳翼崇丘坐久微涼入橋平薄暑收載聞前席召仍命侍臣留繡幕

健松齋集

卷十九 長臺詩餘下

三

光才透芳蘭氣自幽金尊盈縹緲玉竿泛黃流既醉容逾肅爲歡禮莫酬承佳通宴樂鼓瑟叶歌謳已識乾坤大還欣雨露稠蓮房清味永藕節素絲柔在藻應同慶如船詎足侔未央頒幣帛大饗集觥籌孰擬皇仁渥寧忘 聖澤周小臣慙醉飽千載祝宸遊

送舍弟象理歸里

數月妻兒淚愁中喜弟來迢遙違子舍寂寞伴燕臺
檢藥扶吾老支貧仗汝才經年殊未久惆悵別離杯

其二

宦味吾原淡蕭蕭鬢髮侵未能圖報稱何日慰歸心

松竹紫清夢知交隔遠音寄言告慈母南望日雲深

重陽後一日長椿寺讌集和韻送毛行九南歸
載酒重依舊講堂風簾十丈禮空王幾年作客過重九到處題詩憶故鄉多病自憐看菊晚論心且共引杯長茱萸更酌休言醉明日懷人天一方

徐立齋學士擢總憲十二韻

南州家世望東吳 特簡新傳漢大夫唱第宮雲華五色同朝玉樹並三珠掄才永叔原師表稽古桓榮自楷模講幄譚經資啓沃綸扉佐政典訏謨

帝知學士儀羣彥 詔領中丞肅九區芸閣彤編裁

健松齋集

卷十九 長臺詩餘下

三

舊史蘭臺白簡驗真儒稜稜封事垂邦憲侃侃彈文震海隅
牙角霜清趨董率花磚冰立靜傳呼門無熱客時隨鶴柏有寒光夜集鳥豈獨周昌名蹇謬由來魏相重公孤
春前酒熟分麟管殿上詩成矢鳳梧自是明良千載合不須諫草紀青蒲

送趙雷文儀部權揚州

輕帆南去向邗溝筦算還推第一籌舊領容臺陪法從新看權使對江樓
三春禮樂郎官署萬里帆檣估客舟二十四橋良夜月知君題徧古揚州

送喬石林典試廣西十二韻

四海同風日南荒盡僱兵敷文

仁主意論秀侍臣行戟筆留螭陛驅車出鳳城三湘
雲縹緲五嶺路縱橫月落迎征旆霜寒數驛程舊原
尊陸賈賦早奏長卿好士今如渴憐才舊有名春新
灘水濶霧捲桂山晴莫道風偏簡應知化始更奇姿
收士變高第擢馮京鉅鉅幽尋便蒼梧遠眺明歸來
酬簡命萬里正昇平

長椿寺飯僧兼柬彌整和尚和韻

祗園重見戒壇開萬善羣趨般若臺裴令喜從黃閣
暇生公近自赤城來師寧海人聞鐘鳥下伊蒲供說法人

健松齋集

卷十九

展臺詩鈔下

古

依大辨才漫道寒林春尚早天花滿地不須栽

雲南平 午門宣捷恭紀四十韻

萬里歸懷日

皇威震遠荒占星通井鬼拓地盡荆梁在昔嗥狐鼠
頻年播虎狼泚滔甘旅拒安史共披猖竊恃九泥回
真同卵翼忘苴蘭盤窟穴葉鏡繞重隍聚族分蒙舍
稱尊擬夜郎一時叢鴟鵂諸道沸蜩螗問學聲靈赫
安民捷伐張禡牙懸太白授鉞啓中黃驚鴨鳴淮蔡
龜跡躡范陽九盤先失險入甸已摧芒不悟巢傾燕
還矜臂怒螳神方禡迥鬼人復狎戎王狡豎終何濟

朋姦尚肆狂合圍經歲月轉戰襲餽糧困獸雖云聞
枯魚蚤自傷

帝心哀絕徼 聖畧徹蠻鄉詔下師徒奮軍行羽旆
展秋青纓壓境莊蹻已開疆隊隊修降表村村勞酒
漿前驅安濟火上將段文昌信宿摧囑町雍容定點
蒼歌虞知力盡坐斗泣天亡遂靖昆明沼重開驪角
莊銘勳高螭蟻築觀俯瀾滄縹緲頻充貢箋籐更舉
筐提書馳細柳凱奏動長楊早識

天顏喜應知廟算詳五溪封洞壑六詔奉梯航吉日
形雲曉 端門淑氣朔告成宜百職飲至飭殊方奕

健松齋集

卷十九

展臺詩鈔下

五

奕文謨遠桓桓武德彰獻囚來泮水放馬牧崇岡善
後機宜遠經還制度良湛恩敷海滋 寵命被官常
喜溢風雲會兵銷日月光陳圖仍萬國約法總三章
樂奏山皆立波恬海不揚從來干羽格清晏樂虞唐
孫岷瞻學士招同羅大行開園包孝廉子聚時

子聚應南宮試

猶記豪遊二十年浮尊時汎禹陵船余與學士及兩
君秋試同門
別來每隔江南樹到日重携薊北天學士杯觴娛雪
後孝廉意氣盛春前遭逢莫道君徧晚看爾傳呼到
日邊

元夕以下
壬戌

市遊不厭喧杜門不厭寂共此明月光人我各自道
中庭有佳樹倒影參差入輕寒襲衣裾冥然羣境息
不知幽獨中今夕更何夕

送張素存閣學扈

駕謁

陵

上陵車馬正芳辰簪筆陪遊簡近臣久羨黃扉參
密勿還從紫塞寄絲綸和歌早識天顏喜覽勝時
分御幄春此際贊襄知獨切馬前宜召拜恩頻

健松齋集

卷十九

晨臺詩鈔下

六

送孫屹瞻學士扈

駕謁

陵

警蹕欣傳聖孝修侍臣陪輦出皇州混同水濶迴
清眺長白春深控紫駟陌上蓮燈承睿藻帳前珥筆
奉宸遊登臨作賦尋常事記注還看萬古留

瀛州亭卽事呈同官沈昭子彭美門李公凱諸

君

金臺修禊後春暖玉堂清古屋停新燕疎槐度乳鶯
吏閒誦掌故官冷歷生平聞道綸音下恩光滿鳳城

其二

紅綾春宴罷需次十年餘豈意承丹詔重來到石渠
分曹緝舊乘珥筆答新除予奪何人是真慙太史書

其三

高亭凝眺處縹緲是瀛洲院古宜清晝官貧有傲裘
未能酬簡命豈敢替先猷俯仰知何補空懷歲月悠

送張敦復學士奉假南歸

十年侍直迺難儔賜第西華接鳳樓講幄春深承層
藻瀛臺花暖奉宸遊一時父子文章重千古

君臣寵眷優歸去溫綸先切切還朝車馬正高秋

健松齋集

卷十九

晨臺詩鈔下

七

其二

暫辭丹陛向江城天語傳宣眷此行致

主有心勞啓沃展親無計慰生平宮霞五色留珂珮
津柳千行逐旆旌忠孝只今誰竝擅送君南望不勝

情

李渭清檢討貽龍鬚歌

李君好奇天下無開械邀我蒼龍鬚健如縣針修數
寸柔勁絕與人間殊自言潛青有龍窟培塿小阜龍
所都夜半時聞蛟螭鬬奔雲激電風雷俱不知何年
別勝負山深月黑紛號呼居人驚起觀戰處髯領墮

落血模糊由來神物實難值死骨能令萬病蘇我聞
此言良太息昂藏天矯徒區區爭名競利人情耳神
龍變化胡爲平曠珠翠羽象有齒獵山探水殲其軀
何不升天致雲雨乃爲藥餌供須臾萬物成敗各有
數潛藏亢悔真殊趨羣龍無首乃得吉麟鬣不見天
爲徒吾將與君觀大化慎勿輕視龍髯枯

送同年丁次蘭督學閩中

仙郎拜命出楓宸奕奕文星徧八閩近喜含香名水
部舊傳珥筆重詞臣海天萬里師模古秋色三山使
節新聲教東南原不遠豐城劍氣接延津

健松齋集

卷十九

展臺詩鈔下

太

送沈客子歸鴛湖用見贈原韻

十年舟楫向禾城聞道休文早擅名北闕舊曾偕樂
令東廂今喜識王生客子爲吾友清姿秀出三珠樹
雅曲輕調百轉鶯何事一帆歸去惡月明長憶和歌

聲

徐健菴學士招集同曹裁眉丘季貞潘次耕

名園曲曲畫堂幽古木千章俯碧流正喜飛觴花下
集不妨載酒雨中遊風迴芳樹紅無定烟裊垂楊翠
未收四座賓朋同勝賞暢心何必問滄洲

送林澹亭督學中州

詩名廿載重南臺版署還推一代才優下論文雄海
岱梁園作賦引鄒枚春深良嶽迎霽旆月上金隄對
酒杯此日公門休暇好中原桃李爲君開

夏口

疎槐庭院靜無喧嫩綠纖纖過雨痕扁戶都忘居近
市退朝幾見客呼門書繙舊史銷長晝花逐微風落
酒尊最是夜凉明月下扶蘇清影滿前軒

其二

客憲四月尚輕寒滿徑清陰向曉看筆削何心臣志
切優閒無事主恩寬南窗日午披圖卷小院春深

健松齋集

卷十九

展臺詩鈔下

尤

俯藥欄朝宁林泉都不異勾留非是戀微官

其三

幾年簪筆魏清班高臥居然霄漢間潦倒朝衫成大
隱蕭疎庭樹卽深山魚唼亦有滄洲意草綠方驚歲
月還莫道緇塵都碌碌閉門真覺一官閒

其四

分曹授簡諒非虛滿架抽殘史歲餘多病不辭心力
倦無才真悔見聞疎每觀興廢千秋事須信編摩一
代書鎮日經營知不易諸公載筆更何如

送同年董默菴侍講督學順天十二韻

幾輔人文重持衡簡巨儒五雲韓魏國三策董江都
講帷陪清問蓬山檢祕圖和歌魚在藻宴樂鳳樓梧
奏賦凌揚馬縉書識左孤三長方筆削六籍總笙竿
雅韻誰堪竝孤懷迥自殊 帝思端士習 詔命典
師模約法真寬簡規條凜步趨金臺應擢駿滄海詎
遺珠始信邦圻化能令 聖澤孚政成報
天子聲教洽唐虞

瓶花

數枝零亂日初斜清影離離繞絳紗却笑一官歸未
得家山閒殺滿園花

健松齋集

卷十九

展臺詩鈔下

三

和益都公韻送汪悔齋檢討奉 使冊封琉球

國王

一天雨露下層霄星使乘風萬里遙
龍旗十丈壓驚潮書卿鸞鳳馳新命
賜麒麟出早朝不待前驅羣負弩都人爭看馬蹄驕

其二

奉表東南正乞封詞臣將命拜恩濃
銀章玉冊天朝典絳節朱衣漢使容
但令蠻王承德意肯從澤國問輸供
歸來載筆添新寵域外應傳范蔚宗

其三

珥筆三年 聖主恩皇華又見典章
陸賈書還重岳門古米山前波正
恩潤樓花下酒初溫揮毫作賦真豪
絕無限離愁總莫論

其四

莫道馳驅向遠荒梅花帆便即南方
山名落際仍殊俗人到園橋習舊章
撫順不難頒冊命宣風原自重賢良
寶筵若說中朝事萬里 皇威定點蒼

又和益都公韻送林玉巖舍人使琉球

龍旂夾道正南歸攬轡還過白板屏
父老扶筇看使節蠻王張譙詫宮衣
舍人自昔推和嶠豪士于今賦

健松齋集

卷十九

展臺詩鈔下

三

陸機遙想詩成雄海外圖樓樹下墨花飛

其二

含香幾載重京華奉使南臨向海涯
自是懷柔先澤國須知聲教總 天家
雲扶絳節來雙鳳浪捲朱旂壯五牙
此日車書同正朔長風萬里度仙霞

題清源十景圖

存四

十載清源覽畫船
傷隄楊柳自蕭蕭
誰人寫出江南意
芳草萋萋啼徧六橋

其二

蒼翠何年入畫圖
水姿鐵幹倚雲孤
凌寒自結支離

友不美秦封五大夫

其三

清淵曲曲月如霜野水平橋古道長坐久不知秋漸
曉數聲漁唱出滄浪

其四

望裏天寒鵲鴉呼炊烟漠漠冷平蕪疎林一帶連城
郭可是王維舊雪圖

哭陳其年檢討和益都公韻

半世窮愁博一官敝裘猶擁舊時寒著書未竟悲遺
硯環經何人泣夢蘭漫羨金門留姓字便從蒿里殉

健松齋集

卷十九

晨臺詩鈔下

三

衣冠竟來縹緲歸何處惆悵空階對藥欄

其二

蹉跎非爲戀微官旅夢蕭蕭五夜寒六代文章餘紙
墨十年意氣託金蘭無兒寂寞憐孤櫬有弟飄零著
白冠剩得人琴千古淚臨風淒絕一凭欄

其三

高閣誰然太乙藜一官相對禁城西盡知庾鮑登華
省每逐陶劉過虎溪客久不堪悲斷燕朝回誰共聽
鳴雞臨歧執手言如昨倡和詩成不忍題

其四

總赴徵書起杖藜天津邸舍玉河西愁中歲月憑青
卷夢裏鄉園憶舊溪華表未歸千歲鶴篝燈時伴五
更雞所忠他日求遺藥一卷迦陵手自題

夏日萬季野黃俞邵姜西溟萬貞一沈客子家

田伯小集寓齋

一官閉戶久成愁自笑頻年旅況甘薄俸纔支堪換
酒名流相對喜高談閒心已共浮雲盡世事都從舊
史參自是羣賢能過我敢云賓主盡東南

重午前一日金會公朱玉樹諸子小集喜賦

徑草庭槐綠滿林羣賢良會喜初臨論交敢謂淵源

健松齋集

卷十九

晨臺詩鈔下

三

近懷古方知意氣深酒泛新蒲歡令節簾開長夏倚
高吟諸君袞袞金門裏差慰當年一片心

送駱叔夜歸山陰

今古風流駱義烏萍踪又復向皇都十年誰識真能
吏千里空尋舊酒徒病後文章娛歲月塵中風雨老
江湖送君更出長安道秋色津門落照孤

秋日萬柳堂公餞益都夫子和原韻

追隨幾度傷垂楊祖帳重開又一霜正以還山辭別
墅先從載酒話他鄉三秋霽色催行早數畝清陰繞
長林得公歸餘韻在春風亭榭柳千章

其二

十年今果遂投閒白髮歸田與未閒四海生徒陪勝
集一時歌舞動離顏尊前賦別橫秋水去日承恩訪
舊山獨情慙車無計挽龍門縹緲泊湖灣家園在蕭
治湖旁

上相國王瞿巷先生

聖代求良弼金甌早卜名淵源王太傅作述魏文貞
蚤領槐廳秀頻敷玉署榮鴻章凌鮑謝正學準朱程
士慶驛驛集人依品藻精談經資講幄簪筆侍蓬瀛
先帝儲公輔今

皇眷老成糾繩欽百職矩度式羣英水部規模遠容
健松齋集

卷十九

展臺詩鈔下

雷

臺禮樂明談遷真繼史尹陟竝鈞衡屬以滇池竊因
之燧火橫中樞籌捷伐上將詰戎兵遂使叢狐靖都
無穴鼠爭千秋承廟畧萬里壯軍聲鍵戶俄三載宣
麻總列卿升庸符景運特簡慰蒼生八表歡爲雨
重開倚作楨才原房杜合勳與范韓并會見光華旦
還知喜起賡午橋時在望畫錦不須營自愧同樗散
何當逐缶鳴兩朝通舊譜五世託高情誼重偏忘分
堂開數舉航西山晴縹緲北嶽望崢嶸書省尚書履
沙隄宰相行黑頭方宅換黃髮正調羹裴令年初艾
汾陽道益亨交乎躋至治寰海洽昇平

雷琴歌爲張晴峯水部作

吾聞雷琴不擇木雪裏松濤捲寒谷有時彈出太古
音萬籟無聲風謾謾古今寶物自有神賞識要在求
其真狗名失實滿天下商周賈鼎偏殊倫水部風流
近無比自言得此長安市絃摧杜絕千餘年摩挲尚
記唐朝字一彈再鼓通神明梧桐月落秋夜清泠泠
殊音適妙指好奇况復雷威名撫琴動操衆山響先
生將毋移吾情

奉送益都夫子致政東歸八首

元臣謝政出都門予告頻傳詔語溫十載許謨籌
健松齋集

卷十九

展臺詩鈔下

雷

社稷一時車馬驛郊原東山自繫蒼生望北闕常懷
聖主恩自是功成還舊里千竿修竹繞花村

其二

七上封章未許歸今朝真得遂初衣黑頭作相心偏
澹黃髮還山願不違海內文章留大雅田間歲月禾
清卿公卿祖帳長安道疏傳風流尚未稀

其三

聞道秋清錦纜開投閒更復向瀛臺芙蓉十里新題
句樓閣千重數舉杯優禮自知
仁主意匡時還惜老臣才古今休沐多常典誰識承

恩此日來

陸辭日遣侍衛携酒檢導遊瀛臺

其四

誰道君臣際會難東歸稠疊主恩寬已看齒舛浮
西苑更賜珍庖出大官
睿藻輝煌來日下
縉紳縹緲到雲端我

皇用意真深遠爲報東山起謝安

賜文曰適志東山御書并石章

其五

岱嶽千尋接昊蒼齊州家世海天長時平密議留臺
閣亂後勳名在廟堂一代完人韓魏國兩朝元老郭汾陽
回頭却憶生平事身繫安危四十霜

健松齋集

卷十九 展臺詩鈔下

三

其六

求賢丹詔下楓宸宰相憐才意更真下榻幾年留國
士登堂數輩引詞人和歌每共南窓月載酒時分曲
水春從此園亭餘萬柳臨風酬唱憶平津

其七

政閒常是愛幽清隨意名山杖履輕漫道裴休耽寂
靜應知房琯記前生詩成短偈僧齋午悟徹空堂佛
火明去住無心今益信不須半夜聽鐘聲

捐修長椿善果諸寺

其八

廿載門牆奉楷模感心况復倍生徒誰言知我恩難

報却喜從公志未殊萬柳莊前秋望迥佳山堂畔月
明孤一官憔悴歸方切願逐春風到冶湖

同年羅行人關園奉使護送益都相國東歸

賦贈

歸田元老拜恩榮節節前驅壯此行千載君臣傳
盛事一時師弟見交情黃花驛路停車蓋綠野烟嵐
迥旆旌此日東山絲竹好登堂星使舊諸生

奉和劉夫子秋日見寄用少陵韻二首

絲竹東山好偏聞悵早衰撫時應自惜感舊易成悲
寂寞人誰問窮愁我亦疑放懷何所託還與白雲期

健松齋集

卷十九 展臺詩鈔下

三

其二

杖履隨游日遄歸易水船有懷驚斷雁無語聽哀蟬
草草長安道蕭蕭九月天新詩纔罷讀夢繞舊青毡

題茶坡八景

存四

春山過雨草芊芊石磴橫空宿曉烟晴日乍添蒼翠
色層樓十二倚霞天

其二

灘聲遙接錦溪東齒齒清流雪浪風記得歸舟凝眺
處千帆歷亂夕陽中

其三

波靜潭空露濕衣夜涼明月冷漁磯扁舟一棹寒光
裏萬壑無聲野鶴飛

其二

漁舟宿處曉烟橫蘆火星星遠近明換得松醪方夜
醉何人更唱催歌聲

送毛會侯歸里

不獨難爲別傷心是此行縱橫兒女淚淒切弟兄情
天遠憑誰問愁多祇自明從來賢達士何計慰生平

其二

迢遞從茲去霜風短犢車歸應尋舊友到卽共奇書
健松齋集

卷十九 展臺詩鈔下 天

鄉夢千山隔離懷六載虛諸君良會好念我意何如

送鄭瑚山之宜州司馬

舍人才藻自風流驛路黃花引畫舟家學早分蒼嶺
秀奇懷恰對敬亭秋舊時東閣絲綸寄近日西江桃
李收莫道鳳池還佐郡文章政事滿宣州

南軒

傲居緇塵中局戶常局促不見堦草青安從觀林木
潦草遂五遷深巷等窮谷入門望佳樹清陰滿庭綠
南軒富其下容膝諒已足細葉蔽晨曦疎風散炎燠
彷彿故園東閒窓蔭松竹

其二

何必耽林壑無常常閉門交游既絕少車馬何由喧
婆娑雙槐樹清影散庭軒放懷觀大化柯葉變朝昏
掩卷息遐思此意與誰論

壽魏庸齋總憲

北嶽峻嶒接祖源巖巖正氣喜猶存文章廿載傳中
祕封事千言感

至尊執法不辭庭似水憐才真覺語偏溫登堂幸識
淵源近萬里河流溯雁門

其二

健松齋集 卷十九 展臺詩鈔下 无

猶憶花前酒數升前門秋色月初登何當折節招徐
孺却喜登龍識李膺百代羽儀真御史一時蹇諤古
中丞覽揆不作尋常祝萬丈喬松玉井水

元日侍

宴恭紀 以下癸亥春夏○自奉
使至還朝獻錦官集

待漏金門又一年疎星歷歷曉霜天祥麟乍起迎宸
幄旭日初高敞御筵雅奏春新三殿外仙庖香簇五
雲邊尊開白獸知誰是載筆真慙事簡編

其二

繞聞長樂慶芳椒又聽疎鐘度早朝萬國冠裳同禹
會九夫鸞鶴引虞韶辛盤日午來天府仙仗風迴漾

碧霄待從承 恩歌既醉春光已徧玉河橋

立春後一日飲愚山先生邸舍同關公西溪俞

邵季野貞一

靈辰纔過更輟春折東還期其五辛正喜不爲娛客
夜燭從燈月問遊人閒心對酒談方劇老文忘年意
最真却笑京華徒碌碌椒盤又值一番新

燈夜集仰戒菴學士宅同汪東川吳志伊

頻年蹤跡竟如何喜有閒身對薜蘿雅會應知春日
好佳朋偏愛客中過燈連明月良宵近酒入他鄉逸
興多聚散行藏都不定莫辭殘醉擁銀珂

健松齋集

卷十九

展臺詩鈔下

三

自題舟居

寓居宣武門西中有高槐一株樹下小室二間修
然軒爽名之曰舟居率題六章寄意

小憩槐陰下軒然一葉舟聰明未曉日簾捲挹清秋
去住都無繫迴旋祇自由均堂容芥子何必五湖遊

其二

人生隨所適天地總虛舟半榻閒清晝三時足臥遊
波瀾原不到澹泊更何求風正帆檣穩開軒擬棹謳

其三

七載京華客真同不繫舟一官原做梗萬事總浮沤

濟滄知無具蹉跎苦未休輕帆歸去便高臥藕花洲

其四

猶記西湖夜芳堤纔盡舟愈虛時有月風定不驚鷗
樹影參差見烟光遠近收吾廬當此際疑是六橋遊

其五

家在桐江上烟波一釣舟微吟乘好月鼓柁任安流
酒茗閒中適琴書物外幽今朝高寄處彷彿故鄉遊

其六

吾家老處士終日在漁舟月好添清興江寒冷敝裘
未忘詩酒癖時共鶴琴游便欲從茲去鷗鷺舊釣洲

健松齋集

卷十九

展臺詩鈔下

三

沈繹堂先生邸中燈集

春宵無事引杯觴學士風流對草堂花逐微風飄舞
席燈連明月繞迴廊論心幸得分蘭譜季君宗敬爲
余北闕所取歸去金吾知不禁
士拜手還聞賦和梁時召諸大
臣賜宴賦詩六街絲管夜初長

燈步同四弟式予

春色何處多爛熳五侯宅裘馬試輕肥張筵召賓客
院落沸笙歌廣庭森綺席華燈四座光冥然遂已夕
薄宦苦羈棲鄉園尚遠隔七載寄京華寒炊謝肴核
坐冷燈炬輝巷無車馬跡澹泊事自安何心樂孤僻

其二

六街燈向稀朱門始罷宴錦棚高入雲烟火更游行
錯落萬點燈流輝散如霞幻出兩浮圖突兀空中見
祇覺星河翻宛轉魚龍變歡娛亦何常千金供一眄

送徐果亭宮允歸崑山

三珠名姓重南州暫謝班行問虎丘耳筆已傳千載
業囊詩還向五湖遊江梅花早迎仙旂驛柳春新引
舊舟漫道輞川歸去好徵書旦晚出龍樓

奉和司農夫子除夕元旦二首

南窗初啓恰經旬霜鬢來朝歲又新每歡萍蹤驚去
健松齋集 卷十九 展臺詩鈔下 三

臘漫將椒酒應初春官貧自覺無閒事客久誰曾念
旅人老大金門空寂寞三長真愧管如銀

五載班行別草萊上林春早又相催尊浮白獸宮雲
捲盤賜黃柑 御宴開絳灌筵前雄劍佩夔龍殿上

慶鹽梅小臣兩度承 恩燕醉引青絲控馬回 元旦

春日西溟俞邵季野貞一寓齋小飲

七載燕山道巷僻罕車馬朝罷半卷書負日南窗下
晨興支俸錢神氣頓蕭灑冠蓋滿長安寂寞交游寡
諸君枉高軒草草治杯尊高談懷古今言辭準大雅
前賢尚真率此會諒無假隣比顧驚怪朝來菜盈把

張筵慶未能車馬胡爲者太息謝隣翁官貧規遊冶
故人幸見過盤飧頗麤野促坐忘主賓素心良已寫
杯闌夜向深寒星照庭瓦

縛鼠行

寒齋日午門常扃黠鼠出沒久未停官貧客久益藏
少噫嚅婦子羞疊餅歲前關支月俸米幾揚貯守時
丁寧日減月耗苦不給鼠實有罪非頑冥其始啾啾
伺永夜繼乃斯夕紛憲檮計賊準法以盜論大夥白
晝皆常刑童奴嗜殺憤且怒張羅設覆富中庭凶德
不悛欲無厭催法誰謂鼠有靈磔除束縛十許輩護
健松齋集 卷十九 展臺詩鈔下 三

持升斗封瓶飯不知誰人主姑息天地生物同受形
慘殺之極傷天和赦宥豈必勞平亭主人太息語童
僕除害興利國之經舉盈惡貫得不死縱橫且復連
郊垌法網自投殺無赦婦人之仁慎弗聽

送袁杜少歸省

通門三世結相於喜並承恩到石渠舊日西清傳作
賦比來東觀共繕書文章自合追彤史救水還期奉
板輿惆悵懷鄉歸未得送君南望意何如

送家姪若韓假歸

囊書數載喜同朝舊業瀛洲喜未遙比戶正分燕市

月輕帆先趁浙江潮漫誇山水恣游賞須信親朋慰
寂寥遲我明年秋色好故園詩酒共清宵

送周澹園儀部奉使安南

僊郎名擅五雲間覽譽星臨勾漏山嶺微烟嵐瞻使
節中朝圭冊重清班應知禮教通殊俗况復威靈
震八蠻漫道交南天外遠輜軒萬里采風還

送同官孫子立冊封安南國王

唱徹宮雲到石淙星軺遙指正春初一時圭冊天
朝典萬里輜軒太史書勾漏嵐開迎使節交南花暖
簇征車從今徵外典公賦喻蜀文園總不如

健松齋集

卷十九

晨臺詩鈔下

三

洪昉思納姬四首

姬吳人善歌

燕市行歌又幾年詩成惆悵落花天春來別有銷魂
處不遣愁心入管絃

寒士如何致異人旅牕相對正芳春明珠百琲真豪
甚再莫人前道客貧

吳娃生小學新聲玉笛銀箏百轉驚莫笑錢唐狂惜
大淺斟低唱不勝情

才子風流倚畫屏一時名部擅旗亭從今度曲應無
誤象管鸞笙細細聽

寄高鎮江紫虹

露冕知從侍簡餘軒五馬擁征車一時江表襟喉
寄十載容臺禮樂書最績自應銘北固清風早已到
南徐何時共倚金山棹呼酒凭江對碧虛

送宋牧仲憲副通永

三輔花新錦轡開旬宣爭道廣平來雲連涿鹿朝行
部月上盧龍夜舉杯綸閣動名傳丙魏梁園詞賦重
鄒枚建牙吹角詩成處儒雅風流未易才

題吳赤一小像

可是烟波舊釣徒著書常自擬潛夫一竿便有滄洲
意不用扁舟向五湖

健松齋集

卷十九

晨臺詩鈔下

三

其二

竹笠漁竿數白鷗文章四海任風流高懷却笑磻溪
老寂寞空閒八十秋

送張真人 觀畢還山

春新待漏曉鐘傳控鶴來朝正少年遂使百靈同率
職須知萬國總朝天聞部似識霓裳奏宴錦真同閭
苑仙此際祝釐應有頌瑤壇星斗五雲邊

其二

花晨飛鳥出長安壁魯雲封路幾盤鐵笛一聲燕市
曉玉簫三弄蘄溪寒峯前猿鶴迎青珮陌上烟霞護

紫鸞我欲從君問真詰雲臺縹緲望中看

題程端伯侍郎畫冊以下甲子秋冬

誰寫雲山當臥遊青溪文酒自風流結廬倘得此中老何必烟霞問十洲晚自號青溪

其二

文章詩酒憶司空潑墨淋漓老更工三世通門人未識今朝相值畫圖中侍郎爲先大父甲子楚開所舉士

送湯潛菴學士撫吳中

幾年簪筆共晨昏特簡欣看節鉞尊學士文章留祕閣中丞名姓震吳門應知兩袖冰霜肅早信千郊

健松齋集 卷十九 展臺詩鈔下 吳

雨露溫經術由來經世務雄藩珍重答殊恩

其二

旌麾南指向勾吳民力東南喜漸蘇學道不須師法吏匡時原自屬真儒三秋話別燕山路千里懷人震

澤湖莫恨簿書妨靜寄畫簾閒對月明孤

送魏庸齋先生 予告歸蔚州

元成嶽嶽表居延正色登朝四十年

主聖還聞資補袞時平便擬賦歸田黃花驛路天

恩重綠野園林別夢懸太息老成多引去都人還羨

大夫賢

其二

幡幡黃髮五雲端絲竹東山遂挂冠一代直臣推執法兩朝耆舊重秋官盡知祖帳榮疏傳須信蒼生望謝安此日稱觴歸路好雁門縹緲倚天看

御試首春懋勤殿應制以下乙丑

黍谷春回後陽和滿帝京彤階占淑氣丹陛慶新晴乍聽銅龍闕還瞻鐵鳳明雲開金闕曉日映玉階

行

聖主程才亟儒臣載筆迎經窮千聖祕史測古人情學海知原黍書倉取自名合毫趣祕府授簡到蓬瀛

健松齋集 卷十九 展臺詩鈔下 毛

始信規型遠何論載籍盈通今遴選誼稽古致桓榮海甸同文教圖書佐太平義文真再遊奕禩奉章程

病中雜感柬徐電發周雅楫

病久空尋肘後方蕭蕭雞骨髣髴毛霜常時謝客成高臥無奈繙書即健忘自笑江淹才欲盡可知原憲癡

堪傷旅窓寥寂誰相問門掩疎槐晝日長

其二

半生書卷不須論藥火年年志已昏每計含毫趨紫禁那堪扶病向宮門空疎自少風雲氣潦草還餘筆

墨痕何幸頒來天語厚班行深自愧殊恩

其三

驚花三月滿皇畿衰病綿延只掩鼻檢點方書憐弟
在追隨湯藥悵兒歸亂翻書帙空過眼獨坐蒲團類
息機榆莢滿階槐葉綠披裘未敢換春衣

其四

三年衰困總驚心力疾頻傳到禁林澹泊幾曾壽宦
達蹉跎誰爲計升沉愁多藥物偏難繼老去韶華苦
易侵商畧乞身須及早小窻清簾臥松陰

送章范山春捷歸里

紅綾宴罷正芳春畫錦欣看攬轡頻十載文章名象

健松齋集

卷十九

展臺詩鈔下

无

闕一時車馬簇龍津傳家早信循良舊治縣應知雨
露新歸去高堂方健飮祿衣歡動故鄉人

蠶殊軌詩爲毛大可檢討賦

燕姬生小衆香中芍藥芙蓉相映紅二十四番才歷

盡可憐顚顚五更風

蠶殊役年二十四

自製新妝號百環春風搖漾畫圖間無端夢逐空王

去妻絕豐臺舊日山

夫子江東早擅名學詩學字儘聰明從今莫度西河

曲淚盡金槽第幾聲

話總傷心不可聽幾番誓死淚熒熒歸覓此去山陰

道寒食梨花泣小青

壽萱堂詩祝同年汪吏部母程太宜人八袞

昔日賜絲堂今日壽萱堂賢母資兼之後先匪與致
常共毓名門大叅古循吏禮法爛闔閭歲鹿門引高義
中道黃鵠悲九熊實况瘁顛連悵母家堂皇久更易
令子奮天衢敷載絲綸寄版曹佐度支銓衡襄吏治
忠孝答春暉鸞章方洊賁奕奕堂構新程公舊門第
板輿奉母居閨閣宛覩記以此悅親心誰云非養志
比者膺簡書關陝蒐騶驥偶然見秦碑顏柳法未墜
靈萱以壽名快哉孝子意慕楊樹中庭恰值人中瑞

健松齋集

卷十九

展臺詩鈔下

无

憶昨拜母時登堂猶子誼喜賻舊庭階丹碧迥然異
節孝天所私遐齡應未既願祝黃山高喬松永蒼翠

清明示四弟

臥病驚寒食松醪總未賒曉風開岸柳疎雨挹林花
問俗懷丘隴尋春感歲華乞身吾意決不用更思家

題躬耕養母圖送家田伯還桐城

龍眠家世推吾宗廷尉父子昌儒風中丞繼起垂勳
庸誰其嗣之文忠公少年召對籌兵戎間關萬里餘
孤忠逃禪遂老青原峯諸郎卓犖承襲弓文章意氣
爭熊熊伯子淹雅稱最雄乘儒落拓恣遊踪江湖嶺

海心目空前年見我燕市中他鄉兄弟相追從琴樽
詩卷娛心胃豐臺芍藥慈仁松一制厭棄扶歸節云
將奉母隨耕農薄田饒粥供晨餐何爲逐逐同飄蓬
送君南去秋花紅不須恨別愁鱗鴻高堂健飭方從
容姜肱大被友且恭團圞孫子歡融融斑衣萊舞將
無同自憐臥病心怔忡縑塵十丈添衰慵乞身我亦
尋山翁雙臺之下七里瀧大江南北一水通吾將訪
汝皖山東登堂拜母傾醇醲

健松齋集

卷十九

展臺詩餘下

罕

序

渭仁以詩名於人所稱健松齋者建松齋
者本誌其志遺業傷於風健在以示安
石有後能甘棠勿衰之意而其文亦即因
之以漸紹其志嘗誦其集而思之今幸與渭
仁同受筆端文櫝史將以窺其所學且得進驗其
太平丹腹之具及渭仁當此矯矯然若有以自異者
會西南初開

天子念材藝既幸蒞滌將大興文教與斯民更
始於是

健松齋集

卷二十

毛序

一

特教詞臣搜文其地而渭仁首銜

命在夫爲國升賢豈非盛事顧是行則有趑趄不欲
前者蓋萬里之行古所難也七盤九隴望若青天且
習俗相爐每以郵車徵逐爲名高地僻則逢迎不前
民困瘁則王臣覲覲餽享往來之節不足以勝任而
愉快是固今之所相顧而避焉者也渭仁出都時病
怔忡尚未愈崇山峻嶺中五里荒城古驛
僕馬瘠痛然且登臨憑弔題詩滿壁卽撒棘以還山
川名勝必歌詠以盡其致讀錦官一集其襟懷所寄
豈蕭然分囑衆草悻悻自得者所能幾與古無詞臣

親貢士者郡國解士門下無車騎之勞頽然寬然不限以月日無燈燭促迫箭櫟朴擊之或得與參詳小試官倡和咏嘆以紀盛美今則計日就道晝時竣事其得爲娛者何有而渭仁之優然一如其居健松時者則是公健在其爲壽何以節目固未艾也若夫入蜀有二事俱不足爲渭仁比宋祁知成都攜所修唐史以往夜堂燃燭公出牋和墨伸紙而大坐其間使望者知太守修史以爲榮渭仁亦方修明史顧不攜之行張方平在蜀得蘇軾兄弟不敢自試必獻之詞臣歐陽修者而後足以升其人今渭仁

健松齋集

卷二十一

二

受使親試之而親升之嗟乎其加於古人何等哉若其升賢之書自具別錄茲集勿及也

康熙甲子冬月西河弟毛奇齡僧開氏拜題

序

自一命吏至三九之列之官上計持使節宣

詔命告祀名山大川置郵乘傳必計道里之數立嚴程限之雖有巖壑文酒之樂不遑燕嬉少或濡滯則慮風雨潦水雪之阻詩所云每懷靡及者也惟三年一省試主司畢事而返不立程限歸時所經歷巖壑之勝友朋文酒之會偶一畱連觴詠而聞者不以爲非蓋

聖世尚文故遇使者特優然其人或專工於文而不好爲詩又其地平行無可喜愕以形之歌詠則雖有

健松齋集

卷二十一

朱序

三

作不能多多亦不能傳之遠獨蜀之爲地當井絡之分由陸而往則歷幽并冀雍梁浮舟以返則又越荆踰揚度徐兗青而北州十有二至閱其十而四瀆皆經焉其可見之詩者多矣遂安方君渭仁以宰輔之孫早成進士既而用薦

召試入翰林歲在癸亥四川既定

詔補省試於是君奉

命適往歸而雕刻其詩二卷凡山川之扼塞風土之同異友朋之離合撫今弔古悉見於詩君之詩既多信可傳於遠者也曩時濟南王先生貽上主考入蜀

哀其詩爲蜀道集屬予序之而余不果也今君之詩
蓋將與王先生並傳其或不同者非詩派之流別也
一在蜀未亂之先一在亂定之後覽觀土風感慨異
焉後之讀詩者兼可以考其時矣秀水朱彝尊序

序

蜀寇蕩平之四年

天子振奮武揆文之略將大比多士

簡命太史方公董其事而余實副焉太史載筆金門
見前世忠臣孝子之蹟邦家理亂之故民生歡戚之
資以及天地之變鳥獸草木人物之狀無不寓之於
懷故其星昭所及皇華在目往往發之於詩夫山水
之氣賢人之思要皆實有真意兩相契合無以觸之
則寂然已耳忽焉相遇則感而遂通故其爲言也盤
互交湊於物理人事之際流連寄托之間莫不賦情

宛轉抒旨溫和如昔人所謂古詩十九首隨語成韻
隨韻成趣非有意爲詩而詩寓焉蓋太史以胸中平
日忠孝之理天地民物通歡通戚之故一一圖之於
蠶叢鳥道之間蓋至是天險盡而人情出太史其能
已於言乎昔陳記室爲曹子廉作書謂間自入益都
仰詩馬王揚之遺風有斐然之志故頗奮文辭異於
他日則太史之深情奧指至蜀而奔昏騰錯如天馬
之長鳴一吐胸中之奇固其宜也丁敬禮云文之佳
惡吾自得之後世誰相知定吾文者太史之詩太史
當自知之何待余言但余與太史同歷山水之險與

聞文章之事使當世占益部二星者得自附於皇華之末以從

簡書之盛事余實有厚幸焉於是乎書

黃岡王材任擔人拜撰

健松齋集

卷三十 王序

六

序

才人之思致得於天而未嘗不成於時與地子固文章專家而世惜其不能詩天斬之也郊島之才皆足以馳騁而遭逢坎壈寒瘦貽譏時齟之也仲宣之滯荊州子山之哀江南觸緒寫懷詞則工矣然而地實域之此古今感慨之所同而才人之大不幸也若太史方潤仁先生庶其無慊乎太史才思通敏家學淵源少時即以詩文名所著健松秋琴諸集傳誦海內其得於天者異矣恭際

聖天子右文應

健松齋集

卷三十 張序

七

詔奏凌雲之賦立致清華爲

本朝第一闢門盛事操鉛槧論次勝國遺編瀛臺紀思之章平滇拜手之頌纒纒有作讀者慨然嘆興謂其時之難數遭也往者子璋扇禍劍門阻絕時以多事停舉近喜聲靈遐暢白狼蟠木之墟盡受疆索文教亦蒸蒸起

特詔補行鄉試而太史首銜命往持衡試士淵雲司馬之材網羅殆盡又以其餘登覽山川冥搜往蹟峨眉之縹緲入陣之雄奇三峽之縈紆黃陵白帝女嬰朱玉之遺址一一寓之於詩而詩益蒼涼沉鬱極意

興之淋漓若燕公得助江山而少陵之自夔州以後也地之所至不尤有厚幸者歟昔劉蛻有云適當無事而天下將以文爲號然而蛻也意常獲助於天而不獲助於人故雖窮無憾夫士苟有得於天亦當無憾而太史兼而有之宜其開拓萬古之心胸俯視一時之作者而非子固諸人所能望也曩予上公車因毛祥符會侯識太史頃使還弭節江干重得讀其錦官集既壯太史之遊兼豔太史之遇因綴數言於此歸而質之會侯先生當不以予言爲謬也

楚黃後學張希良拜書

健松齋集

卷二十一 張序

八

序

康熙癸亥秋九月四川行省補行鄉試而渭仁方先生往典其試事先是三歲一貢士自滇黔變叛蜀地險遠先被兵革流離轉徙士不復能挾紙筆四方削平海內安樂始蒸蒸復興起於學先生至則悉拔其文章瑰偉之士既歸而哀輯其詩凡往來道里懷人感事之作目曰錦官集集凡二卷夫士大夫游宦京師所爲歌詩大半譫會酬答而無山川風物足以發其壯思然或邊徼荒遠跋涉艱難探虬龍之宮履虎豹之宅風霜冰雪瘴霧之所侵洪波急湫隤崖崩石

健松齋集

卷二十一 湯序

九

之所出沒則又不樂至焉其至焉者或幽憂放廢愁居歎息而不復能盡登臨俯仰高望遠引之趣故托之文辭而其傳者往往而鮮矣蜀之去京師爲絕遠歷雍冀踰關隴而後至然於山見峨眉青城白鹽赤岬之峭削於水見巴渝綿洛兩江三峽之奇險考土地之沃美思人物之雋又旁及秦漢以來疏鑿之故跡興亡之遺事一切可喜可愕悉著於篇則宜其有作必工而卓乎可傳無疑也自明末大亂以後頃再被兵市井邑塵蕩爲丘墟廢堞遺壘參差下上於夕陽榛莽之間其居人能具說王師破賊所經由之處

感慨亂離圖畫阨塞悉馳騁於筆墨以寄其忠愛之
思此先生之詩之所以尤工也歟昔李固周觀天下
獨未見益州意若不釋然者少陵當干戈騷屑之際
間關困躓而浣花卜築每飯不忘陸務觀入蜀之後
卽有終焉之志前代名人樂其土風至於如此而先
生以玉堂禁近之臣奉使是邦以其餘閒得追尋南
溪西瀛古人觴詠之地以爲勝游蓋又文人之榮遇
矣予旣受而卒業竊歎其詩之雄淡雅健盡作者之
體也因書一言以序其首仁和湯右曾

健松齋集

卷二十一 湯序

十

健松齋集卷之二十

遂安方象瑛渭仁著

錦官集上

出都二首 癸亥七月一日

五載承恩久今朝奉簡書敷文天子意論秀

太平初 以迄亂三科未舉早識蠶叢險寧辭烏道紆

從來期許志官負此征車

其二

秋色皇都早迢迢事遠征五年繙史乘 時奉命

萬里敷郵程巴蜀人才藪淵雲絕代英求賢知不易

健松齋集

卷二十一 錦官集上

一

篝火記平生

蘆溝橋

虹橋驅馬度萬里是茲行斜日桑乾水秋風拱極城

沙喧羣鴈下岸轉一舟橫遠道從今始遙遙望帝

京

力疾

力疾西南去晨興控紫駟計程猶積暑按節已新秋

囊藥資行李方書壯遠遊長途千萬里何日到梁州

新樂使院讀王阮亭司成壁間韻因感施愚山

侍講時愚山歿京邸余以使命不得往哭

屈指神交四十春金門奏賦喜相親誰能折節從知
已真覺忘年是古人三載論文書在篋一時話別語
傷神余拜命次山語恩王程未盡西州情回首
燕臺淚滿巾

重過真定

畿輔曾經處蒼茫二十年知交非舊日城郭自依然
馬蹴恆山道風高滹水船回思借計吏溪壘說求賢
渡滹沱河

恆山不可攀滹沱自今古洪波千里來驚沙互吞吐
極目浩無垠遐哉漢光武方其敗常山曾不基尺土

健松齋集

卷二十一 雜官集上

二

王霸機智凌一言安士伍冰堅實天意當時豈逆觀
帝王自有真王郎何足數

其二

嘗歎馮將軍患難遇真主燎衣蕪蕪亭麥飯非無補
盛德久不報此言感肺腑風雲際會難誰云共甘苦
倚樹雖不言舊况想如覩君仁臣則恭交歡兩無阻
韓彭趙醢禍豈獨罪高祖

井陘道中

雄關當扼塞曲折亂峰中峭壁雙崖合荒城一水通
地仍蟠冀北山已劃河東漫感興亡事高原野燒紅

出固關宿平定院署和王司成韻題壁

亂嶺危崖氣窮冥人家處處衰林青千盤磴道連皇
落百戰河山控井陘幸逐風流同使節院亭壬子秋亦以試事入
蜀漫從車馬問旗亭涼風滿院消殘暑夢破隣雞酒

半醒

自平定州至祁縣連日雨甚興中口占

殘暑初消曉乍寒太行古道雨漫漫應知叱馭心原
切不待西風蜀道難

綿上

貪天雖云謬報施禮則均重耳歷諸國從公良苦辛

健松齋集

卷二十一 雜官集上

三

論功顧草草得失昧所因介推耻言祿奉母甘沉淪
招之不肯出何乃然其身志士實傷勇其君或未仁
至今忌坂上禁火愴心神回首望滹沱懿哉漢君臣

郭林宗墓

驅馬綿山路裴回有道祠柳堤荒故里苔草護豐碑
漫憶人倫鑒還憐黨錮時冥鴻天外遠寂寞感人思

文潞公祠

身繫安危五十春耆英會裏老閒身停車徙倚荒祠
畔一代完人社稷臣

其二

恩慈何人竟有忘休休始信有平章老成勳德成千古猶記當年唐子方

土穴

恆霍山中民皆穴土爲居意謂几机悉就土成之其巔依然樹莢也戲爲絕句記之

下營窟室上桑麻几榻窓垣事事餘雨後炊烟青縷縷始知土穴有人家

大雨發靈石

向曉凌寒出韓侯嶺上過崩崖分磴路駛浪捲汾河敢借馳驅苦都忘風雨多驚心懷蜀道不識更如何望霍山不見

恆霍十日雨曉霧紛濛濛中鎮不可覩冥漠疑虛空健松齋集

卷二十一

錦官集上

四

反若太岳高滅沒巨浸中樓觀以意會仙路無由通何時披絕巘呼嘯凌天風

豫讓橋

易水弔荆卿趙城威讓鼓筑氣何悲漆身實孤壯擊劒三躍時恩讐諒已暢顧謝范中行臣非無狀先後事似殊烈士殉所向後世禮遇疎廉耻道亦喪保身與有用王魏遂依傍誰成國士名千載遙相望悲風咽流泉寂寞秋原上

次平陽

歷盡嶽峙悵遠遊嚴城縹渺雨初收千年王氣通蒲

阪萬井炊烟出晉州落日牛羊遺廟在西風禾黍故宮秋陶唐虞夏成今古汾水年年遶郭流

文中子故里

千秋絕學重河汾禾黍離離薜荔村三尺殘碑畱姓字不知何處是龍門

聞喜道中

無端風雨遂經旬三晉河山入望頻驛舍陰森雲外樹碑題惆悵路旁人荒祠每憶裴中立故里誰哀郭景純往事不須縈客抱衰斜遙指隔三秦

冒雨渡黃河

健松齋集

卷二十一

錦官集上

五

馬瘡僕病苦蹉跎蜀道青天更若何萬里崎嶇原不惜那堪風雨渡黃河

其二

廿年僕僕走關河又逐西風此地過三晉雲山看漸遠秦關車馬雨中多

潼關行

潼關之險天下無下瞰黃河上雄都一夫當關勢莫敵崇山斷岸愁鼙鼙如何范陽噪聲鼓匆匆棄擲紛長驅上皇業塵貴妃死至今遺恨悲哥舒天寶往事既如此近時寇患徒區區李闖困死車箱峽阱獸旦

夕供誅鋤誰人出柙縱虎兇貪功誤國寧足誅

宋奇

瑜潼關一出不可退兩河三晉同赫屠督師撫軍相

繼歿十年措置空雄圖

孫傳庭正青年傳
宗龍先後戰歿

遂使覆亡

及社稷憂勞惕厲胡為乎天險不可恃人力還未孤

事機一失牀剝膚明社既屋闕獻死乃知天意資驅

除我來俯仰潼關道山河依舊人民殊老翁能說前

代事天時人事空枝梧古今興亡信有數淒風落日

悲啼鳥

雨過華山

二華峻嶒碧嶂封遙天空擬削芙蓉披圖正憶仙人

健松齋集

卷二十

錦官集上

六

掌捲幔真迷玉女蹤兩宿靈祠秋漠漠雲埋嶽路影

重重何時更覓驚人句搔首同登落雁峯

阻水宿蓮花菴

王程萬里敢蹉跎駛浪奔泉且奈何今夜蓮花菴裏

住閒身真讓老僧多

渭南和壁間韻

華山烟雨望偏虛野渡人喧駕使車

水落猶數尺與
不得度土人縛

凡索筆清渭蒼茫秦苑舊終南縹渺漢宮餘求賢擬

上王褒頌論蜀軍同司馬書千疊連雲何日是秦關

秋色正蕭疎

新豐

里社粉榆更築宮一時雞犬識新豐分羹却怪軍前

語當日何曾記太公

鴻門

亞父淡謀名項莊鴻門一宴辨興亡君臣朋友知誰

重偏為留侯誤楚王

驪山

霸業全銷博浪車阿房宮殿總丘墟溫泉繡嶺還如

昨抔土驪山拚鮑魚

梨園

健松齋集

卷二十

錦官集上

七

聲鼓漁陽動地來梨園寂寞為誰開承恩當日多名

部祇有筵前舞馬哀

灞橋

驅車歷徧短長亭流水平橋路杳冥聞道當年畱別

處春風攀盡柳條青

杜曲

曲江三月正輕寒遊賞園亭處處看太息風流韋杜

曲春光非復舊長安

寄家書

漫憶家園遠西征又月餘關河萬里路南北兩行書

未審何時達還愁此後疎寄言休悵望須待錦江魚

咸陽

組繫降王事已悲秦宮又見黍離離須知三月咸陽
火便是林經一炬時

茂陵

漢家陵墓盡荒丘武帝城還此地畱不見仙人青鳥
下霜風瑟瑟茂陵秋

咸陽懷古

六國滅亡秦運熄阿房粉黛無顏色博浪沙中中副
車一椎已奪祖龍魄鹿走咸陽狐鼠興亡秦豈藉重

健松齋集

卷二十一

錦官集上

八

驢力無端炬火驪山宮暴嬴暴楚同推逼長城西望
弔扶蘇今古誰哀秦社稷湯汧渭日夕流風雨連

天不堪憶

喜晴

一雨連秦晉今朝喜乍晴稍看初日出還悵曉雲橫
野水奔田白孤村擁樹平終南蒼翠色此際漸分明

齊望

客裏歡新霽朱霞處處勻天高迴去鳥日落見歸人
遠樹青連渭秋山翠入秦回思河朔路風雨遂經旬

望終南雲氣

連岡千百里處處有雲封冥漠時疑雨迴旋或似龍
俄看歸鳥沒漸覺亂山重我欲尋真侶支筇最上峰

楊妃墓

可是當年百寶欄玉魚猶傍舊長安不知褒姒今何
處偏使行人駐馬看

其二

鼙鼓誰令起范陽芳魂終是感君王李唐社稷生禾
黍孤冢還開葬海棠

其三

誰從蜀道問娉婷雲海沉沉路杳冥鈿合緘封私語

健松齋集

卷二十一

錦官集上

九

在西風愁絕雨淋鈴

其四

馬嵬羅襪已生塵芳草年年泣太真傾國傾城都不
計還將白土誤佳人

墓上白土如粉婦
女面瘡傳之立去

渡渭水

經旬車馬雨中催却喜乘風奮舫開估舶商船連渭
水櫓搖爭道侍臣來

望武功太白諸山

關中多名山奇峭各有故如何行路難都無山水趣
雨沒華山巔終南巔昏霧今晨趨武功太白勢迴互

兩角生孤雲卽之儼可遇新雨添舊流
去天或三百安從得其處客久資游觀心眸獲所助
山靈不吾愛悵望峰前路

古詩武功太白去天三百孤雲兩角去天一握

太白山

秦山看不斷太白一峰尊祇見穿天迥都無積雪痕
舊傳山多積雪嶽高應伯仲山列總兒孫兩角孤雲起真疑接帝閭

扶風詠古

銅柱勲名志豈虛伏波祠墓竟何如雲臺不與椒房戚馬革空憐薏苡車

健松齋集

卷二十

錦官集上

十

其二

荒草斜陽隧道開碑題猶自署蘭臺漫言孤冢文章盡班史終推一代才

岐山縣

懸懸周原上西風禾黍多幽岐千載業惆悵舊山河

其二

遺廟何年在殘碑古道中居人粗解事猶自說三公
尚父周召也

磻溪

夢應飛熊日鷹揚已霸齊千秋祠廟古依舊老磻溪

寶雞示四弟

秋色千山裏荒城正夕陽崇岡迴渭水纖月落陳倉
路入羊腸迴愁侵鳥道長馳驅君健甚猶喜共他鄉

畱別寶雞呂令

清渭今朝渡上流故人相送繫扁舟殷勤話別情何限此去連雲少舊游

其二

山城信宿喜相攜千里關河信馬蹄寄語京華諸舊識星轅已度益門西

益門鎮

健松齋集

卷二十

錦官集上

十一

今古益門鎮遙連棧閣雲穿林孤鳥下激石亂泉聞
古戍秦關盡重岡蜀道分羊腸天下險車馬競紛紛
入棧

凌晨初試險窮折路西東怪石斜分徑層巒遠翳空
馬行高樹杪人語亂峰中望裏褒斜谷青冥一綫通

其二

盤曲今朝始方知鳥道真峰迴似有路戍遠更無人
山勢遙通蜀泉流細入秦馳驅吾應爾未敢說艱辛

其三

秦蜀分天險當年有舊屯危崖千尺路落日幾家村

瀑急風霆怒林溪虎豹蹲停車尋驛舍燈火向黃昏

其四

不盡高低路陂陀上下行蛇盤千百曲鳥度兩三程
日午微通影湍迴忽有聲崎嶇非不憚到此一身輕

大散關

陡絕無如此西風大散關層巖當急澗戰壘剩秋山
一綫通秦蜀千峰控楚蠻太平方罷戍突兀翠微間

東河驛

纔度煎茶嶺分流更向東坪水東流入秦西流入漢中連營衰草

沒編竹驛亭空月落猿啼樹林溪虎嘯風乍寒偏不

健松齋集

卷二十

錦官集上

十一

寐切切聽吟蟲

草涼樓驛

故鄉南望思悠悠遠道何時抵益州雙鬢不堪愁衰

白西風一夜草涼樓

裏施恩山

空山涼月白獨夜思旁皇故人忽到裏驛微燈光

雍容悅情素舉止頗非常索新詩讀嘆賞語偏長

頓覺旅愁豁安知生死忘君家住宣州老死嗟帝

鄉招魂更何處諒各天一方如何亦草草遠赴道路

旁棧雲高萬疊隴樹鬱蒼蒼魂來不可見雪涕沾衣

裳

其二

憶昨初拜命匆卒向君過一言期話別豈復慮其
他促坐壯遠遊執手指岷峨贈別悵無詩衰老病始
瘥於時正健飯神王氣亦和何乃信宿間遽悲驚風
叱老成遂凋謝吾道傷如何令甲扇戶牖王事敢
蹉跎空負束芻意憔悴走關河念之時愴惻客夜起
悲歌君來不嗔責疚心良已多棧山寒月落惆悵對
巖阿

鳳縣

健松齋集

卷二十

錦官集上

三

小縣空山裏茅茨數十家泉聲流漢沔山勢到褒斜

突兀峰頭路紛披屋角花夜涼看月上點點落歸鴉

心紅峽

山勢斷復起人家宿翠微峰攢虎豹樹樹走蚰蟻

秋老胡桃熟林空鸚鵡母飛停車聊徙倚曉露正霏霏

自心紅峽至鳳嶺一帶地稍平山水清秀宛如

吾鄉喜賦

一帶峰巒秀悠然似故鄉山光浮翠黛樹色亂青黃

齒齒泉流轉羅羅野卉香誰知棧間裏清絕更難忘

鳳嶺

又逐秋光犯曉寒
我我峻嶺倚雲端
巖巖邊怪鳥啼
樹峽底陰風颭急湍
不盡千山縈棧道
還從一線望
長安由來天險稱
秦鳳迢遞關河駐馬看

南星夜宿東王擔人吏部

三五茅茨暑驛亭
崎嶇風雨幾曾經
半升脫粟三更
夢益部還占二使星

柴關嶺

野店篝篁中山溪更漏悄
門喧車馬聲
王程起獨
早行行度柴關積雨苦
不了雲埋大壑陰
霧沒衆山
少怪石紛道周
砢砢勢盤繞
仰視不見人
冥濛有飛

健松齋集

卷二十一 錦官集上

古

鳥是時秦軍來
更成長安道
相值狹路間
各自趨林
徐霽行苦並驅
風雨寧草草
躑躅望炊烟
人家蕩如
掃儼舍試燎衣
悵然逆懷抱

流壩驛遇同館舊識

幾載同分玉署春
客窓話舊總艱辛
青芻白飯情偏
好雲棧何當有故人

馬鞍嶺

棧山勢多端
馬道最綿衍
迤邐千萬盤
雨乃益其險
起伏總不經
低昂卒難檢
閱歷既已多
前驅諒不免
此馭泥潭中
巖谷互流轉
亂石不知名
陰崖護苔蘚

仰盼未到山下視青萬點
雷與瀑布爭喧
無近遠
耳目失所司
震撼詎及掩
倒瀉積水波
崩宅蛟龍
觸石不敢投
懼與風俱捲
對此怵心魂
豈止頭目眩
役夫捷如猱
崎嶇倍舒展
微聞歌笑聲
稍使客心遣

畫舫關

危崖絕壑棧中山
風雨經旬未許閒
歷盡千重萬重
嶺今朝又度畫舫關

武關

棧閣重重萬仞山
置身常在白雲間
家園子弟應相
念誰識今朝度武關

健松齋集

卷二十一 錦官集上

五

馬道驛夜宿

棧泉流不盡
漸作江水鳴
久客憚淅淅
猶疑風雨聲

觀音碕

舊名閭王碕
順治中賈中丞
漢復煨石開
道易今名

未知碕若何
聞名實險惡
石勢怒猱
熊虎競爭搏
灌木晝陰陰
疾湍相噴薄
車枳不得前
馬蹄蕩無著
舉步委淩澗
誰能即奮躍
牛鬼與蛇神
往往恣閃爍
森羅變慈悲
始覺天日廓
萬疊連青屏
榛莽盡開拓
圓或如編珠
方乃如玉削
問存斧鑿痕
當年記棧閣
二千九百問
遺址尚如昨
遂令棧道不
馳驅欣有託
夾岬曲闌干
秋花互開落
乃知閱歷疎
登臨自駭愕

履險如康莊處處領其略

雞頭關

何時天地拆隕石紛堯堯盤曲七八折天然結構半
崢嶸勢猛絕絳幘魁其曹始進旣巉削更入方迢遙
拾級循之上不知所歷高危崖千萬丈屈曲梯層霄
湍流當其下勢欲傾波濤轟轟白晝晦不辨人語
險絕有如此界限曠蜀交往者逆臣叛據險恣雄豪
道塞飛鳥絕來往無猿猱一鼓奪其氣萬馬同奔逃
遂使戴叢險依然歸 聖朝於此見天意智力何足
驕在德不在險順逆爭秋毫

健松齋集

卷二十一 錦官集上

六

問猿

落日連雲棧秋風猿易哀淒清絕壁吟嘯出陰壑
便下征人淚誰令蜀道來 王程輕萬里爾輩莫相
猜

棧暮

棧山晝常晦况復夕陽時馬倦趨危澗猿哀挂古枝
陰陰林樹黑瀟瀟夜泉悲遠道都如此真堪兩鬢絲
抵衰城

棧行亦已盡今始到褒中野豁峰巒斷天高耳目空
微雲籠夕照淺渚落歸鴻信宿鼓萌近盤叢路轉通

出棧懷毛會侯會侯會為城固令

十日度雲棧渺然懷故人當年曉道官今日老開身
漫道歸田好誰知作客貧燈前兒女淚南望益沾巾
謁諸葛武侯墓

定軍山下盡啼鳥丞相祠堂跡未孤漫惜偏安空蜀
蜀應知遺憾為吞吳豐碑寂寞三分業亂石崢嶸入
陣圖檜柏成陰烟漠漠隆中回首綠空蕪

贈諸葛耳鼎

耳鼎世居蘭溪漢丞相武鄉侯裔也崇禎中遷居
吾邑今年來京師余適奉使入蜀欣然偕行過沔

健松齋集

卷二十一 錦官集上

七

縣定軍山同謁丞相祠墓非偶然也因賦詩贈之
會過龍岡止知君忠武孫宗祧承越水拜掃隔夔門
誰意源流遠還瞻廟貌存南歸告宗族親到定軍屯

五丁峽

五丁既開道萬里開鑿叢絕壁兩岸坼偉矣造化功
如何有遺力不令道路空盤紆費蚓折洞壑青濛濛
飛瀑穿峽出噴薄奔蛺虹散作雪花落倒瀉虬龍宮
石拒水愈怒崩迫久勿東晴天雷雨關灌莽搖天風
碎石更磊塊零亂墜澗中脛觸人氣奪鐵落馬亦窮
乃知天地意戒絕將漢通車書既混一再焚紛來同

何不呼巨靈更施斧鑿工
鐘崖摧距角陰谷發掌聲
往來兩無阻庶豁千古胸

寧羌

驅車五丁峽日暮趨寧羌
荒城積豐草昏霧埋高岡
當年逆藩變三川皆淪亡
州將既不守附逆甘跳梁
烽火烈城邑秦隴羣奔惶
天戈已西向燕雀還處堂
秦州開幕府張譙耀戈鋌
徘徊戀妻子捲甲歸平涼
井蛙寃何濟進退彌乖張
皇仁等天地納叛度汪洋
華兒被顯爵賞資糜恩光
未責分寸效覲望真無
將僭亂既削平賞罰法所當
有詔許入覲四顧方
健松齋集

卷二十一 錦官集上

大

倉皇中道就真誅實以昭
王章天意別順逆憲典
森紀綱賊渠何足惜所憾
多殺傷試看藁街上僭竊
皆侯王

雨發寧羌州

蜀道晴偏少真疑是漏天
荒城無驛舍敗屋有炊烟
氏月沉秋雨羌雲吼瀑泉
路危人不慣頭白亂山前

七盤關

雞頭關前七盤嶺
蚓曲蛇蟠纔見頂
氏中又復度七盤
詰屈紆迴勢相引
層崖遂各路轉通
拾級忽見雲霞空
却怪頂觸前人趾
不知舉膝當心胸
寧心息魄

詫奇絕萬里山川風氣別
一關中斷絕野分羌酋
歌乍相接遙望川巴萬點
明白雲紫霧還縱橫鱗鱗
彷彿峨眉雪不知何處錦
官城北望京華南望越懷
人兩地情偏切今朝身入
大荒西涼風古驛中秋月

中秋次神宣驛

入蜀

不知今夕是中秋萬里盤
紆向閬州路入氏羌天外
遠山迴江漢望中流驚心
尚憶連雲棧懷古空聞碧
玉樓雨過郵亭看月好夢
回嚴瀨舊扁舟

龍洞背

神龍穿石飛洞壑盡常晦
人乃捷於龍盤旋出龍背

健松齋集

卷二十一 錦官集上

九

躡衣入重雲勢與風雨會
危崖千萬狀不知始何代
突兀浮圖高縱橫屏幃大
鱗鱗樹干章泉流吐飛沫
下注不測溪沉沉氣冥昧
倘燃牛渚犀百靈宛然在
羌山多靈奇策名此爲最
何必御風行曠然天地外

放舟嘉陵江

山行四千里車殆馬亦疲
南人便舟楫小舫適所宜
放纜千峰內谿石何離離
水石動相忤湍急聲怒嘶
蕩槳捷如驚岡嶺紛馳
羌水扶日出仰見百尺崖
雄關冒其頂朝天突兀迎朝曦
絕壁斧鑿痕參錯留
江消想見舊懸棧虹蜺
夾岸垂設想既駭絕况彼驅

車時西征歷險怪幸復免艱危 簡書百靈護小臣
何所知

夜泊廣元縣

息纔段萌道江寒棧閣空七盤連劒外百丈落巴中
小縣秋砧急荒原夕照紅欲尋籌筆驛惆悵漢時功
虎跳驛

秋水澹如許扁舟古驛亭平沙雙鳥下落日數峰青
羌雨侵船細淪歌夾岸聽亂離餘聚落燈火半零星
蒼溪縣

一水乘流下涼風八月天岡巒澄雨後城郭宿溪邊
健松齋集 卷二十 錦官集上 三

亂定才通市人稀學種田杜陵遺句在送客是何年
抵保寧府

名勝隆州最雲山面面齊重關封棧北一水界巴西
閬苑王孫去仙房玉女述十年征戰後寂寞海棠谿
發閬中至龍山驛

信宿南樓畔晨征未許閒舟移巴字水人度錦屏關
箐莽繁官道炊烟出亂山郵亭何處是碑字蘚紋斑
將赴桺邊驛不及夜宿小猴牙草舍

萬里嗟行役蓬茅一夜栖山濤聞虎嘯月黑有猿啼
斷草充疲馬然薪待曙雞長征四千里顚顚是巴西

張桓侯廟

昨過桓侯墓千秋廟食同休儒將度矯矯虎臣風
不盡三分恨空餘百戰功森然見英爽浩氣滿巴中
文與可故里

茅茨三五傍斜陽道是當年舊墨莊不見清貧饒太
守何人百尺寫簷簷

渡梓潼江

山盡與水遇扁舟各自呼江聲流梓益秋色下荆湖
鼓柁驚魚婢停橈走鴈奴射洪西望近猶憶舊名都
潼川州

健松齋集 卷二十 錦官集上 三

聞道潼川勝兵戈十載餘荒榛紫解市廢郭冷丘墟
漫覓耶筒酒空傳丙穴魚不眠聽夜柝斜月四窓虛
潼川懷陳正字

子昂初未遇萬緒碎胡琴長安無智愚聚觀紛如林
鄙夫競歎惜賢者或賞心聲名一朝徧爲慮誠已淡
世人尚耳食山水誰知音王門羞挾瑟狗監安能尋
空懷文百軸撫卷託悲吟碎琴向都市壯氣橫古今
嗟哉貧婁士何計揮黃金

哀川北

七日發閬州五日達潼川中江近千里四顧無人烟

蓬蒿沒道路老樹長原田豺虎白晝嗥猿狖啼樹間
行旅各悄悄怵傷未敢前停車問野老沃土古所傳
往昔全盛時夾道多官壓川北號陸海民物紛宣闕
勝國當末造獻忠恣屠煎殺人供戲樂焚燒徧郊原
兩川百萬衆先後膏戈鋌鋒鏑苦未歇饑疫頻顛連
青燐照梓益白骨橫巴綿遺老哭吞聲至今五十年
聖朝既平寇下令亟生全招民踰百家爵賞殊翩翩
流移卒未復曠土空連阡比者再遭亂子遺重播遷
婦子各相失患難誰周旋潼川亦都會蕭條無數椽
州守饒茅舍寥落同枯禪城郭久圯廢廨舍孤鼠穿

健松齋集

卷二十

歸官集上

五

小民二百戶黽勉輸官錢大道通雲棧力役復屯遭
不知何時止淚落如奔泉太息語野老慘實如君言
我行半天下禍亂此最偏天心幸厭亂聖化方敷
宣兵革偃不用逋賦皆除蠲汝等延殘喘力穡謀所
天十年計生聚烟火當依然君看昏墊後八表樂薰
絃

廢墟

廢墟慘心目烽火竟誰存漫漶前朝碣蒼涼舊日村
草深餘井日樹老出墻垣感慨知何故興亡未可論

新都感楊升菴

新都相業名前朝升菴繼起稱文豪父子同時砥名
行聲譽而並岷峨高嘉靖初年大禮起盈庭聚訟何
紛囂孝宗有子奉宗廟與邸嗣統非承祧諸公引經
頗膠固區區宋漢與定陶張桂上書排廷議一言投
契傾羣僚後人謂附失初意稱宗祔廟乃愈淆當時
持論首楊相逆耳批鱗總不搖用修少年盛意氣午
門聚哭連諸曹遂令一第成金齒蠻烟瘴雨投猿獠
等身著述遺歲月老死寂寞哀南交第宅銷沉竟何
處豐碑表墓還榛茅嘉隆近事且如此琴臺玄冢空
遙遙人生夢幻實堪慟勲名富貴終蕭條身死名存

健松齋集

卷二十

歸官集上

五

亦何益差勝泯沒歸蓬蒿

題駟馬橋

懷鼻何年獻子虛凌雲早已重相如文人遇合真千
古不羨題橋駟馬車

其二

當年題柱志何如建節西南諭蜀書弩矢前驅應自
慰此回差不負高車

重九閣中生日即事

年年此日菊花黃玉壘浮雲又一霜半世每憐虛甲
子今朝且喜度重陽樓頭鼓角催天曉座上賓朋語

夜長鎖院沉沉新雨後剪燈圓泛紫更鵲

望雪山在威州距會城二百餘里
曉起登樓望之九峰皆白

未是峨眉境何來入座看蠻中晴亦雪微外暑偏寒

雲散千峰白霜凝萬壑丹鱗鱗望不盡指點是松潘

得聞六月家書

音書千萬里遠望正徘徊驗字緘封好驚心剪燭開

不知冬漸老猶是夏中來欲報無南雁愁心托酒杯

薛濤井

百花潭畔水分流遺井渟渟露未收十樣雲箋無覓

處滿天紅葉錦城秋

健松齋集卷二十 錦官集上 五

送王擔人事竣省覲還朝

御書萬里正秋新棧雨蠻烟影共親我媿歐陽能得

士君真司馬最知人錦江葉落催征騎巫峽霜寒趁

小春相送河橋真美汝竹樓歸省向楓宸

青羊宮

錦城十月野梅香叩竹初攜到上方見說函關留紫

氣至今蜀道禮青羊臺邊草沒仙人掌張三丰詩
六句刻石

裏泉通羽士房漫向瑤壇問真誥金文玉冊總茫茫

老子謂關尹喜曰千日外尋我蜀中至
期果見於大官李氏授玉冊金文

忠武侯祠下作古漢廟今皆
呼武侯祠

武侯起南陽三分定籌策豈不計中原天心未可逆

拒曹實夙心連吳藉羣力帝意決南征孫劉舒乃隔

重違先帝心難謝老臣責六出向祁山區區勞孽盡

盡瘁報主知寧復避險厄星隕五丈原錦江寄魂魄

謀士萃簪裾武臣森劍戟一堂祖父孫忠貞耀梓益

前祀昭烈以北地王謀蔣琬費禕董允龐統關羽張
飛趙雲馬超黃忠向寵傅食關興張苞姜維配後祀

孫尚配大業雖中殂臣心久已白君臣廟貌同魚水

應如昔

謁昭烈惠陵

萬里橋西落葉秋浣花溪上水還流千年戰伐空存

健松齋集卷二十 錦官集上 五

蜀半畝園陵尚姓劉祕殿陰森封劒舄高原蕭颯冷

松楸樓桑王氣銷何處車蓋童童憶涿州

草堂寺

古寺烽烟後荆榛久未除半龕明佛火一榻掩僧廬

竹密深藏鳥溪澄細髮魚草堂名字古寂寞浣花居

杜工部祠

卜築何年事爭傳杜少陵誅茅因侍御裴載酒記中

丞嚴苦臥前人碣香殘別院僧比來還駐牧衰草路

層層

其二

背郭堂成日羈縻五載中子美以爲已亥入蜀喪州甲辰復歸成都凡五年橙林娛客况茅屋嘆秋風老去詩偏細愁多興不空碑殘看遺像天地一漁翁

其三

瞻拜荒祠下萍蹤此尚畱心存唐社稷詩續魯春秋竹屋斜通徑花溪遠抱樓江山眞占絕千古獨風流尋司馬長卿琴臺不得蜀記在市橋西或云卽今金花寺司馬風流絕代無文君春日更當鱸鵠裘貰酒知何處寂寂琴臺徑草蕪

揚子雲宅今成都縣治

健松齋集卷二十一 錦官集上

美

縣署凋殘草半青荒臺猶說太玄經桓譚去後俟芭死誰問當年載酒亭

健松齋集卷之二十一

遂安方象瑛渭仁著

錦官集下

發新津

歸程輕萬里編竹一舟寬雨宿彭門曉江連灌口寒人喧來別浦鷺浴起危灘西望華陽道村村木葉丹

眉州謁三蘇先生祠

半城衰草古眉州父子祠仍舊宅畱祠卽紗廠行舊第意氣

當年雄洛朔文章千載見韓歐瑞蓮院落莓苔冷水

假山堂薛荔秋瑞蓮院木假山尚有舊額爲問老翁泉在否泉在老泉

健松齋集卷二十一 錦官集下

墓尚餘一綫理松楸墓系止存一人州守白於督學馮君雲驤給衣頂奉祠

江行

縛竹任中流軒然一葉舟浮槎天外落蓬屋畫中遊綠靜一溪水紅餘兩岸秋停橈依野渚草草聽更籌

夜過中巖諾距羅尊者道場上有喚魚潭客至撫掌魚輒躍出

青衣江上引歸舟熊耳山前暮雨愁咫尺中巖空悵望有誰沽酒喚魚遊

嘉定夜泊

繫纜嘉州道高城水氣中舟寒過夜雪人語亂江風問俗無魚舅魚之大者春水時始得尋溪有竹公竹公溪在城北卽竹中小

見夜郎
王也
丁東泉畔望何處是滄翁
丁東泉在高山山
下即山谷滄翁亭

雪中遊凌雲寺同門人羅廷掄樊岷來楊聖與
家弟式予

誰有呼船冒雪遊朔風吹浪逐征裘九峰突兀浮江
出三水迴環抱郭流
羅水沫水令
洗墨池邊烟漠漠
凌雲崑畔竹飈飈快談不記歸來晚萬點飛花一棹
舟

爾雅臺
鳥尤山下郭璞註爾雅處鳥吞墨水頭
昔點今有鳥頭魚二三月中見日墨魚

爾雅臺荒已廢墟登臨猶憶舊時書何時更上鳥尤
頂三月清江對墨魚

健松齋集
卷二十一
錦官集下

東坡洗墨池

西望眉山一水分時時載酒問凌雲如何閒却佳山
水垂老空傳海外文

登高幬山望峨嵋歌

生平夢想峨嵋雪才到峨嵋恰冬月雪滿三峨磴道
封此生料與峨嵋絕偶然拾級高幬山九峰三水几
前列天寒晝晦烟濛濛巴霧黎雲通明滅俄見鱗鱗
疊嶂開寒光徑與遙天接遊人指點更相呼自是峨
嵋不須說橫空倒出碧芙蓉萬丈瑤瑤浮玉屑錦官
城裏望雪山影落蠻荒看未微今朝真得見峨嵋一

氣香冥無斷缺不辨岡巒萬樹青滄茫那識金銀關
聞道冰寒夏沁人山僧至老忘裘葛薪積粟歷冬
春僵臥何曾到門閥乃知勝地自幽奇天地無心氣
蟠結願得移家傍此中蕭疎枕簟消暄熱便是綏山
地上仙不川騎羊問真訣
峨嵋一名綏山葛
真人騎木羊遊此

馬州守貽香海棠雪蘭各二盆口占寄謝

海棠香國美嘉州誰信芳蘭帶雪幽喜值風流賢太
守一時清韻滿歸舟

健爲縣

聞道健爲縣猶餘小縣名空山凋桂樹
舊傳金粟遺
山多桂

健松齋集
卷二十一
錦官集下

三

廟指花柳
唐牙將花散定討平
段子璋廟食於此
水平停棹更剪燭欹枕聽灘聲

發敘州

鬱姑臺畔曉又喜放船歸怪石黃沙渡盤渦白鷺磯
峰橫江路盡湍轉雪山飛回睇戎州道層層入翠微
夜泊南溪縣

夜泊南溪縣

江行千百里夜色滿輕槎浪捲灘聲白天低日影斜
寒星飛別浦歸鴈落晴沙戍鼓荒城近挑燈語歲華
江安尹吉甫廟

南望穆清廟北上撫琴臺遐哉尹吉甫文武中興才

如何家庭有遺憾沉江孝子悲黃埃
子安操何時同衣苔帶藻瀟江水蕭蕭落日悲風來

戲題江陽兒祠

銅馬入樊知何時不應輒有江陽兒
江陽兒江陽誰占貴兒氣邑人殺此將何之求兒兒死帝既怒何乃徒禁冠
帶爲情衰法縱兩無取爲兒且築江陽祠江陽祠彼何知蠻中誕漫類若斯不知祠今還在否令人却笑江陽兒

魏武帝廟

蜀魏不兩立城西漢相壇不應瀟水上顛創祀曹瞞

健松齋集

卷二十一

錦官集下

四

合江夜泊
書冊子爲七言詩一章見贈醒後記首句及
佳入三句枕上足成之

爲君作歌君勿忘西湖花暖春日長
陽揮毫潑墨搖光芒蘇公隄上柳絲颺
杯觴雙鬟侍兒垂明璫未行先爲整衣裳
紛成行人生適意詎有常知足不殆宜自量
爲躑躅道路忙燕趙秦晉車馬僵陸奔棧閣舟
且復浮江黃身如輓轡顛毛霜吾將歸老桐君鄉
家載酒三峰旁兩湖明月延清光有時一棹凌滄浪

西溪十里梅花莊

江霧

江霧濛濛合晴天未宜明蒼茫沉日影隱約露灘聲
衣重真疑雨舟移不辨程巴渝無瘴癘稍遣客愁輕

江雨

蜀道常多雨方宜十日晴宵來占水氣半夜落潮聲
岸草奔船濕村烟裊樹橫鳬鷗偏適意濯濯浪花平

抵重慶府

城臨石山頂三面皆水

石擁高城俯巨流西南形勝古渝州灘聲驟落夔門
曉山勢遙分樊道秋風雨千帆已子國州霞萬樹荔

健松齋集

卷二十一

錦官集下

五

枝樓亂離此地還如昨呼酒臨江壯遠遊

舟發重慶

萬里歸程便巴城數日留諸公偏愛客今日喜登舟
自新津以下皆乘筏子至是始更舟
詠發談笑唱渝州

泊木洞驛

纔過巴字水驛舍幾人存壤壁封雲氣晴沙驗水痕
舟移江樹合潭靜浪花翻兀坐銷清晝山山落照昏
荔枝曲上供七日長安

誰築荔枝園千株媚妃子紅塵驛騎飛粲然一色喜

不念民力勞棧山幾千里西巡歷險艱淋鈴雨未止
六軍驕不行貴妃馬嵬死不見荔枝來蜀道難如此

鈞濠堂

涪州北巖伊川註易
處黃山谷題曰鈞濠

先生讀易處探賸還鈞濠不見賣醬翁篋叟何處尋
易學聞在蜀流傳罕到今惟有涪江水潭靜空人心

江心石魚

聞道江心老石魚三十六鱗今何如涪江水落魚應
見爲我一寄江東書

平都山

鄧都王方平得
道處有麻姑洞

采藥何時去王君今在無江雲來絕壁岡月下平都

健松齋集

卷二十一 錦官集下

六

城接蒼崖近亭留翠柏孤滄桑經幾變我欲問麻姑

忠州

平都山下曙光分倚棹雲根日未曛

忠州雲
根驛

一死正

哀巴蔓子千秋猶憶嚴將軍荒祠月落魚龍夕古屋

風高鳥雀羣酌酒臨江思往事忠州名姓至今聞

名二人

謁陸宣公祠墓

西湖祠廟新秀州橋亦古巖巖陸敬輿千秋耀樽俎
丘墓還此問一杯掩蜀土浩氣滿天地都忘遷謫苦
方其佐中興艱危非無補封事千萬言忠誠出肺腑

詔書下奉天海內知君父至今懷往事恍然觀
我來拜墓門漠漠涪江潯燒碑不可讀辨香肅祠宇
誰是裴延齡奸諛骨已腐

公諱裴延齡
諱忠州別駕

石竇驛一帶石奇甚得十二韻

石立江流斷雙崖通一門縱橫各有意突兀本無根
幻若雲霞變幽疑洞壑存屏開施枉渚笏立壯江村
曼衍魚龍集猙獰虎豹蹲競奇非一狀互長更誰尊
懸溜巖中出驚濤天上奔雨隨飛瀑落雪捲浪花翻
天地造靈秀鬼神恣吐吞棧山原異派夔峽預驚魂
彷彿畫圖見都無斧鑿痕米顛如乍遇狂拜不須論

健松齋集

卷二十一 錦官集下

七

夜泊萬縣

小縣倚山椒江邊夜寂寥河燈循浪轉市柝出城遙
夜靜蛟龍偃山空豺虎驕故鄉何處是南望指星杓

白萬縣至雲陽作

水與石爭險驚心強自寬但看舟出沒不記路巉岈
浪束青崖寺風橫白鶴灘長年方整暇指點度危湍

雲陽縣

寂寞雲陽縣平沙過雨痕夾河餘戰壘落日見空村
市上過饑虎城頭嘯野猿不堪聽舊事烽火徧夔門
譚弘再振據萬縣之天成山
王師從夔州西討集城于此

登夔州城樓望八陣圖

夔府城高一徑斜武侯祠廟鎮川巴空留大業成千古尚有遺蹤聚五花水落魚龍浮舊蹟江空蛇鳥出平沙半彌鎮上遙相望颯颯陰風起暮笳圖凡三一在新都半彌鎮一在棋盤市

登白帝城

喜近瞿唐口還登白帝城公孫餘故壘城公孫述所築帝子

駐行旌峰削重關險臺連峽水平倚闌看灩澦歷歷大江聲

白帝城謁先主廟

健林齋集

卷二十一 錦官集下 八

白帝城邊蔓草黃永安宮外樹蒼蒼三分未盡中原憾百戰還依蜀道長古殿霜風回灩澦空江夜月冷瞿唐孫吳曹魏知何處魚水君臣尚一方

灩水

當年灩西水今日草堂河名爲詩人改山從舊日過登臨愁不盡感慨意如何悵望東屯月蕭蕭挂薜蘿

杜少陵宅

浣花溪邊草堂好背郭初成春色早晚年更卜灩西居領略山川都不少灩西一帶溪流清渚田漠漠皆杭稻白鹽赤甲互崢嶸東屯月落瞿唐曉策杖閒登

白帝城詠懷古跡忒探討長鏡白柄悵遠遶圖杜曲空縹渺未能歸臥南山邊萍踪應向此中老無端去峽下荆門老死未陽胡草草乙巳離成都居雲安西閣丁未遷赤甲又遷灩西秋遷東屯復自東屯歸漢西戎申出峽至岳州已酉留潭州與戎卒于東屯宅舍東屯屢易主故劬傷心跡如掃陸務觀記東屯距少陵纔三易主言將券尚存我來西閣問綺疏哀壑無聲魂悄悄不見傷秋感興人日暮江村數歸鳥

灩澦堆

誰將一拳石倒塞瞿唐口危崖兩岸分江聲出左右如象或如馬水落勢逾陡誰云神鬼工或有蛟龍守

健松齋集

卷二十一 錦官集下 九

締造始何年位置諒非偶虛無根自然不在天地後

瞿唐峽

蜀都天險雄氏羌西通棧閣東瞿唐棧山連亘近千里瞿唐萬丈凌穹蒼倘使山靈圖奇怪嶙峋各出無低昂昨日放舟出夔峽危崖陰黑埋天光一門中斷江水落倒撐灩澦橫中央赤甲白鹽相向立高城陡絕連崇岡王公設險守其國此中不用資隄防一夫拒守梯徑絕蠶叢終古無興亡如何五丁既開鑿更姓易代紛靡常子陽井蛙固爾爾何論蕭李與孟王前朝傳廖下西蜀明初傳友德廖永忠平蜀太祖第其功曰傳一廖二近時叛

帥膏戈鋌諫將王屏藩吳之茂世修降表成故事而縛幽靈道
路旁乃知恃險非全策山川豈為人爭強與廢得失
何時已鴉啼猿嘯空悲傷

魚復城赤甲山上

何年魚復國赤甲倚天根恍惚蠶叢舊誰招杜宇魂
山川留蜀微風雨隔夔門興廢都如此滄桑總莫論
出峽

萍蹤剛半載漸喜是南來水落瞿唐峽波恬灩澦堆
巴渝行處盡荆楚望中開日暮歲行盡何時鄂渚杯

巫山縣山形如巫字故名

健松齋集卷二十一 錦官集下 十

奇絕山成字應知縣姓巫高城千嶂合絕壁一峰孤
峽底波瀾靜天邊鳥雀呼陽臺空悵望神女在還無

高唐觀

見說襄王入夢來片雲還自傍陽臺行人爭問高唐
觀誰識當年作賦才

神女廟二首舊在峽中今移琵琶峰下

琵琶峰畔峽江分神女祠邊落日曛寂寞章華衰草
沒更從何處問行雲

其二

暮雨朝雲夢已闌巫山巫峽望中看荒祠非復陽臺

舊環珮蕭蕭夜月寒

戲為神女解嘲

未必高唐夢果真玉釵羅袖本騷人河東牛女都無
據不見陳思賦洛神

峽中野泊

勞人真草草萬里信歸舟誰意夔門別還從巫峽留
寒風搖夜纜細雨襲征裘去住都難必何當賦遠遊

巫峽

亭午見微日方知巫峽高峰橫江路斷岸轉朔風號
野鶻啼虛壁吟猿度石槽舟行乘水涸未敢狎波濤

健松齋集卷二十一 錦官集下 十一

歲暮

南北東西路迴旋直到今看山忘臘盡問俗駭冬深
峽急啼猿切天寒落日陰無端風雨夕望遠益傷心

三分水巖中三泉眼分流甚奇舟人言相傳上為川水性浮中湖廣水性平下江西水性沉好事者論著試之果然余以風逆舟不敢近未及辨亦未解何所取義也

峭壁千尋總不羣半山歷歷細泉分何人辨出三分
水陸羽茶經或未聞

望十二峰

層崖處處削芙蓉爭指巫山十二重神女祠荒環珮
冷天邊妒殺美人峰諸峰皆峭壁美人峰最高秀

萬流驛楚蜀分界處

驅車燕晉指三秦
美蜀已渝入望頻
自下幾門度巫峽
荆南萬里舊遊人

家仲兄理荆州余署中兩月今十八年矣

巴東縣

藏棹古巴丘
孤城俯急流
人家依斷岸
官舍出高樓
近蜀猶天末
浮荆正上游
歸程應不遠
還恐北風愁

寇萊公祠

萊公遺澤在雙柏
隱荒祠不及公安竹
年年感舊思

過歸州

峽急舟行疾
遙遙望秭歸
崇崖驅水立
駛浪夾城飛

健松齋集

卷二十一

歸官集下

十一

雪散青魚港
風軟白鷺磯
停橈向江汭
亂後客船稀

兵書峽

層巖千萬疊
寸寸束兵書
黃石圯橋授
陰符渭水餘
何人封寶笈
終古闕孤虛
我欲探靈奧
龍威山隱居

阻風屈沱謁三閭大夫廟

三湘東望遠
故宅叩靈均
苦憶行吟日
誰爲獨醒人
猿聲歸峽晚
梅信楚江春

時將立春

欲寄招魂曲
無由問水濱

水濱

楚王故城

古丹陽城在屈沱

朔風颯颯捲層波
棹宿寒江亂石多
楚殿丹陽無舊

築姊歸祠下屈原沱

阮亭云陸放翁詩商略此時真痛飲細腰宮畔過重陽即此地

夔子城

俗呼舊歸州

夔巫百里古諸侯
遺址還從昔日留
日暮空江三峽路
猿聲啼斷舊歸州

宋玉宅

騷賦源流屈左徒
招魂九辨問荆巫
悲秋感慨思何限
神女高唐事有無

昭君村

聞道明妃有舊村
那堪生小入宮門
畫圖未識君王面
不待琵琶掩淚痕

健松齋集

卷二十一

歸官集下

十二

新灘

天寒水落峽江平
何處崩雷萬壑鳴
自去錢塘剛十載
今宵聽徹早潮聲

其二

峽險無如此地難
飛濤十丈涌危湍
輕舟出沒波光裏
不數延州點淡灘

空舸峽

纔過三灘險
空舸水勢分
峽寬初見日
江暮欲蒸雲
健鶻舟前落
哀猿石上聞
朝來朔風靜
細浪碧成文

黃陵廟

湍迴明月峽曲折到黃牛古屋祠神禹殘碑憶武侯
空山餘古雪亂石抱高樓落日西陵路聞猿引客愁

峽中夜汎

夜靜風初霽黃陵好放舟峽雲當岸落峰月下離流
遠火明村舍恬波起棹謳更闌誰秉燭空擬問三游
三游洞黃金藏竹
瀨江以夜過失之

夜抵彝陵州

舟車半載道途間喜泛輕橈萬里還日暮寒雲流斷
峽夜濤斜月冷空山灘聲乍轉黃牛驛帆影遙分白
虎關望裏峰平江水濶彝陵今夕喜開顏

健松齋集

卷二十一

錦官集下

古

過宜都縣

彝陵東下一舟閒十里江城烟靄間雲樹蒼茫看不
厭輕橈已度虎牙山

松滋舟中立春

燕市秋前別今朝又早春半年多病客萬里未歸人
臘雪愁中盡寒梅望裏新南行舟楫便莫悵楚江濱

百里洲

漸去松滋遠茫茫百里洲晨光搖浦樹午熱出漁舟
鴈宿千羣白鴉飛兩岸秋烽塵餘戰壘一帶對江流
重過荊州有懷家兄雪岷

攬轡章華事已虛重來景物近何如城邊車馬移新
邸陌上雞豚憶舊居勝地全消烽火後交游都值播
遷餘空懷往日冰堂宴數載分攜少報書冰堂在荊
州理署

午過公安

烟樹屏陵驛江天過雨痕柔風迴水面細浪沒沙根
漠漠看飛鳥蕭蕭見遠村殘冬偏道路昨夜下荊門
荊門山在宜都
與虎牙山對

攬鏡

不欲頻窺鏡蒼顏病裏更開囊重拂拭對影喜分明
藥力扶衰困風霜老半生年來添鬢雪又見兩三莖

健松齋集

卷二十一

錦官集下

五

泊壺瓶套

日落劉郎浦浦在石首縣東俗傳
昭烈迎孫夫人於此停舟野渚東冥冥
烟霧合寂寂成亭空水鳥黃沙岸江豚白浪風漁人
方獨釣瞑立夜船中

舟中風雪有感

三冬蜀道不知寒出峽風霜鬪急湍南望岳陽東望
鄂沱茫烟水雪中看

其二

朔風吹浪雪飛花斷岸江流噪晚鴉半載都無羈旅
意今宵誰道不思家

其三

空江日暮雨霏霏野渚無人冷釣磯剩有新醪銷客
夜香橙碧藕鰕魚肥

洞庭湖

出峽下荆門江流寢以大乍落城陵磯遂與洞庭會
朔風紛怒號洪波競澎湃烟水浩無邊濛濛氣冥昧
周亘八百里誰從得其槩橫睇岳陽樓崢嶸出湖背
君山數點青渺然天地外蒼梧弔虞舜湘靈儻還在
廿載習波瀾斯川信爲最多病倦遠遊放眼湖光內
平沙障巨流適與巴丘對領略見大意垂老幸無悔
健松齋集 卷二十一 歸官集下 七

倘從衡湘遊登臨或有待

望岳陽樓

宋滕子京建范希文記蘇子美書邵康節四絕

雪風初霽見平蕪望裏巴陵入畫圖閣影正浮麋子
國江聲直上洞庭湖神珠夜吐半明滅鐵笛晨吹乍
有無便欲凌空探四絕湘君祠下弔蒼梧

城陵磯

洞庭潏無際城陵當其門吐納三江口仰接瞿唐源
連拳浮水面浩渺灌山根西南扼要地水氣連朝昏
王師初討逆萬里風雷奔決戰巴陵下駁落湖水渾
長驅蕩安史益知主極尊遂掃鯢鯢窟依然禾黍

村暖暖高原上日暮散雞豚

白羅山

旌旗隊隊護南回畫舸乘風向晚開不用驚心籌夜
泊官貧萬里蜀中來

舟中大雨

寒江來急雨浙瀝響疎蓬滴破三更夢驚迴五夜風
擁衾還問客擊火漫呼童雷滯偏如此何時鄂渚東

大風

甚雨苦未止寒風夜怒飛萍搖青雀舫沙捲白羅磯
遠道何時至鄉心到處違纜船成獨坐惆悵說南歸
健松齋集 卷二十一 歸官集下 七

大雪

風雨催殘臘何當驟雪寒一時逃浦澈萬點沒江灘
久客真無計隣船各自寬不須添旅感自古路行難
阻雪放歌

滑州城邊元旦雪驅馬勞勞苦未歇回首風塵二十
年長江今又殘冬月白羅山對岳陽東疾風急雨虬
龍穴飛花萬點怒濤翻雪光遂與波光接人家向水
閉其門漠漠寒空飛鳥絕故人相待漢江濱謂羅子
咫尺茫茫更誰說對此真令百感生寂寥况是梅花
節行燒十輩江漢人一夜思鄉情慄切就中燕客最

傷心汨落征裘曉曉主人太息強相寬自古悲歌
行路難 王事馳驅我思萬里衣囊中
有粟尊有酒西望荆門東望口推蓬放眼望山
雪氣蒸雲裏數赤壁山橫古戰場孫劉往事今存否
望古長懷天地間聚散何常鳥兔走丈夫有志在四
方威威窮愁奚足取

雪中有懷二十首

其一 益都真定馬邑諸先生
以病皆未得奉書省候

師弟追隨廿載餘萍踪飄泊歲新除漫言奉使西南
好病起慙無半紙書

健松齋集 卷五十一 錦官集下

其二 癸卯丁未諸同年集
二月一會京邸稱極盛

天涯兄弟共新年妙舞清歌向綺筵雪裏飛觴應更
勝可知蜀客冷江邊

其三 館中
同年

五年簪筆共清班遠望真如霄漢間蜀道青天千萬
里至今風雪擁江關

其四 米紫來典試雲南
汪梅齋冊封琉球

滇南萬里可曾歸海外仙槎信息稀同是 王程歸
未得飛花偏逐使星衣

其五 汪鈍翁諸君
先後假歸

田間歲月幾人閒莫笑風塵老客顏夜靜江寒空悵
望詩成斗酒共家山

其六 姜西溟黃俞節萬
貞一三君在史館

話別燕臺有故人誰憐羈滯楚江濱遙知珥筆金門
夜燒燭題詩賦早春

其七 王仲昭
洪賜思

舍人踪跡老京華顧曲狂生客是家莫向白羅山下
望錢塘回首各天涯

其八 西泠毛稚黃
王丹麓諸子

吳山南望朔風斜北壑琴尊感歲華記得十年風雪
健松齋集 卷五十一 錦官集下

夜呼船載酒問梅花

其九 擬訪倪
開公

送君南去我西行萬里懷人百感生寄語雲林休浪
出浮江先問石頭城

其十 王穉人先
余同楚

半年喜共錦城秋歸去先登舊竹樓萬里還鄉親未
老椒花一曲醉黃州

其十一 同邑先大若韓
二檢討皆假歸

金門三載喜同朝每怪投閒學寂寥今日寒江真美
汝鹿門妻子共良宵

其十二 羅魯峰約余十
二月至漢口

南旋相訂是三冬握手同登大別峰見說漢陽三百
里一天寒雪路千重

其十三 毛子
會侯

垂竿戴笠子陵磯聞道西泠尚未歸生計不堪常作
客可曾重理舊雙扉

其十四 里中
同學

雪風瑟瑟捲征裘辛苦歸人江上舟美殺故園兄弟
好青魚紫笋不知愁

其十五 家助教叔
侯官京邸

健松齋集 卷二十一 錦官集下

三

莫便臨風憶故鄉圓橋冠蓋引椒觴杯闌倘憶長江
客只道南回已漢陽

其十六 長兄家居仲
兄客廣陵

夢回時傍舊書幃江雪江風濺客衣別思不堪頻望
遠長天陣陣鴈行歸

其十七 內弟吳孝
廉兄弟

幾年兩度共長安萬里川湖入夢難聞道慈幃方健
飢團團春酒醉辛盤

其十八 門人馬子教思沈子朝初
高子舊名送余出都門

秋來扶病事西征萬里猶憐阻客程却憶慈仁松下

別殷勤真見故人情

其十九 川中諸
門人

杞梓梗楠總蜀才錦城惆悵一帆開那堪風雪客江
晚辛苦求賢萬里來

其二十 諸兄在家
久未得信

風雨無端動遠愁兒曹應念蜀中遊秋前早寄南來
信有夢誰還到客舟

癸亥除夕 新隄在臨湘
縣東六十里

雪花如掌楚江隈又逐晴光向午開鐘鼓聲中喧晚
市旌旗影裏過疎梅蹉跎空憶千山遠潦倒真憐萬

健松齋集 卷二十一 錦官集下

三

里來夜久蓬窓人靜後椒花試引客中杯

甲子元旦 牌洲在嘉魚
縣東七十里

江村遙夜一閒身遠道都忘歲月新早起正當更甲
子不眠絕勝守庚申星爐火圓歸客草草辛盤接
故人却喜乘流風色便片帆南下慰初春

赤壁 嘉魚大
江濱

臨臯兩賦後赤壁昌黃州今日浮江表當年截上游
謀成元瑜亮戰績自孫劉往事空憑弔江聲日夕流

過鸚鵡洲

廿年鸚鵡洲前望今日帆乘鄂渚風衰草未知新歲

改平沙猶傍大江空名成不用嗟黃祖表薦能無負
孔融惆悵當時豪鼓史武昌回首夕陽中

抵漢口

大別山前路重來二十年春風仍漢口落日下晴川
燈火千帆影樓臺萬井烟塵勞猶未息還上鄂州船

飲羅子鏡堂

停橈訪舊度江關好友相期漢水間梅萼幾枝春尚
早辛盤五日客初還圖書香繞君章宅烟樹晴分大
別山回首巴渝千萬里今朝對酒一開顏

漢上遇俞掌天讀冬邸見懷作和韻奉酬兼送

健松齋集

卷二十一

歸官集下

三

之入滇

別來扶病向盤叢萬里歸舟又漢東握手尚憐同旅
况論心不用寄郵筒晴川載酒春偏早鄂渚懷人句
轉工客裏只今還送客輕帆好趁洞庭風

和武昌諸子立春日登黃鶴樓限韻是日余在

松滋道中

瞿唐南下望三峽

峽二峽三峽

客裏逢春傍淺莎霜

鬢自添新歲月萍踪猶記舊關河
乙巳秋冬余人依別浦殘冬盡酒入他鄉旅思多
聞道諸君同勝集登樓憑眺正高歌

其二

遊踪聚散總飄萍最愛登臨對遠汀黃鶴磯頭衰草
白金華山外亂峰青一名大觀山不堪臘鼓催年盡尚有
漁歌隔浦聽此際高樓多逸興客船猶逐短長亭

同孫豹人諸君遊洪山寺

芳郊登眺喜同羣古寺晴開鄂渚雲百尺樓臺春水
濶半軒松竹午鐘聞人逢旅舍愁都盡路入斜陽酒
易醺楚國陵園何處是還披苔蘚讀遺文亭有故楚王石刻詩

清明發武昌

客裏逢寒食江城放纜初雨添春水急風入畫簾虛

健松齋集

卷二十一

歸官集下

三

重過黃州

畱滯緣多病交游慰索居經旬無一事惆悵武昌魚
又從赤壁艤扁舟春雨連旬漲綠流定惠海棠今在
否空聞兩賦重黃州

其二

臨臯亭畔倚斜曛不盡江流日夜聞太守竹樓無覓
處誰人更識鮑參軍

泊蘭溪驛

黃州初放纜愁絕石尤風近浦帆爭落橫橋路轉通
漁燈依岸小佛屋俯江空香草溪名在京泉憶陸翁

靳水道中

暫息蘭溪棹山城一徑偏波新寒食雨風靜養花天
細柳繁官道輕鷗逐小船鳳樓山下望何處第三泉
宿洛蓮菴

街命新從萬里歸層城春色正芳菲高樓過雨青

山迢野水平橋白鳥飛盡靜不知門近市夜涼時有

露侵衣偶然訪舊來僧院一榻鐘聲入翠微時便道
張郭山先生

張郭山先生

其二

禪房曲曲傍城幽楊柳隄邊芳草洲三月春光花滿

健松齋集

卷二十一

歸官集下

三

徑一簾秋影竹當樓秋影閣
公題額鐘清別院僧初定門

掩寒燈客暫留聞道淮南遺澤在文章詩酒自風流

菴為故宗伯龔端毅公
辛斯時為詩僧恆度建

田家鎮阻風十六韻

三月朔州棹春江喜正晴計程來蜀微望遠隔燕京

萬里歸難到千山晚較明俄聽風夜吼還怪雨爭鳴

駛浪驅蓬轉驚濤夾岸生長年方氣奪僮僕總魂驚

繫纜循漁港停橈傍柳營雪翻千片影灘雜五更聲

淖鵲迎颺疾翔鷗掠水輕市燈時蕩漾野燒乍縱橫

或擬須臾憩誰期信宿縈重煩更漏卒遠駐護行兵

坐久杯無力愁多夢不成起看江霧黑望盡浪花平

寂寞甘寧廟迢遙庾亮城長途都若此惆悵客中情

登江州琵琶亭

潯陽江畔落歸帆白傅風流喜未芟一曲琵琶千古

淚不知何處弔青衫

彭澤縣

羣山圍縣郭門對大江邊峭壁通樵徑垂楊宿釣船

一官堪吏隱五斗尚歸田始信浮名誤從今學醉眠

小孤山

拳石根天地洪波相往還雙崖橫灝瀕一點落金山

健松齋集

卷二十一

歸官集下

三

壁立魚龍內峰搖鷗鷺間靈妃祠廟古肅穆踞江關

馬當山

陸魯望銘天下之險在山曰太行在水曰呂梁合二險而為一吾又聞乎馬當

二險聞兼擅登臨諒不同祇看江觸石似有路盤空

舟機烟光裏祠壇水氣中子安浮薄士猶助一帆風

抵安慶憩天寧寺

萬里嗟于役停橈向皖城江樓花漸老僧院月初明

簾靜疎燈影窓虛遠磬聲征塵何日息北望指神

京

四游詩舊序

余之定交方子渭仁也自壬辰春仲始猶憶同學十有二人以制舉莧集於語石時余齒最少渭仁長余一歲尤負氣自豪每當同人搦管拈題苦吟面壁余與渭仁輒握手修篁怪石間相與縱談天下事或誦近所爲詩歌共質問以諧謔日向午猶不肯成一字同人來相致迫渭仁始振筆直書濤怒雲舒不可端倪余雖目攝之未嘗不退而心折也後十餘年癸卯余盪竿鄴李而渭仁以計偕過鄴出塗次所爲詩與其大阮稚履挑燈金讀爲之掩卷嘆絕是卽篇首鄴

健松齋集

卷三十一 舊序

遊草也及渭仁射策金門不遇汎舟南歸道經汝泗江淮之說吟咏間作遊不止於燕而燕者公車之所從事也故自次其詩爲燕遊草其後復與余訂山陰道上游余以它事後期而渭仁遍歷諸勝以歸眉宇間若有矜色探其篋果得越游一冊余嘗以詩贈之所云騁我囊中禹穴詩者是也渭仁又嘗謁其仲兄雪岷於荆署凡彭蠡之雄巨蘆之秀與夫赤壁黃鶴之幽奇鉅麗一皆以詩發之而以郢游草終焉集成顏曰四游乃問序於余余謂山水之勝必藉人而重然計余足跡所歷于鄴于燕于越較渭仁所未至者

獨三湘七澤間耳而篇什寥寥多散佚不存卽存者亦如里曲農謠不堪問世豈非余之不足爲山水重山水之必藉渭仁而重可知也山川藉渭仁而重余言又何足爲渭仁重哉顧渭仁齒力方壯行且祖武克繩馳驅皇路輶車所閱憑軺易生其以詩名集者卽十遊尚未有艾而余之心折渭仁者終不異語石握手時矣如以余言爲諛易過同學諸子而問焉同里毛際可

健松齋集

卷三十一 舊序

好奇者慕山澤之勝往往褰櫬爲千里游及遇高巖大壑必披蒙茸冒波濤而後得至至則長嘯高吟不肯卽返然而囊橐不給則耳目亦有所不能徧宦游之士留情登眺宜無不可以從其所欲然阻於簿書期會者有之傷於去國懷鄉者有之是人與地常不相值也若夫旣好遊矣而不必褰櫬有良朋可以唱和身列縉紳未膺民社之寄豈非游之大幸哉此方子渭仁四遊草所以作也渭仁少年登第勤心著述以爲足跡徧天下無以發其胸中欽歆浩淼之致故常涉漳水訪銅雀遺踪登畫錦堂問魏公之故里斯時也毛會侯司李鄴中濟勝之具可無慮矣雪岷先生理荆州渭仁以省兄之便鼓彭蠡之棹命匡廬

之展而赤壁黃鶴之瑰麗盡在奚囊至於燕 帝王之都也黃河據其南太行繞其北奇人傑士於此萃焉渭仁射策金門再至其地長安得意可稱壯游夫數歲之中足跡幾半天下不幾倦游乎渭仁曰未也吾聞東南之美有會稽之竹箭焉雲門禹穴之奇蘭亭鑑湖之遠近在百里可不一至其地于是無幽不涉無勝不窮登臨憑弔一一托之吟咏大者關民風土俗之宜小者極草木烟雲之變披讀一過可當臥游使非當優游需次之日以性情之所欲而合于耳目之所及烏能寫之若是余山澤人也惟於越為故游地曾有游草而于鄴于郢于燕概未之至不特詩讓渭仁即游亦讓渭仁也余愧矣餘杭陸進詩以四游紀名也何紀爾重其地故紀之紀之者何方子渭仁也方子渭仁曷為紀游也禮曰丈夫有事于四方方子嘗登會稽至鄴中抵薊丘過鄴城名山大川無不之也方子曷為其無不之曰方子相國之孫也相國以下職官相繼方子壯舉於朝又擅令省貴而有高志故無不之也游何必以四會稽南有四明東望天台當越分野禹穴在焉鄴中古荆楚國有衡陽巫峽之奇其俗猶有歌曲遺風薊丘古帝都西

控太原上黨北跨遼東雁門其中具五民多天下喜游子弟鄴城為天下中面據漳水東隣海岱之險南縮豫章長沙方子自富春踰錢唐左轉而西繇姑蘇渡楊子盡游歷矣王制曰太師陳詩以觀民風左傳季札聘魯請觀列國之樂方子早樹風聲為時取則推敦厚之教不可一日無詩木采風之義不可一地無詩思令名之重不可一游無詩詩曰樂只君子邦家之光樂只君子德音是茂非方子孰能當此者乎仁和徐汾

健松齋集卷之二十二

遂安方象瑛潤仁著

四遊詩郭遊 燕遊 越遊 楚遊

登桐君山郭以下

桐君采藥去姓字便爲山石古松拳曲鐘磬雲往還
江聲叢竹外碑字蘚苔間卽目蒼涼甚僧貧喜院閒

渡錢塘

十年湖上久今始汎錢塘風迅忘江濶潮平見草長
人聲喧晚渡山色蕩晴光遙對西陵路烟橫隔杳茫

西興道中

健松齋集卷之二十二 四遊詩

一

江盡平沙軟人家簇一關輕橈行越水晴日辨吳山
桑柘繁陰合松筠小院閒會稽東望近城郭翠微間

蘇臺懷古

姑蘇城外草萋萋姑蘇城上晚烟迷一水環流浸海
國萬家燈火連高堤樓臺崢嶸如畫裏漁舟買舫江
之涯殷周三讓高風遠延州季子留荒碑王僚已往
闔閭死胥濤白馬浮塲葬街衢猶冒專諸字千等寂
寞悲憂離離圖霸業黃池長石室君臣起會稽今古
佳人難再得夫差一死真如飴吳宮花草誠已矣草
白風流今遂稀東吳碩陸不可作范公益公名空垂

文定祠遺殘草白五人墓上松風吹我來獨酌南濠
月忼慨悲歌感舊思不知此意何所感鐘聲夜半寒
江湄

曉渡楊子江

澄江如練逐輕橈宿霧蒼茫木葉凋十里江聲浮日
月中流曙色辨金焦人喧古渡潮初落山過流雲雪
未消夾岸輪船規製壯東南飛輓不知遙

瓜州望金山

奇絕金山寺洪波日夜浮鐘磬奔大壑峯小學樓鷗
鷺閣中天霽寒雲繞郭流故鄉東望遠縹緲對江樓

健松齋集卷之二十二 四遊詩

二

維揚旅店坐雨時將赴鄴訪毛會侯司李

寂寞邗關外西風帶雨吹局門簷滴近出戶晚烟遲
城遠行人少天寒櫟馬嘶故交還鄴下何日慰深思

渡泗水

千里平蕪接泗州盱眙東望最高丘洪波浩渺連淮
海曲巷喧闐隔上游驢背霜寒沙草路鐵衣晴度木
梁舟磬聲十二今何處禹跡茫茫萬古流

曉過靈壁縣

磬石衝寒路郊原宿曉烟霜凝茅店白月照小城圓
擊火呼僮近逢人問徑偏不知何所事迢遞趁殘年

宿州曉發

符離寒望酒旗開，纔解征裘引數杯。
夢破曉雞行色早，霜侵棧馬曙光回。
五更晴日浮天出，千里神河繞塞來。
極目平蕪多沃土，何人屯種闢蒿萊。

渡黃河

千里奔馳歷巨川，神河如帶接遙天。
風驚寒雁穿沙過，日照荒堤夾岸懸。
屈注東南流大海，灌輸西北擁雄邊。
禹功既遠隄防重，爭說宣房築漢年。

其二

儀封渡口午烟橫，譚笑波瀾一葉輕。
九曲原從天上

健松齋集

卷三十一 四遊詩

三

至千年誰使地中行，奔流決濟漁舟小。
野日蒼涼雁磧明，鼓柁試歌清晏頌。
曆元不用改河平。

渡河宿固陽集和壁間韻

黃河遙望隔銅臺，落日天寒畫角哀。
記得故園春色早，香風亭放幾枝梅。

其二

霜風策蹇問公車，襖被寒侵一枕書。
鄉夢不來知路遠，客愁蕭寂歲新除。

元旦曉行

椒花傳頌日猶自，問征鞍僅僕歡新歲。
庭階積舊寒

思鄉因客久，向遠視親安。
遙望金臺路，春風拂曉看。

滑縣阻雪

客阻真無計，新年雪滿途。
荒庭嘶立馬，舊堡聚啼烏。
樹裊千枝白，烟橫一縷孤。
寂寥誰是侶，燈影伴殘沽。

感雪

寒風一朝天下白，彤雲漠漠留行客。
樹結冰凝千萬條，雪花如掌亂几席。
城易棧馬相向鳴，凍齧無聲日已夕。
平沙曠野浩茫茫，街巷更無車馬跡。
微見烟分數縷青，下者黃河上城驛。
呼童解橐市中沽，天高夜久杯無力。
浩懷落葉滿燈前，無端又復添新曆。
揚徐

健松齋集

卷三十一 四遊詩

四

梁衛隻身來，關河千里嗟。
于役昂藏意，氣喜尚存豈真僵。
臥無良策詩成片，片墨花飛醉擁寒。
光超凍壁

韓魏公祠

醉白遺軒棟宇修，瓣香漠漠繞松楸。
華林無復王侯第，畫錦還傳宰相游。
十萬行邊輕頗牧，三朝定策重伊周。
岳侯身死公名立，趙宋興亡倚相州。

銅雀臺

鄴城佳麗已荒丘，鄴下湯湯漳水流。
千古雄文曹父子，百年遺事漢春秋。
分香空泣銅臺月，橫槩誰哀赤壁舟。
莫向故宮懷往蹟，寒烟寂寞使人愁。

趙州道中以下燕遊一

車馬勞勞古道傍，遺踪看過日初長。
趙州初子仙橋石，赤伏真人鄒水陽。
中夜悲歌思祖述，白頭憔悴老馮唐。
千年碑勒渾閒事，翹首燕雲是帝鄉。

定州和壁間韻

春風驅馬向燕關，却笑征塵滿客顏。
鼓筑何須悲易水，傾杯浪擬醉中山。
黃沙古戍行人少，落日荒城暮鳥還。
極目南雲天外遠，夢回何處釣臺灣。

中山旅宿夢中恍惚爲詩記首二句續成之

客途容易曙明月，照殘更策蹇尋幽夢。
聞雞逐逐遠行健，松齋集

卷三十一 四遊詩

五

帝城春色早，親舍曉雲平。
別久無南雁，憑誰一寄聲。

夢里中諸子

結交十年餘，何嘗輕試別。
杯酒論詩文，情性久彌悅。
無端事遠游，所夢仍故業。
彷彿語石山，峯峯皆環列。
雜坐謀所歡，豪呼猶未歇。
驚夢報隣雞，悵然見明月。
披裘逐馬塵，野曠霜如雪。

報國寺松歌

不知何年落松子，常有烟雲從此起。
烟雲雲結無冬春，虬枝古幹橫秋水。
雙松嶽嶽最爲尊，外有七松近相倚。
婆娑屈曲老龍吟，爪鬚鱗甲鐘聲裏。
或如亂蟻

或如峯遠看，側看無定擬。
長安二月春風多，昂藏變幻獨如此。
笑殺秦封五大夫，何若四皓衣冠遊殿祀。
松子莫挾風雨飛，長伴雲幢蟠帝里。

被放南歸駱叔夜投詩見贈

十載聞聲隔越州，相逢喜共鳳城遊。
碎琴都市終增價，獻賦長門漫典裘。
歸路已催行客早，萍踪還幸故人留。
殷勤執素詩題處，絕勝離騷散旅愁。

王灌亭太史携樽過飲

退朝花底日初斜，載酒欣回太史車。
小友忘年漸舊語，名公折節重京華。
杯浮北海堪娛夜，話到西泠始

健松齋集

卷三十一 四遊詩

六

憶家別後春風知幾許，長安歸客柳方芽。

晚泊天津

停橈喜對潞河平，地擁津門總百城。
粟帛魚鹽通外府，山川風雨拱神京。
晴波日落千帆轉，遠樹秋高萬井明。
舟宿不須籌要害，直沽南望已弭兵。

夜過武城

片帆迢遞賦歸歎，無計消愁數卷書。
風逐驚沙斜日暗，夜涼明月小城虛。
絃歌尚憶言公澤，里巷空傳孝子居。
坐久僧鐘雲外落，夢回何處是吾廬。

次臨清

不辭憔悴擁歸舟幾曲清湖古帝丘半載尚遲天外
信兩關偏向雨中留流分汶衛通漕路地扼東南識
巨州淹臥何堪懷遠道高譚杯酒暫消愁

南池追和杜韻

迢遞東歸路城隅憩小船遠亭含落日疎樹隱新蟬
駘宕鳬山月滄茫濟水天千秋遺句在留憶舊青氍

太白樓懷古

濟州城邊河水綠女媧陵畔春如簇河水中分汶泗
流鳬山嶧山競相逐太白當年此地遊任城賀令交
方篤醉解金龜又幾秋相逢官閣浮醪醲潑墨豪呼

健林齋集

卷二十二

四遊詩

七

寫壯觀離奇勁絕無繩束下瞰南池濟水濱萬本垂
楊千樹竹杜陵留句憶青氍突兀碑題猶可讀西北
遺踪半已墟頽垣荒草牛羊牧此地池亭縹緲間猶
似江南山水曲我來三月春風生憑高縱望迴清颺
百年無地不山川腐骨陳陳等草木何幸齊傳李杜
名賀監許謫同芳躅水遠山高月滿天詩仙酒聖驚
庸俗山水由來不重人笑殺騶軒空碌碌何不偕登
太白樓齊魯江淮曠心目左呼子美右青蓮快譚劇
飲招黃鵠

五日富陽舟中小醉

歸途經兩月到此便如家雨隔桐江道榴開午日花
市醪酬令節薄醉語京華霽色明江渚峯峯隱暮霞

望岱

以下燕
遊二

岱嶽嶙嶙鎮魯東嵯峨帝座宛相通千盤磴道云亭
迥萬里樓臺日觀空小引諸泉開汶泗遙分片壁倚
龜蒙何時策竹凌霞頂縹緲齊州一望中

登玉皇閣眺望

峩峩宮殿頽諸岑下瞰輪蹄古道深檻外亂峯天遠
近日遶歸鳥樹蕭森驅車漫擬龜山操抱膝長懷梁
父吟極目甫徠松柏盡羊公碑字益沾襟

健林齋集

卷二十三

四遊詩

八

羊叔子故里

秦風漠漠馬行遲荒草郊原太傅碑無復鶴能娛客
燕誰言山不感人思平吳事業成千古緩帶風流異
昔時橫涕關河應塵淚何須喟首始嗟悲

太學石鼓歌

不知鼓自始誰識所由來文王宣王杳莫辨蒐田刻
石奚爲哉車攻吉日賡周雅如何轉徙陳倉野金人
輦致辟雍門石鼓遺文鎮天下岫巒之碑岱山銘邇
篆冰書辨者寡形質離奇噩噩然刪後無詩何必全
有字無字義相等賞識原在文字先

金魚池

如何燕市裏清絕似江東由度春宵外人行淺藻中
開軒驚鳥散畫舫飼魚紅倚檻郊壇望亭亭入遠空
昆盧閣

層樓百尺俯西城歷歷郊原望裏明萬井烟霞裏

殿闕四壇松柏擁神京東流巨浸歸滄海北倚雄

關控紫荆不盡河山堪寄目邇來况復泰階平

隨主司午門謝恩應制

蓮漏初回曉曉春風款款玉階游晴雲半捲雙龍

闕旭日遙開五鳳樓何策漫參新仗序有懷還憶舊

健松齋集卷三十四遊詩

九

瀛洲趨陪益信君恩重露浥虹橋尚未收

太和殿對策應制

策試傳宣草莽臣含毫鵠立正芳辰風來寶鼎微香

遠日照茅恩淑景新奏對漫言齊董賈酬時聊復擬

天人自慙家世承恩久又逐春光向紫宸

太和殿賜第應制

楊柳絲絲起玉河句牖唱罷曉烟和南宮造士人都

雋北闕承恩望已過三奏雲環環鐵鳳一時劍佩擁

銀珂歸途莫笑春袍濕自是天家雨露多是日微雨

恩榮宴應制

宮花簇簇滿容臺詔賜櫻桃御宴開翠幕風輕分玉

饌紅綵春暖醉仙醅雍和座上夔龍彥師濟肯前董

買才歸去微曠斜勒馬都人指點曲江來

謁嶽廟

嗟峨宮殿鎖層陰祀首東方禮報深門號乾封還紀

宋碑殘蠶祝尚留金岡巒萬疊支天地松柏千年閱

古今七十二君靈貺遠頽垣荒草亦何心

蒙陰

幾程星月岱山來小縣東蒙古道開拾得雲芝堪解

渴桃花溝畔且停杯雲芝家山茶名

健松齋集

卷三十四遊詩

十

越中懷古

以下越遊

山陰道上幾番留萬壑千巖一望收內史流觴蘭渚

月秘書投老鏡湖秋夾城花竹聞歌管向水樓臺纔

畫舟安得移家分此地柯亭梅市四時遊

柯亭

越山清絕不知遙斜日寒村天次寥幾山秋菱初出

葉一灣野水欲平橋家縣曾嘗宜漁市拾繞烟嵐入

遠霄笛裏清音仍此地中郎何處竹蕭蕭

南華館

出郭風烟好晴波繞一園亭孤多映水松老自盤根

落葉紅無定殘荷綠有痕
蘭橈歸路近醉裏月黃昏

大禹陵

菊蕊凝黃汎小舟
龍蛇古屋萬峯頭
塗山玉帛三千國
安邑烝嘗四百秋
烏蒙尚題秦歲月
珪書空秘夏松楸
東樓王氣今何處
華表蕭蕭帝子丘

謁禹廟

書棟雕甍俯越州
空山無恙篆烟浮
功成父子全君相
績紀山河拜冕旒
笠石衣冠南鎮月
梅梁風雨鑑湖秋
夏王明德由來遠
江海湯湯正穩流

蘭亭

健松齋集

卷三十二 四遊詩

上

蘭渚淪漪落照邊
風流曾記永和年
詩成曲水人千古
花簇流觴酒半船
秋老只疑春尚在
客來正喜月初圓
賞心此日忘賓主
可是豪遊似昔賢

西施山

曾歎越君臣廿年
匿羞恥甲首非不堅
謀臣亦濟濟雖云
天授吳背城寧惜死
如何意氣盡舉國
託女子葬光丈夫概
忠智兩無比徒以
家國憂辱身報攜
李甘蒙褒姒名傾
城豈得已故知沼
吳功不應先種蠶
功成不策勳廟食
豈終媿胡爲絕代
下不問祀彼美
苔沒館娃宮香沉
若耶池太息浣紗
人寒鍾咽秋水

戢山

吳宮方采蓮越山還采蓮
采蓮苦不久旦暮沼城邑
戢亦薪膽類與越共休戚
激楚確主心忼慨羣臣泣
誰云戢無香故非蓮可匹
戢戢戢山下臨風念疇昔
徐文長故里

東南戰績首中丞
幕府才人氣自矜
白鹿表成天子美
誰言詩酒畢青藤

遊吼山十韻

吼山之奇非言可盡
非筆墨可寫惟蕩舟出入洞
壑中浮白叫絕而已
本名曹山爲陶太常別墅今

健松齋集

卷三十二 四遊詩

上

捐爲菴余扁舟縱遊得盡
水宕旱宕雲石之勝憾
康樂逸少諸公未及見
此山開闢也

如何巖壑異疑是五丁餘
百尺蛟龍窟千盤猿狖居
穿崖舟出沒到閣水縈紆
觴咏陶公宅呼泓太史書
董宗伯手書呼泓二字刻
石間宕仍分水旱人可坐
樵漁佛屋松聲繞茅簷竹
影虛壁縣扶劍閣潭黑語
靈霄突兀雲爲石縝紛烏
似魚拜應呼米老游亦恠
倪迂奇絕真如書還知詩
不如

歸次錢唐會侯以詩見東却和原韻

半舫新從禹穴還
相逢幽意未曾刪
秋冬之際同爲

客書畫其中別有閒水宿亭臺花是岸門臨城市竹
爲山名閣不減王摩詰刺壁丹青數筆間

錢唐舟中夜坐

秋色催歸棹維舟此再停月明吳市白江隔越山青
估舫乘潮至漁歌出浦聽廿年曾宿處燈火正熒熒

訴新安江

以下
楚遊

秋雨俄千尺舟行喜漸平禾嶠青出水樹杪綠樓華
咄遠晴無翳沙并細有聲青溪東望近渺渺晚烟橫

望小金山

浪擬金山寺萍浮較宛然石孤平似崧山削碧如拳

健松齋集

卷三十四遊詩

三

樓閣臨江出杉松夾岸縣隔流頻寄目彷彿妙高前

景德鎮

竊折無如此江聲峭壁中村紅菱屋火春白石坭風
舟轉隨湍疾人閒理柁工秋深寒夜雨薄醉倚疎蓬

中秋鄱湖對月

湖光泱泱片帆閒秋色連天水一灣皓雪溶溶彭蠡
月青螺點點大孤山星懸北斗魚龍靜日落西風鳥
雀還最喜客遊當此夕匡廬縹緲白雲間

彭蠡雜詠六首

秋風八月湖水長萬頃溶溶接混茫極目遙天真一

色不知何處是鄱陽

其二

頻年僕僕走江河水澗滄茫此處多雪浪無聲舟出
沒榜人談笑唱吳歌

其三

白蔣依風菰米黃湖如晴雪月如霜孤舟宿處漁汀
晚雁帶殘聲過夕陽

其四

孤帆蕩漾舟如鳥野渚蒼涼鳥似人夜久不知天遠
近一湖倒影浸星辰

健松齋集

卷三十四遊詩

南

其五

片帆彭蠡過饒州秋水連天露欲流皓月明空千頃
白不知今夕已中秋

其六

雲埋大壑雨潏潏天遠湖空黯澹間秋日乍明浮五
老此回真得見廬山

望廬山

曾聞廬山高未識廬山面秋高彭蠡清彷彿中流見
烟蒙紫霄峯雨沒青牛嶽五老割奇秀山山互隱現
我聞康王谷縣濤飛素練何時變絕頂勝地幽尋遍

醉倚昭明臺覽穿白鶴院結社招遠公陶謝同清談
支節十日遊應畢名之願

次九江

潯陽江畔古江州地扼荆揚接上游五柳舊傳陶令
里百花仍對庾公樓雲移廬阜穿天迥雨過巢湖繞
郭流安得遠師同結社樽前黃菊引清秋

賦得湖光與天遠

不知湖盡處曠絕似無邊浩渺迷歸鳥微寒認小船
雲多真易雨岸遠不分天落日蘆花晚漁歌出浦烟
黃州懷鮑明遠王元之蘇子瞻諸公

健松齋集

卷三十二 四遊詩

五

水遠山長環赤壁永安城外秋蕭瑟雪浪無聲日夕
流蘆花荻花相向白不知何事感人思浩懷今古樽
前積黍軍作幕臨江宮柳花落盡留遺宅元之竹樓
喜尚存坡公雪堂倚寒碧孫曹往事委荒烟諸公歎
嶽豐碑勒始知山水待人名人重山川還改色君不
見空山寂寞無知音怪經奇峯終寂寂又不見昏昏
俗筆汚山靈繞屋碑題投瓦礫

黃鶴樓

風高鄂渚一帆遊傑閣稜稜俯巨流江漢中分秋水
闊衡湘西望遠山浮鳳皇峯外思千里鸚鵡洲邊月

一樓何事仙人騎鶴去題詩空讓左司留

登大別山

俗名龜山

山是何年閼龜浮巨浸中路危低漢柳衣捲立江風
千里孤帆落雙城一水通曠懷神禹蹟寂寞舊行宮
鸚鵡洲懷補衡

魏武霸中原智巧何俊又蠅聚鄴中才營營競聲利
福生氣非常網羅不能致當年作賦時奇文寓高寄
慨慨漁陽搥雄豪振天地文舉本知心黃祖昧大義
甘蒙殺士名坐快曹瞞志我我黃鵠磯江漢浩無際
芳州不忍青傷心狂鼓吏

健松齋集

卷三十二 四遊詩

六

鄧中懷古三首

周南澤國倚巴丘小舫乘風快遠遊屈宋文心芳草
合孫劉戰績大江流章華臺畔千門曉絳帳堂前萬
樹秋聞說西山方罷戍楚歌非復舊荊州

其二

渚宮舊事渺難尋香井淅淅尚至今江漢分流浮地
肺郎襄錯壤接天心參軍雅韻龍山遠刺史餘風鶴
澤深安得詩成招屈宋陽春白雪鄂中吟地肺在荆
西南共水

其三

常浮不沒天心山
在鄧陽與荆接壤

仲宣樓外草芊芊，
壯蹟幽尋更渺然。
杜老新居花落盡，
明妃舊里月孤懸。
秘函無復黃金藏，
香草空留玉米田。
極目平蕪何處問，
蕭蕭木葉滿江邊。

遊太暉觀

明酒監王建古即湘墓

碧色郊原外，
輕寒泛紫駟壇封。
三景秘閣倚一天，
秋遠樹龍山盡巖城。
蜀水流王孫荒塚在，
蕭瑟暮雲愁。

龍山

野寺龍山舊所傳，
涼風蕭颯正秋天。
誰誇刺史桓元子，
却憶參軍孟萬年。
古樹平岡棲落日，
遠村過雨辨炊烟。
憑高寄目思無限，
夏草荒臺益惘然。

健松齋集

卷三十一

四遊詩

七

沙市望川江歌

蜀江之水瞿唐來，
驚濤觸石崩雲雷。
黃牛白狗還險惡，
空舸明月猿聲哀。
黃牛白狗空舸明月俱峽名
舟出彝陵始平敞，
四十八灘次第開。
自荆以下會衆水，
沱潛汙漢供趨陪。
不知何爲注於海，
如歸天府羅羣才。
枝在東南根在蜀，
吳艫川艦繁賞財。
沙市瀕江數十里，
當年歌舞連章臺。
江水不能救兵火，
死亡藉藉塗蒿萊。
故郢諸城牧駝馬，
頽垣剩礎寒江隈。
我聞此言增太息，
感悼不獨章華梅。
亂離聚散成今古，
江水湯湯何盡哉。
願挽江流洗兵革，
安瀾億禩無祥災。

登觀音寺塔再望川江歌

浮圖突兀排雲起，
萬井荆南錯其趾。
平沙曠野樹木稀，
漫漫衰草連江汜。
江水奔流三峽來，
連州跨邑經於此。
老僧能話嘉隆年，
寶塔初成白龍徙。
到岸只疑塔在山，
江行望塔塔在水。
目高不知江大小，
千盤百曲鐘聲裏。
且烹江水拾江花，
安能溯峽通岷探其始。

題桃溪漁子圖

石磴垂楊畔，
詩人靜似漁。
不知何所寄，
猶擁一編書。

江郎山

以下建遊附

何年五丁力，
割石便爲三柱立。
支天地峯危，
宿雨嵐。

健松齋集

卷三十一

四遊詩

六

仙霞嶺

複嶺層崖勢轉橫，
千峯絕頂與雲平。
路危似識盤叢異，
閭迥遙看鳥道明。
古木陰森微見日，
怪禽嘈雜未知名。
九泥不蔽三關險，
橫睇山河百感生。

抵建州

危灘千叠走蛟龍，
江跨虹橋路幾重。
練母塋高開府第，
梅仙祠近隱靈蹤。
重童衰草黃華公，
漠漠齋堂白鶴峯。
盡說狂氛經再創，
芝城非復舊雄封。

留別建寧諸子

十年篝火墨成癡，浪博浮名祗自疑。
集文章原自有真知，快譚漫惜遄歸早。
晤遲珍重東南皆美前，仙霞凝望一深思。

舟雨望武彝山

停橈谷口倚斜曛，仙窟遙瞻便不羣。
路山連玉女嶺頭雲，離奇峭石千巖合。
曲分剝得霞漿堪待否，會須酬唱武彝君。

鷺湖書院

秋陰瑟瑟路偏難，風雨鷺湖憩午鞍。
月講壇逢披舊衣，冠傍山埵影穿霞。
出夾道松聲入

健松齋集

卷二十二

四遊詩

九

朱陸源流原自合，漫將當日異同看。

萍留草序

李唐一代詩人首推杜少陵，然而少陵踪跡幾半天。
下歷江山拾橡栗，其詩境佳處多在兵車戰馬間。
離播遷詩益工妙，睦州方渭仁先生萍留草一集，皆
避難杭州時作也。浙閩相持烽火逼睦州，崔符之徒
所在竊發，先生不得已去，故園卜居會城，遂得與吾
郡諸君子時有倡酬，榮收之末往往俾予托跡焉。先
生學瞻才敏性坦率，無咻哇門外求詩者踵接，率能
厭其歡心而去，又雅自好吟諷。凡湖山登臨，譙飲雨
應月夕，鳥啼花落之時，酒闌夢醒之候，無不于詩焉。

健松齋集

卷二十三

萍留草

一

寄之篋中，稿疊成帙。一日顧謂予曰：吾自播遷以來，
流離困頓，固已身如萍寄，其又安忍使吾詩嘆飄零也？
子其爲我序而輯之。夫草木之精，上爲列星，今之萍
其星之精乎？賢人君子流寓一方，輒能轉移風俗，
近操觚家視先生若斗極，然留此一編，安和祥雅之
音直可黼黻太平，豈止與西湖歌舞聲相爲映發也哉？
吾見墨光射處，能令兵氣俱銷，回首故園恍如夢寐，
不須再廢長鏡白木柄諸詩矣。是先生之樂過于少陵，
里門夜開不廢歌咏，吾于萍留草卜之仁和。

王暉丹麓誤

健松齋集卷之二十三

遂安方象瑛涓仁著

萍留草

携家武林吳慶伯留飲喜值徐大文諸子

烽火驅人又遠行故鄉西望羽書橫暫憑山水閒心
夢却喜文章集弟兄劇飲半軒寒夜永快談千古旅
愁輕西冷舊是萍棲地重與諸君續勝盟

湖望

霽色催遊展澄湖一望開鐘聲花外落舫影鏡中來
院古行人少烟分暮鳥回頻年山水約此際勝却杯

健松齋集

卷二十三 萍留草

一

燈集酬盧西寧

浮家千里傍江城猶喜燈前集弟兄豈獨杯觴留古
意亂離誰見故人情

其二

頻年烽火嘆無家隔院香風感歲華聞說園林樵採
盡有誰賞酒共梅花

清明

段橋楊柳杏花天寒食村村展墓田越女新妝扶繡
輦吳兒貰醉擲金錢松楸影裏喧歸騎蕭鼓聲中繞
畫船惆悵鄉園三載別臨風杯酒獨潸然

渡湖

嚴寒誰復此湖中古寺南屏一徑通十里芳堤衰草
白六橋晴雪野梅紅波光漠漠搖孤艇塔影蕭蕭入
遠空當日杏帘何處問噤樓顚顚馬蹄風

徐武令納姬詩和韻

驚鏡塵封憶斷香明珠十斛買新妝鹿門他日還偕
隱笑指星光學月光

毛稚黃招飲

揚亭咫尺喜頻來霽色輕寒一舉杯三世舊交偕令
子亭令婿徐華數俊百年良會集羣才時長君初婚樽傳永

健松齋集

卷二十三 萍留草

二

夜寧辭醉話向殘冬欲訊梅快絕清歌還二妙管絃
吹徹鳳凰臺鳳凰臺毛子自度曲

吳山道院小飲

無計銷愁緒欣從小院遊江迴千嶂合塔迥兩湖秋
薄醉還遲雪孤懷半倚樓干戈仍故里僥倖此間留

其二

舊遊還此地寂寞有孤雲萬井峯前集三山海外分
風微香篆裊壇靜午鐘聞小醉扶歸路蕭蕭鸞鶴羣

秋集湖舫

風清殘暑段橋邊偶爾登臨意澹然最喜琴樽移別

蒲誰家蕭鼓盛樓船遠山明滅盡寺半沼停泓六一泉快賞更忘歸路晚芙蓉倒影正秋天

哭陸左城

少日湖遊便識君爭傳小陸最能文寄懷每隔錢唐月作賦新裁郭渚雲亂後文章思舊好歸來詩酒話離羣劉蕡下第相如死惆悵江門對落曠

五日旅懷

無端烽火恨移家半載西冷旅夢餘乍對新蒲驚節序漫憑杯酒話天涯書來已盡牆東柳客久還看午日花不及巢梁歸燕子將雛時傷夕陽斜

健松齋集

卷三十五 萍留草

主

登吳山眺望同張用霖應嗣寅陳際叔沈甸華

陸梯霞毛會侯

覽勝同過伍相臺青槐小閣暫停杯雲移越嶠千峯見樹簇江城萬井開對酒喜看耆舊在懷人便覺旅愁來故園西望歸無計落日層樓畫角哀

閏五日同人大集陸盡思巢青閣分賦

出郭風烟半舫來巢青高閣雨中開滿殘更競西冷渡花霽重逢北海杯地接湖山供雅宴人聯吳越集羣才自憐客久縈愁緒肯惜樽前數往回

思古堂雅集分韻

謠遊誰美畫圖看此夕飛觴旅夢寬詩酒喜從千里合烽烟猶剩一宵安清尊涼倒華筵敞雅曲婁迷玉簫寒星斗半斜殘醉後蕭蕭零露滿闌干

釣臺舟中坐月

經年烽火故鄉回落日西風傍水隈遠樹蕭涼臯羽墓寒烟寂寞子陵臺虬髯倒影看雲過細浪無聲帶月來欲覓村醪酬夜永荒亭百尺冷莓苔

毛學博齋中觀荷

誰言苜蓿冷雕閣雅韻偏宜入座看舊種芙蓉紅到閣新栽竹樹翠成竿亭臨野水題詩遍秋近江城帶

健松齋集

卷三十五 萍留草

四

雨寒半載浮家空故里從君喜值一樽安

遙和初秋集雅黃思古堂作

一天涼月正秋宵旅病無端臥寂寥聞說主人能醉客十行新咏擘芭蕉

和丁素涵雅集韻

空庭葉下露新流河漢微雲一抹秋遙美題詩燒燭夜茫茫鄉思倚高樓

渡湖訪翼仲震

好友經年別重來旅夢中亂離憐我在憔悴與君同親友音書少園亭駐牧空愁多無可語惆悵藕花風

酬句公餽茶并讀逸巷詩稿

逸巷古詩人蕭然獨高寄少從宿德游書卷通禪意
結茅傍江門閉戶絕塵累賦詩寫孤懷元音疑未墜
嗟予困亂離浮家此暫憩百慮逆心夢昏晨計殊桂
從公竟日談頗覺豁胸次今秋桐江歸傳公折東致
詩刻已成編龍圖足清味啜茗讀新詩恍惚發幽異
西湖兩山中諸老多禪契若訂蓮社約應有淵明至
將赴吳興宿王丹麓霞舉堂次日舟中讀維著

十種却寄

霞舉堂前落早潮呼船送客拱辰橋隔江招手重來

健松齋集

卷三十三

萍留草

五

約別思盈盈入夢遙

其二

丹楓翠竹影高隄書舫輕搖日未低十卷奇書方罷
讀不知舟過伍林西

吳興懷古

輕寒偶逐鷗鷺羣蒼雪雙流一綫分高士至今傳香
望詩人自昔重休文開軒試醉舄程酒望遠愁看笠
澤雲前代池亭荒草沒顏蘇遺事不堪聞

其二

晴江如練片帆閒黃菊籬開第幾灣書舫輕盈餘不

水層巒迢遞道場山碑殘墨竹寒鐘外石隱窪樽夏
草間惟有烟波狂釣叟五湖三泖未知還

宿舊館

水國滄茫裏猶傳舊館名人歸疎柳岸山度曉鐘聲
繫纜驚魚散推篷候月明徐常留戰伐何處問行營
自茗水赴禾舟中作

纔過南霽近溪橋更向東雞聲桑徑裏人語荻花中
村古絲爲市流分路轉通吳音還彷彿相對說年豐
題止飭上人像

滿架圖書一徑幽丹楓黃菊引高秋道人獨坐渾無

健松齋集

卷三十三

萍留草

六

事醉倚松根泛雪甌

止飭手寫藏經性嗜酒藏各人詩畫甚富

其二

寫罷華嚴托醉鄉參禪學道總茫茫畫圖識得西來
意覓子何妨是酒狂

福城寺

緣橋野徑菊花黃塔影層層出上方妙相舊傳吳道
子榜題新勒米元章晴波數曲通禪院古樹千年護
講堂聞說戲壇多宿德篆烟縹緲禮空王

茗帚巷訪梵林上人

畫舫隨流轉高人萬竹中題詩來夜月貰酒聽松風

快賞昔千卷孤懷菊幾叢虎溪留別處清絕與誰同

泛南湖

攜李城邊日未斜鷺湖晴色泛蒹葭輕桡出浦纔分
浪遠樹凝秋盡學花夾岸園林聞鶯鶴凌空堦院落
歸霞不堪烟雨樓前望衰草頽垣起暮鴉

送內弟吳孝廉北上

十年曾共鳳城遊車馬勞勞又幾秋豈謂冰霜淹驥
足應知風雨護龍頭雲峯夜永披細帙上苑春深泛
紫騮此去捷書先到我爲君貰酒醉杭州

又

健松齋集

卷二十三 萍留草

七

別思盈盈逼歲除弟兄千里共萍居舟憐王粲歸無
計猶喜元龍氣自如烽火不須繁遠夢文章原擬重
公車年來宵旰焦勞甚三月春風早上書

戲題相思鳥

翠衿紅距影雙清笑殺鴛鴦祇自名莫向雕籠看比
翼引人幽恨不勝情

其二

翩翩年少正情多偏愛文禽挂群羅爲問鏡鸞雙舞
處風流較此更如何

雨中王仲昭招飲

時初春五日

不辭折角巖扁舟遠色空濛尚未收野水寒添高閣
迥桑畦春護草堂幽辛盤五日遲梅信華燭三更散
旅愁猶憶斐園酬唱處聞樽又向雨中留

飲姚生書閣

輕寒偶赴桂山來金谷華筵次第開入夜傾樽頻到
客凌晨投轄更卽杯遠山霧縈還疑雨高閣春新欲
放梅薄醉渾忘歸路好西湖一棹一舟迴

大集敘忠堂觀燈分得十一真

關西門第喜猶新好友東南集主賓燈散華筵偏待
雪梅開高閣已分春縱譚真勝書千卷雅韻還宜酒

健松齋集

卷二十三 萍留草

八

數巡却笑年來湖海宴扁舟常是雨中人

河渚探梅酬佖公

探幽曾與遠公期古蕩春深薺舫移瓢笠千山還此
地雲溪菴公初文章四海憶當時公初執贊先烹泉
更赴尋梅約僂勝重過說法池快絕高談酬夜永鐘
聲半榻雨絲絲

重過靈隱寺

古寺湖山最相過已昨秋每懷靈竺夢喜逐鸞山遊
說法逢支遁題詩憶貫休白蓮如結社期我萬峯頭

其二

三竺曾遊處浮生二十年講堂看鳥下梵閣有燈懸
菱繞譚經石心依洗鉢泉暫來還別去惆悵雨花天

飛來峯

澗壑仍無恙重來意渺然危崖棲古樹怪石俯流泉
增影穿霞出人聲隔洞傳何時招米老狂拜此峯前

阜亭泛桃花

何須更覓武陵源雲錦千株別有村野水通船逃舊
陌林花過雨漲新痕偶然倒影紅生浪到處聞歌綠
滿樽勝地良儔真不易歸扶殘醉向黃昏

同會侯家雪岷兄過稚黃

健松齋集

卷二十三

萍留草

九

十日江城雨郊晴春已深每懷燒燭譙爲訪讀書林
臥病耽奇字幽居愜素心故園歸未得乘興好相尋

送毛會侯赴補

孟夏草木繁送君西陵道馬首指燕雲金臺花正好
同學少年儔著鞭君最早吏績著雍梁遄歸親已老
相携話舊遊亂離逆懷抱遷播歷險艱竄伏依叢篠
共宿聽鳴雞勞人誠草草百口虎穴來萍棲同潦倒
銷愁託楮豪古今恣搜討詩文每並題出入共昏曉
嚴陵二子名頗溢湖山表繁子嬾且疎旅愁憚夢擾
長卿願爲郎四壁還悄悄喜君匡濟才驤騰雲路矯

努力事簡書相期意非小

梁冶湄明府招集湖舫

六月涼風齋舫開藕花香處倚亭臺官閒自署西湖
長客到常傾北海杯白恰高談雲外落紅牙度曲鏡
中來通門數載相依久不美登樓作賦才

新秋旅懷和韻

無計銷愁只掩扉驚心節序冷絺衣最憐客裏韶華
易尚憶山中白羽飛蟬噪高梧情自切烏啼明月夢
空歸故園記得秋光好松竹樽前翠滿圍

錢武肅王祠

健松齋集

卷二十三

萍留草

十

江海當年王氣分荒祠猶對兩湖雲誰令閭左弭兵
革不向中原策戰勳四代荒旒丹篆字千年碑碣錦
衣軍霸圖銷盡雄風在萬弩潮聲日夜聞

八月十六日盡思丹麓招集茂承堂分賦

幾番出郭不知遙喜有良遊慰寂寥千里賓朋同勝
集頻年詩酒醉清宵入筵霽色秋過半隔院香風桂
未凋猶憶去年霞舉宴聯牀疎雨正今朝
去秋是日丹麓招集
霞舉堂同人皆臨雨不至
余與家文虎暢飲留宿

集顧鶴中復堂分得十四鹽

高齋爽氣滿雕簷勝友招邀逸興添桂落餘香風細

細堦橫秋并影纖纖飛觴雜坐看流水待月門吟巷
書簾何必罰依金谷數登堂原擬各分籤

昭慶寺尋蔣馭龍不值

如何寂寞午鐘聞空憶當年白練裙處士宅邊無便
楊歸來惆悵兩湖雲

吳山遇陳際叔馬鳴九小飲

秋霽尋山頗未遙故人賞酒便相邀管絃嘈雜知何
意目放千峯聽早潮

韻

徐野君集二十四番花信分得山茶風限二冬

健松齋集

卷二十三

萍留草

上

金鈴閣外影重重嘉樹江南別院鍾翠捲犀稜看葉
勁朱翻鶴頂識花穠卷舒豔質春前見搖漾仙葩雪
裏供自是海紅方應候輕寒載酒一相從

西陵咏古

屬餞賜後血猶腥第一吳山尚有靈白馬銀濤千古
恨至今愁對越山青

其二

宋家宮闕黍離離遺廟錢王尚有祠烽火只今誰保
障可堪苔蝕表忠碑

其三

廬陵原永汎湖船勺水還呼六一泉百代忠魂碑碣
聚可知人自重山川

其四

孤山只合屬林逋千載何妨侶白蘇惆悵後來無計
道應携梅鶴去西湖

其五

雙墳嶽嶽壯湖湄斷碣頽垣亦可思却笑奸雄同不
朽太師金鑄鄂王祠

其六

勤王信宿向皇都得勝還聞父老呼不是跨驢歸去

健松齋集

卷二十三

萍留草

上

早身名能勝岳侯無得勝橋在湖墅碑
斷王禽苗劉賊處

其七

半閒堂外草初黃秋壑無聲冷佛場葛嶺至今鳴促
織風流誰是老平章

其八

祝釐祠廟草茸茸遺像還聞是理宗太息憫懷銷飲
器都人猶祝舊時容

像在佑聖觀

訪顧茂倫

竊折虹橋路高齋一徑幽圖書分四壁剏定寄千秋
徵士陶元亮詩人沈隱侯相携未忍別夢亦爲君留

虎丘感舊

輕撓偶趁菊花風
僧院樓臺遠空
七里荒祠誰短
簿千人講座有生公
亭連鶴澗秋光冷
石倚懸泉落
照紅猶記十年絃
管夕詩成酬唱月
明中

吳門遇徐松之

懷人曾泛剡溪舟
聞說囊詩虎丘
廿載著書依北
寺頻年清夢繞南
州萍蹤喜逢千人
石豪賞誰誇百
尺樓我欲與君同
載酒吳江楓落正
驚秋

題袁重其負母看花圖

古今浪說老萊衣
白髮肩承此更稀
母病不知身已

健松齋集

卷三十三

萍留草

古

老若榴花下映春暉

其二

蒲酒承歡理亦常
花前負母正端陽
孝思雅韻誰兼
擅笑指庭萱引數觴

酬宋既庭見過

白髮干戈裏浮家
托酒樽十年懷宋
玉一棹過吳門
患難憐吾在詩文
喜共論別君非太
促歸夢向山村

尤悔菴過訪并讀新製清平調雜劇

偶泛蘭橈問虎丘
奇文讀罷正深秋
但留詩卷成千
古莫笑今生不狀頭

其二

春風人自豔臚傳
誰信龍頭是謫仙
若使三年真太白
也應不負杏花天

蔡九霞留飲卽席言別

如何秋色裏征棹
往來頻正苦浮家
久應憐作客貧
文章吳下最詩酒
故人真爲訂重遊
約蘇臺及早春

抵杭聞入閩捷音

寒霜吳越路僕僕
亂離中何意九泥
險重看正朔同
廟堂寬祝網閩芳
集驚鴻最喜鄉園
近歸裝任好風

喜歸

健松齋集

卷三十三

萍留草

古

飄泊真何故依人
祇自憐烽烟存入
口珠桂歷三年

客久添衰病愁多
託簡編歸期今日
遂松竹諒依然

渭仁詩如繁林春暖花鳥雜飛更有層軒連閣碧
蓋荷憲參差更帶其間足使覽者神迷目眩又如
天寶詞人身經離亂雖飲酒歌歌終不發崎嶇飄
薄之感西陵陳廷會
渭仁詩清著蘊藉又時能出豪宕語色理入古機
行逾新古人中當求之摩詰浩然之間唯其有之
是以似之其渭仁之詩之謂乎余久病臥渭仁時
與家會侯名過酒之詩之謂乎余久病臥渭仁時
之遂使僕名字亦附于古操豚蹄而得既宴滿溝
僕之願慰矣幸渭仁不作淳子生大笑耳真一快
也錢唐毛先舒

都門懷古詩序

若夫五陵南去地入中原三輔西來河衝北戎軍都
蒼莽金遠則處處斜陽碣石沉雄燕趙則年年蔓草
一城木葉霜未染以先紅萬里邊牆月既沉而愈白
井上之燈忽紫蒯子難逢市中之筑空豪慶卿安在
于是金笳夜噉和以曼聲鐵騎晨嘶維之長嘯揮毫
颯沓山迴故國之篇潑墨淋漓火入荒陵之句人則
嶽嶽而歷落俗原慷慨以悲歌金甌蕭屑偏帶商聲
秦缶高涼最合西氣嗟乎上客端憂正奉侍傷神之
後故人工病亦安仁悼婦之餘古今大矣何須代往
健松齋集 卷二十四 陳序

昔以興愁賢達紛如奚事向關河而寄慨君如不樂
請高吟蟋蟀之章僕尚能狂願緩進鷓鴣之杓

康熙辛酉秋日宜興陳維崧誤

序

孟子曰詩亡然後春秋作人知春秋爲賞罰之書不
知三百篇先春秋而賞罰蓋詩人之言善善惡惡有
嚴於春秋者故觀風以採詩唯王迹熄而詩亡無以
致其懲勸孔子乃作春秋以明王道是詩與春秋相
爲表裏者也迄後世無信史於是有心世道者不能
執筆論述每借吟詠而三致意焉則又春秋亡而後
詩作也其爲騷爲賦爲詠懷詠史弔古皆是意也然
詠懷或不指其人與事或指一人一事至弔古則實
指其人與事總皆後人追詠前人至五君八哀同時

健松齋集

卷二十四 王序

二

亦詠之矣夫詠往事者是憾前人之是非有未明而
追詠之詠今事者是恐後人之是非無定而先詠之
無非詩與春秋之微意也方子渭仁作都門懷古詩
十六章實指其人與事悲歌憑弔寓意尚論不矯不
隨有俾世教與古人相去未遠故足傳也雖然詩別
貞淫里巷之言私也春秋筆削紫王之書亦私也爲
騷爲賦爲詠懷爲詠史爲弔古無非私也是皆不得
志於時所爲也非得已也今渭仁旣已題名澹墨簪
筆圖齋乃復取往事而懷之是豈不足於中乎夫懷
往事易若取今事而懷之爲詠歌易若取史事而直

之渭仁以此意授簡載書毋使今人遺憾於後人後
人復追詠前人可也康熙辛酉七夕前二日楚潭州
弟王岱敬題

健松齋集

卷二十四 王序

三

健松齋集卷之二十四

遂安方象瑛渭仁著

都門懷古詩

黃金臺

金臺有三二在易州一在朝陽門外歸然土阜

荒臺百尺草芊芊往蹟空流易水邊駿骨自能招國
士黃金豈足致高賢樂生不去終收菖刺客何人遂
滅燕辛苦築宮師隗意寒鴉啼斷夕陽天

易水

一時忼慨去紛紛易水流寒不可聞鼓筑未能酬太
子刎身空使失將軍平沙浩渺鴉啼樹落日蒼茫雁

健松齋集

卷三十四 都門懷古詩

一

沒雲燕市酒人無覓處霜風愁絕和歌羣

蒯文通墓

通有書八十一篇曰雋永○居人常夜見通從二童携紗燈至井汲而返

當年但詐委荒丘芳草孤墳尚可求王氣應知歸漢
祖奇謀原不負韓侯書傳雋永人誰問憤到徂狂死
未休烏盡弓藏千古憾寒燈井上夜深遊

樓桑村

中山遺冑本梟雄羽葆依然帝子風肯以偏安留漢
業可知全力限川中三分兄弟功名盡萬古君臣願
貌同車蓋童童空故里至今惆悵永安宮

張華宅

固安籍有張華里明末縣令重其誼諱更名張賢○墓在蘆溝橋東南迴城

迴城墓道近何如彷彿張賢憶舊居匣劍已先都督
去井欄猶記太康初平吳事業埋荒草經國文章冷
廢墟鐵硯麟毫三十乘空從博物想遺書

鄭亭

道元巨馬河自注先世樂浪府君
始徙此○浪平聲元平去二聲

古道燕山氣杳冥樂浪家世已荒凋溝承督亢雙流
合路接樓桑一樹青斜日半沉先主廟平沙誰辨故
侯亭蒼茫典廢空悲感驅馬前村讀水經

狄梁公祠

祠有臺曰景梁○柳林
碑梁行其下語不得聞

景梁臺畔柳森森碑噪荒祠落日陰馴虎只今猶更
續化難當日已君臨賄裘漫許祝奸易正笏空聞積

健松齋集

卷二十四

都門懷古詩

二

念深不是五王能薦用古今誰識老臣心

劉司戶祠

昌平州學內今祀董宗伯其昌曰
賁已追贈諫議矣稱司戶存憤也

殘碑何日出蒿萊司戶祠堂此地開韋布愛深天下
事治安書奏賈生才抗言豈藉登科重落鬼空聞射
策回却怪芻蕘偏切中左廳甘露總堪哀

賈島墓

李嗣好島詩範
事之呼賈島佛

長江碑碣盡荒荆丘里紛傳賈島名誰更推敲吟字
瘦空聞酒脯祭詩成徵官蜀道啼猿惡故國燕山返
照橫莫恨無見窮主簿範銅已足慰平生

楊令公祠

在古北口業戰死陳
家谷此其行祠也

襄朔城邊殺氣豪行祠颯颯擁旌旄黃沙白草三關
壯鐵馬銀戈百戰勞報國自知非力屈捐軀終不掩
功高竟來何處楊無敵遺憾當年澣血袍

文丞相祠

祠在今國子
監卽柴市

偶向橋門策馬過荒祠柴市近如何零丁洋裏軍聲
死清冷泉頭血淚多未許黃冠尋故里可能赤手挽
天河雲中木主渾閒事剩有千秋正氣歌

耶律丞相墓

祠改爲菴像以石尚存
公晚年自號玉泉老人

廣寧祠墓重燕山身繫安危不可攀萬卷圖書傳相
業一生涕淚爲民艱碑殘古字鐘聲外石冷遺容蔓

健松齋集

卷二十四

都門懷古詩

三

草間惆悵當年無限意玉泉何處水潺潺

廉文正公別墅

墅名萬柳堂卽今豐
臺居人種芍藥爲棠

別墅何年蔓草寒豐臺猶記舊遊觀時平不盡登臨
興客到都忘禮數寬萬樹清陰空往事千家紅葉滿
長安城東近又垂楊好今古風流許共看

今相國益
都先生築
園都城東
亦名萬柳

徐中山將臺

明高帝賜第鍾
山額曰大功

薄伐當年到朔方高臺指顧定興亡先聲曉奪風雲
色兵氣秋搖日月光夜半北門遺舊帝異時南面拜
真王大功第宅今誰主落木蕭蕭冷戰場

佛法兵機未可論深謀已負孝陵恩金川不復知君父鐵券原非計子孫跌坐功臣陪太廟侯封釋子壯宗門西山亦有南歸衲孤冢誰哀萬里覓

于少保祠

無端土木遂崇塵手挽艱危不顧身痛哭南遷廻白
日經營北返泣青燐八年力盡奸諛計一代功高社
稷臣熱血不知何處灑錢塘回望益沾巾

夫牧交則情牽酬酢詠古則感奇遙深顏之五君
詠謝之鄒中八首尚已卽杜陵詠懷古跡其勝投
贈諸篇良多也消仁釋脫古人欲兼曩作蘊情發
藻照古龍今近當爲廷禮之編收遠亦歸記室之

卷三十四

都門懷古詩
四

四

品賞宛陵施閭章書
世多以少陵詩敘述時事感慨流連謂之詩史予
以爲不然史家之體必具褒譏予奪不僅僅敘述
爲工要當以三分割據萬古雲霄如斥懷古跡中
語軒衡論列使古人心事如見始足稱詩史耳渭
仁先生擅班馬之才耳事石渠中取金臺故跡
各爲一序於憑覽之中寓懲勸之意蓋所謂溫火
教厚而兼之屬辭比事者詩史固當如是不僅火
入荒陵之句徒爲憑弔已也陳子昂蘇丘懷古六
章五言短篇而有不盡之致先生諸作雖激越奇
宕仍渾深淵雅絕去議論之痕可以媲美于昂後
有繼而和者知腔乎其後矣溫陵黃虞稷
自唐人早朝諸作盛行於是輦轂之間凡有吟咏
不得爲妻京感慨語無論賦笏垂紳者自寫其冠
服雅容之度卽負書蹕屬者亦曲擬以聲色綺麗
之詞以爲非是則與王居之壯都邑之富不類也
雖煌然傾聽於已之性情何謂仁先生在翰林閑
戶著書時望甚重乃復求之古人以發其論世如
人之意所爲都門浪古詩音節壯亮寄託高遠直
欲橫視一世故尋響繁聲對此能復以雄麗自詡

卷二十四

都門懷古詩

五

去國之悲指儒雅以爲師獨目寫憑軒之恨未有
瀛洲上客馳逸興千秋原闕苑仙班寄閒心于春
草吾師遂安先生奇跡金門怡情玉局文堪賦雪
久傳名苑之題才可凌雲早奏上林之賦藜光燃
五夜但恨古人不見我不恨我不見古人蓬島溯
千年遙憐後日之視今亦如今日之視昔借叔子
峴山之涕登臨薊北芳踪假令威華表之呼憑眺
關南遺蹟荒臺蔓草當年錢馬金戈廢址頽垣此
日桑田陸海惟有文章可慕汗青編不盡之書節
義堪傳壑紫表長存之石用敷鴻藻何殊光祿五
君輒付魚箋可續少陵八首尤搖東壁價重南金
敢明培塿之私用賁苑琰之端桐城受業馬教思
拜識
朝初末學弁淺於詩未有所窺竊聞少陵詩惡甲
古人肝衡時事倦倦乎有忠君愛國之心猶得三
百篇遺意後人目爲詩史良不虛也先生懷古情
深奇託清遠與少陵咏懷古跡諸什立可並垂于
古至其體裁之高雅聲調之沉雄諸名公已並爲
銜首朝初又何能更贊一辭也長洲受業沈朝初
拜識

倦還篇

奉 假南歸真定夫子貳詩贈別依韻奉酬

七載貧官味歸裝祇做書無才謝譽綬有夢寄樵漁
衰病人先老周旋計實疎故園松菊在高臥記吾甯

其二

珥筆慙無補非因戀一官愁多侵白髮病久逐輕寒
敢道還山好應知入世難追隨何日是歸夢息驚濤
偶成

鴻鵠集丘澤矯矯雲霞姿朝挹天池露夕宿喬松枝
毛羽不自匿稍爲當世知携持樊籠中顧盼生光輝

健松齋集

卷二十四

倦還篇

六

旁觀競嘆美局促恒自悲一朝振翮去江海恣吾之
放游適心意任運復奚疑

述歸

晨出春明門曠莽豁胃次曖曖遠村烟松蘿鬱蒼翠
數載滯京華微官媿高寄今朝倦眼開鄉心偶然遂
於世既無營此心更何累放浪天地間秋水瀟無際

其二

官寒真似水三載困沉疴殫力竣前史斯夕窳蒐羅
一病苦怔忡綿延久未瘥前年奉使命力疾趨岷峨
往返二萬里展轉鬚髮皓參苓等餌粥薄宦當如何

微軀委京國中夜長咨嗟朝參有常期職業在編摩
病夫糜廩祿媿惕良已多投牒請休假詔許歸蓬
蘿生還實天幸游目放江河心閒氣亦靜稍覺神理
和乃知麋鹿羣性本狎巖阿

其三

驅車戒晨發有客思攀留旦晚便遷陟何不停軒騶
主人敬謝客感君意綢繆仕官若行路倦足宜歸休
營營嗜進心昏暮誰肯收知足乃不辱古人慮實周
保身許明哲完名繼姱修胡爲久戀竊中道來悲憂
吾將返初服高臥白蘋洲

健松齋集

卷二十四

倦還篇

七

其四

回睇燕山道升黜亘中天報稱頗未易七載糜金錢
迂儒濫科第驚辟厠諸賢承恩侍從班稍喜舊業傳
文章竊時譽祕閣留簡編瀛臺飫燕賚錦綺賜華鮮
空羣致冀野杞梓收三川家聲幸未墜臣職偶無愆
昔賢戒知止衰老計歸田寄謝金閨侶逍遙適餘年

其五

家園亦何樂夙昔困清貧負郭鮮百畝第宅誰經營
窮愁諒不免何以適中情顧憐旅病久決策謀歸耕
團圓聚孫子情話邀弟兄山川自清麗松竹羅軒楹

葛門謝干請公府無姓名十年籌桑梓詎肯喪生平
賞心得其靜澹泊何所櫻悠游度年歲未擬學長生
潞河舟發

拙宦貧兼病 君恩許放歸閒心倚征棹真得遂初
衣

其二

一水南流便乘風畫舫開還鄉今夜夢先過子陵臺

阻風

才試南歸棹驚颺蕩遠空鄉心輕萬里一任石尤風

紅葉

健松齋集

卷二十四 倦還篇

八

丹楓兩岸明一棹秋光裏落葉滿長安那識紅如此
舟行

曉色明江渚西風漾小舟帆移紅葉近岸轉白蘋秋
隔渚通漁艇晴窗引櫂謳倚闌新月上霜氣薄征裘

夾馬營

點檢香生夾馬營華山早已快昇平黃袍禪詔陳橋

驛夜半欺人說漢兵

聊城

七十齊城盡返燕聊城拒守亦經年射書忽倡東遊
計排難空聞魯仲連

南旺

誰將一水劃分流須信人謀卽鬼謀千里河淮真不
易年年飛輓到通州

牧豎

放犢閒眠芳草洲垂楊一帶對清流江村日暮還歸
去不用南山學飯牛

漁翁

打魚換酒足平生高臥猶嫌釣利名却怪渭濱閒老
叟盈頭霜雪更談兵

野老

健松齋集

卷二十四 倦還篇

九

村庄播種隴雲平野老扶藜悅晚晴道是秋霖添數
尺今年黍地未全耕

重過濟寧以病未登太白樓

高閣凭臨二十年重來霜鬢遂蕭然山川應笑人衰
老畫掩篷窗濟水邊

其二

乞身幸得遂南歸無那登臨處處違多病自知筋力
倦餘年只合老荆扉

老僧

野水奔流白鷺飛老僧扶杖啓雙扉柳陰坐眺渾無

事還向南憲補衲衣

徐塘口書事

曉發徐塘橋乘風捷如驚帆檣脚尾來舟行忽已佳
桅樵膠不前篙師失其據滄茫野水中往往見高樹
驚風蕩遙天洪波競吼怒隣船各譟呼欹斜隨所遇
野泊兩岸空夕陽墜昏霧囊錢問小舟張皇未肯去
老翁頗近情鄉導資所助爲言秋雨漲狂瀾夜奔注
徐邳數百里漂流不及護魚鼈游原田中遶宿陽驚
當年禾黍畸是君阻舟處陵谷方變遷人事多錯互
行役恣鹵莽豈得免膠固牽船隨之行趨避各有故

健松齋集

卷二十四

徐還篇

十

宿遷

霸圖銷盡八千兵落日荒荒下相城千古興亡原不
少傷心四面楚歌聲

重過宿遷

猶記驅車六月天歸帆又傷濁河邊無端衰病催人
老迢遞關河又一年

其二

數載勞勞逐曉程鍾離殘月尚分明從今歸去桐江

道已自風塵老半生

黃河舟中微雪

鍾吾乘曉發寒雪乍霏霏亂點蘆花白時兼鷗鳥飛
隨風沾細浪帶雨上征衣隔岸看漁子呼船換酒歸

崔鎮阻風

浩淼黃河曲微風靜不波忽搖紅葉岸已度白羊河
濁浪兼天湧寒鴉掠水過孤舟當夜永頓使客愁多
度淮和洪昉思贈別韻

半生踪跡總淹留衰病催人返舊丘今夜淮河看北
斗珮聲猶記鳳池頭

健松齋集

卷二十四

徐還篇

十

其二

幾處殘書伴客身宦游還較昔年貧故園松菊應相
笑七載寒官二病人

韓侯釣臺

垂竿當日困蒿萊鳥盡弓藏更可哀漫擬勳名師尚
父何如嚴灘子陵臺

漂母祠

荒祠寂寞喜還存終古難酬一飯恩却怪知人蕭相
國甘隨叱咤負王孫

露筋廟

一死流傳事若何
露筋祠廟俯江波
貞竟夜夜秦都道
怪殺春遊士女多

揚州

幾番曾趁廣陵望
裏空傳廿四橋
爲訂明年春事好
平山堂畔聽吹簫

董公祠

天人三策董江都
千古文章屬巨儒
漠漠煙祠廟古滿
階霜葉盡啼烏

答鄧孝威見贈和原韻

多病承恩許放歸
十年今喜遂初衣
懷鄉偏隔黃

健松齋集

卷二十四 倦還篇

七

河路訪舊重過白
板扉文選樓邊銷
遠夢廣川祠畔倚
清暉新題詩品應
千古墨藩還看落
紙飛

三集題曰慎
墨堂詩品

曉渡揚子望金山

廿年幾度望金山
草草歸舟信往還
風日半江宜遠眺
妙高臺在翠微間

歸大錢塘和朱竹垞贈別韻

偶謝朝班引犢車
歸來三徑近何如
生還已是君恩重
敢道還山學著書

其二

松竹吾廬夢裏看
一帆今得艤江干
泝流處處溪山好
百尺桐君七里灘

題畫

清絕此山中結廬
宜永日門外小橋
橫流泉遶蓬華孤
樹不知名亭亭留
古質俗客從未來
扁門自蕭瑟中有
浣花翁呼之儻可
出

夜集

家釀朝來熟春盤
更得魚兒孫陪夜
話兄弟共閒居祇
覺圍爐好都忘對
客疎病夫且堅坐
快飲莫教虛

三兒舉孫喜成

健松齋集

卷五十四 倦還篇

七

燈下傳呼近新添
第四孫熊占方一
索雁序有諸昆伏
枕初聞喜扶筇便
出門歡陪湯餅會
莫惜酒盈樽

同諸孫松下曬日

臘月天氣晴南窗
宜好日病起向園
亭諸孫松畔出隔
籬見阿翁歡呼頗
不一長孫麤解事
問答亦詳悉其次
能強記開軒弄紙
筆偶強是三孫揚
揚索梨栗怪我巽
似銀笑我領綠蠶
黃獨試分嘗團圓
齊繞膝相悅更相
爭天真自洋溢老
夫爲開顏對此忘
疾疾舍館娛老年
陶然得真逸

序

歲已未予與遂安方君渭仁同應詔集京師渭仁
携健松齋古文一卷索予序其所刻僅百分一而予
是時方政應制諸體於其一者亦未暇卒業也率草
數言應之丁卯予寓湖上渭仁賁其全集哀然成尺
以來謂予曰曩子之序工矣雖然吾今誦子所爲耿
巖集者浩乎其無涯重乎其難名吾殆飲江而思
岷也子幸許我乎予笑應之曰子不聞王道思之索
序於唐應德乎應德曰俟我學稍進方敢爲之然卒
不聞應德之序道思子休矣異時儻有以報子渭仁

健松齋續集

序

十

復與予要約而去今又六年矣壬申冬予復刻近稿
目將成慨然曰吾何以報方子因再發其健松齋集
讀之迴環者數四不覺瞿然而自失吾幾失吾渭仁
也渭仁之文小大巨細無所不備吞吐蘊藉無所不
涵而其所以至焉而絕乎人者非可以猝遇非可以
相求必味之而徐出夫文章之味難言矣韓子云味
於衆人之所不味黃庭堅歎息章子厚以爲妙解文
章之味夫解文章之味尤難言矣解渭仁之味簡而
義盡潔而神腴二者其至乎簡與潔古今言文之至
難意盡而義不得盡色脫而神不得脫則又簡與潔

之至難陳後山見曾子固後文始得簡如是者非簡

之至不若渭仁自然之簡也柳州云泰之太史以著
其潔如是者非潔之至不若渭仁自然之潔也十餘
年來渭仁之文亦既走江海塞藝圃吾懼失之以往
遇而相求乃味於衆人之所不味而始得之非然吾
幾失吾渭仁也且吾卒讀其所爲健松齋記而知其
文由至性以出凡爲侍從爲史官爲節使至以其聲
名學問與天下公卿名輩顏頰相雄長與名山川風
物馳蕩相感發無在不見所爲健松者語有之仁生
乎孝節業成乎文章又何惟其文之凌霜雪而傲雲
霞簡與潔之足千古哉因書此報之渭仁無乃啞然
而笑曰吾將待沈子之沱潛而下而詎知其報我之
爲蹄涔也而唾棄之乎海寧沈珩昭子撰

健松齋續集

序

二

序

憶丁巳冬客揚州與鄧孝威程穆倩宗鶴問姜鐵夫西漢訪魏凝叔寓齋縱論當世古文家長短予獨推遂安方子渭仁之文爲至醇衆請語其概予曰爲文不可一日不學不學則心放而言不能循乎理甲寅乙卯間方子避寇僑居杭城予每過之讀書聲聞戶外其好學甚而能養其心也故其爲文醇而無雜蓋操是說以相天下之能文者有年矣凝叔曰然出文數篇相質予剝其止友答婢細事也而題曰省刑書剝剝千餘言不已失事之權衡論岳鄂王事謂宜錄

健齋集

序

主

高宗像臨於其墓則垂君臣之義用字如以肱觸其背煩累非史家法孝威諸子皆驚顧以爲狂鐵夫解之曰史家字法何一定之有予曰然則韓宣子肘之于反病左氏簡乎凝叔愀然謂予曰吾文病多而吾苦疾病又謬得名病則時時失學且不耐思而以名求吾文者不能謝強應之稿甫脫手已鏤板行矣信如子言放其心而求理之醇弗可得也請以已刻文盡爲刪之明日予同姜京兆北征遂不果庚申再至京師見方子入直史館好學如閒居時所編明史傳予敎必當理尋以病告還鄉輯健松齋集二十四卷

今年秋自汴歸過杭又成績集若干篇屬予爲序

讀已益歎方子之文克乎理而無所雜乎其外正而不腐變而不詭定權衡明大義用字悉本於經傳誠哉醇乎醇者也曩日論文者凝叔孝威輩多已沒世唯西漢後交方子有以信其用心之勤耳夫文之爲用言其小可化愚魚而大則可以感天神人鬼詩云神之聽之終和且平和平者醇之謂也今人登仕籍鮮復能讀書其汲於榮進汨沒而無厭足或宦成擁厚資恣爲樂方無怪其爲文不若布衣之士好學而有成也方子宰相孫成進士入官而能貧於書孜孜

健齋集

序

四

焉好之不勸病而知止貧而好遊遊不廢學是其心無一息之放而循不自滿也欲以前集重爲刪定如凝叔之請嗟夫予焉知文哉惟是相天下之文必折衷乎理而求得其所以爲文之心西漢之文甚衆而醇者唯稱董江都其理至也賈生之文亦順於理而身未見用輒流涕太息於至尊之前養不足矣故曰作輟於學者必不能爲循理之言而善養其心者始能醇乎學世之讀方子之文者其勿務辭章之末而忘其本哉

康熙壬申八月錢唐後學吳儀一拜撰

題辭

遂安方相國公子景問先生構齋讀書手植栢子松
一本文孫渭仁太史取唐人松涼夏健人之句名齋
曰健松而卽以健松齋名其所著文集集昉甲寅乙
卯間越十年丁卯復廣之海內名公爲之序者無慮
數十家今越十六年又成續集示予予有以知其志
之專且勤也太史九歲能文十二學爲詩歌小賦相
國篤愛之至壯歲取甲科復應博學鴻辭舉官翰林
出典蜀試直史館七次當遷秩自甘恬退年甫踰
五十卽請假歸里今且十有八年年七十矣未嘗一
健松齋續集

題辭

五

日雖楮墨不可謂不勤也太史自甲寅避兵居會城
始與予定交三十年來凡過杭必訪予墻東道故舊
外尊酒論文而已其居鄉杜門謝客足不入郡邑庭
亦不投公門一牘躬率子若孫讀書礪行生平無一
切玩美之嗜惟嗜爲文不可謂不專也夫百藝之習
業必專且勤況於文乎況求其文之傳乎予於是而
歎太史其足以信今傳後無疑也景問先生嘗構堂
未完太史安之數十年讀所作答破屋問後之君子
亦可以知其志之所在矣

仁和王埤丹麓撰

吾師遂安方先生文章品行爲士林山斗所刻健松
齋集風行海內久矣先生望重金門辛酉典試吾鄉
甄拔皆三川才雋行琦不敏亦與焉還

朝之日卽當還擢韋平繼相直轉聆間事乃先生澹
於榮進年踰五十分撰史傳已竣卽引疾歸田今十
有八年矣閉門掃軌謝絕外事清苦之況有寒士所
難堪者而蕭然斗室中參鑪藥火手一編不置嗣君
嚮先純可兩世兄趨庭問字克世其學諸孫復年少
能文章行且聯翩繼起嗣美前徽家庭之樂如此彼
爭榮獲利何足邀其一聘哉養病以來不復多撰著

健松齋續集

東

六

間有所作倍極矜慎論者謂學益高識益老雄渙雅
健與年俱進頃枉駕長城衍琦籌書之餘竊窺一二
文金歐會詩工初盛其必傳無疑請亟登梨棗以垂
不朽先生許之乃與兩世兄同加校正釐爲文八卷
詩二卷世之慕先生之文者取前後集合讀之文章
品行其景仰更當何如也衍琦川東下士辱先生知
遇謹附數言志於簡末

康熙辛巳八月上潯江津受業曹衍琦拜手謹識

健松齋續集目錄

卷之一 序十五首

卷之二 序十五首

卷之三 記九首

卷之四 論四首

辨四首

說二首

書五首

卷之五 文二首

引二首

健松齋續集

目錄

贊九首

題跋十首

誠一首

卷之六 傳八首

卷之七 墓表一首

行狀四首

卷之八 墓志銘九首

卷之九 所之草上

卷之十 所之草下

健松齋續集卷之一

遂安方象瑛涓仁著

序

從祀先儒考序

同年象山包君子聚以名孝廉主仁和學事時年七十矣今秋相見湖上意氣豪邁不減少壯時出其所輯從祀先儒考屬予序予讀之終篇輒歎君之能於其職也夫 國家廣厲學宮設師儒以董之所以重文教也居其官者必老成行誼之士凡聖賢前古佳行身體而力行之以表率博士弟子是故學成而教

健松齋續集

卷之一 序

立近世廣文類皆類唐卑瑣不知以文教爲重上丁釋菜之時旅進旅退於崇祀賢儒貿然不能舉其姓字者比比皆是君乃舉三十九君子之言行而哀輟之使讀者油然而興奮焉而知所趨向亦可謂能其職矣君爲予言殫心考索三十餘年凡有見聞書之於牘近始彙而鈔之會病癰痛楚至不可忍惟手錄是編則精神陡健絕無所苦如是者數月彙成而疾亦愈夫人偶有病患昏憤亂豈能復從事筆墨君獨於病中成之雖由神健氣王安知非精勤所感先儒之靈爽實默相之以廣其教歟嘻興矣顧吾聞之

先賢先儒兩廡原有定位自嘉靖中移祀改祀革祀增祀東廡之去九人而西廡之去則十有四人既撤其主遂不復更定世次於是東則躋東西則躋西顛倒錯亂如王通隋人也而躋毛萇歐陽修周惇頤宋人也而躋后蒼杜子春甚至伊川越明道則弟先於兄矣朱子越李延平則弟子先於師矣諸如此類不可勝舉而相沿之久未有正其非者諸儒之靈得無有未安乎然事關鉅典非草野所敢輕議今

皇上重道崇儒尤加意孔廟倘得博覽高識之士講求釐定一正百餘年因循之謬當亦司文教者所

健松齋續集

卷之十序

二

樂得而從事也君盡心職掌必曉然深知其失故序其首并以此質之

林烈婦傳序

林烈婦鄭氏侯官文學鄭煥女歸同邑諸生林國奎室卒烈婦撫孥子奉姑惟謹已復殤其一烈婦號慟數求死皆以掠免於是與姑同臥起族有林文芳者素亡賴獨忌烈婦夜扣門欲污之烈婦驚起呼姑文芳走且詈明日白宗老撻之烈婦乃他徙語書麗舊宅中文芳復爲穢書投於麗欲人見之汚烈婦名也子取書麗歸烈婦得其書大哭語姑曰此何來豈堪聽耶遂引刀斷其左耳血流仆地煥走訴於令令以辱嫂薄責之文芳益肆烈婦憤甚復斷右耳里中洵

健松齋續集

卷之十序

王

洵歎氏奇烈然未有白其事者越數日大中丞卜公忽下令索縣牘自臨轅門鞫問是時觀者數千人煥奉雙耳進中丞震怒杖其父文芳論遣如律一時快之時康熙壬申六月也予友高子雲客爲予言烈婦事自後不半年兩耳復生鄭生官五則謂左耳已完好如初右始長輪郭悉具閩人莫不稱異嗟乎烈婦之斷耳意在必死也未嘗冀其生又何嘗意其耳之復長是豈有天焉在他人見之咨嗟詫異吾意烈婦於此當必有慘然傷心而不堪回想者然而奇矣予嘗謂古今節烈不同天之成之亦各異有時成之以

遂其志亦有時生之以全其名書傳所載衛敬瑜妻
割耳自誓致有孤燕重來之異魏溥妻房氏慮爲父
母所逼斷其耳內夫棺中固已並垂不朽然斷者不
可復續猶歿者不可復生未有手截雙耳更復完好
如烈婦者雖造化之奇無所不有而天之曲成其節
又何奇而巧哉憶庚午冬仲婦毛氏爲亡兒營葬絕
食十九日而歿從容慷慨有丈夫所難者而究不能
使之不歿以視烈婦似有幸有不幸意天固必歿之
以遂其志歟夫堅同穴之義則歿爲正而白其事而
復完其形則不歿又更奇其所以成之一而已矣予

健松齋續集

卷之十一

四

既慨烈婦之志行而又嘆中丞之懲奸表節大有裨
於人心風俗因序而傳之撫事感心蓋不禁掬管而
三歎也

蜀漢五志序

錢唐王君草堂輯關壯繆事蹟而并及昭烈武鄉桓
侯順平名曰蜀漢五志予覽而善之夫壯繆祠廟徧
天下其行與事兒童走卒皆知之然所習見習聞者
演義之俗說而未悉其本末也陳承祚三國志傳壯
繆頗略其見於演義者刺顏良降于禁斬龐德及辭
曹操臂數事耳傳會成文又從而夸大之鄙俚失實
而兒童走卒羣信以爲真樂道之不倦卽有好古博
雅之士漢知其非然終不能勝稗官之口彼陽節潘
氏論斷古今猶以秉燭待旦爲雲長大節況其下焉

健松齋續集

卷之十一

五

者乎王子慨焉乃蒐集世系年譜實蹟彙而成編附
以碑志論贊諸詩文使天下後世知壯繆自有其真
而不惑於流俗之見聞可謂辭雅而事核矣顧其上
及昭烈并舉武鄉桓侯順平者何也夫君臣以義合
者也桓靈以降大義滅絕久矣關張與昭烈同起微
賤寢則同牀恩若兄弟而獨人廣坐侍立終日隨先
主周旋不避艱險所謂于城而腹心者也昭烈不云
乎孤之有孔明猶魚之有水順平從先主最早常共
臥起嘗陽之戰孫夫人之歸徵于龍則後主將不免
矣故無論勲烈才品迥出三國諸人之上卽其義之

所在生歿勿渝固非士元孝直之謀議黃忠馬超之
雄杰所可同日而論也連類而及之蓋將明大義於
天下以媿當日之君臣豈止蜀漢已哉曩予奉使
入蜀謁昭烈惠陵拜丞相忠武侯祠墓往來東西川
惟桓侯廟最盛壯繆止見於三義廟而順平則從祀
漢廟外無聞焉蓋桓侯始終在蜀故蜀人祀之爲土
主爲江主而壯繆生平多在荊州襄樊之間海內咸
虔奉之而蜀中獨否今觀五志榮若列眉固不在祠
祀有無間也王君爲予言近時淮陰一士人輯壯繆
志將謀制則壯繆降此戒勿梓自當有入成之及觀
其書悉本漢義而過忌神諱尤鄙陋不經然則向之
所謂有待者意在斯乎王君勉之書成當與壯繆同
不朽非可有焉而已也

健松齋叢書

卷之十

木

今文大篇序

曩諸子虎男刻今文短篇余既序而行之矣頃復有
大篇之過更屬序於余夫文無所謂大小也文之小
者取材約而用意精學士大夫難言之若夫煌煌大
文自不當以字句求之矣其思遠其學識高其氣昌
明而浩博要其指歸則必有關於天下後世故言不
足以經世者不以立訓事不可以傳後者不以垂型
所謂天下文章蓋莫大乎是也苟徒以篇幅見長洋
洋纒纒累數千萬言而於人心世道絕無所關繫豈
不朽之大業哉虎男之爲是選也蓋將以傳天下垂

健松齋叢書

卷之十

七

後世也紀綱政事之大兵農禮樂河渠星緯之詳與
夫性道之源流經籍之同異忠孝節烈之著聞山川
名勝之紀載靡不蒐羅薈萃乎其中文章之事備矣
虎男猶以生長東南間見尚多未及其意似有歉焉
者夫人足不出里閭一丘一壑一椽一石亦足以娛
心志快耳目然而山中人不知魚大於木海中人不
知木大於魚所見者小也若與歷王綏之崇奇涉江
淮河濟之浩淼樓觀崢嶸洪波奔注已極登臨之勝
亦何必放覽六合之外而始爲暢遊乎大篇之選亦
若是焉已矣予故樂得而序之世之讀其書者於短

篇見共識之精於大篇嘆其學之廣於以傳天下垂
後世無疑也漆園氏曰大言炎炎夫莊生所謂大言
不過悠謬荒忽之談豈所語於天地之大文也哉

重修建寧府志序

代

國家重熙累洽薄海內外罔不臣服幅幘之廣超越
前古

皇上稽古右文 詔天下郡國各修志乘宜付史館
彙成一統志業已分曹珥筆旦晚竣事矣而建寧府
志迄今未有成書予奉 命來守是邦觀風問俗之
暇進諸大夫國人諮詢之蓋舊志之修爲前明萬曆
壬子距今八十餘年矣中間郡司馬程君應熊雅意
修葺稍垂成以遷秩去曩者通志之役臺檄催督如
風雨前守劉君芳標不得已以鈔本應自是凡有所

需皆傭工繕寫資費煩苦而魯魚亥豕識者病之竊
意建州七閩上游當江浙要衝山川清淑南宋之世
名儒輩出稱海濱鄒魯數百年來名公卿先後繼起
所稱文獻之邦也乃郡志因循殘缺何以副
聖天子一統車書之盛爰是禮聘紳士延問耆老舉
前鈔本損益而折衷之芟其繁蕪去其訛舛補其闕
略閱歲而始成余於是歎修志之難也蓋郡邑之有
志猶國之有史作史家刪繁就簡酌爲統志非具才
學識三長固未易語此然所執者諸道之成編所憑
者已定之聞見用力少而成功多故足傳也若夫志

則非可易易矣前人初之後人因之或一人主之數十人商定之其勢不能無同異則創始難既越僻處海徼洊罹兵火雖山川不改城邑如故然土田不能無荒闕也戶口不能無消長也賦役不能無盈縮營建祠祀不能無廢興也則蒐考難一時之官師人物是非未定予奪未明或其人近在耳目之間褒議去畱不能無瞻徇則持議更難於此而欲折衷損益勒成信史即使龍門操觚班范載筆亦非可苟焉從事也然則志誠難而建之爲志不尤有難焉者哉今志之成也諸君子虛懷相勉詢謀僉同蓋其慎矣一編

健松齋續集

卷之一序

十

之中土田皆已墾治戶口皆已稽覈賦役皆已登正營建祠祀皆已修舉職官之賢否以輿論爲衡先達之純疵以鄉評爲定卽節烈隱逸不敢忽焉雖不敢妄希信史然而增華踵美仰副 聖朝一統車書之盛自今其無愧矣乎予旣幸建之有志從此當垂不朽而又歎時近百年人易數手遲之又久至于而始竣其事非偶然也因紀其實於此俾後之人知所考焉

方氏先賢考序

方氏之先路史云周大夫方叔之後以字爲氏風俗通又云炎帝榆罔之子雷封於方山因以爲氏二說互異然舊譜所載雷傳九十六世爲元老叔則叔固卽雷之苗裔也叔食采於洛在秦漢屬河南郡故以爲方姓之望西漢末大司馬長史紘避王莽之亂始由固始遷丹陽歛之東鄉卽今淳安境長史孫黥侯儲生三千讚之弘之觀之子孫散處吳越江楚閩廣諸郡惟西北頗寥寥世遂指爲希姓夫方之爲氏雖不能比崔盧王謝然上古六姓方居一焉見於載籍

健松齋續集

卷之一序

七

者不少顧以爲希姓何耶客冬游江淮偶與新安諸宗人論及因取萬姓統譜觀之得百有八人或以理學或以勲名或以忠節或以孝義或直言敢諫或慷慨愛民或文學或武功以及獨行高隱之士粲然可紀因輯而廣之凡一言可稱一事可傳者悉不敢遺卽或瑕瑜不相掩亦必錄其行實間有一二匪類則斥去之使後之披是編者曉然於賢者足以法不肖者足以懲修身立言卓卓期於自立是則余之志也若謂攀援濫引侈陳氏族彼狄青武人尚不肯拜梁公之像余向年修家譜斷自遷遂始祖震四公而元

老黠侯及唐元英處士皆列爲古系以示傳信之意其取冒附致遙遙華胄之譏哉或曰君之考先賢是已然集中所采仍詳於江南而西北祇固始數人何以解於希姓之說乎余曰自長史之遷方氏盛於東南宜矣河南固舊居之地頃見仕籍保定永平聊城歷下慶陽處處有之以今度昔當不乏人特聞見有未及耳家居無事當徧遊齊魯燕趙秦晉之區博採成編以備觀覽顧久病綿延竊有志焉而未逮也是役也苦怔忡不能多閱書家明經需人旁搜博覽雅有同懷余不敢掠美特表而著之

健松齋續集

卷之一 序

主

昭代文選序

仁和丁子勗菴卓犖負才遊蹤偏天下所交盡海內名流一時詩文集投贈弄藏滿篋於是類而輯之冠以御製凡若干卷甄奇錄異無美不搜洵一代巨觀也丁子郵其目屬予序予聞之作者難識者不易蓋古無所謂選也賞奇析義而已梁昭明太子始取歷代之文輯爲文選維時代更七朝數踰千載才人學士之撰著傳布久矣而又尊居儲貳秘書所藏有鑒賞之樂無蒐采之煩品題而去取之寧非大快然且心遊目想略其繁穢集其清英文學侍從之臣相

健松齋續集

卷之一 序

主

與參詳評品勒成一書蓋論定若斯之難也今國家聲教翔敷人文蔚起

皇上萬幾之暇精心典籍天章宸翰雲漢昭同一時應運而興自公卿大夫以及布衣韋素之士莫不顏頡六代馳騁八家六十年間視昭明所采不啻倍之乃欲舉數十百人之文受裁於一人之論定使作者無憾而讀者快心不更有難焉者哉丁子曰無難也文章之道作者與選者不相謀未始不心相感故雖趨尚懸殊體製各異要皆極其才力之所至惟選者殫精息氣相遇於性情之間苟識有未與學有未

微心目有未盡未可輕論天下士也吾之爲是選也積之十許年閱文不下數千首亦既殫精息氣以求之矣寧嚴毋濫寧簡毋繁寧詳慎以俟後世之推求毋率易以徇時人之耳目諸凡名集所載有最快意之作而或未必收有未經賞識之篇而卒未敢棄丹黃甲乙之際意各有在而非有心於其間也嗟乎天下才人學士衆矣丁子之持論如此品題去取殆有相遇於性情之間者乎其傳天下而名後世無疑也顧吾思之卷帙繁多勢不能尅期告竣雕刻之無費搜羅之有待因循中輟者比比矣卽如吾友昆陵陳

健松齋續集

卷之一

古

椒峰臨海洪虞隣廣收博採極文章之富然而蹉跎歲月迄未成書一二知交未嘗不嘉其志而重惜其難成也今丁子旣爲其難者倘復遲之又久何以厭海內才人學士之望乎願丁子亟出問世使本朝一代文章播之寰區垂之奕禩蒸蒸然感奮興起於觀文化成之盛於以鼓吹休明黼黻文治謹謂一人之論定遂出梁監撫下哉予老且病筆墨久已荒棄聞丁子之言卓予之選并以此望之

青溪先正詩集序

餘杭鮑君覺庭司訓淳安韋青溪先正詩數卷以屬予序予受而讀之輒嘆君之用心爲勤且厚也夫古人往矣性情所發寄於詩歌其精光靈氣自歷久而不可泯然世遠則言易湮非有心者表而出之古人亦何賴有今人哉丁敬禮曰文之佳惡吾自知之後世誰和知定吾文者其言似倨已不能無和寡知希之感昌黎文起衰八代百餘年間未有知而好之者歐文忠得之漢東李氏繕寫傳誦而其文遂以不朽然則古人之精光靈氣必待後人而始傳後人之心

健松齋續集

卷之一

主

思不能與古人相遇於幽渺之中則亦淡漠焉而已青溪文獻之邦以予所聞唐之皇甫持正宋之融堂潛齋蛟峰兄弟元之魯道源明之徐大年以及商徐諸公或以理學或以熟名而風雅一道亦往往有以自見顧遠者數百年近亦百十餘載後裔衰微篇帙淪失間有藏本亦殘缺不可讀士大夫未有顧而問焉者君獨於遺編斷簡中慨然想見其人亟取而表章焉可謂勤矣君之言曰青溪學者沒溺於時文帖括學殖愈卑志趨愈下試取是集讀之今昔盛衰之故當必有感而思奮者嗟乎詩與制義無二道也善

爲詩者何嘗不工制義惟一意揣摩父兄師友之說
習久成風遂茫然不解詩爲何物一二有志之士相
與揚扢風雅而力不足以奪之司文教者又隨俗俯
仰無以發其蒙而作其氣於是先輩之流風餘韻漸
滅盡矣君以表章前哲者興起後學其用心又何厚
歟吾睦踞浙江上游錦峰繡嶺向多詩人李唐之世
吾家白雲處士洎皇甫湜徐凝李頻章孝標施肩吾
之徒先後皆以詩名宋元迄明代有作者睦州詩派
一書至今傳焉嘗擬合全郡詩人之詩正其訛舛補
其缺略以廣詩派所未備苦久病未遑也君所草雖

健松齋續集

卷之一序

其

止青溪而蒐采如此其勤用心如此其厚儻更舉歷
朝全睦之詩彙爲一編使古人精光靈氣常不泯於
天地之間表章之力詎出廬陵下乎予且樂觀其盛
已

松隱筆乘白序

語有之山中人不知魚大於木海中人不知木大於
魚所見者未廣也予少侍先大父勝國舊聞略記一
二壯而過籍聞見稍廣然天下之大人物事類之繁
未能身歷而目覩之也戊午應 召闕下獲交海內
諸君子聯牀並轡資益頗多已濫竽史館追隨名公
鉅卿間益得習聞掌故而足跡所未經姑有待焉癸
亥奉使蜀中西出秦晉東下夔巫跋涉江淮齊魯之
境以至還 朝往返二萬餘里中間登眺山川放覽
古今名勝所接賢士大夫詢其土風詳其物產以及

健松齋續集

卷之一序

七

幽奇荒僻之事蓋至是而舟車所至身歷目覩者爲
不少矣里居苦病不能遠游間訪醫四方於白門豫
章汴宋閩南時一憊足所得亦加廣焉恐日久易忘
暇中類而筆之凡二十八卷夫天下大矣人物之繁
事類之變其爲可喜可愕者何所不有吾之聞見有
限乃達筆之爲書毋乃山居島處之見乎予亦志吾
所知已爾吾知之人亦知之訂疑攷異予之所大快
也吾知之而人或不盡知開卷有益庶無少見多怪
之誚也夫

陳椒峯史論序

同年陳子椒峯博學善著書所刻學文堂集風行海內矣今年秋予歸自汴梁訪椒峯於岱園出所爲史論上自夏商下迄元末凡三十卷以屬予序夫史難言矣而論史更難作史家網羅舊聞稽覈情事所謂載筆三長遷固以下蓋已罕矣若夫論史其人之是非已定功罪已明似無煩更爲論列然或愛憎由已或傳聞失實或一人而得失互消或一事而同異各別苟非具上下古今之識卽勞費筆墨於古人究無當也椒峯舉數千年來哲后賢臣才人志士與夫

健松齋續集

卷之一序

文

荒淫奸慝各舉其生平衡爲定論其持議多前人所未發間有已經論定而褒譏考据有未當則必折衷以信之有明一代以史未成書靖難復辟大禮三案諸大事別見於辯說正而不偏博而能裁可謂難矣往讀張西銘史論歎其淹雅貫串負良史之才然綜論大綱尚多未備今觀諸論洋洋大篇且軼婁東而上之豈史懷史測所能彷彿哉蓋椒峯少負雋才沉酣經史中遺軼軻轡不得志又爲兒女所累一病幾不起自謂向平之願度未能償惟是讀書論古差可自遣故窮愁力疾益肆力於史借古人之成跡抒

一已之壘塊宜其學力所至才愈高識愈老孤行一世而無難也予才識淺陋學復荒落頃奉命纂修明史所爲傳紀八十餘篇蒐考羣書表之公論期於不負職掌然分曹撰述事止一朝未暇博稽前古里居數載頗以書卷自娛而久病怔忡每披覽至數十行輒心頭突突有聲以是屏謝書籍雖前代得失同異心知其故究未獲筆之爲書固由病苦亦才學識有以限之著述之難如此以視椒峯能無望洋而歎也哉

健松齋續集

卷之一序

文

重修家譜序

吾家族譜自宋元龍公明永仕公再修後缺焉不講至百八十餘年先太學叔畱心采葺手錄成編辛酉太學公歿明年壬戌族中父老子弟始梓而藏之已已刻成屬象瑛議於末簡夫家之有譜所以傳信使人知祖宗所自出也攀援蔓引識者議焉今之家譜自受姓以後如周之元老叔漢之縣侯儲唐之處士干皆列於古系而遷遂始祖則斷自震四公既無遙遙華胄之嫌而又不昧於祖宗所自出可謂簡而核矣顧舊譜所載震四公爲干公玄孫唐乾符間避黃巢之亂自桐廬白雲源遷遂安山南墩上再遷縣市進士坊語極明確而公之玄孫致公六世孫德贍公其生卒乃在南宋淳熙景定間於是疑公爲宜和時人或又以爲顯德間人竊嘗思之震四公所謂不祧之祖也其墓在今洋塘子孫祭掃世世勿絕豈容復有異議顧有不能無疑者按唐史僖宗乾符二年王仙芝作亂黃巢起兵應之剽掠江浙州郡公旣避亂徙居當在乾符乙未丙申間迄今八百一十六年古者三十年爲一世以其時考之應得二十七世而今乃二十三世其可疑一也干公以詩名晚唐咸通中

健松齋續集

卷之一序

干

健松齋續集

卷之一序

三

隱居鑑湖其卒也在文德戊申距乾符乙未止三十三年舊傳公爲干公玄孫自屬訛錯蓋舊序誤以干公爲中唐元和時人而不知其爲咸通也其可疑二也致公父子生南宋孝光之世去公後二百載永仕公舊序又有族人多決於方臘之亂語遂疑臘寇作亂族衆避禍他徙公之遷遂或在其時牽合附會謂遷自始新源夫臘寇以宣和二年庚子反歷數至今康熙已已纔五百七十年豈能竟歷二十三世則非宜和明矣其可疑三也至謂公之遷遂在後周顯德間今攷舊序及他碑誌皆云乾符絕無顯德之說項見族人鈔本有顯德已未一序載震四公遷遂年月悉同顯德二字始見此然旣稱震四公後又署遂陽方煥撰夫煥卽公諱豈得自稱震四公耶其中世系說亂尤爲不倫亦未言遷自顯德不知此論何所起遂信以爲實至宗祠木主皆因之故家大族乃承訛襲舛如此其可疑四也有此四疑故前後異同不得其據然以歐蘇譜例斷之惟知有震四公而已震四公以前公之祖若父不必干公之玄孫與否也震四公以後公之子若孫不必問致公父子之相距遠與不遠也其時乾符其地白雲源則從舊序而二十三世

系次秩然則從今譜但唐末五代之亂流離播遷門
宗單弱文事未興譜牒未具數傳之中不能無脫誤
要當以史氏闕文之意通之雖云存疑實以傳信未
可輕爲改易也若夫遷遂以後元龍公以思免進士
父子繼爲學官則子善公之祖若父也子善公二子
長忠一公志恕次忠二公志道所謂入明二祖也二
祖各生四子則今八派所從出也八派散處城邑都
鄙繁衍至十有餘人奕世相傳以忠厚孝友讀書力
田爲事中間雖數登仕藉然尚未著襄陽公壽寧公
始以經術宰嚴邑迨大父閣學公游陟樊端族乃大

修本齋續集

卷之一序

主

顯 本朝以來助教侍講二公繼起予兄弟不肖亦
得濫膺科第不墜家聲論者謂浙東名族莫若方氏
抑知我先人世德之貽固有歷久而彌光者歟今譜
之成也八派子孫曉然於祖宗所自出土農工賈各
執其業型仁講讓本先澤而益昌大之是則子孫善
承其祖父而亦吾祖若宗所深望於後人者也苟徒
明少長辨親疎一編之內犁然畢具豈吾家修譜之
意哉

黃氏族譜序

西澗黃氏世有令德其人多淳謹有萬石家風自毅
齋公詔始以明經薦薦自時厥後沔陽學正應元河
池丞九官寧波教授九功雲和論正中選貢金兼世
德相承一經授受文學行誼之士後先繼起常數十
人里中稱儒行者首推焉予家里開相望曾王父壽
寧公與雲和公以師弟爲婚姻今選貢公配老且健
者予祖姑也先王父復與雲和弟太學君相友善予
兄弟讀書語石雲和孫凝禧同筆研又最久蓋交好
者五世矣黃氏旣爲邑望族先世胤基公梁太清中

修本齋續集

卷之一序

主

由湖湘遷遂安珠水任公再遷東郭崇二公自東郭
移市心先公復自市心卜居西澗其家譜創於道宗
公前後凡三修沔陽兄弟增飾錢缺先相國實序之
所謂地靈人傑世德高門是也距今又六十年生齒
益繁舊譜漫漶諸文學乃舉而更修之支分派列而
遷遂始祖則斷自胤基公可謂核矣方沔陽公修譜
時閭人黃理黃中攜漢太尉宋滄翁二像及海內黃
姓名族彙成十二冊詣公約同附梓公閱所刻率令
傳會與家譜異乃謝之其人拂然去嗟乎家之有譜
所以傳信使人知祖宗所自出也攀援蔓引動侈華

胄甚且舍先世之源流徇他人之祖父綸爲遺容撰
爲傳贊自欺欺人恬不知惟而人之披其譜者亦不
復考據真偽見簪紳赫奕輒相顧歎爲巨族於敦本
睦族之道反漠然若無與涉陽公於此不誠有過人
者哉予嘗謂冒宗之舉與辱宗等年來編次家乘凡
受姓以後悉列爲古系而遷遂之祖始自震四公其
間訛舛脫誤槩以史家闕文之意通之自謂頗有當
於傳信之義今黃氏之譜亦然蓋世俗相沿靡恥道
喪知此者蓋已寡矣今年養病西泠選貢公冢孫雲
英亦寓湖上偶及兩家譜牒異所見畧同雲英請予
修松譜續集

卷之一

譜

序因書此告之黃氏子孫既曉然於祖宗所自出從
此敦本睦族毋忘所自而又修詩書興禮讓本先業
而光大之以上承乎累世傳經之舊使後之讀是譜
者謂江夏世德乃傳信如此其裨益於人心風俗豈
獨一家已哉

松溪周氏族譜序

丁亥戊子間余從先君子僑居東亭村莊去松溪數
里許村落相望皆周氏族也其俗敦詩書務勤儉世
有聞人邑東稱巨族者首推焉予家既世姻好先君
子與明經如璿先生交相善癸卯之役予復與永倣
同舉賢書因得披其譜牒觀其先世遺容蓋聚族而
處者三十餘世矣永倣罷春官試於吏部得縣令需
次里居今年大修家譜貽書屬予序并致仕宦攷一
冊若非是不足爲譜重者夫所謂故家大族匪徒以
仕宦相尚也其先人有世德之貽其子孫敦倫重本

卷之一

五

勤學好義男政治乎外女政飭乎內農無棄地工賈
無廢事故能保世滋大歷久而愈盛也苟必侈言仕
宦將古之稱故家大族者當首五侯七貴不必問崔
盧王謝矣彼魏晉中正官人之法第論氏族豈所語
於鍾荀之世澤哉且夫仕宦蓋必有所由來矣語云
積善之報不於其身於其子孫故于定國治獄平反
自知門大王祐手植三槐謂其後必昌凡子孫之得
以仕宦顯其祖若宗不知幾經積累而始得之也然
則故家大族之所尚其輕重可知已予家自宋元龍
公父子繼爲儒官歷十餘世皆以孝弟力田爲事述

先大父爰立作輔始食其報予不敏弗克負荷里如
以來切切焉以栽培先德爲最蓋誠見夫世祿之家
鮮克由禮其子弟習於奢侈不知學問親族僥倖或
至倚爲聲勢爲鄉閭患人徒見世德鍾爲仕宦而不
知仕宦之不加修反爲世德累也譬之木然春華秋
實從而溉沃之根莖固而枝葉盛將來之繁滋如故
也儻不能培而更加斲削焉欲其含華吐英久而益
茂詎可得哉今周氏之世德如此其厚而仕宦如此
其盛膏潤而培養之以上承乎詩書勤儉之遺宜家
係族雖千百世可矣予生平所持論如此因書以報
先大父之志

健松齋集

卷之一

序

予言爲也

城西姜氏族譜序

城西姜氏與予家隔雉堞而居猶比隣也潘楊之好
鍾荀之交今且七世矣外弟姜子騰上重修譜牒成
以屬予序予惟故家巨族其先世皆出於寒素一二
鉅公起而振之承先啟後乃能保世以滋大予家自
白雲遷世以耕讀爲業雖數舉明經然未顯也先
大父爰立宅揆始大其宗而姜氏之發祥於鴻臚公
也亦然鴻臚公與先大父同朝相善治縣爲良有司
立朝爲名諫議居鄉和易廉靜人稱賢焉而友愛之
誼尤近世士大夫所未有當官都諫時念家世寒素

健松齋集

卷之一

序

第五人各予田宅代輸其賦稅今之比屋鱗次者公
之遺澤也是故由鴻臚而上孝四公之遷遂安千六
公之居西小武門以及壺關之政事贈給諫之善行
世德相承歷歷乎其有本也由鴻臚而下子孫曾玄
之繼美羣從族屬之蕃昌支分派衍繩繩乎其未有
艾也承先啟後維公一身當之豈偶然者哉顧吾思
之凡家之興其人類多奮發有爲之氣故駸駸乎日
趨於盛迨夫仕宦而躋臺省陟卿貳其子姓之見聞
宗族之憑藉已非復曩時寒素之舊矣修詩書敦孝
悌毋侈靡敗德毋游惰廢時毋狎邪毋猥薄繼前修

而益光大之是則後人所仰賴於鴻臚公者非即鴻臚公所深有望於後人者乎予嘗以是戒子弟故質之姜子詩曰無念爾祖聿修厥德兩氏子孫能世其家教無忘先公振起之舊潘楊之好鍾荀之交雖百世可也

健松齋續集

卷之一序

天

採珍集序

隋珠卞玉世之所共珍也然饑不可食寒不可衣故君子賤珠玉而貴粟帛蓋布帛菽粟日用之常不可一日而缺彼夫新奇可喜之物非不快人心目然驟而嗜之久之則厭心生而布帛菽粟究未有厭而棄之者唯常乃可貴也文章之道亦若是焉爾矣陳子簡侯博涉羣書向所輯留青諸集學士資其博雅村農市賈亦莫不樂其簡便以適於用蓋風行宇內久矣今復取而廣之顧以採珍名其集意布帛菽粟之文不足侈新奇以悅耳目歟夫天地大文莫若六經經者常也修之爲常道施之爲常政初非希世絕俗使人爲不可繼而百家新奇可喜之說亦卒莫能出乎其外故曰至常者至奇之所寓苟必舍聖道之常而別求新奇揚雄衛元嵩樊宗師劉蛻之屬鈞深弔詭讀之不能爽然心口則亦饑不可食寒不可衣人且厭而棄之矣今觀一編之中事不越人倫日用而山輝川媚已極文章瓌璋之觀亦何俟採珠滄海擷玉荆山而始爲珍奇乎故吾謂簡侯是集其名則珍其實固猶然布帛菽粟之常也世之讀採珍集者慎毋炫其名而忘乎其質也哉

健松齋續集

卷之一序

天

健松齋續集卷之二

遂安方象瑛渭仁著

序

元儒陳定宇先生文集序

休寧陳君毅軒與兒子引祺善祺歸自黃山以其所刻先世定宇先生集請予序予讀之卒業竊嘆先生非文章之士也自孔孟之歿歷千四百餘載而先聖之精理微言不絕者如綫迨有宋大儒輩出講求聖人之道而紫陽朱子實集其成朱子歿一時學士家尊者半詆者半甚且陽奉而陰畔之羣言紛淆各相

健松齋續集

卷之二 序

十

管議以亂其本真夫朱子孔孟之宗子也大宗莫知所統後之人欲求聖人之道者孰從而知之先生後朱子五十餘年而生於其鄉師友淵源獲聞其緒論遂確然尊信而不疑微者顯之闕者補之於諸家之畔朱者力斥之其所著書四書發明尚書纂疏禮記集義凡十餘種皆以朱子為宗當時稱文公世嫡是誠有功於紫陽而身任斯道者矣豈徒文章之士也哉即先生之文觀之高古簡質如布帛菽粟穆然不使人可喜而原本聖賢闡天人理欲之微推古今治亂貞邪之故與所著書相表裏所謂羽翼經傳不可

以工拙論也嗟乎先生當宋元之際隱居講道晚年始舉於鄉遂不復仕使其學為世用尊聞行知何難與許吳諸公並顯於世而乃屏居萬山中授徒以老論者重其學未嘗不惜其遇也然有元之世致身通顯者多矣高爵大祿非不赫奕一時而今且無能舉其姓氏先生歿數百年謚宗祀之專祠崇之其人傳其書亦傳昌明正學之烈自與仁山白雲諸君子後先媲美而遇不遇可勿論已予家距新安近往來簾溪不獲訪先生故居即其絃誦之地如江潭瑞溪亦未能憑弔其遺址嚮往者久之毅軒于先生為族孫健松齋續集

卷之二 序

二

乃能梓其遺書使不晦於後世然則表章前烈非獨先生之幸士之學古求道者由先生以泝紫陽庶其知所統宗也哉

蔡九霞息關六述序

丁未南歸訪蔡君九霞於吳門時君方操繩尺論次時文策論爲海內準式未聞其言學也已未同應召集京師君肆力爲詩賦古文辭高華瑰麗傾動公卿亦未聞以言學名也比再過蘇臺君治具留飲出所輯息關六述屬予序則皆言學之書也嘻異矣與九霞別幾何年而學問之益如此殆所謂木落歸根者耶夫古無所爲言學也言學始於宋盛於元而濫觴於有明之季自士大夫以及老生豎儒莫不竊講學之名以夸當世掇拾唾餘實踐愈少紙上之陳言

健松齋續集

卷之二十序

三

豈足與觀聖賢之大道哉君少以才華名於世人亦以此推之今年踰七十閱歷既濶無時文策論耗其目無詩賦詞章炫其才無窮通得失亂其心志年愈高學愈進故所見粹然一出於正而究未嘗驚言學之名也今試觀其書曰讀書法曰憤助編曰心學詮曰當下錄曰格物說皆諸儒讀書明道窮理格物之要旨也曰王學證則涇陽景逸諸君子論辨陽明之學而折衷之者也其蒐取也博其采擇也精苟非身體而力行之亦何能兼融貫申有如此哉然則取前賢之論說驗一生之學力卽以自命作者亦何所不

可乃猶不以爲作而退然自居於述蓋誠見夫著書論道之難而不欲襲前人之說以爲已有也昔衛正叔纂禮記集說曰人著書惟恐不出於已吾此編惟恐不出於人息關之六述其卽此意也夫

健松齋續集

卷之二十序

四

沈昭子耿巖文鈔序

予與海寧沈君昭子同 召試闕下已同官史局乙丑予以病請 假君亦投老歸東海書問遼闊者數年矣已已春見君於王隱君丹麓齋中樽酒論文歡其學識愈高撰述日富以未得快讀爲憾今年歸自建州君貽書以耿巖二集屬序披覽之餘知君之好學老而彌篤也蓋君向爲應制之文鉤深索奧每以詞采掩其精義今老矣所詣乃若此耶予尤服其說經諸篇廣搜博涉成一家言夫經難言矣語有之泰人焚經而經存漢人解經而經亡夫解經所以明經

健松齋集

卷之二

五

也何爲而反亡哉蓋漢人治經術老生宿儒各守其師說更相排擊而究其所學或失則支或失則誕或失則陋或失則誣聚訟紛紛愈裂愈滑石渠虎觀中雖稱詔講論同異而究未得其是也君乃取漢晉隋唐宋元諸儒箋註之文與夫近世金華寧海新都所考訂蒼粹成編析經傳之源流探羣言之澀液可謂傳而裁矣方正學曰聖人之經傳非一家之書亦非一人之言所能盡要求其是而已君之殫心蒐輯老而好學如此始有務求其是者乎今

皇上稽古右文命詞臣輯五經講義頒行學宮頃復

講求鍾律釐定樂章一旦下 明詔集諸儒陳經義

得失君雖齒踰七十尚當如申公轅固就家口授以應石渠虎觀之求度非僅便經笥侈傳雅已也予少君十三歲比患怔忡不敢役心書籍所操以爲文者皆少壯時宿物十餘年來未能有纖毫之益辟之居肆然出者日以多而入者日以少欲其蓄之無窮而應之不竭蓋已難矣乃君爲予序健松齋集至以簡潔相推許夫簡與潔文章之至也余方學焉未逮而烏足以當之雖然士生斯世得一知已可以無憾念學古文二十年謬爲四方所不鄙然未有深知而信之者聞君之言庶乎其稍慰矣顧學識舛鄙病復困之即使更歷數十年恐未能復有所進益也然則君之老而嗜學非獨人事盡其得於天豈偶然哉

健松齋集

卷之二

本

錢磬日十峰文集序

六經皆載道之文也古者其人皆聖故言出爲經後世分文與道而二之於是言道者布帛菽粟之常穆然不使人可喜而世之能文者幽奇詭誕汎洋恣肆極文人才士之奇而究不可入於道蓋文與道之判然不相合久矣十峯先生今所謂能文之士也而其言一準於道觀其撰著與致柏鄉相圖書析性學之源流闡濂洛關閩之餘緒粹然若有得者而其發爲文章開闢變化具史漢八家之長譬之駕騏驎游康莊雖引轡就軌而豪致正復不減蓋先生生端文忠

錢磬日十峰文集

卷之二

七

憲之鄉從其門人子弟習聞緒論執經授徒門下多知名之士擁皋而談聽者屢滿而夫叔之山距蘭陵玉峰不百里而近熙甫應德之文章涵濡日久故縱筆所之詞理煥發而卒不詭於正蓋自有十峯而老生訓詁之常談與夫近世淫靡險癢之習俱有所不屑已予與先生神交二十年向在京師與先生高弟秦宮論江左人物輒首推十峯甲子戊辰兩過錫山皆以出游不值嚮往者久之去年秋先生郵書王子丹麓屬予序其集予平生不喜談道學每念躬行實踐尚未逮何敢空言性命比年來雖肆力於古

文辭自顧淺陋都無足比數先生亦何取於予而數千里命之以是知虛懷善下其文辭學術卓絕今人無疑也因書此報之今天下不乏能文好道之士讀先生之書觀予之言庶乎其知所合也夫

錢磬日十峰文集

卷之二

八

霞舉堂集序

兩湖三竺間多隱君子以予所定交嗣寅際叔稚黃諸先生皆學古行高歡然交好而王子丹麓爲最久丹麓少爲諸生有名年二十八棄去築室墻東以詩文自娛所著霞舉堂十種流布海內予從蒼溪舟中讀之究性道之淵淡極詩詞之浩渺以至知人論世皆有特見卽草木禽魚之細亦莫不旁蒐博采成家言可謂富矣今秋復舉而增損之識愈高才愈老西陵隱逸當與諸君子並傳無疑丹麓以屬予序夫文章之道與品行相爲表裏昔人謂不知其人視其

健松齋續集

卷之十序

九

文予謂知其人卽可以信其爲文今天下托於隱者蓋不知凡幾矣高者孑然孤居不復與人事相往還其卑者乃囊書載簞奔走卿大夫之門名利之心較入世之人倍切求所謂不亢不隨恬靜自適者無有也丹麓雖棄諸生以詩文爲樂然澹泊和易不立崖岸不事干謁家居北墅四方名流至西湖者必先過松溪丹麓傾心締好不難出肺腑肝相示蓋坦懷高寄有超世之心而不屑爲矯情逐物之行宜其足不出里閭而傾動海內也處士純盜虛聲豈所論於丹麓者哉今諸先生皆已千古矣丹麓齒才踰五十學問

之益與年俱進如此

天子重道崇儒山林博雅之士皆徵詣闕下關中李天生錫山嚴蓀友秀水朱錫鬯輩予友亦君友也布衣奏賦立致清華至今以爲盛事一旦下尺一之詔資於湖墅丹麓卽不欲仕將何以自免乎予病且久尚能取其詩文盡讀之咄咄王先生恐不得終以隱君子老矣

健松齋續集

卷之十序

十

張邇可悔莊集序

往與蕭山毛檢討大可論越中名士輒稱其同邑張君邇可蓋以詩文名海內者四十餘年矣君來京師偶一過從旋即別去丙子春予就醫西泠君適以明經司訓緒雲訪予寓齋出所葺杜詩會粹一編予讀而善之杜詩箋註亡慮百十家大率牽合支離求明反晦君獨明切簡盡一洗從來之謬可謂善讀杜矣今年秋復郵其近著梅莊詩文屬予序予病甚枕上披閱之其詩音調格律悉準三唐不落宋人窠臼文則原本經術發抒性情縱筆所之落落自成一家夫

健松齋續集

卷之二 序

十一

以君之才承明金馬著作之廷何難高置一座乃數奇淪落浮沉諸生中數十年晚始以一種終老嗟乎天之生才何若是其不偶耶然士生斯世遇不遇聽乎數而傳不傳視其才才不足以自異即掇巍科躋膺仕陸陸一生究與草木同腐若有其才而或困於遇幽憂拂鬱賢者亦所不免然窮愁著書蕭瑟不平之感悉見之詩文名山大川有傳人焉亦何必較遇合之遲速哉吾聞縉雲左括蒼山中奇峯千仞上薄蒼穹其間峭壁危湍喬柯古洞僊靈之所窟宅君雖不得意談經課業之暇與二三知交登高懷古臨流

賦詩欽崎歷落之才見之詩文者如此卽惡高爵大祿以寵之知其所不屑已君深於杜者也杜詩云文章憎命達吾爲君惜之又云下筆如有神且爲君信之矣唐時以詩賦取士三百年間竟失一子美其才之傳豈必以科第哉

健松齋續集

卷之二 序

十一

吳寶崖集序

乙卯春予訪蔣子馭鹿於祖山寺因識吳君寶崖是時寶崖字清來年甫十七所製詩餘予跋而行之所謂剪霞詞是也後予官京師聞問遠隔客從南來者傳寶崖試童子冠軍爲之色喜比奉 假歸里從毛檢討大可扇頭讀寶崖詩灑然異之明年予就醫湖上寶崖適歸自山左歡然道故出其近著詩古文相質予病不能讀然畧觀其大概縱橫古宕駸駸乎史漢八家之遺向謂寶崖善言情耳別來十許年而志華就實盡變其少所爲文章之道信有與年俱進者

健松齋續集

卷之二 序

三

歐乃寶崖爲予序展臺詩議論開闢極情文之美頃復與吳越諸少雋爲文會譙飲賦詩軒豪舉夫詩文朋友人生之大快也寶崖年少負奇恣意馳騁兩峯三竺之秀定推吳君無疑矣猶憶寓西陵時一時詩文之士詩酒往來更相倡和斐然思古堂之會畢亭河清之遊當時稱爲極盛轉瞬十餘年來或老或歿或病或淹留薄宦或旅食四方予每凭眺吳山徘徊六橋諸勝俯仰今昔黯然傷之而寶崖崛起少年詩文氣誼亦復不減諸君子使人誌問殆不知有聚散飄零之感其爲慰藉豈待文酒蘭連而後快哉

張燕公有言其人可及其年不可及寶崖今始踰三十耳才氣超邁已卓越一時使更老其才息其氣求進古人之無窮承明金馬著作之庭復何能測其解至乎然而予之知寶崖終不異祖山握手時也

健松齋續集

卷之二 序

古

白華樓詩序

新安族人爾鄧暨其弟星垣繡千居揚州事母至孝
母老喜幽靜爾鄧兄弟建樓宅後雜植花木竹石以
奉母且爲六表觴祝地甫落成而母歿三子瞻望哀
慕名其樓曰白華以示不忍忘親之意一時名人題
詠至盈篋爾鄧以屬余序夫南陔白華皆古孝子
之所爲作也南陔相戒以孝養白華則孝子養父母
常潔其身如白華之無黜汚故卜氏序曰南陔廢則
孝友缺白華廢則廉恥缺夫孝子事親本之於孝友
推之於廉恥所謂不失其身而能事其親養志之大

健松齋集

卷之二

序

者也毛氏以存其義而亡其辭謂之笙詩東廣微始
取而補之其詩有曰竭誠盡敬盡敬忘劬又曰無營
無欲莫之點辱蓋孝子之心不忍一日忘其親如此
嘗試卽二詩通之馨爾夕膳潔爾晨羞是卽竭誠盡
敬之義也眷戀庭闈心不遑安是卽盡敬忘劬之義
也故幸而致養則承歡肯菽必盡其誠敬不幸而不
逮養哀哀眷戀其仁孝惻怛之思不得已而期於無
營無欲以慰父母蓋至是而其心有更切者已爾鄧
兄弟之爲建樓也將以奉母也母旣不逮養矣拾綴
以登憑高而望凡一木一石一几一榻皆以爲母之

手澤存焉毋毀傷其髮膚毋閱於牆毋競利毋情事
毋侈靡淫汰以相尚事君忠與人信事父如生事亡
如存蓋必潔其身至於無營無欲而後可無愧於白
華之義也倘謂侈樓閣之美以悅耳目三子方惻然
不忍登亦豈當日建樓之意哉諸君子贈言或原其
心或美其事皆有當於詩人之意余故樂爲序之詩
不云乎孝子不匱永錫爾類凡爲人子者當如此已

健松齋集

卷之二

序

陳宣春詩序

往於蜀閣識陳生宅三歎其制義閑整有先正大家之遺已相晤京邸氣靜神爽益以遠大相期然未聞其能詩也宅三自遊京師始學爲詩以親老乞教得播州之興安荒僻遠寒齋無事詩遂纍纍成帙所刻琴心堂詩是也庚午舉治行高等一詔賜袍服擢袁州宜春令余扁舟訪之盡讀其所爲詩思致高秀力摹唐人不覺掩卷太息文章之道與年俱進與宅三別甫六年所得已若此余何能測其所至耶巴蜀向稱才藪無論揚馬三蘇擅絕今古卽李唐一代詩

健俗齋續集

卷之七

七

人首推李杜青蓮固蜀產子美辭源多在梓益夔巫之間詩乃愈工然兩公不得志於時流雖拂鬱發爲詩歌所謂窮愁之言易好也今宅三業以史治著境遇視兩公迥異簿書期會之繁或者不能復從事於詩乎乃政事之暇不廢吟咏抑何勤也吾觀唐人如高常侍岑嘉州輩或擁節旄或膺民社其詩雄渾森挺方駕李杜詩亦何妨於吏治顧宅三受

天子異數出宰百里宜春又當喪亂之後勞來撫恤較課士爲難倘使流覽篇章寄情賦詠才人固無所下可然其心不能無二用矣余頗宅三爲其難者三

被政成議益高學益克博然後發之於詩清醇明堂之篇采薇天保之什文章政事將並傳不朽豈直追蹤唐人云爾哉余之告宅三者如此誠不欲僥以詩人望之也

健俗齋續集

卷之七

七

坦齋詩略序

青溪族姪若遠名茶如前憲副策阿公會孫從母弟伯陽家子而內弟汝州太守吳竹城壻也憲副公與先大父同鄉舉大父兄事之喪亂以後往來疎隔若遠年少負雋才予稔聞之然未識其人也比見汝州諸子弟則若遠未壯而歿女兄稱未亡人久矣嗟乎天既生以才何不永其年耶少嗜學好爲詩多散失不存所輯坦齋詩略清遠秀潤駸駸乎王孟之遺使稍延歲月所詣當不止此乃含華早頽可嘆也生平不喜揣摩文字間有所作輒能追蹤前輩甲子秋見

健松齋續集

卷之二 序

九

知於有司爲主者所落自是抑鬱不樂又慮傷父母心益幽憂成疾遂不起夫若遠之鬱鬱不自得者無以慰兩尊人耳亦知蘭摧玉折其傷心且何如乎予仲子引禪早慧能詩楚楚多秀句婦翁毛祥符愛之年十九病脾數月奄逝予五內崩摧所作詩若文弄而藏之不忍復啟視今觀坦齋詩略益增我西河之慟矣三兒引禪與若遠同爲汝州君壻攜其詩請予序予惜其才重悲其死因書此歸之

鍾陳畱詞序

曩在京師朱錫邕徐勝力論永中名士輒稱語溪鍾子靜遠是時靜遠方爲江山學博尋遷陳畱令未得識其人也今春客汴梁始見靜遠於相國寺握手如平生歡靜遠贈予詩及手訂陳畱志蔡中郎集予心喜之想見名人高致已赴宋中道經陳畱靜遠訪予旅次出所爲詞屬序序凡登臨譙賞與夫懷思贈答悉見於填詞豪健森秀兼蘇辛周柳之長名士風流固如是其不可量耶陳畱當西北孔道簿書期會至繁頃近又輓運襄米漕轉江淮粟賑秦饑一時夫役車

健松齋續集

卷之二 序

三

牛之煩催督如風雨當其事者卽具通敏之才恒苦應接不遑而靜遠咄嗟立辦民不知擾治事之暇復恣意觴咏乃知名下固無虛士非徒長調小令侈工美也錫邕序其詞引張子野毛澤民爲比夫子野澤民直一詞人耳靜遠以詩文名垂三十年廉能之稱藉藉兩河文章政事旣兼有之草堂花間集中豈止方駕張毛已哉予自梁徂宋所如多不偶兀然蕭寺中幾同挂單老衲今見靜遠且得讀靜遠之詞僕僕舟車亦可以稍慰矣

壽學傳徐先生序

會稽徐仲瑤先生忠厚長者也以名孝廉署遂安學事德教邦治生徒嚮風今歲嘉平爲先生懸弧之辰學士大夫暨諸博士弟子謀所以祝之間言於余余惟國家廣厲學宮倣古黨庠術序之制設師儒以董之蓋將以德行教天下也居其官者必淡泊寧靜以忠厚長者之道待其身卽以忠厚長者之道待其士是故德成而道尊化行而教立近世儒官多不以師道自重其高者沽名市恩日與諸生相徵逐而共下者乃卑鄙猥瑣屑屑焉競錙銖之利蓋師道敝而

健松齋續集

卷之十一

主

教化衰士風之不古比比然矣先生弱冠爲文章名藉藉吳越間已西魁於鄉益砥礪文行以古道自處其來教是邦八年矣言笑不苟行止皆有矩度日坐斗室中督課諸子啍嚅聲徹戶外不知有結納干請之事而其教士也示以躬行勉以實學不沽名不市恩不屑往來徵逐爭毫末之細整躬淑世泊然一主於靜而士之率其教者藹然其可親肅然而不敢犯蓋忠厚長者之道以之治身卽以之待士其德行有素也使黨庠術序之師悉如先生豈復憂士風之不古師道之不立哉今

皇上重道崇儒十數年來廣文先生往往冠南宮登侍從極清華之選先生學古行高從此奏對大廷以師一邑者師天下吾知忠厚長者之道以靜氣持之而有餘矣今之屈覽揆也將何以爲先生祝乎孔子曰仁者壽而之所以致壽者必由於靜蓋忠厚長者之道仁固有靜體也况淡泊寧靜其德行固有素哉然則以靜爲體以忠厚長者之道爲用先生之自得其壽也以是爲祝庶其有當也哉

健松齋續集

卷之十一

主

七十自序

往辛未秋余虛度六十閏邑五十七里以余向年條列利病頗禪桑梓公製屏幃爲壽余意鄉先生初度從無里民稱祝固辭不獲今又十年矣馬齒加長貧病如故豈復重煩父老子弟於是榜門卻賀屆期強起爲子若孫舉一卮而已蓋余家自六世祖孝子公壽登七十有三嗣後從祖文學公七十二歲餘皆僅踰下壽而三叔太學公五叔助教公仲兄合肥公並止於六十七似有數限之者余早衰善病惴惴不能自必而今且七十矣期願耄耋人生所常有何敢後

健松齋續集

卷之二

七

望千余幼服先大父庭訓九歲能文十二學爲詩歌小賦十四爲諸生三十二始舉賢書三十六成進士中問需次選人四十八應博學鴻辭舉蒙恩召試官翰林在史館七年積勞成疾會當量移卽乞假歸里蓋自乙丑迄今家居十有七載矣仕宦何常適可卽止猶歎二疏之不早也每念硜硜拙守無事不可告人辛亥之輩笑甲子之均差義所當爲不辭勞怨生平淡素無聲色貨利珍玩博奕之好自論交四方日以文章朋友爲樂諸君子徵詩索文揮毫立應其以文來贊者亦傾接無倦客故一校京閣再典蜀試

甄拔多知名寒士雖勇於任事篤於求友嚴於論文亦由神健氣王精力足以赴之今老矣心提汗脫筋力頓衰鄉閭疾苦勢不能更爲再三之告卽聲氣辭章向所樂之不疲者亦復見以爲苦蓋曩時側儻自喜之概消磨盡矣還山以來薄田不過三十畝舊屋數椽檐楹未具而絲粟之入皆盡於葭藥仰屋旁皇何能堪此然澹泊自甘一切干請概行謝絕足不入公府亦不投公門一字郡邑長吏歲時一刺往還而已家世城居門庭蕭寂子孫輩讀書砥行絕不與聞外事士大夫立身應世自當以嚴氣正性持之半生

健松齋續集

卷之二

七

寡鵠豈垂白乃喪其所守哉今夏又舉一曾孫矣一堂四世差慰老年倘不卽填溝壑與田夫野老優游聖世以樂餘生寧非厚幸如天不憖遺全生而全歸之七十老翁亦復何憾因書此自慰并示子孫以見余少壯之意氣如此衰耄之情況又如此然而二十年來奄奄斗室中猶得伴延視息以有今日不可謂非天也過此以往存心養性修身以俟之或亦立命之道也夫

何千之六十壽詩序

痛音忽睡一覺也諸人見備詩蓋婦人過辭

千之棲實無城府少時有聲庠序間中遭厄疾幸而獲生自是謝絕世務一切思慮不經其心素嗜酒雖不能洪飲然不可少善睡無論夜修短一寤達旦爰雷鐘鼓弗聞也以是神氣閑定蒼然類四十許人家故貧授徒自給不知有狎邪機械之事少學書見詩古文辭必鈔錄弄藏輕統大幅有請不倦庚午後予浪游南北千之輒載筆偕行自西湖舊遊外渡彭蠡登滕王閣已趨吳門出京口浮舟江淮踰滁濠達於汴宋復躡仙霞瞰福州荔子歸過延津周歷信義諸

健松齋續集

卷之二

五

郡生平足未出縣境一旦遠游凡可喜可怪之事新其耳目拓其心胸亦綦暢矣顧性疎懶日坐斗室中名山勝地非促之不往也今春同遊金陵憑眺六朝遺跡四月返錢唐值其六十生辰予甥王生觀予置酒爲賀一時親友客杭者十餘人傳觴會飲酒酣千之連引十巨觥陶然徑醉蓋自辟盤以來未有此良宴會也夫人生行樂隨地皆可自適向使千之家居當此懸弧之辰不過于孫奉松醪孺人俯飲隣比二三野老茅舍中相慶賀已耳亦安能高堂廣燕珍錯畢以賓朋雜還如今日哉嚴子毛子王子暨予登閣

密各賦詩祝之屬予爲序予觀千之答友人詩有兒女悵分飛之句其意似有不憚焉者因書此題幀達人觀之當不以彼易此若其戀戀家庭則予之舉有不能辭矣并質之諸君子

健松齋續集

卷之二

五

送張廣文致仕歸臨海序

臨海張君司訓遂庠十載投牒致仕去諸生爲詩歌送之以屬予序予聞之知足不辱知止不殆夫仕宦若行路然百里之程竭蹶皆可至然而途遙日暮勢不能無勞憊則躊躇跋涉其危殆多矣故克嗜進之心卽三槐九棘齒豁頭童未有肯舍之而去者自達人觀之浮雲泡幻適可卽止何俟車殆馬煩而始謀息駕哉余生平淡於仕進遭際

聖明備員史館爲二豎所苦不敢以衰病之身虛糜俸祿職掌稍盡卽請假歸里今君甫及艾耳強健

健松齋續集

卷之二

序

無疾病文教興行生徒樂附乃超然遠引遂如此昔者青溪卽立同爲處州教授棄官歸隱作忍默退恕四卦以見志至今高其風節君或亦有見於此歟吾聞臨海當天台之西華頂玉霄諸峰幽奇靈勝仙人之所棲止君歸而徜徉其間放情詩酒其曠懷高寄當與邵先生並傳今古彼二傳七十懸車都門之祖帳吾猶惜其不早也今天下縉塵逐逐春戀一官唯恐或失聞君之風其亦知所媿哉於其行書此贈之并以爲序

健松齋續集卷之三

遂安方象瑛渭仁著

記

建寧府重修先師廟記

建寧當七閩上游由漢以來文事朴陋唐常衮以宰相觀察福建諸道始以文學教諸生然未遑置學也宋寶元間詔郡國立學宮建之有學自此始歷元迄明代有修舉喪亂後漸就頽壞康熙壬申大風雨廟宇傾欹日益甚顧未有過而問焉者賴川張君來守是邦瞻拜之下慨然歎興於是捐俸修建屬旣寧令

健松齋續集

卷之三

記

鄧君董其事棟宇榱桷以及櫺星戟門皆易舊而新之丹雘塗墍則視昔加勝焉經始於壬申八月落成於癸酉六月諸博士弟子歡忻鼓舞謂向來所未有也屬予記其事予聞之王者以教化爲大務蓋士爲四民之首而學者所由適於治之路也唐虞命官典樂教胄與禹臯並命周禮三物六行以導萬民而黨庠術序皆設官以董率之其時教化興行士皆服古野無秀民抑何盛也後世岐政教而二之爲之上者旣不知教化爲務而郡邑守令亟亟於簿書期會之間罔敢稍越於是學益壞士益輕而聖人之宮墻反

不若仙宮梵宇金碧輝煌使人起敬嗚呼此豈獨建州爲然哉我

皇上崇儒重道曩大駕南巡親祀先師於闕里

奎章宸翰炳耀日星而三黜課吏尤必以興行教化爲及格溥海內外蒸蒸向風蓋將與虞周比隆矣君起家名進士筮仕陵川舉治行高等頃以地官尚書卽簡任斯土適當叛亂削平之後招來撫恤利舉弊祛而化崇之方慨然以尊師重學爲先可不謂獨見其大者歟夫建固所稱理學之邦也自游定夫推程門高弟胡氏父子兄弟繼之一時名儒輩出朱子

健松齋續集

卷之三

三

受學於稽溪白水屏山三先生而門人蔡季通獨得其傳其後真希元熊勿軒後先嗣起閩學之盛稱海濱鄒魯數百年來名卿巨公代不乏人近且不免落落晨星之感雖天之生才不偶亦所以倡之者無其具也今學宮之成也廟貌常新顧瞻如在黃華白鶴間將必親感奮興仰副

聖天子崇儒重道至意然則君之敦崇教化實有裨於人心學術豈僅一時締造云爾哉余與君同舉癸卯賢書頃來富沙親見德教之成因爲紀其盛如此後之人思其大略乎其細斯可與觀君之爲政矣

重建馬儀新墅堰碑記

吾邑僻處上游無廣川巨壑西南十里有馬儀潭土人諸而堰之溉田七百一十畝又支流東北一里許舊傳吳越時邑人王尚書卽率師過故里役卒浚馬儀餘流曰新墅溉田一千八十畝當時固二堰也元至治三年邑令梁居善始合而爲一明嘉靖己亥大水壞節推匪愚重修萬曆中居民截河爲梁水不得淳普民受其害邑令馬呈鼎法懲之撤梁復堰乃罷堰長設上下各十甲護守之距今又百餘年矣本朝順治己丑里人任文學兄弟聯金修築康熙壬戌

健松齋續集

卷之三

三

復大水隄石崩圯日久且有盜石者漁舟上下又去其礎堰遂大壞比年來河流奔湧春夏之交田畝盡圯農畝重困余嘗過其地心竊憂之夏六月兩畝民倡議重建請於邑侯何公報可以告余余衰病不能任事然心喜是舉乃命從弟象璠大兒引禩偕姻友余君肅徵雖微同總其役會余君宦山左令弟亦省兄之任屬所親徐君瑞代爲綜理經始於七月辛卯落成於十二月己巳諸君屬余爲記余惟水之爲利大矣河流通塞凡歲入之豐歉國課之贏縮皆繫焉馬儀潭受武疆諸谿之水會於龍津灌田幾二十頃

其爲利甚鉅近罹洪水膏腴之產其不爲平陸者僅
矣然屢修屢築而卒未底於成者非鳩工選石之難
也其弊蓋有四焉經營跋涉莫肯任勞一也工役繁
興或慮買怨二也意見各不齊三也按畝輸粟究歸
乾沒四也四者交相爲害欲其一勞永逸爲農夫慶
詎可得乎今之重修也勞固有所不辭怨亦有所不
避而且詢謀僉同穀石貯城隍祠公同支給無侵蝕
中飽之患夫獎去則利自興所謂用力少而成功多
也繼自今溝澮輪注禾稼如雲豈僅一時之利也哉
役既竣贏穀若干石投牒公府備儒學修葺之用蓋
健松齋續集 卷之三 記 四

衣食足而禮義生明農興學又非止功在水利已也
是役也何侯主其議佐尹鄭君董其成弟象璠兒引
祺暨徐君往來督率備極勞瘁而上下二十三甲某
某等勤勞襄事例得并書

學院周君實政碑記

戊午春詔舉博學鴻辭之士 各試體仁閣擢五十
人官翰林纂修明史毘陵蓉湖周君哀然高第余不
敏亦濫與焉距今十有二年矣君才名夙著江左通
籍後益砥礪文行所爲史傳及應制詩文皆馴雅有
尺度辛酉雲南平儒臣各撰詩賦敷揚 功烈君獨
綴葺五經成語爲文以獻工巧絕倫蓋君之才爲翰
苑所推服久矣丁卯主試山左得人稱極盛不數月
復有督學兩浙之命多士聞風稱慶謂君文章政事
卓卓如是其施及吳越當必有操券而令者蓋兩浙

健松齋續集 卷之三 記 五

雖人文淵藪向未遺詞臣視學自前宮贊太君王公
首膺斯任而君繼之皆能振興文教仰副

聖天子教育人才至意而君尤蒞事精敏下車之日
按行寧紹杭台諸郡釐剔弊端獎掖幽滯一時輿論
翕然余聞之喜躍猶慮傳聞過實不若親見之爲快
也冬十一月按部嚴陵每試輒三日而榜發拔孤寒
遜才雋乃知君之大有造於士不止爲一時人才幸
實數十百年人才之幸也夫嚴州踞浙江上游風俗
淳樸無豪華靡麗之尚而山川明秀文風實甲諸郡
漢唐以前無論已宋時錢肅堂先蛟峰輩理學文章

功在漢洛有明之世商文毅姚文敏諸公科名事功
雖史冊嗣是學術經濟廉節忠謹之士未易更僕
數雖能自樹立視乎其人要亦司文教者振興率迪
各盡其方故能積漸成風久而彌盛也今君之施及
於嚴者如此其大嚴人士之愛戴乎君者又如此其
激振興率迪之效誰謂古今人不相及哉余忝同譜
故從郡人士之請紀其實如此使天下後世知 聖
世右文所得制科之士能不負知遇上以鳴 國家
文明之盛下以快吾黨報效之私其爲慶幸又當何
如也

健松齋續集

卷之三

六

何侯除豁虛糧德政碑記

朝廷設官分職惟守令於民最親閭閻之休戚物力
之盈虛皆得周知而熟計之故興利除弊而官與民
並受其福彼見之不與而行之不力者無論已卽見
爲利而不知其名利而實弊或利於民而不能不病
於國當其事者恒難言之若夫利興而弊除矣於
國家定制初無所損此在良吏有欲行而未遑者一
且毅然爲之實心實政宜其深入乎人心而不能忘
也吾邑處萬山中自甲寅驟隲之後人迹土蕪蓋顛
連無告者非一日矣甲子夏邑侯何公下車稔知邑

健松齋續集

卷之三

七

民困苦加意撫綏十餘年來慈祥廉靜民得享太平
無事之福而其深入人心者尤莫如豁除虛稅一事
當三十年辛未編審之役虛公延訪一切相沿陋規
概行禁革田畝多寡遠近悉從民便可謂難矣版籍
既定取歲入總計之正賦之外薄有餘羨在常情鮮
不視爲固有侯獨纖毫不以自私念民間向苦虛稅
命所在里甲確查田地山場有稅無業追賠虛糧者
勘實具結悉與豁除計所豁之數與羨適相準正賦
無虧而民免賠累之患其實心實政如此先是撫軍
線公諮訪利弊侯條列數事首以虛糧爲請故得一

意遵行其施澤於民者豈止一時之利也哉蓋虛稅之累民屢經上控其間奉文查勘不啻再四顧未有舉而行之者惟侯仰體

聖天子加惠元元至意復推當事與利除弊撫循下邑之心而又歷年最久深知而力行之有益於民無損於國一轉移間而利弊相去遠甚易曰弗損益之利有攸往侯於此固有並受其利者矣今侯報最已久且晚即磨不次之權民之感其德者恐後人不知所自始相與刻石以志不朽嗟乎天下事惟爲所當爲而已利於下不便於上既相戒而不敢爲乃上下

集

卷之三

八

均利職斯土者皆有可爲之實而因循自便卒不肯爲此豈爲民設官之意乎故因邑人之請而紀其實并爲後之司牧者望焉

休園記

休園在江都流水橋故水部士介鄭公別業而其孫懋嘉孝廉讀書之處也水部當明季時與兄超宗贊可兩先生文章聲氣重於東南超宗有影園贊可有嘉猗園水部獨無所營晚始買朱氏舊址以娛老因名曰休園子侍御晦中公繼之園乃益盛兩公相繼致懋嘉孤幼幾爲強有力所奪者數矣懋嘉提北關始舉而增修之其中曰休園曰語石曰雲山閣其右曰蓋栖曰花嶼曰青霞別業曰金鷺書屋曰琴嘯山琴嘯而左經竹林長廊數十間曲折環繞曰衛書軒

集

卷之三

九

曰含清別墅曰得月中爲墨池樓樓前壘石爲峰下爲池架以石橋峰前後皆有亭曰玉照曰不波航曰枕流曰空翠山亭結構蕭爽極園林之勝特地近內宅遊人多不得至余以一日之雅登臨而徧歷焉大約園之景臺沼而外有古樹有修竹有高柳長梧而石山爲最山凡三而樓前高大者爲最登其顛望之維揚兩城歷歷鱗次江南諸山縹緲煙霧間余名之曰第一峰不異登吳山左江右湖煙火萬家也園之時宜春宜秋宜夏而余以仲冬至積雪滿天寒鴉叫樹時聞竹中鶴唳聲寂絕似非人境余賦近體二章

并題石峰兩截句愁嘉復請余爲記夫江都繁麗之區故多園亭然自隋煬以來所謂營花迷樓竹西歌吹固已不可踪跡矣卽如趙宗先生影園稱極勝當時黃牡丹盛開集四方名士譙飲賦詩緘封屬虞山錢宗伯論次以南海黎美周爲第一至酬以金卮抑何盛也轉眄五十年間園林易主臺榭荒蕪近且不知其處而水部休園獨巋然於兵戈患難之餘豈非園之盛衰固賴乎其人歟愁嘉旣登賢書文名卓絕江左繼自今益務栽培使堂構之貽子孫世世守之是則愁嘉續承之大而亦兩公所險持而默相之者

健松齋續集

卷之三

十

也如以耳目之玩丹雘增飾爲不墜先澤猶其小焉者已余之語愁嘉者如此遂書之以爲記

重修樹聲樓記

邑向有巨鐘始於元至元已卯蛟峰先生爲之銘其聲清越聞數十里舊懸東城樓明萬曆中吳侯爲諫移置獅山書院之左建樓居之顏曰樹聲取尚書彰善卹惡樹之風聲之義其時有不法者復令出贖錢構興文臺於龍津自是民物康阜文教大興至今頌吳侯之澤不衰顧歲久閣圯雖屢經修葺而頽壞且益甚鐘之設而不扣者二十餘年矣何侯治縣十載潔已愛民政通人和之服葺而更新之適細民干法薄罰之使佐工其彰卹之用與吳侯先後若出一轍

健松齋續集

卷之三

十一

從此傑閣凌空華鐘在簾嚕咍鏜鞳之聲徹於遠近清夜聞之當必有惕然浹省者矣是役也盖有三善焉興廢舉墜以致用也戒夜行警東作以趨時也迓天地發生之氣達其精英宣其鬱滯以解民愠而鼓士氣也聲音之道與政事通然則一鐘雖微其施及於民豈淺鮮哉工旣竣屬予記其事因書此勒石以告後之樹風聲者侯諱偉號五峯關東人

程只嬰諸像記

予與只嬰定交在癸巳冬距今四十年丙午先仲兄李荊州延之西席予畱署中匝月相聚極驩明年先兄改令合肥只嬰遂家居予亦馬首南北中更喪亂音問遠隔者二十餘年矣丁卯十月予遂豫章邂逅由溪訪之只嬰驚喜攜壺榼臨江席草而坐叙亂離聚散之情知交榮落存亡之感歔歔太息聞及鄉曲舊事則又鼓掌大笑江邊人聚觀以爲怪詢好事者寫爲由溪訪友圖亦一時佳話也只嬰潛修砥礪足不入城市年踰六十尚乏嗣七旬內外乃連舉二子

健松齋續集

卷之三 記

三

嘻奇矣古人有言壯盛智慧殊不再來語石之役同學二十人皆年少負才屈指三十年來凋謝大半先兄又於客秋奄逝幸存者六人耳只嬰巋然強健且能舉雄可不謂厚幸歟今只嬰年七十四予犬馬齒亦六十有一早衰善病精力不逮遠甚天假餘年當扁舟襍被一登黃山爾時再過由溪班荆道故如向年江邊坐談時其爲驚喜不知更何如也只嬰寄畫像屬題因書此報之爲他日券

伯兄拔貢公畫像記

伯兄諱象琮字玉宗號蓉卬晚更號緘齋大父間學公家孫伯父歲貢公長子也少善屬文與仲兄合肥公齊名藉藉庠序間明末大亂舉家避地衡婺公以事獨畱遂首被難久之始得免時文尚詭異公獨力崇雅正同人或笑之已文體一變乃服公定見焉自是讀書語石山下帷勺圖日課皆有定程不事泛覽間從諸少年遊而課終不廢辛卯科試首錄甲午拔貢入成均明年廷試第二人時從叔侍講公官翰林公隨游獨久侍講之變周旋禍難不辭勞瘁然榮進之意澹然矣庚子以後遂不復應舉或勸之仕乃試於吏部得邑丞棄之而歸家居茸舊宅召伶人度曲爲樂性和易近人人亦羣相親暱無賢愚貴賤皆得其歡心又慷慨好義有不當正色叱之爲人排難解紛終身不厭或傾貲以濟不計也服則彷彿鍾玉楷書所刻沁園偶吟整練有法或羨其間適公掀髯笑曰此豈人所難顧人不肯耳其高識如此晚年慨蒞師授人三世尚厝淺土與季父太學公精心地學手鈔地書盈尺皆蠅頭細楷跋涉岡巒日數十里不能見一佳壤不惜捐金購買未幾復棄去雖所志未遂

健松齋續集

卷之三 記

三

用心蓋已勤矣最後始營斗閣奉大父母歸藏焉丙寅秋感微疾尋卒公偉貌豐髯少時病脾晚乃益強健予奉假南歸遇公於廣陵舟人驚異不信爲余兄也今公捐館已六年每念語石之役余兄弟同事筆研當時有三方之目仲兄雋賢書余與公長舍大被相依最久別來且十餘載方期築室山中與二三老友論心話舊以適餘年乃公既先亡仲兄頃又淪逝撫今追昔慨焉傷之兩姪出畫像索題因述其生平如此余老矣衰病綿延精力不逮兩兄遠甚披視遺容不禁泣泣然泣下也公生天啟癸亥十二月初十

健松齋續集

卷之三

十四

日卒康熙丙寅九月廿三日壽六十四配余氏繼建德孫氏子二引禮引祐詳載家乘不具述

豐樂園記

遂安踞浙江上游風俗醇樸讀書耕田外無奢靡之好往時家給人足頗稱樂土自甲寅被寇以來元氣彫傷瘡痍未起蓋民之失其樂久矣何侯蒞政十年加意撫循人漸樂業其仁明廉靜有先憂後樂之志癸酉夏大旱浙東西諸郡呼號請命所在見告環遂百里中獨澍雨霑足歲皆有秋侯乃戒騶從于田而親獲焉一時農倪歡呼謂非仁愛格天不至此侯顧而樂之命工寫照而繪其事爲圖名之曰豐樂凡婦子之恬熙鷄犬之馴擾乘耒荷耜之氓扶杖聚觀之

健松齋續集

卷之三

十五

衆熙熙穰穰參錯於阡陌之間蓋侯樂民之樂而民亦相與忘其樂卽此可概見矣昔歐陽公守滁以太平無事人和歲登作豐樂亭與滁民偕游侯之書圖其卽此意也歟顧自題卷後謂下車時年未及壯在苒十年貌日加蒼若有歲月蹉馳之感夫賢者不憂已之肥瘠而以民生豐腴爲樂今侯業屢經報最矣異時黑頭作相取斯圖觀之恍然見田野耕農之轉則雖數十年後麗眉皓首而豐樂之學猶歷歷毫末間也豈僅一丘一壑肖貌傳神已哉

論

昭烈論

漢昭烈崩於永安宮召丞相亮受遺命輔政曰君才十倍曹丕必能安國家定大事嗣子可輔輔之如其不才君可自取吾於是歎昭烈爲失言矣夫古之顧命者其君之於臣心知而後信之故在上確然任之而不疑下亦毅然受之而不隳卒能轉亂爲治易危爲安而家國並受其利苟有所游移兩可於其間則

健松齋集

卷之四

十

嫌疑之際方憂義民禍之不遑何能爲國家謀大事哉昭烈於丞相情同魚水可謂知之深信之篤矣後主昏愚暗弱帝又慮之審矣且夫數十年來君若臣所爲經營川蜀以圖中原者爲劉氏也不幸中道崩殂所志未遂吾意昭烈於此時當熟思審處曰可輔輔之不可輔則擇劉氏之賢者立之孔明王佐之才其持危定亂必有以處此而大事未可知也乃智不及此而曰君可自取嗟乎是何言歟後主知之謂大夫人信之是置丞相於嫌疑之地而無所措其手足矣故相後主十二年明知其決不足與有爲欲變

而擇賢則諸大夫國人將因先帝遺言疑其假伊霍之名而爲莽操溫懿之舉固斷然不敢犯天下之不可難欲不爲變計而亂且日浚危且立至劉氏終不可興又何以報先帝於地下躊躇顧慮不得已而上表出師鞠躬盡瘁繼之以死此丞相所以不能混一中原而漢祀遂斬也然則劉氏之亡雖曰天意抑豈非人事哉或者曰昭烈知禪不才而羣臣無出孔明右者故寧正言之冀其德已而不忍取嗟乎此所謂以小人而度君子者也夫昭烈與丞相處幾何年矣意豈一日忘劉氏乎臨危顧命既不知有其子亦何至以不肖待丞相其言真誠迫切出於至情特自後人觀之一言之失使丞相不得盡其持危定亂之才雖帝慮有未周亦天所以限劉氏耳忠貞如孔明卽命以擇賢其肯遂爲博陸之事乎哉然則昭烈之明丞相之忠其心皆可告天下萬世而惜乎其失言也

健松齋集

卷之四

半

王祥論

忠孝無二道也孝於親必忠於君故曰資父事君又曰以孝事君則忠苟名成於家庭而節義於末路君子未嘗不惜其忠孝之兩失也晉太保王祥非所稱孝子者哉跡其生平何篤於親而薄視其君也當建安中呂虔辟祥為別駕委以州事則固漢臣也屈身事魏已不可問矣高貴鄉公之立以定策功封侯其幸學也尊以師禮榮寵亦已極矣高貴之弑朝臣入臨祥惟號慟稱老臣無狀而已晉武受禪且拜太保晉爵睢陵公數十年間歷事三朝視君國之存亡若健松齋續集卷之四

三

傳舍然會不以爲意此與馮道之四姓十君何異哉況祥以孝名自辟舉至公孤皆求忠於孝之日也以若所爲豈忠孝果有二道而篤於親遂可忍然於其君乎失身則不忠辱身以及其親卽並不得爲孝相習成風忘君事警恬不知怪則皆太保作之偏耳觀其臨歿訓子諄諄信德孝悌讓五者而絕口不言忠意其存心固如是或亦自諱其所關歟嗟乎世衰道微廉恥不講久矣孝行如休徵乃覲然喪其生平而不惜君子於此未嘗不嘆其忠孝之兩失也論人者毋殉一時之名而恕其終身之大節也哉

趙普論

宋太宗背金匱之盟趙韓王實贊成之致使德昭自殺廷美德芳皆不得其死論者皆深罪普普之罪大矣然普能奪太祖之天下以殂太宗而不能使太祖之子孫終不有天下蓋天之報太祖所以申金匱之盟論者或未及也自三代以來父有天下傳之子未有兄傳弟弟又傳弟以及其兄子者杜太后倡國有長君之說贊其議者韓王也卒之嫌疑猶逼禍延孫子亂匪降自天生自婦人信矣乃太祖恪遵慈命絕無吝惜其幸於親友於兄弟有非近世帝王所能及健松齋續集卷之四

三

者趙普一反覆小人耳始而成之繼而背之其言曰先帝已誤陛下豈容再誤一言釀骨肉無窮之禍推其意不過逆揣太宗之心曲爲逢迎以保富貴何嘗爲國家計久遠哉逢君之惡罪莫有大於此者矣然而太祖之子孫終有天下則非普之所能逆料也高宗無子選立太祖之後是爲孝宗再傳而光宗寧宗皆秦王德芳之裔也寧宗授高宗故事復取宗室子立之是爲理宗亦再傳而度宗恭宗端宗帝昀皆燕王德昭之裔也夫二王既不得其死矣亦豈意數百年後其子孫復能相繼有天下與宋爲存亡乎吾故

曰普能奪太祖之天下以殂太宗而不能使太祖之子孫終不有天下蓋天報太祖之孝友亦以伸金匱之盟也然則普亦何樂而甘爲小人也哉

先儒論韓王者多矣然二王之後復有天下普所不及料則亦徒爲小人耳此論從來未發

自記

于謙論

余撰明史于謙傳而渼有感也當英宗蒙塵謙奉郕王卽位此卽鄭人立髡頑晉人卜貳圉之意宗社危而復安上皇去而復返謙之功大矣乃易儲倡於黃璫襄世子之迎造於饒口而謙坐大逆棄市何以勸忠義哉論者謂謙得君行志近世所未有南內之幽東宮之易不聞一言匡救天順丁丑之禍未可獨罪徐有貞嗟乎亦嘗卽當日情事思之乎帝之任謙徒以功在安撫非眞一德同心若古君臣相得之盛也兄爲太上彼何嘗不以爲尊養降尊處卑恐逆天道

自其致書迓北時已無意通避矣廢沂王而立懷獻帝意已決非口舌可爭謙身任安危豈與鍾同章綸同試虎吻哉且謙嘗稱徐武功矣大臣得君至薦一祭酒不可得况廢立之大乎特自事後論之在當日固少此一諫耳明知諫必不入遂不復言夫與其不言孰若言之不聽盡吾心以告天下後世而惜乎其未出此也君子不以一青掩大德愛謙者固不必曲爲之諱卽警謙者亦豈得以此遂沒其功哉王世貞曰人君欲易太子雖留侯不能得之漢高而謂忠肅能得之景帝嗚呼是可以論謙矣

辨

壽亭侯辨

關壯繆封爵世皆稱壽亭侯而不知其非也壯繆蓋封漢壽亭侯云漢壽漢昌皆蜀漢地名漢壽卽廣元縣漢昌卽蒼溪縣皆屬今保寧府亭侯則當時爵名如昭烈初封宜城亭侯之類無所謂壽亭也壽亭之說始於俗本三國志演義謂羽在曹公軍中降漢不降曹操封爲壽亭侯辭不受加漢字於上乃受之其說一出天下後世皆信以爲真蓋演義便於通俗俗人目未嘗見正史間有讀書稽古之士滾知其謬然

健松齋續集

卷之四辨

五

不能勝說演義者之多故終無有信之者壯繆英爽不泯其肯受此不倫之稱否也近時錢唐有人載得一漢玉印以獻當道命貯之西湖關廟中僧遂神其事求閱者人索錢十緡又市香燭供奉始敢開視客有見之者歸語予予詢其印文曰壽亭侯印也予大笑不復往視演義之惑世不知始自何時至播爲印章不亦重可笑哉廣輿記載黔之安南畢節諸衛有壽亭侯廟則所從來久矣予嘗舉以告人疑信相半著之於辨當亦壯繆所樂聞也

曹娥碑辨

世說魏武帝嘗過曹娥碑下楊修從解碑背題字爲絕妙好辭予切疑之曹娥上虞人其父也縣長度尚屬邯鄲淳撰碑刻之江上因名曹娥江蔡中郎亡命江左嘗采柯山椽竹爲笛於時題其碑陰或未知然黃絹幼婦外孫羞白邑傳無其文也當初平中孫策據有江東吳越諸郡歸孫氏久矣武帝雖數引兵南征究未得一渡長江何能踰吳入越過曹娥碑下耶今攷武帝紀暨修傳皆未及其事不知世說何據而爲此千百年信之不疑可怪也吾嘗觀中州志載

健松齋續集

卷之四辨

六

黃絹碑在洛陽恍然者久之所謂相去三十里其卽此耶然洛陽何以有黃絹碑曹娥碑又何以至洛陽也意好事者摹其文刻石若會稽禹廟之街山碑乎志未詳其始末孰從而信之夫蔡傳旣無其文楊傳亦無其事洛陽石刻又未得所據而謂曹公實從竟度錢唐上會稽經由孝女之祠墓不根甚矣故絕妙好辭不獨讀者不可信卽碑陰八字恐亦不能無疑也世說類此者多矣吾安得起臨川王而問之

曹娥碑辨二

魏武未嘗至江南世說之謬既辨之矣顧碑陰八字為蔡中郎題則世說所未有也不知始於何人謂邑夜往觀捫而讀之題八字於後云云今考邑本傳如燬下焦桐及瑩瑯捕鰥諸細事無不備載獨無黃絹數語何耶其為偽託無疑即謂果出邑手語頗俚俗無義蘊不過測謊射覆小伎耳伯喈曠世逸才乃以凡近侈神奇耶劉辰翁云不知古人何見為此凌濛初則云伯喈好作此無謂語焉得不私論衡於枕中此皆信以為真而詆之吾則直斷其偽而已矣或曰

健齋叢書

卷之四

七

武帝作相國門書活字嵇康訪友亦題鳳字何獨疑於邑夫題門二字亦復有何佳乎其傳會亦猶是也特古今輿傳已久有識者自知之安能與世俗爭真偽哉吾嘗謂古人受誣惟中郎最甚有子而以爲無嗣女之沒何奴無所據而好事者造爲胡笳十八拍鄙俚不成語非獨誣邑且誣其子女矣若高則誠琵琶記尤不可曉意果有所指何難別撰一名氏乃無端嫁之中郎文人役猶如此因辨黃絹碑并及之

晉書蔡邕字季野高才也羊祜邑外孫皇太后同座平吳功當建爵以讓舅子蔡邕討封侯開內侯又蔡克傳克祖陸邑之孫是邑有子孫女亦非祿董祀也

考亭辨

世皆稱朱子爲考亭向亦謂居其地則稱其人如西山五峯之類及觀建寧府志則考亭固非朱氏之亭也志稱南唐御史黃子稜從父入閩悅建陽山水因家焉父歿葬三桂里子稜築亭山半以望其考名曰望考亭建陽陳氏族譜又云宋侍中陳遜構亭望其父廣寒先生扁曰望考後人因名其地爲考亭焉爲黃爲陳未知孰是然非朱氏之亭明矣朱子自崇安遷居建陽實在其地人遂以此稱之夫以地稱人可也以他人之地稱之則不可以他人望考之亭稱之

健齋叢書

卷之四

八

則尤不可大儒之名稱其可荷焉而已乎或曰朱子歿理宗詔立考亭書院親題額賜之考亭之稱由書院而名也吾意不然夫書院之立名其地非名其人也帝方褒崇正學特表而著之若曰此朱氏講道之地云爾非謂考亭爲朱子也世人不察乃以名書院者名之夫朱子在考亭有雲谷有滄洲精舍天湖之陽又有寒泉精舍不以此數者稱之而獨取於他人之考亭何耶觀勿軒熊氏書院記建之考亭卽魯之闕里亦謂考亭所繫至重耳未嘗以稱朱子也如必以考亭稱朱子亦將稱孔子爲闕里耶故後人推尊

從其始生之地則曰新安所居之山則曰紫陽斷不
容襲他人望考之亭以爲推尊也當時及門之士未
聞有此不知始於何人何時遂相沿莫知其非亦思
考亭者誰氏之亭也哉

說

意堂說

四弟式子究心醫理咬咀刀圭皆極精近以已意切
脈輒能中病求之者日益衆弟恐以僞亂眞屬予名
其堂以別之予聞醫者意也意不可定惟通其變者
神明之蓋古今氣運不齊人之強弱亦異執古人之
陳法以治今病七方十劑各有所宜亦各有其意不
得其意而通之終日讀書與庸醫等耳傳不云乎書
不盡言言不盡意又曰以意逆志天下之理莫不皆
然寧獨醫乎哉往時雲峰吳先生精醫理按脈製方
絕不與症對時醫咸非笑之然所用多奇効如白痢
用芩連赤痢用薑桂附子愈疔石羔治胎產意之所
之觸手皆應蓋神明於意之中而變通於法之外乃
所謂善用其意也吾弟學醫亦惟得其意焉可矣因
名之曰意堂而著其說如此

燕芋說

康熙壬申春秦晉大饑斗粟千錢民流入河南北者數萬計鳩鵲之形狼藉道路或則委諸壑或漂流入河見者哀焉三月七日予自賴赴汴艤舟朱仙鎮見道旁一餓者息奄奄垂盡飲以水能嚥大飮其面尚引手逐之予欲求其生不可得比再問之則已歿矣予心惻然給錢數百緡屬土人瘞之謝不敢恐官司驗問貽累也予嘆曰掩骼埋胔王制也今流亡載道將爲諸大夫言之何慮爲土人乃受命穴土三尺許周以甌罌以葦箔草草藁葬毋使暴露焉爾事竣還健松齋續集

卷之四

上

報明旦聞風而瘞者數輩予不覺愴然太息方流民之轉徙而至於歿也犬豕狐鼠伺之魚鱉甘之溯河村落間不知凡幾矣斯人不幸而不免於歿猶幸而遇予不飽於犬豕狐鼠魚鱉之口腹天陰鬼哭或者其無憾歟然而其人之姓名居址吾不知也猝然而遇之是殆有數焉使其人不流移此地則必不遇予予不汴遊亦何從而掩之即遇予矣而予終沮於土人之疑懼則亦聽其暴露已耳偶然之舉倘亦所謂夙緣乎沽名市恩非予之意也

書

東陳椒峰

便道過訪淡慰契濶足下治具留飲得讀近來著述并觀畫圖池亭竹木之勝家居有此殊自不惡正不必逐逐十丈輓紅塵耳史論序舟中草率報命希收削用之所懇詩序僕在館十年奉使萬里資俸已當量還原無高飛遠避之事祇以性甘恬退年過五十職掌稍盡即請假歸里今十有一年矣比來訪聞四方遊踪所至吳門廣陵豫章汴宋閩中頗多紆墨足下以此爲文使僕知止知足之意見信於天下後世健松齋續集

卷之四

上

拜賜多矣詩不過一時遣意都不能工勿過於揚抑若世俗之所爲也所之二字兼陶公饑來驅我工部藥餌扶吾二意僕自題有云吾所苦者貧與病耳乃縱吾所之且得置身陶杜之間貪病何足累人語意似高自比益然達人曠致豈必定讓古人彼疏傳七十始致仕僕五十四歸田以今視昔爲何如哉足下知我諒勿笑其狂也人便率復并望教我不盡

與鄧匪寧書

日承寵召飲德醉心謝謝啟者先曾祖諱可正前明
天啟間由桐鄉司訓擢令壽寧簿有治績從祀兩邑
名宦距今七十餘年昨在會城見八閩通志名列祠
祀而郡志宦績未爲立傳雖考據無從或亦蒐求未
到終屬缺典前歲客桐鄉亦因名存實闕貽書鄭廣
文切言之而鐸板已定姑俟異日今當建志告成之
時足下適董其事僕又適來此邦機會相值似非偶
然倘於此而仍聽其泯沒則高曾亦何賴有此後人
哉僕之罪愈滋心愈戚矣况既載名宦原應立傳非

健松齋續集

卷之四

書

月昧濫附之比謹采家傳中宰壽一二事并成小傳
錄奉台覽所垂念往誥卽發志局續壽寧宦績之後
從此得附不朽不獨寒門舉家感戴卽先曾祖亦啣
結九京矣又建陽縣考亭書院載元至元二十五年
郡判方逢辰建閣之駭然夫方公逢辰世所稱蛟峰
先生也宋末大儒入元不仕天下後世高其風節何
云通判建州耶今據勿軒熊氏考亭書院記內云龍
門母侯逢辰灼見斯道之統云云又云歲戊子侯爲
郡判官始克修復乃知重建者龍門母逢辰也與蛟
峰名同故弘治志偶爾誤刻而萬曆志遂因之一字

之錯歷數百年所關於前賢名節不小急宜更定庶
不致貽誤千秋耳又舊志宦績內浦城令余公綬誤
刻建昌人崇安令余公乾貞誤刻瑞安人二公皆敝
邑前輩乃遂安也緣字音相近遂致訛舛想新志必
仍舊本并希鈞論改正僕生平讀書不肯苟且率易
過有訛漏必詳考審定而後快足下想有同心故具
陳之惟崇照不宣

健松齋續集

卷之四

書

與洪虞隣書

別來五六年矣老年交好會而無由言之悵結每過西陵從丹老詢問起居知動履康健且刻書之興勃然私心甚喜顧書類繁多勢難並舉不若專力於十家之選蓋吾輩半生心力止此數篇文字湮沒無聞實可痛惜表章而力任之此足下之志亦同人所厚望也乃經營日久迄無成局不知更待何時昨見足下與丹麓書云一息尚存此事斷不容已又與林西仲書則云家有穀千餘石可供梓人典中存剩千金可應紙板工費之用果爾則雕刻之事無煩籌畫矣

健松齋續集

卷之四

五

何不趁此精神乘此物力即以吾意論定寧少無多尅期告竣然後借光西仲索其一序不過數月即可傳布海內足下之志願畢矣若蹉跎不決日復一日吾輩年過六十瓜熟蒂脫能復幾時不且重負同人仰望之意哉至於西溟不欲與自當聽之不妨借重姚江前輩耆宿於集中亦自生色愚意如此頃質之仲昭會侯丹麓所見略同惟猛力圖之僕數年踪跡總不脫貧病二字近復爲亡媳毛烈婦營建祠坊所費不過三百兩而僕僕求人四年未就時勢之難如此僕原無美田宅貽子孫之意若得完此一事卽杜

門守拙不復作浪遊想矣昨會侯云足下曾爲亡媳作墓志歿存均感乃至今未蒙見示使中希錄寄但殉烈原因合葬亡兒行述具拙集中望采數語以慰泉壤此又僕之所仰望而不敢請也秋風漸厲珍攝爲正握手何時臨風可勝馳切

健松齋續集

卷之四

六

與章范山書

紀綱歸具悉起居佳勝道承惠問潑感注存犬馬齒
衰貧病如故乃復懷遠念及耶婉矣婉矣報錄至知
有超擢之喜爲之狂躍吾邑自毛光祿姜鴻臚兩公
後省垣虛席八十餘年矣光祿之爭國本鴻臚之論
客氏清風直節閭里至今能道之足下長才偉望躬
膺特簡從此昌言讜論爲國家典利除弊此天
下之幸非止一邑之光也司馬溫公諫院記云天下
之政四海之衆得失利病萃於一官使言之必志其
大舍其細先其急後其緩專利國家而不爲身謀彼
健齋齋續集 卷之四 書
汲汲於名者猶汲汲於利也數語自是古今言路準
的足下讀書學古時已志之久矣不負所學蓋在於
此況

皇上集思廣聽許臺省風聞論事一時封章侃侃殊
快人意近又頒賜御製臺省箴翻譯勒石復嚴飭
被叅反噬之禁大哉

王言真諫行言聽之會也唯望乘時建豎上副

聖主之虛懷下鼓同官之勁氣遠行水勒石之規
近取鄉先達服官盡職之義致

君澤民聲施奕奕所謂仁義之言詞如也豈必鷹隼

薄幸始稱名諫議哉敬因申賀謬述所聞勿以迂而
笑之至於里中利弊與前頗似不同僕向年竭盡心
力通國所知足下所同事今良法弊廢將來必有更
張僕老矣精力頓衰言動氣索勢不能更爲鴻臚來
論云曾向新令君言之具徵同心之雅尚冀舉而新
之不獨父老子弟得安田疇而樂婦子即僕網繆桑
梓之意不致泯沒則雖伏處田間其爲叨光多矣足
下古心厚誼故井及之輩上請公多舊時交好歸田
以來概未修候蓋草野姓名不堪實聽且不能徧札
恐以異同開舉倘有差問以此道意幸甚

健齋齋續集

卷之四 書

六

報朱竹垞書

睽隔日久頃始獲晤乃以當事驟至倉卒別去竟未
得一叙闊懷十數年來同人彫謝大半老年兄弟落
落晨星未知何日更得握手也大選已就緒否明詩
體格卑下不及前代遠甚隆萬以後習氣薰蒸賢者
不免一變而為公安再變而為竟陵作者愈多正音
愈遠不獨蒐采之難品題亦復不易近日競摹宋詩
一二人倡之羣起而效之塗徑一開瀛海日甚高者
擬拾蘇黃規摹范陸越岸然以唐人為不足學而其
卑者至祖漢魏率不取諸夫宋人佳處亦自骨力

健松齋續集

卷之內

七

堅凝詞理秀拔非湖陰腐語遠為宋詩也障在瀾而
返之非足下誰望耶今幸主持選政起衰扶弊正在
此時唯冀痛掃時習力返唐音挽回廊清固不可藥
之隨波逐靡之流也鄙見如此竊謂一得之愚故為
足下陳之先大父集向有刻本兩經家難悉燬於火
少時從親友處借鈔成帙今錄五十八首以備采擇
敝鄉前輩具睦州詩派一書近淳安鮑廣文復葺青
溪先正詩集未審皆已購得否商文教集古今體詩
僅五十餘首不應如此寥寥想當日遺失或後人蒐
求未備耳竊公一代人物自不可少選錄十首亦吉

光片羽也汪總督詩文不傳向覓得七律二首刻懸
志中悲涼感慨集中有此殊自生色所謂人傳則詩
亦傳固不在多耳率此報命不盡

健松齋續集

卷之內

辛

健松齋續集卷之五

遂安方象瑛渭仁著

文

答破屋問

卽所居前楹也棟宇粗具以困於參藥未能
完葺秋中客有勸予修治者書此答之家居
景況卽此可概見矣

破屋數楹先公所構重閣未梯空堂未就老人苟安
租營中葺棟宇依然蹉跎如舊有客來過徘徊顧叩
侍從清華駕班駘音謝病歸田風高宇宙知無葺

健松齋續集

卷之五

一

居干雲摘宿舄整齊之庶幾中厠胡乃草草名堂實
繆食至此乎誅茅可覆荷或矯情將無來話主人謝
客潤屋者富第宅區分棲身圓固十載寒官編摩校
紬音由集也史託紬萬里川巴崎嶇論秀棧雨蠻煙
舟車奔驟示老怔忡倦懷丘首投牒南來言從耕耨
悵矣無家心傷彼寇幸此數椽如璫若廐薄言葺之
於焉停畱音顧困沉疴參苓莫購貸金典喪
痊除未奏毋苦饑驅尚嫌銅臭詎有餘靡丹題刻鏤
十有七年蝸廬蟄伏野鵲巢梁開花滿瓮人恤吾貧
草門主賓安用矯爲百年鵲殼鵲斯詠斯以妥以侑

身既隱矣居之何陋登斯堂也玲瓏四透文甃綠垣

縹瓦承溜豁達庭除空明簷窗月好自來風輕早逗

雷雨晦冥會無侵漏重門洞開心其如觀爰居爰處

浮生若儼門設常關庭無奔走睡穩三竿風清兩袖

坐起繩牀兀然清晝藥檢驗方書荒句讀簾網蛛絲

几塵鳳味天宇寥寥荒階草茂塊然獨處何知機穀

一堂四世瞻瞻耄壽齒豁頭童龜潛鶴瘦鳩杖不扶

緩鍵慵售卽步田斯須談宜邂逅春酒盈樽團圓

長幼於世無求於心何疚百堵由人一杖聊授丹蘄

坐簾待之我後人亦有言出處異侯往者病旋群同

健松齋續集

卷之五

二

復飲今幸稍瘥維天之祐

帝念儒臣田間訂鉅歲月久稽矯修其懋行李侯焉

資之糧糗天語傳宣輪蹄輻輳胡憊敝廬虛此良

邁漸魂曉翁予度予究十丈輶塵籠禽檻獸鳥既倦

還雲寧出岫七十懸車於禮宜宥力謝龍鍾才銷鉤

繡敢以衰頹虛糜芻豆仰負宸恩俯慚世冑安分

知幾庶無顛仆吾爰吾廬果蔬環湊籬翠晚菰簷紅

早柚簾架瓜棚怡情枕漱以適餘年澄觀復妬松菊

歸來云胡其又收良之吉銘諸座右

宗祠春秋祭祝文舊作補刻

歲序易流時切弓裘之感淵源有本敢忘霜露之思
追溯云遙顧瞻如在惟我先始祖實自白雲宅於遂
邑宗祊攸肇炎農之緒常新奕葉相承耕讀之風彌
遠爰迨二祖克紹厥先洎乎八公益昌乃後支分派
衍列祖多厚德之貽外舉內修群妣盡襄成之義凡
茲俾熾俾昌之慶施及子孫孰非克勤克儉之模推
原祖考今者祇薦歲事敬告先靈伏冀式臨咸同嘉
饗宜家保族綏百福以無疆祝嘏告成永萬年於勿
替尚饗

健松齋續集

卷之五

三

引

爲王翁題照并徵六十詩書引

同里王生震抒年少善屬文與兒子引禪同筆研聲
藉藉岸序間明年夏六月爲其尊人文若君六十壽
親友擬爲屏障祝之君堅卻不受震抒謂無以娛其
親屬青溪山人寫照偉貌豐髯宛然神似於是裝潢
成冊將徧求詩畫索予一言申其意夫今日屏障濫
極矣綴拾浮辭竊公卿之姓字連章累幅似不必問
其人而皆不可無其事有識者耻之君之高識如此
而震抒又能曲體親心因題其像并爲雙壽祝披斯
圖者彷彿如見其人詩中畫畫中詩其以予言爲徵
也夫

健松齋續集

卷之五

四

徵重修方氏族譜引舊作補刻

蓋聞人本乎祖寧忘芝體之思而譜必有書始爲淵源之誼故歐蘇記載惻然以敦本念始爲心而閔郭貽譏凜乎惟冒系混宗是慮彛倫攸叙修輯宜先粵惟我宗宅於遂邑炎農之系久矣詎等遙遙華胄之稱唐宋以來秩然已觀奕奕本支之盛乃宗祊通行繁昌幾二千人而纂序闕如散漫且百十載閭學公屢勤蒐考未覩成書侍講公載擬修明尚虛素志是用廣集諸宗周咨閭族上稽鼻祖下逮耳孫若繕書若紀述務俾祖宗之德澤備著簡編或儲粟或醴金

健松齋續集

卷之五

五

庶令子孫之姓名森陳譜牒支分派列要惟傳信有徵襲舛承訛亦以闕疑志慎凡我二祖八公之裔共敦一本九族之情特疏預聞屆期毋後

贊

外祖比部吳公像贊

望之儼然時外王父偉貌豐髯碩人俱俱高曾四世作邦柱礎維公嗣之邁絕儕伍孝事慈闈兄恭弟撫一堂雍雍內外式序早擅文名鸞翔鳳舞十舉數奇副薦兩午晚以明經分曹比部哲人知幾屢棄簪組雲峰清泉悠然古處嚴氣正性言規行矩里畏彥方人欽仲舉積學紬書老耽毫楮著述盈笥載輯家譜旁綜軒岐施及貧婁片言解紛奔危卹苦仁人昌後提若梓鼓誕啟諸舅六龍繼緒孫曾蒸蒸克溢庭戶

健松齋續集

卷之五

六

貽厥孫謀繩其祖武繄誰之澤以篤其祐言念母氏公之長女幼侍歸寧受書者古公謂宅相咨嗟獎與五十年來寧忘斯語七袞全歸式瞻堂廡肅肅遺容宛其如觀用述平生昭茲來許宜爾子孫毋忝厥祖

毛會侯松壑據琴圖贊

誰傳阿蘭呼之欲起聽萬壑之松風俯流泉之瀾瀾
橫素琴而御恍清音其在耳是冥心靜息非彭
澤歸來誰解此無絃之至理

健松齋續集

卷之五

七

錢治人像贊

兀坐者誰翩翩俊雅吾識其人世承弓冶云何獨處
修篁之下怪石嶙嶙奔泉欲渴乍悠然而會心儼襟
期之蕭灑是乃名士風流而非同竹中之隱者

同年張吧雲進士像贊

彼何人欽蒼顏皓首卽而視之是吾老友悵廿載之
分攜歎遭時之不偶空倡學於海濱抱遺經以啟後
是其著書講道固將抗志千秋而奚必藉勲名以不
朽

健松齋續集

卷之五

八

叔父太學公像贊

於欽季父家傳弓冶博通掌故貫穿班馬訂六書之
謬謬表言辭於大雅惟旁綜青烏之書乃周歷千窮
山僻野當其率真疾惡雖使酒罵坐而不厭其狂洎
乎刻意砥行卽敝衣蔬食而不疑其假誰爲遺客仙
仙欲下微巾服之逍遙手霜英其盈把見之者謂栗
里高人而不知其嚴氣正性蓋古之狷者

柴虎臣先生授經圖贊

學古行高是爲通儒執經問業道在西湖中厲貞尚
箕穎爲徒而德愈卽爾神益孤使其學爲世用當高
視乎虎觀石渠而乃歛德辟世自擬於閉戶之潛夫
傳經有子蕭灑巾裾後之學者欲想見一堂之授受
廢髮髯乎斯圖

健松齋續集

卷之五

九

王生按劍圖贊

丹麓
大君

翩翩年少能讀父書云何不樂乃有此圖豈眞騁雄
豪於一劍倘亦慷慨不平姑藉是以快其心與非然
而奚取乎照水之昆吾

丁公銓陸耕圖贊

隱耶與耶才傾鄴下我觀其人風流文雅胡乃遊名
於彼田野抗高志於躬耕悅春觴之里社豈眞陸彼
南畝希石戶之孤蹤或亦抱邨長吟自比乎墮中之
隱者

健松齋續集

卷之五

十

從弟晉瑞像贊

吾家惠連溫其如玉世德續承整躬自淑翔步榜門
以貳州牧需次里閭燈窓課讀誰傳爾神宛然可掬
蕭灑同亭雍容春服好景登前暢心爽目童子何知
伴予幽獨是卽蘭亭梓澤名士之風流而何必瑯樹
瑤林問僊人之遐躡

題跋

何御鹿大山堂詩題辭

往在都門素存宗伯論京口名宿每稱何子御鹿及其小阮雍南蓋何氏故多才也今年冬見御鹿於邦上時方選詩儀雪滿平山寒梅著蕊僧寮佛火間一燈一研徹夜分不休想見名人高致顧尚未識雍南耳御鹿出其近詩示予原本性情出入風雅其聲調氣格自是唐初正音近人好摹宋詩高者拾蕪黃范陸之餘藩卑者鄙俚淺率對之令人作數日惡然相尚成風且以唐人爲不足學對此當廢然返矣家兄健松齋續集

卷之五 題跋

十一

旌節錄題辭

往辛丑壬寅間從弟象玠次猗年少善屬文從予肄業學日益進時弟頌黃孺人稱賢內助米鹽凌雜不以分其心故得一意學問予方以遠大期之丁未歸自京師而弟歿矣弟頌年甫二十三孤子引隆才四歲忍志守志足不出戶閨姑早逝翁頗卞急能以柔婉承順顧家值中落紡紉操作養殮恒苦不給又當甲寅之亂間闔流離焚其相倚自就傳以至授室皆未亡人身任之蓋茹荼集蓼三十年來如一日也予家七世祖文謹公早逝節母余孺人年二十四孝子健松齋續集

卷之五 題跋

十二

公亦止四齡鞠育教誨迄於成立母春秋七十有三邑令周公表其閭曰節孝迨閣學公登政府始贈孝子公如其官猶以不得褒揚節母爲憾擬特疏陳請遭亂不果今弟婦節行實嗣美先世而引隆幸補博士弟子則孝子公所未及爲者 國家功令婦守節三十年齒踰五十得予旌表弟婦年齒適與例符康熙丁丑士民公呈苦節撫軍線公學院顏公榮疏題請得建坊旌表如例 綸音下逮鄉閭榮之此又閣學公之表章余節母而未遑者今且身受之弟婦可以慰矣引隆既有聲庠序從此砥礪文行繼父志彰

母節顯揚之孝於先烈不更有光哉弟婦壽五十引
隆徧額詩文爲祝今復刻旌節錄以志不朽屬余紀
其事予哀從弟之資志早殞而喜弟婦矢志撫孤以
有今日也因書此爲引隆勉之諸君子表章貞節錫
以一言垂之家乘當必以予言爲有徵也

黃生遺像題辭

黃生廷彥次萬亡友介伯子也幼敏慧爲諸生有年
不屑屑制舉業工書善畫於六法中得雲林子久遺
意性嗜酒頽然自放有不可一世之概嘗從介伯遊
甬東望海復渡大江客廣陵放浪山水間畫益工年
踰四十蚤卒子森年少能詩文光大前業將有賴焉
今秋裝潢遺像徧徵名人題詠屬余書其幀余與黃
氏世交十餘年間哭其父子兩世展玩斯圖不禁慨
然三嘆也

道山僧異木武夸詩題辭

往庚戌夏余有事建州歸次武夸山望天柱玉女諸峯崇巒怪石突兀雲表擬泛舟九曲作數日游忽家道急足至知先君子病劇兼程東歸同勝三十六峰悵惘者久之今年客道山寺與主僧異公談七閩山水因出所爲武夸遊草見示雖未盡登臨之勝然探奇領異不啻升幔亭之顛與武夸君酬唱於雲祠寶座間也因書數語歸之并以志別

觀察于公家藏董文敏真蹟跋

觀察于公家藏董宗伯手書舞鶴賦端勁秀潤自是珍品公文章德業與先清端公後先濟美自秉臬吾鄉執法祥刑圓扉草滿君家庭尉深仁於茲再覩乃復寶藏名蹟不屑爲奇巧奢靡之好其高風雅尚卽此可概見矣公屬郡司馬遲君命予題跋因書數語議其後異日者公弗祿勲名垂之簡冊當與文敏翰墨相輝映豈止屏障之光也哉

書舒城章公傳後

予與修明史見舒城公守城事爲之慨然太息當張獻忠之圍舒城也前後凡十有四公塞三門啟西門以待之伏火器其中賊入陷於重殺數千人邑賴以安乃不數月公以外艱歸而城陷矣使當時守土之吏得公等數輩出奇制勝豈復憂闕獻哉公歸而閉門掃執足不入公府太夫人年百歲侍養老而彌篤尤人所難焉者今文孫范山以治行內擢謂非公之遺澤歟會奉公崇祀鄉賢得讀其家傳因書此志於簡末闕幽表佚同史臣事也

題汪蓉洲述哀詞

新安汪子蓉洲年少負才向時負笈吾鄉見其撰書
最富尤工於駢體清新俊逸兼參軍開府而有之項
惟母孺人喪讀禮之餘賦滿江紅四闕以述哀音調
凄楚一字一泪斑斑啼鵲痕也夢莪之詩托興瓶罍
傷心蒿蔚千載而下讀者如聞其聲以今視昔至性
詎相遠哉余少失恃曾爲紀哀詩三十章思之尚有
餘慟今觀此詞言情感事觸緒增悲蓋不待讀之終
闕而泣然泣下矣

健松齋續集

卷之五 題跋

七

題唐翼修身易

不襲京焦管郭之陳言亦不拾濂洛關閩之餘緒以
性命心三光配日月斗樞已屬創闢至謂心統性命
斗樞統日月尤爲從來所未發如此談易應從王弼
冢中來耶石破天驚豈止豎儒擣舌然文字到極奇
處惟作者能言之亦惟作者自知之正恐索解人不
得耳

書蔡母余節婦傳後

忠孝節烈皆苦事也而節爲最苦蓋不苦則不傳自
後人觀之青燈黃鶴固已照耀史冊然身當其際者
伶仃淒楚之況蓋不知何如難堪矣若蔡母余節婦
二十九而娶守志四十四年至七十三乃歿中間厄
於凶荒日止進一勺水可不謂苦歟遺孤銓甫三歲
今且七十有一自傷以貧賤老不能表揚母節恐終
於泯沒無聞乃自爲傳命其子宗仁徧求名人題跋
以冀不朽於萬一其心有更苦者矣予家七世祖妣
亦出於余守志時亦二十四苦節亦五十二年撫孤

健松齋續集

卷之五 題跋

六

孝子公亦四齡母子亦皆壽踰七十其事與蔡氏略
同而單傳五世無立錫之地號泣終身其苦似較甚
乃先大父宅撰之日贈孝子公三世如其官而例不
能更及節母三復斯篇有餘感焉在易節之彖曰苦
節不可貞而至於五則曰甘節亨往有尚夫天地之
數苦極必甘况天之於節婦旣困厄之以厲其志則
必昌大之以成其名誰謂節孝之家竟泯沒無聞乎
語曰不於其身於其子孫然則表祖母之節以成乃
父之志是在宗仁而已矣

均差革弊錄跋補作

吾邑積弊相仍閭邑公議及士民條列諸款言之悉矣不佞輩蒿目梓桑酌爲申飭弊端之議上之郡侯濱州梁公時盛夏苦旱觸熱奔控者數百人公多方慰諭力任興除於是具文詳請各臺俯允蒞蒞勒石永禁不佞輩得以告無罪於父老子弟公之惠其敢忘焉顧改絃匪易實行更難使非志切民瘼未必遵行無弊劉侯下車之始延見紳士悉從所議遂民六十里從此獲休養者兩公賜也諸士民以議由概邑今規模既定率由有準窮陬僻戶思觀德化之成因

健松齋續集

卷之五

題跋

九

復壽諸梨棗俾與碑石共垂不朽一以見興利除弊有定法不得越此而妄更一以見兩公之仁施開卷即知非徒托之具文也若夫均差樂輸之法詳載公議通融於法之中勿變遷於法之外父老子弟尚其諒我苦心哉

誠

艮堂十戒

僕自緇改史傳一病六年自汗怔忡榮衛耗損患苦常在夜半受累實非一端於是舍見在之還除延山中之性命然參藥無資綿延日甚病中閱歷事事最真書此自規并告親友語不能文期於砭疾惟知已亮之

爰思

憧憧往來害心最酷何以息之返於幽獨一念不與灰灰槁木

健松齋續集

卷之五

誠

十

多譚

口開氣散言豈在多肆爾出話捏捏奈何維靜惟默以葆天和

作文

詩文之樂有求必應鑊腎鉢肝心乃益病戒之戒之毋以身殉

觀書

十年讀書手不釋卷目動心煩所傷不淺嗟嗟吾生去古益遠

應客

論交四方寸心杯酒擾擾應酬杜門已久情話無由
魏茲良友

憂貧

貧也非病病實因貧咨嗟仰屋誰恤艱辛知命守約
我思古人

久立

坎離不交病延筋骨勿謂斯須中於所忽坐倚藜牀
窮年兀兀

強步

山水陶心濟勝無具咫尺之遙資輿代步匪曰自尊

健松齋續集

卷之五 誠

主

畏此行路

拜起

交際有道拜跪周旋一俯一興筋力憊焉愛身廢禮
幸恕衰年

觸怒

惡聞人聲偶忤則怒病且日增於人何與塞耳息心
勿改其度

健松齋續集卷之六

遂安方象瑛渭仁著

傳

補唐玄英先生傳

先生歿樂安孫邵爲作傳頗不詳今據唐詩紀事
諸書補爲全傳俾後人知所考焉

樂安今仙居縣

先生方姓諱于字雄飛新定人父肅舉進士章協律
八元愛其詩以女妻之因贊桐廬居白雲原

俗名鵲塢源

八元卽先生外王父也先生少善詩徐凝一見奇之
授以詩律由是詩益工樂安孫邵稱其高堅峻拔唐

健松齋續集

卷之六 傳

十

明中和間爲律詩江之南未有及者初應進士舉與
同舉數輩謁杭州刺史姚合姚見其貌陋免飲頗易
之後覽衆卷及先生詩乃大駭改容禮接賓散獨留
之館數日嘗以先生苦吟恐未能應卒因夜宴以飛
字韵命賦先生詩立成姚大嘆賞登臨譙飲無不與
焉時唐末失政連應十數舉有司奏于雖才科名不
可與缺居人先生聞之乃退隱於鑑湖蕭然山水間
以詩自放咸通中浙東觀察使王龜以其亢直宜在
諫署將奏薦之龜卒事遂寢後十年遇醫補其唇年
已老鑑湖人號曰補唇先生弟子李頻等中殊科僧

齊已以詩寄之有云弟子已得桂先生猶灌園自是終身不復出今會稽寒山有方干島即舊時別墅一名符莊又舊澄波坊有方干池皆先生遺蹟也先生質野好凌侮嘗與龍丘李主簿飲李目有翳改令議之無見人輒設三拜謂禮數有三人呼爲方三拜孫邵少游先生門邵登第歸詣先生方釣湖上踞石不移曉邵不敢請久之魚餌復失遽命之捕邵解衣爲狂得之大悅攜歸烹魚草舍中盡歡而別其高致如此然善知人篤於朋友同里章碣未第時先生勉以詩有舊機新樣句章旋舉進士吳人范攄之子七歲

健松齋續集

卷之六

二

能詩先生見其贈隱者云掃葉隨風便落花旋日陰嘆曰此子他日當以詩名又吟夏日云閒雲生不雨病葉落非秋乃曰惜哉不永其年後果十歲卒素與許贖善贖寓越偶有非罪越帥劉漢宏械於闔閭先生時在新定馳詣境上賈一櫃高其值不告曰方處士爲友賣樹帥聞遂釋贖罪顧家貧甚無以自給嘗以書告劉帥帥遺錢十萬緡五束先生已病革報書不能他辭感謝而已翼日卒將歿謂其子曰志吾慕者誰歟吾之詩人自知之志日月姓名足矣門人私謚曰玄英先生光化中起居郎韋莊奏名儒不過者

十八人請追賜進士及第天祐末同平章事張文蔚中書舍人封舜卿復請賜一官以慰幽魂先生皆與焉先生與鄭仁規李頻陶詳爲三益友弟子弘農楊弁哀其集爲十卷王贊爲之序論者謂先生爲詩鍊句字字無失如野渡波搖月山城雨翳鐘鶴盤遠勢投孤嶼蟬曳殘聲過別枝詠繁風雅體絕物理齊梁以來未有此句又謂張祐升杜甫之堂方干入錢起之室非溢美云宋景祐中范仲淹守鄆謂先生故居賦詩云風雅先生舊隱存子陵臺下白雲村唐朝三百年冠蓋誰聚詩書到子孫後建子陵祠以先生配

健松齋續集

卷之六

三

柴虎臣先生傳

先生姓柴氏諱紹炳字虎臣世爲仁和人祖祥明嘉靖丙辰進士仕江西道御史父應權以明經官莆田學博先生少警敏博覽強記爲文數千言立就故事學官子弟得隨任肄業乃就試莆田郡縣皆第一補莆學弟子員已移牒改本籍學使者不許復應仁和童子試慮不得當再試錢唐榜發兩縣又皆第一生平砥礪文行慨然有超世之志少失母事父先意承志父卒喪盡禮依兄景明居終身不忍析箸每念父母輒走墓門伏地號慟見者泣下里人有以父咎

傳

卷之六

四

出走者先生流涕語之曰吾今欲求一杖不可得汝乃避耶賦遊子遇孤兒行感悟之貌清癯恂恂弱不勝衣而亢直好議論人有過正色斥之同學陳子際叔謹厚人也有論學者創爲異說陳面折其非其人詫曰君豈柴先生耶蓋爲人所畏服如此啟讀聞文體詭異禪語恢諧悉入文字所爲制舉業雕琢藻繪不復知經傳爲何義先生力矯其弊與里中同志倡爲典雅弘博之文其詩一洗俗陋氣格聲律以漢魏三唐爲宗當時效之號西陵體至今杭人言詩無闕入宋元者近雖稍習爲宋詩然操唐音者十之七

八流風餘韻固尚在也先生既以文章品行領動海內一時名人鉅公如吳公麟徵劉公宗周倪公元璠黃公道周陳公子龍輩皆折節引重甲申乙酉間諸公先後殉節死向時西陵同志相繼行逃屠牛賣藥或寄跡方外或放遊不返先生年甫三十棄諸生隱居西湖南屏山授徒自給足跡不入城市葛巾野服自稱翼望山人念數十年來士鮮實學殫力蒐討自經史外凡濂洛關閩之書天文輿地曆法禮制樂律與夫農田水利兵陳賦役之事無不窮極源委故其爲文表理道酌人情稽核典禮泰之律令舉古今異

傳

卷之六

五

同之論畫然一準於正學士大夫議禮有未當者輒以先生文取表焉康熙中詔舉山林隱逸之士撫軍范忠貞公擬以先生應力辭欲爲刻所著書又力辭范公嘆息而止性恬約敝衣蔬食處之泊然間有餽遺悉却不受刺史某公知先生貧攜金造訪及接見所稱述皆古人節行卒不敢發嘗寓書所知曰近惟著一老羊裘擁殘書吟詠不知門有車馬客此中朝夕自無異墟東也一夕臥病有僮兒入室先生覺其爲隣家子不問俄漸及衣被乃曰獨不爲留此禦寒耶僮兒驚拜床下徐起用好言相慰勸其自新指

銅器數事與之其高節厚道又如此庚戌正月寢疾卒年五十五丁卯夏中丞金公督學王公重其文行檄所司祀之鄉賢越二年墓南山花家圩督學周公題其墓曰崇祀理學名儒柴先生之墓所撰著極富羽翼望山人文鈔青鳳軒詩白石軒雜稿柴氏古韻通經史通考省過紀年錄家誠家傳明理論若干卷藏於家子世堂世臺皆有文章名

史氏曰少時聞西陵十子皆學古行高及移家會城所與往還者獨際叔宇台稚黃而柴先生則墓木拱矣然詢其言論風采及觀所著書猶髣髴見之惜乎

健松齋續集

卷之六

六

未竟其學而徒以隱君子老也傳曰名者實之賓生爲名儒歿祀賢宗雖遭時淪落豈得爲不幸哉

家學傳子凡公傳

予童時侍先大父於西泠在座皆當時名宿其凝然靜坐者爲孝廉子凡公公於先大父爲從子行予又與公之子琨伯兄同補杭博士弟子以是情好日益篤甲寅再來會城公已前卒與兄歡然道故比予官京師而兄又歿矣兄子捷能讀祖父書甲戌三序諸生請於督學鄭公祀公鄉賢捷丐予爲傳載之家乘予不敢辭公姓方氏諱杰字子凡號六息先世自欽徙錢唐曾祖諱九叙嘉靖甲辰進士以詩文名歷官承天知府有方承天集行世公既世承家學弱冠爲

健松齋續集

卷之六

七

諸生潛心經史家素貧聚徒授經務崇實學一時知名之士多出其門天啟辛酉中順天府鄉試第九人明年罷春官試於吏部得縣令慨然曰父老善病吾豈以一官缺甘旨耶遂引疾歸承歡定省絕意公車者十有五年足不入公府名刺不通當事士論高之性仁厚喜施予家雖不給倡義田贍養親族復置仁社以恤貧慈社以掩骼耳泉社以賑獄囚德生社以放生庚辰辛巳間歲大饑公偕同志設賑賑粥收育遺棄子女全活甚衆人稱方佛子云時莊烈愍帝破格用人詔三品以上及臺省督撫薦舉人才按察使

聞公謹首以公應於是巡按御史趙公繼鼎郭公必昌先後疏薦家宰商公周祚復以賢良方正舉有詔徵禮來京以親老辭不起王師下江浙公方虛蒙山中督府張公存仁廉其才望擬昇以嚴邑公力辭終制服闕檄補嘉禾縣令復固辭敦請再四不得已乃就仁和教諭方是時江東未定士皆竄伏山谷公多方招徠察其才而貧者九十餘人分俸濟之生徒感奮張公特咨貝勒王軍前任用又力辭以諸生乞而止丙戌大計以同郡例應迴避改諸暨教諭諸生攀留不得乃爲去思碑勒之學宮其遺澤在人如

健松齋續集

卷之六

八

此丁亥九月卒於官享年六十公恬靜不求聞達食貧養父終身無間當時薦牘有云百行俱醇一塵不染又云道義儘堪範俗謀猷具足匡時皆實錄也子天楷卽珽伯邑庠生孫捷國學生候選縣佐曾孫承寵府庠生皆以文章行誼世其家

論曰予觀學博公殆所謂篤行君子者非歟當崇禎中詔舉人才公卿多私其子弟公獨以賢良方正召論者謂無愧焉使得盡展所學其施設當有可觀辭榮不仕一邇終老可慨也夫

吳太君孝節傳

予游白門客迴光古寺吳生履介適假僧舍授徒往復晤對述其母錢太君節孝甚悉且曰母苦志五十年今壽七十二矣雖學使者榜門旌獎然家貧不能遺恩坊表與先生一言傳之予感其意作吳太君傳太君姓錢氏故應天府恩貢生吳臨暉妻也年十七歸臨暉事尊章至孝謹中饋而外日以讀書砥行相勸臨暉素勤學積勞成疾遂不起太君號慟誓必死家人以舅姑老子幼多方勸慰始勉進食時年二十有三履介才五歲矢節撫孤足不出戶外履介既就

健松齋續集

卷之六

九

傳課之最嚴稍長戒勿與外事赴宴會專心肄習以成父志已應童子試第一明年餽於庠太君歎曰庶稍慰未亡人苦心耳顧家益貧授徒爲餽將計太君誠之曰汝年少爲人師宜盡心課教勿負人父兄相託之意倘一錢不可告人卽日進肯耳我不受亦不可言孝也又曰凡人立品自不營交始苟不慎爲害多矣今履介名重庠序而交游寡少言動皆有尺度母之教也初太君子歸時值明末大饑祖翁次亭公年八十餘五子輪膳皆不滿意惟太君以孫婦侍養則大喜語人曰娘子孝敬我願其福壽顯榮子孫孝

敬亦如今日也如是者十年壽九十三乃終姑黃氏
寢疾太君禱於天願以身代歿後歲時祭饗無日不
泣下事翁玉華公益加謹鼎革初貲盡廢流離患
難中備歷艱困臨睨又夭逝太君辛勤拮据蔬水得
無缺奉玉華公晚娶江氏性悍驚待太君母子頗無
狀太君曲意承順江氏悟及卒殯葬悉如禮玉華公
亦爲之喜慰壽至九十一蓋誠孝出於天性而感格
繼姑尤人所難焉者生平儉約敝衣蔬食七十年如
一日親族有匱乏輒損己衣食周之履介所交皆一
時名士每過從治具畱飲極豐潔予傾蓋締好卽酒

健松齋續集

卷之六

傳

十

饌相饋遺其賢而有禮概可知已康熙壬申許宮允
時菴督學江左三庠諸生上其節孝行學旌獎榜曰
陶範鍾型都人士競爲詩歌美之同里龔君翰詮次
行實載十五國人物志

太史氏曰婦以節著難節而孝更難太君蓋兼之矣
訓子數語又何凜然嚴父師也許中允表章婦德以
陶鍾襄之信哉

族母蔣孺人傳

予與新安族兄惟學同譜交好垂四十年稔其母孺
人節行至悉孺人七奏予以節孝垂芳榜其堂今且
廿餘年矣孺人歿兄亦卽世里中紳士公揚苦節載
縣志兄子兆儀請予爲傳夫闡幽表節史職也予何
容辭孺人姓蔣氏方村汝桂公配也端莊有婦德天
啟問汝桂公賈中州以寇亂決計南歸至京口病卒
孺人聞變號慟不欲生親族慰之曰子幼姑老夫穉
未歸未亡人乃捐生不顧乎孺人始勉進食托所親
攜長子惟學扶視歸鄉里厝先塋之側時歲大歉斗

健松齋續集

卷之六

傳

十一

粟千緡孺人經營拮据以奉其姑甘旨得無缺姑卒
殯葬悉如禮三子旣長教以禮讓而勤儉操作家業
日駁駁起里稱賢焉年七十九壽終娶居凡五十年
今諸孫克世其家又能表章母節以成先志予故樂
得而傳之

論曰語云節孝之後必昌信然哉予家先世余節母
撫孤孝子公成立苦節五十二年今自閣學公以下
子孫蕃昌且十世皆節孝之貽也孺人守志與先世
畧同其施及後人寧可量乎予益操券而合矣

烈婦王氏殉烈傳

烈婦姓王氏邑芹川里人予族弟象震家婦姓紹祖配也父爾質母卽象震女弟烈婦幼端重不好嬉戲外祖母洪愛之以中表締姻焉紹祖故善病結精後益甚烈婦禱於神出簪珥佐藥餌貲始得愈癸酉正月二日復大病且華語烈婦曰誤汝終身奈何烈婦應曰毋以我爲念惟有生死從君耳紹祖默首曰汝能是吾無憾矣自是侍藥康兼旬勿懈二十三日奉藥進紹祖執烈婦手齧其臂肉幾斷烈婦泣曰君疑我不能踐言耶誓死相從不敢負也乃微笑而釋之

佳松齋續集

卷之六傳

十三

烈婦知夫病必不起裂笥中帛爲製內衣蓄其半藏之二十四日紹祖歿撫棺悲慟絕食者五日族戚勸慰之謂汝無嗣且夫未葬葬夫而死未晚也始稍進食三月父母迎之歸至十二月乃返省夫厝踰踰呼號是日遂減食夜請於姑曰婦有言願姑識之來年葬吾夫并葬我所有貲粧畱爲嗣子計婦不能長奉耳旨矣姑大驚問故泣對曰自夫歿後屢夢夫促我且曰爾忘啗臂時耶今衾枕履襦俱已備特歸辭舅姑踐前盟耳姑涕泣阻之烈婦曰臂痕猶在豈敢偷生吾志決矣翌日父至勸之食不應從兄至乃拜之

曰聞祖塚旁有隙地願以伯父所贈田易地二墳爲吾夫婦歸藏所毋俟吉壤也又明日伯父至母亦至反復譬解皆不聽或勸以婦殉烈必申請始邀旌表若舅貧且格於新例徒以無名烈婦曰未亡人豈知好名特盡我分內事耳父母兄弟知不可奪乃以祖墳餘地與之烈婦喜命擇葬期兄故援之屬聲曰夫小祥在邇何日復一日悞我大事兄不得已告以二月望日開土次日掩棺乃大喜正月二十日沐浴拜辭父母姑舅二十一日遂絕食并勺水不入口二月六日丑時正襟而逝計絕食凡十有六日年僅二十

佳松齋續集

卷之六傳

十四

三紳士里民上其事得旌獎如例一時莫不嗟異謂君仲婦毛氏殉烈於庚午姪婦復絕粒於甲戌稱方氏一門雙烈云

良堂老人曰烈婦殉夫鮮有以絕粒見者有之自余仲婦始蓋仰藥投繯人不及覺可以奮然於一決若絕粒則奄奄旬日父母戚黨環泣而和糜進膳有難以堅決者矣姪婦其則與夫死者平象震爲子言兒先相時予適以仲婦行述至自今觀之蓋有數焉一門雙烈爲家榮光豈偶然哉

余母倪節婦傳

節婦姓倪氏江都人先師長子知縣吧洪余先生嗣室也先生娶鄭孺人先後產兩子皆殤順治丁亥先生舉明經入太學丁酉筮仕長子今年踰五十未有子道廣陵聞倪女賢委禽焉先生家故貧治尚清謹宦橐蕭然以高平叛案坐失察奪一級歸而貧益甚復授徒自給節婦裙布操作不辭勞苦先生嘗曰揚人奢華此女能甘澹泊吾無憂矣己亥始舉子振麟九閱月而先生歿節婦年十九矢志撫孤明年鄭孺人卒獨與一老婢俱足不出戶外族姓罕窺其陋薄

健松齋續集

卷之六 傳

古

田十許畝不能繼餽粥晨起綜營米鹽夜則鍼黹紡績衣食得無缺乏振麟稍長躬自督課自就傅以至授室婦亡復再娶皆未亡人一身任之 令甲婦守節三十年齒踰五十許具題旌表節婦年齒與例符而庶妾無題旌之例遂不復上聞予嘗謂守節何論嫡庶庶而能守較正嫡更難故古今來以節傳者頗少先生邀一命妻妾完貞自分內事顧家貧于幼人情所不能堪身為副室誰復責以大義乃節婦獨甘為其難者真無愧先生矣往者涇陽韓戶部望樞南新關卒於任妾王氏獨拜同官為棺歛歸櫬計遂自

經以殉桐城方侍郎亨咸哀其格於例特傳表之于節婦有同慨焉會節婦壽六十因書此貽振麟勸之家乘使後人知先生名儒廉吏其撫孤成立者有賢節婦非偶然也

太史氏曰先生之廉孺人之節可謂兩難矣振麟能讀父書連舉數子天之報之意在斯乎語曰節孝之後必昌然則繼父志章母德在振麟勉之而已

健松齋續集

卷之六 傳

五

族姪太學君傳

族姪書升與予家同出漢縣侯儲向僑居武林往來契好今君歿兩年矣嗣子光燦等請予爲傳君諱擢字書升世居歙之間政里曾祖諱俊官日照令祖諱中道仕廣東海南衛父諱尚濤太學生君生二歲而孤七歲生母汪孺人卒祖母余及孀母田兩世孀居孰與相依家又中落幾無以自給歲丙午君年十七念日照公向業鹽兩浙以宦游中輟因之武林復理舊筵不數載業以大振補錢塘博士弟子尋入太學名藉藉著一時君性通敏諳練艱務每巡鹽使者下

健松齋續集

卷之六

七

車必就君咨訪君一一指陳曰某利當興某弊當革皆爲當事所獎許凡商綱諸務悉以委之已卯春聖駕南巡君以兩浙歲課四十餘萬軍興後增餉六萬二千有奇鹽差事竣復有贏餘五萬地濱江海私販易行近又屢被潮患引壑課絀無由上聞今天顏咫尺是萬世一時也乃倡諸同事具疏懇免上駐蹕拱辰橋命召至御舟詢問利病君詳切敷陳首尾數百言皆霽容聽納下總督郭公履議得旨獨加額之半已復奉特諭贏餘悉行停罷於是商民歡呼稱慶是時同叩行在者二百餘人君獨

家清問遂沐殊恩商受其利而民亦免食鹽之

患非常異數古今所未有也詳具獨課紀事中先是戊寅冬偶感微疾尋省墓歸里明年正月值五十五生辰子孫滿前稱觴上壽君頹而樂之會以迎駕乃疾馳武林召對之後舊疾復作然未嘗困頓床褥親友過問談笑如平時及病革語光燦等曰吾生平無所憾獨念親族中棺槨暴露欲買命家坦地收瘞之而以其餘地建普同塔藏無主骨骸有志未就汝輩其亟成之兄弟務親睦孝友謙遜毋忘父言未殁前數夕夢人具袍服來迎曰期在三日遂以六月二

健松齋續集

卷之六

七

十三日卒壽甫五十君痛父母早世事祖母嫡母愉色婉容盡志備物與人交必盡誠悃族黨姻婭貧不能自立者周給之刊立命明徵一書備載古今格言因果行於世子六人光燦歲貢候選教諭光焯庠生光焯貢監生光熾光燦光焯俱業儒文章品行克世其家

良堂歆叟曰君文行卓卓殆所謂邦之善士乎當鑒與南幸時以一太學生上疏行在遂邀獨課之命雖天恩立沛非精誠上格安能致此嗚呼君可以傳矣

健松齋續集卷之七

遂安方象瑛渭仁著

墓表

文林郎山西澤州高平縣知縣觀海張君墓表
丁未之役余與臨潼張君觀海同舉南宮別來二十
餘年矣一仕爲令旋挂吏議去所學未竟時論惜之
今年夏見君之子云琛於建州追念故交爲之歎歔
太息云琛請予表其墓予何容辭君姓張氏諱淵源
字觀海號懷白晚更號潼野先世自中州徙居臨潼
代有隱德尋人居白公諱國祥舉明萬曆丁未進士
倭松齋續集 卷之七 墓表 十
由行人考選戶科給事中上疏論閹人魏忠賢時稱
其直年踰四十蚤卒君其季子也少警敏潛心力學
弱冠補博士弟子是時李自成陷長安下令校士君
抗不赴削其名籍勿顧也 王師平定三秦乃復治
舉子業甲午舉於鄉丁未成進士鄉會兩科皆與給
諫公同人以爲異甲寅謁選除山西高平知縣時逆
藩叛亂奸宄聞風嘯聚君下車設策剿捕禽其魁餘
悉寘不問澤路產綱舊有驗絲驗綱例大爲民累君
力請免機戶又有樣綱悉罷斥之歲省金錢鉅萬丁
巳丹水暴漲將薄城君亟啟門內民之避水者齋

心拜禱水爲之落於是捐俸築隄數十年得無水患

戊午歲大旱人心洶洶君引咎自責爲文二道告於

神越五日澍雨霑足是歲太原雲中饑民多流入高

平就食君蠲粥賑濟席其寒冷恤其瘡痍時其醫藥

男女異處以別之躬自驗視吏不得因緣爲奸利所

全活甚衆凡聽訟曲直立辨不問罰鍰親族相告許

必委曲論遣之遇殺人大案則徹宴樂素服墨書曰

民猶吾子忍用吉張樂哉悉心推究不憚再四至求

其生而不得乃咨嗟歎息不憚者累日邑有盜官鑑

者以誣鍛工君疑其枉然不忍加刑曰析楊之下何

倭松齋續集 卷之七 墓表 二

慮不承顧筋骨損矣反復研鞫卒獲眞盜署中建告

帝樓徹趙清獻故事所爲必告於天與一利去一害

卽酌酒自酬否則悒悒不舉杯其實心實政類如此

亡何以盜案錫秩卽日就道賦詩有而今策蹇秦關

道舟子招招不轉頭之句大約君之生平廉以持已

恕以待人不務文飾備以教化爲先民德之至設主

繪像去官日攀留哭送道樹不得前嗚呼是可以觀

君之爲政矣家居講學課子足不入城市長吏相遇

至厚亦未嘗干以私日取程朱語錄玩繹之幾暇後

進日夕不倦乙丑三月以疾卒春秋六十有四易贊

時里隣號慟皆失聲有人所難者夫人學古入官原
期爲 國家愛養斯民也前輩有意之士多願爲守
令謂其與民最親得盡所學今之爲宰者既不知敦
崇教化而催科征督朘削且益甚猝遇水旱則漠然
置之有大疑獄筮楚煅鍊如蒼鷹乳虎無復有哀矜
惻怛之意求其實心實政如吾高平者幾人哉噫可
慨也已君之歿云琢乞銘於翼城高江寧泰階而歸
予墓道之石因舉其大者表而著之使後之人知所
考焉

健松齋續集

卷之七 墓表

主

行狀

皇清敕封文林郎湖廣長沙府益陽縣知縣青

園江公行狀

往戊午春余與江子辰六同 召試闕下尊人青園
公方壽登七十索余文爲壽明年辰六之官益陽余
賦詩送之荏苒十年餘矣今冬過廣陵青園公已捐
館復屬余狀公行實余久病謝絕筆墨辰六固命之
遂力疾述其梗概焉公姓江氏諱九萬字元里青園
其別號也先世出漢諫議大夫華宋天聖中汝剛公
以進士知歙州因家焉祖光祿公應全以純孝稱父

健松齋續集

卷之七 行狀

四

尚寶公曰昭文學行誼克世其家公博學有才識游
太學名重六館中會辟舉辭不赴首表光祿公孝行
光祿創節烈祠祀閭郡幽貞及節母方萬兩孺人未
竣而歿公獨力踵成之家廟災蹈火奉十九世木主
以出凌汪兩族世姻媾忽憤爭至操戈殺人十餘年
不解公聞誠勸諭兩姓咸感動婚好如初常過清溪
遇鬻妻以償逋者妻投於河公憐之脫所乘馬代償
有宦家子婦八口爲兵所掠破產出之嘗除日家居
忽有人遣力告貸及開緘則素未識其人也公嘆曰
此夕無交而求勢迫矣亟質金應之越數載偶遭誣

陷有客踰險來見曰公如是則枉雪從之得脫卽除夕貸金者也時天下大亂公攜家避亂山中一日獨步有壯士持矛追甚急心竊疑之壯士曰公不記某盛暑延公入室事乎某初忌公謀加害公解衣縱飲彼感公不以不肖待之謀遂寢我其友也今多盜且多猛獸特馳獲代亡友報公耳不告姓氏而去毋楊病公與黃孺人同刲股以進病遂瘳及尚寶公病公適他出孺人體公意復刲股進姻黨中許氏鄭氏子先後刲股愈其父人曰此江公純孝所感也初尚寶公塋天長後同許宜人合塋真州各廬墓期年廬居

火患公語辰六日魯襄公九年宋災樂喜爲司城撤小屋塗大屋哀公時桓僖災富父槐亦師此意往事可效也辰六因令民儲火具災至驗風所向移葉積撤比屋火遂不爲災郊外舊有義塚去城遠公過而嘆曰非所以便貧民也親詣城南北度其遠近燥濕各購地以待民之不能塋者復採刻方書民皆德之乙丑辰六遷均州再迎養不赴曰汝弟盡職於家汝當盡職於國何迎養爲及攝鄖陽郡事公遺書曰先輩原子英汪伯玉王弇州諸賢郡有無祠祀方保康國儒苑冠難宜急入志辰六各採其實詳請列祀

五叔父助教公行述

五叔父諱成仰字稗稷閣學公第五子也母汪夫人公生而善病六歲避危疾幾歿已而復甦就傅後始壯健彊記善屬文嫡母毛夫人暨母夫人素鍾愛公先意承順事諸兄極謹常從先府君同臥起每念母鳴嗚孺子泣也比長頗放浪不羈嘗挾變童浪跡休歛間遂汎彭蠡次於江州家遣急足追及之乃還又與酒人飲文林湖畔大醉爭博墮溝中折其二齒自是稍稍斂戢明末大亂公侍閣學公於越東閣學公之變踰澹渡錢唐憇西湖保叔塔寺僧疑爲潰卒公

健松齋續集

卷之七 行述

七

畏之夜走臨平間道出吳淞僑居陽羨數月而返時家產盡沒資用苦不給閣學公門人官江南者數輩公與三六兩叔父同往謁贈遺頗厚兩公隨手散去公獨市良田權子母以是漸充裕自念生平曠蕩踰檢今遭家多難何以自立束身勤儉盡反少時所爲敝衣徒步書座右銘以自警無復豪華故態矣讀書治生儒者每不能兼公獨兩得之甲午乙未間同下帷健松齋公家居晚起持籌會計操筭鑰謹蓋藏贏縮出入部署井井晨餐畢始赴館開卷朗誦聲徹街巷日向哺復歸理諸務以爲常蓋其天性勤敏長於

健松齋續集

卷之七 行述

八

治事凡公私簿籍皆細楷手書纖毫不可而又不濫泊無他好遇事果決不肯因循廢日故雖米鹽凌雜未嘗廢書卷其讀書簡而恒每日課程皆有定則誦讀輒百十過自首至尾終身不失一字通籍後始稍涉群書間爲詩自適然亦不常作也爲文不加搜索削有成局振筆疾書藁成卽屬余兄弟評閱偶有指撻更改不憚再四余嘗謂五叔讀書治生皆可爲法而虛懷忘分尤人情所難同學皆以爲確論乙未舉優行學博楊君一完首以公應丁酉舉於鄉五上春官不利丁未試教職高等丙辰選台州府儒學教授規範峻整課士先品行拔名士秦椒戴慶華等督修文廟學宮不辭勞瘁諸生章廷元爲奸民所誣至擬褫革公力爭之事得白伸士氣而獎善類台人至今思之議祀公名宦其得士心如此在任七年循例巡國子監助教癸亥謁選入都余適有使蜀之役公慰之曰汝奉

天子命掄才萬里職分當然况巴蜀山川名勝甲天下乘傳往遊內地使臣所未有雖多病何慮險遠乎余拜別西行公留邸中杜門謝客惟待御鳴梧汪考功鐸謝博士鼎元時一過從而已甲子余事竣還

朝公以需次尚遠復南歸明年余以病請假公尚健餘無恙與明經合肥兩兄聚首一堂極家庭之樂丁卯銓除 命下公已得疾投牒請致仕不數月竟捐館矣公生天啟辛酉十一月二十六日卒康熙丁卯十月十二日享年六十有七兩娶皆淳安何孺人再娶章孺人子二象璿丙子舉人象琬國學生金章孺人出孫五人引彥引移引影象璿出引參引彭象璩出婚嫁俱詳家譜初丁酉秋試過桐江祈籤關壯繆廟首句云舟中敵國笑中刀衆謂敵國同舟當雋兩人惟笑中刀不得其解及入關公名仰試卷誤作健齋齋續集

卷之七 行述

九

仰白監試改刀爲山榜發果與毛子會侯同捷而公以誤刀字中非偶然也丁未將就教復禱於正陽門關廟有壽比岡陵位鼎台句越十年果官台州功名信有定數然亦奇矣數十年來余兄弟幸不墜家聲而公上承先烈下開嗣子三世科名爲邑中創見謂非公之遺澤與公歿時卽擬銓次行實錄怔忡不能屬草今老矣倘復蹉跎日久余罪滋甚因力疾口授以示二弟不敢一言失實負公地下是余之志也

仲兄合肥公行狀

慟哉仲兄之亡也余自奉假里居無日不相過從公強健無疾病今春主族中文課丹黃甲乙獎誘不倦余實同志而病不能也七月杪率子弟赴郡試過公爲別公適得寒疾期稍痊聚首郡邸越數日家遣僮足追前姪甚急奉書省候知公汗脫不寐少飲食右頰腫起若癰狀心切慮之比事竣適歸而公捐館已四日矣登堂一慟五內摧裂嗚呼何奪公之速也公諱象璿字玉雙號雪岷先伯父歲貢公仲子母英山余太孺人公生數歲遭奇疾絕而復甦稍長聰敏強健齋齋續集

卷之七 行狀

十

記十餘歲通五經諸古文沉靜寡言笑恂恂若不勝衣而丰儀秀整大父闕學公愛之年十五補博士弟子與伯兄選貢公齊名戊子科試受知於督學李公際期擢冠軍是冬南郊恩遂以首名克貢時方值家難里中擲擄百端公名重庠序始稍稍振辛卯廷試高等秋舉順天府鄉試明年罷春官丁余太孺人憂乙未丁酉再赴南宮不利時從叔侍講公以南闕事逮繫公下第遂留京師晨夕省視戊戌冬侍講召公入訣爲獄卒所持羈留一晝夜始得解已亥滇黔蕩平需人 詔特行會試公舉進士 殿試二甲

第十二人時侍講已歿二子沒入官創得收贖公得
諸侍講門生故舊蘇全納贖二弟得歸者公之力也
癸卯授荊州推官當是時王師會勦西山軍旅雲
集公雖李官然運芻餼督夫役董建營房日不暇給
寇平條列土司疆界宜清投誠兵器宜銷通糧道民
宜究驛馬越站宜禁凡四事上之各臺皆見施行刑
故雄郡民刁善訟公原情按法務得其平服則進諸
生課校授王顯姚一泓等又延宿儒王孝廉文南嚴
隱君以方重修荊州府志公安舊有排夫百六十人
供往來驛使軍興之際民皆逃亡乃議派里戶出錢

健松齋續集

卷之七

行狀

士

僱募至千六百金胥吏相緣為奸利價已入官而夫
仍取於民公承嚴重懲奸吏法不便者立罷之公安
人創祚德菴祠祀焉甲辰春署枝江縣事枝處上游
兵火後戶口逃絕公多方撫卹招回亡流鄉道統等
百二十餘家又嚴禁加耗書旗暨縣左聽自封兌民
踴躍樂輸積逋為之一清先是六叔父隨征粵東授
肇慶衛守備通屯糧被勅羈比久不能償公捐金代
應叔卒官復為經營歸觀前後資助凡千有餘金丙
午分校秋闈得龔于蕃徐則論皆江漢名士宜都公
安有盜案久未獲縣捕何懷林等十八人附會成獄

公疑其枉駁勘再四致干部議已果獲真盜十八人
皆得釋衛軍盧仲鳴故戍籍已竄入民戶有年矣至
是為人所發公斷還衛仲鳴輒叩內部陳寃部審如
公擬杖仲鳴通回原籍公素慈祥凡事務從寬大而
引義執法類如此丁未裁缺候補先大父府第燬於
寇垂二十餘年公返里倡議重建捐貲獨多堂構翼
然較昔加壯焉戊申補合肥知縣甫下車革火耗代
償民欠漕米七百餘石正賦千餘金肥當南北要衝
供饋不絕舊例皆里民辦給公悉罷去雖一時歡呼
稱便而絲粟皆取給於令久之遂苦不支庚戌丁歲

健松齋續集

卷之七

行狀

士

貢公憂會大計隣縣某當下考乘公哀毀營脫而公
中考功法矣罷官之日貧不能治裝鬻田廬始得返
里里中批政厲民公與余集紳士條上利弊十二款
勒石永禁歲省民脂膏萬計人至今便之癸丑應郡
邑聘修遂安縣志成甲寅圖逆叛遠近蠶起響應邑
遂不守公時屆五十生辰露宿窮山腹不得果余為
文陳天道有餘不足之說公笑而是之丁巳余謁選
入都明年詔舉博學宏詞之士謬膺辟命侍御王
公遵訓謝公兆昌復薦公及姜君宸英等六人部議
以薦舉已經停止事遂寢公既不得意乃縱遊豫章

衛輝廣陵白下所至憑眺山川詠懷古蹟以詩歌自適諸公間有餽遺而逋負追責隨手略盡以是日益貧顧性雅澹與同里姜子瑞若毛子會侯徧遊名園古刹往來無倦時或獨坐斗室中彈琴讀書焚香瀟茗家無儲粟晏如也晚年頗多小兒女向平之願久未能遂雖口不言窮而察其中似有抑鬱不樂者一染微疴遂致不起嗚呼悲哉所著有已亥紀恩詩理荆治路蓮漪閣文集迴園詩彙十種大約縝密秀潤文頗尚華晚乃特造道樂詩則刻意清新幾入錢劉之室書法宗二王書仿北苑皆有法度今不可復得

健松齋續集 卷之七 行狀 五

矣公生天啟乙丑七月十二日卒于康熙辛未九月初三日享年六十有七配王孺人前卒側室大興于氏潛江彭氏子六人引祺引禎引祚引祿引禔女七人孫三人接武禎出聯武禔出余少公七歲語石之會余兄弟三人同燈共研十有餘年誼則弟昆情同朋友今長兄既已卽世公又奄逝老年兄弟獨余一人耳早衰善病何以爲情謹錄平生行實以授諸孤 大人先生哀而祭之錫以一言諸孤幸甚不肖幸甚

仲婦毛氏殉烈述

仲婦毛氏予姻友祥符君會侯女亡仲子引禎婦也幼服庭訓柔婉端莊嫻於大體通書悉文義甲寅同避亂杭城先室吳孺人最憐愛之庚申予官京師四月遣仲子就婚於汴兒於春初得脾疾長途驟車頓疾遂甚結禱後卽出居外館婦年甫十七奉湯藥親濯滌數月不解帶兒以誤婦終身爲憾泣對曰子先行我後至誓不相負也八月兒歿婦自投樓下樓高二丈下砌以石衆驚謂必死汴中士民遂聞於郡縣各加旌獎一時名士賦墮樓詩傳之乃臥床一月

健松齋續集 卷之七 行狀 五

嘔黑血數升竟不灰父母防護益密諭以舉家奔倚婿柩尚未得歸始稍進食汴回後請歸寒門守志世家慈余太孺人居焉布衣長齋奉觀音大士持金剛經屏去諸書惟日玩列女傳敬尊長睦妯娌撫子姪恩逮族黨隣里刻意減餐清苦自勵人皆賢之乙丑予奉假養病旣先意承順其旨之奉必豐必潔皆手自庖治老人善病得稍解西河之慟其賢孝未能悉也顧十年來無日不以藁夫爲念庚午十一月予歸自武林遺孀請予卜葬并自營生壙於右予以事非可縻圖以從容尋覓慰之越數日復再三申請悲泣

不食會有以某地告者廷師相視頗不佳又悲泣不食不得已多方廣求得吉地形勢較勝乃大喜立促購買夜即破土土淺多浮復悲哭翌日穿至三尺許頗堅潤遣取親閱遂大喜進食命擇墓期治基石礧碑碣凡窆墓之具務在速竣予擬營兆遲一二年卜墓哭持不可予雖心疑之然所言止生壙且立嗣之日遣人告予早娶婦爲伴故作緩語使予不疑孰意其志在必死也十二月三日治壙粗畢尚進粥停午忽有同日歸墓之語予聞急往諭之中途使人止予尚有一二未了事區畫略定即請謁見且聞尙有阻

健松齋續集

卷之七 行述

五

我卽投閣刺喉死予恐語太急反速之乃托太孺人委曲喻解終不能奪自是絕粒不食勺水不入口每日晨起沐浴登樓禮佛誦經兼理諸務無愁慘強勉之色時祥符君暨兩兄皆客杭其仲嫂予從妹也傳親母命苦諫不聽妹跪婦亦跪他婦女禁絕不許見太孺人曰舅常重汝賢孝養生送老婦道也一旦捐舅若父母誠節烈矣何以慰老親對曰夫子易簣時誓不相負墜樓不灰又吞金亦不灰所以隱忍至今者冀得吉土同穴今屆大塋尚偷生人世耶吾志決矣歷七日不食神氣健與治事明滿如故十二日仲

兄待旃奔至相對哭反復開諭皆不應哽咽而已十三日待旃復曲勸之正色曰向以死許夫遲之十年今夫歸土我何忍偷生則時不可不灰婦德三從我出嫁丈夫歿無子惟有從夫同穴爲正則理又不可不死人言此舉宜待舅姑父母百年後節孝可兩全我思爲子爲婦者惟望尊人壽考豈忍預料其何時棄世以成我志萌此一念不孝尤甚且父母有兩兄舅有伯叔未亡人直閉人耳則境又無不可死毋多言吾計之熟矣十四日辭舅拜母及祖姑召嗣子屬家務曷以讀書成人并嗣父生忌日辰筆筒水注小

健松齋續集

卷之七 行述

六

物留爲遺念并志期勉意十五日浴三次升樓禮佛足軟氣促掖而下告待旃曰吾所以爲此者止完我分內事於舅姑父母尚多餘憾老父歸切勿聽人過謂消我冥福至於歛具已自備布素衣衾毋違我意其高識遠見如此十六日命僧送大士像供奉諸石庵扶床叩送自是數日絕口不及一事惟臥誦金剛經二十一日辰時正襟而逝計絕食凡十有九日不儀亦無痛楚視聽如常始終不亂宗族親隣及行道之人無不咨嗟贊嘆謂爲奇烈嗚呼慟哉夫殺身成仁丈夫猶難之仲婦一弱女子獨毅然爲其難者既

無所苦又無所迫從容抗慨兼而有之雖死猶生亦復何憾顧予衰老中男業已不祿賢婦又復捐軀傷心慘目何以爲情仲婦生於康熙甲辰十二月十八日終於庚午十二月二十一日年僅二十有七念事出罕見傳播或慮失實謹備述始末訃告親友仁人君子表章奇烈感且不朽

續記吞金事

吞金已踰十年當時雖微覺其事未得所據也絕粒後十七日曾下白物數塊衆怪之然疑其腸腐傾入厠中距今半年矣辛未六月十九日里中農家胡明仁發厠廐道旁與其隣胡起明及胡興祥女先後檢得之刮洗示人則金指環二枚金耳環一雙也一時閭傳稱異待旃以白鐵二金贖歸蓋仲婦之志堅而謀秘如此非天假里農俾此事衆著亦何由知其矢死之真切予言爲不虛哉觀物增悲附記於此

健松齋續集

卷之七 行述

七

健松齋續集卷之八

送安方象瑛潤仁著

墓志銘

汪蛟門墓志銘

嗚呼此余同年蛟門比部之墓也記甲子秋送君出都門余方病怔忡君雖不得志意氣豪健如故曾幾何時乃令病夫銘君墓哉余與君同舉春秋試又同直史館交最濶今年過廣陵君兄叔定攜孤子素以志銘請余何容辭乃雪涕而志之按狀君姓汪氏諱懋麟字季角號蛟門膏粱獲十二研因號十二研齋

健松齋續集

卷之八 墓志銘

十

主人放歸後更號覺堂然海內稱詩人必曰蛟門故蛟門爲最著云先世歛產屢遷居江都父觀瀾公有子五人三兄皆前卒次耀麟卽叔定君其季也幼穎異童時卽喜誦詩見屏幃間詩歌歸輒爲觀瀾公誦之觀瀾公熟古唐人詩手書口授一誦不忘與叔定同就外傳課竣取詩古文稊讀之時今少詹阮亭王公方李揚州奇之公餘輒與論詩文君詩乃益工是歲補博士弟子第一癸卯舉於鄉丁未成進士吾師益都馮公眞定梁公愛其才每譙會必召君及余輩教人分韻賦詩君擊鉢先成兩公咨嗟稱賞於是詩

名冠一時庚戌考授中書舍人職閒無事益閉戶讀書每入直必囊書攜筆研於太和殿右批閱警校月夜循階行吟聲徹殿陛閣中傳以為異時楚人朱二眉以術數稱神仙一時傾動至以孔子大禹為此君作辨道論詆之後二眉術果敗伏誅內閣學士缺簡中翰二人暫代之君領其事凡六閱月章疏稠疊接筆疾書頃刻而畢念父母老引疾歸養母歿哀毀骨立時觀瀾公年已耄欲畱侍不可得會有例中書許入貲為部主事家居需次於侍養至便亟稱貸入都比歸而觀瀾公又捐館矣戊午詔舉博學宏辭之

健松齋續集

卷之八

墓誌銘

二

士大司馬宛平王公大司空海寧陳公文章以君應君上書懇辭終制服闋謁選時總憲立齋徐公方監修明史特疏與黃君俞卬萬君貞一同薦於朝部議置勿問有旨修史需才乃以原銜纂修崇禎朝無實錄曹侍郎潛進即抄五千餘冊君與喬君石林輩輯為長編作史者始有所考據焉癸亥春補刑部浙江司主事南城武某以一車一馬販米南花園宿旅店董之貴家之貴利其貲殺之復以車載尸鞭馬曳之他所汎舛劉某不知所從自於官既而武某父以子不歸蹤跡之於道見子尸又得其車馬於劉某門

堅謂劉殺其子坊吏刑考久不決入司獄擬君謂劉既殺人不敢其跡而以車馬置門恐不若是也白之尚書願殺獄三日自廉殺人者不得其父溺職罰則日步行南城外縱所獲馬使過諸旅店馬至之貴門跳躍長鳴衝戶而入君即命收之武氏載米之橐猶存也罪坐之貲劉得活都人畫馬訟圖作詩歌詠之王某兄弟五人與海戶鬪懼不敵乃殺其病弟以誣海戶海戶素凶悍衆頗信之君獨疑其冤與同官微行至王某門其家籠中鷄忽羣鳴欲出若冤訴狀立逮其弟妻鞠之得實王某遂自伏獄具有二人稱親

健松齋續集

卷之八

墓誌銘

三

王使者謂王某為王與夫奉王命來索君叱之曰是罪人行且發遣即王與夫庸可貰乎某為刑官知有國典耳必索之當奏聞二人斂手退京師探凡盜甚熾有渠魁墨至七次猶得不死君責遲卒捕獲之置於法自是盜稍止大司寇蔚州魏公方嚴少許可獨倚重君凡大疑獄悉屬之君既以詩文名又精吏事聲望益重

上亦屢詢君名一日出宣和金紙百餘幅命儒臣及諸曹善書者書唐人詩以進君與焉無何乃得謫落職放歸諡

當宁素知君蒙恩於全非偶然也歸田後屏居郭外
携十二研齋畫則治經夜則讀史其爲文上自左史
下逮元明作者莫不兼收博采嘗謂讀古人文章當讀
其全集好閣選本者非鈍則情於唐宋大家中獨愛
王荆公文堅淡峭刻心摹手追每一篇出人輒傳寫
然頗自矜慎不輕示人於詩好杜韓蘇陸及香山諸
家有目君詩學宋者輒曰彼不識唐安知宋邪生平
敏捷過人長歌大篇皆立就尤善押韻韻所著有百
尺梧桐閣集文八卷詩十六卷詩餘一卷行世君自
通籍至家居絕不與外事登臨山水以詩文自娛城

健松齋續集

卷之八 墓志銘

四

西北平山堂宋歐陽文忠公舊蹟歲久廢爲僧寺君
謀之太守金公鳩工庀材復爲登臨勝地顧性剛直
有不可輒見於詞色慷慨好議論不屑與俗人伍樽
酒豪呼旁若無人以是頗見忤於世素強健無疾病
讀書飲酒達旦不倦戊辰夏感微疾遂不起彌留之
際令洗研磨墨置枕側喚之復令烹佳茗以進自謂
香沁心骨口占二詩云惡夢虛名久未閒孤雲倦鳥
乍還山半生心事無多字只在儒臣法吏間又云小
住遊仙五十年大冠長劍亦翛然文章勲業都無是
敢與何劉一例傳大笑叫奇而逝嗚呼君少負雋才

所志未竟僅以詩文鳴於世中間需次一官歸未幾
旋罷雖在史館而實非儒臣卽爲尚書卽亦止誥史
半生心事宜其言之悲也君生某年月日卒某年月
日壽五十娶張氏子一葉尚幼女八人適某某初君
歿時上吉未就以平山堂爲生平文酒暢遊之地魂
魄所依權厝堂右第五泉後余拜其墓作二詩哀之
今以某年月日遷葬某所復系之以銘銘曰

健松齋續集

卷之八 墓志銘

五

西清無畱牘惟其勤且決也司寇無冤民則片言可
以折也兼史學之三長本之太史以著其潔也噫嘻
先生邦之傑也豐於才而膏於過猶未能竟其所設
也儻僅以詩人目之吾知其有所不屑也

曾祖直完府君遷墓墓志銘

曾大父壽寧公諱可正字允中邑旌孝子雲槐公冢
孫贈大學士應康公子也性謹厚規範峻整年十四
試童子第一以易學教里中從遊皆一時名士晚年
益精與旨所著講義學者宗之稱直完先生庚申始
以歲貢授桐鄉訓導癸亥擢壽寧令未莽引疾致仕
生平事詳行述不具悉公生嘉靖庚申九月二十一
日卒天啟甲子十月初十日享年六十五以大父閣
學公貴累贈大學士如其官崇祀桐壽名宦郡邑鄉
賢會祖妣王氏生嘉靖甲子七月初十日卒萬曆壬
健松齋續集 卷之八 墓志銘 本

辰正月二十四日年二十九累贈夫人繼曾祖妣章
氏生萬曆戊寅二月十九日卒順治辛丑八月十一
日享年八十四累封太夫人子三長卽閣學公諱逢
年天啟壬戌進士禮部尚書兼東閣大學士祖母毛
氏累封夫人王夫人出次文學公諱遜年邑庠生叔
祖母王氏鄭氏次題封公諱遜年邑廩生以子猶貴
題封右春坊右贊善兼翰林院檢討叔祖母徐氏題
封太宜人俱章太夫人出女三一宇質簡司巡檢劉
發源赤繇率王夫人出一適淇縣知縣嚴諱時理子
庠生化成一適雲和教諭黃諱正中子選貢生金兼

俱章太夫人出孫伯父歲貢公成都等十二人曾孫
拔貢生象琮等二十七人元孫候選州同引祺等四
十九人六世孫庠生錫綸等十八人名爲婚嫁俱載
家譜初閣學公謝政歸卽爲公卜地會遭變不果自
是子姓繁衍拘於形家之說蹉跎幾四十年康熙壬
戌夏大水棺槨漂失亡葬曾孫象琮始奉公葬沈家
塢倉卒中爲地師所誤見者皆知不吉而意見各殊
耽延日久象琮奉假歸里懼焉傷之乃倡議遷墓得
吉於西門外大塘賴諸父昆弟子姪同心協力以秋
八月十六日竣事嗟乎公之久厝淺土者爲求吉壤

健松齋續集

卷之八

墓志銘

七

也乃公歿已七十二年王夫人且百有四年章太夫
人亦三十五年始既不能早襄大事繼乃草草下窆
水泄虫侵垂十三載而支體幸得無損則公與兩大
人厚德之效也倘更謀之不決持之不堅因循玩愒
日復一日爲害豈忍言哉工既竣諸叔命象瑛備述
始末以戒後世子孫及時墓親毋貽後悔且曰汝首
事宜自爲銘韓忠獻歐陽文忠撰先世志表敘述簡
質不必他人諛墓也乃不敢辭僭系之銘曰
真儒良吏異子詒孫宜封吉壤以妥松門云何弗淑
改卜斯原自今伊始永延後昆

前刑部福建司主事外王父耿齋吳公墓志銘
象瑛年十二從先孺人歸寧得侍外王父刑部公命
題課義謬加獎許距今五十餘年矣庚子夏公病且
革象瑛偕外弟姜生奮渭同問疾公念兩家母氏皆
早世咨嗟慰勉適以鄉試赴會城比歸公已捐館丙
午公墓梓桐原之西湖嶺志銘未具五六兩舅氏以
命象瑛雖鄙陋無文何敢辭按狀公姓吳氏諱覲先
字文卿號耿齋晚更號貞一居士世居淳安太平鄉
之雲村高祖諱倬成化乙未進士廣西按察使曾祖
諱欽正德戊辰進士湖廣僉事祖諱文洞庠生贈山
健松齋續集 卷之八 墓志銘 八

東濟南知府萬曆辛丑進士廣東副使諱一試則公
父也生公兄弟四人公行三偉幹豐髯博涉經史精
春秋之學弱冠以第一人儼於庠自是每試高等崇
禎庚午黃公道周典浙試得公卷奇之以字句小不
中格真副榜黃嘆惋不置公益心喜自負顧十赴棘
闕皆不售癸未始以明經廷對授刑部司務遷本部
福建司主政時天下大亂公知時事不可為棄官歸
雲峰山不復出生平篤於孝友副使公歟歷中外公
獨家居潛心學業歲一省視以為常事兄理問署丞
兩公友愛無間言弟文學公幼孤撫之成立繼母即

恭人歿公年已踰六十居喪哀戚冠服儀節一循家
禮性嚴重無戲言情客人有過正色責讓族人爭訟
輒為辨其曲直鄉閭憚之然亦以是為人所中雖罹
禍難卒不少貶象瑛嘗見其中宵露立召諸子子婦
東西列侍反復講論皆家庭大事或指摘近時過誤
漏下二十刻娓娓不休諸人欠伸思臥無敢去者其
嚴氣正性多類此少勤學至老勿衰史漢八家外於
明文獨好馮臨朐曰韓歐之遺也旁通堪輿家言卜
筮副使公又元配方孺人自營壽藏皆躬自審定尤
精於醫每歲施給方藥全活甚眾好施予親族告貸

健松齋續集

卷之八

墓志銘

九

無不應食不能償者聽之晚年焚券不下數千金丁
酉以家譜久缺蒐羅編葺垂三載始成由是積勞成
疾公自診視知不起設坐中堂呼子孫命以讀書砥
行部署家務及棺歛殯葬諸事臨歿不亂若有所得
者所著麟經表旨青雲軒詩草幼科心裁地理正印
羅經與旨諸書藏於家公生萬曆丁亥年九月二十
三日卒順治庚子年六月十一日享年七十四元配
外祖母漢川方氏別墅霞塘側室戴氏許氏子六人
達善前公卒達觀達化達行元配出達順達元戴出
俱孀生女四人長歸先文林公諱成郊以象瑛恭遇

章恩 敕贈孺人次適遂安鴻臚卿姜公習孔孫庠
生如芝俱元配出次適西源庠生方志銘次適合陽
庠生黃應甲俱許出孫會孫元孫六世孫凡百餘人
而宏癸卯舉人見任河南汝州知州寶戊午舉人侯
補內閣中書會孫恕戊寅拔貢懋丙子舉人其以文
名庠序者又十數人可謂盛矣銘曰

貞一居士外王父嚴氣正學行高古秋曹小試謝簪
組歸老雲坡絕公府餽餼藥疾施則溥肆啟聞孫競
繩武手卜斯丘封吉土茆爾後人昌厥祖

健松齋續集

卷之八

墓誌銘

十

榮祿大夫協鎮浙江處州左都督管副將事世
襲拜他刺市勒哈番華字武君墓誌銘

都督華字武君駐防遼安最久余雅重其人交相善
也別來二十餘年君積功至處州協鎮余奉假南歸
書問在復情意周至乃不數載而奄然逝矣今年春
令嗣孝廉君以麗牲片石見屬余不容辭按狀君姓
武氏諱得榮號華字世籍山西洪洞先世宗慶公始
徙河南項城縣之馮村會祖拱辰祖守定父天祥並
隱德不仕以君貴三世皆贈榮祿大夫如其官號皆
贈夫人榮祿公三子公其季也少慷慨有大志及壯

健松齋續集

卷之八

墓誌銘

十一

膂力絕人嘗舉六百觔石御神色不變人以此推之
明末流寇擾亂河南君集丁壯為鄉閭計俄而賊大
至中州諸郡縣皆被屠戮君棄家西走日暮望村堡
中燈光喜而赴之至則婦人於砧血淋漓几上君大
駭夜遁重趄三百餘里會 豫親王西征隸麾下從
克函各關時年二十有二自是從下江南定兩浙皆
有新獲功乙未授嚴協右營把總金華賊何得成寇
東陽君奉檄往援連戰破之圍乃解戊戌分防遼安
八月開化常山賊闖入遂境君謂兵貴神速夜半出
師平明搗其巢賊出不意大潰擒渠魁趙佳龍復招

降賊首吳和尚等餘黨悉解散已亥調防定海時海賊大舉入犯圍定關君曰彼所恃者舟楫今登陸破之易耳乃開關擊斬十餘人賊果敗走外洋麾舟師逐之奪戰艦七斬偽將王愛山張泗獲旗幟甲仗無算丙午補千總歷防遂安壽昌桐廬三縣甲寅春耿精忠叛蔓延江浙間淳遂開常諸土賊蠢起應之七月隨師進勦時賊屯白沙君由江村汊遠出賊後自旦至暮六戰六克而賊首尚分踞高龍山王公廟諸險隘君熟地利從間道疾馳破其七寨賊失所恃乃悉衆降當君之戰商家源也賊衆數萬連發巨礮烟

傳松齋續集

卷之八

主

焰蔽天咫尺不能辨君偏師渡入賊四面環之矢石并注君奮戈大呼格斬前鋒數十人賊始駭散相顧曰彼敢戰者誰必武小眼也蓋君長身細目軍中以此呼之故爲敵畏服如此先是總統以官兵三千駐遂安畏賊甚閉三門僅一門出入已而左遷悉率兵去督府檄君接防守兵不滿百大啟四門越日賊果至聞君在疑不敢進君登陣叱之縱兵掩殺追奔至官田再戰洽源盧村皆大敗之賊平總督李文襄公特題擢撥協右營守備君御軍嚴每出師必戒將士禁淫掠他部有擄子女者召其家還之軍前俘獲半

皆脅從自當事悉放歸農所全甚衆丙辰福建總督姚公啟聖薦君才請調征閩海乃以都督僉事管漳浦鎮左營遊擊事與賊劉軒戰於何家堡時漏已三下君潛師衝其中堅賊不設備自踐踏及墜水死者萬餘乘勝復游澄縣又攻破漸山東埭萬人洞等一十九寨斬賊四千餘級於是沿海通寇盡平辛酉論前後功加二十二等給 敕書世襲拜他喇布勒哈番明年推左都督以叅將守徽州徽故善地自被寇以來瘡痍未起君招徠撫恤歛人安之乙丑夏調補處州協鎮處在萬山中界連甌閩甫下車連值大水

傳松齋續集

卷之八

三

城堵崩圯君捐俸修築簡卒伍謹斥埃覈軍實優禮士大夫屹然重鎮焉丙寅奉召 陛見十月駕幸景山面詢功績命騎射 賜茶 賜宴遣還鎮戊辰再 召入京 賜雕弓鞍馬仍鎮處州君念離家久便道大梁拜先人丘墓刻石建坊以志 恩寵里人聚觀莫不咨嗟嘆爲盛事壬申三月復召見瀛臺以年老乞骸骨 溫旨慰留蓋至是凡三覲天顏矣在鎮無事日與將士校射嘗言國家不得已用兵提師數戰幸無敗衄亦適遭其會今山海蕩平武臣惟和輯兵民期四郊無警而已秋遘疾卒於官

樞部循例請卹 詔予祭一壇世職註嚴州所如故
君之三赴召也 聖眷有加十數年來同召者皆先
後授節鉞君亦屢推巨鎮方需大用而已不及待
朝野惜之然自起士伍至專闢功名者闕浙間邀
恩世職傳之子孫豈偶然哉君生天啟癸亥年十
月初十日卒康熙乙亥年八月十二日享年七十有三
配李氏三原鄉進士諱宏基女屢封一品夫人子伯
成康熙乙卯科舉人父振邦女適黃巖鎮標守備李
之振伯成以年月日墓君嚴州城南某地銘曰
中州靈淑氣所鍾橫文躍馬挽強弓大小百戰揚旂

健松齋續集

卷之八 墓誌銘

古

功猷山蕩海真豪雄高懸鵠印酬勲庸承 恩三觀
明光宮俾爾世職伴從龍括蒼險遠臨閩東誰其保
障資元戎時平無事方雍容身騎箕尾歸天中嚴陵
山川蔚蔥蔥靈所憑依馬鬣封 啟後人豐碑礪

童處士兄弟合墓墓誌銘

余少時侍先君子於勺圖其數相過從者爲解林童
翁兄弟交相善也丁亥先君子攜家避亂翁兄弟分
宅以居因得與其諸子秉梓輩同筆研距今垂五十
年矣兩翁先後卽世先君子亦捐館余馬首南北契
濶日久幸未翁季子秉銓舉明經相見郡邸歡然道
故知其家頗中落而子姓日益繁爲之咨嗟太息今
年冬秉粹等以翁兄弟素友愛聞闢雍睦議共爲一
墓以成先志余聞而善之諸子以志銘請乃不復辭
按狀處士諱國永字允貞文學諱國蕃字嶽生世居

健松齋續集

卷之八 墓誌銘

五

邑東解林父梅亭公諱立信漢陽司李敏問公元孫
也饒於貲慷慨好善舉翁兄弟孝友醇謹有萬石之
風梅亭公寢疾翁兄弟侍湯藥不離牀第者三載梅
亭公安之比疾革遺命處士綜家政文學潛心舉子
業毋奢靡以殞家聲毋傷和氣以干天譴旣歿兄弟
哀毀喪葬悉如禮自是處士經理內外凡田園登耗
錢穀出入親朋往來皆身任之文學得以一意從師
不知有米鹽凌雜之事鄉人益稱之崇禎庚辰歲大
饑冬復大雪連旬有莊農十數家居雲山賣薪爲生
至是幾無以自存兩翁歎曰雪不止雲山人歟矣馳

二僕負米賑之親族有告匱者悉從所求無少吝解
林距淳安近歛民流入淳境者千百計青溪以南
餓殍載道處士憐之欲爲全活計謀之文學君文學
欣然曰善事也於是獨康賑抹老弱不能就食者計
口給米歛則具棺殮之一夕夢數十人環列跪拜覺
後猶彷彿見之其賑窮卹難相勉爲善如此壬午始
構松齋書舍延師課子癸未文學補博士弟子員時
明末大亂家門頗多橫逆內篤宗親外禦禍難雖家
業漸凋而友恭之好始終如一丁酉處士病篤誠
諸子曰叔父艱於嗣故軍當父事之勸其置媵幸而

健松齋續集

卷之八

墓志銘

六

有子庶慰我泉下耳諸子遵遺命文學亦撫之若已
子鞠育訓誨婚娶畢始議析箸迨辛亥舉子秉和而
文學逝矣今之相與有成者皆諸子仰承二父故歷
久而彌篤也嗟乎世風衰薄極矣爭財尚氣同室操
戈律有外侮亦漠然不相顧以視兩翁其爲賢不肖
何如哉翁既兄弟和翁兩孺人復相悅無間言周孺
人齒稍長逮事尊章能先意承順尤勤於婦職櫛內
務然程孺人性勤儉雖居豐裕自奉至薄妯娌同心
內助亦有難焉者處士生某年月日卒某年月日年
五十配松溪周氏旌表孝子惟一公孫女生某年月

日卒某年月日享年七十有四十五秉粹秉成秉發
秉銓秉銜衡幼文學撫爲嗣女一適淳安吳達元文
學生某年月日卒某年月日年五十有五配淳安程
氏生某年月日卒某年月日年四十有九繼余氏再
繼鄭氏子一秉和鄭出秉粹等以冬十月墓兩翁於
祖宅之東昆友同塋娣姒合祔近世所未有也銘曰
而兄而弟繫友且恭生既式好歿亦同封九原相聚
室家雍雍祚爾後人介福攸同

健松齋續集

卷之八

墓志銘

七

叔祖年九府君偕配徐太安人合墓誌銘

叔祖年九公捐館舍距今二十六年矣先是徐太安人卒公以沂洋洲地一區足備窀穸會病不果今年秋公仲子成卻卜兆得吉於九月一日壬寅奉公暨太安人歸藏而以側室鄭氏附焉事既竣屬象瑛志墓按狀公諱近年字書衡曾大父壽寧公少子大父開學公弟也與仲兄文學公同出章太夫人公少警敏爲文有奇氣好讀異書交里中名士閣學公器重之性豪爽重然諾不屑與俗人伍爲人排難解紛數語立決尤豪於酒闢地城東南爲移園集賓客譚飲健松齋續集 卷之八 墓誌銘 六

蔣花種魚蕭然自放順治丁亥受知於督學孟津李公儼於庠時家罹寇亂擲者百出公與羣從文名繼起始稍稍振膏赴所親飲其族有忌者揚言將辱公公聞徑詣其家反復呵誚其人噤不敢出乃徐還就席暢飲極驩而罷其嚴氣正性如此公潛心舉業於大全諸書尤折衷不苟侍講公九歲善屬文不欲委之庸師躬自督課年十九舉辛卯賢書公文亦中選爲主司所落明年侍講成進士讀中秘書公乃棄諸生與先君子及里中親故爲河朔之飲絕不干與外事丁酉侍講典試江南便道歸省時太安人五袞

奉冠帔稱觴上壽鄉閭榮之公何以聞事逮繫尋卒章安人殉烈死公連遭慘變念侍講少不更事爲人所誤恒鬱鬱不樂徐太安人既病歿又丁太夫人憂益哀慟成疾雖手纂詩書左傳國語課教二孫并以自遣然向時豪氣略盡間從二三舊遊攜壺榼小飲園亭古利酒一再行輒已醉困以是疾益甚遂不起嗚呼可哀也已象瑛與侍講幼同學數親公提命丁未南歸公已病執手榻前以克振家聲爲喜每念公知予深先君與公生同庚契好尤最篤今公已妥魂魄而先君尚厝淺土瞻拜封塋不禁撫心而三歎也健松齋續集 卷之八 墓誌銘 九

公生萬曆壬子年五月初一日寅時卒康熙戊申年三月廿八日戌時享年五十有七以子貴題封承務郎左春坊左贊善兼翰林院檢討配淳安徐氏廣東理問諱呈祥女和婉吳順勤於婦職公卜急能以柔承之里稱賢焉生萬曆戊申年九月十六日子時卒順治己亥年十一月十二日戌時享年五十有二題封太安人側室鄭氏汪氏子二猶原名成卯壬辰進士歷任內翰林國史院侍講章氏舒城知縣諱可試孫女貢生諱復亨女題封安人側室詹氏嫡出次成卻邑庠生娶鄭氏庠生諱勲女汪出女一適庠生

黃慶禧嫡出孫五象現郡庠生娶余氏貢生諱震龍
女象挺邑庠生娶章氏甲午舉人會同知縣諱潤奇
女猶出象瑄象玳象璇命出曾孫四引蕃庠生娶黃
氏引荃庠生娶余氏現出引茂早卒引淑引淳挺出
元孫一錫曾蕃出銘曰
誰宅斯丘壽寧令子兄輔綸扉于官太史好古雄文
倜儻自喜肆屆榮封後先濟美翼翼幽宮水環山峙
貽厥子孫永綏繁祉

健松齋續集

卷之八

墓志銘

三

文學惠人嚴君偕配姚孺人合葬墓志銘

嚴生鎬與兒子引祺同儷於庠交相善也去年冬薨
先導人文學君暨姚孺人以麗牲片石相屬予不文
何容辭按狀君諱化僑字惠人一字匪石系出漢處
士子陵先生唐時伯祥公由桐廬遷遂安竹賢里爲
邑東望族祖景濤公有善行資粥賑饑人至今稱之
景濤公三子長諱時理萬曆辛卯舉人仕洪縣令季
諱時珍生子孝廉公化民崇禎癸酉舉人仲會所公
諱時璋則君父也會所公負異才尤熟六朝文字少
時應郡試第一不售卽棄去家居豪放不屑屑事生
健松齋續集 卷之八 墓志銘 三
產年八十九從未一詣城市士論高之君生而恂謹
事父母先意承順同邑澄海令方公聞讀君母舅也
君少受業其門澄海公亟稱之顧爲文刻畫艱深小
試輒不利年二十輟業爲農從兄孝廉公見其舊作
告會所公曰弟文雖稍晦然氣力深厚柰何聽其自
棄耶乃復治舉子業晨夕攻苦學益進年二十七補
郡學弟子員自是潛心經史與邑中名士爲文會予
師長子令余先生與君交最厚每過從坐談竟日予
童時從憲隙窺之喜其來惟恐其去也屢試棘闈不
偶遂絕意仕進訓徒授經所造就甚衆鎬總角能文

章躬自督課今才名籍籍庠序間蓋庭訓爲多焉生
平篤於友愛兄以正公早逝撫其孤若已子族有以
事傾孤者力爲辨白族舍孤與君爲難勿顧也從兄
以恒公饒於財中風暴卒兩子幼田園登耗租粒出
入無代爲部署者兩孺人以托君悉心經理不辭勞
瘁會奉文清丈田畝君按籍稽覈尺土寸壤人莫能
欺如是者數年無絲毫之染有人所難焉者元配姚
孺人性勤儉躬自操作君兄弟析箸僅得膏田四畝
不能給餽粥時米價騰踊孺人日減餐積米得無缺
食君困童子試勞勸慰之曰學果成何難一領青衫

健松齋續集

卷之八

墓誌銘

耶其明於大體如此孺人歿復娶林氏生二子君易
黃時長五歲次甫三月林他適鑰承遺命鞠之成立
今君孺人奄逝日久而里人譚往事者輒稱爲古君
子賢內助其言行歷歷可述也君生年月日卒年月
日享年五十有六姚孺人生某年月日卒年月日享
年五十有一子三長鑰邑廩生次鑑次鏗孫五人鑰
等以甲戌十月奉君及孺人合葬東亭橋西上柏園

銘曰

貧而嗜學奇於數義而無私守厥素誰其襄之賢內
助柏園蔥蔥蟠且固祚爾後人永封樹

敬贈奉政大夫河南汝州知州前府學教授廣生
仲朗吳公簡配方宜人合葬墓誌銘

丁未夏贈奉政大夫仲朗吳公卒於瘕子以渭陽之
誼復叨甥館公知予最廣予屢遭危疾公起之受恩
又最厚常思敘述生平垂之後世顧錄錄史館歸來
復苦怔忡久未能就今老矣倘不亟爲詮次使公嘉
言懿行湮沒不傳予臯滋甚乃力疾志其大端焉公
姓吳氏諱達觀字仲朗外王父刑部主事諱觀光仲
子也與先妣同出漢川方孺人六世祖倬高祖欽祖
一祚皆起家進士歷官監司有政聲公世承家學仁

健松齋續集

卷之八

墓誌銘

厚醇謹中無城府恂恂若不勝衣而言行端整皆有
尺度刑部公素嚴峻兄早卒公日侍左右每立語庭
中輒至夜分人多引去公應對不倦刑部公怒公至
數言立解友愛諸弟終身無間言少嗜學敏文章聲
藉藉庠序中五試棘闈不利未老投牒棄去訓諸子
躬自督課癸卯之役予與仲君同舉鄉試族人置酒
爲賀公欲然未嘗見辭色也生平博極羣書尤精岐
黃家言獨有神解其學以李東垣薛立齋爲宗以固
元氣補脾胃爲本按脈製方不必與症對而神明變
化隨手立應嘗曰天地氣運不齊人質強弱亦異故

讀以前人體多熱宜清涼近今以來人性多寒宜溫
補又曰服熱而誤十可救九服寒而誤百無一生其
持論最精求之者滿戶外然公不屑以醫名也康熙
中三弟叔成公患疔時醫用清涼解毒之藥公診六
脈無火宜附子理中醫大譁而止疾益劇奄奄待斃
公痛詈無知手烹藥以進藥甫竟已斷肝熱瘵矣
且病去疔亦漸瘳四弟季可公得血疾醫復用涼血
清肺血如泉涌公以獲附療之弟素信公恪服至六
百餘劑而痊一時親知莫不咨嗟歎服當公之療二
弟也兩公饒於財皆未有嗣公舉五丈夫子群議沸

健松齋續集

卷之八

墓誌銘

五

騰謂熱藥治熱症當速斃至疑公或利其所有兩孺
人頗惑之公力持不顧方宜人及諸子亦以避嫌為
請公忿然曰庸儉殺吾同氣忍坐視耶執益堅病亦
皆愈向使公休於衆論躊躇顧兩公勢必不起將
何以自安然醫藥既誤適當其會又何以自解乃公
中有定見略無引避卒之沉痾立起疑謗釋然雖妙
詣通微其堅決迫切之誠有恒人所萬萬不敢出者
然則友于之愛神明之用卽此可概見矣他如白痢
用芩連赤痢用薑桂目疾宜寒而療以獲附胎產宜
溫而治以石膏因時制宜歲全活常數十人得其方

者更相鈔傳或竊以治病公笑曰吾所憑者脈耳不
知脈而專襲吾方獲附之誤安知不與庸醫等耶蓋
公生平所用率本理中異功而權衡之頗疑偏於燥
烈不知其不泥古方不執已見神明變化皆儒者窮
理濟衆之學未可與醫家者流同類而論也公初
未著書予勸其立說垂世乃彙集向來治驗冠以論
說未及半感微疾卒所著才十八篇予序而傳之名
曰醫驗遺書先太學叔刻之汴梁今行於世方宜人
出賢溪名族性勤敏通書網於禮法事刑部公先意
承順獨得其歡心延師教子不辭勞瘁年七十親見

健松齋續集

卷之八

墓誌銘

五

二子登賢書餘亦文名卓立皆母之教也公既將醫
宜人亦習聞義理施方給藥里人至今思之公生萬
曆丁未七月十三日卒康熙丁未七月廿六日享年
六十一府學增廣生以次子宏貴 敕贈奉政大夫
河南汝州知州方宜人生萬曆戊申正月初五日卒
康熙癸亥七月十七日享年七十六敕贈宜人子五
人家駿庠生宏癸卯舉人見任汝州知州賓戊午舉
人侯補內閣中書家庠生容廩生女一歸予 敕贈
儒人孫十八人憚丙子舉人悅佺俱庠生恬業儒早
卒家駿出怡廩生懋愉愷健俱庠生宏出惇懌俱庠

生賓出勸庠生情悽業儒案出愴庠生悵廩生悵博
俱業儒客出曾孫二十六人作霖作棟憬出作梅作
模作棹作楷悅出作舟恬繼子作揖金麟佺出世昌
角麟怡出莊麟梓麟懷出周麟遐麟愉出天麟襄麟
愷出川麟愷出承烈承謨承統惇出鳳振惇出聰麟
哲麟情出崔麟衍麟忬出元孫三人鍾瑞鍾文作霖
出雲瑞世昌出家駿等以 年 月 日奉公及
宜人墓某所銘曰

愛吾弟其情親起厥疾其術神合之而效惟其具儒
者之學審所因窮理濟物依乎仁懿哉內助母德均

健松齋續集

卷之八

墓志銘

三

宜詩書之食報而佑啟夫後人

文學瑞若姜公偕配吳孺人合墓墓志銘

里中姜公瑞若與先府君同爲比部吳公晉諱石之
役復引余爲忘年交蓋至戚至交莫爾氏若也戊辰
公壽七十命余題像并以爲祝距今又十年餘矣清
明疆固無疾病去年冬感微疴尋卒外弟奮渭賢孝
砥文行請毛子會侯作傳而屬余志其墓余何容辭
按狀公姓姜氏諱如芝字瑞若晚更號半菴世居邑
西郊祖諱習孔萬曆丁未進士歷官鴻臚卿父諱調
鼎香河知縣要淳安方孺人生子四公其長也少多
聞強記年十八爲諸生未老棄去性孝友香河公卒

健松齋續集

卷之八

墓志銘

三

於任扶輿儋官皆以家督身任之友愛諸弟終身無
間言顧家值中落散衣蔬食淡如也好蓄古器玩雜
植奇花異卉暇則放遊諸名山或過知交齋館談笑
竟日老而勿倦家故多藏書手自采輯每有所聞輒
隨筆記錄久之積成卷帙此外有無出入皆不問其
高懷曠致出於自然非矯飾也當吳孺人歿時公年
未屆強仕恒情處此度必重婚或置姬媵爲中饋計
乃公眷念兒女終老不要孤帷獨處者四十餘年生
平不多作詩寢疾前數日口占十絕句示子孫達生
知命臨歿不亂有人所難焉者憶往時召凡謂公衡

山道士唐末上昇以小過誦降語頗悠謬同人常戲呼爲謫仙由今觀之其信然耶同學前後凡二十人十餘年來凋謝殆盡存者獨公與余及李子人如毛子會侯四人耳每念早衰善病繼諸君後者當必在余今乃以病夫銘公墓追念疇昔不知涕之何從也公生萬曆己未七月初七日卒康熙己卯十月十六日享年八十有一配淳安吳孺人先外王父刑部主政諱觀光次女余從母也慈孝柔婉備諸婦德生同年六月十三日卒順治丙申十一月初二日年三十八子一奮渭邑廩生娶方氏從叔文學諱成鄰女女健松齋續集

卷之八

墓志銘

夫

一適方象琦從叔文學諱成鄰長子孫二人貌皆邑庠生毓滄業儒曾孫一人曾蕃郡庠生奮渭以年

月 同葬公果所銘曰

名卿之孫夏吏子齒躋大耋潛不仕品石蒔花悅闕史肆啟孫曾踵厥美無營癖嗜佳山水澗曲峰環君所喜延陵從母偕棲止芘爾後人從此始

所之草題辭

詩非高士不能作然所謂高士者又非必棲巖飲谷避世而逃名也身列金華而心同林野古稱丘壑養龍衣冠巢許則真高士耳昔者二疏致政而未聞能詩浩然能詩而未嘗入仕惟賀季真風流高蹈樂返鑑湖明皇以詩送之曰豈不惜賢達其如高尚心自有詩人辭榮入道如季真之高者未數數見也渭仁先生奮迹魏科翱翔鑾坡秘閣不可謂不榮矣十年編撰萬里掄才業在木天教行燕蜀不可謂不盛矣綸扉密勿以繼乃祖之緒直指顧間耳而恬然引退

健松齋續集

卷之九

所之草題辭

齒踰五十遠以疾辭放散於長林豐草間者又十有餘歲非高人而知足知止者能如是耶向讀先生健松齋詩文集累累數十萬言無非金匱石室之奇茲過金陵復出所之草一編見示乃先生十餘年來往來吳越曉閩及汴宋豫章求醫治疾足之所履目之所矚之作也昔少陵流落巫夔詩乃盆盛太白逖迹青山詩乃盆豪先生生盛時登臚仕而自托於靖節之餓驅少陵之藥餌而詩之豪盛過於李杜其高尚曠達之致絕類季真高士而詩人惟先生兼而有之真不愧白雲家風矣然先生望重朝野 清廟明堂

之上方將鼓吹休明膏澤天下恐未能聽先生采芝
茹木也敢拭目以俟焉

秦淮後學龔翰蒼岳誤

健林齋續集

卷之九

所之草題辭二

自題所之草

陶靖節詩儼來驅我去不知竟何之杜詩又云藥餌
扶吾仕所之夫所之偶然耳一爲儼驅一出病道甚
哉貧病之累人也予冷暑十年沉疴三載里居以來
乃復加其蓐藥之費貧既以病而增而愁悶相乘病
且因貧而劇於是不得已爲汗漫之游放覽山川徘徊
古今名勝一歲之中強半皆舟車道路偶便道訪
舊亦有意無意遇之雖不能霍然勿藥亦藉以自遣
耳病中不復爲詩間有所作弄藏笥篋今老矣非獨
不能詩井不能遊因取丙寅以來游覽贈答之什附
健林齋續集

卷之九

所之草自題三

人哉

康熙壬午春日良堂教養象英偶書時年七十有一

健松齋續集卷之九

遂安方象瑛渭仁著

所之草上

紫陽山避暑

拾級循崖轉支節最上頭泉耳分白鹿洞古學羅浮
暑散熊羆月涼生枕簟秋湖山多勝地小築有斯丘

其二

入夜尤清絕虛窻面面通林濺時透月葉落不聞風
嘈雜爭枝雀淒淒清繞砌虫更關未忍睡疎影過梧桐

青溪望海忠介公祠

健松齋續集

卷之九

所之草上

落日平橋望中丞舊有祠清風原百世勁氣自當時
草沒樂公社臺荒峴首碑誰能更俎豆寂寞感人思

岑山 俗呼小普陀

一攀蒼翠色笑兀望中浮徑曲山過雨春寒石抱樓
鐘聲來木末樹影落江流小閣會遊處重登笑白頭

古城巖

怪石凭江出遊鱗千萬羣依人時近岸擊水盡成文
不信江湖濶寧隨波浪分悠然濠濮意莊惠未曾聞

重過鄱湖

湖水落已盡寒流處處分漁罾扶岸山湘笛隔船聞

浴鵞喧孤渚歸鴉逐斷雲廿年棲泊處惆悵對斜曛

康山忠臣廟

輕舟彭蠡湖晴波蕩沙渚康山數點青前朝決戰處
當時漢最強餘燼水上拒飛礮碎皇舟難星條已度
誰云紀信忠韓侯且再遇六舟捷如龍乘風縱一炬
飛矢貫渠魁興亡判指顧戰歿多豪雄濟陽死猶怒
廟祀三十六戈甲神人護俎豆喜還新山川宛如故
友諒既覆亡明社亦改步回眺古戰場寒鴉啼古樹

登滕王閣

高閣今還在登臨意惘然山光浮檻外帆影亂階前

健松齋續集

卷之九

所之草上

帝子曾開府詩人正少年風流竟何處寂寞倚江天
許旌陽祠

拔宅仙人去翕傳鐵柱宮蛟螭潛域外雞犬聽雲中
萬里波濤靜千秋廟貌同靈樞經一卷笙鶴曩晴空

滕王閣詠古

鳴鑾珮玉幾滄桑歌舞何曾重豫章幸有凭江高閣
在至今猶自說滕王

其二

南州榮戟已千年雅會登高亦渺然何幸張筵閤伯
輿遺畱名姓重江天

其三

于安詞藻自稱雄勝日登臨賦轉工今古才人應不少知誰更值馬當風

送杜湘草送山陰

河沿春寒醉落梅柯亭又復一帆開千巖萬壑山陰道爭看瀟溪杜老來

其二

風雨錢塘鼓棹遲若耶鰾畔柳絲絲遙知尊酒詩成處正是蘭亭禊飲時

山莊

偉松齋續集

卷之九

所之草上

三

郊行才十里一帶有疎林野店民風朴溪橋花氣淡風恬搖麥浪日暖秀秧針景物多清勝悠然適遠心

其二

農務今方始淺耕三月天村童驅犢過老圃傍畦眠籬草懸金雀山花落杜鵑遙聽桔槔響飛雨到春田

虎丘萊陽二姜先生祠東姜學在

當年請劍血猶殷介弟陳情未許還何處一杯埋鉞骨文章節義敬亭山

其二

可中亭畔講堂空偕隱東籬有二公誰道貞魂長寂

真千秋組豆弟兄同

訪汪鈍翁山居

共遂歸田約重來向虎丘亭荷初拂水籬菊半含秋蕭瑟琴書古紛披竹樹幽魚蔬和對好信宿爲君留

自題松菊歸來圖

霜姿鐵幹伴池東領略秋光菊幾叢今日歸來仍故我不須書裏認陶公

自題擁書圖

田間歲月竟何如萬事無營祇索居却笑此生同服望顛毛白盡案頭書

偉松齋續集

卷之九

所之草上

四

虎丘遇喬石林郎送之還里

偶然扶病步秋光有客扁舟繫綠楊貰酒相看成一笑十年華髮總如霜

其二

話別金臺四五年重逢客裏菊花天不須更說升沈事落日吳門好放船

顧書宣薛孝穆枉過適赴鈍翁言別未遇及報

謁復不值予亦適歸悵然有作

一棹山塘路何當三妙來題門應有意訪戴復空回鴻燕偏難值懸情已乍開論心何日是惆悵對香臺

巳巳二月

聖駕南巡恭紀四首

長江千里御龍舟吳越山河一望收漢詔猶通還補

助詔所過州縣免禹功底績正安流親閱河工旌旗影裏

來芳樹簫鼓聲中引棹謳耄穉歡迎都不禁嵩呼長

願奉宸遊

其二

行宮花發簇金鑾第一峯頭駐馬看山色遠從台蕩

至湖光直接海天寬宸章捧出雲霞麗御墨傳

來雨露溥御製登吳山詩書賜事臣禹會千年欣再觀東南盛事

健松齋續集

卷之九 所之草上 五

古今難

其三

勝日芳堤纔畫船西湖春暖養花天六橋桃柳迎

仙蹕三竺雲山入御筵燕賞白溪魚藻詠和歌還

叶鳳梧篇太平無事真同樂不羨遊河佩玉年

其四

翠華親臨禹穴來千巖萬壑望中開錢江日暖祥雲

捲大海風恬細浪迴魚躍時依青雀舫花飛偏逐紫

霞杯小臣蒲柳瞻天表十載眞慙侍從才

門人樊崑來檢討過訪

錦城秋色結相於半載長安共石渠正憶別來疎遠

問驚傳客裏在高車論心恰喜逢黃菊掃徑眞慙薦

野蔬讀罷少陵詩律細一時文采動吾廬

其二

相過喜值曉霜天回首巴渝路幾千垂老自憐常臥

病展親何意便經年漢陽樹好停車騎浙水風清引

畫船少壯趨朝須及早乘時莫戀楚江邊

京口遇潘次耕夜話

君歸笠澤雲我踏蕪城雪情話只須更落月催人別

重過揚子江

健松齋續集

卷之九 所之草上

六

不作江湖想田居數載閒無端率小艇又復向金山

遠樹空濛裏層城杳靄間江淮多舊好應惟鬢毛斑

其二

畫舫凌晨度江城萬木彫日高初破霧風定不驚潮

塢影穿窻過鐘聲出寺遙從來波浪濶秋水喜全消

縱棹圖訪喬石林

河渠書奏便歸田蕭灑園亭野水邊娛老都忘塵歲

月還山偏值好林泉千章花竹搥書幌十里湖隄纔

畫船如此退閒殊不惡管絃吹徹小春天

石林畱飲觀家劇

十年替筆其螭頭松菊歸來事事幽
白恰高談迴落日紅牙度曲按清秋
門無剝啄憑高臥座有圖書足
唱酬我亦山居空寂寞對君真羨四時遊

過廣陵鄭愁嘉畱寓休園

廿年幾度向邗溝信宿空懷結勝遊
近喜開軒容寄跡不須載酒更尋幽
參差花竹分窻見屈曲池塘抱閣流
最是三峯競奇秀登臨看徧古揚州

其二

水部風流舊所傳承家真羨後人賢
卽看圖畫畱千古况復亭臺勝昔年
雪裏登樓聞唳鶴橋邊拜石俯
健林齋續集

卷之九 所之草上 七

流泉老夫病臥耽幽寂十日名園較爽然

題家恂如畫梅卷

探梅曾記段橋東十里香聞夾岸風
映水數枝尤秀絕今朝重值畫圖中

答汪叔定見簡用令弟蛟門健松齋贈詩韵

客憲松竹森成園屋頭殘雪還紛霏
刺史擁爐夜召客江均州黃柑紫筍霜
螯肥東軒詩名噪寰海醉北阜淹雅傾
龍威君自號北阜促坐縱談燭欲跋一時文采
增光輝君家難弟舊同諧少年騷賦招湘
妃珥筆蘭臺資著述一朝放廢知何依話
別長安六七載夢想

何啻如朝饑長沙不過相如舫研齋十二空
雙扉昨日平山哭文冢丹黃猶在知音稀
與君話舊益摧慟麗牲片石慙珠璣君屬余志蛟門墓蕪城霜滿歲行暮
羣羣飛信宿將南歸好收遺書撫孤子莫
畏離羣孤雁飛

題休園三峯

石磴盤紆路幾重凌空蒼翠削芙蓉
蕪城萬井煙霞裏也合名呼第一峯

答宗定九見贈

定九贈詩入章刻箋綴寄

少文家世舊通門握手園林倚石根
四海交游推國士一堂詞賦繼聞孫
著書早擅芙蓉集高臥重開楊

健松齋續集

卷之九 所之草上 八

柳村八詠藏箋方罷讀還期載酒問東原

韓醉白屬題東軒

卜築蕪城裏東軒一徑幽穴墻書滿架
掃石竹當樓半榻憑高寄三時足臥游
著書成大隱何必五湖舟

平山堂和歐公韵

一天殘雪歲將闌勝地淹畱得其攀
十里江聲浮木末萬重山色落簷間
香銷隋苑風流盡閣敞平岡歲月閒
多病幾年常寂寞今朝憑眺一開顏

弔汪蛟門墓

松陰漠漠野田荒比鄰風流記蜀岡
樽酒詩成竟何

處一杯衰艸殉文章

其二

寥落歸帆六七年招魂無處曉寒天
研齋十二空回首落日孤墳倍黯然

尋迷樓故址

此地曾經駐翠華蕭蕭佛屋冷煙霞
雷塘不見司晨鳥水殿空聞迎暈花
碧瓦彫殘螢苑曲翠鈿零落玉鈎斜
千秋歌舞傷心處衰草空田噪晚鴉

玉鈎斜

三千錦纜下揚州來夢司花總一丘
落日宮人斜暉健松齋續集卷之九
所之草止九望不知何處問迷樓

紅橋

傍郭圓亭面面開小橋流水暫徘徊
廣陵多少春遊客誰信今朝帶雪來

雷塘

漠漠空田野水流雷塘蕭瑟故陵秋
君王愛向江都死豈獨傷心是玉鈎

梅花嶺

史相國衣冠墓

梅花嶺上幾人過寂寞孤墳蔓艸多
百萬生靈同日盡空將血淚灑江河

山陰侯賀公廟

公諱齊廟在淳安縣

三國爭雄日震區鼎足分誰扶吳大帝
只數賀將軍智略元殊衆瓊奇早軼羣
孝廉膺察舉山越蕩塵氛遂掃侯官窟
重開太末雲名邦新定啟勝氣豫章開
戡定雖云武豪華實好文生原推烈士
歿亦祝神君廟貌龍山古丞嘗雉水
芬筵算惟影響祠禱日飢魚四野恬風
雨三時樂耘耔聲靈真赫濯千載壯江濱

于忠肅公祠

落木蕭蕭野徑虛豐碑遙傍藕花居
誰令餓骨埋荒草惟有青山識舊廬
百戰勦勞臣大計七年遺恨泣

健松齋續集

卷之九所之草上

十

靈胥忠勲公自名天壤載筆猶慙太史書
予分撰明史于公傳片五易築宣城施愚山謂當書一通於之忠肅祠中

淨慈寺看菊花

輕寒一棹藏南屏誰綻黃華滿畫橋
蕭瑟三秋團碎綵紛披五色亂繁星
漫憶菊井人難老尚憶東籬酒半醒
山寺客來風日好不須重倩護花鈴

重過信州馮躬暨使君留飲

正憶經年別重來又杪春江城初喜雨
官閣遂留賓綠蟻開尊便紅牙按拍新
使君多雅韻熟賞莫辭煩

其二

何意來水暑相逢有故人

吳江徐電發
若上胡鼎明

筵開陪膳集

曲度曼芳塵珍鳥殊方種

白鸚鵡金錢
雀皆粵產

繁花別院春

臨風懷舊事高閣記平津

吾師相國先
生久疎候問

般若菴與徐電發話舊

萍棲剛此日一棹又重來雲護題詩壁舟移說法臺

尋僧香徑熟看竹梵林開忽值金門侶譚淡待月回

一杯亭

此地曾投懋滄桑二十年城餘新瓦礫樹長舊原田

魚米初成市烽煙莫問天一杯名自古臨眺倍淒然

夏忠愍祠

健松齋續集

卷之九 所之草上 士

夏相祠還在兵戈一炬餘豐碑前代字高閣舊時居

報國謀方切籌邊志未紆分宜西望近柔梓義何如

辛未夏訪門人陳宅三於宜春時新葺東齋予

名之曰靜寄留寓數日喜而有作并以志別

仙令堂成日蕭然一逕疎莠苗新雨過楊柳小窻虛

吏散時調鶴官閒祇讀書知君多靜意涼月滿庭除

其二

七載燕山別江城片舫來亭空宜好月簾捲對高臺

話舊人千里論心酒數杯比年懷抱惡今夕爲君開

其三

勞人何草草無那病兼貧下榻容吾懶論交見爾真

賓朋同勝集譙賞決佳辰別後應相念書來莫厭頻

再泊章江門

輕舸來往便兩度艤荒汀日落滕王閣風高處士亭

波光搖浦樹螢火亂江星極目滄茫裏西山點點青

江上遇朱悔人

金臺楊柳青論交得朱子話別十年餘寸心渺千里

今年過洪都維舟章江水中丞枉車騎

下士知君郢中來相見各驚喜促坐追舊遊歸帆又

東指情話須臾間且復停寸晷別後更相思應從今

健松齋續集

卷之九 所之草上 士

日始

滕王閣觀競渡歌

停橈偶傍章江門滕王閣下龍舟喧龍舟往來何雜

還鳴鉦撾鼓聲崩騰書樂齊飛拂江水驚濤雪立風

雷奔蛇蟠鱗鬣波光裏盤旋出沒爭雄尊南浦雲開

棹謳發西山雨歇旌旗翻耄倪攢觀久不厭紛紛那

復知其源我聞三閭大夫歟大招無計呼天閨楚些

哀怨激江潯蘭橈桂棹邀精魂如何傳會失初意叢

祠賽社連朝昏司馬司徒載主出誰憶沉江弔屈原

荆巫尚鬼類如此歌曲嘈嘈總不根安得離騷讀萬

遍呼之或有精靈存司徒廟漢陳蕃司馬廟晉溫嶠

弋陽道中

溪流清且駛曲折百千重野渡沉新雨危崖抱短松
湍迴初得路石老盡成峰古戍前村近停橈聽午春

送張蘭溪致仕歸秦中

幾年臥病向吾廬聞道花城引犢車百里正看馴雨
露一帆何意狎樵漁歸來松菊情應適老去琴尊興
不虛却惟緇塵都錄錄秋風誰解憶鱸魚

題王宛虹孝廉秋山掃墓圖

流泉一帶繞松楸桐道迴環野徑幽孝子瞻雲無限

健松齋續集 卷之九 所之草上 十三

意半林黃葉萬山秋

哭毛稚黃晚年著書名在林思古堂其舊宅也

論交猶記客中來老友忘年日在回堂爲窮愁銷歲
月還將文史殉蒿萊佳林遂隕詩書氣思古空傳著
述才太息老成零落盡湖山寂寞總堪哀

九日斗閣省墓歸舟望馬儀潭一帶紅葉

秋色明遠山涼風拂溪水老病怯初寒舟泊蘆花裏
壺觴拜墓門迴船集孫子潭空水初落清淺石齒齒
夾岸霜葉濃丹楓雜紅柿掩映餘霞飛參錯皆錦綺
漁歌遠近聞悠揚鹹俗耳薄醉竟陶然村村暮煙紫

莖仲媳毛烈婦事竣志感

一死相從到九原傷心無計慰貞魂十年信誓今朝
定連理枝應繞墓門

其二

投閣吞金事總難兩旬絕粒血猶丹從今隴上鴛鴦
冢千古行人駐馬看

壬申元日

荏苒韶光六十年驚看甲子又周天囊空祇見膏湯
藥病久眞教廢簡編自笑局門成獨坐還因謝客任
高眠閒聽世上升沉事春酒團圓較坦然

健松齋續集 卷之九 所之草上 十四

其二

辛盤椒酒不須論紅日三竿未啟門案上屠蕪期老
友牀頭爆竹引諸孫殘梅待雪開新葢細草知春長
舊恨歲月須臾今又始隨時且復度朝昏

贈羽士

共住浮生六十秋歸來高臥擬滄洲獨憐卻病無眞
訣羨爾閒身五嶽遊

湖舫小集時將有汴梁之遊

一帆春水渡錢唐載酒西冷日漸長最喜山明新雨
後不妨舟繫小橋旁夾堤花柳遶芳草蒲坐賓朋話

故鄉却笑相如還善病驅車漫擬學游梁

舟雨和韵

水國常多雨春寒未肯晴
曉煙沉浦樹宿霧暗江城
風急千帆轉波添兩岸平
諸君多逸興頓使客愁輕

京口夜泊用杜詩爲起句先寄閻梅公中丞

藥餌扶吾任所之披裘三月大江濱
幾年遺病常爲客千里離羣每繫思
吳市南來天欲暮夸門西望路偏遲
故人此夕多豪賞應念孤舟旅泊時

其二

藥餌扶吾任所之滿天風雨纔船時
局門自合娛衰

健松齋續集

卷之九

所之草上

五

老襖被還期訪舊知北固峯頭凝眺遠
南徐城畔挂帆遲
游梁司馬方愁病
穉燭凭江一寄詩

曉發六合縣

小縣驅車早晨光一望微昏添知憂
近花盡悵春歸捲幔榆錢入
搖鞭柳絮飛長途方苦病未敢換征衣

荆山

獻玉還遭別良珍祗自傷
光輝不善匿莫怨楚懷王

淮河舟行

一棹浮淮水江村望裏稀
鷺鷥衝浪起遠村夾橋飛
稍覺炊煙近迴看浦溆非
榜人偏服甚談笑指漁磯

其二

長天日已沒夜靜喜風柔
帆影穿林出波聲帶月流
依沙投岸火繁纜寄漁舟
高臥蓬窗穩鳴榔聽曉鷗

其三

滄茫淮水濶倚棹入晴空
天豁東西岸帆交上下風
濤聲奔渚白霞采落江紅
息纜知何處荒城杳靄中

相國寺東院卽事

寺是何年闢峇堯古梵宮
疎鐘清午夢高閣倚晴空
燕掠桐花雨蟬嘶柳葉風
緇塵都不到爽氣滿天中

其二

健松齋續集

卷之九

所之草上

六

雜還輪蹄內偏宜小閣清
捲簾延月色隔院落鐘聲
卓雀棲初定虬藤影漸橫
晚涼多靜意差慰客中情

汴中十詠

造字臺

天畱圖畫未分明神巧偏開造字名
莫恠書成鬼夜哭無端文字禍蒼生

禹王臺

淮水曾經此地過龍蛇古屋奠洪波
禹功旣遠隄防亟歲歲金錢障濁河

吹臺

卽今繁盛

曾聞師曠有高臺雙鶴銜珠繞座來今日繁臺空悵
望平沙漠漠鳥飛回

孟子遊梁祠

組豆何年拜孟林游梁遺廟頌蕭森誰將正學臣時
主車轍尼山一片心

信陵君祠

翩翩公子氣如雲猛士謀臣總不羣漫道原嘗皆奸
客賢豪只有信陵君

夸門

奇謀已報信陵恩刎頸空招烈士魂太息城南朱亥

健松齋續集

卷之九

所之草上

七

墓不知何處弔監門城南有朱亥墓侯生祠墓皆無考

陳橋

北伐何曾有漢師欺人孤寡實堪悲不須更下厓山
淚試憶陳橋夜半時

宋宮

才著黃袍入汴中趙家今又黍禾空中原王氣全銷
盡惟有神河繞故宮

艮嶽

荒草迷離古苑牆奇峯怪樹總茫茫神霄洞主今何
處淒絕東南花石綱

朱仙鎮

十二金牌咎戰歎豐碑猶峙兩河雲權臣當國忠臣
歎汴水湯湯不可聞

夜坐有感

亡仲子歿於汴署十三年矣前歲冬仲婦復殉烈
灰觸境感懷愴然有作

往事悲淡是汴州那堪又向此中留十年南北傷心
泪不盡黃河日夜流

五日旅懷

春帆三月汴中來又值榴花別院開萍跡祇應樓梵

健松齋續集

卷之九

所之草上

本

閣蒲尊空擬向繁臺題詩寂寞梁園客懷古滄茫鄴
下才剪韭烹葵消令節故鄉南望正街杯

藏經閣眺望

層樓百尺倚孤雲極目遙天雁幾羣二室西連秦塞
遠三門東注濁流分祠邊荒草思公子陌上閒花憶
道君名勝中原空往事凭闌惆悵對斜曛

憫饑二首

秦隴險要區饒沃稱天府嗚呼天降凶五年嗟不雨
斗粟溢千緡乞糴苦無所掘壕待僵屍老穉相撐拄
有時舉室亡白晝飽狐鼠丁壯勉逃生踉蹌去鄉土

一死終不解暫延豈足數反羨死者安得此生者苦
鳩鵲百千羣見之慘心斷當寧爲焦勞獨全發天庾
軫恤遣大臣流亡急招撫令甲非不嚴戰運亦勞午
道遠苦積遲米至骨已腐十室九不存蕭條見空堵
黍地無人耕秋成究何補試看中澤鴻哀鳴絕僞侶

其二

災稔何代無

皇心切溫飽有 詔賑秦饑揀焚須及早羽檄風雨

馳舟車願繁浩漕轉江淮粟陸運荆湖稻役夫千萬

衆井出洛陽道洛陽亦停饑婦子不相保亢旱經五

健松齋續集

卷之九 所之草上

五

年陌上無春草疫癘更侵尋顛連苦不少忍死供輓

輜可憐皆饑殍願上流民圖度以活枯槁

朱錫鬯南歸過於汴梁喜賦

何意夸門道萍蓬慰索居論交三世久話別十年餘

我自成高臥君今返舊廬故園山水好只合老樵漁

又

寄懷剛步載客哀喜相遇真覺高談勝何須感慨多

閒心銷著述歸興指關河遲我駕湖上秋清一嘯歌

寄汪梅齋時以翰林出守河南

翰林院門前
沙風吹不散

高嶽中天叔氣迴雙旌奕奕出金臺冊封久重 皇

朝使治郡新推太史才洛水風煙朝攬轡緱山笙鶴
夜傳杯吳公治行河南最舊築沙隄露見來

自汴至宋道中作

一帶垂楊好清陰接宋梁繁條經雨潤密葉度風涼

蟬噪行人寂鴉啼古道長溪林看不斷煙火出農莊

睢陽署中遣悶用張石虹壁間韻

逐逐梁徂宋炎風日正長燕鴻偏不值車馬只空忙

待月酬孤影開軒受晚涼不堪謀去住留滯總他鄉

其二

所如都不偶漢魏主人賢旅況何堪問羈愁總莫傳

健松齋續集

卷之九 所之草上

辛

無書消示晝有客任高眠彈鋏空歸去魚蔬牛月綠

籠雀

本是雲霄外雕籠苦見留雖無鷹隼慮豈爲稻梁謀

飲啄從人意翻飛不自由故巢歸未得何計慰羈愁

蒼豆八韵

蒼豆一名水豆蔓生睢州湖中五月采形如蓮子

味如菱江南水果所未有也余在汴梁宋州陸使

君見貽喜賦八韻

佳品元無種睢陽偶著稱嘉名遲隴菽弱蔓引溪藤

當憂承筐采如蓮出水澄含桃齊應候萍實或先登

乍見疑青的分嘗亞紫菱芳香金掌露鬆脆玉壺冰
北道由來少南人得未曾從今珍果藉荷菱莫相矜

宋中十詠

閔伯臺

閔伯臺前萬樹秋參辰不見總悠悠千年往事空憑
弔祇有黃河日夜流

徵于墓

故國蕭蕭禾黍空奔周誰復諒孤忠傷心六百湯孫
祀白馬萋萋列上公

文雅臺

健松齋續集

卷之九 所之草上 主

徵服當年何所之羣賢文雅自堪思非因伐樹桓司
馬誰識雍容習禮時

漆園

傲吏逍遙寄此都小棠城畔月明孤寓言十九終多
事何似忘言一字無

梁苑

辛王文酒紀平臺座客爭誇作賦才修竹苑圍成往
事更從何處問鄒枚

木蘭廟

志稱木蘭姓商丘人從軍歸後欲納
之宮中不從自經永贈孝烈將軍廟祀
之不知何據

樓甲從軍十載歸明粧依舊拜親闈何年更乘將軍
廟環珮無聲冷鐵衣

六忠祠

古雙廟祀張許二公後增南霽
雲雷萬春及姚開賈黃爲六忠

血戰嬰城志未伸江淮遞敵裔孤臣強兵坐擁誰會
問偏恠圍城浪殺人

顏魯公石幢

八關齋會宋州吏士爲田神
功疾愈報德顏公記并書

八關將吏事空聞祠禱應知動一軍不是平原遺墨
在只今誰憶石幢文

五老堂

杜祁公與王洪畢世長朱貫
馮平爲睢陽五老繪圖賦詩

太平無事早投閒老友攜尊共往還文采風流戎馬
健松齋續集

卷之九 所之草上 主

後尚傳遺貌在人間朱貫後人隨駕南渡居吳
中圖藏朱氏明時尚存

南湖

晏元獻教訓
其中藝文記

政成臺沼亦堪娛馴鸞文章記小蘇海雁橋邊衰草
沒邦人猶自指南湖

濠州龍興寺

布衣三尺起臨濠功業崢嶸比漢高不分再傳成遜
國誰憐未造殉憂勞僧寮冥冥餘衰柳佛火沈沈暗

野蒿當日龍興遺碣在都人猶說舊雄豪

舊陵

國初禁樵采今木石俱盡土人云有司許
民拆伐完通糧恐不然應是居民借端耳

鍾離秋色滿郊原寂寞淳皇舊宸園自昔雲雷封隱

道祇今榛莽護周垣殘碑漫滅前朝宇廢殿槎枵老
樹根聞說樵蘇曾有禁何人偏負聖朝恩

滁州道中

平蕪千里接青真岡嶺朝來始漸經怪道廬陵山水
癖環滁小築醉翁亭

贈宋牧仲中丞移鎮江蘇

話別章江一棹迴欣傳簡命向蘇臺三吳久領屏藩
寄十道重瞻節鉞來震澤波恬初按部虎丘月上好
銜杯應知表帥東南重須仗梁園作賦才

偶步十錦塔

健松齋續集

卷之九

所之草上

五

不逐笙歌汎酒船尋秋獨步段橋邊白蘋紅蓼斜陽
岸領暑湖光八月天

洪虞隣招集寓齋同林西仲聶晉人毛會侯王

丹麓

時將有本朝
文選之舉

客舍招攜便從君竟日留文章垂大業品賞訂千秋
簾捲簾花雨總分桂子秋晚涼期更酌街鼓促更籌

健松齋續集卷之十

遂安方象瑛渭仁著

所之草下

重過江郎山

數載征塵笑僕夫驅車又復問長途江郎三石還如
昨風雨聲聲聽鷓鴣

仙霞道中四首

躋險重來此紆迴一綫通關封闕微遠霧捲越山空
老樹團新綠繁花落亂紅停車遙縱望春雨正淙淙

其二

健松齋續集

卷之十

所之草下

十

十年巴蜀道辛苦赴王程豈意重關險無端遠道行
崇岡衝雨度亂石激泉鳴雲棧頻回憶應知此地平

其三

連岡看不厭蒼翠總堪圖樹密穿松鼠山空響鷓鴣
渚田通略約石徑接平蕪紅酒前村熟挑燈試一沽

其四

絕頂停車憶岡巒俯座還竹生初解籜松老不知年
忽暗千峯雨分飛百道泉蒼茫聞磬外別自有山川

舟行

雨漲江流勢轉橫朝經白鶴暮南平仙霞北望如天

上不用停梳數驛程白鶴山
在建寧

其二

歷盡單唐路幾盤驚濤都作等閒看數層白浪衝船
過已度鄧州點淡灘

其三

曲曲危灘兩岸空鷄心羊角石尤風榜人拍手都無
語蕩槳如飛雪浪中鷄心羊角
皆地名

其四

幾處人家野渚邊船中石碓水濺濺荷鋤戴笠農家
女三月春寒已種田

健林齋續集 卷之十 所之序下

神光寺即事

拾級香臺上陂陀一徑斜鐘聲寒古寺榕樹隔隣家
捲幔時看石烹泉每試茶淹留遲荔子才放兩三花

其二

聞道監軍宅三山祇樹林嚴封丹篆古井汲石泉
梵閣通朝爽迤峯叠夕陰倚闌看月上鐘磬夜沈沈

其三 主僧興木
龍詩齋

寺古巢山麓僧寮較爽然泉添新雨後石到小窻前
棚軟扶藤菊香清放午蓮遠公多雅韻詩書亦通禪

其四

雜詠

想足依名勝招提古道山孤松蟠閣外怪石落簷間
剪燭宵聽雨攤書晝掩闌誰知千里客寂寞伴僧閒
客裏蕭蕭感歲華食甘荔子便忘家無緣不及南枝
熟細遊春淡正著花

其二

僧廬嘉樹影扶蘇細蕊星星帶綠蕪針樹由來殊野
老不應屈作荔枝奴龍眼三接者曰針樹未接者曰
野老以繼荔枝而熟故呼荔枝奴

其三

怪石崢嶸路漫重層層臺榭倚高榕自憐濟勝都無
健林齋續集 卷之十 所之序下

具空擬同登薛老峯

酬高雲客見過二首

垂老成知已神交四十年著書多歲月策杖徧林泉
亂後存耆舊塵中老謫僊半生傾倒意難向此時傳

其二

無端來海嶠佛屋總蕭蕭衰病耽幽僻高軒破寂寥
談渡堪累日別早惜崇朝爲訂西泠約聯吟度六橋

城西草堂燕集

不須策杖問林丘傍舍園亭處處幽萬樹濃陰初挺
荔一池新漲不驚鷗歌聲恰對題詩壁望遠還登放

鶴樓勝日招尋多韻事暢心差慰客中逆

謝楊允大饒酒

廿載金臺共早春相看華髮總如銀白衣送酒知誰是客裏重逢有故人

其二

招邀會醉木蘭花折簡還傳載酒車小引一經添臥穩新醅不用覓藍家

會城皆用藍家酒

五月朔客饒興化荔枝雖未及熟亦稍慰閩來

想望之意賦三絕句東雲客允大諸君

無緣只擬樹頭看丹實垂垂忽薦盤六月南州知尚

健松齋續集

卷之十 所之草下

四

早何妨小試水晶丸

其二

爲愛南枝學浪遊人家穠荔幾時收今朝略識楓亭

意不恨連旬住福州

閩中荔園春時吳越人即付黃估計曰獲荔猶言斷價也

其三

漫訝西河語太狂萍蹤未盡宋家香懸脂頰類分耳

候豈肯輕詞十八

雲客云毛大可極語閩荔今亦尚未熟予不敢置辨姑俟異日

題寶藏閣

閣倚層層石窻前削劣峰凭闌看未厭靜裏一聲鐘

又

目放江城外禾疇一望開炊煙青縷縷萬井越王臺

又

夜久月初上花前螢亂飛涼風吹不斷五月冷絺衣

又

石上簾花月墻頭竹葉風下方鐘磬寂流影入簾櫳

五日郎中小集

高雲客饒新荔楊允大饒酒名蓮鬚白

寂寞招提寄此身蕭蕭風雨幾經旬三年旅況過重

午千里離愁繫早春歸棹尚遲天外客佳辰喜共枝

鄉人蓮鬚滿引膏新荔莫笑萍蹤滯七閩

野泊

健松齋續集

卷之十 所之草下

五

紉南灘水橫江流阻危石奔洪觸石飛雪俱俄千尺

篙工靜不譁歸入蕩心魂驚定喜波恬遠成秦岸驛

蕩槳香霽間江澄日已夕停舟倚石根繫纜穿石春

突兀皆奇峰高下無定格解衣跼其顛涼風生兩腋

四顧寂無人月上空潭白

草菴夜坐

蕭然城市中境僻年來在堦前秋并繁庭宇較軒敞

門封梅仙山羣峰自俯仰繡書消永晝和歌愜幽賞

習習涼風生暑氣靜方丈入夜轉幽清天濶星河朗

佛火點微微不聞鐘磬響坐久聞無人月照梅根上

補會大父壽寧宦績成示從子祺

我之曾王父於汝爲高祖積學稱儒行誼敦淳古
文教被桐鄉閩南沐慈煦前朝重宦祀兩邑歆樽俎
祀典列芳名政績漏卓魯倘不亟闡揚何以對祖父
諸公景先詰授簡續治譜以此慰私衷千秋垂勝舉
憶昨浙志成去畱恣所取薄宦滯京華汝父客南楚
家無千斛米佳傳誰爲主蘭薰同見收高曾棄如土
識者爲慨傷十年恨心腑汝曹志勿忘庶將後人補
謁朱文公祠先生讀書洲上扁曰溪山
覽考亭有寒泉精舍

紫霞洲昨望祠宇肅閤天一覽溪山盡千秋俎豆虔

健松齋續集 卷之十 所之草下 六

斯文猶闕里吾道在寒泉僞學當時禁眞儒奕世傳
驚湖逢掖古鹿洞講規懸舊祀陪高弟新思述後賢
特建陽再崇垣周竹樹書棟宿嵐煙渡愧辭章未登
蔭博士堂拜几筵

李旣白楊隆吉潘中子江子京招飲走筆成長

句并以志別

浪遊曾記芝山邊芝山萬井生雲煙諸君詩酒共徵
逐一時文采何翩翩話別滄茫二十載舊時門巷都
非前扶牀稚子盡成長相看霜雪盈華顙南望仙霞
渺千里尺書潤絕無由傳重來握手慰疇昔快談竟

日張高筵聞說七閩經叛亂皂旗大帽橫郊廬遇丁
索餉徧窮戶抱書連窻悲顙連亂離相值喜還在今
日重逢非偶然爲君感慨飲君酒涼風新雨荷花天
人生聚散各有數隨時適意稱高路杯關促別復歸
去他時歡會知何年

寄酬張小華見東次原韻

蕭寂溪山徑轉濺墻東樓息渺難尋一千里外是書
問二十年來閱古今正擬開樽逢舊好還聞折簡寄
高吟殷勤爲報張平子詩酒羣賢暢遠心

東林西仲

健松齋續集 卷之十 所之草下 七

病夫方善病還問病中人莫爲文章累虛名實損神
又

會學叅同契如何病不除自憐同病者終日檢方書
石羊灣卜地紀事

壯年失怙恃屹岵空悲吟一杯寄淺土積慮良已淺
今歲喜卜吉高阜根遙岑雙流會前浦層繞連岡林
土堅氣亦厚識記畱遺音毘勉殫心力良會適相臨
子職偶然遂福澤非所歆

郡邸喜值張教文

畫舫南來古富春釣壚煙水柳初新相逢話舊還相

笑白髮山中一老人

又

廿年珥筆共承明歲月編摩迄未成我既歸田君罷
纂修書成惟在
蒞千秋誰識史臣名
事者得署名

夜集汪東川宅同毛大可徐電發

十年蹤跡長安中分曹珥筆搖春風待漏同看玉河
月退朝時踏慈仁松聚散升沉信有數比來飄泊還
西東五十人中半彫謝浮生泡幻真匆匆今宵共醉
餘杭酒桂筍蒲霜蝨紅杯闌燭跋未忍別花前聚
首皆衰翁笠澤桐江復歸去幾時重與故人同

健松齋續集

卷之十 所之草下 八

和韻答姚立方

邸舍逢君菊始華浮觴官閣慰心遐經綯石室專門
學宅對湖山處士家病裏高談聞七發樽前舊事話
三巴從今別去嚴江道相望盈盈水一涯

酬句公

飄笠千山遠歸來徑草蕪故人相別久又復渡西湖
又

杖錫望江門是公栖隱處話舊日方長扁舟復歸去
張夏鍾過訪以所選明文大家見貽

執手宛如故蛩然空谷育文章歸品賞應見古人心

升降隨世運作者紛如林韓歐已不作史漢選難詩
起衰竟誰是望古空情淡

王丹麓六十和原韻

索和九人
名九老詩

論交都在壯年時君惜流光我亦疑但得買山成大
隱何須垂老逐人為床頭書尺量奇字
敦好齋有花
量書尺
下生綽譜異枝
齋中秋海棠作花如桃梅蘭
杏不一狀名工繪圖自為記
東三萬日只今還是小孩兒

題嚴北侯淡柳讀書圖

麤麤垂柳綠成陰小閣春晴一徑深坐擁牙籤三萬
軸從今應署讀書林

健松齋續集

卷之十 所之草下 九

其二

三五茅齋草不除捲簾終日對清虛愛他畫裏雙童
好注研烹泉伴讀書

汎湖時將赴金陵

年年此會不曾孤逐隊憑將老病扶策竹未能偕蹇
步倚欄空自對澄湖圓花夜落辭紅雨隄柳春淺帶
綠蕪明日扁舟桃葉渡暢心知勝六橋無

出北郭王仲昭丹麓留飲喜值吳舒鳧志上

經年期我友今日喜相親巷僻林高士堂開買舍人
清尊宜永夜連雨滴芳春二妙重攜手挑燈不厭煩

出關時關吏索稅

三月關河岸寒侵鴨嘴船雲沉初釀雨淒涼更添綿
應接疲衰病奔馳悵老年饑驅方錄錄何計辦官錢

吳舒亮爲予序續稿賦寄

陳毛已往桂山老際叔推戴久矣西陵耆舊知音少
吳山後起稱文豪舒亮自號吳山奇懷落落湖山表放遊五

嶽雙眸空論文直欲窮幽渺養心循理語最醇駁議
時賢氣矯矯士安何幸叙三都贈言期許應非小一
緣一字未能酬待過北墅先傾倒

吳門夜泊

健松齋續集

卷之十所之草下十

停橈獨坐掩雙扉燈火橫江亂夕暉聞道虎丘修禊
罷山塘簫鼓放船歸

其二

不眠常是趁微醺欹枕春江夜正分一片櫓聲驚夢

醒吳歌歷歷雨中聞

姜學在見過

落落姜公子孤標越塵俗棲隱吳市門三高繼遐躅
別來五六年叩門話心曲深巷寂無人去種虎丘竹
悵然逆所懷蛩音到空谷衫履何翻懸投刺鮮魚腠
執手各大笑眞氣溢眉目爾我忘形交豈受禮法束

促坐相問勞江城留信宿期爾可中亭祠竹看新綠

上巳夜飲蔡九霞宅

流觴剛此夕折柬便登堂莫問何年別爭看兩鬢霜
談廢登欲跋夜久雨偏長諸老如相問貧交每易忘

過鈍翁故居

山塘十里舊時遊曲曲閉門傍虎丘猶記茶鐺逢好
友時喬石林至自廣陵近亦奄歿空餘書卷對高秋薛生偏上題詩

壁花落還依閣宇樓臺絕故人彫落盡堯峰縹渺不
勝愁

迎光寺眺望

健松齋續集

卷之十所之草下十一

鹿苑南齊寺蕭蕭萬木中海棠紅綻雨叢蕙細含風
徑僻人蹤少畦平古道通前朝遊冶地芳草徧禪宮

其二

聞道青溪曲中山舊日園亭臺無故蹟榆柳盡空門
野水流荒徑疎籬補斷垣鴉啼花落處歌舞憶王孫

秣陵雜詠鷓鴣山

樓觀崢嶸鎮白門鷄籠形勝喜猶存憑虛閣上天
章燦十廟英靈拱

至尊

其二秦淮

聞道秦淮夏日長
華燈簫鼓盛端陽
我來偏值春三月
寂寞驚啼過綠楊

其三 批葉

秦淮東去柳毵毵
幾處虹橋俯碧潭
誰似風流王大令
青衣小字在江南

其四 鳳皇臺

一帶平畦冷佛場
風遊寺畔鳳臺荒
江流已自成墟落
何處題詩弔鳳皇

其五 孝陵

易代誰曾感廢興
鍾山松柏路層層
我

健松齋續集

卷之十 所之草下

十三

皇盛德高千古
駐輦還聞拜孝陵

其六 徐中山大功坊

中山賜第未曾荒
行省仍開舊書堂
棟宇依然今昔異
燕來還認大功坊

其七 白下橋

攬勝才過白下橋
金陵王氣已全銷
王侯第宅皆禾黍
豈獨傷心是六朝

其八 舊院

東園歌舞舊勾欄
野菜疎籬佛火寒
玉樹臨春渾莫記
都人偏說馬湘蘭

白門遇汪叔定

吳市三年別
風流憶竹西
何當來白下
又復值青谿
勝地期同賞
離懷惜暫攜
路難行不得
休聽鷓鴣啼

留別金陵諸子

爲訪名都勝
經旬住白門
月明桃葉渡
雨宿杏花村
舊好傷彫謝
謂倪開公黃俞邵
良朋決講論
重來雖有約
何日共傾尊

泊燕子磯

旦發長干里
還登燕子磯
輕橈停岸柳
怪石駐晴暉
閣迥青天迥
風橫白浪飛
勞人眞草草
空擁一帆歸

健松齋續集

卷之十 所之草下

十三

燕子磯阻風叔定過舟中快談竟日

風起飄爭落
停橈只半程
石危含雨氣
浪捲雜潮聲
歸路岐南北
天涯集弟兄
快談銷永日
千里客愁輕

舟行

挂席乘流便
江天盡可圖
遙峯籠夕照
歸鳥下平蕪
戍遠還連楚
帆迴遂入吳
浪遊無一是
憔悴逐征途

自嘲

僕僕舟車內
今年又幾旬
病多常作客
老至那堪貧
迂拙難投俗
抑揄總聽人
從今牢閉戶
再莫試艱辛

夜泊釣臺

輕舟沂桐江楊花散如雪細雨濕岡巒蒼翠各殊絕
浪逆石尤風山水情則悅試論十九泉白雲念先哲
舟行杳靄間殘陽忽已沒繫纜千陵臺濛濛見松栢
欲呼睇髮翁昏霧隱碑碣買人眠市酒漁婦坐江月
夜久寂無聲雙臺正高揭

蘭溪阻水

昨日戒浪游又出蘭陰道微尚婉貞墜萍蹤猶未了
雲埋萬壑陰連朝漲溢潦江挾東水奔盤渦互旋繞
舟行麥隴中帆落蒼松杪息櫂掩蓬窓兀坐悵孤悄
艱危實自取悔悟苦不早

健松齋續集

卷之十 所之草下 五

徐若谷招飲時予歸自白門

好友經年別懷人積念深萍蹤千里路杯酒半生心
往事同朝露高談破夕陰老來良會少剪燭更頻斟
書松篇酬同年錢野鶴學博

十年夢想惹仁松天矯盤曲無雷同又聞柯山兩松
亦奇絕一俯一仰呼戰龍我家枯松若偃蓋霜皮鐵
幹池塘東兵火摧殘二十載空齋無復蒼髯翁今日
畫圖符相佳虬枝髯髯搖天風野鶴先生吾老友學
道譚經謝超走三絕元推老鄭虔與酣價貌支離叟
生綃一幅相贈遺傾尊况醉金華酒我昔與君共賢

書兩浙同人六十九升沉聚散半彫零誰憐少壯先
蒲柳老年兄弟會面稀客裏重逢諒非偶玩君圖卷
讀君詩孤懷高致同不朽歲寒冰雪兩相期永與此
松並長久

酬沈允斌前輩見贈和原韵

十載金門接素裾歸來松菊未曾虛無才沒說追前
輩多病應知老敝廬書舫西風千里棹客牕明月一
簾書開滅忽狂投珠玉欲和休文恐不如

祥符寺

寺爲三國吳將軍鄭平捨宅唐陸宣公
寓衢州買田千畝比去施寺中歲久侵
郡志今寺有二公像

健松齋續集

卷之十 所之草下 五

林靜乳鴉飛步散僧齋午空堂佛火青珠絲網庭戶
側聞鄭將軍捨宅崇紉宇陸公留膏壤檀施飯僧侶
拂拭瞻遺容肅肅衣冠古碑碣既無徵書傳罕記觀
軼事古今多泯沒安可數

送諸虎男赴桂林

澄波曲曲漲新流送客乘風引畫舟挂席頓忘江路
遠捲簾恰對粵山秋七星巖畔朝分韻八桂堂前晚
較籌賓主西南多勝事可能還憶舊交游

觀潮

十里潮聲天外起三山倒灌錢唐水雪浪銀濤拍岸

飛朝潮夕汐秋光裏往時候月隨盈虧比年憾蕩無
津涯橋傾櫂推室廬徙胥前種後揚靈旗神前揚
國後重水者大夫萬弩無靈勢轉怒刑牲醴酒饗如
種見吳越春秋故願停白鳥迴神鰲安瀾更試西陵渡海寧在公南
千隨之海鰲穴居海底入穴則潮潮至白鳥數
湧西典古西陵渡錢氏改今名

乙亥除夕

十載閒身老薜蘿年華又是一宵過藥期扶病公
減債爲債人負轉多小步園林梅尚未愁聽街鼓夜
如何比來真覺衰頹甚馬齒徒增兩鬢皤

丙子元日

健松齋續集

卷之十

所之草下

六

今朝歲首恰逢春霽色欣看景物新金粟已從愁裏
盡簡編那得病中親歸來閱世渾閒事老至傳家待
後人聞道晚年同蔗境磨磨滿酌莫憂貧

鸚哥菊

秋花爛漫翔鸚母翠矜紅味青葱羽輕盈弱翅欲翻
飛炯炯雙瞳鸚鵡舞繁枝細蕊若將雛呼名却附幽
家譜統砌會無鷹隼愁託根不受條籠苦靈心慧舌
武遊即如何墨墨棲樊圃可是閒經了道來身心不
動都無語東都僧蓄鸚鵡武能誦經下言不動曰身心

登華嚴閣

梵閣過新雨微涼試一臨庭槐無俗格簷鐸有清音
樸遯留僧話莊嚴見佛心晚來聞貝誦皓月滿空林

題柳陰放馬圖

元龍湖海少年遊歸老吳門百尺樓却恠雄心銷未
盡一溪新漲浴驂驪

泊鷓鴣原

卽白雲原

江迴谷轉渡舊是玄英宅窮老一編詩白雲共晨夕

又

西望千陵臺欲尋睇髮墓今古同慨傷悲風來日暮

題照

健松齋續集

卷之十

所之草下

七

怪石嶙峋帶綠蕪科頭坐倚一松孤手揮如意眞蕭
灑一幅南州處士圖

樊崑來典試粵東却寄

淵雲元冠蜀中才銜命南天畫舫開建節曉凌瀕
水峽鏤屨秋迥越王臺但令劍識豐城氣自有珠從
合浦回錦里知君剛十載求賢又見使車來

放船

偶爾乘流下輕橈日正長漁村迎浦綠麥隴接沙黃
雨急多新漲溪陰半夕陽時聞舟子喚隔水話家鄉

又

一落溪光裏滄茫駛浪奔岸飛移浦樹谷轉出江村
遠岫盤雲氣平沙落水痕停舟依古步燈火近黃昏

嚴江舟夜

十日牽船住江城對夕暉村煙過渚合溪鳥掠星飛
柳暗藏漁艇波平沒釣磯倚蓬看月好不記露侵衣

歸舟

江行日向暮獨宿亂流中夜久生殘月愈虛受好風
洲明漁火近岸遠戍樓空白髮孤燈裏支離一老翁

伏日移桂樹

種樹有常候春渡雨過時何乃反其用獨熱偏栽移
健松齋續集 卷之十 所之草下 十八

東隣茂叢桂歲久森成園經營議斬伐戚戚與心違
榮枯信有數何當斤斧施畚土集衆力啟樹樹不知
元氣既無損欣欣更華滋涼風達遠香衆觀咸嗟咨
乃知適物性動靜審其宜採民先不擾化俗尚無爲
人物理則一造化何所私

病中口號

聞道宸遊發早春西湖望幸柳條新迎

鑒誰不瞻雲日惆悵扶牀一病人

又

春雨淫淫正曉寒清明祭掃望中看叫兒剪紙澆先

龐老病應知拜起難

又

藥餌經營漫乞憐扶衰何意尚依然傾囊莫恡貧偏
甚一病消磨十五年

又

良金美宅四時遊冷眼眞同水上漚獨羨隣翁能健
卽白頭無恙不知愁

又

齒豁頭童病轉工餘生那得氣如虹祇憑藥力扶衰
困何用窮愁一老翁

健松齋續集

卷之十 所之草下 十九

又

坐臥閒房感歲華連旬急雨透憲紗朝來烏雀喧新
霽空擬扶筇看落花

哭弟象理

零落悲羣從思君益勵哉早孤能自立彊記亦成材
應世人無忤承家志不灰京華隨宦冷子舍慰顏開
數促逢醫舛神離遺夢來關中夢人換小紅衰頹吾
旗今乃知非吉兆
已老少壯汝先推垂白慈親淚扶牀弱子哀九原情
未斷遺恨滿泉臺

長興訪門人曹武韓留署中十日賦此言別

話別燕山道懷人歲月淡淵源三世誼武韓分枝浙時陳生來保嚴風雨一生心閣敞陪清燕堂開拂素生元情待坐

其二

小舫搖紅葉花城得暫栖三秋情每切十日手重携
鐘火鳥程酒雲帆盡畫谿相過還別去清夢繫苕西

吳興道中

苕管雙流合蒼茫入水鄉停橈欹蟹斷蕩槳拂魚牀
月上蘆花白村餘稻葉黃煙波凝眺處漁唱出滄浪

歸舟訪仲昭丹麓

健松齋續集

卷之十 所之草下

三

故人三載隔機棹便相尋漫詫顛毛改應同積念淡
叙懷追往事話別悵江潯後會知誰健停雲共此心

長至日釣臺舟中遇雪

乘風縱歸棹夜久橫荒汀裘薄寒先透江空雪易停
沙明連岸白草沒失山青望裏雙臺近呼醪問客星

其二

正值陽回候江行雪乍霏應添宮線冷恰逐管灰飛
嶺白迷橋影風高點鐵衣今朝圖畫裏千里一帆歸

大兒舉明經赴試金華詩以勉之

明經古所重近乃存其名學古行益高恥為利祿營

今汝踰強仕膺選向江城秋風既不利差憫老夫情
讀書景前詰清白留平生高材尚速化曾無金滿贏
况汝齒方壯青蘊何足榮行矣毋自薄勉傳家聲

臥病山中有 詔告假在籍翰林官貧不能進

京者督撫酌量資送予老病未能赴感極涕

零恭賦二詩紀 思

歸田廿載冷丘園潦倒空餘病骨存夢裏朝衫虛歲
月增前藥火度晨昏窮居不解于公府遠道何緣厯
至尊捧誦溫綸情倍切衰頹真愧答 殊恩

其二

健松齋續集

卷之十 所之草下

三

羽檄宵傳啟草門憐貧卹下總春溫一時應落儒臣
淚終古難酬

聖主思雞骨不堪縻俸祿牛衣只合老山村餘生幸

未填溝壑歌祝昇平到子孫

答里中父老

歲功成則退造化理自然知止乃不辱哲人審幾先
夙昔籌桑梓良法今非前人事有更易君其恕老年

哭姜瑞若先生

語石人文五十春那堪零落委黃塵浪言四皓今還
健妻絕商山少一人同學二十人存者李人如毛會
後及先生與余耳人比之四皓

其二

林泉書卷老閒身八十年來總率真却笑修文何太早白頭歸去謫仙人

其三

半世孤幃影獨親高懷原自不知貧詩成絕筆無多語辛苦傳經有後人

其四

別後饑驅又幾旬傳來消息蚤傷神未能一盡西州慟老友應知恕病人

春雪

健松齋續集

卷之十 所之草下

三

三冬常不雨驟雪冷春衣亂點亭梅瘦平添隴麥肥天低雲易合風勁鳥孤飛啟戶行人寂寒侵白榭扉

題照寄王將軍

山城保障引花驄別緒蒼茫十載中畫裏重逢人未老便從裘帶認羊公

七十初度示兒輩

年年扶病度寒溫何意今朝老尚存廿載盡傳窮太史七旬喜抱小重孫田間歲月差堪遣世上風雲總莫論堅坐園園添數酌紫萸黃菊引清尊

其二

誰言七十古人稀自笑顏齡只掩扉薄宦久經諳世味歸田却喜遂初衣三年遲日客高臥半榻閒身自息機去住無心應有定不須惆悵對斜暉

有謂予鬚眉轉黑者口占答之

鬚鬢久如絲麗眉亦已白皓皤七十翁不信翻成黑返老還童恐未然餘年歲月總由天口生兒齒髮生角駐顏何必求神仙

答王丹麓見東和原韻

數音導七十四韻

數年還是病相如湖海誰能氣未除珍重故人相念意塞封蛛網半牀書

健松齋續集

卷之十 所之草下

三

和丹麓鳳梅詩

曾向牆東見老梅虬枝道是鳳飛來橫斜幻出丹山影苞采先從庚嶺開鐵骨久工池上賦水姿還記舊時栽摩挲手澤猶如此敢惜巡簷數往回

種蘭

本爲王者香幽棲在中谷不逐桃李榮閒心締松竹冰雪凌孤芬庭宇皆芳馥移根青玉蕊香風裊書屋卷帙有餘清奇懷澹亦足桃李豔春陽紛紛敷終陸

雲間旅次

老年重作客紆折下吳淞浦潄分三泖壘嵐望九峯

夏長宜急雨院古落疎鐘信宿過歸早勞勞路幾重

別門人荀魯一

萬里師生別重逢白苧城要知遊子意須見古人情
話舊葵尊便論心茗椀清莫辭盤錯苦應不負平生

午日發松江

處處龍舟噪管絃誰人不醉雨中天爰問此日真閒
甚獨上江城鴨嘴船

西湖登眺 御書十亭喜成八韻

不到西冷久重來遂八年亭臺添氣象丹碧耀山川
銀榜奎文麗穹碑 御墨鮮裁移森古木結構煩

健松齋續集

卷之十一 所之草下 言

清泉唳鶴疎篁外游鱗曲檻邊榴然華灼灼荷靜葉
田田力疾隨遊侶扶衰上酒船晝長歸未脫香簇藕
花天

健松齋集二十四卷續集十卷 浙江巡撫
採進本

國朝方象瑛撰象瑛有封長白山記已著錄是集象
瑛所自編凡文十六卷少作及入翰林以後之作
悉在焉十七卷以下爲詩集秋琴閣詩一卷刻於
康熙己未少作也展臺詩抄二卷展臺燕昭王展
禮賢士之臺卽金臺而變其名也錦官集二卷康
熙癸亥典試四川所作時蜀亂始平補行鄉試故
以癸亥行也舊遊詩一卷未仕時遊鄴遊燕遊越
遊楚作也萍留草一卷

國初浙閩未定時避兵杭州時作也都門懷古詩倦
還篇其一卷都門懷古詩作於辛酉官翰林時倦
還篇則乞假歸里時作也其編次不以作詩年月
爲先後不解其意續集六卷刻於康熙壬辰凡文
八卷詩二卷詩題曰所之草皆歸田以後作

百尺梧桐閣集詩十六卷文
八卷遺稿十卷

〔清〕汪懋麟撰

中國社會科學院文學研究所藏清康熙刻本

熙刻本

附《四庫全書總目·百尺梧桐

閣集二十六卷》提要

舊序
余客歲歲暮月汪子蛟門每過余論詩聽其言
有法法所為詩屬余序余為第數日之力
覽無遺愛其清談整暇莫可指摘乃作而歎曰豈不
信哉觀人者觀其所推許之人觀人之著作者觀其
所推許之人之著作可知也我友汪氏名文王氏阮
亭之著作今天下稍知向學者莫不口誦而心儀之
矣若文性稍急不能容物意所不可雖百貴育不能
拚其口也其所稱述於當世人物之衆不能數人焉
阮亭性和易寬簡好獎引氣類然人以詩文投謁者
必與盡言其得失不稍寬假我與兩公游五六年來
未有不時時與我言蛟門也我去年秋出國門苦文
送我執手言曰子歸必游廣陵游廣陵則我宗人蛟
門可與子友也阮亭送余言亦然今讀蛟門之詩於
兩公言益信然使兩公生不有輕推許人或稍寬假
人之詩文者即稱述蛟門甚當亦無以服余之心則
甚矣余之愚又何待盡讀其歷年之詩後知其詩之
莫可指摘也況蛟門之足重於天下者又不僅以其
詩余嘗見其古文辭能自審於先民矩矱而神明於
漢東西京間又不僅以其古文也余聞其鄉黨宗族
之論皆稱蛟門事親孝事兄恭擇人而友之敬而能
和其立心也澹蕩而高明漢詩曰大海蕩蕩水所歸

高賢儉民所懷每私計天下之大誠得含文蓄學
樂友良士出於至性不爲空言煦煦可憐之色若若
文阮亭蛟門比者數十人落分布天下以余輩窮
愁之人游屐所至卽得與晨夕論交久而無倦余身
雖放廢而神情不傷矣吳下計東甫艸謹撰

序

傳稱登高能賦可以爲大夫夫子譏誦詩三百不能
從政使四方蓋詩之爲用大矣自朝章國故以至民
風土俗莫不見之於詩自山川人物以至蟲魚艸木
莫非所以爲詩或以舒下情而通諷諭或以宣上德
而盡忠孝非夫才敏博通者莫之能爲是以文學之
士常在主左右楚懷任屈平出對賓客入議國事
漢武用司馬嚴朱之從侍從帷幄發策殿廷陳琳王
粲魏武以之從軍沈約范雲梁主用之開國自古詞
人之職其重如是迨其後爲詩者止於雕繪風雲流
連光景其人不必有用於世而世主亦莫之省於是
有窮而後工之譚有不平則鳴之論一似山林放廢
之所獨爲而非有位者之所得與詩人之失其職久
矣翰苑之官以及輶郎給舍並古所謂文學侍從之
臣空人人嫻於辭賦乃古今能詩者不皆出於其中
居是官者未嘗以不能詩爲恨一旦有封山薦廟頌
德銘功之事誰任載筆此亦學士大夫之責矣余以
謫陋之資讀書中祕於詩竊好之而媿未能涉其門
庭所相與晨夕唱酬者有汪子蛟門蛟門海內才傑
士也於學無所不窺下筆妙天下而尤長於詩家於
廣陵當舟車之衝口與四方賢豪相應和江湖湖波
上下吞吐故其詩雄爽而激發來官京師入直綸閣

掌故章程靡不練習故其詩典實而春容兵興多事
慨然有聞磬枕戈之志奉諱廬居銜悲風木忠孝至
性鬱積於中故其詩忼慨而渙沉讀其詩知爲博達
之才經世之器其與鏤月裁彎蚓竅蠅鳴者相萬萬
也管汾水秋風之篇至於人主歎息楚客仁離之作
因之坎壈終身詩人之窮達亦繫其所遭

皇上加意稽古禮文之事方

詔公卿延訪才俊而蛟門以博雅弘通哀然爲舉首
今雖守制堅辭

天子且心識其名異日擢居禁近前席論思出入

風議樹立日益奇偉俾千載而下慶蛟門之遭逢而

夏梧桐閣集

二

知詩人之果有用於世也不亦休乎謹書以俟之時

康熙十七年夏四月崑山徐乾學謹序

凡例七則

一茲集編年始自康熙元年壬寅隨年增入卷無定
數前此少作自志學以來卽事拈弄不過風雲月露
語涉兒戲悉從刪削癸卯秋舉省試入京始得山川
友朋之助弃去帖括肆力爲詩十餘年奔忝南北觸
緒寫懷凡所得詩十行四五雖詩不必工而意之所
寄亦不忍弃用志歲月

一余學詩初由唐人六朝漢魏上溯風騷規矩折
各有源本不敢放逸庚戌官京師旅居多暇漸就積
唐涉筆於昌黎香山東坡放翁之間原非邀譽聊以
自娛詎意重忤時好羣肆譏評故茲集前後竝存俾

夏梧桐閣集

一

覽者知余本末而亦自驗所學一變再變誠不自知
其非矣

一檀弓云大功廢業或曰大功誦可也曲禮云喪復
常讀樂章則居三年之喪不當從事於詩書明矣然
古人居喪衰麻之衣不去於身哭泣之聲不絕於口
無一不準乎禮既不暇讀書又何忍爲詩顧今人則
有甚於作詩者佗不之謹而唯詩是戒誰欺乎竊謂
古今上詩者於君臣夫婦朋友兄弟之閒必三致意
焉獨於父母生死存亡見於詩篇者寥寥無聞何與
故余居喪以後所爲詩存而不刪且悲哀之情鬱積
於中閒借詩以發之非敢比於南陔白華蓼莪我明發

之意祇用述哀兼明余之不敢自欺耳有援禮舉我者敬謝不孝而已

一生平往還贈朝廟山林名卿賢士苟非道義繁交縞紵風契不敢假藉間有至好或地遠會稀倡齋無自詩遂罕見不敢偽設至於稱謂爵尊而茲親者書官書地不敢書字唯稱某公以尊異之舊屬知己淵源間稱先生以別之近代師生必稱夫子不知何本蘇長公作六一居士集序稱歐陽子知者以為至尊李太白作詩贈孟浩然曰吾愛孟夫子則朋友之通稱矣古人彼此稱名今固不可凡我同好書官書字槩從古雅幸勿舉我狂傲

百尺樓閣集

二

一鄙作已鈐版者舊有鳳皇臺上詩敬亭游艸五入燕集南徐倡和詩吳門游覽詩久為敝帚槩已焚毀偶存一二以志游迹凡操選諸名家或不鄙弃以此集為定舊本幸勿復收

一近人刻集多乞時賢時賢序文弁首甚至序多於集鄙性不喜為人濫作序故亦不敢以此苦人自知言不足傳乃欲竊附於大人先生媿矣凡見贈舊序分屬各集未便復入全槩唯存計子甫艸一篇不忘我故人耳大雅鑒之

一余詩屬艸皆出手錄不假童奴而酒邊簪下率多遺落故卷無次第字設模倣茲刻刪定家兄叔定力

為多而校讎古字去俗從雅則同里蕭子雲五之功凡五越月乃告成事是不可泯

皇清康熙十七年戊午仲春懋麟自識於十二硯齋

百尺樓閣集

三

百尺梧桐閣集總目

卷一

古今體詩五十四首

卷二

古今體詩四十九首

卷三

古今體詩四十五首

卷四

古今體詩五十七首

卷五

古今體詩八十三首

卷六

古今體詩五十四首

卷七

古今體詩一百八首

卷八

古今體詩一百十六首

卷九

古今體詩八十一首

卷十

古今體詩一百八首

卷十一

百尺梧桐閣集總目

一

古今體詩八十九首

卷十二

古今體詩五十八首

卷十三

古今體詩五十四首

卷十四

古今體詩九十六首

卷十五

古今體詩九十九首

卷十六

古今體詩一百三十九首

百尺梧桐閣集總目

二

百尺梧桐閣集卷一目錄

古今體詩

齋中讀書六首

述祖德詩

勵志詩

蔣州曲

銅雀臺

姑蘇行

從軍行

無家歎

平涇陽韓太學

雜詩五首

送王築夫先生歸白田

寄沈推官蜀中

秋柳詩和王阮亭先生韻四首

冶春詩三首

秋閨思

三婦豔

子夜四時歌四首

剛扇郎

懊儂歌

碧玉歌

百尺梧桐閣集卷一目錄

一

莫愁樂

省試畱別

句曲道中

由句曲之金陵途中作

題姊妹橋

金陵小樓雨望

中秋秦淮夜步

木末亭

桃葉渡

舊曲

燕子磯懷古

夜發

重過金陵

徐中山廢園

渡河

阻雪

除夕同劉玉少祥其韓旅舍對酒

百尺梧桐閣集卷一目錄

二

百尺梧桐閣集卷一目錄終

百尺梧桐閣集卷一

揚州

汪

古今體詩

自康熙壬寅歲起至
癸卯歲十二月止

齋中讀書六首

平居學窺天謂其似倚蓋周牌術數存考驗亦難會
要覽宣夜說虞喜見冬昧何來安天論見譏於葛蔡
卓哉張平子儀象制為最閉戶告靈臺周天粲如繪
此理信有徵七政自攸賴參以天官書災祥莫能外
聖人法天象飭身每嗟晚載繹遷固書坐訓義實大

又

黃帝畫州堦其始實萬國神禹事隨乘鑄鼎象九域

百尺梧桐閣集卷一

擾擾秦漢來州部數改革星離與豆剖優削到南北
安得追豎亥高步自東極維地十二辰王侯國所則
因功乃命土詎恃戰鬪力協和順坤輿生民安粒食
嶽瀆靜流峙嬰荒修貢職四海實蕩蕩豈復憂偏仄
地志未足誇式廓枉君德

又

天宇正寥廓游目覽山海萬物寄靈怪嗟此何鬼窟
毛羽負異狀粲實炫殊采占候與已疾稱述亦每每
縣延及窮荒人物類傀儡頭目口手足布置數多改
景純生好奇傳疏不肖怠徵信取竹書跨歷三千載
悟怪多不經余欲問真宰人生城區中如衆螳緣墮

茫茫六合外登涉力誰逮頻印有正道幽隱豈能詒
說鬼姑妄言玄致或可采覽罷一奉腹聊以療饑餒

又

桑氏譔水經所言固在水溯源先大河支條有端委
乃及濱與游細大界疆紀區區河渠書獨為一勾耳
疏晰得實體實可補前史道元富文采博註更疊疊
鈞連洽羣書選言洵多旨因水辨方輿人事以類起
索隱到二氏一一供驅使閒居息衆慮汎涉致足喜
簪贊愛著書遇物即窮理鄙文聊自雄初非欽所企
後人實淺陋讀書拾糠粃難字猶棘喉誰復貫外裏
為學苦不及覽古發淺恥

百尺梧桐閣集卷一

又

嘗把爾雅書其文似瑣細疊字成貫珠乃以訓詁系
細蟲及小艸方名必詳計義類各有條標目得所隸
稱名與辨物允足贊書契珍重等六經晰理賴濳濟
卓哉坐世書豈僅蟲魚例磊落昌黎言此見毋乃泥

又

班氏志藝文必也首經傳諸子與詩賦所收亦屢見
條撮賴向歆七畧遂貫穿蕭然秦火餘贖此幾千卷
後人慕述作白首老一硯紛紛百家說過眼若飛電
雖充兩牛要實與一毛賤立言賢近道浮誇未足銜
所以一言得足為聖學援當時雖無聞後世必稱善

宋宋楊執戟與易相幻變

述祖德詩

阿摩既失鹿羣雄各虎視海宇方土崩攘攘竊神器
民命在饑溺誰能掃妖孽我祖起田垌一呼六州
治十載保疆土謀力亦孔瘁運歸三乳公卷甲順天
意武德四年秋歸唐備藩位持節刺欽州越國得封
地下詔褒款誠厥心已無貳何期十一月雄誕逞狂
肆拚襲侵已降不與寇兵異唐書云面縛其文實失
記伏威未入朝猶然事覲順逆理自明銘謬良可
喟後人詎云私準彼春秋義

勵志詩

古尺樓閣集卷一

三

瞻彼飛鸞振羽在天頰茲巨鯢揚波於淵神蛟失水
宋宋泥蟠物賢適性人胡不然束髮受書歲月云久
覽無停目誦無輟口以金受礪功豈敢後所嚙懷璞
恥於自剖志士守貞達人棄時良馬得御載驅載馳
去日莫及來日可追少壯幾時老矣徒悲讀書明道
豈爲干祿區區儀秦爲士之辱稷契可師管葛可續
名光於史功書於竹不然迹迹負未躬耕幽蘭自芳
谷鳥時鳴不知禮樂何有戎兵一壺一詠養我生平
出處有正義命當安吹竽鼓瑟君子所歎河水清漣
坎坎伐檀不稼不穡胡爲纂餐我思古人不辭輶軻
寤爲大儒達則王佐困以基亨勤以鼓惰所以版築

大任斯荷

蔣州曲

擒虎一躍羣馬嘶朱雀門前烏亂號此時叔實任何
處井底涖淩陰雨迷可憐雄都舊朝市臨春閣外黃
塵起血染青谿莽落鸞孔張不得同生死仁令宅旁
春艸新夜聞戰鬼哭仁瀕商女莫唱後庭曲璧月瓊
枝思煞人

銅雀臺

銅雀臺西陵墓西陵疑冢方纍纍畢竟英雄葬何處
漢鼎一髮當劍鋌荀郎死諍徒感傷老瞞不敢遽稱
帝高臺妙曲臨清漳可憐數盡委塵土分香猶令陳

歌舞日莫淒風動總惟美人拚袞號紅雨

姑蘇行

姑蘇三月虎丘道家家女兒蹋春艸翠鬟雲鬢如飛
鷗白練繫要妝束好五陵弦管爭兩連樓外鶯鸞年
復年豈知一旦樹雄鎮平原戰馬嘶寒煙可憐絲萼
半消落虎丘山前日色薄夜夜歌臺空月明不聽吹
簫聽吹角

從軍行

江東惡少恥貧賤自矜走馬能攻戰幾番縱博無所
歸立任轅門校弓箭日飲酒樓莫劫商遠邨近市皆
逃亡僕射寬柔莫能治身未成功先得志疆場此日

重兵車東門腐儒空讀書

無家歎

有家有家在江洲欲往歸今江水流江水橫流不敢
渡漂我屋今拔我樹屋今我所居樹今我所息何爲
一旦苦相逼中禁哀鳴淚霑臆印視羣鳥雙雙飛林
中有巢莫得歸流離使我獨辛苦瞻彼四方誰樂土
蒼天不肖罷干戈嗚呼奈人無家何

平涇陽韓太學

黃雲漫天大風起赤眉橫突長安裏千里殺人如丘
山三秦流血成海水漢廷腐儒空好文勤王誰是郭
將軍壯哉韓公奮英武誓與中原掃豺虎居智里中
縣義旂涇陽城昨聞鼙鼓逆賊聞之心膽驚揮戈欲
奪韓家兵韓家戢士方苦戰豈意天心已潛變嗚呼
睢陽旣死常山只今史策遺輝光韓公義舉雖不
立英雄千載猶感傷

雜詩五首

明月照高樓流光入綺窗上有美人居被服羅衣裳
夜半弄空侯隨風揚清商一彈復三歎曲意悲且長
嗟彼空牀妾獨坐懷憂傷貞潔恥自媒悞此紅粉妝
春條不勝風秋萼憚嚴霜安得爲雙燕飛飛君子旁

又

初寒八九月西風吹我愁登樓四眺望端然懷離憂

離憂良爲誰乃在江頭別子當莫春節序忽已秋
孤鴻厲哀音落木飄空丘念子不能置我思空悠悠

又

織女處河東牽牛處河西人生不相見遠近理亦齊
憶昔攜手好遺我一卷詩把卷不忍釋言笑宛在斯
人命非金石聚散如塵飛歲月日以晚客夢日以非
何時長安道與子同車歸

又

鴻鵠思高飛良馬志遠道丈夫四海心誰能牖下老
達人賢棄時立身苦不早白日去不返朱顏豈常好
從古英雄人倏忽委秋艸長安游俠兒車馬日燿耀

百尺梧桐閣集卷一

六

第宅高人雲弦歌揚清妙富貴何足羨榮名以爲寶

又

斷暖聲未哀杜宇曉未切何事慘人心惜此生離別
君行日已遠妾貌恐衰歇山川有改期相思終不滅
孤燈耀空帷饑鳥叫殘月低回思故歡輾轉腸欲裂
願爲雙駕夾飛飛永相結

送王築夫先生歸白田

白首耽書卷清谿把釣竿客途悲老去故國惜春殘
落日荒邨靜孤舟一水寒臨岐拭雙袂別淚那能乾

寄沈推官蜀中

瀛海坐觀歸正遲春風束馬又何之蠶叢路轉七千

里杜宇聲曉十二時送遠未斟河畔酒懷君空寄龍
頭詩 聖朝雨露先邊吏劍閣潼江莫漫悲

秋柳詩和王阮亭先生韻四首

西風蕭瑟斷人魂無限垂楊老白門燕去不來分翠
色鴈飛空自點波痕疏枝淺浸芙蓉國密雨寒飄碎
荔邨夜半誰家更吹笛不堪衰落曲中論

幾枝凝露復霑霜愁見飛鷗過楚唐隋陌豈堪牽錦
纜灞橋猶借綰車箱凋零弱質思張緒傾軔纔要泣
楚王可以端端眉黛好攀條空憶善和坊

陰滿清谿綠滿衣春風吹徹忽成非玄蟬葉外聲何
苦黃鳥枝頭聽已稀瘦影空搖孤月冷殘煙不入畫

百尺梧桐閣集卷十

樓飛莫教折贈王孫去回首陽關路欲違

河干宋莫更堪憐寢斷長隄萬縷煙憶笳傷等曾拂
錦只今落絮盡輸絲鏡中顧悅愁衰鬢江上桓溫感
少年何日條風春色變青青重繞六橋邊

冶春詩三首

紅橋橋下水潏潏青雀銜波接尾來莫放春光容易
過海棠漸落堊棠開

關雞臺畔落萼紅惡少爭彎兩石弓指點盧頭索春
酒醉歸騎馬似飛蓬

雙雙蟬翼似飛鷗一綫春風破臉霞行到絳僊樓下
立只教人看牡丹萼

秋閨思

初聞車馬駐秦關日望旌旂奏凱還及向行人問消
息又傳郎在賀蘭山

三婦豔

大婦工楚舞中婦彈秦箏小婦含百媚朱口發新聲
丈人且安坐等底春風生

子夜四時歌四首

東風何處來吹落桃萼枝桃萼似儂面芳非能幾時

又

壁扇倦復開夜色淨如水嬾過芙蓉池共郎采蓮子

又

涼風拂萼簾印此明月輝舉體無不見那便開羅衣

又

密雪潛入窗寒氣到孤枕雖壓兩重衾溫意都不省

團扇郎

團扇五流離羞郎遮面時不堪聞此曲頗傾謝芳姿

懊儂歌

綠珠歌懊儂絲布溫難縫十指自不動遊戲且爲容

碧玉歌

碧玉傾城色芙蓉初著霜無人不顛倒何況汝南王

莫愁樂

江水斷還流抱嬰憐莫愁生憎打兩槳催促下揚州

省試畱別

一樓秋晴曉色開
秣陵潮湧白雲來
兩行紅樹搖颿影
無數青山送酒杯
懷古久嗟龍虎地
題詩多在鳳皇臺
不須更賦將離曲
叢桂淮南待客回

句曲道中

洪波涉已盡曲
陞路纔通驢背黃
塵裏羊腸赤日中
青衫穿亂竹破帽
受斜風忽送前邨
雨淒淒望不窮
由句曲之金陵途中作

題姊妹橋

幾月一鉤冷荒雞
四埜鳴驅車出西
郭詩思在南城
黃葉園邨舍青山
暗舊京秋風小搖
落悔逐衆人行
西望金陵古木多
石梁雙駕此清波
舊家姊妹歸何處
畱待相如駟馬過

金陵小樓雨望

樓外聽秋雨飄零
桂子天山光昏墊
木塔影破寒煙廢
闕闕爲央亂荒臺
孤兔眠興亡懷異
代臨眺轉淒然
中秋秦淮夜步

纔賦湘靈鼓瑟歸
滿城秋月正揚輝
千家簾幕遮紅燭
一帶笙歌出翠微
渡口柳煙斜繫艇
天邊桂露暗霑衣
過橋欲問清谿路
桃葉當年事已非

木末亭

清霜紅樹滿山秋
木末亭前起客愁
忽聽暮鐘仁上

起亂鴟嘯景陽樓

桃葉渡

仁千寒雨夜瀟瀟
谿上新增幾尺潮
雙槳盪來如鏡裏
綠楊斜覆大中橋

舊曲

秦淮東去翠煙空
十二青樓一笛紅
張馬名娼作胡蝶
雙飛猶傍廢闌東

燕子磯懷古

雨燕飛飛水氣昏
小亭四角對千邨
波光浩蕩魚龍險
山勢巉峨虎豹尊
鐵鎖依然環石壁
旂旄幾見出江門
六朝多少興亡事
馮乎風前未忍論

夜發

夜別寒沙去孤蓬
寢裏行仁明知月
出舟疾覺潮生柔
櫓風前緩渡歌枕
畔清起看落颿處
煙鎖石頭城重過
金陵

渺渺川途未有涯
孤颿兩度宿江沙
荒蘆滿岸秋風卷
濁浪兼天落日斜
白鷺洲前沽酒市
青谿橋畔賣魚家
秦淮此去逢重九
着屐城南就菊花

徐中山廢園

吳宮晉闕皆黃土
猶賸中山舊王府
石亂池荒臺榭空
珠簾何處晚鸚鵡
當日元勳蒙主知
大功坊裏翠萼移
負薪此際門前客
猶說承恩初建時

渡河

泝泝黃河水奔騰萬里來接天翻落日海湧奔雷
北望風沙暗南飛鴻鴈哀停車待舟楫欲濟轉裴回

阻雪

一夜北風惡層冰阻客過凍雲昏白日急雪打黃河
旅懷何曾著鄉愁祇自多平生思遠道此際欲如何

除夕同劉玉少祥其韓熊師旅舍對酒

莫問此何夕狂歌好醉眠客心千里外鄉思一燈前
柏葉迎新歲梅萼憶舊年雞聲何迫促相對理銀鞭

百尺梧桐閣集卷一終

百尺梧桐閣集卷一

七

百尺梧桐閣集卷二目錄

古今體詩

渾沱河

細柳營

督亢坡

長安道

留別陶季

出都詠懷三百

送管孝廉下第歸浙

齊河曉望

峒山

晚宿張夏

早行

登岱行

五更月

秦郵晚泊懷友

移居愛園二首

秋日過高小卻艸堂看竹

秋夜蓮唐汎舟

月夜空樓卽事

京口望金焦北固諸山

於曲阿往永安經長蕩湖中瞻眺

從洮湖越東壩途中作

敬亭山

雲齊閣

領珠樓

翠雲菴試茶

贈沈方鄴

望謝公北樓

九口臥病

亂懷詩四首

得張子琰書率答兼懷子瑜

初雪二首

百尺梧桐閣集卷二

二

旅懷詩

送陳幼木之南陵兼簡劉子端

畫山水歌贈梅淵公

太平覽古二首

仁寧鎮晚泊遇郭農部卽送之

淮陽

估客樂二首

款乃曲

打魚樂

喜達里門

白尺梧桐閣集卷二目錄終

百尺梧桐閣集卷二

揚州 汪懋麟

古今體詩 自甲辰歲正月

起至十二月止

淖沱河

晉聞王霸語今日渡淖沱又兄層冰合依然豆粥多

殘霜凋岸艸斷石倚長河歎息英雄土悲風起白波

細柳營

漢壘多兒戲吾憐周亞夫六軍天子畏一餓將心孤

廟廢英風在營空細柳枯欲尋君葬處古墓沒平蕪

督亢坡

督亢坡前積雪殘畫圖千載惜燕丹行人莫灑荆軻

百尺梧桐閣集卷二

一

淚麻得秦王鮑已寒

長安道

春到長安不當春風沙對面失行人羽林一隊車騎

過平地飛來十丈塵

留別陶季

我來長安忽三月萬樹宮等覆宮闕豈知上策不見

收一夜東風變萼髮賴有清尊與故人故人此別知

幾春江南薊北各千里可憐聚散如飈塵牽衣掄淚

各分手明日東門折楊柳季子無金人欲欺張儀有

舌君知否丈夫遇合原有由何用南冠相對愁據鞍

上馬且歸去易水蕭蕭空北流

出都詠懷三首

朝辭長安門莫問長安道遙望黃金臺傷心生蔓艸
駿骨不復收好士久已少慨歸故山詩書足相計
獨惜風與塵一來一回老

又

老去不足畏余生方少年壯心愛歲月抗志陵雲煙
獻策爲祿得兩親髮皓然遠游不得意拂袂空來旋
救水亦云樂努力南山田

又

南山田百畝豐歲可無饑胡爲苦行役盛年感別離
春等日已落園柳日已非豈有王母顏千載永若斯

百尺梧桐閣集卷二

二

不如雙鴻鶴飛飛常相依

送管孝廉下第歸浙

帝里逢君挾策來尋宮連榻夜街梧方看買傳陳奇
畧誰料劉蕢老異才飄挂浙東春浪闊鶯囀江北晚
尋開同游未得同歸去匹馬煙塵首重回

齊河曉發

朝曦遠射齊河水齊河南望多桃李行盡千邨不見
人馬蹶蹶處香塵起香塵如雨打離顏江上春歸猶
未還日莫更投何處宿青青愁絕萬重山

峒山

一山何崔嵬千松暗巖谷石骨盡刻密崩崖執如覆

策馬登前峰下視曠心目阡陌隨舊谿禾黍散新綠
疏楊搖青絲濃李含白玉日夕涉寒澗山泉清可掬
北道多荒棄賴此洗塵俗

晚宿張夏

行過回峰日漸西酒帘招客宿前谿倦游到此唯高
枕宋宋春山亂鳥啼

早行

早行渡谷裏宿霧尚迷離谿靜聽泉小山高見日遲
遠邨等作屋埜寺竹爲籬祇覺南歸好殊非北上時

登岱行

黑雲如壁坐青天門一綫飛蒼煙絳闕直出九霄

百尺梧桐閣集卷三

三

上火龍夜挂千巖顛側身一上四十里望僊樓前冷
風起頻視早已駛心目濺濺況聽崖下水崖水高自
龍吟來秦觀越觀何壯哉鐵鎖鉤連氣力盡始達秦
皇封禪臺封禪臺前老碑古陰森六月不知暑風吹
毛髮海氣寒山頭飛靈山前雨泰山之神何洋洋昭
祀七十有二王金園玉冊降天府豈但拜禱來下方
蹙余僕僕京國返絕巘登來日已晚化年跨鶴來重
游夜煮胡麻幾升飯

五夏月

君不見五夏月荒雞幾叫行人發馬上初看猶未圓
途中屢望光已缺一年見月能幾時家人相對勞相

思何處高眠正遠
寢錦衾遙羨青樓
姬青樓那知行路
早斜月照見原上
艸艸色離離方及
春到得歸時春已
老

秦郵晚泊懷友

昨渡黃河峽今過
白馬湖美人逸何
處相望隔平蕪落
日空明滅仁雲半
有無文游臺畔月
不得共攜壺

移居愛園二首

豈爲耽林壑娛親
更卜居種粳復淺
刪竹密還疏月靜
閒調鶴秋清夜讀
書歲時良足念不
僅愛吾廬

又

高臺雲外迴杖履
好追攀香細琴書
靜窗虛鳥雀閒

夏月梧桐閣集卷二

四

城頭看落日樹杪
見青山只此常栖
息何須五嶽還

秋日過高小卻艸堂看竹

仲秋變節候涼氣
何蕭森落木奏衆
響孤鴻送遙音散
步躡幽徑啟扉闔
層陰軒檻折以曲
堂宇清且淡密竹
曳寒玉亂石如遠
岑中有縞衣者渺
無塵俗心命觴結
儔侶梁翰陵古今
夜闌秉燭興極吐
長吟愛此雲霄質
不受霜露侵徒倚
坐淡翠蕭疏調繁
琴人生重知已願
言常招尋努力崇
大雅永爲後世欽

秋夜連唐汎舟

張燈卷幔小橋頭
曲水涼生獨夜舟
風動荷粳香不定
波沉荻葉影爭流
千邨暮色皆因月
一片螢聲總

是秋此際管弦都
未莫清光畱與酒
人收

月夜空樓卽事

春月客中盡風塵
祇自忙何如一尊
酒來坐百粍香河
漢夜淡白樓臺雲
外涼還愁敬亭去
山水促行裝

京口望金焦北固諸山

清秋涉揚子長空
卷匹練漁人挈輕
舟往來逐波而浩
渺見三山靈異誠
可羨憶簪樓船飛
兵戈苦征戰鼉鼉
驕食人旌旂血已
濺側目眺沙洲幾
墩正修繕吾願波
不揚允矣荷天眷

於曲阿往永安經長蕩湖中瞻眺

旦發曲阿縣遙迤
入回谿密竹夾邨
舍秋艸被長隄

夏月梧桐閣集卷二

五

菱荷自零亂黍稷
相因依行行去人
遠望望使徑迷環
洲莫能辨舟人相
顧疑百轉渡長蕩
四圍饒清暉白鷺
戲沙渚綠楊坐舊
蹊遠山迭映蔽多
雨仍霏微日莫空
浩蕩倚舟心喪回
雖云遠游樂不如
早旋歸以茲發長
歎中懷當告誰

從洮湖越東壩途中作

宿霧隱初日隨風
作朝雨越彼河復
關冒茲塵與土舍
舟履高原驅車過
前浦衆山未識名
溪壑良可怖怪禽
號青松縣霜染紅
樹雞犬聲蕭條邨
墟風太古跋涉竟
忘餐瞑晦不知午
客行旣已勞僕夫
亦云苦登余樂征
送耽幽洽忱懽

敬亭山 用謝宣城韻

步登敬亭阪遠近松柏齊謝公昔游覽謫僊曾驛栖
樓臺頽衆岫巖壑陵亂谿麻姑自隱見句宛仍高低
不聞人語響唯聽鳥雀唳天風何凜凜陰雲常淒淒
杖策履絕頂仁色連故溪恍與霄漢接穆然心神迷
兩峰各環抱一徑煩登梯愛此莫能去今古理無睽

雲齊閣

昭亭名勝地高閣與雲齊遠樹迷春穀秋煙散宛谿
城回天外小鳥近席前低望裏真圖畫新詩何處題
領珠樓

纔到雲齊閣還登最上頭四山多異態兩水自分流

有真樞閣集卷二

六

橋樑明斜日松櫨老繁秋謝公如尚在應羨領珠樓

翠雲菴試茶

秋入禪房靜亭茶得翠雲煙從林外繞泉向石邊分
清味宜僧賞幽香許客聞坐淡空萬慮疏磬落斜曛

贈沈方鄴

涉彼宛谿水遙望敬亭山屯雲蔽絕壁佳樹上參天
靈異繁蘊結哲人生其閒念茲同懷客入室睹令顏
衣冠猶古處須臾何修然韜精養鸞翮著作富以緜
懷瑾埃知己獻璞豈有愆志士崇道義富貴不足言
世儒空淪喪大雅失其傳與君敦令名遺芬存簡編

望謝公北樓 今石壁亭

北樓名字傳今古閑置何年太守府等樹參天疊嶂
奇謝公一去空塵土見說登臨一郡通四圍山色煙
雲中可憐風雅久宋莫唯聞鳥雀唳悲風唳悲風聲
未歇咫尺高臺莫能越安得重起謝宣城倚檻題詩
望明月

九日臥病

佳時偏臥病寒雨更瀟瀟山落初稀葉江添欲退潮
百端秋思起一目鴈書遙那復登臺興黃萸也宋寥
詠懷詩四首

鴻鴈東南來肅肅奮雙翼所慕在稻粱江湖濫莫測
十月被嚴霜劬勞竟無食哀鳴徒嗷嗷中坐少安息

有真樞閣集卷二

七

四顧思翺翔何求不可得

又

天馬出上廐蹀躞渡江水矯矯自不羣駿足行千里
豈意服御乖骨立莫能起良材偶失時顛顛遠如此
長鳴向北風寧困塵埃裏

又

山高莫可登水淡莫可越之子勞馳驅不知日與月
饑渴煩心神疾病變毛髮偃仰空在牀停車不能發
丈夫貴守貞胡爲事干謁

又

陟岡采薺靈薄言療余疾艸木亦何知世無盧扁術

魑魅苦偏人昏曉既已失高堂良可懷賤軀何足恤
寄謝遠游子躊躇勿輕出

得張子琰書率答兼懷子瑜

鴻鴈遙傳尺素來憶君兄弟日裴回愛園石上秋光
老辜負黃鸞夜月枯

初雪二首

罪罪柳絮壓闌干游子驚心未忍看不信江南勝江
北朔風十月已嚴寒
風吹冷霰打窗虛一夜聽來鬢已疏顧我原非彈鋏
客羞從舍長歎無魚

旅懷詩

百尺梧桐集卷二

八

孟冬寒氣至艸木衰以黃北風中夜起游子情內傷
回首出門日秋月揚輝光奄忽歲月晚中途被霜霜
塞馬思北走越鳥願南翔人生各有適胡爲滯窮鄉
印視敬亭高顙顧宛水長困厄莫能發輾轉心旁皇
安能假六翮送我置高堂

送陳幼木之南陵兼簡劉子端

木落霜寒鴈影清陵陽山下送君行劉郎家在南陵
縣春穀城頭月正明

畫山水歌贈梅淵公

礪壘山人才實奇置身丘壑稱畫師一水一石非人
知贈我尺幅光淋漓縣崖列嶂多紛披中有古松坐

高枝老人童子相追隨南宮北苑兼有之筆蹟豈但
摹迂癡令我睇視發狂叫梅兮梅兮何意放筆能爾
爲

太平覽古二首

姑孰城邊一櫂還大江西北水潺潺桓溫往事沉煙
艸紅粉香消白紵山溫嘗攜妓登此
奏白紵歌因名
慈姥山頭日欲西慈姥山下夜烏啼只今歌吹名空
在簫管無聲亂竹迷山產竹葉爲簫
音又名鼓吹山

江寧鎮晚泊遇郭農部卽送之還睢陽

君是睢陽客胡爲江上游一官成往事雙鬢老孤舟
白下寒雲散黃河夜雪收及時歸去好岐路淚空流

百尺梧桐集卷二

九

估客樂二首

估客習風波終歲栖道路今日浙東來去年湖南去
又

江頭販寶翁霜雪凋顏色十載常不歸生子不相識
款乃曲

舟子祝風生船頭各澆酒櫓聲一齊發飛渡青山口

打魚樂

打魚復打魚取食誠有餘不用力耕田何須勤讀書

喜達里門

幾月滯山郭一朝歸舊林銓前無限語總是別家心
百尺梧桐集卷二終

百尺梧桐閣集卷三目錄

古今體詩

元日見山樓曉望二首

病中阮亭先生過問時擺儀暫將赴京

縣尹見過小園卽席賦贈

鎮將

集春艸堂限韻

題阮亭先生梅萼讀書圖

上巳杜于皇吳賓賢孫豹人黃兩相華龍肩王

仔園顧思澹夏次功魯紫漪家秋澗左嚴叔

定舟次諸兄集見山樓

百尺梧桐閣集卷三目錄

露筋祠

宿喬子靜陶園四絕句

重過蓮池菴遇廬山僧話舊

白田

詹檢討南還相遇白田卻贈

雨

茉莉

鶯

同叔定舟次兩兄飲左嚴兄宅

送宋斌臣歸里

韓醉白歸自京口

贈妓

城西陂觀漲同方爾止豹人次功家湛若左嚴

叔定舟次作

題爾止四壬子圖

同許力臣師六家兄舟次陪阮亭先生登康山

贈賓賢

七夕禪智寺碩公房送阮亭先生入京

秋萼三首

哭兒六章

送兄左嚴歸白嶽

奉懷給諫在平王公三首

百尺梧桐閣集卷三目錄

答碩公山中見投原韻

陶季自南楚歸歌以贈之

送醉白游淮陰兼寄劉六皆鄒桐崖劉价人

贈王幼萼

百尺梧桐閣集卷三目錄終

百尺梧桐閣集卷三

揚州 汪懋麟

古今體詩

自乙巳歲正月
起至十二月止

元日見山樓曉望二首

秋別此樓去還登值早春衆山殘雪白萬井曙煙新
竹色閒當戶梅等冷向人歲時今又改滋悔逐風塵

又時歸白敬亭
久病初起

耳目久枯宋春來病始蘇自憐馮檻立猶欲倩人扶
凍艸經晴輒寒雲偕暝驅風光堪燕賞及此酒頻呼
病中阮亭先生過問時擢儀營將赴京

尺繫時相問高車今再過藥囊看漸減蓬戶隔如何

百尺梧桐閣集卷三

病態詩中滿春愁鏡裏多卻聞宣室詔惆悵是驪歌

縣尹見過小園卽席賦贈

避人三徑長新治戶外謹傳縣尹來豈謂園林堪繫
馬聊馮絲管勸行杯詩從謝眺樓中賦等看潘安縣
裏閑才調如君非百里春風知已徧蒿萊

鎮將

十三學劍慕封侯千里干城據上游羊祜輕裘能作
鎮劉琨長嘯敢登樓驅來萬馬黃雲晚射落雙雕白
艸秋牽際太平遠漢靜閒開虎帳撥空侯

集春艸堂限韻

病起春將半春風去漸遙鶯曉近寒食雨過已夢朝

聚散幾曾定芳菲容易凋請君看階艸無語自蕭蕭

題阮亭先生梅夢讀書圖

倒著春風白接離琉璃六尺坐題詩揚州絲麗無化
好只愛官梅一兩枝

上已杜于皇吳賓賢孫豹人黃雨相華龍眉王

仔園顧思澹夏次功魯紫漪家秋澗左嚴叔

定舟次諸兄集見山樓

是日春氣佳惠風散園圖登樓肆遠眺青山沐朝雨
芳辰正宋寥客至日初午歡然共斟酌不知賓與主
既醉還復歌歌罷行且舞人生重行樂胡爲常辛苦
卓哉蘭亭賢高文足千古

百尺梧桐閣集卷三

露筋祠

貞女無名姓荒祠獨古今烏嘯黃竹短門拚碧湖濱
漂泊何年骨淒涼一夜心時聞明月下環珮振空林
宿喬子靜陶園四絕句

楊柳樓頭小燕忙芙蓉池畔楚萍香游人到此不歸
去醉倒君家毒冒牀

開偏平章宅裏雙童翦燭醉流霞洛陽勝事應如
此不數姚家與魏家

三月湖瀨水氣寒黃鵬曉微怨春殘生憎夜半催夢

雨壓損亭亭紅藥闌

絲絲細雨晚煙暝小閣澹燈漏乍停欲煮頭綱消夜

話碧紗厨外喚樵青

重過蓮池菴遇廬山僧話舊

逆社重來感廢興門前老樹長枯藤漫鋤堦菜頻畱
客再把匡山細問僧濕水晴飛松磴雲洞雲曉暗石
幢鐙讀書約在開先寺只恐陶潛醉未能

白田

白田風物好一月不還家沽酒入邨市賣魚來遠沙
湖干多夏木門外長荷萼此地堪坐釣行吟每日斜
詹檢討南還相遇白田卻贈

投簪何事早辛苦爲求賢親舍浮雲外君恩落日
邊官貧隨去住路遠隔山川歸計逢潘令知能解俸

錢

雨

暑雨來何驟偏宜樓上看老梧千葉動淡竹萬條寒
亂卷雲俱溼驚飛鳥不乾風雷寧久作天怒有時寬
茉莉

託根閩海外有意開涼炎萼伶仃鄉賢香從後夜添
隨風偏嫋嫋露遂熾熾只恐驚秋早殘枝不復拈
鷺

羽毛何足資衆舌漫多知送暝聲能巧窺簾語久遲
雨昏藏柳葉風定蹋筇枝且莫離溪谷王孫挾彈隨
同叔定舟次兩兄飲左巖兄宅

兄弟別殘春相逢夏木新一壺深夜酒兩地遠歸人
月影下階緩清言相對真所嗟隔風雨難得是閒身
送宋斌臣歸里

千畝傳君種菜園廿年窮海霽霜孤飄零仁漢新詩
卷寥落乾坤舊病夫古寺乍逢纔出日東門送別又
曉烏秋風我欲穿淮浦來訪高人對酒盧

韓醉白歸自京口

朝起登樓望閒雲漠漠飛林中雙鶴噪仁上一人歸
解帶呼清酒當軒看紫薇聽君誦詩句不覺已斜暉
贈妓

美人妖且閒結束出雲間按譜拋紅豆當風亂翠鬟

歌喉鶯語滑舞裊石筍斑聽曲何曾誤偏教顧醉顏
城西陂觀漲同方爾止豹人次功家湛若左巖

叔定舟次作

夏雲欲盡天清爽谿頭埜水時時長葛巾攜客游西
陂同上畫船盪雙槳城西一綫浮紅橋琉璃千頃馮
夸駘波沉楊柳翠葉落風卷芙蓉紅粉洲事殊興極
轉惆悵驟雨驚風謹白浪邨邊埜哭何啁啾船裏笙
歌尙嘹亮須臾天霽落日斜青簾白舫銜平沙更聽
妖童吹玉笛還看少婦采蓮等蓮等采盡西風起澤
國稻苗半欲死紛紛揚州輕薄兒猶道城西看秋水
題爾止四壬子詞

爾止自云壬子年考中
少陵香山皆然平生又醉

三公詩圖
繪效圖

客從白門來示我壬子圖壬子者爲誰晉唐三老夫
旁有俞山氏脫帽依坐隅生年既無異賦性豈有殊
黃鞠秋正琴東籬且提壺長饒託爲命入谷聲相呼
有時彈清琴知音良不誣古今雖異代先後皆同趨
況乃抱奇節此君非腐儒千載思高人圖畫安可無
同許力臣師六家兄舟次陪阮亭先生登康山
山在郡內康對山先生被放後來揚州所嘗游憩彈琵琶處也郡志失載
白尺康山蔓艸生秋來送客一披荆居人猶解譚遺
事郡志何爲竟失名繞戶濤聲常浩渺隔江山色自
分明武功樂府誰堪問想象鳴弦緯撥聲

百尺梧桐閣集卷三

五

贈寶賢

風吹疏雨來瑟瑟梧桐獨坐把君詩一室動秋爽
大雅久淪喪遺音在艸莽君居窮海邊海水執蒼漭
日月常昏黑蛇龍自激盪原墊艸木稀白晝見罔兩
何求歲苦凶何以慰頻叩老弱甘凍餓直道不肖枉
白首耽詩歌孤懷柱天壤

七夕禪智寺碩公房送阮亭先生入京

秋艸被原塋涼風動古寺送遠停車輪登山入蒼翠
斟酌蜀岡泉摩挲蘇公碣先後賢無殊今古理不異
畱連山徑晚明月光在地今夕重歡娛勿復作別意

秋學三首

種滿亭前子午簪二時開落不爭榮曉來拾取添妝
好朶朶珊瑚點鬢斜

綠窗揜映美人蕉吞吐朱鸞髮絳綃最愛晚秋風嫋
嫋生憎寒夜雨瀟瀟

陸地美蓉色不乾秋來爛熳勝江干試登百尺臺前
望一片明霞似錦官

哭兒六章

烏生二三子備雛無晨宵倏忽一雛死悲鳴空曉曉

又

蓮葉搖江風蓮子映江水豈意風水多搖落傷我子

又

橫笛與短簫是兒手戲弄符聞心則喜今聞聲則痛

又

憶見雙鰓角魁梧鮮寢態早起呼孃梳梳成索夢戴

又

讀書知關雎吟詩愛供奉四言與五言三過卽成誦

又

見行百等前揚鞭騎竹馬從此覓行蹤烏曉百等下

送兄左嚴歸白嶽

百丈峯巒憶舊邨滄桑幾代隔江門松楸久已荒墳
墓耆老猶能記子孫泉落齊雲秋正晚鴻飛斷石月
初昏遙知廣惠祠無恙好向西風酌酒尊

百尺梧桐閣集卷三

六

奉懷給諫任平王公三首

昨歲京華別春風戀酒栢掖垣關廕寐蓬徑苦衷回
謀食親田畝坐綸滯釣臺藥時空有意不是治安才

又

北闕辭青瑣東山啟舊扉豈因歸興切想爲諫書稀
汲黯名原重匡衡願不違清時需補袞莫謾解朝衣

又

平山曾駐馬把酒眺秋原感遇經三載懷恩無一言
關河空閒隔書信說寒暄何日重游此同看勺藥縣

答碩公山中見投原韻

新秋送客晚鐘催偶僧繩牀問辨才雙脚久辭淮海

百尺梧桐閣集卷三

七

去一栢遠渡浙江來空壇說偈天等散古寺懸燈夜
月開莫怪麻衣常嬾出自離城郭不曾回

陶季自南楚歸歌以贈之

陶季陶季生不逢時空自許半生浪迹多豪舉劍鋒
用盡馬蹏穿昨歲入燕還適楚南楚山川何地稱最
奇七十二峰衡嶽山七百餘里洞庭渚登眺開心神
長吟弔今古青艸湖邊聽鷓鴣黃陵廟裏悲湘女湘
女一去不復回蕭蕭斑竹媛聲哀楚王歌舞綠雲散
細要美人安在哉逐臣遷客多幽憤汨羅卻與長沙
近悲秋宋玉心可憐撾鼓禰衡淚堪拭吁嗟乎才人
遭逢多數奇爾亦所遇非所知故園歸來轉愁宋男

呻女吟空四壁不如解衣脫帽且盡歡酌酒亨雞勸
君與雞黍熟時秋正芳豔爾去住猶茫然年過四十
髮漸蒼但令妻子不憂凍與餓寧向天涯離故鄉

送醉白游淮陰兼寄劉六皆鄉桐崖劉价人

霜風如刀木葉落寒氣侵衣冷難著有客乘舟將遠
行東門慘澹斜陽薄羨君今年二十餘家無四壁能
讀書雄詞健筆自無敵結納賢豪人不如去年八月
錢唐住吳山越水多奇句今年再向南徐還振衣高
詠三山閒秋來又渡黃河口我有故人與我厚劉郎
登第尙清貧閉戶賦詩兼飲酒鄉生豪傑走風雲落
筆欲追王右軍价人翩翩夏年少賈誼才華果英妙

百尺梧桐閣集卷三

八

三子別久無尺書我欲煩君問同調君去相逢情自
歡漂母祠前尋釣竿淮陰市裏如相問爲道王孫亦
姓韓

贈王幼夢

君不見今人讀書無遠圖朝登仕籍莫弃書營富
翼不足齒致身卿相終何如關中王郎早登第讀書
直作千秋計抗志欲高天下人閒信馬頭西出秦偶
來蕪城忽心折酒徒詞客相交結賦就新詩殊不羣
高吟令我稱奇絕我聞秦風豪以雄車轡駟鐵聲隆
隆看君意態獨騷雅風流不在康公下康公對山君
同里咎日伴狂到邗水醉撥琵琶聲最悲蕭蕭落葉

江風起先生已去存故山王郎感舊重追攀慨然題詩向縈壁坐聽秋濤終夜閒

百尺梧桐閣集卷三終

百尺梧桐閣集卷三

九

百尺梧桐閣集卷四目錄

古今體詩

上元後雪子瑜祥其醉白過飲

送吳園次守吳興

新柳詞四首

同方鄴仔園裴長齡饒白眉家兄叔定紅橋汎舟

答方鄴金陵見寄

懷醉白客京

送吳仁趾游白田兼簡子靜二首

董子祠

琴燭詞三首爲友人賦

送爾止歸白下時將游閩粵

東原行贈宗定九

司徒廟

丘曙戒侍講招同豹人醉白家兄叔定汎舟登

平山堂用山色有無中爲韻分得無字

送曙戒侍講出判武昌

涉仁雜詩七首

新河莊

重陽前一日雨用醉白起句

九日同醉白重游敬亭山五首

內子生日

山觀臥病

開田得古印歌爲關中楊樹滋賦

南山鳥

櫪下馬

贈半山

破寺

訪方鄴不遇題壁

送雲聲兄還鵲仁余歸揚州

畱別淵公二首

姑浦道中

江月

江上阻風登弘濟寺

雨中曉發

畱雲堂別喬雲漸醉歌

宿遷曉發

重過泰山

嶽廟

酌突泉

飲濟南楊少保幕府

阜城

除夕呈陶季

百尺梧桐閣集卷四目錄

二

百尺梧桐閣集卷四目錄終

百尺梧桐閣集卷四目錄

三

百尺梧桐閣集卷四

楊州 汪懋麟

古今體詩自兩午歲正月
起至十二月止

上元後雪子瑜祥其醉白過飲

小樓連夜雨三徑幾曾乾
雪喜春初見燈還節後看
臘梅開舊簷翦韭上辛盤
時序真流水當枯且盡歡

送吳園次守吳興

吳興山水地襟被正堪攜
等放蒼雲嶺鶯啼盡谿
碧瀾基尙在白練字重題
王杜稱賢守清名好共齊

新柳詞四首

二月江頭柳半勻
幾枝嫋娜乍逢春
東風有意牽離

百尺梧桐閣集卷四

緒故遣柔條送遠人

清波淺處畫橋邊
怨雨愁風又禁煙
最愛綠楊姿態
好飛等容易落成縣

輕盈通體是嬌嬰
髣髴靈和殿未遙
紫燕來時纔社
日黃鸝啼罷又等朝

行人馬上牽愁去
羌笛聲中惹恨來
莫怪絲絲眠不
起只愁風雨一吹開

同方鄴仔園裴長齡饒白眉家兄叔定紅橋汎

舟

春湖潋灩長春潮
鏡裏雙橈緩緩搖
煬帝宮前還種
柳絳僊樓下不聞簫
誰憐迹成今古祇有風人感

采寥山水何曾屬楊李
好沽綠酒醉紅橋

答方鄴金陵見寄

春隄相送艸茸茸
一別雲煙隔幾重
只道羅浮山畔
去那知還聽白門鐘

懷醉白客京

早春揮手向金臺
每夜思君罷酒杯
賴有音書三月
至浪傳歸信幾時來
薊門楊柳絲絲暗
仁上荷萼朶朶開
計爾到家猶是客
何當漢口一驅催
時將同丘侍講之武

送吳仁趾游白田兼簡子靜二首

白馬湖邊我舊過
千株楊柳埜風多
君行正遇連朝

百尺梧桐閣集卷四

雨試問新添幾尺波

腰魂常繞習家池
十丈荷萼開幾枝
有客到門應憶
我水亭風靜倚闌時

董子祠

秦皇筭暴虐焚滅詩與書
漢興至文景禮樂猶缺如
孝武策賢良首舉董仲舒
上書陳大道天子嫌其迂
故令事驕主出相終仁都
大儒不能用方士何爲與
青青茂陵樹斬伐無復餘
我思天人理瞻望增欷歔

夢燭詞三首爲友人賦

土枕熏籠事事幽
碧紗窗外卷簾鉤
不須另覓黃金

屋自有池邊近水樓

六月初調豈惹湯美人新理百粵收當風莫謾懷飛燕合德風流體自香

金粉何曾作意工性耽書史倚房櫳誰言新婦閨中秀信是夫人林下風

送爾止歸白下時將游閩粵

仁海飄蓬已白頭常將生事託孤舟衰年未遂還山願尙欲辭家萬里游

東原行贈宗定九

少文讀書栖東原地僻不聞雞犬謹門前楊柳綠已滿池上芙蓉紅且錄常把一編不離手愛君爲人與

百尺梧桐集卷四

三

君厚有時入郭巾柴車坐我山樓飲我酒自言江郎沙路微春來萬樹桃夢飛相約攜壺策款段先令嬌兒開竹扉

司徒廟

錢錢平山堂荒荒蜀岡土上有司徒宮廟祀亦云古異姓結兄弟誓與同辛苦孝事谿翁姬奮殺山中虎自是至性人豈僅游俠伍惜哉老叟獵生不遇贊主死則爲明神千年見英武拒敵興隆橋絳衣持大斧土人悉往事太守新其宇祈年與禳災四序禔田父磨刀向豬羊考鐘伐大鼓余友宗梅岑孤舟涉江濤羣盜欲肆虐司徒默爲祐感應理有之陳詩神豈吐

丘曙戒侍講招同酌人醉白家兄叔定汎舟登

平山堂用山色有無中爲韻分得無字

涼風扇絮節霖潦盈江湖客行自淮水幽興耽平蕪招攜登墊航二三皆酒徒金魚不自憎美醞從我沽潏漿越城郭沿渠足孤蒲蓮葉結淺翠逆夢燿潏朱顧此樂無極陶然傾一壺橫舟版渚下策杖平山隅密雲蔽陽景回廳生高梧歐公雖云沒綠楊猶未枯山川賴人傳文章安可無

送曙戒侍講出判武昌

遷客分符下武昌不須苦憶舊明光洲前細艸尋鸚鵡山外浮雲想鳳皇赤壁停舟波浩渺南樓把酒月

百尺梧桐集卷四

四

蒼涼江頭父老還迎拜太守流風在漢陽摩公曾守漢陽

涉江雜詩七首

挂席京口驛遠辭竹西墅出門別老親誰復戀兒女平生耕稼疏茂艸荒園圃賤子久行役輕舟溯江渚回憶室中人清宵事礎杵盛年常別離勞勞何所取

又

江洲千萬畝夙稱膏腴一旦盡燒焚禁密無樵漁洪波日浩浩唯有龍蛇居屢年缺租稅何人種桑榆朝廷重險要不敢惜田廬

又

我行雲陽里未莫少相識朝日起層城下映江水色

波閒雙白鳥背人舒羽翼客至忽驚飛母乃機未息

又

曲阿盛冠蓋車馬聲閒關管弦日嘈雜被服何閒閒
城中起大宅買田盈桑間竹木繞溪澗臺榭陵春山
虎豹忽震怒世族惟險艱生者已遠竄死者難追攀
居人爲余說聞之凋朱顏

又

舟行苦局促數日少歡樂日夕投荒原不復見城郭
土人方荷鋤早苗正堪穫婦子聚柴荆飽食看鳥雀
自顧何所營不如守邨落夜半宿蓬窗水溪客食薄

又

洮湖今再涉澤國秋已老如何二年閒兩渡宛陵道
水光相映葭山執各環抱緬想昔日游貧病徒艸艸
茲行值九日鞠萼開已早

又

東壩何所有雞犬謹茅屋往來估客多日向露中宿
十年別妻子一身伴樵牧販茶兼采藥提攜下平陸
面目蒙塵埃豈復異艸木念我非商賈胡爲共奔逐

新河莊

漸與陵陽近孤邨壓大河兩山全蔽日衆水合成波
漁網沉沙激松煙上薜蘿前峰看不盡唯有白雲多
重陽前一日雨用醉白起句

風雨偏重九況當爲客時鞠萼何處發霜葉滿林吹
乍冷親衣早思家得寢遲淚枯聊共把愁絕是歸期

九日同醉白重游敬亭山五首

舊游經兩水再渡認雙橋雨足連青壑峰頭上碧霄
幽懷誰共往朋好幸同招十里看山近籃輿去未遙

又

爽氣迎重九秋光四望清楚夢如晚鞠谷鳥當春鶯
解珮沽邨酒尋僧煮菜羹松門聊憩足策杖入山行

又

石陞何紆折攀崖力不指松高寒蔽日泉響曲通池
絕頂行難盡前峰望未知霜風吹柏葉交陰自紛披

又

禪房常未歷客到卽亨泉屋角坐黃橘谿旁長白縣
此真栖隱地不用買山錢靜裏看人事浮雲過遠川

又

落日催行客歸程可奈何晚煙邨舍起晴翠莫山多
不醉還騎馬悲秋且放歌更聞楓葉好霜後欲重過

丙子生日

年年此日去揚州那得持樽共勸酬促織夜寒虛坐
月芙蓉霜老倦梳頭窗前學字攜嬌女燈下裁衣寄
遠游豈若鋪糜相對好無情最是死谿舟

山觀臥病

獨坐孤峰裏，溪谿響急湍。霜風千葉落，山雨一燈寒。
多病思丹竈，焚香問講壇。道書空自把，僊迹半周殘。

開田得古印歌爲關中楊樹滋賦

老農開田得古印，黃泥碧艸生光潤。犁鋤處，肉不全，朱文綠字猶能認。
老農入市驕索錢，道旁有客來潛然。云是楊公舊名字，贖取還歸孝子志。
孝子持印悲如何，先人手澤今無多。錦囊懷裏不敢離，可憐一日三摩挲。
楊公令德如圭璧，宋莫今餘一片石。願君見物如見親，世世關西守清白。

南山鳥

君不見南山有鳥，北山宿三石。無依逢惡木，柯條禿。

頁尺梧桐閣集卷四

七

盡無可栖，月落霜寒空。夜號道旁行人見之，歎羽毛文采徒零亂。
待爾春溪歸上林，飛入百夢多好音。

櫪下馬

君不見，櫪下馬四蹏如鳥行。郊埵騎爾遠游山，谷間豈知病臥長松下。
寒夜哀鳴尤可憐，當年汗血今徒然。稜稜駿骨委黃土，空執來時白玉鞭。

贈半山

百丈孤峰獨閉關，墮名早已得身閒。靜看石室秋雲坐，曾聽匡廬瀑布還。
孔曰休糧餐白雪，終年無事寫青山。虎谿若可容長嘯，陶謝高蹤好共攀。

破寺

破寺原蕭索，深秋更慘悽。老僧迎病客，瘦犬吠荒谿。
龍象色全脫，鐘魚聲不齊。只餘階下菊，霜後獨萋萋。

訪方鄴不遇題壁

聞君不得意，抱葉淚霑衣。何事久爲客，終年猶未歸。
到門逢釋子，問訊及慈幃。落葉荒階滿，翻憐會面稀。

送雲聲兄還鶴江余歸揚州

悔作宣州客，年年客況貧。可憐秋後別，同是病中人。
聽馬齊揮淚，看雲各憶親。還家入京洛，握手在陽春。

畱別淵公二首

宛水到來偏臥病，楚江歸去獨傷神。可憐岐路無知己，只有瞿山是故人。

頁尺梧桐閣集卷四

八

清尊明月謝公樓，哀鴈三聲起別愁。何用黃金壯顏色，滿船書畫下揚州。

姑浦道中

朝從姑浦望，病後眼初明。農事一秋畢，江邨十月晴。
紅憐楓樹過，青愛遠山迎。卻喜無風浪，安流下石城。

江月

二月半輪側，寒星似有無。祇添潮水闊，偏令客心孤。
山葉迎風響，昏鴉繞岸呼。蓬窗那能寐，一夜鬢能枯。

江上阻風登弘濟寺

江灘日漸落，步登弘濟寺。娑羅當門生，歲月不復記。
紺殿山鑿成，崩崖執欲墜。石罅尤玲瓏，中有千億佛。

虛空大士開臨仁不敢視馬關望風橋遠入故鄉
地久客不得歸令我色顚顛

雨中曉發

久客不成寐孤舟獨夜行水煙連霧氣山雨雜江聲
戍鼓寒將盡荒雞曉亂鳴依稀見城郭早慰故鄉情
畱雲堂別喬雲漸醉歌

畱雲堂前霜月涼新開酒瓮蒲陶香舉杯對月那能
別爲君一飲傾十觴黃河以北酒味薄露壓孤裘冷
難著感君纏絲贈一壺側挂車旁細斟酌東門相送
意氣真看余上馬飛紅塵明日解鞍宿茅店應把芳
尊思故人

宿遷曉發

宿鳥夜驚栖征人促馬曉黃河聲漸遠曠望月初低
山色遙連魯民風半入齊長安二千里猶隔岱雲西
重過泰山

岱宗千仞青巒峨衿齊跨魯煙雲多秦皇漢武管封
禪僊人玉女今如何前年曾到僊樓下萬里天風海
濤瀉日觀天門終未登空山落日催羸馬今歲重過
嶽廟前側身瞻望心茫然直欲扶邛最高頂坐聽雞
鳴看日圓

嶽廟

城闕崔嵬駐六龍傳來遺事說秦封金函玉冊風雷

護漢柏唐槐雨霽重拂拭殘碑猶有字裏回溪殿不
聞鐘百王典禮今寥落獨望天門日觀峰

釣突泉

吾愛明湖水還看釣突泉三堆晴露湧萬點夜珠圓
荇藻冬猶綠煙波晚最妍倚闌懷陸羽恨不到池邊
飲濟南楊少保幕府

阜城

幕府張筵夜轅門畫角鳴軍容先舞劍邊曲善擲筆
渤海全無恙嫖姚舊有名不須譚戰伐慙嫖作書生
忽忽一年盡勞勞萬里身客中誰送臘馬上又逢春
令節慙游子寒宵媿旅人長安明日近宮柳幾條新
除夕呈陶李

除夕呈陶李

百尺梧桐閣集卷四終

百尺梧桐閣集卷五目錄

古今體詩

元日曉行

入京遇露呈阮亭先生

贈孫惟一侍讀

漫興

郊壇

奉送大宗伯真定梁公歸里二首

送陶季之上黨

送宗人官沁源

寄衣

百尺梧桐閣集卷五目錄

春閨

見月寄家人

梁家園對酒歌同沈康臣陳廣明顏修來作

畱別茗文兄

簡廣明

贈子靜三首

廬山瀑布歌遙送舟次二兄之西江

題畫

古意

山行遇風

寄次功

懷白眉

簡徐辰玉

早行

德州道中得家書

同于靜重游泰山次日雨霽早發得六絕句

經羊太傅祖墓

懷王司勳

懷友

沂州道中雨看人收麥

清江道中口號

淮陰舟中與子靜別

百尺梧桐閣集卷五目錄

七哀詩哭張韞仲孝廉

再哭韞仲

再宿畱雲堂用唐人起句

喜廣明至

城西園遲友

梵社湖曉望

七夕王司勳同諸友人集見山樓分韻

送西樵司勳歸濟南

送孫介夫渡江兼訂三山之游

登金山絕頂畱雲亭

鶴林寺

拜米元章墓

寄題杜鵑樓

竹林寺

招隱寺

題招隱洞

八公洞二首

又題八公洞

蓮萼洞

九萼山

北固山

同叔定家兄登北固多景樓遲介夫游焦山不

百尺梧桐閣集卷五 目錄

三

至時介夫爲郡別駕招集萬歲樓

焦山三首

謁焦孝然祠

焦山古鼎歌

枯木堂訪古樵師不遇

江風山月亭

松寥閣

晚際汎江

送仔園游浙

晚秋集郭飲霞寓園

同程穆倩祥其仔園熊師龍眉叔定家兄集見

山樓再送西樵司勳分得六魚

舟中與司勳別

謁陸丞相祠

露夜同王筠長對酒

答斌臣見贈原韻

畱別斌臣和原韻

兜率院晤靈巖繼起師賦贈

同胡天仿飲斌臣蔬枰賦得青陽偏歲除

艸閣

爲斌臣壽母

百尺梧桐閣集卷五 目錄終

百尺梧桐閣集卷五 目錄

四

百尺梧桐閣集卷五

揚州 汪 懋麟

古今體詩 自丁未歲正月
起至十二月止

元日曉行

客行食早起那得暫停車
艸艸過元日茫茫憶歲除
地寒春不到霜盡日纔舒
旅思空寥落逢人嬾寄書
入京遇雪呈阮亭先生

一冬無此雪今日曉寒生
落絮霑宮柳春雲覆帝
城客途金鐙滑官舍玉壺清
下馬來相訪朝回坐晚晴

贈孫惟一侍讀

百尺梧桐閣集卷五

蓬瀛有殊樹託根生海隅
當春吐奇葩百卉俱不如
坐蔭覆廣廈枝葉何扶疏
下有女羅依一肌非有殊
雨露未得力猶同春艸敷
印彼雲霄質寸心從區區

漫興

無數鳥聲高歸思正鬱陶
奈何千里外常令一身勞
江郭饒春水湖天縱小舸
還家逢殺雨猶得飽櫻桃

郊壇

齋宮複道紫雲連 御輦經過艸露鮮
八變聲中看樂舞千官影裏見
盧煙鐙明闕殿春祈穀松暗虛壇
夜禮天不到皇穹淡穆處那知金碧駐神僊

奉送大宗伯真定梁公歸里二首

當代文章伯中朝樞密臣
聲名齊衆嶽丰格冠羣倫
補袞功原大掄才意更真
春風披拂後桃李一時新

又

去國豈君命飄然駕轡車
高風留魏闕暇日偕山
居林茂堪投鳥谿溪且縱
魚安公寧久臥早晚拜
天書

送陶季之上黨

臨岐常送爾此去欲霑巾
恨別忽千里相依空一春
艸溪太行道風起潞河瀕
駐馬題詩處還應憶故人
送宗人官沁源

吾兄詩酒興疏嬾似陶君
惜別驂驪道相思鴻鴈羣

百尺梧桐閣集卷五

土

絲山朝沐雨沁水晚生雲
邑小無多事清琴月下聞
寄衣

零落燕交飛春歸客未歸
殷勤託紉紵檢點送征衣
開篋餘香在當風暑氣微
翻憐寄書日凝望倚朱扉

春閨

晝掩房櫳已莫春忽驚寒
食柳條新開攜關艸諸兒
女聽說長安便媚人

見月寄家人

初月朦朧細如綫薄雲影裏遙相見
雙星明滅天上縣玉露坐珠下淡院
故園此夕三千里高樓夜聽金
壺水知爾馮關思遠人蕭蕭竹樹涼風起

梁家園對酒歌同沈康臣陳賡明顏修來作

長安酒樓歌莫愁楊粵亂落曉春鳩有客相逢曲仁
道下馬脫卻千金裘椎牛沽酒且爲樂玉盃金盤光
錯落梨園子弟皆娉婷桃李向人顏灼灼就中小妓
尤丰神當筵一曲驚衆賓色比芙蓉盤紅燭聲調鸞
鳳飛梁塵酒闌更擊漁陽鼓越女燕姬齊出舞金鈿
斜墮翠鬟坐醉臥瓊瑤溼紅雨此時觀者心神開美
人笑進流霞杯勸君適意須盡醉昨日春歸今不來
人生聚散渺難測況復天南與天北別後相思年復
年對酒聽歌那能得

留別茗文兄

百尺梧桐閣集卷五

三

學古君才大成名我遇遲湖山歸去日兄弟別離時

繫馬看殘照停柁寫贈詩讀書淡婉晚歸去揜東籬

簡賡明

午夜聯鑣向御溝玉階夢樹隱龍樓宮門導引皆郎

將殿上傳呼是列侯買諒少年齊入侍桓榮博學亦

同游如何顯賴蘭陵客詞賦翩翩竟滯留

贈子靜三首

聲氣各有應枝葉原相因豈無同門友不如子諒真

自管爲膠漆結納爲一身良友多暇豫賤子方苦辛

有時就爾居偃仰常經旬去冬十二月公車聲轡轉

中塗踐雪霜苦樂與我均春明策賢良駕馬隨後塵

同時各年少俱爲侍從臣君才甚美好胡爲亦沉淪
去去勿復顧高堂有老親

又

軒冕未爲榮富貴不足寶及時而事親不如半菽好
吾翁八十餘爾翁七十老倚閭望游子踟躕門前艸
翩翩下孫嬰笑索翁抱忽聞兒遠歸別離勿復道
春微前致詞承歡媿不早豐膳羅珍饈清商發浩渺
踴進盈尊酒願言常壽考

又

束髮弄柔翰志尙敦書詩立言恥流俗古人相與期
少年苦貧賤屈首干有司屢別始得售爲學心已遲

百尺梧桐閣集卷五

四

放歸南山下討論良在斯鄙哉世上賢貪競無已時

日從冠蓋游一字不復知吾子世家學淵源理不疑

努力千載名勿爲君子嗤

廬山瀑布歌遙送舟次二兄之西江

匡廬之山勢奇絕天半飛泉挂寒雪萬斛明珠滾滾

來直下空潭轉幽咽隨風散作靄雨鳴觸石悅疑山

谷裂我從笥日寢見之遠公怪我來何遲身騎白鹿

采紫芝虎谿月色光離離扶邛欲往苦心亂浮名久

繫燕山畔倏忽傳君掉臂登不覺飛騰暮霄漢吁嗟

陶謝蹟已灰昭明尙有讀書臺因風寄語且莫回待

我青鞵布襪放船至與爾香盧峰頭傾百杯

題畫

聲聲黃鳥喚殘春
鶯底驚回午
寢新最是畫長無意
緒雙栖妬殺倚樓人

古意

高樓美人幽且閒
僊臺明鏡桃李顏
齊紈蜀錦手中
織鴛央文彩何斑斑
守貞動合古人則
端坐溪閣不
踰閨君王下詔徵蛾眉
卻恨旁人不相識
東鄰有女
金粉紅承恩混入昭陽宮
身隨玉輦恃嬌態
百等妝
飾陵春風陵春風卷珠箔
不道君恩有時薄
傾國傾
城且弃捐
況復朱顏已蕭索
回頭寄語向高樓
長門
宋莫苦悲秋
何如嫁作盧家婦
錦瑟瑤箏歌莫愁

百尺梧桐閣集卷五

五

山行遇風

山行四五月
莽莽多炎風
悲號動地至
卷起原上蓬
塵沙一百丈
飛入青雲中
我車不能發
僕夫增苦容
屢月既不雨
旱氣漫太空
菽麥半枯死
田家無積存
日夕望邨落
蕭然煙火通

寄次功

颯颯梧桐枝
青青楊柳樹
坐柯覆茅檐
中有美人住
我攜一壺酒
閒時任來去
倏忽成遠游
辛苦少歡趣
有酒誰復同
思君隔煙霧

懷白翁

百尺抱光亭
下瞰空潭水
坐楊夾兩岸
搖曳微風起

綠波潄潄流
日夕不得止
若問遠行人
萍蹤亦如此

簡徐辰玉

徐孺讀書處
適與家園鄰
相呼即相過
樓頭坐芳春
與子別離久
門巷苔痕新

早行

枕上聽征鐸
客心驚不眠
披衣殘月下
策馬夜鐘前
天吠知邨舍
星稀辨曉天
蒼茫風霧裏
饑渴望人煙
德州道中得家書

故鄉行向遠
翻恨馬蹏遲
書寄千山外
人歸五月時
仁魚新潄潄
園杏熟坐坐
豫想南軒坐
閒尊話別離
同子靜重游
泰山次日雨
霽早發得六絕句

百尺梧桐閣集卷五

六

朝日初銜羊
祐城四圍山
色吐新晴煙
嵐雲樹重重
見遙指征人
畫裏行

昨日重游秦
俗還白雲千
片出松間
夜來散作峰頭
雨失卻天門
一帶山

四年雨過望
僊樓玉女梳
妝樓上頭
笑我塵顏向如
許幾時騎鶴
向清秋

斗母宮前山
最奇蒼苔白石
執離披只今
回望題詩
處雷雨陰陰
欲護持

徂徠山色自
朝昏松柏參
天石執尊昨
向岱宗高處
望千峰真覺
似兒孫

十八盤前鐵
鎖開游人到
此色如灰幾
年欲探秦人

蹟不道虛從頂上來

經羊太傅祖墓

片石蒼涼幾百秋晉朝古墓至今留不須峴首尋碑
字說著羊公便淚流

懷王司勳

江山顚覆舊司勳博得閒身不事君一自罷官隨落
葉終年爲客對浮雲洛中弟子時相憶世外漁樵且
共羣小謝頻行煩寄語池唐艸色日紛紛

懷友

蕭蕭車馬雪中行記得臨岐送我情仁上故人經歲
別門前芳艸幾回生一春爲客零空落千里還家月

百尺梧桐閣集卷五

七

再想到歸時逢午日菖蒲酒熟對君傾

沂州道中雨看人收麥

機民徧河北羣盜半山東麥奉一秋熟人憐屢歲窮
攜筐霑細雨荷笠避斜風且喜完官稅休言黼黻空

清江道中口號

行人五月未還家節序驚心細雨斜怪煞岸旁諸少
婦新妝偏插石榴簪

淮陰舟中與子靜別

雲樹遙連韓信城歸颿影帶夕陽橫雨消青楚風初
定水落黃河浪不生回憶曲仁三月聚翻憐淮甸一
人行與君隨路看楊柳忽到津樓起別情

七哀詩哭張韞仲孝廉

青松坐巖阿白石藏磯底松枯石亦爛傷哉哲人死
哲人良爲誰白田張仲子豐頤挾廣顙雙瞳炯炯視
如何奇偉人物化隨逝水細咎遭軼軻埋照讀經史
冰霜二十載宛然陶桌里名教久淪喪大道逢救否
頤兩陽明徒獨賜性命旨著書惜未成宗傳竟已矣
盜跖常壽考短命悲顏氏問天天不言淚落悲風起

再哭韞仲

易水風吹楊柳絲送君上馬淚痕坐那知梧酒慈仁
寺便是吞聲死別時

再宿雷雲堂用唐人起句

百尺梧桐閣集卷五

八

夜合萼開香滿庭一燈淡坐對疏櫺到來林壑眞堪
賞重說風塵不可聽繞院舊餘楊柳綠當門新種薜
蘿青頻年車轍空南北羨爾荆扉只自扃

喜賡明至

與君仁上約何牽雨中來徑艸迎人綠山鵲對酒開
夜涼看霽月雲散步高臺一榻縣方下扁舟且莫回

城西園遊友

杖策過城西園林夏木齊菱荷香落日絲管度回谿
幽賞閒中得清尊雨後攜倚樓望滄令獨聽鳥聲嘯

甕社湖曉望

甕湖煙浪曉來宜況復疏涼六月時貪看白蓮香不

斷好風吹過女郎祠

七夕王司勳同諸友人集見山樓分韻

小月光初細明河影半沉天孫憐此夕我輩亦高吟
風入疏簾緩蟲謹老樹淡乍涼宜薄醉莫受露華侵

送西樵司勳歸濟南

初秋北涼氣落葉飄庭除久客念故鄉胡為悵岐途
長揖辭衆賓置酒城南隅四方竝集送賤子增欷歔
君管罹險艱榮辱在須臾塵網幸已脫放迹同樵漁
爵服多纏牽林壑得自如君家三桐樹青蓋猶扶疏
歸去且埋照漫浪稱潛夫

送孫介夫渡江兼訂三山之游

百尺梧桐閣集卷五

九

飲客逢孫楚朝朝上酒樓無端懷白下先我渡瓜洲
北固一峰秀南徐萬木秋尋山君且緩騎馬待同游

登金山絕頂留雲亭

留雲亭子金山顛印視直與浮雲連下看江水幾千
里怒濤觸石聲濺濺潤州諸峰各環抱金陵一綫如
秋煙海門東去警癸癸橫江截斷商人船大沙小沙
盡遷徙宋莫無人耕廢田亭中一望慘心目不如振
衣把酒高臺前東坡已去了元死令我狂叫呼青天
舉頭但見景純墓空江片石蛟龍纏四顧蒼涼欲誰
語老僧勸酌中冷泉金山名勝甲吳楚張祐題詩今
尚傳豈意屯兵滿山下築城列戟如防邊游人到此

不敢息山頭明月空夜縣空夜縣愁茫然山川興廢
亦有年未知遠蹈向何處風波窟宅難高眠

鶴林寺

乘秋先到鶴林邊楚殿丹青尚儼然斷壁客尋坡老
碣空廊僧汲寄奴泉凋零何處看松柏寺有十頃刻
無人放杜鵑只有南宮遺像在摩笄山對寺門前
拜米元章墓墓前有祠祀公像

平生好圖畫死亦葬名山黃鶴永相望青松終古閒
碑尋將滅字像憶未衰顏酌酒孤墳下荒棄手代刪
寄題杜鵑樓

蓮池竹院對清秋瀟灑真成汗漫游不道尋山幽興

百尺梧桐閣集卷五

十

劇恩恩行過杜鵑樓

竹林寺

潤州到處皆幽絕最愛城南古竹林無數亂山藏寺
小幾多籬徑入門溪老松千尺響天籟疏磬一聲來
梵音勝地殷勤幾回過翻憐身世久浮沉

招隱寺

寺舊名招隱僧近改鹿泉故有本句

空山宋歷長莓苔玉蘂秋風半艸萊弔古空傳蕭氏
業聽鵬無復戴公來礪邊松子紛紛落亭下泉聲曲
曲回怪殺老僧彊解事不將招隱法幢開

題招隱洞

空林萬木響秋聲古洞依稀類削成卻羨風流蕭太

子山山畱得讀書名

八公洞二首

管賢栖隱處不復見塵囂細水浴谿曲危樓傷石牢
僧廚燒竹葉鳥徑落松毛待我藏名日歸山著布袍

又

洞口櫻桃滿何人手自栽春風無客到秋日憶簪開
地僻宜耕鑿山溪少去來還期芳樹下永坐送餘枯

又題八公洞

叢篁夾道水潺潺細艸幽萼小洞閒吾愛八公真隱
士不畱名姓在人間

蓮萼洞

百尺梧桐閣集卷五

上

探奇訪古洞玲瓏若天闢絕壁陵雲端下坐幾千尺
紫竹生虛巖青梧覆山脊一峰當洞門儼然神僊宅
洞口雲氣生冉冉上几席層巒三面墜摩挲古苔碧
前有老梅叢萼時散芳澤旁有丹桂林幽香自朝夕
道人山中歸汲泉供游客君隱是何代蒼蒼已頭白
自言此境幽終年少人迹丘壑本自佳惜哉處荒僻
山川需人傳湮沒良足惜安得謝與柳高文顯泉石

九萼山

羣峭削芙蓉名山頰衆峰大仁流浩浩古柏翠重重
傍席看飛鳥開軒聞靜鐘沉香樓最好萼雨四時濃

北固山

北固高峰擁一樓無邊江水日悠悠馬嘶古欄落萼

長月落空潭岸艸秋山有走馬天險東南分楚越雄

圖割據弔孫劉只今山下連營滿不許游人到上頭

同叔定家兄登北固多景樓遲介夫游焦山不

至時介夫爲郡別駕招集萬歲樓

與君共約松寥去何意來時負勝游滿目煙嵐空對

酒波二蘆荻獨停舟謾言兄弟第三山興還美賓朋萬

歲樓此會孫登期不至虛傳長歎衆峰秋

焦山三首

風負癩拙性人事厭城郭偶來山水閒心迹契寥廓

秋氣佳有餘林木遠參錯取徑躡岡巒壁面執如削

百尺梧桐閣集卷五

上

巨石經雷轟奮怒空中落下有萼陽碑至今傳瘞鶴

上草孝然廬古洞秋陰薄三詔不肯出清風久未莫

神異感宋主寢中獻靈藥身後非好名聊以表林壑

又

杖策履絕頂上有吸江亭亭虛敞四面下聞江水腥

夕陽入溪樹照見茶山銘拂裘去浩蕩筆墨光熒熒

先生直諫死遺迹畱芳馨題詩亦偶然忠義誠可經

又

山行執僦窄微徑緣林端別峰名隱精舍下臨海濤

寬樹溪日不見修竹千萬竿長根走石畔密葉秋未

乾老僧久枯索客至出門看攜我望海門綠水生波

瀾沙長網罟絕水清魚亦安人生城市中勞勞良足歎

謁焦孝然祠

漢末方多故何能起孝然大江回聘使片石足高眠
洞豈徵書重山有三山因處士傳白衣遺像在枯坐
對秋天

焦山古鼎歌

吁嗟此鼎傳何時空山神靈常護持勒銘象功告萬
世腹底古篆周王詞字中蚪蚪讀難曉况復殘缺誰
其知鸞翔鳳翥執踣踞金繩鐵索光陸離雨淋日炙
出泥土歲久剝落沾鮮皮形模卻高二尺許虛中能

百尺樓閣集卷五

主

受盈不虧鼎旁有耳似雙髻三足屹立同尊彝偏體
龍文動鱗甲默然淩翠盤蛟螭相傳此鼎出巨室得
禍卻歸嚴分宐分既敗鼎復返從來神物難久羈
何如安置在古寺几筵妥帖終不移我從笱年得紙
本王西樵阮亭兩先生顧盼已覺心神怡今日訪古
到山下十指摩挲稱絕奇四方觀者日相索老僧拂
拭能不私虛堂秋冷落山葉空階畫靜眠孤狸山前
舊有瘞鶴銘驚雷斷夢陽碑吾恐神龍覩寶器怒
挾風濤江上吹

枯木堂訪古樵師不遇

枯木堂名古常懷惠遠師如何停櫂日正是出山時

殘葉聲中落孤暖戶外窺不須畱姓字石上有題詩

仁風山月亭

千尺峯巒疊翠屏松蘿低映石痕青焦公舊舍無尋
處只有仁風山月亭

松寥閣

松寥小閣面臨江霜打梧桐葉未降游屐到來堪永
日時聞山鳥啄虛窗

晚際汎江

斜日下山徑秋風送晚船雲歸江樹黑月出海潮圓
估客飄齊落漁人網獨縣夜投瓜渚宿回首但蒼煙

送仔園游浙

百尺樓閣集卷五

西

清秋最憶杭州好送客常教清寢回楓葉亂從山徑
落湖光直入寺門來采菱歌起月初上弄笛人歸船
夜開况有右丞詩畫在高峰南北待銜枯

晚秋集郭飲霞寓園

候蟲聲已盡離鞠色全乾滾滾秋光老荒荒夜氣寒
放歌舒墊性縱酒託微官謾道家貧甚還能洗玉盤
同程穆倩祥其仔園熊師龍眉叔定家兄集見

山樓再送西樵司勳分得六魚

兩年江上客真似廣陵居忽逐寒雲散翻憐好月虛
不須攀驛柳且更煮園蔬想到鄧亭外蕭蕭去鴈疏

舟中與司勳別

曲江潮落水痕齊霜打殘楊暗竹西今夜謝公隄下
泊湖光漠漠水禽啼

謁陸丞相祠

丞相祠存宋已亡人門拜起淚霑裳厓山舊恨傳遺
史南海忠魂返故鄉豈是孤臣矜死節羞教孺子作
降王樓船十萬沉波底猶勝蒙塵狩北荒

雪夜同王筠長對酒

東海酸風急南窗莫雪侵一鐙寒夜話十載故鄉心
此地論交少唯君學道淡自從遭喪亂堅臥到如今

答斌臣見贈原韻

甓社湖邊日影西別時猶記夜烏啼風前送我衣裳

百尺梧桐閣集卷五

五

溼雪後逢君鬢髮齊黃口穉兒偏臥病白頭賢母共
羈栖海東景物年來盛唯有潛夫首重低

畱別斌臣和原韻

日日歌筵醉落暉客心迢遞寢荆扉起看殘月幾更
盡臥聽海濤滾夜歸賴有親朋消旅況還愁霜雪上
寒衣尊前忽作佗鄉別怕見城頭亂葉飛

兜率院晤靈巖繼起師賦贈

靈巖等雨散江湖杖笠雲從半在吳南去衡山雙腳
健東來溟海一瓢孤已知惠遠真高侶卻媿陶潛是
酒徒何日虎谿開笑口滿天明月照冰壺

同胡天仿飲斌臣蔬枰賦得青陽偏歲除

爲客此何日驚心歲漸除窮陰催舊臘殘雪憶吾廬
萬感燈前集孤懷醉後舒停枰對朋好春到轉躊躇

艸閣

艸閣臨邛起等源引徑幽谿光斜入戶海氣半侵樓
石上堪坐釣隄前好繫舟此鄉魚鳥足不羨武陵游
爲斌臣壽母

卓哉毛少節嘗以孝行見家貧事老母藜藿不敢倦
府檄一旦下胡爲顏色變人子苟純孝負米亦可羨
豈必爵服榮自向庭闈東海有異人才藝比曼倩
手持五色筆曾入金華殿遭亂遂放廢奉母歸海甸
偕隱無怨聲日勤手中綫教兒耕薄田種蔬多蔓衍
摘蔬供晨炊賢母起長歎蔬食亦云樂五鼎何足戀
毛生非等倫出處兩相判

百尺梧桐閣集卷五

六

百尺梧桐閣集卷五終

百尺梧桐閣集卷六目錄

古今體詩

生日答豹人見贈二首

贈計甫州

豹人定九醉白飲紅橋酒家遙和三絕句

汎舟口號二首

西莊燕饒在平王公入京

同仔園左嚴兄送在平公湖中遇風作

夏日刈園竹後同叔定家兄納涼

進艇同楊東子仔園左嚴叔定兩兄

立秋日友人見過

百尺梧桐閣集卷六目錄

寄定九東原

雨不絕

河水決

地夜動

病櫻

贈醫士

寄懷舟次二兄客西江二首

詠鶴五首

促織

悶

養拙

月下讀書

康臣舍人自京寄詩見問依韻奉答二首

吳北海以詩見問閱半歲矣使者復來始有此

寄時除農部二首

九日不出和輦顧菴先生同豹人用重陽登高

爲韻四首

冒雨登康山限韻同顧菴先生二首

贈虎丘問上人

樓雨

送豹人游潛江兼呈幼夢明府

過安豐訪賓賢陋軒不遇

百尺梧桐閣集卷六目錄

劉莊感舊

聞惟一學士假歸舟抵淮陰余不及待走筆寄

之

舟過被水鄉邨紀事

歸舟

復愁二首

移居詩三首贈醉白

歲莫寄阮亭先生

百尺梧桐閣集卷六目錄終

百尺梧桐閣集卷六

揚州 汪 懋麟

古今體詩 自戊申歲正月
起至十二月止

生日答豹人見贈二首

夢飛滿院值芳辰
飄灑南鄰與北鄰
回算從前好風景
亂書堆裏過青春

澆堂門與山樓接
多謝逢人說項斯
豈有尊前好詞句
漫張錦瑟唱琴枝

贈計甫艸

廣陵大都會
四方來眾寶林壑
亦平衍胡爲駐車輪
此邦多商賈
統以鹽鐵臣
澤虞蒙虎皮
攻取忝萬人

百尺梧桐閣集卷六

一

以此盛冠蓋
街衢如雲屯
而我性簡傲
百中無一親
吳江有計子
氣誼亦何真
結交在長安
與我別經春
僭簪歲莫來
歡樂開心神
中廚出雞黍
爲君清埃塵
貽我一卷書
冰雪良足珍
抗志在刪述
探源本周秦
文從五經出
自然學問純
中有經濟策
名言浩無垠
豈若魯諸儒
章句死逡巡
惜哉遭禁錮
有才未得申
有司重賦稅
胥吏尤可嗔
一錢遂放廢
士林多苦辛
沉冤誰爲白
無力通紫宸
豈少同懷友
致身要路津
饑餓不足救
薦雄或有因
分金亦云厚
難救管仲貧
倚閭有老母
久缺昏與晨
來時積雪凍
倏忽夏木新
依人古來難
爲客多遄迫
感激別我去
執手淚霑巾

苦言不得志歸臥水瀕丈夫賁適意雙鳬何常顰

不如學信陵近色兼飲醇荒淫非至理吾道豈終淪

豹人定九醉白飲紅橋酒家遙和三絕句

輕陰黯黯戶常局卻憶紅橋柳色青自料春風無絕調
聽歌幸不到旂亭

汴河暑比鑑湖瀕狂客難逢賀季真解得金龜重換酒
一時爭看幾詩人

晴隄楊柳綠於煙白版朱闌繫小船輪卻阮宜多飲興
逢琴便解杖頭錢

汎舟口號二首

百尺梧桐閣集卷六

二

賸此斜陽放晚船笙歌吹徹小橋邊可憐一帶隋隄水
日費人家幾萬錢

沿城一路起樓臺畫舫輕橈日日來未到十年皆換主
楚棠猶向晚風開

西莊燕饒在平王公入京

陽春二三月江郭聞鶯鶯雲外一飄落羣士歡相迎
登舟敘寒暑斗酒聊共傾兩岸綠楊樹下映春水平
爲問此何時來日逢清明揚州風好游此會無陰晴
是日微雨歌波恬魚不驚放船紅橋下畫槳相從橫
人影亂流水嘈嘈弦管鳴但恨登臨礙未愿山水情
高懷慕吳越涉江采芳薺金焦肆游覽海門觀長鯨

姑蘇盛歌舞朝吹玉笙簫琴虎丘道宋莫闌廬坐
四月渡錢唐湖水方盈盈苗苗未作粵桃柳不復榮
六橋半牧馬吳山久屯兵唯有冷泉亭一泓常自清
再鼓吳興權還爲峴山盟管賢雷勝蹟流風誰足并
五月熏風涼鴛言整歸旌挂席返邳水攬轡趨神京
納言賴汲黯抗疏需匡衡山川難久畱出處繫蒼生
師門誼良厚憐別心忤忤仁南七十子樂育多菁菁
慙也鴛鴦質敢與驕驕爭空羣感一顧鞭策思長征
無由展驥足何能隨王程試與同門友置酒前送行
六月過西莊采荷閒綠英中廚少豐膳度曲無新聲
飛觴達中夜平旦臨東城錦纜牽彩鷁擊鼓兼鳴鉦
相送邵伯湖水執方彭彭百里沒廬舍三年無稻杭
河防屢衝決培養煩愚氓租稅莫能出水田誰得耕
浮人正滿眼民力眞惛惛吾師登掖垣久著折檻名
願言陳疾苦東南荷生成

同仔園左嚴兄送往平公湖中遇風作

送遠涉長湖湖波更綠鵝鵲與鸛鵒兩兩波中浴
挂席喜風正千里一時速展月苦霪雨洪濤滿百谷
河源方四潰奔騰裂地軸中流風執張馮夸怒相蹙
倚蓬望高浪孤樹翻茅屋滿湖卷白練忽見前舟覆
篙師色如土檣櫓手不熟王郎慙慙須屢轉亂心曲
仲兄艤底眠印天看鴻鵠平生懷坦坦寧遂飽魚腹

天心與善人反風到平陸奮身上湖隄壞道石相觸
風排浪頭惡水齧艸根禿跋涉多艱辛垢膩雙腳縮
風波頃刻閒行步動局促吾師泊前岸驚聞廢寢宿
寄書多慙勞嘉言比金玉達人慎幾微臨濶常檢束
三復守身言吾徒永相勗

夏日刈園竹後同叔定家兄納涼

今年五六月雨脚時在目百艸俱爛死只益園中竹
捫條一丈長青陰四面覆長根走地上行步動相觸
密葉坐層雲蒼筤斜殷濃綠頗厭枝幹繁森森如箭鏃
明月蔽中夜好風阻三伏鏃此庶快意荷鋤命童僕
卷曲爲之刪蔓衍爲之禿上有蠶蠶房下有蟻螳族

夏長梅樹開集卷六

四

翦除復灑掃此物盡驅逐蕭疏開心胸脫然釋拘束
哲兄有潔癖顧此惡幽獨納涼移石牀展書共我讀
攀嵇兼慕阮允矣傲流俗

進艇同楊東子仔園左嚴叔定兩兄

橋邊看渡馬柳下緩停船碧酒激波冷朱荷映日圓
回眸憐小妓按曲嬌絲弦衛玠人爭識牙檣晚更牽
立秋日友人見過

寄定九東原

畏熱眞成嬾新涼一敗屏風蘭迎露長舊燕別巢歸
有客尋荒徑論詩到夕暉自今催釀黍來往莫教稀
安穩東原客幽居近若何水光當戶少秋氣入林多

與婦謀雞黍呼兒摘菱荷那知城市裏終日愼風波
雨不絕

四月五月雨不絕田家老農淚坐血霑寔不時號令
乖禾稼爛死飽魚鼈食稠換米日過午那能租稅完
官府城中廉吏雖父兄胥吏征求執如虎可憐酒肉
臭朱門道旁今有餓死魂叩看雨執猶昏昏

河水決

黃河衝決淮河盪白馬湖中千尺浪淮揚城郭雲氣
中遠近田廬水光上人行九陌皆流水鱗蚌紛紛滿
城市築岸防隄急索夫里中徭役齊追呼富家出錢
貧出力觸熱忍饑不得食十日築成五尺土明日崩

開十丈五

東坡閣集卷六

五

地夜動

戊申六月地夜動萬瓦驚飛起殘癭跂足不定天地
翻街市千人萬人慟江海之水皆倒流泰山擎嶽空
中浮人生性命枉頃刻尊卑顛倒民何尤天上太白
方晝見連月淫霖垂霪電已聞下令期減刑我料天
心庶幾厭

病櫻

灼灼櫻桃樹亭亭似青蓋百錢初買時正與春風會
開筍亦何繇結實既已大珊瑚萬顆圓坐坐密葉外
黃鳥時來窺嬌啄每多態飽食苦內熱小摘潤腸肺

白謂千年根豈意一朝壞根本已先腐蟲螳聚穴內
惟餘半死葉秋風更凋敗曾聞薦寢廟金盤滿盛載
御苑賜大官恩寵冠察察如何竟摧折顏色同艸芥
榮枯有至理無勞動吁怪

贈醫士

神僊不可求大道久云絕身無寒松堅常苦五情熱
自非鶴上人誰能疾病輟朽矣艸木根神農貽寶訣
種杏得吾子獨精鍊藥說時營紫河車遠采金光節
葛洪求丹砂弘景餐白蠶真有不死術豈與韓衆別
而我性荒淫好道似劉徹無能吸瓊藥煎熬名利拙
賴君能起余束髮垂交結欲報千黃金此意終不滅

東坡閣集卷六

六

留烏阜鄉亭千秋印高潔

寄懷舟次二兄客西二首

遠游經異縣攬勝上名山湓浦行人倦香盧濕水閒
家書前月到孤櫂幾時還未許漂零久歸來早閉關

又

李白讀書處留君已判年時逢吉水使每問下江船
定有詩如錦渾忘月再弦故鄉幾兄弟目斷鴈鴻天

詠鶴五首

臘月游東海雙攜老鶴歸樊籠妨飲啄霜雪犯毛衣
顧影饑還暖因風困欲飛祇緣人愛惜翻與故鄉違

又

鶴來安穩未託迹得閒園磊落常孤立低昂似有言
應門煩報客得寵豈棄軒飽食休颺去風濤海外翻

又

數聲何歷歷小步亦徐徐日費三升粟時分二寸魚
啄殘蟲蠹盡浴罷羽毛疏漸喜馴初性能銜架上書

又

有時檐外舞一對起雕闌蹴蹋雲生翼回翔雪作團
最宜樓下過還愛月中看側目青霄外時時奮羽翰

又

自是青田種稜稜瘦骨奇只爲高士伴不受小兒欺
白鳳綵堪伍丹雞總未知何時薛少保爲寫出羣姿

夏良格桐閣集卷六

七

促織

宋宋艸根下陰陰促織鳴隨風偏急切傷月太分明
不寐可憐夜悲秋無限情停燈兼側枕愁煞斷腸聲

悶

愁來疑命達獨坐只書空身世浮名累艱難吾道窮
壯心看落日生事畏秋風此意無人識新詩強自工

養拙

亂離無厚業對客怕言貧養拙疏官長謀生媿估人
黑裘行漸敝朱紱幾時新莫謾誇通賢依然是隱淪

月下讀書

把卷俗清輝分明見細微不須燒蠟燭只用卷簾幃

螢火光終暗萼梢露正稀自矜勝老眼容易壯心違

康臣舍人自京寄詩見問依韻奉答二首

禁篳千樹錦宮柳萬條絲騎馬逢春日銜栢送別時
行藏偏錯料林壑且栖遲嬾問京華事消愁改舊詩

又

掌故司東閣晨趨曉漏寒大官分祿米宮女奉盤餐
玉簪風雲護丹書龍鳳蟠退朝當日莫緩步出天安

時沈收
李實錄

吳北海以詩見問閱半歲矣使者復來始有此

寄時除農部二首

寄語吳農部新詩法愈工高吟曾夜雪惜別又秋風

夏良格桐閣集卷六

八

多難顏容黑思家蠟苴紅聞君已通賢筌足慰途窮

又

一官經六載此日始爲郎攬鏡憐朱紱梳頭畏曉霜
有兒隨紙筆無婦理衣裳相國今衰老何時肯故鄉

九日不出和瞿顧菴先生同約人用重陽登高

爲韻四首

宋宋秋將晚蕭蕭鞠再逢歲時原不異筋力近來慵
閉戶寒雲滿登樓落葉重追歡無意緒綠酒爲誰濃

又

卻怪寒暄異秋淡未有霜晚萼開九月夜雨偏重陽
徧楚繇魚鼈無田覓稻梁龍山當日燕此會竟茫茫

又

吟詩得暫植長歎遇孫登共是悲秋客真同出世僧
空山聞獨鴈古木落寒鷹莫問隋皇事繇繇有廢興

又

白髮豈相放如公俱二毛茱萸須子細意與各蕭騷
身俗休官健名因避世高東離同醉臥此意欲追陶

冒雨登康山限韻同顧菴先生二首

江南苦厭山江北山不足意舉真宰胡不長崖谷
城中一抔土刻劃似山麓康公管登臨清風散林木
發興自吾徒衝泥探松鞠隔江見諸峰灑然豁心目
又

百尺樓閣集卷六

九

沮如山徑溼蹢躅步躡高阜長河動我前風颿出肘後
頻視多大厦粲然啟戶歸艸堂陵雲端歸然獨不朽
煙雨四面來疏快宜飲酒惜哉遭湮沒不為四方有
贈虎丘問上人

不見問公經幾秋江南江北思悠悠看梅曾約過玄
墓聽曲虛傳到虎丘車馬勞余千里路袈裟裝媿爾五
湖舟只今蕭寺重逢處猶是當年明月樓

樓雨

樓雨霑虛幔霜風入短檐乍寒空閉戶宿鳥自窺簾
祇益山稜潤頻摧鞠藥淹可憐小搖落對此欲愁添
送豹人游潛江兼呈幼夢明府

先生渭北老逸民何由久客楊子湖當時出游年最

壯清狂卻戀江南春手揮千金作豪士目破萬卷輕

時人喪亂反遭世俗笑管日破產今常貧閉門無事

老詩賦才力蓋代如有神大名十年滿海內結交諸

侯稱上賓高門肥肉雜大酒汎愛難救昏與晨有兄

遠官屯留縣去年霜雪衝車輪俸錢攜來始買屋與

我對門為比鄰四時八節共杯酒先生不韞亦不巾

生男既多女更大向平之願不得申今冬結束復入

楚此生何日遂歸秦西江千里波瀾闊北風十月肌

膚皴故人到處盡傾倒潛江王宰情更親文章交道

自無匹求之管鮑真其倫王宰王宰爾須念先生雙

百尺樓閣集卷六

十

鬢今如銀但令身中有繒腹中實誰復眼暗昧風塵
過安豐訪賓賢陋軒不遇

到此忽相憶安豐老布衣過橋逢莖市隔水問荆扉
鹽井孤煙起魚魯落日微可憐栖隱處乞米不曾歸

劉莊感舊

揚州甲申歲夏四月終旬城頭箭如雨城內夜殺人
余時方七齡歷歷記猶真吾翁守空城遣家避海濱

提攜仗老母跋涉嘗艱辛四兄年十餘相依走踈賸

託迹到劉莊主人情舊親謂余父有造報恩在茲辰

移堂讓我居汲水濯我塵老婢來執爨送米兼宰牲

室有二嬌女為燕往來頻兒戲無嫌猜慰母時諄諄

中兄死兵革季兄陷營屯老母日夜泣枯口復焦眉
小時不曉事索食遭母嗔亂後始還家一一向父陳
古人重交道寄託原有因骨肉散復聚何莫非鬼神
升沉開炎涼如隔楚與秦豈意重來過忽將三十春
訪舊已爲鬼門巷摧爲薪不復見耆舊滿眼皆流民
我欲報舊德此意何由申日莫發船去回首淚盈巾
聞惟一學士假歸舟抵淮陰余不及待走筆寄之

長安三月等如雪身騎驕馬黃金鑿日莫慈仁看杏
歸醉倒高齋耳雙熱春風忽動桑乾柳南北飄揚離
別久我在蓬門君玉堂何人共飲新豐酒綠鵲聞過

夏月梧桐集卷六

上

淮水瀕傳來消息未曾眞情人欲見不得見爲寄相思白錦鱗

舟過被水鄉卹紀事

南船北風正穩鼓湖中柁落日猶在天千卹已飛過
錦帆齊開張時聞鵝鵠鳴水驛常苦緩今兼數日程
倚窗望原塋浩浩若江海不辨陌與阡浮人竟安在
今年苦大水黃河四奔衝百川失故道漂屋兼妨農
淮揚十餘縣米賈如珠玉富民尙踟躕何況此數獨
六月遭地震搖蕩幾千里山川亦崩裂人民多暴死
災異非尋常誰能感蒼旻朝廷減玉膳蒼黃遣近
臣待牒下鄰郡轉粟孰敢後小舟鳬鴈來大舟鯨鯢

走百穀忽如山流民免塗泥上天灑雨露遠近無不
齊下令勅有司賜租亟勞慰苛征死不放貪吏亦知
畏美政實孔厚奉行在屏藩慎勿苦州縣努力報國
恩儻非獨與賑眼見爲盜賊誰謂天心怒挽回在人
力嗟哉此愁苦余今親見之有位盍敬聽援筆陳此
詞

歸舟

誰識相如似舊貧紛紛莫雪打歸人莫言金錯囊坐
磬尙有蘭陵十斛春

復愁二首

溼雲寒擁戶殘雪夜明樓無那歲將盡可堪人復愁

夏月梧桐集卷六

上

詩書真計拙懷抱向誰謀獨坐深燈裏徒然照黑頭

又

十月出門去前宵冒雪歸呼兒低向火看婦冷縫衣
祇益家人累何曾酒債稀不須頻報客嬾慢拚荆扉

移居詩三首贈醉白

卜居當建子入室已逢春離落三秋計江湖十載人
圖書充北牖車馬駛東鄰日日邀賓至饒前醉百巡

又

茅棟門何向高城壓戶低市謹宜遠俗墊閭卻鄰隣
雨過疏常足童來酒正攜更無人迹到獨聽鳥聲曉

又

高士豈無婦憐君壯未昏寒暄誰出汲來往自應門
及此成家室從今計子孫著書如有暇也學牧雞豚
歲莫寄阮亭先生

封書煩驛使起艸憶僊郎雪後遙相寄鋌前細作行
南宮新賜被粉署舊含香只有臨邛客依然典鸛鵒

百尺梧桐閣集卷六終

百尺梧桐閣集卷六

三

百尺梧桐閣集卷七目錄

古今體詩

立春友人過飲

人日

穀日

仔園招集空樓觀燈

玉少招飲臥病不得赴簡謝

題周櫟園少司農讀書樓二首

渡京口

丹徒道中

新豐夜泊

百尺梧桐閣集卷七目錄

一

奔牛

毘陵驛夜泊懷董文友陳廣明

舟中看子靜放生

放生池

游錫山園林五首

雨中舍舟訪虎丘問上人宿梅琴樓上

虎丘和清遠道士韻

闔廬墓

短簿祠

真孃墓

虎丘雜詠十首

繆歌起邀同子靜游半唐壽聖寺觀宋文憲公

手跋血書琴巖經有序

五人墓

專諸墓

贈陳廣文幼木

贈妓

雨後同仁趾子靜問上人登支硎山望天平諸
峰

放船

楓橋

寒山寺

百尺梧桐閣集卷七

二

登靈巖寺尋館娃宮故趾

訪繼起師不遇寄懷三首

訪徐高士隱居

游穹窿山呈施鍊師

舟中再贈劉粲

宋中郎邀同仁趾子靜攜妓汎湖舍舟登岸入

玄墓看梅少憩聖恩寺步太湖口晚游光福

太湖口望洞庭山

玄墓看梅十絕句

上虎丘寺後山脚用杜韻

千人石上坐月時將歸揚州

留別仁趾

雨舟甫艸見過卽別

歌起舟中晤徐原一兼簡盛珍示

後石犀行

送高駿霞讀書西山

姜綺李吳震生玉少定九夜集見山樓

奉寄大宗伯梁公兼送令姪承雋歸真定

詠史二首

贈周雪客

將入京留別于皇卽和見送原韻兼訂北游

諸兄弟同友人攜酒餞余見山樓下聽妓度曲

百尺梧桐閣集卷七

三

賓賢舟次家兄各賦絕句依韻率答二首

河上與叔定家兄別

早行

蒙陰和陳旸明魏蒼石題壁韻兼奉懷

羊流道中雨

過泰山三首

風

雪後康臣以詩見問賦答

贈陳子端侍讀十六韻

上高陽李公三十二韻

騷

上柏鄉魏公四十八韻

送兄長玉還揚州兼寄二兄舟次

客京雜詩十五首

至日遣懷簡北海主事康臣舍人三十韻

除夕寄家兄叔定

百尺梧桐閣集卷七目錄終

百尺梧桐閣集卷七目錄

四

百尺梧桐閣集卷七

揚州 汪懋麟

古今體詩自己酉歲正月
起至十二月止

立春友人過飲

菜盤方送臘絲仗復迎春及此歡娛日無非嬾慢人
入脣生菜滑到眼早梅新卻喜寒暄改初簪白巾

人日

大霧逢人日寒雲覆萬家隨風仍到地雷樹忽成
轉覺春光早還餘臘味除醉從樓上望肌肌送昏鴉

穀日

春雪不復凍偏逢穀日晴寒光迎日薄餘糧入簾清

百尺梧桐閣集卷七

徑艸全舒色林鶯漸出聲天應憐令節銓許上元明

仔園招集空樓觀燈

王郎一生高興發元夜停柁望明月豈知三五風雪
濺及至天晴光已缺急思召客開芳筵買鐙一日揮
萬錢滿堂金碧色欲動對客大笑掀紫髯山東大珠
益奇巧丹陽細絲光爛然銀簪直吐一百丈火樹高
與青天連興酣大叫促行酒更呼賀老彈鯨弦左拍
王郎肩右執王郎手似爾豪誕世無有卻笑東鄰富
翁不肖把酒共躊躇閉門有錢空百萬

玉少招飲臥病不得赴簡謝

竟負清宵約翻成白晝眠藥爐燒雪後酒醺罷春前

良會真難得詩名祇浪傳待余筋力健燕賞及晴天

題周櫟園少司農讀畫樓二首

看山如讀畫

金陵千萬山山山發光怪石狀多崢嶸雲氣時變遷
先生有高樓瞻目靜相對四天挂青嶂轉覺戶庭隘
顧陸與董米放筆爭向背快翦割峰巒總入卷軸內
讀畫似看山

畫師古無數渺然不可攀片紙買堪貧千載傳人間
司農富收藏拂拭濺閉關吐哺得清暇披圖滋歡顏
翻身入層巒鬚鬢聞潺湲五嶽從虛願臥游當往還
渡京口

東尺牘閣集卷七

二

春風張墊渡朝日射江門樹與山光合潮連霧氣渾
無風沙鳥靜近岸估人謹此去吳中好三唐夢正繁
丹徒道中

京口清江岸間門白版船正逢晴雪後況是看夢天
吳俗貪游覽春聲入管弦早梅開且未心急片飄前
新豐夜泊

如何此山店亦自說新豐地僻豈無酒童來定不空
及時春食綠待客晚燈紅淺酌寒星外渾忘驛路中
奔牛

輕舟如去馬斜日到奔牛渡口排魚網夢邊出酒樓
爲橋搭白石接竹轉清流荃俗殊堪訝方言聒未休

毘陵驛夜泊懷董文友陳廣明

戍鼓下嚴城官橋斷客行青春懷二妙紅燭坐三更
寒犬迎舟吠昏鷄繞驛鳴無由將尺素明發又南征
舟中看子靜放生

魚鰕亦微細潑刺尙堪憐失水哀羣命傾筐費幾錢
春波原浩蕩潭網莫畱連是物關生意臨流忽惘然
放生池

半頃風潭一鏡開香夢中有誦經臺誰拋芳餌驚春
浪不見銀鱗鼓鬣來

游錫山園林五首

孤塔擁雙峰千谿頰萬松到山蘿徑引入寺埜夢濃

東尺牘閣集卷七

三

絕頂看城小縣崖怯力慵太湖東望遠春浪白溶溶
又

天下知名水山中不值錢盆罍謹過客霑灑到春田
谿上成夢市人家作酒泉鹿盧聲摺摺終古自泠然
又

當年鄒副使巖壑老餘閒疊石曾開徑栽夢久閉關
滄桑畱白水臺榭冷青山宋莫春申礪空多鳥雀還
又

太史開山館風光勝習池名泉千礪落古木四天埜
軒檻高低出橋梁曲折隨天工與人力疏鑿歎難爲
又

林泉驚勝絕燕賞忽喪回落日歸偏速春船嬾自開
買山思釀酒築室好栽梅此意愁難遂蒼茫首重回

雨中舍舟訪虎丘問上人宿梅萼樓上

水宿春飄溼山居曲隱幽縣燈聽暮雨卷幔倚層樓
短簿祠雲暗真娘墓艸愁曉來晴日出一一欲重游

虎丘和清遠道士韻

崧爾海湧峰青蒼偏雲漢王侯與僊釋生死託幽竄
吳中非一山平衍此堪翫入寺石如掌名泉執瀾漫
劍池浩無底劃然劈兩岸中有湛盧鐵精光夜零亂
側聞仲秋時及茲二月半百戲無不爲士女曉方散
來游正青春煩叩閤昏旦尋碑字磨滅遺風想篇翰

百尺梧桐閣集卷七

四

生祠徧山前蔽塞良足歎吾欲事洗滌此意誰能贊

閻廬墓

吳王好寶劍殉葬埋山隅發卒千萬人桐棺藏玉鳧
匣沉劍池底光怪時有無祖龍欲求劍發冢欺閻廬
忽見白虎踞從旅皆驚趨此事終茫昧理孰豈然乎
吳宮有嬌女蒸魚命忽徂送葬舞白鶴聚觀萬民俱
發機盡拚之白骨成丘墟湛盧惡無道入楚潛別吳
魚腸殺王僚背逆良可吁磐郢送死女寶劍皆空虛
誰能起歐冶此說聞風胡古鐵亦有靈不爲亂國拘
王道自無敵一劍真匹夫區區吳與秦所見亦何愚

短簿祠

昔日賢侯第今成主簿祠梁塵汚玉坐山雨颯靈旂
兄弟名原重東西廟亦奇清風傳舍宅林壑幾曾私

真娘墓

不肖尋常死真娘尙少年故埋歌舞地仍看燕鶯天
萼艸思紅衰林萼見翠鈿蛾眉難再得千載亦相憐

虎丘雜詠十首

萼棚一帶曲闌干游女經過艸露乾五十三層階上
石月萼藉子要人看

二月已破萼漸殘女兒新試舞衣單纔從殿上參金
粟又向山頭看玉蘭

生公臺下雨萼新說法曾經動鬼神磐石今爲歌舞

百尺梧桐閣集卷七

五

地年年八月坐千人

當年清遠鍊丹時白鶴飛來世豈知一自丹成騎鶴

去空畱古碣艸離離

誰傳大士鎮名山應癭嘗言送我還吳女好游兼信

鬼燒香時節不曾閒

季疵石井古來傳百丈藤蘿影倒懸甘冷也應勝牛

乳如何不及惠山泉

大吳軒接小吳軒原是珣珉舊日園卻笑今人都占

取徧將祠宇築高垣

茗旂斜挂虎山門少婦盧頭斂黛痕有信茶香能勝

酒如何不醉也消魂

綠萼梅開細雨天對等端坐更堪憐入門故索新茶
喫鉤引回身嬌數錢

白公隄外水迢迢吳女鸂鶒船背搖最愛橋名是斟酌也須春酒變春潮

繆歌起邀同子靜游半唐壽聖寺觀宋文憲公手跋血書尊嚴經有序

學士自序云初無相居士未生時母寢異僧手寫是經來謂母曰吾永禪師也宜假一室以終此卷母寢覺居士卽生今逢勝因頓憶前事於是作序讀書經後考是經爲善繼上人寫自元至正中而永禪師則宋人也不言

百尺梧桐閣集卷七

六

善繼乃言永禪師則永禪師爲善繼前身學士爲其後身無疑也是經歷宋元明凡三世至學士始顯異哉豈佛氏死生不昧之說信然乎無相居士者學士自謂也歌起屬余作詩紀事兼爲余書其後云

佛書徧中國其說盈百千有時發大藏文義頗清圓繆子慧業人往往能譚禪邀我登峻閣丹梯何回旋因思宋學士神翰人爭看老僧啓敝笈蜀錦蛟龍蟠開函發光怪珠文何新鮮歲久黃金色不復如渥丹善公大智力寫自至正年豪禿八十卷指血常夜煎登無青松煤黑暗生雲煙亦有金銀質及茲丹與鉛

炫耀失本性終當求自然卻思髮膚內精血人最慳焦毛不復顧苦行人所難惜設久湮沒乃令學士傳賢母寢眞僧丁寧託遺篇分明三世身此事非幽玄學士性不昧執卷如舊觀焚香敬作頌妙義何翻翻筆執極瘦硬髣髴歐與顏歎息天人資乃具釋氏緣大儒裕佛性於理或有焉屢讀發遙慨塵網空纏牽傾暉不再午逝水無停川螻蛄與公卿千載俱黃泉我欲問正法恆河誰爲宣

五人墓

顏佩章馬傑沈陽楊念如周文元

百尺梧桐閣集卷七

七

自管熹宗朝閣寺惑人主簧言煽宮中流毒徧海宇公卿爲兒孫羽翼號彪虎矯矯楊左從抗疏逢彼怒羅織陷君子血肉濺殿廡黨鋼害已成捕牒下如雨蔓衍繫忠介士類不敢視義聲動閭閻詔紙弃如土並力殺緹騎五人氣已吐甘死衛善人清名在千古宦官禍人國殷鑒良足取奴僕何能爲戒之在政府

專諸墓

我行專諸巷弔彼專諸墓落陰生石塔悲風動行路伍胥善相士雄貌向人怒侈口與熊背敵士戰場赴無賴好格鬪卻受妻子呼能屈必能伸奇功果然樹身許公子光弑僚不遑顧長鉞交匈前公子得踐祚句吳本讓國篡逆良可惡潛傷季札心哭墓豈無故健兒知報恩殺身亦已誤激昂龍門史刺客傳空著

贈陳廣文幼木

京華三載悵離羣，渭北江東日莫雲。
月落蘇臺應憶我，夢開吳苑卻逢君。
高風不讓陶元亮，清節何殊鄭廣文。
莫道一官今獨冷，春來肯荷轉芳芬。

贈妓

誰倚西樓毒冒牀，蘭拳丫髻杏萼裳。
不施脂粉客原好，乍解裙裾體便香。
幾曲清歌輸酒醖，一聲細語背燈光。
李娟張態尋常見，爭似盈盈劉粲娘。
李娟張態見樂天詩

峰

入吳已十日，無日不風雨。
兀然坐虎丘，清游興多阻。

八
百尺樓閣集卷七

八

衝泥挾朋好，煙中駕雙轡。
直上支硎山，暝晦不知午。
道林管栖遯，清風散千古。
靈泉百道來，豪髮鑿可數。
策杖緣窄徑，怪石向我怒。
壁面黝如鐵，峽角執疑虎。
山盡已無路，石門劃然補。
本非疏鑿功，開闢似鬼斧。
矯首望天平，萬笏天外拄。
此中好墓田，千松窺蒼鼠。
努力登前峰，雨氣滿山吐。
悵悵還珠宮，更遇老僧語。
吳俗好鬼神，游覽走士女。
仲春稱最繇，結束多媚嫵。
羅綺徧春山，管弦坐溪樹。
我來不相值，徒然隔煙霧。
細雨莫霑衣，折梅返前浦。
回船眺層崖，杳然在何處。

放船

莽莽中宵雨，蒼蒼林壑閒。
不成攜杖往，空作放船還。

坐惜千峰過，行憐一水閒。
歸途甚蕭瑟，猶欲問寒山。

楓橋

估客謹謹夜不眠，楓橋燈火接長天。
江南米賈今年賤，猶自笙歌上酒船。

寒山寺

吳中池館日吹簫，只有寒山寺未寥。
讀罷仁楓漁火句，行人歸去雨瀟瀟。

登靈巖寺尋館娃宮故址

吳王仗劍答圖霸，意氣咤叱陵羣雄。
萬金築臺意未厭，山頭巡幸開離宮。
玉輦經過谷州綠，翠旂搖曳山
粲紅美人此時益嬌態，獨坐長衰依前峰。
響屧廊中

九
百尺樓閣集卷七

九

闕明月館娃宮裏，延春風頰瞰太湖。
似明鏡煙波直射桃李容，其陽舊有琴臺石。
崢嶸岌嶭堪磨礱，其陰更有西施洞。
羅襪行處蒼苔濃，豈意吳宮倏煨朽。
碧窗朱戶皆塵封，千年畱作梵王宇。
當時歌管今寒鐘，湖雲吹雨佛面冷。
蒼鼠竄瓦瑤臺空，春女如夢盡黃土。
殘僧牧豎來相逢，怪禽一聲叫林末。
客淚迸落春山中，莫怨吳王國早破。
古來聖賢俱長松，不覺憂來下山去。
日斜煙霧空濛濛。

訪繼起師不遇寄懷三首

昔年曾約過香臺，共看吳中鄧尉梅。
豈意春風成獨賞，梅萼縱好不須開。

靈巖蒼翠削芙蓉隔院依稀聽莫鐘及向落紅亭上望又聞飛錫過前峰

洗硯池邊舊講堂一池寒水見清光平安細向維摩問行徧山頭響屨廊

訪徐高士隱居

鴻鵠巢高林日莫得栖宿蛟龍穴深淵失時任潛伏徐孺冠衆儒早年笑流俗名譽重東吳持身如玉拂袞忽高蹈變名入空谷抗懷慕龐公軒冕豈能迫山溪常苦饑風雨卷茅屋世事不復聞枯槁同艸木溪心託書畫薄換一囊粟聊以保性命著書千菟禿剝下所嬌兒藏書不遺讀大兒學賣藥入市就饘粥

百尺梧桐閣集卷七

十

小兒學荷鋤應門代童僮僮隱有痠妻補綻衣斷續猶牽不餓死豈復念梁肉平生慕禪悅遠公時往復攜我訪陶潛柴桑自幽獨入門無一語發書共我讀卓哉醇儒言經史理尤熟譚溪日將夕酌泉苦畱僕佗時欲重來只恐失樵牧

游穹窿山呈施鍊師

穹窿之山危乎高諸峯下視俱在要中有不死施道士鞭驅神鬼栖雲霄巨靈劈山鳳皇窟精衛駕木龍鼉橋白帝金精駐天闕雷霆辟歷時飄飄山前韓衆騎白鹿山後秦女吹紫簫自媿塵埃學僊晚上元夫人將我嘲而今采芝舉手謝欲餐金液脣枯焦此中

通天幾千尺雲臺竊冥難相邀金華豈少牧羊客寒裳從之空宋寥服食多爲藥所誤不如痛飲常連朝山中楊梅五月熟紅娛豈讓王母桃酌酒摘梅但飲之肯養醉呼麻姑搔寄語道士莫相笑幾見緱山王子喬

舟中再贈劉桀

鄧尉梅等爛熳開春風春雨盪船來美人貪看夢如霧一任馮蘭喚不回

宋中郎邀同仁趾子靜攜妓汎湖舍舟登岸入

玄墓看梅少憩聖恩寺步太湖口晚游光福

吳天雨不絕望山只益勝故人發清興邀我遂幽意

百尺梧桐閣集卷七

十一

春波方濛濛錦帆共游戲渚渚流微紅水樹疊遙翠橋搖蜨欲依船回鷗嬾避浪隱窗檻虛雨溼簾鉤墜美人何窈窕春風正嫵媚既愛齒頰芬復憐肌膚膩豔曲與清歌劇飲每沉醉停舟雨乍歇入谷日未出籃輿初上山餘溼猶在地籬徑何逶迤石磴互軒輕忽見早梅開恍疑殘雪積繚繚密未刪疏行散如縱香多轉不聞目眩香難視行盡千松巖卻入萬峰寺湖光當門來嵐氣撲人至茶林逐谿合果樹徧山植蕭然竹嶼溪豈與等源異尋梅到湖濱探幽窟游展主人具淡情小妓亦多致看山不肖回摘梅如有思晚游鄧尉山

光福原名鄧尉山名即原

無復記最愛玄墓幽欲逐赤松志山居真蕭散塵市
苦顛顛回船忽不愜相憶不成寐

太湖口望洞庭山

震澤洪波接杳溟從橫盜賊夜揚舠混茫三萬連
海衿帶東西列洞庭顛顛橋林霜後赤坐坐梅子雨
餘青欲尋消夏灣何處日落湖雲起翠屏

玄墓看梅十絕句

忽聽林閒百鳥鳴千金難買一朝晴也思更作梅
賦無那前賢宋廣平

曲曲藤蘿引徑長風吹萼片打衣裳渾疑梁苑千堆
雪又認瑤臺萬嶺霜

百尺梧桐閣集卷七

圭

春山宋宋白雲封不獨看梅且聽松坐殿丹青何處
是溪林靜打法華鐘

到此方知世外尊梵天高閣擁山邨湖光萬頃當階
入老衲何須鎖寺門

探梅直入碧湖灣梅下人家鎮日閒忽見一峰當面
起問名說是米堆山

不用登山倚杖扶百錢爭賃小籃輿吳姬笑倚湘妃
竹一路餘香遜僕夫

短短茶林青似髮低低桑樹綠於藍吳風女立男兒
坐纔焙龍團又養蠶

一番穀雨報新晴梅子香酸最有名方法不教人學

得入山雅聽打梅聲

布穀何須苦喚耕但栽果樹滿銅坑楊梅五月論錢
賣卻笑農夫穀未成

寶馬香車日幾回每逢驚蟄看鸞開浚山泉石堪怡
悅何事閒時不肯來

上虎丘寺後山脚用杜韻

步登回僊徑霽色明高林輕屨蹋艸躋攀無礙崙
茲辰好風日疏快開我衿種茶自蔓衍結茅何幽淡
空祠弔賢守四壁尋碑陰唐宋五才子

韋蘇州劉賡
得白香山王

百尺梧桐閣集卷七

圭

長公 倏忽俱消沉北望見虞山春雲生遙岑古人
不可作餘風留至今勝地羅泉石可以恣探尋到此
愜情憐頓忘塵外心買山十萬錢沽酒千黃金安得
此送老常爲松下吟

千人石上坐月時將歸揚州

到日偏逢雨歸時月轉明依依畱客坐故故送人行
老樹空山靜蒼苔巨石橫翻疑秋色裏何處管弦聲

畱別仁趾

我本澹蕩人嗜酒復好閒眼中不樂見俗物一生唯
好游名山白田喬生解我意攜錢買櫓同躋攀船中
美酒亦不少呼君共入吳門道吳門此時風日佳千
樹萬樹等枝好春來多雨久始晴卻逢豪士來廣平
謂宋
中郎黃金不惜買歌笑小妓向人殊有情蒲陶滿酌

勸我醉不然空負黃鸝鳴靈巖山玄墓寺山水何曾
帶僧氣蘭漿桂櫂紛來過時聽江南女兒嬌唱歌歡
樂未久忽分手東風已綠閨門柳臨岐尙欲抵死留
轉恨輕颿挂津口人生聚散能幾時我歸君住愁癡
思只爲青山不相放那惜風等南北吹

雨舟甫艸見過卽別

愁也喜怒哀任真率狂蕩每遭俗眼嫉論文不許世上
賢對面山川動相失吾愛計子奇偉人倒意傾情比
膠漆別離終歲常憶君忝傷吳江訪蓬筆豈知春雨
十日泥獨坐孤舟自愁疾君過閭門聞我來風雨相
尋意稠密可憐有才今更窮欲薦禰衡恨無術執手

百尺梧桐閣集卷七

古

未煥忽告別苦心不得舒憂鬱纏綿贈我盈尊酒細
酌香醪味如蜜嫵殺鶯鶯空復情對此茫茫轉蕭瑟
歌起舟中晤徐原一兼簡盛珍示

僂舟帶雨闔廬城卻怪春風不冝晴水國無心逢孺
子玉峰煩語問虞卿賣文自是閒中事求祿何須世
上名聞道欲來重會面落筆時節倍關情

後石犀行

奔牛道中雙石牛東西側臥來何由牛要兩圖數十
尺此事詭怪難湊求秦時李冰守西蜀刻石作犀傳
五頭以此厭勝驅水怪二犀沉沒浚淵流將無靈異
忝萬里老人夜斲眠荒丘或是王侯墓前物世俗蒙

蔽良可羞先王作法皆正道卓哉少陵之語傳千秋
安得巨靈鞭石去滄海小民無事耕平疇

送高駿霞讀書西山

我自吳中返君從莖外歸到家三徑晚會面一春稀
見說攜書卷還憐去釣磯相逢重惜別愁煞莫等飛

姜綺季吳震生玉少定九夜集見山樓

黃金弱柳絲已殘故人來時春色闌倒披紫綺出相
見登樓對酒旬懷寬忽聽江風吹莫雨紛紛等落何
堪數剪燭論文夜不眠金壺漏滴城頭鼓

奉寄大宗伯梁公兼送令姪承篤歸真定

尙書廊廟器早年騰令名肩宇天人秀朗如玉山行

百尺梧桐閣集卷七

五

昂藏八尺軀顧盼四坐驚簪筆入翰苑視艸登承明
聖情益隆眷出入膺寵榮特晉超等級拜爵冠公卿
鉅任託機密謀畧操本兵通侯出麾下大帥供使令
往咎疆圉閒邊將執從橫輦金貢樞府恃權遂驕盈
我公悉屏絕謹潔矢忠貞十年司馬門請謁無簪纓
晉秩列宗伯制作歸老成籌邊更議禮卓哉文武并
皇帝六載春開門收羣英詔公大取士問策亦何精
司農三原王公具深識少宰益訓馮公縣鑒平學士宛平劉公愛才
俊四賢同持衡懋也章句儒譚經魏魯生謬列桃李
谿荷此終身情衆中邀殊盼感激懷真誠升堂共斟酌
立靈紛瑤瓊忘分接言笑著述探蓬瀛功成暫引

退休沐辭神京百僚並集送供帳長安城路旁紛拜
揖青門酒再傾公歸樂田塋賤子亦躬耕浮雲南北
飛伯勞東西鳴寒暄倏三易忽聞鴻鴈聲長跼讀尺
檠知與鷗鷺盟 萬葉昨巡狩翠華方來征駐蹕過
廣川我公趨郊迎 天子識近臣慰勞恩獨宏載車
共射獵羽林謹饒鉦金貂用龍錫拜受良匪輕 天
顏既嘉悅明良當再庭東山豈久臥憊溺憐羣氓小
阮江南客四月間曉鶯途窮世態薄按劍聲錚錚揮
手別我去裘傲馬復盲河梁涕欲盡那忍送行旌因
君問起居一一爲我呈北望緘此詞惆悵心忡忡

詠史二首

百尺梧桐閣集卷七

夫

人事有盛衰天命存剝復當國擅大權貽禍原甚毒
噬哉霍子孟結髮食漢祿小心事人主廢置保家國
擁昭復立宣大厦搢一木功名豈不偉學術管未足
當其內成君陰妻已當族豈待禹雲輩驕奢遭戮辱
縣官忽震怒諸壻盡傾覆殺生管在手反復理何速
黃金如山高身死莫能贖後人竊國鈞胡不鑒博陸

又

嵇侯休屠子降漢爲牧人篤愼感孝武賞賜日見親
防微殺弄兒不顧主上嗔何羅捧殿下矯矯見忠貞
讓光受遺詔輔政何遼巡子賞更明哲豫絕霍氏姻
博陸昆與弟握躡非其倫忠孝傳七世子孫稱名臣

有功能不伐所以保其身

贈周雪客

嘗翻公子傳獨慕信陵君大雅誰能繼高風爾不羣
門前車似水坐上氣如雲自向秦淮住清歌處處聞
將入京畱別于皇卽和見送原韻兼訂北游
霜風摧細柳寒雨颯高梧秋氣方搖落游蹤竟有無
千時惡入洛投老羨歸湖日下思君切春來酒共呼
諸兄弟同友人攜酒餞余見山樓下聽妓度曲
賓賢舟次家兄各賦絕句依韻率答二首
誰道清歌送客行忽教筵上旅愁生不須更唱陽關
曲無那浮雲落日情

百尺梧桐閣集卷七

老

可憐歡娛值遠行勸學時節莫寒生最憐紅粉闥中
意誰復青樓馬上情

河上與叔定家兄別

清秋跨鞍馬白日落河關不道遙相送翻成獨自還
鴈鴻分楚甸書信望燕山堂上如相問休言有別顏
早行

未曉征夫已在門孤裘霜滿幾曾溫馬嘶夜闕空山
響人影寒迷坐霧昏隔水平岡看似郭接天高樹望
疑邨年來三上長安道唯有朝行最斷魂

蒙陰和陳賡明魏蒼石題壁韻兼奉懷

孤城門早閉客至少逢迎日落羣峰暗秋殘一鴈橫

別離思渺渺河漢隔盈盈子細看題句山泉嫩自亨

羊流道中雨

泰嶽浮雲起飄綫細雨來看山全冥晦騎馬獨裴回
林葉寒初下邨扉溼未開勞勞媿樵牧蓑笠轉悠哉

過泰山三首

豈意山前路經過第五秋未能攀日觀曾及到僊樓
齊魯陰晴合雲煙曉夜浮會當尋羽客騎鶴徧遨遊

又

嶽石開山徑曾聞萬乘來翠旂穿漢柏羽騎上秦臺
樂想天門曉香疑玉女回宸游偶然事封禪未須猜

又

河北頻憂盜山東乍有年驪騰趨岱嶽燈火接雲天
男女荒羣業香粳費萬錢此風關隱慮不是爲神僊

風

自古幽燕地煙塵百丈飛出山多氣力吹日損光輝
莽莽黃沙暗蕭蕭白艸稀苦寒逢十月觸忤到征衣

雪後康臣以詩見問賦答

自分江東老何期薊北來禁鐘驚再聽宮燕憶曾開
但有飛騰志還輸侍從才獨慙非郭隗見說築金臺

贈陳子端侍讀十六韻

翰林非不達學古獨尊榮晉國推才子清時翊聖
明賦詩陵太液簪筆冠西清制誥還三代辭華繼兩

京孟公書札重元禮楷模成勲業推前輩蹉跎媿後
生才庸愁汨沒時過失崢嶸放浪同孫楚顛狂類禰
衡碎琴羣士笑彈鋏衆人驚豈少陵雲氣常懷伏櫪
情蒼鷹原奮擊天馬敢橫行結客思無忌窮途惜步
兵青冥猶隔絕白眼嬾逢迎心事空懷璞交情擬報
瓊濟時公矯矯挾策我嫫嫫儻或容疏放平生好細
傾

上高陽李公三十二韻

當代推元老明公獨絕倫黑頭調鼎鼎黃閣握絲綸
僊李根原大芳蘭氣最新投書逢早歲拜袞及青春
鄧禹榮堪羨韋賢志已申兩朝坐轡重三殿渥恩

百尺梧桐閣集卷七

九

頻漢代龍門賢唐家鳳子親燕山鍾琬琰易水浴麒麟
麟勲業人中瑞文章席上珍相門承舊業帝室藉
儒臣獻替通喉舌端嚴領搢紳謨猷皆入古風俗已
還淳吐握收英俊提攜問隱淪進賢歌棧獲得士賦
嘉賓屢詔司春燕常推秉國鈞藥籠粲灼灼桃陰葉
秦禁制作歸先輩淵源謁後塵傳經欣有自問道得
相因失學慙懷寶無才歎積薪行藏多踟躕進退自
遠巡浪迹同王粲登科媿却詵上書曾入洛獻賦復
游秦待詔趨金闕揮豪入紫宸卑庸疑翰墨疏放望
陶甄濟世宜諸彥梯雲媿隻身畱賓思趙勝投轄少
陳遵落拓稱狂客飄零作酒人敝裘當白露瘦馬避

朱輪空有馮驩欽誰憐原憲貧雲霄多雨露灑到
荆乘 聖代無遺物潛夫豈釣緡殷勤望東閣肝膽
報平津

壁

平生食睡美客裏失朝昏日午猶慵起風多只閉門
思家多遠竊擁絮得奇溫拋卻閒書卷何心問酒尊

上柏鄉魏公四十八韻

眞作羣公表誰居相國先臯夔交泰日周召復生年
調燮陽和徧匡襄道義堅寸心常奉日片語每回天
柏府名原重銓衡政尙傳進賢過七十觸惡必騰鶩
論道蓬瀛裏賡歌大液前寵多時側席朝退似無權

百尺梧桐閣集卷七

干

衰職常思補蒼生日引愆蕭曹勲業爛房杜智謀全
半部書何益千秋錄再詮陰陽啗丙吉經術繼韋賢
相業青雲上儒宗北斗邊孔顏尋至樂鄒魯探溪淵
尙論超千古居恆手一編觀詩分正變講易見坤乾
灋洛源重續程朱業竝宜驚湖波浩浩鹿洞艸芊芊
理學眞精粹文章更煥然六經爲制詔諸史共畱連
燕許休前輩王盧且後焉起塵超八代揮翰瀉三川
信有文如海眞堪筆作椽歐公名復著蘇氏美難專
聖藻煩題絹殊恩每賜箋龍輝尊碩輔鶴髦羨神僊
辨色晨先起焚香夜未眠友于皆鳳舉甲第實蟬聯
珠璧光輝滿璫篋唱和連清時同拜手勝日共隨肩

河上逢荀令謂令弟辨若明府時治桃源有異政交情比鄭虔服官多
政績愛客最經綏鳳穴天衢上龍門月窟顛瞻依愁
關絕進退況迢遞親老思求祿身貧恥乞憐陸機曾
入洛郭隗屢游燕夜宿看殘月朝饑望曙煙岱雲遮
漠漠河水響濺濺北關心空戀南天寢自縣風塵人
面老阪涉馬蹏穿計拙無常業年凶損薄田空餘囊
底字誰送杖頭錢遠涉三千路愁彈十五弦自媒顏
狀醜待賈歲時還好士公稱最升堂我慎旃上書韓
愈苦爲客馬周顛慕李欣爲御依劉願執鞭公孫高
閣上何卒得盤旋

送兄長玉還揚州兼寄二兄舟次

百尺梧桐閣集卷七

主

與兄共作長安客古寺空房冷風積兄尋石鼓游辟
雍弟戀金門苦行役倏忽短景催幾年布衾似鐵夜
不眠好飲常苦酒賈賁并卻十萬青銅錢兄勸弟勤
失昏曉冬直下酒酸益好蒲陶似蜜梨似霜此味仁
南寒月少如何拂袞別我歸回身上馬黃塵飛可憐
南北忽千里臨岐把酒空霑衣吾兄歸值上元節春
鐙萬戶光皎潔辛盤生菜滑且柔火樹檐前落紅雪
此時仲兄思我淚眼前對酒誰能斟若問長安阿季
近何賴爲道騎驢宋莫愁難禁

客京雜詩十五首

歲晚書頻寄天寒客未歸飄蓬疏覲省衰白想庭闈

求祿懷空切移官計實非薄田如可買誰復別漁磯

又

兄來頻送別三度入京萼馬渡黃河遠人看白鴈斜
詩書存屋角枕被隔天涯何事逢時節年年不在家

又

獨向僧寮坐寒宵欲四更客愁常不睡燈影照空明
半夜月將墮非時雞亂鳴止增重僕怪何事繞牀行

又

涵添離思日霜老鞠等時惆悵梳頭嬾丁寧上馬遲
感情多俗女卜癡望生兒連月開書札如何未有期

又

百尺梧桐閣集卷七

圭

閨中分歲早嬌女儼成行學母簪篸穩隨人點黛長
左思誇織絮李白愛平陽此日妝臺側應知憶帝鄉

鄉

又

臘盡慈仁寺紛紛廟市來貂蟬千騎擁金碧兩行開
衣簇飛塵人人爭落日回自憐無侶伴松下獨裴回

又

節序停封事公卿總退朝鳴騶過市緩騎馬向人驕
聖世無遺逸書生久宋寥平津如可遇好士有燕昭

又

嗽病牽關膈寒暄氣不齊連朝因罷酒屢夜自蒸藥

渴有相如困途兼阮籍迷客顏真欲瘦鄉信不曾題

又

時中郎長玉
別余歸里

辛苦交親共無端返舊林後期雖衰別淚已泔泔
柳向霜前折枯從馬上斟欲歸余未得愁絕送人心

又

謂賓賢

陋軒吾老友官寄數行書別憶歡娛日人稱宋莫餘
遠游疏酒賦招隱魏樵漁何卒蒙長句清新錦不如

又

謂豹人

比鄰孫處士送老愛芳尊策杖時看竹吟詩每叩門
一從渡仁漢幾載隔朝昏南北無消息奇文誰共論

又

謂仁趾

百尺梧桐閣集卷七

圭

憶賜吳門雪回看白下山故人乘興往連月不知還
聚散何嘗定風塵好是閒勝游如昨日今已隔河關

又

謂舟次

謝氏諸兄弟吾家仲最雄吟詩廬嶽頂醉月楚江中
乍聚秋霜白將離蠟苴紅三年艱一會無那又西東

又

北雪一冬無晴光滿帝都地疑吳苑嘖風怪塞垣
蘇正月萼先放當春鳥自呼東郊閒策馬幽興欲攜壺

又

樓上書千卷樓頭竹萬竿何人齊亂帙寄語問平安

老鶴應相憶高梧空自寒遙憐三徑外碧艸上闌干
至日遣懷簡北海主事康臣舍人三十韻

作客幽州地衝寒易水隅天時催短景人事只長吁
蹀躞看裘馬艱難問桂珠隴梅猶未發塞艸已全枯
雪色何時淨風威那日無閉門甘索莫對客疆歡娛
笑傲言多妄行藏計總輸無錢居日下有癡到雲衢
倚劍思狂客當盧戲酒胡十年滯壯志八尺憎微軀
企脚牀敲坐科頭墨醉濡不才人自弃用拙孰相須
魏闕書曾上高門步嬾趨文章猶氣象筆硯竟荒蕪
暮阮空潦倒攀嵇但抑紆小心依體法大意失機樞
學圃宜栽柳歸田合種蒲良時驚去馬獨夜怕曉烏

百尺梧桐閣集卷七

詩

忽忽寒將盡荒荒日又晡舍香郎署晚賜被禁庭蘇
騰蹕左賢俊隄陀老下愚口脂頰玉盃面藥散紅盧
綵綬添應準腹灰驗不誣歲時思故土風俗問邊途
顧我唯良友狂吟恕腐儒寄書催出谷把臂阻歸湖
樞伏慙龍種泥蟠想駿圖余材原朽木公等實名駒
秀句容相和清尊屢見呼交情真感激古道賴匡扶
微祿何時得衡茅便自詠還山思浩蕩且得免崎嶇

除夕寄家兄叔定

千里欲歸愁獨客一年將盡是佗鄉天邊游子頻回
首燈下家書細作行設道 帝城春似錦可憐僧舍
冷如霜辛盤柏酒無消息但倚寒松看夕陽

百尺梧桐閣集卷七終

百尺梧桐閣集卷七

詩

百尺梧桐閣集卷八目錄

古今體詩

人日簡玉少

十五夜

感時

雪後康臣見過同飲子靜寓齋卽和康臣十六

夜見懷原韻二首

飲康臣齋中醉後放歌

生日康臣見過僧舍留飲卽和見贈原韻

雨

復雪

百尺梧桐閣集卷八目錄

送兄左嚴歸里

官定後簡康臣

陶季自樂陵以書見問賦答

聞雲漸生子作歌寄之

柏鄉公招飲問淮揚水決諸道感述

奉送宮保大司馬王公致政歸里三十六韻

往平王公枉書見問奉答二十四韻

清明後一日出京口號

禹城道中見余題壁舊詩忽忽四年感題二絕

齊河橋上晚眺

道旁白楊

石門遇雨

進山五首

出山二首

曉行望岱

題人觀圖爲蘇與蒼壽母

望馬陵山

三月三日抵淮入舟喜賦

逆風

曾宿

題畫爲樂園少司農二首

入京同學諸子出餞東郊卽席留別

邵伯埭留別諸兄弟

淮陰逢許青嶼侍御力臣師六舟中夜話

淮漲

樓宿

河口別家兄叔定

甘羅城下再與家兄別

黃河口觀賽神歌

南陽道中四首

食蘋果

濟寧阻閑納涼南池登太白樓四首

別南池

舟人送茉莉

賦得仁漢思歸客寄曙戒侍講

送張禮存編修歸覲

病中遣悶呈子靜

病起遣懷

閨夜

八月十五夜子靜招同康臣黃繼武夏抑公鄭

元闇轉頌嘉宮宗袞姚虞仲燕集用謝惠連

秋懷詩韻

答子靜見簡原韻

贈通政伊公十六韻

百尺梧桐閣集卷八目錄

三

家大人示書勉慰敬賦四章兼呈諸兄

送梁承篤歸真定即答見投原韻三首

送虞仲歸白田四首

重陽前一日子靜邀同北海六皆張南溟申叔

旃陪胡念菴先生奉和十二韻

九日刺梅園松下同譚舟石朱錫鬯李武曾高

二鮑康臣菽旃四首

得家書

秋雪行繼武席上作

漁父

得家書感懷寄叔定家兄

題嗜退菴贈嚴封君兼呈就斯侍讀四首

玉少客遷安以潞酒二餅見餉賦答三首

送李季霖舍人歸山東

寄中郎

故相國吳公柴菴哀詩

柳敬亭說書行

送劉生二首

贈節婦許太君十六韻兼呈生洲吉士

頌嘉招同繼武六皆桐崖子靜周子重轡升六

趙武管張敦復吳意輔夜集獨笑亭分韻二

首

百尺梧桐閣集卷八目錄

四

補裘歌

病中三首

阮亭先生在顧兼惠箋賦謝

病起四首

迎春

立春

送宗袞歸里

上元夫人

衛夫人

謝康臣送果物

除夕

百尺梧桐閣集卷八目錄終

百尺梧桐閣集卷八目錄

五

百尺梧桐閣集卷八

揚州 汪懋麟

古今體詩

自庚戌歲正月
起至十二月止

人日簡玉少

人日題詩寄艸堂可憐游子羈異鄉梅萼柳條在何處百憂千慮空茫茫朝驅疲馬向都市對面黃塵射眸子貂衣寶刀何部郎斜控銀鞍馬如水與君古寺相裴回松閒新月銜高臺人生浮名亦有極不若長歌歸去來

十五夜

春色何時滿春燈此夜清可憐一片月已見四回明

百尺梧桐閣集卷八

一

滴力愁都減鄉心病益生誰家弄弦管髣髴故園聲

感時

獨鳥喚春愁霜風昨夜收感時憐艸木久客攬衣裘惜此繡鴛地翻成宋莫游歸心看易水東去日悠悠雪後康臣見過同飲子靜寓齋卽和康臣十六

夜見懷原韻二首

繁交誰記憶令節爾招尋豈謂春燈暗空餘夜雪深客幃孤翦燭官舍靜彈琴感激懷人意新詩病裏吟

又

一霽便相過春泥策馬難凍雲猶帶溼融雪未全乾酒碧添新暝盧紅減薄寒故人能款客爲我出蔬盤

飲康臣齋中醉後放歌

故人衰衰長安里沈郎與我稱知己一日不見騎馬
過連月醉臥高齋裏細君屢出美肴膳頭上折卻簪
與耳知君愛客心無窮況復尊前好兒子孔李之交
何足多以膠投漆毋乃是我歌子和真豪雄千秋萬
世誰知此眼中如君亦少矣

生日康臣見過僧舍畱飲卽和見贈原韻

年紀蹉跎廿載餘悠悠懷抱向誰舒空山只合吟梁
父魏闕何勞獻子虛羸癯敢畱居士坐蕭疏眞作堊
人盧高譚盡日長松下吏隱期君共著書

雨

青尺格欄集卷八

二

地寒常少雨二月始霏霏霏物夜偏細隨雲聲自微
春心消蠟燭別寢隔羅幃側枕思千里晨鐘溼漸稀

復雪

小雨復成雪慵眠起校遲春陰爲客日骨痛未衰時
餘霰穿窗隙寒禽落樹枝擁裘聊撥火愁坐彊扶持

送兄左嚴歸里

季鷹忽憶江東鱸郭隗辭登薊北臺無計能畱騎馬
去何緣不待看鸞回青春寒食還家近白髮愁顏對
酒開我亦倦游思覲省東風未老定歸來

官定後簡康臣

咎日思君隔紫宸何期聯步及青春敢言艸制隨丞

相且喜吟詩和舍人金馬自然堪避世侏儒猶恐不
謀身空思校尉廚中酒已負江東礪底尊

陶季自樂陵以書見問賦答

二月昏昏方曉睡忽傳書自樂陵來此時離別愁何
枉能使風塵眼頓開避世自慙方朔隱依人空惜仲
宣才十年未遂歸山願呢殺荒城落日回

聞雲漸生子作歌寄之

吾友年過四十髮漸禿只愁詩句無兒讀少君力致
如弩人日夜空男暗中卜果然吉寢相感應飛來玉
燕懷中宿吾友拍手歡顏開萬事如今亦云足前日
寄來京洛書誇我此兒好肌肉有如桃萼汗血毛又

青尺格欄集卷八

三

似珍珠初出浴知君積善非一朝天上麒麟豈凡族
顧我三十年已過生男不如生女多信知生男有如
此難不易得雲乎雲乎奈爾何

柏鄉公招飲問淮揚水決諸道感述

禹迹久湮塞黃河東南委背海橫入江此變古無有
連年六七月崩奔諸湖口淮揚據要衝漂沒失雞狗
賦稅從何出城郭漸難守歲修糜百萬半飽漏壑數
大吏日荒淫管拙責夫柳哀哉補苴計那得不速朽
臺諫紛上書此輩視敝帚九開豈得聞隱忍恨難剖
我來謁相國吐握賜杯酒下問淮揚災殷殷欲援手
忼慨前致詞公聽頻感首卽入政事堂昌言布朝右

請命戒所司隄防孰敢後兩郡十餘縣不復歎星霜
令弟桃源令民戴如父母流圖屢上陳瀝血切膚受
蠲租本 皇仁公澤亦云厚庶幾廣此惠四海樂田
畝

奉送官保大司馬王公致政歸里三十六韻

計握司農重謀參僕射雄梯航通貢賦邊腹靖兵戎
夫子無遺算 朝廷勒大功任賢超等級特晉邁諸
公 聖眷頒專勅臣心矢鞠躬持衡當艸昧恩澤霈
愚蒙再下蠲租詔旋書大有豐士民皆買犢卒伍已
韜弓武庫鎗沉綠天倉粟腐紅名高羣小忌功在
主恩崇遂整山中駕常懷林下風乞歸書懇切優詔

夏月梧樹閣集卷八

四

禮尊隆祿米官廚給旌旄驛使通詔給俸大臣知去
就明哲保初終歸翼看林鳥高飛羨遠鴻辭榮猶健
步拂衰未衰翁令子官仍賢諸孫學且攻還家真綽
綽去國豈恩恩送老雲山關投閒氣度冲仁湖游正
壯詩酒興何窺白鹿尊韓衆丹砂問葛洪田廬留白
下墳墓憶滇中猷退人難及清風誰更同濟時公已
了被福況能總出祖欽疏廣從游戀馬融及門無藉
在小子失磨礱侍側心常北瞻前道未東有懷依泰
岱無力倚崆峒諸彥真桃陰庸材系藥籠侏儒方乞
米佳士已乘驄蹤迹憐飄飄行藏類轉蓬葵忱迎落
日劍氣飲長虹待直趨金殿舒豪步紫宮滑稽非曼

倚遲莫塊終量側翅聊栖鳳坐綸敢癡熊不如隨杖
屨小隱桂華叢

在平王公在書見問奉答二十四韻

西掖何頻出東山祇暫歸梧桐還在望絲竹藉忘機
紗帽敲等徑青鞵步釣磯邨中幽事足林外俗人稀
桂樹高千尺槐陰大幾圍避譴耽堦趣遂嬾著朝衣
水閣知魚樂林溪羨鳥飛松煙生藥竈香氣淨書幃
侍女燒紅燭先生對紫微詩篇充几席文選授庭闈
種玉人原異傳經願不違自從歸魯邑落月想黃扉
轉憶游吳會臨風上翠微河豚春正美蒺藜雨初肥
雲聚曾同慶星離只自秋三年嗟契闊千里接音徽

夏月梧樹閣集卷八

五

卻念侏儒困還憐季女微微班何足齒魏闕幸相依
歸院看焚艸攀楹待賜緋斯民多倚賴吾道有光輝
好奮韓鷹擊寧憂仗馬譏進忠思汲黯難說豈韓非
紫禁瞻鍵別青雲散羽聲何須戀林壑早晚達京畿
清明後一日出京口號

帝城楊柳春波綠馬首依依欲送行若問還家幾時
節昨朝忙裏失清明

禹城道中見余題壁舊詩忽忽四年感題二絕
堦店重來眼倍新依然京洛倦游人勞勞不記途中
層但見題詩又四春

楊等滾雪送殘春下馬臨街索酒頻盧上主人知姓

字問余何事久風塵

齊河橋上晚眺

落日倒映齊河東齊河州樹青濛濛長橋一望幾千
尺流水來自千山中橋邊蒼茫過客少城裏慘澹人
煙空當日洋洋號大國楚漢以來多戰攻韓信假王
動人主田橫義氣生英風羣雄割據一朝沒只今唯
見黃塵蒙

道旁白楊

杜家廟前雙白楊參天溜雨色青蒼欲借東風一夜
力移送茅齋白石旁

石門遇雨

東風吹莫雨客路又黃昏嘹唳殘春罵蕭條何代邨
營賢曾寄宿古意至今存我亦栖栖者霑泥過石門

進山五首

首路入張夏東行道轉惡重重苦厭山磊磊亂石錯
崖谷執多蝨邨墟莽寥廓居人形骸黑項纓足驚愕
亦有桃李樹參差長谿壑無人祇自粵春風枉零落
憶昔游吳會峰巒秀如鑒澹蕩頗趣人豈必尋五嶽
及茲歎噉噉馮轅意蕭索

又

兩騎駕長輿搖搖執反側頭風兼目眩石徑苦偏仄
僕夫有常程那得暫安息悄悄望邨煙忍饑待晚食

黃塵變童僕對面盡土色吾勞固有營爾亦慎乃職
陟川防曉巖緣山恐荆棘艱難仗汝暫行行各努力

又

曉行泰安道岱嶽青峩峩日出未分明煙光相盪磨
有如鵬鳥翼坐雲執螯婆又如海上驚駕風與層波
吾咎登嶺半遠聞樵采歌僊人舉手笑邀我騎鶴過
往來七八年塵迹空隱眈今晨一遙矚使我感慨多

又

莫宿羊公邨朝趨東蒙山相踞百餘里層岡如重關
上嶺復下嶺頽印煩躋攀峰頭日色慘山風吹我顏
碣底白沙走清泉聲潺湲顧我久勞苦何如流水閒

又

谷風吹陰雲雨溼青駝寺千巖淨如洗剌露石狀異
狼狽泥濘中道澀車欲墜客行食前期霑濡那復避
亭亭望邨墟夕陽轉斌媚天桃然殷紅疏柳間新翠
北地特秀發而有粵源致賴此豁雙目攬轡愜頗領

出山二首

山行已五日風水雜亂聒雨霽及伴城始覺原塹闊
回首眺疊嶂荆莽剗然割從侶色坦坦自矜免顛蹶
疲馬亦驕馳街州嘶且齟物情厭險阻況我孱弱骨
寄語宦游人關山不可越

又

川谷歷已盡還家有程期黃河猶在前洶若渤海移
振柁恃長年順息清淮溜地有佳主人時阮亭先生
視惟清江
置酒羅尊彝慰我久行役垢膩須須眉欲訴憂千端
恐爲君子嗤

曉行望岱

岱色濃疑雨嵐光曉漸晴日從山背出雲自海東生
杳靄神僊宿依稀鸞鶴鳴停車看不厭艸艸又南行

題入覲圖爲蘇與蒼壽母

蘇氏之子才最雄讀書萬卷雙眸空詞源滾滾倒三
峽下筆頗有眉山風人見貌孤彊學問豈知盡由賢
母功愚婦癡兒不足數咎有賈母生黃中九歲登科

百尺樓閣集卷八

顯名位當時嘖嘖誇神童兩知貢舉拔寒俊再掌吏
部多虛公此時朝廷大稱善令參政事聲隆隆名臣
勲業本母訓安車詔入明光宮聖藻賜詩復賜坐帝
曰孟母將無同勝事從來載史筆神妙至今傳畫工
請君試將此圖進在於蘇也寧長窺母乎且酌流霞
紅

望馬陵山

黃河東接馬陵山山下行人總未閒八百夕陽芳艸
路春風吹去又吹還

三月三日抵淮入舟喜賦

北歸蓬上已南陌見春天柳影斜侵纜鸞聲巧趁船

碧芹充飯滑銀鱗入羹鮮憶昨長饑羸今朝幸飽眠

逆風

忽送殘春雨還驚逆水風孤舟偏宋宋去權太恩恩
渠澀層波裏鷗輕遠浪中故園猶隔日煙樹望朦朧

會宿

孤舟橋外水獨樹岸旁祠風物憐會宿仁山又一時
買魚谿女怪沽酒荃翁疑此地商船聚何人夜詠詩

題畫爲樸園少司農二首

綠柳朱荷滿大隄鷺鷥鸛鵲鳴戲前谿仁邨自在堪消
夏何事紅塵逐馬馳時余又迫於
選人將入京

頭上漉巾常若芋門前種柳自消搖先生自是羲皇

百尺樓閣集卷八

侶斗米何須苦折腰

入京同學諸子出餞東郊卽席畱別

黃鸝曉處柳還青能使征人拚淚聽送客舊憐禪智
寺蘇長公
送客地唱歌愁過竹西亭十年同學看鴻鵠一夕

分飛感鶴鶴易水蕪雲限南北相思從此隔秋螢

邵伯埭畱別諸兄弟

謝公隄上艸菲菲揮手開船淚濕衣榆莢風吹涼雨
過茭黃灣打莫潮歸空攜書卷趨微省悔別壩篋去

釣磯愛酒好眠兼嬾慢此行卻與樂心違

淮陰逢許青嶼侍御力臣師六舟中夜話

雨畱驄馬客風阻孝廉船握手殘陽外停柁夜燭前

江淮方展漲廬舍已頻遷歎息流民滿何人達日邊

淮漲

滾滾淮流漲昏昏雨氣多人家翻白浪平地走黃河
餓鳥飛難下孤舟險未過含愁候關吏橫索法如何

樓宿

小樓謹近市孤燭冷當門只自聽街鼓何人勸酒尊
別家猶在癡惻未招魂獨倚虛檐望雙星影乍昏

河口別家兄叔定

管時送我鴈鴻天此會霑巾風浪前孤櫂可憐成獨
往一官何日是歸年白頭辛苦需微祿青鏡荒涼典
翠鈿生計關心三十口持籌猶賴仲兄賢

百尺梧桐閣集卷八

十

甘羅城下再與家兄別

甘羅城下水悠悠兄自南歸弟北游苦把蓬窗雙淚
眼直隨飄影下揚州

黃河口觀賽神歌

惡風大浪黃河口長年睜目坐雙手無事閒過大王
廟紛紛賽神各澆酒黑面紫髯何郡郎遼西丈夫廣
南守獠奴短小六七八人卉服蠻音貌何醜赤腳打鼓
兼鳴鏡磨刀牽羊莽趨走太守長跽前致詞珠玉滿
船金滿肘但願渡河安如阜大王享之義乎否

南陽道中四首

鷓鴣鴛鴦閒浴鳧水田萬頃長菰蒲漁人曬網船頭

坐只似秦鄧邵伯湖

荷萼賽火滿如船蓮子鮮新摘可憐那有紅裙采蓮
女馮人打折不論錢

兩岸青蒲映白波紛紛釣艇小於梭船中不見魚跳
躍網得鮮鱗養在河

濟北水聲原播播充東山色更淒淒從來種棗栽梨
地卻怪菱萼長得齊

食蘋果

童僕邨邊至攜來果實香蒂憐當夏熟味喜及新嘗
紅煖猶霑露輕團正滿筐解醒兼益肺何羨蔗含漿
濟寧阻開納涼南池登太白樓四首

百尺梧桐閣集卷八

土

落颿當白日獨坐看魚梁開水爭涓滴山泉望渺茫
艱難傳此驛檣檣是何王阻絕官橋外愁聞道路長

又

炎蒸逢北道瀟灑得南池坐柳真千尺殘荷尚萬枝
拾遺高詠狂主簿小船移此地翻空夏清涼可賦詩

又

清晨重過此永日聽蟬鳴傷水庭階淨當風枕簟清
竟須揮扇住不問挂颿行瓜果隨時足依稀故國情

又

城說知章守樓傳太白游兩賢今宋宋泗水日悠悠
鑑曲終投老青山不記愁異方畱燕賞千載見風流

別南池

拾得南池兩日緣賞荷坐柳復聞蟬虛堂自在容高
枕何事風濤又上船

舟人送茉莉

好夢來異地娛藥放鄰船色愛陵波淨香從隔水傳
欲簪羞髮短小摘倩誰憐遙憶蘭階下虛開六月天

賦得江漢思歸客寄曙戒侍講

楚水日悠悠煙波接紫秋朝看漢陽樹夜上武昌樓
遷客猶青鬢羈懷欲白頭縣知宣室詔早晚薊門游

送張禮存編修歸覲

清颺動繁節銀漢橫蒼旻北闕墮涼露東門脂征輪

百尺樓閣集卷八

主

告歸亦何速將父情重陳君家好兄弟盛代操絲綸

先後取上第制作稱儒臣前輩繼蘇陸後起齊陳荀

少年致通顯服官如清貧翩翩出濁世矯矯思古人

僻倪賢公子握躡污埃塵芝艸自有本醴泉詎無因

紹彼庭闈訓故能學問醉我公東方彥早充南國賓

文運管贊弱俗學不足珍蔚然振雅頌卓哉埽荆業

黜防贊家宰藻鑑領羣倫事業載政府文章傳洛瀕

田園興雖偶蒼黎望猶頻匡弼教令于消搖且閒身

出處洽至理頤養和清神綵衣固云樂宮錦況復新

愛日緣救水感秋非鱸尊列彼鐘及鼎奉茲昏與晨

勝槩莫能印偉抱今已申君誠稱大孝余亦有老親

微祿戀升斗卑官羞逡巡有子遠乞米不如行負薪
送君發歎羨榮名真千春

病中遣悶呈子靜

不信微官能病客半因秋氣正凋零癩從童僕呼
粥賴有親朋與伏靈雨瀝空階窗早黑銚殘孤幔影
還青南鄰北里何多事急管絲弦不耐聽

病起遣懷

京華車騎太恩恩自笑逢迎術未工多病豈堪居日
下閉門只似在山中藥方檢點神僊傳吏蹟談諧隱
士風靜把圖書消永晝不知寒葉墜秋空

閑夜

百尺樓閣集卷八

主

萬點宮鷄繞禁中未央前殿月朦朧雨餘鳩鵲層

雲白門鎖駕央夜燭紅貧病微郎無賜被宋寥梧院

有鳴蟲最憐虛度清秋節耿耿銀河曙色東

八月十五夜子靜招同康臣黃繼武夏抑公鄭

元閣暫頌嘉宮宗袁姚虞仲燕集用謝惠連

秋懷詩韻

出處既已昧吾道良足患百慮方纏牽三秋忽積晏

商風遠振蕩林葉漸凋爛家遠稀尺書天空感鳴鴈

白月穿綺疏青鐙動虛幔若無枯酒歡負茲良夜半

主人具曠識且勿勞遠算嘉賓共雜選清言恣誕慢

藏名安微祿涉險恥巧宦謝彼時賢趨從我賤子瓶

編性託美醞閒情在柔翰偃臥從復橫圖書散且亂
沉醉有時醒秋窗苦難旦側聽鄰雞鳴叩視河影換
人謂我何求豈識心所歎對酒聊復歌因之示親串

答子靜見簡原韻

日日金華殿裏過歸來無下只狂歌一寒似我官真
少五女如君累亦多旅食已經愁酒債薄田況且蕩
湖波老親天畔縣雙眼願共巾車返礪阿

贈通政伊公十六韻

舊德傳華蓋從來帝者師鹿鳴高唱日虎觀投書時
殿上詢名字雲中羨羽儀諫書焚柏府雕檻折彤輝
王命巡五管官方稟百司觸邪逢解多當道失狐狸

百尺梧桐閣集卷八

詩

同旆清風肅歸朝景運熙晉階卿貳重休沐歲暮遲
田里方多暇遭逢未後期鹽梅聊借箸尊俎慎交綏
玉膳真能節銀臺復見推公由光祿
等位通政絲綸通御坐
喉舌印芳規自咎歐門忝深慙國士知涸魚需潤澤
朽木俗紛披私幸歸劉表何當說項斯疏狂知見恕
傾寫更何疑

家大人示書勉慰敬賦四章兼呈諸兄

吾親不用扶斑杖八十猶能自上樓愛看紫薇開滿
眼從佗黃髮老盈頭道書檢點消清晝晚食從容步
小丘買得谿魚閒飲鶴養生知足更無求
老眼分明細作書行行誠勉復歎歎頻言酒熟思游

子見說等開想敝廬案上佛經同母讀園中果樹教
孫鋤欲圖歸養羞微祿何事浮名繫石渠

北堂筋力早年衰小婢扶持策杖來蔬食半生唯菜
甲畫簾終日對經臺女孫繞卻顏應喜少子關心寢
幾回記得縫衣出門日丁寧慎勿戀溪栢

悔不安貧學耦耕曳裾來逐衆人行千錢送得聊沽
酒斗米分來豈治生家室漸絲憂四女農昏久缺仗
諸兄欲知獨客懷鄉處聽徹龍樓玉漏聲

送梁承篤歸真定即答見投原韻三首

秋雨霏微灑帝城數聲嘶馬夕陽明君歸誰問長
門賦愁煞臨叩病長卿

百尺梧桐閣集卷八

五

一時梁宋比應劉曾共揚州十日留梅雨初晴櫻筍
熟青蛾紅燭見山樓宋謂中郎

混迹寧論寵辱身秋來鄉思幾霑巾豈知把筆螭頭
客猶是逃名廡下人

送虞仲歸白田四首

君來真足喜吾病更何憂藥賈無勞問方書豈外求
丁寧調粥飯指點著衣裳未忍輕揮手相依到莫秋

又

南人憎北俗鎮日想荆扉一僕騎驢去千山逐鴈歸
正逢秋皎皎不怕雨霏霏衣冷絲須早朝行霜露微
又

聞說安宜界湖波幾丈高可憐民似土定有賊如毛
無地開叢鞠誰家釀濁醪到來尋故舊一半揜蓬蒿

又

不肖過重九能添幾日程寒夢山際看邨酒路旁傾
念我方爲客何當復送行自今時強飯淺水少人亨
重陽前一日子靜邀同北海六皆張南溟申菽

施陪胡念蒿先生奉和十二韻

九月新霜薄千家落葉深秋光還在眼節序又驚心
蟋蟀催殘癡兼葭隔舊林那堪多病裏更有旅愁侵
觸緒唯長歎舒懷但苦吟不才安瀟落有志恐消沉
書憶橋邊授冠羞殿上簪感恩思奮發話舊耐追尋

青尺橋欄集卷八

七

聊借閒齋酒同聽 禁院砧鞠等寒的的蓮漏急
驥聚會原難再睽違直到今登臺如有興策馬願重
臨

九日刺梅園松下同譚舟石朱錫邇李武曾高

二鮑康臣菽施四首

不成尋鞠往轉爲看松來地僻多秋艸園荒有刺梅
高城誰戲馬平塋罷登臺未減東籬興紛紛送酒栢

又

蒼治隨意坐禮數已全疏倚石開衿爽看雲步屐徐
提攜來傳味方法問嘉蔬只此山中酌芳筵恐不如

又

吏隱逢名士清游半旅人江山隔吳越聚散復燕秦
時舟石將及此等明眼須拌酒入脣夕陽容易沒落
之官延安

又

纖月挂林外忽然聞莫鐘更教燒絳燭不忍別青松
露氣侵衣薄秋煙著樹濃醉歸慵上馬緩步好扶耶
得家書

鯉魚鴻鴈日紛紛來往秋風與莫雲除卻窮愁無可
說平安兩字畧堪聞

秋雪行繼武席上作

一夜風號秋忽響塞雲如墨衣如鐵屋上烏鴉凍不

青尺橋欄集卷八

七

翻階下黃鸝已吹折呼童開箱尋敝裘裘毛半禿如
蟲齧路安美酒餅未乾流霞傾向壺中熱回憶身在
江南時疏雨依然晚秋節南北炎寒早已分自是天
心有區別黃君冒雪方見招沽酒亨魚饌初設可憐
二千青銅錢聊供狂奴一飲歡長安客舍苦寒寥不
飲如何苦愁結紅燭光中馬腦寒綠尊影裏蒲陶潔
此時雪片大如掌歸路翻愁馬撒烈平明又早趨金
門餘霰回風灑塵葉

漁父

紅葉何紛紛綠波正瀾瀾巨石頻千仞戴笠者誰子
短衣露雙腳默然釣秋水珊瑚八尺竿黃金餌尤美

釣直不釣曲豈在魴與鯉翻笑蟠谿翁千名翦商紀
重駢任公子從工釣鰲技不如歌滄浪冷然清風起
得家書感懷寄叔定家兄

昨接一封書磊磊百行字字數何其多展讀發溪咽
反覆書中言瑣屑不欲視上言晨昏缺下言家室累
仁淮苦水漲有田盡荒弃間并米買賣坐食憂老穉
養親冀鍾鼎藜藿轉多媿生兒不得力安用侈名位
瘠妻折釵鈿躊躇倒空筇嬌女索漿與嘔喝益顛頓
吾兄守空園蓬門日幽閑讀書樓上頭卻掃戒投刺
中廚無盤餐賓客亦不至前月聞添丁驚喜不能寐
聊用娛老親得孫此其二我驕長安里紛紛婦人事

百尺梧桐閣集卷八

太

夜半趨殿門辛勤少酣睡爲郎實卑冗割肉疆游戲
觸物時瞪目自笑還捉鼻手持五色棠低眉向誰試
俗無得良友骨肉不少異遠載百斛酒斟酌供我醉
對牀同說詩每夜晰疑義賴此慰宋莫季不損神智
二三舊酒徒往來動相值得錢卽泥飲昏昏失天地
清言兼妄語雜亂那復記日短亦易馳夜長莽多思
經營及身世百慮一時積負米欲言歸徒然抱空器
努力圖飛翻歲月渺難企裴回進退閒背人潛拭淚
遠游割親愛旅食習況瘁儔無兒女情舖糜願難遂
連年走風塵少壯尙寡嗣人生重行樂富貴非吾意
有懷在丘園桑麻學種植柴門散雞豚清池市荷芰

養生全性命誰復慕榮利竊取作一經秀及山水志
曠覽固自得古今任軒輊念此日茫茫未得從吾嗜
有如觸藩羊有如伏櫪驥皇天困吾道豈能遂放恣
忼慨述眞懷長歌孰云僞

又 題嗜退菴贈嚴封君兼呈就斯侍讀四首

釣魚栖瀨水賣卜老成都大隱誰能繼高風此不殊
編籬耽堦趣種樹課園夫見說茗谿上峰巒列畫圖

又

晚年輕萬事靜裏得眞閒聽鳥芳尊綠看萼拄杖斑
池通天目水樓枕道場山洛社諸耆舊佳時足往還

百尺梧桐閣集卷八

无

有兒開甲第一老愛邨居止續高人傳何心太史書
青山時獨往白髮醉慵梳久慕龐公隱雙童挽鹿車

又

文章堪養志燕賞偕園林見此艸堂詠牽余游子心
敝廬等自滿小徑竹還淡負米行將去風霜歲月侵

又 玉少客還安以潞酒二餅見餉賦答三首

一年羈魏闕七月度居庸近塞風霜早當關劍戟重
疲民栖舊壘戰鬼哭殘堦君是書生輩逢秋易慘容

又

聞道遷安縣荒蕪數百家空城多鳥雀瘠地少桑麻
塵礮邊風起雲陰隴日斜此鄉難久客早晚到京華

又

驛書頻逐鴈，落酒遠封泥。到眼濃無敵，開嘗醉欲迷。
只須傾一醆，何況荷雙攜。忽念山川隔，停杯意轉悽。
送李季霖舍人歸山東

南士利舟楫，北客嫺馳驅。君本山東雄，騎馬凜崎嶇。
秋郊策駉駉，四眺忽驚趨。控鞍色如土，招我立斯須。
因言患心忤，皮肉原清癯。自入中書省，日夕勞微軀。
京城苦賃屋，候館爨行廚。三年飽藜藿，寒暄營妻孥。
策足非要路，安能展良圖。操筆步政府，有志參機樞。
制詰守陳迹，譏著匪所需。管贊重染翰，今則何爲乎。
刺口欲論事，卷舌還囁嚅。寅入或酉出，人困馬亦瘡。

東尺格桐閣集卷八

辛

夜直宿廣殿，宮漏聞傳呼。耿耿不成寐，嚙齧歎饑饉。
霜風卷閭闔，破面兼折須。終年弄筆硯，豈敢言勤劬。
奔走屬小吏，那能繩吾徒。致身從進士，曾不如侏儒。
懋也性顛黠，傲兀氣豪麤。萬事不挂眼，好書耽酒壺。
雄誇罵流輩，舉世稱狂奴。行己偶鎔料，網羅多艱虞。
旅食不自計，當歡時向隅。出門偶行游，車馬塞長衢。
道旁惡水溝，欲避臭自殊。呵呼八駟過，讓道驚僕夫。
曲屈不稱意，有如韁繫駒。坐鳥馴林麓，游魚活江湖。
掉頭便當去，戀此亦何愚。君抱不世才，塵土埋銀鉅。
見機實明決，拂袞尋山隅。田園今何如，別久多荒蕪。
家有八十親，白日依桑榆。余親亦耄耋，霜雪盈頭盧。

遠游晨昏隔，魏彼樹上烏。家貧爲祿仕，豈意口不餬。
讀書竟何益，悔不學屠沽。咄咄自歎息，行將離京都。
食齋不得甘，不如歸茹荼。送君發浩歌，後會期前途。

寄中郎

中郎舊稱江海客，義氣橫絕多豪雄。有如鷹隼刷勁
翮，精悍獵獵排秋空。身騎名馬逐狡兔，挽大箭開
良弓。最愛臨池學艸聖，大書一尺陵宋公。興酣潑墨
數千紙，盤挐屈曲神鬼通。尤善搖豪作細字，體勢瘳
硬，褚薛同開口。對策取上第，唾視庸腐如愚聾。去年
訪我過隋苑，相逢賢主留吳中。越女一笑不顧返，千
金邀顧憐青瞳。復攜美人掉船去，新妝澹拖明湖東。

東尺格桐閣集卷八

壬

靈巖玄墓任來往，春雨細著梅萼叢。倏忽西風促歸
客，廣陵夜月方朦朧。此時停舟不冝發，又醉名娼雙
頰紅。山樓銀燭白如晝，金屏照耀香濛濛。我亦明珠
買小妾，蜀琴錦瑟鳴房櫳。爲歡幾時各揮手，與君待
詔咸陽宮。黃金快意一朝盡，黑貂旣敝憐途窮。我歸
故鄉小玉死，君奔微祿甘蒔蓬。箭弦一別已經歲，起
生感歎心忡忡。書成欲寄恨無使，雲中忽下雙飛鴻。
卻道翱翔鳳皇翼，豈知困抑遭焚籠。聞君樂事實無
敵，彈弄箏笛聲何工。左擁小蠻右樊素，金盤膾鯉堆
春蔥。且近婦人飲醇酒，作達頗有前賢風。龍泉在匣
未及試，胡爲欲老田舍翁。明年期君到京邑，十千買

涵傾新豐

故相國吳公柴菴哀詩

嗚呼啟禎代海宇莽多故天意禍人國荆棘起黨錮
東林雖多賢姦黠亦竊附議論肆推排激撞小人怒
所以楊左徒死受崔魏妒殘殺斷國脉盜賊塞當路
黃巾與赤眉蠱屯復螳聚我公晚作相會與英主遇
秉道衆儒叩嫉邪羣小懼朝廷多猜嫌諫諍禦刀鋸
公實左右之靄靈立感悟國執日積壓將帥鼠狐菟
流寇箭滿眼楚疆付孤注地軸東南傾羽檄急奔訴
艱難詔我公授節使援赴臨敵重籌算一卒未及募
佞臣計阻害謂公實瞻顧遭讒未滌盪蒼黃金齒戎

百尺梧桐閣集卷八

重

沉冤誰爲明一洗在南渡匡山初歸來世事歎朝暮
無人識故相爲農灌園圃追思少壯時憂國每抗疏
殺賊三晉間渠魁悉顛仆出賑關輔饑民命活無數
先後樹功勲允矣梁棟具哲人忽云公典型既已去
長歎天壤空牢落何所慕嗣子富才傑家學原有繫
手持一卷書云是父所作公有憶記四卷載公終始事蹟紀載盡生
平榮榮日星布直筆在史官流傳豈容誤

柳敬亭說書行

田巴既沒蒯通死陸賈鄼生呼不起後人口喫舌復
僵雄辨誰能矜爪策吳陵有老年八十白髮數莖而
已矣兩眼未暗耳未聾猶見搖脣利牙齒小時抵掌

公相前譚玄說鬼皆虛爾開端抵死要驚人聽者如

癡雜悲喜盛名一時走南北敬亭其字柳其氏英雄
盜賊傳最神形模出處真奇詭耳邊悅聞金鐵聲舞
樂橫戈疾如矢擊節據案時一呼辟歷迸裂空山裏
激昂慷慨更周緻文章髮髯龍門史老去流落仁左
開後來譚者皆糠粃朱門十過九爲墟開元清淚如
鉛水長安客舍忽相見龍鍾一老胡來此翦燈爲我
說齊諧壯如擊筑歌燕市君不見原嘗春陵不可作
當日紛紛誇養士雞鳴狗盜稱上客毒冒爲簪珠作
履此老若生戰國時游譚任俠登堪比如今五侯亦
豪侈黃金如山羅錦綺爾有此舌足致之況復世人

百尺梧桐閣集卷八

重

皆用耳但得飽食歸故鄉柳乎柳乎譚可止

送劉生二首

磊落誰如劉孝標當進高論偏雲霄纔逢擊筑游燕
市又送鳴鞭下渭橋
任俠昂藏八尺軀臨岐上馬挽長須看君頗有登樓
氣越石何曾是腐儒

贈節婦許太君十六韻兼呈生洲吉士

外家天祿賢世族汝南賢開府棄聽日夫人竝轡年
敬能齊麻案儉不御釵鈿靜好和瑤瑟端莊種玉田
宜家諳禮法從宦歷山川王事勤南北閨門忽弃捐
登山人化石種樹葉連拳妝洗衣空疊塵封鏡不圓

兩旬身遂寡十歲子堪憐畫教文字和熊授簡篇
鳴機寒夜裏視客曉窗前竭蹶盤餐出蕭條鬢髮卷
戒兒持白璧繩祖守青氈舊烈中丞在新恩太史傳
萱枝坐七十桃實卜三千彤管書難盡樓門望偉然
頌嘉招同繼武六皆桐崖子靜周子重嚮升六
趙武管張敦復吳意輔夜集獨笑亭分韻二

首

小亭臨獨樹疏快得吾儕臘近春生食簾開月到階
夜寒宜博弈官冷任談諧豈更嫌真率高歌見縈懷

又

連宵渾是醉衣上酒痕畱笑語狂夫慣盤餐小婦謀

百尺梧桐閣集卷八

香

煮魚供晚飯剝果作嘉羞坐客尋常滿空尊莫謾愁

補裘歌

長安豪賢能食牛飽腹向人矜衣裘田文狐白不足
數相如鸛鵲良可羞厮養下隸被貂尾賣珠小兒穿
雉頭羔羊之皮大夫好輕薄紛紛弃如艸鹿裘墊服
人不聞羊裘老子尋常少千狐之腋亦云熱猶說何
曾敵風雪黃金如斗換一毛市上貧民衣似鐵我有
敝裘行自披蒙茸最怕西風吹呼奴爲我細補綴猶
似光輝初買時此裘著我三年久驢背駛來京洛走
墊宿曾露茅店霜夜酣半染旂亭酒豈知新故一朝
異幾回欲典無人視誰道新衣勝故衣故者如新那

可弃

病中三首

筋力秋方健呻吟臘又增臥寒知寢安病久覺人憎
減藥心空切加餐願未能偶然譚服氣令我與飛騰
時馬員嶠與頌
嘉來譚服氣

又

一病忘饑渴常時我狡饒只因關肺胃遂爾異酸醎
食物妨新忌方書檢舊函年來搖落甚生事託長鑱

又

帝里誰知藥青囊出繁交伏靈尋曰黃方法借書鈔
病減先妨酒春回暫遠庖養生吾最拙中散漫相嘲

百尺梧桐閣集卷八

香

阮亭先生在顧兼惠淺賦謝

除卻愁中卽病中夜淩厥見藥盧紅醫方但說淺靈
好酒債其如篋筒空問訊頻勞過牖北封題重荷出
遼東蒼茫汎愛人何限只有先生意不窮

病起四首

人逢春漸起病與歲俱除看鏡顏都瘦瘳瘳牀步轉徐
食香思臘味盤絲愛冬菹十日纔飽粥翻匙滑有餘

又

一室真容我經旬只拚屏映窗餘積霰分暝僭晴暉
病眼看書澀饑腸得食微誰憐身軀弱傍晚自添衣

又

尋常驚早起未曉入宮門趨走身成疾悲涼淚自吞
連朝方穩睡襟被覺奇溫始信閒中好微官不足論

又

鐘聲催日莫燭影照人孤臘盡歸寒鴈春回感夜烏
二年羈北關八口隔東吳信有貧兼病蕭條意緒枯

迎春

青陽節序記揚州東觀迎春作勝游十里珠簾齊障
日千家紅粉盡登樓雕鞍細馬馱官妓綵仗銀幡送
土牛遠憶辛盤生菜美異鄉風景只悠悠

立春

忽忽四回頻送臘茫茫一歲兩逢春依然趨走塵中

百尺梧桐閣集卷八

美

客浪說絲綸閣下人地冷何曾夢信轉風和但覺鳥
號新鄉關不用思千里翅米還須醉百巡

送宗袞歸里

去年蕭寺逢君住黃葉吟詩每共行殘雪雙松孤月
迴妙香五夜一燈明著書戡令千人廢及第名教兩
郡爭才子由來南北重不須驚倒魯諸生

上元夫人

上元夫人三髻高身披青錦赤霜袍密香邀入西池
燕摘得千年曼倩桃

衛夫人

任城神女衛琴存南嶽天台養道尊八十年生二

子僊人原自出閨門

謝康臣送果物

閩中小果偏能綠江上霜橙作意黃宿酒半醒茶正
熱依稀風味似南方

除夕

滿城擊鼓誰堪聽獨坐焚香自可憐春色催來寒漏
裏鄉心結在燭琴前思親迢遞空千里看曆蹉跎又
一年不是家貧勞負米官將微祿換耕田

百尺梧桐閣集卷八終

百尺梧桐閣集卷八

老

百尺梧桐閣集卷九目錄

古今體詩

元日二首

人日前一夜飲康臣寓齋止宿卽和原韻三首

元夜寓直觀 禁中放爆竹歌

答頌嘉二絕句

轉侍郎觀余元夜入直長歌卽題四韻見贈奉

和二首

兩御史歌

送念蒿先生歸荊州

送黔撫

百尺梧桐閣集卷九目錄

一

清明同繼武康臣武曾升六頌嘉子靜莖集送

錫邕之揚州四首

寄櫟園少司農兼送雪客歸金陵

聞生子消息四首

史子修編修謝瞻在侍御招同諸子飲慈仁寺

海棠下二首

送曾青黎歸江西省母兼簡令兄庭聞三首

奉送柏鄉公致政歸里二首

周子重編修王子厚給事攜酒邀同諸年丈飲

谿園得谿字二首

頌嘉移寓時迎母夫人舟初至賦贈二首

送高念祖二首

顧菴先生同程崑崙劉咬度青黎雪客陶季集

子靜邸齋限韻二首

南苑雜詠十首

贈王太常

移寓後讀嚴就斯侍讀新詩率題

移寓寄叔定家兄和來韻二首

仁趾寄墨走筆謝之

寄邵孝威

寄定九

捕賊行爲侍御夏公賦

百尺梧桐閣集卷九目錄

二

喜晤施尙白大參卽送歸宣城二首

送尙白大參游嵩山得樹字

雨後夜集同顧菴先生青嶼侍御宋玉叔觀察

沈繹堂翰林西樵考功阮亭先生陶季康臣

頌嘉子靜再送尙白游嵩山分韻二首

夜聞鄰女琵琶同陶季作

病中簡陶季

曉雨

擬古

題雪客畫像山水卷子歌

送張簪山學士歸廬陵三首

奉贈大宗伯宛平王公二十二韻兼呈大司空
贈史金吾

寄贈張杞園兼索篆刻二首

陶季客曲陽寄示嶽廟詩賦答

薛吳孟舉

題西樵考功三舟圖

子靜有見甫十歲能作家書竝寄所爲文一卷

余見而喜爲作此詩

與子靜同日得家信

五更

除夕前一日賣文得貲卽命僕治具自嘲二首

除夕

百尺梧桐閣集卷九目錄

三

百尺梧桐閣集卷九目錄終

百尺梧桐閣集卷九

揚州 汪 懋麟

古今體詩自辛未歲正月
起至十二月止

元日二首

城上晴雲拂曙煙參差車騎鳳樓前宮門宇貼宜春
徧殿角旂翻曉日縣絕域枌航歸大統裁冠拜舞見
朝鮮東方割肉非吾事嬾醉金盤玉膾筵

往年元日寒猶甚今歲晴光暖異常凍雪已消三五
尺香醪拌醉六千場離家已自同飄梗久客公然似
故鄉也欲金錢邀錦瑟何令杜甫獨清狂

人日前一夜飲康臣寓齋止宿卽和原韻三首

百尺梧桐閣集卷九

高齋幽興熟時命小車來三徑客余過雙扉豈浪開
盤齊春夜韭杯汎越江醅笑對山陰客何須掉雪回

又

年萼重建夾節序又逢人可耐春驚眼唯拌酒及脣
烏皮香滿几白氎煥宜巾似我忘形少經過不隔旬

又

初月光猶淺春風五六朝笛聲何歷歷夜色自寥寥
楊柳搖秦塞梅萼落渭橋平生腸斷處無那是今宵

元夜寓直觀 禁中放弩火歌

明月如輪碾金殿濛濛玉露坐深院萬里高天無片
雲鳳皇城關分明見此時 禁庭人影稀但聽銅龍

下銀箭忽然天樂來九霄耳邊鬚髯聞簫韶步輦從
容出復道簫鐙的皜明春宵藉黃盤龍覆御榻羽
林排列皆騰驍便殿前頭竿百丈綠繩高繫青天上
銀弩火樹齊開張珠斗明星盡奔放金鷲赤鳳無不
有玉女僊人各奇狀雲中寶塔何遑我海上蜃樓起
煙浪更有奇學次第縣千枝墮地生金蓮火山吞吐
走日月急如萬弩離箭弦爆竹聲中作碎歷又如鐵
馬攻戰相回旋夜靜笙歌轉清徹伶人按樂聲呼絕
一回等放樂一停此曲人間豈能竊何意良宵子細
聽果然妙舞霓裳月羽騎傳呼聞返駕鐘鼓樓前
已三下飄若浮雲風雨過萬點鐙光一時謝獨倚危
闌似寢中月影沉沉轉臺榭

答頌嘉二絕句

百丈銀篴滿上林微郎端坐五雲深宮中樂事人知
少聽罷雲璈復醉吟

天街月白鐙明處小閣香濃酒熟時試問能詩轡子
建可會賦就上元詞

和二首

月傍丹霄影更明風搖金鑰動西清雲中鐙火雙龍
馭天上笙簫五鳳城幸藉恩波瞻夜色媿無詞賦
奏新聲侍郎自有詩如錦笑染霜豪紀太平

每同大宋入端明春殿迢迢盡漏清傳說試鐙過
禁院何期聽樂到僊城酒徒嬾艸黃麻詔才子齊高
白鐙聲已識陽春原寡和敢從晨夕數生平

兩御史歌

柏府森森稱御史盛名者誰唯二子驄馬銀鞍新鑿
蹕走過市上行人止鳥雀低回不敢飛狐狸竄逐皆
披靡殿前執法面有霜門內著書心似水抗疏寧論
公相噴讜言獨令天顏喜獨邪誅佞權賢藏薦賢
舉直山林起汲黯謀深人不聞賈生太息誰能比長
安五城豪滑多兩君來時盡鞭撻始信御史自有真
寒蟬仗馬皆虛爾小小封章豈足爭煌煌廟議須人
指卻看兩鳳高岡顛何異雙龍碧雲裏一子吾同籍
一子吾同里文章諫諍俱堪美願爲作歌警庸鄙自
顧胡爲因泥滓聞君之風吾媿矣

送念菴先生歸荊州

一聲何處催春鳥春風未綠青門艸身游北闕懷東
臯漫卷殘書坐清曉長須老奴持扎來報道先生明
日回尺素如蠅百千字令我展讀心喪回苦言吾徒
不喜俗豈知反遭俗眼辱不如混迹隨流波誰向泥
沙辨金玉又言作活生計疏蠹魚乾死囊中書富貴
何曾必識字紛紛屠狗皆高車我聞此語動感激嗟
壺怒向牀頭擊尚有三百青銅錢且與先生沽酒與

金齋飽食抵羔豚玉塵清譚勝筍笛此味長安知者
稀朝趨侯門昏夜歸大言向人肆驕態豈識榮華還
是非唯有先生樂恬澹深淵驪龍不肖探驅馬還辭
燕市塵挂颿再挽湘仁纜湘仁舜婦號最悲巴山月
落等滿枝到家新釀久已熟仁上鱗魚初賣時

送黔撫

朝廷重嚴疆屏翰在諸路安危指掌間唯此大節度
控御非親臣旄鉞不肖付廓爾牂牁郡險塞孰敢赴
蠻谿箭弩急窮山齒牙布羣苗雜種類窟穴竄狐兔
有如蝨蠹屯爬搔莫能捨黔中舊洞敵軍興稅無數
芻糗從何出艱難八郡賦 帝曰汝往哉庶幾免南

百尺梧桐閣集卷九

四

顧惟公富才傑早年領駕驚出撫豈常例建牙實寵
遇古來名公卿邊勲往往樹土境非全荒風景亦襟
襟靈泉甘且清石門迴回步竹箭美可采丹砂顏可
駐謝柳有高文川谷愜幽趣教化須臾行簿牘豈能
汗威信繫番長創痍起婦孺功成報 九重允錫以
大輅出歌東山詩入獻天保句壯年取將相黑頭豈
云莫

清明同繼武康臣武曾升六頌嘉子靜楚集送

錫鬯之揚州四首

春溪始見柳如絲不看壇松又四年爲客最憐寒食
節送君愁煞落等天

今年二月已春分白恰單衣暖氣熏欲唱渭城誰進
酒綠楊樓外見紅裙

揚州勝事滿林臯此去猶能賞碧桃無數畫簾鉤落

日一湖春水漾輕篙

君行試訪吾家仲等滿閒園蝶亂飛若問京華顛顚

狀爲言小弟只思歸

寄櫟園少司農兼送雪客歸金陵

讀書高樓幾千尺樓陰下枕清谿碧面揖南朝無數
山四時雲氣生虛白先生卷簾樓上頭獨立看山自
朝夕平生好詩兼好畫尤愛圖書與金石構買不惜
傾家貲盡是前人好手蹟山川患難不肖離始信先

百尺梧桐閣集卷九

五

生有真癖早年事業多恢奇許身管葛千人碎已樹
竿祐山頭碑再掌蕭何府中籍豈意青蠅飛滿眼遂
教白髮坐過領匹馬來看岱嶽雲一官又返鍾山宅
風濤宦海理有之何用嗷嗷罵門客有書可讀詩可
吟萬事從勞挂句隔人生甲子休浪過如此朱顏亦
堪惜世情翻覆原轉環況復長安事如弈我別先生
仁水頭相逢令子燕山陌執手問訊何所爲卻道高
懷勝儔咎雄誇酒賦老益神傲兀林泉意多適側耳
令我發狂叫自顧胡爲苦偏窄此身一陷泥溝間巢
鷺何能奮毛翮君歸道我語家尊行路崎嶇半蠶蟄
心有戢氣口直言那怪騰軒遭貶斥不如且酌春仁

萬斛水高築糟丘釀僊液好待吾徒醉百場千秋萬
世名何益

聞生子消息四首

家遠殘春外書來上已時開函先失喜應卜果生兒
愚魯真吾願公卿未敢期佗年稍識字好誦老夫詩

又

常時湯餅會此日只空聞寥落爲羈客艱難仗細君
犀錢誰送與玉果爾平分試問蘭曾寢多應水涇涓

又

忽忽過三十飄飄又一年此兒生投晚諸女已隨肩
學繡紅窗下含飴白髮前庭闈有真樂何事別林泉

百尺梧桐閣集卷九

六

海棠下二首

官冷疏親愛何能盡室攜春歸馮婦怨客久憶兒唬
香篋衣頻典蘭闥月再低食貧兼惜別慙媿說斜齊

又

鳥唬春寺靜客到酒梧香新綠霑階艸輕紅破海棠
席移等嫋娜人醉月昏黃卻笑長安道軒車故故忙

送會青黎歸仁西省母兼簡令兄庭聞三首

又

烏衣經喪亂白柄學耕田被褐憐公子爲農傲世賢
偶違將母願來索賣文錢負米行歌去章仁萬樹煙

奉送柏鄉公致政歸里二首

兩兄名藉甚游迹幾時還聞道高奇節新來想入山
飛騰墮壯志定省隔慈顏未許匡廬隱君歸尚可攀

百尺梧桐閣集卷九

七

功成曾見幾人歸帝眷方隆遽拂衣采藥已蒙優
詔許尋山不與策心違久將經術登黃閣暫卷絲綸

谿園得谿字二首

壻碧磯只恐聖朝思舊相松風未穩御書飛
忽聞拜疏請歸田赤鳥難留五鳳前趨走舊隨羣吏

又

拙文章淡荷相公憐自今韓愈書慵上還惜扶風學
未傳祖帳青門同悵別落鸞飛絮撲離筵

周子重編修王子厚給事攜酒邀同諸年丈飲

曲巷一園僻頻來聽鳥唬鹿盧分細水宛轉下回谿
風入虛堂靜等開小樹齊此中幽賞足況復酒雙攜

無事消長晝疏簾日漸西園基臨小閣學射過前谿
酒讓青蓮賦詩催白社題夜開扶上馬不省醉如泥

頌嘉移寓時迎母夫人舟初至賦贈二首

復就考功第何來賃屋錢聊爲消暑住耐可撥書眠
昨日故鄉信南風江上船好迎坐白母剝筍及烹鮮

又

知君存舊業池館領仁陰何事耽微祿翻然去故林
客居栽竹少鄉井落等淡念我猶三市栖栖廡下吟

送高念祖二首

一春無片雨四月只飛沙毒日熏枯艸驚風卷落萼
殊方艱作客游子好還家此去經吳苑多應挽釣查

又

夜歸呼翦燭醉裏誦君詩卻恨將離速翻嫌會面遲

百尺梧桐閣集卷九

八

官貧雞黍缺性嬾友朋疑若遇吾兄問蕭條病起時
顧菴先生同程崑崙劉峻度青黎雪客陶季集

子靜邸齋限韻二首

藉萼開處江南別榴葉坐時薊北逢徧賜湖山公未
老不勝貧病我全慵坐中從印文瀾闊世外休嫌酒

態濃況有紛紛詞賦客不須愁打禁門鐘

鬱蒸艸木已全凋平地風沙卷碧霄

是日何處避誰

尋砌壑可憐羈客半鷓鴣瓦盆麤飯畱賓坐白塵清

譚入夜遙只有吾徒疏放好憂時原不責漁樵

南苑雜詠十首

豹尾鸞旂小隊閒羽林一萬下西山半天忽聽金鏡

發知是甘泉夜獵還

萬馬從圍不敢馳翠萼搖曳日邊移忽看一騎彎弓
出射殺如拳小菟兒

周遭南苑總荒落舊館新宮相望開疏快但看驅馬
地蒼茫何處踰鷹臺

千株楊柳弱迎風行殿回牆映日紅見說此中堪避
暑六龍不駐九成宮

高低毳帳倚晴空日莫平原草燒紅夜靜馬嘶人不
語漏聲遙在翠微中

玉盃酌漿朝獻酪金盤作食晚燒羊腐儒情性原麤
糲珍重尊前試一嘗

百尺梧桐閣集卷九

九

平頭身手最稱強禿衰橫袂鐵襦褊倒折楊枝鞭白
馬跨鞍不用紫游韁

日落平川校射時要橫大羽箭三枝從容中得坐楊

葉笑挽彫弓上馬騎

萬里天河莫色冥紅旂風卷夜聞鈴巨羅滿酌西涼
酒醉倚營前看大星

幾日沿郊看打圍無邊風露冷霑衣何曾獻得長楊
賦匹馬青山冒雨歸

贈王太常

經術相門舊風流江左稀園林開綠埜子弟出烏衣
采藥堪投老遺榮早息機還聞圖畫好不數陸探微

移寓後讀嚴就斯侍讀新詩率題

新貨城南屋蕭疏六月空科頭容我傲敬枕誦君詩
獨樹風過處高窗雨歇時自然冰蠶在何用采仁離
移寓寄叔定家兄和來韻二首

一室高原外雙扉曲巷邊樹從鄰舍得牀與舊書連
坐上求三益梁閒挂百錢自矜無俗物敢謂學前賢

又

老兄時憶弟尺綵下雲邊風雨懷同叔池唐寢惠連
道余文可賣誰料酒無錢猶幸貧非病真能慢世賢
仁趾寄墨走筆謝之

吳生遠寄兩九墨蜀錦爲甬好裝飾開甬把墨三摩

夏大相閣集卷九

翠琉璃硯匣生顏色使我擊下蒼龍飛忽看眼底濃
雲黑管子濡首來相迎褚生拂拭歡無極新安方法
久失真如此險廩那能得魏君殷勤尺綵書道我新
詩實奇特豹囊封識遙相貽豈有歌吟寫千幅吾從
之計難療饑終日營營苦謀食誓將焚硯兼賣書世
上虛名空啣啣君不見今人肥肉大酒乘高車一字
何曾肯相識

寄邵孝威

往管揚州白露天池唐猶有未開蓮此時送客同高
眺無那悲秋是別筵酒伴更知何地會詩名浪得幾
人傳著書能事輸君久顧我羈栖只醉眠

寄定九

夜涼新雨遂驚秋疏樹鳴蟬曲巷幽半榻亂書供伏
枕一聲殘葉蠟登樓懷人幾作東原寢爲客真慙北
地游見說艸堂安穩在芙蓉水榭晚悠悠

捕賊行爲侍御夏公賦

邑小山荒舊多賊鳴梟亂號林晝黑官吏束手不敢
捕驅捉殘黎苦羅織井里蕭條人迹稀二三老穉無
完衣戶籍雖存半爲鬼流亡竄徙何時歸公曰吾民
豈爲盜單騎夜馳走相告賊黨羅拜涕泣陳白此鄉
邨不爲暴紛紛良民買犢耕齊道我公神且明空城
忽增二萬戶四境但聞雞犬聲治盜從來重良吏渤

夏大相閣集卷九

七

海會聞得龔遂但使開誠便革心翻笑縫衣亦多事

喜晤施尙白大參卽送歸宣城二首

吾愛宛陵山秋風幾度還君方在廬嶽不得共躋攀
兩水虛停櫂千峰枉叩關頻年相憶切此會卻開顏
又

京洛豈堪任故鄉心所期夕雲回馬處秋雨渡河時

山縣初嘗舉人家正煮葵竹林情最重不肯老相離

施爲令叔
歸故云

送尙白大參游嵩山得樹字

炎雲苦燒夏涼雨喜新注輕颺灑纖絺庭柯泫殘露
有客思洛川遠覓嵩陽路嵩當天下中四嶽各環附

箕穎自飄簸，磻溪莽奔赴。二室羽翼張，兩嶠鬼神護。
長松與翠柏，偃蓋執分布。玉漿僊館寒，銅鈔神物故。
杖策踞峰頂，頽洞沍雲霧。愚公心愛山，登臨縱高步。
藥畦防寒谷，悚然毛髮互。窄徑緩鶴爭，窮崖樵牧呼。
不知何道士，貝多手自樹。一年三發轡，奇芬散如雨。
僊靈蹟固陳，高人理或遇。懋也荒耽人，塵網入已誤。
空有山水懷，拘官迹牽錮。名山落君手，勝游起我妬。
秋月方如珪，惆悵文通賦。

雨後夜集同顧菴先生青嶼侍御宋玉叔觀察
沈繹堂翰林西樵考功阮亭先生陶季康臣
頌嘉子靜再送尚白游嵩山分韻二首

百尺梧桐閣集卷九

主

一雨滿空秋蟬聲，何處樓涼風起庭樹片月挂城頭。
夜靜絺衣薄，燈明酒氣浮。清言紛四坐，真足傲滄洲。

又

上客皆湖海，萍蹤託帝朝。自然林壑意，何待管弦招。
游說嵩山好，人憐宛水遙。長安有落葉，此夕覺蕭蕭。

夜聞鄰女琵琶同陶季作

瑩瑩縈月光，含煙羅幃風動愁不眠。忽聽纖歌撥銀
甲，美人夜弄鵲絃。我有錦瑟久未莫，朱絲塵網金
鈿落。此夕聲疑碧玉歌，隔等淚斷真珠索。寄語美人
且勿彈，彈之如越閨山難安得解衣滅紅燭。空惜雲
鬟風露寒。

病中簡陶季

謝病人過少思君意轉孤。閒門自蕭瑟，秋雨任荒蕪。
敗葉走空砌，晚煙明藥爐。不堪聞簫葉，向夕急鳴鳴。

曉雨

曉雨滴殘，寢客心空自悽誤。看昏月起，坐待曙鳴曉。
步闌千門，艸衣露十尺泥。年年困趨走，何日遂幽栖。

擬古

誰言碧玉小家女，自顧傾城心獨許。對鏡妝成香坐
熏，臨風舞罷衣輕舉。生小嬌憨等下居，高鬟一尺盤
龍梳。問年四五頗不足，自言二九纔有餘。卻恨春風
破瓜早，卓孌頗頽衣裳綺。一曲初彈雙鳳皇，相如先

百尺梧桐閣集卷九

主

為情顛倒，豈意盈盈秋水長。朱絲難繫雙鴛足，還我
明珠淚霑臆。佇立門前空斷腸。

題雪客畫像山水卷子歌

大梁父子心愛畫，咄嗟此癖何清奇。眼底鑒賞入神
妙，賴古堂中多畫師。雪客天機實幽絕，豐頤廣顙稱
人傑。大口高譚畫與詩，波瀾滾滾江河決。閩中劉生
為寫真，開眸目如巖電真。有神樊子會，公補衣帶臂
吳之後罕其倫。對面古松一百丈，盤挈屈曲多雄壯。
鄒詰何人能爾為，韋偃雖生不相讓。誰寫寒潮萬派
渾，幾拳怪石雲為根。西仁好手吳遠度，落筆能使巖
壑奔其餘。老樹又呀立蛟龍，翻騰雷雨入遠近。點綴

出二高過吉黃葉青楓映仁涯吁噫此圖非一手顧
陸規摹無不有丹青既已羅衆妙況復斯人能不朽
我交讐客呼雲霞爾翁愛我常吞噉豈有香名出幽
谷春風不卉幽蘭等今來長安數相見對酒開軒每
游宴避暑方看六月荷還家忽感三秋燕展圖拂拭
索我題題罷轉令心含悽明日與君遂南北寢繞金
陵煙樹迷

送張簫山學士歸廬陵三首

東觀譚經地年來諫疏多至尊容慈直薄譴野關
河名比匡衡重悲如賈誼何莫將憂國淚輕易灑仁
波

甫尺格欄集卷九

古

又

萬言曾諫獵已荷聖明知被召陳金鑑清風滿玉
輝豈期承寵日遂是犯顏時暫爾違蘭省終煩庠
想坐

又

卑栖憐我拙高望識君遲未接論文席空題悵別詩
人猶稱漢使歸豈爲尊絲舊業官貧少茫茫何所之
奉贈大宗伯死平王公二十二韻兼呈大司空
江左歌王馬簪纓起晉都家風尊太保門賈本司徒
布德先燔券匡時代典樞休元多禮法仲寶更魁梧
制作修經術儀容樹楷模斜簪人盡效散憤態全殊

贈史金吾

服官初拜執金吾廷馭霜清聽夜烏七寶裝來紅韎
韞八駟騎過錦模餽後堂召客開銀食別苑栽粵灌

甫尺格欄集卷九

圭

玉壺一自功成歸少伯埜航紗帽隱洮湖

寄贈張杞園兼索篆刻二首

北海詩人得瞽大坐中氣誼上雲霄時時博雅稱張
載蚪蚪奇文過李潮

我愛青田細石紋摩挲猶帶舊谿雲煩君好手親鉤
畫貌得斯邑古篆文

陶季客曲陽寄示嶽廟詩賦答

恆山饑走老柴桑昨日題詩嶽廟旁四壁畫稱闔立
本前峰碑說蔡中郎名泉一道眞甘乳神艸千莖是
異方此會勝游良不惡何須更苦縣門荒

臚吳孟舉

新來中酒起常遲。放真立學宋詩。孟舉時以宋詩見示落關門愁見鴈。寢同仁上想聽鵬。相逢好訂千秋約。小別還堪十日思。尋陽樓中多秀句。把君一卷足移時。

題西樵考功三舟圖

西湖一掬清淺流。帶兒酒肉紛遨遊。管弦啁嘈聒兩耳。突兀何處來三舟。吁嗟此湖久矣。宋莫樓臺欲盡。柳等落日莫。驪羊放馬歸。唯聽空山噪。饑鶻此時盤。漿陵湖光公與曹。朱齊飛揚三月聽。鶯細雨溼九秋看。月高雲涼卻羨三君好。才思歌樓酒壁時。游戲斷絮零縑落手時。名娼俠客傳名字。公等豈合常仁湖。次

百尺梧桐閣集卷九

七

第飛翻歸

帝都儻憶錢唐舊。游好試向晴窗披此圖。

子靜有兒甫十歲。能作家書並寄所爲文一卷。余見而喜爲作此詩。

我生校爾稱稍長。羨爾生男卻最先。十歲能文真足喜。八行將父轉堪憐。衣裳嬌索京華物。弟妹平分月俸錢。因憶老妻攜弱女。夜寒呵手繡牀前。

與子靜同日得家信

兩家童僕到同時。見爾開函事事宜。霜後木瓜如橘色。雪中湖鱖比銀絲。年豐親健兒知學。命達才高歸未遲。獨我背拈書札看。宋寥空寄數行詩。

五更

夜寒霜重擁紅絰。忽聽雞聲欲曙天。最是內庭封事早。五更催到閣門前。

除夕前一日賣文得貲卽命僕治具自嘲二首

車馬平時總不聞。蕭條門巷冷斜曛。終年趨走無餘祿。除夕蒼黃尙賣文。持付酒家何迫迫。指揮歲事亦紛紛。辛盤柏葉麕能給。賴有詞琴慰細君。青陽偏歲去堂堂。檢點庭廚但雪霜。日下浮名空宋莫。眼前汎愛實蒼茫。踟躕換米等鉅盡。嬾慢逢人筆硯荒。不是尊空思買醉。肯教輕賤視文章。

除夕

百尺梧桐閣集卷九

七

此宵三度客中過。自顧行藏竟若何。百首詩惟今歲少。十分貧校去年多。老親游子思南北。竹葉梅華憶澗阿。人事天時俱艸艸。不堪仕學兩蹉跎。

百尺梧桐閣集卷九終

百尺梧桐閣集卷十目錄

古今體詩

元日

和鄧耜樵副使元日對弈見投二首

十六夜同紀伯紫徐原一徐方虎飲龔大宗伯

西堂對雪醉歌

落盤後二日康臣招同武管頌嘉子靜孟舉小

飲限韻

鶴來歌奉贈侍御喬公兼呈子靜

送孟舉歸石門用昌黎東都遇春韻

唐硯歌爲何蕤晉侍御賦

百尺梧桐閣集卷十目錄

同升六子靜游黑龍潭飲觀中小閣晚過刺梅

園五首

西山雜詩十一首

景帝廢陵二首

王叔觀察招陪梁大司農龔大宗伯西樵阮亭

諸先生集寓園汎舟觀劇達曙作歌

題故太僕宋公益誼堂兼呈王叔

原一編修招同王叔觀察西樵考功阮亭先生

嚴修人米紫來子靜飲西爽樓分韻二首

閨詞四首

送淵公長子歸宣城觀省卻寄二首

題青藤古塢圖贈承篤

感述

題畫爲蒼石

送承篤令錢唐二首

陶季以觀恆嶽廟壁吳道子天宮圖詩見寄病

中賦答

題畫四首

送王叔觀察之任四川二首

七月一日送雪客返白門

戲題扇面畫鞠

七夕

百尺梧桐閣集卷十目錄

飲蕤晉侍御古藤書屋賦贈六首

立秋日過龔宗伯香嚴齋三首

贈施匪莪二首

題武管小影二首

送康臣校士仁南和司農公韻

訊懷詩答孝感學士三首

閨七夕

秋日過就斯學士寓齋畱飲枉贈古詩依韻奉

答

題吳遠度竹邨卷子

無題

辟雍歌贈李渭清張杞園

醉白寄詩見懷依韻答三首

喜豹人至京

送力臣下第歸揚州兼簡師六

貸米

柳湖寺訪宋牧仲兼讀壁上陳其年爲牧仲所

作黃州射虎並靈苑大合樂諸長歌

寢得十二硯

秋日心氣大作虞仲藥我立效作詩記痛兼謝

虞仲

叔定舟次兩兄下第寄詩慰之

百尺梧桐閣集卷十目錄

三

病後移坐南廂適錫鬯過訪

和司農公挽吳夫人八絕句

寓直新館不寐枕上有作

送葉元禮之睢州

內子寄妙栗薑芽詩以答之

喜靈有懷家園寄叔定兄

雪夜頌嘉投詩索和許惠酒走筆賦答用東坡

韻

頌嘉得和詩以酒來餉再答一首

早起聞鄰家木魚聲有懷老母

贈丁畫公行人

哭公趾三兄時聞葬信

贈太僕嚴灝亭先生三首

歲除以黃熟橄欖奉餉司農公

除夕和升六韻三首

百尺梧桐閣集卷十目錄終

東坡閣集卷十目錄

四

百尺梧桐閣集卷十

揚州 汪 懋麟

古今體詩 自壬子歲正月
起至十二月止

元日

忽忽韶光三十過遙遙鄉思二千餘
逡巡名位廿人後倅倪詩書得自如
笑我朝天仍皂帽看侬騎馬曳萼裾
不食賜燕歸來早漫醺新醅剪東蔬

和鄧耦樵副使元日對弈見投二首

無心六博與圍棋
癩拙逢場我備之中酒愛眠嫌晝短
身閒地令覺春遲
寶文豈足償通客看鏡真慙對畫師
時畫工為心迹邇來多迫促
可堪退食訊委蛇

百尺梧桐閣集卷十

元日棄閒便弄基
鄧公豈與俗人空道余酒態如中散
愛爾詩情類左司
京洛人情原莫測
濠梁歸興且應遲
會看秉鉞名藩去
楚水燕雲攪寢思

十六夜同紀伯紫徐原一徐方虎飲龔大宗伯

西堂對雪醉歌

春光初過一十五
昨宵爛熳銀蟾吐
擊鼓燒鐙歡未闌
一夜邊風作寒雨
早起僭馬趨承明
四蹄蹴蹋翻泥土
投筆空邀丞相憐
脫衣且醉向書府
向書愛客開西堂
四圍屏幃玻璃光
虞山之詞十二曲
頗極清麗含宮商
屏上有牧玉研羅酒白似乳
金盤滌鱗甘如羊
淡恬綏綏已終夕
大雪暗窗忽三尺
主人起坐

呼卷簾鐙影銚光兩相射
入聲鍾山塾老神飛揚
與我臬盧呼五白
南州徐子酒令新
當筵博雅驅古人
大呼小史細紀載
偶然一飲堪千春
此時我方卻掃抗懷謝
病尋瑤艸東南砥柱
今為誰若道拂衣公
尙早但願大厦常此
千萬閒我輩公然醉
鄉老落銚後二日
康臣招同武管領嘉
子靜孟舉小

飲限韻

舊年多烜暝正月轉奇寒
酒趁春前飲銚憐
落後看韭芽翻箸滑
橋肉薦膾酸京洛閒人
少何須說夜殘

鶴來歌奉贈侍御喬公兼呈子靜

建業當年號南渡
旌旂攘攘江濤怒
馬阮棄權國事

百尺梧桐閣集卷十

二

非卻僭兵戈別門戶
此時我公稱諫臣
羣小目公為黨人
轉眼滄桑拂衣去
弃官不拜甘坐綸
湖畔逃名躬稼穡
讀書精理深難測
著述辛勤三十年
至今此意無人識
公有艸堂依柘谿
閒來杖笠常獨攜
水田漠漠細魚出
柳陰暗暗春禽曉
自顧居然巖壑狀
畫師摹寫神惆悵
正貌雙瞳粉絹中
忽看一鶴青天上
盤旋磊落來庭中
一聲高唳陵秋空
銜書報客不肯去
似愛先生多紫風
此事流傳人所羨
蒼顏白羽同留戀
我公自是神僊人
跨鹿騎龍幾曾見
余與令子同青雲
平生梗槩常熟聞
出處大節所當述
區區羽毛何足云
猶記我公閒歇做
說到權門事堪悼
成行

孔雀養婦人墜面投簪罵馮道公常言南漢時有無時以婦

送孟舉歸石門用昌黎東都過春韻

元音久宋莫繚轡敢爭競蟬蛩聒雜亂互相映
醜婦強刻畫自謂顏色靚比戶講風雅實爲聲律病
州錢有吳子挺才果奇橫學古具濫識眦目耀雙鏡
藏書富倚頓一一手批評論詩喜宋人豈獨唐爲盛
吐詞洵驚衆俗耳不敢聽撥絃一百家寢興廢朝暝
論斷小序嚴簡潔頗易省接羅盡遺逸遂使兩宋啓
作者雖醇疵采風有變正余嬾困束縛有如虎蹈弄
低頭恥搖尾漸失強悍性出處偶銷料老女誤受聘

百尺梧桐閣集卷十

三

揮手羨子歸扁舟好游汎春山幽復淡語水綠且淨
攜筐見采桑弄杼聞織經去聲子本吳越雄漫浪甘
斥遊還家當豔陽樂事一時竝念此神飛揚令我妒
吳孟吟詩呼狂狷飲酒辨賢聖壯觀河嶽歸筆力更
遒勁示我舟行記山川與時令婦子嬰笑迎作食舉
案敬山居果然樂功名薄建慶君才辟萬夫奈何艱
一命努力期重來千秋與子竟

唐硯歌爲何挺音侍御賦

海內士人紛學書筆力盤挈幾人擅春蚓秋蛇不足
論畫柳摹顏枉爭衡南人已失藝亭神北客虛摹孟
津面才人挺出爲央湖健筆揮來鸚鵡硯學書但喜

米襄陽風雨從橫飽酣戰豈必瘞瘦方通神體執開
畧光如練食中禿盡鼠須豪案前堆落鸞谿絹古藤
書屋清且幽歷亂藤篁覆潑院朝回呼我開玉缸彝
鼎圖書雜芳蕪手持一石青玉紋流傳出自開元殿
形模璧月箔薛優篆繡鐫鏡凸凹善于鱗之贊衛山
書一日三摩實堪羨龍尾鳳尾靈妖公古瓦銅臺土
夢變如何神物千餘年玉匣深藏避雷電因君用筆
牛弩彊故使彎弓得長箭媿余書法何足知驚馬臨
戎氣先顛把君古硯從容嚙敢謂題詩足傳徧

同升六子靜游黑龍潭飲觀中小閣晚過刺梅

圓五首

百尺梧桐閣集卷十

四

晏起少人事況當風日晴送寒烏帽重乍暖袷衣輕
忽有空潭與相邀酒伴行纔臨疏快地倦眼一時明

又

莽莽虛壇靜陰陰積翠濃到來非聽鳥坐久爲看松
無甌通流水空傳有壽龍高低原上冢山鬼歎殘鐘

又

小閣臨空閣虛窗總不開遙迤瞻北闕明滅見西山
已倦鳴珂入常思策杖還浮名隨世上吾意在真閒

又

北地風光異年年負好春夢時無碧艸晴日有黃塵
墊歎空狂客轡車困賢人從來麋鹿性軒冕不能馴

落日下高臺回車看刺梅春風自駘蕩鸞藥不會開
攜酒思前度尋松感再來長安林壑少此地足銜杯

策馬出平蕪晴嵐近可呼過橋
逖石徑入寺問樵夫
埜色春將莫山程日未晡
停鞭筋力倦款款杖堪扶

何限前朝寺香山此最幽裂雲開絕壁架壑起層樓
萬槩經過後雙泉空自流欲收京邑勝袞袞到峰頭

孤月照千山高窗靜不關春星懸樹杪石溜落谿灣

百尺梧桐閣集卷一

五

樵唱風吹斷經聲夜誦閒翻憐城市裏終夕酒桮閒

轉偕雛僧引來穿石墜斜叩門山犬吠禮佛繡幢遮
松檜臨階長丁香滿院萼從來幽僻地總屬法王家

春寺艸蕭蕭松陰覆小橋泉香沉荇葉零落黠魚苗
投餌貪心見觀身靜慮消石闌閒倚徧清磬數聲遙

宋宋此空谷荒荒一艸亭細泉當檻落亂竹向人青
白石猶堪把紅塵且暫停飛翻無限意回首一時醒

又

又
嶙峋逢石壁杳渺見空潭雲氣生虛白波光倒敲藍
落岑時點點新柳亦氍毹境僻愁湮沒何人有一探

一道山泉響周遭總白楊鳳樓傷賢主龍種葬諸王
粉蜨飛荒殿山篲倚廢廊樵蘇新有禁流涕讀

探幽意無盡日莫不知歸山雨颯然至禪房昏掩扉
怪松栖鳥亂滾殿住僧稀下馬且投宿殘萼霑客衣

地冷墜難著一鐙猶自明山中添夜雨
外有泉聲

百尺梧桐閣集卷十

六

已覺莫鐘動還聞疏磬鳴塵衿此俱滌靜裏得心清

雨洗平原淨春漲細艸齊
塹禽迎客起倦馬望城嘶
種麥青盈畝澆蔬水半谿
只緣耽塹趣何暇惜霑泥

景帝廢陵二首

山雨淋漓殿瓦荒，泉聲哀咽繞宮牆。千秋社稷悲忠

肅四尺孤墳葬景皇輦道寢門俱宋莫玉魚金盃亦

淒涼不如奴僕埋幽地
祠樹碑陰尙鬱蒼

間基道

懊惱南城樹已荒何人封事築回牆當年若肯稱監

國沒世應須謚讓皇一穴龍冢終斷絕兩株荆樹起

悲涼我思季扎真千古惆悵陵園曉色蒼

玉叔觀察招陪梁大司農龔大宗伯西樵阮亭

諸先生集寓園汎舟觀劇達曙作歌

白日當天春晝遙落等如雲紛紛飄飄蜜蠶胡蝶各上下鳴鳩乳燕何矜驕方唐流水綠於染細艸如髮沿谿橋宋侯好奇復好客一舟新駕雙蘭橈中流盪漾發絲竹琉璃破碎波光搖北方老不識舟楫觀者夾岸爭譁置自客京都少水戲身輕忽喜乘春潮夕陽回枕上陂岸畫堂官燭青煙燒金壺美醞堆碧色玉盤春蕭生紅臙梨園法部奏新曲龜年賀老同招邀酒闌感激黨人事永康閣寺真鳴泉元禮孟博意氣盡指模之譽空名標衰世未殺總善類法吏那得逢

市尺梧樹閣集卷十

七

臯陶宋侯當日苦蟻螫悲歌謔浪皆無聊今復秉節按蠻郡束馬秦棧車連鑣歡樂幾時悵離別磊塊直用千栢澆羽聲慘慘曲且止急喚秦宮翻六么細撥阮咸唱明月羅衣醉臥瓊瑜嬌誰能無情聽忘倦城頭銀箭催終宵東方已高客未去數點春星明絳霄

題故太僕宋公益詠堂兼呈玉叔

良牧既已遠吏道日復惡澤民本未濫一往迹便削祠宇猶巉峨碑陰亦勿魄俎豆未及陳廢馬已交錯朱公清豐宰沒世享康爵居民記生辰祠前走老弱磨刀向豬羊棗棗及葵藿坎坎擊社鼓百戲無不作醺酒再拜言公乎不我卻我公澤在清清固公所樂

細管下車初民俗方穉薄公賴倚豪橫椎埋恣飲博黨連白擗手飛挺逞擊搏長喙啄平民饑鷹捎羣雀奪女傾鄉鄰劫人斷城郭我公甫下令渠魁已面縛杖殺當縣門餘黨悉歸約異績非一端神明頌如灼自此風俗醇讀書習耕鑿遺愛四十載思公尙如昨公子祠下過父老擁歡躍見子如見公儋酒勸澆酌開函示畫像拭淚競華索公像請此畱公祠亦增廓棧橋易朽黑檐楹盡丹腹撫茲階下棠千秋敢零落觀察有盛名文章光冥漠賢吏必有後天心此云託系詩諷有位慎勿肆貪虐

原一編修招同玉叔觀察西樵考功阮亭先生

市尺梧樹閣集卷十

八

嚴修人米紫來子靜飲西爽樓分韻二首

落日下城邊春波繞檻前一行官柳密幾點浴鵑圓耐可鉤簾坐眞空撥食眠樓西有山色向夕起蒼煙

又

穀雨前朝過梨夢滿院淡綠陰春宋宋紅燭漏沉沉詩倚顛狂作栢須激濫斟畱歡對徐孺那得不開衿

閨詞四首

初試輕衫四月天曉來臨鏡喚郎前小時只愛簪枝好爲看新梳鬢影偏
食繡鴛央錦翼舒卻呼侍女去亭魚日長儘有閒鍼綫消得郎君一寸書

紅燭高燒倒玉鉗繡牀斜倚影亭亭道郎吟句如弦
管自擊文犀徹夜聽

綠窗幽靜日斜時小病慵添睡起遲自襲名香拈玉
管坐人初上學吟詩

送淵公長子歸宣城親省卻寄二首

石鼓奇文讀罷歸時時清寢繞庭關翁過五十如三
十母卸羅衣只布衣丹穴幾雛舒鳳翼碧山二老坐
漁磯還家好獻春臺酒橋下琴高鯉正肥

吟詩才子都官舊偕隱夫人越國賢斗酒雙行等樹
下道書共展繡窗前閨中誰更如桓少世上人爭印
鮑宣知爾閒居種瑤艸敬亭山月正清圓

題青藤古塢圖贈承篤

古藤坐坐幾千丈絲枝密葉茅檐上溜雨全遮薜荔
陰盤雲半偃蚪龍狀此中著書清且閒煙蘿香謁庭
戶閒已知阮籍工長歎更喜劉伶善閉關繞屋但聞
谿水急下簾不放纖塵入天外雙峰落幔飛階前一
鶴當門立主人原是鳳鸞姿青藤白石漫吟詩行看
潘岳栽筇去莫學梁鴻賦五噫

感述

原憲蕭條揜筆門殘書數卷度朝昏不知宣室何人
對直把長貧達至尊

題畫爲蒼石

臨江獨樹夜停舟誰倚蓬窗對暮秋苦竹荒祠湘水
闊鴈羣飛過荻蘆洲

送承篤令錢唐二首

白蘇曾作守遺愛有長隄舊樹何人折殘鶯空盡曉
君行須種柳暇日竝疏谿南北高峰在新詩任醉題

又

北關身從繫西泠願未酬寢縣三竺外心豔六橋頭
黃紙行拋去青驢可縱游相期湖水上就爾偕扁舟
陶季以觀恆嶽廟壁吳道子天宮圖詩見寄病

中賦答

如此畫長唯伏枕荒涼老屋卷簾遲書籤觸目從誰

帙藥裏驚心手自持正有東湖高士寢忽傳北嶽畫
圖詩狂吟頓覺身騰蹕髣髴僊靈入望奇

題畫四首

青荷如鏡貼江瀕高柳鳴蟬入夏新長日水亭無一
事卷簾閒看打魚人

白雲回合擁千峰宋宋丹青埜寺濃谿上老翁行腳
倦聽泉獨坐兩三松

寒山落木轉蒼翠流水孤雲正寥寥地僻自然無客
到數聲黃葉下谿橋

一翁嬾慢已無堪艸閣陰森向水南馮几靜看枯樹
坐谿聲瀟瀟響空潭

天險從來古益州。兩川風物自千秋。銅梁玉壘巉峨見錦水。珠仁曲折流何處。綺羅等第宅。一時賓客海棠樓。當年楊馬今寥落。盡把文章與宋侯。

百戰成都叫子騫。風光可似管弦時。停車先訪文翁化。爲政須尋張詠祠。濯錦仁頭行對月。浣笄谿上坐題詩。知君飲水多清節。飽食無妨選荔支。

洛州產荔枝。實如所

銀河西轉露華流江鴈催君下石頭何事將離閣落
葉可憐今日是新秋

此嚕

涪州產最
佳資妃所

戲題扇面畫菊

土

娉藥嬌紅閒淺黃一枝冷豔不勝霜秋夢也似春夢
好鉤引憐香粉蝶狂

七夕

一番疏雨。娛涼多抹麗。風飄蛺蝶。羅食看雙星移碧。
漢不知纖月。墮銀河。流螢欲度。慵回扇。綿愁低揉醉。
聽歌最是。茶瓜好時節。三年總向客中過。

飲蕤音侍御古藤書屋賦贈六首

莫厭相過數青藤絕可憐去秋曾聽雨今夏復聞蟬
密葉坐高檻涼風送莫天滿前林壑意美酒況如泉

又

似此蚪枝少端景百歲餘護持傳太傅燕賞慨尙童
 孺餌自息詩全公上有龔宗伯題題甬得清陰在重爲水部居無情唯
 艸木亦自戀蕭疏

又

蘄北秋蘭少三年一見奇裝滋培舊本等放得新枝
梧竹還相閒琴尊山石空翻疑在吳越岸幘晚涼時

又

柱史紛紛是君名衆山讓艸書臨海嶽舊硯洗開元
封事知何限庸人未敢言退朝攀樹下書卷滿前軒

又

更有熏籠癖金猊出後堂盧精宣德字餅炙令公香

百尺梧桐閣集卷十

上

又

酒渴吾先醉。譚諧夜未歸。倩人穿艸履。時主人若我涼屐不省著荷衣。蘿薜鐙光亂。庭階露氣微。若非君好客。嬾慢款朱扉。

立秋

立秋日過龔宗伯香巖齋三首

時宗伯病起奉溫綸調攝

長安種樹少梧桐秋信空傳落葉風萬里涼颼蘇酒
病一簾薄露溼鳴蟲藥將鳩鵲渡宮裏人起芙蓉小

斗柄正須極北轉絲且莫憶江東

東

苦欲還山書再上 君恩未許卽江湖
幾回優詔從容答自是名臣禮遇外
鬢髮憂時知漸改衣裳禁冷

容答自是名臣禮遇外鬢髮變時知漸改衣裳禁冷

覓新癡耽吟舊態何曾減猶點湘豪對藥廬
吐握如公豈爲名天存吾道秉持衡共知出處關時
運卻喜攀畱切 聖情風露漫勞趨闕早茶瓜且復
對秋清 君王日賜金光艸好望蘭臺制作成

贈施匪莪二首

施工集句有唐詩
韻雅諸善行世

魁梧蘊藉幾人同手集新詩句句工驅遣萬言來筆
底畱傳四韻滿囊中豈如俗學矜奇字真與前賢有
大功白首辛勤書卷裏誰憐執戟老楊雄
城西迢遰城東路盡日尋君駐小車秋艸滿庭窺莫
雀名香一榻擁殘書謹闕地說等兒市宋莫官同隱
士廬卻喜卻前新有後詩傳仁鮑體何如

東坡集卷十

七

題武營小影二首

炯炯方瞳碧水流秋鸞錦石任科頭手持紫玉吟詩
坐不數山陽趙倚樓
作達唯須學信陵婦人醇酒興堪樂君家三婦鳴箏
好淡粉濃脂寫未曾

送康臣按士仁南和司農公韻

君去龍門試錦袍絳紗淡拚待揮豪秦淮一道珠簾
卷棘院三夏蠟苴高香滿雨等閒桂樹歌聞桃葉聲
秋濤江東玉筍年來勝珍重湘靈識舉毫

訊懷詩答孝感學士三首

束髮事經書所志在達道不有死章句流日覽大要

伐檀置河干頗爲世俗笑窮居困負米千祿希近效
豈期墮塵網出處已錯料低眉學趨走解帶欲狂叫
激心觀古人踈競悔年少圖史有妙理足以恣吟歎
爵服不足侈浮名豈須釣抱茲千秋心守身期自好

又

掀波莫可挽滾滾江河流夸名而躋行被服譚孔周
正學絕如縷士氣趨熟苟可致富賢何惜爲僇僕
楚疆有偉人挺節何修修清風起頑懦匡翼懷淡憂
閭閻具卓識詭怪皆遠投夏令夏畦輩肅然稟金秋
懋也切景行泰嶽雲中浮鄙性亦彊項見公甘低頭
頻年涉吟弄曲藝良足羞有懷探河源欲濟無方舟

東坡集卷十

古

攀車向日南庶幾窮冥搜

又

秋落生席門涼雨曉來過下簾屏衆慮殘書擁高臥
長者忽見臨向我虛堂坐正衿出相迎清言四飄播
學道願努力豈復歎窮餓自顧方泥塗公才已王佐
寒蟲時一鳴空谷得誰和松柏冑下坐女蘿已淩荷
感此折節心永懷不敢惰

閏七夕

金風玉露更悠悠落葉依然在井頭翠羽還填新鶴
駕巧絲仍結舊鍼樓重來不盡前宵意再別翻增後
會愁天帝亦知離思苦願教歲歲兩逢秋

秋日過就斯學士寓齋畱飲枉贈古詩依韻奉

答

蟾蜍蝕月精霧露隱朝旭殘星炯炯明爲光亦孤獨
踽踽游朝市悔不入浚谷羊皮計未工牛角書枉讀
何爲學磬折換此粟五斛傲兀不曉事直往不冒曲
乃受嚴光知下交時往復清晨登君堂斗酒具何速
把我一卷詩呼童埽書屋雞黍次第陳雋味雜嘉藪
苦言薊酒薄烏程好醇醪相期結真率講道謝曉俗
清言恣汗漫庶幾洗握齲庸人保祿位至老猶不足
緘口被簪紱搖手說松菊君抱濟世才遭逢非侷促
賦詩感 帝王已得快所欲我屢今嬾曳有帶亦羞
束袞袞公與侯僻倪恥挂目鴻鵠盤蒼冥廉鹿走巖
麓違性陟艱險希榮適招辱以此守吾繁望古切遙
矚有懷未得舒坐恐兩毛禿與君且爲歡秋霜下庭
綠

題吳遠度竹邨卷子

吳生畫竹非畫竹萬畝空山颭寒玉竹盡山窮見小
橋柴門背水開茅屋屋中何處三老翁一老皂帽衣
獨紅粧艇繫纜酒滿載似約前谿明月東

無題

露壓簾衣小閣幽窗綠綵屏帖網窗油映人碧樹交枝
出弄水紅魚作對游密拆錦書知好信斜窺小婢解

新愁春風意態難拘束暗整簪釵學上頭

辟雍歌贈李渭清張杞園

文武鼓鐘振豐水豐水東注下有芑高坐明堂開辟
雍萬世養賢自茲始爰立成均爲國師太學往往挺
奇士月旦譏評操是非後來濫汙日下矣納粟輸金
入上舍馬醫屠伯皆珠履近來河決兼賑饑減金廣
例庸夫喜士逃學校奴希官皂蓋青袍嚇鄉里拔俊
之典久不聞 詔書初行歲壬子四方未知舉孰贊
山東已得張與李張子蚪須抱異才手弄斯邑秦漢
壘李生古貌如陳黎學偃常人啞峒裏偶然被召騎
瘦驢落葉高吟歇都市兩君俱是非常人騏驎胡爲

本頁尺格樹閣集卷十

太

混泥滓紛紛輕薄方自矜吾徒出金爾何技安得大
農蓄積高如山驅除一洗成均恥

醉白寄詩見懷依韻答三首

年來休訝寄書稀海燕江鴻兩地飛每望秋雲思柳
花其同雨嬌元微君爲客處山當縣我憶家時月
照幃性嬾久嫌車馬地春來定整菱荷衣
天涯朋輩人何限世外心期爾獨知閒閣兩年千里
信低回三首七言詩最慙親老享葵抽依舊春波廢
燕遲撫案王融空宋宋飛騰已讓笑人時
癡想盧鴻栖隱處艸堂前面竹交加去年娶婦衣能
補此後畱髡酒不賒爲欲買山須賣賦未曾種秫且

栽萼佗時杖笠從余訪疏快宜人洵足誇

喜豹人至京

人生如鳥目邊過別君三載習慵惰幾欲作書筆嬾
操兀兀竟同蠅入磨前月聞君將北征欲信不信夜
起坐知君久已絕西笑白首灰心守寒餓豈意翻飛
自天落白翎苦被淄塵泥執手慰問還酸辛自言老
癯厭鞍馱遠游昨自天台還創疥優欺覺孱懦刮毛
龜背墮不成豈向天涯憺顛蹶家有六女兼五男日
辦嫁昏苦無柰故人紛紛散京邑買山十萬錢誰破
黃埃滾滾夾馬乘維還柴車莽軒播高人舊樂泉石
清惡水溝頭臭欲啞抗懷不欲京兆知落葉長安句
羞作君且脫帽坐我室白飯正炊芻已坐薄薄卯酒
共飲之鞠藥新寒朔風大

送力臣下第歸揚州兼簡師六

秋暗滄沱落葉乾又驅羸馬向江干一時共道文章
譽不信斯人遇合難歸路正迎霜月小還家猶及藕
萼團連牀且共編丁卯莫把行藏對鏡看

貸米

舍人長饑救無策寸廩一月米一石大官半歲倉未
開十口嘈嘈急朝夕糟糠養賢古所歎今已不及厮
養役日望斗筲始飽飯只恐遂作溝中瘠厨人晨報
米甌空小市往貸遭薄責折鈿賤值不肖換家人正

苦饑腸窄裹回故繞籬鞠黃慘澹低窺竈煙白年來
北食學啖餅廢春欲磨了無麥妄想白稻兼紫蟹那
得紅和與青餠長須遠貸五斛米對我矜誇有奇畫
主人大笑爾且餐灑掃秋齋招飲客

柳湖寺訪宋牧仲兼設壁上陳其年爲牧仲所

作黃州射虎並雪苑大合樂諸長歌

入寺聞黃葉蕭然似住山秋風滿林外斜日在簾閒
射虎黃州戲徵歌雪苑閒指揮譚舊事壁上誦詩還

寢得十二硯

秋室病臥睡無著忽然寢得十二硯巨璞一一禹所
鑿異狀紛陳眼稀見初然將身入廣厦中有大几排

不頁楷樹蘭集卷十

太

四面几上橫陳端谿石墨潘新磨吾所羨意中似是
校士場試席淋漓罷酣戰紛紛好硯胡不收就中竊
取亦非僭最先選取得六石龍虎蛟螭刺雕變潑水
濡墨攜將歸餘者摩挲復無厭又取六石似蒼玉火
皸蕉紋衆星現不憎衿袵裹包裏寇物提攜手多顫
我有一硯行將焚顧此十二重畱戀天公毋乃故戲
弄使我白首老書椽張萼之筆行當還文字豈容久
誇畱畱此多石何爲乎酢酒搗牀兼擣練

秋日心氣大作虞仲藥我立效作詩記痛兼謝

虞仲

少年學道苦不力觸物每激壯士肝血氣向人太猛

烈一怒萬壑翻波瀾方寸偏窄不耐事五嶽時復爭
巒嵒二者由此互作惡窮秋棄令齊騰鑽兩脇初如
萬弩發六腑投勝車輪盤以火爍物孰能撲以刀礪
石真如剌牀席顛倒臥不得聲音抑塞無由歎故人
姚子比淳意起我不用金光丸投以一瓶心氣引恍
如決壅平急湍性命斯須在呼吸狂飈一夜摧枯蘭
委頓十日不能出賓朋來視猶踴躍黃英紫萸總辜
負等豬綠酒何可餐起坐作詩記痛定更戒憤怒休
來干

叔定舟次兩兄下第寄詩慰之

九日始得鄉舉錄兩兄駕車齊脫輻無數黃夢不耐

百尺梧桐閣集卷十

九

看背人潛對秋風哭兩兄才名吾勿誇但見讀書滿
牀屋家貧俱有頭白親張也何能免于祿守貞待嫁
已十年朋玉何堪更三復俗人歸咎學詩賦謂此實
足妨科目經史子籍須盡焚只抱時文閉門讀余聞
大笑墜其面復取公卿亦癡福四子書外了不知侍
郎不能辨獵伏似此真不一錢值吾寧食齋勝食肉
寄語兩兄莫漫悲竟須痛飲杯中麴下酒且教用史
漢遇合人生有遲速小弟明年拂袂歸短衣射虎相
馳逐

病後移坐南廂適錫鬯過訪

敲斜老屋戶東向十月陰森北風王穿簾入幔聲颼

颼偏繞病夫毛髮上欲覓溫室租少錢計畫南廂地
盈丈灑掃四壁換紙窗就暖乃驅童僕讓殘書移來
置土銚坐近朝墩勝添續筆牀茶碾兼竹盧辟寒似
擁九萼帳朱家叩門適相過握手殷勤問無恙豈知
連旬未踰閭太瘳竟如蟻鶴狀中有磊砢每作惡腸
腹彭亨百川漲須傾美醞千百壺萬憤與君齊滌盪
顧我問藥方止酒等乳頭綱且亨餉

和司農公挽吳夫人八絕句

衛羅靈鳳結僊胎不是尋常顧女才記得約眉初嫁
日雙回月扇下車來

年紀剛同萼綠萼南山神女五銖斜自從六過羊權

百尺梧桐閣集卷十

十

宅竟作人閒頃刻夢

僊籍何爲不註年溫幃密帳枉因緣曾聞鈿盒歌長
恨漫說琵琶憶小憐

香消錦幄已經旬欲倩傳神粉筆新容貌模糊難記
取畫圖勞寫爲天人

後堂春日洗兒時玉果犀錢五色絲親奉明珠如己
出夫人賢淑少人知

人京猶記擁輕綃縵旒還鄉道路遙傳語侍兒休痛
哭白楊風雨最蕭蕭

牙籤錦軸曲房幽共檢縹緗只五秋一自綵鸞歸碧
落玉魚溪鎖舊妝樓

潘恨荀愁兩若何伯鸞尤自淚盈波中年玉案頻摧折忍說明珠十斛多

寓直新館不寐枕上有作

江東腐儒本庸劣通籍謬將寸廩竊三年寓直芙蓉東臥冷空宮滿宮靈殿前明月看爛熟禁裏昏鐘已聽徹春宵燈火翻魚龍秋夕煙霜叫蜻蛚最惱蒼蠅與夏蟲幃帳不施飽肌血滅燭卷臥那復睡饑鼠妖狸枕旁蓄妄想賜被與授餐此境真羞向人說今秋操翰就外庭兩月高眠養養拙幾冬迫我宿新館有如坐馬復繫絕大屋數間百無有早喚吏人上門闌典守祇可命小胥何用吾徒作班列猶喜兩奴供飲具茶能香甘酒能冽脫帽據案誦古詩中夜高吟亦清絕敝裘兩領壓襪被擁鼻酣呼入槐穴忽然背癢思爬搔反復蠻蠻意煩結人生眠食資快意胡爲力同牛馬竭明年掉頭歸敝廬醉枕妻孥輟衾熱

送葉元禮之睢州

朔氣殺霜塗冀望倒持馬鞭鞭凍馬問君失意何處歸遠指睢陽古城下睢陽將軍已千古蒼鼠竄落廟門瓦回思南八真可哀淚傾直共黃河瀉英雄無成士不遇此際悲涼豈殊也放眼且眺嵩嶽高二室三等實飄灑行吟不遇溫石儔舌卷目瞪口須啞君家分湖似明鏡萬頃波瀾足陶寫還山再發藏書觀會

奏雲門歌肆夏漫作東西南北人盛顏容易風霜打洛陽女兒當盧多馬上看君都且雅共言衛玠方少年已知不是長貧者

內子寄炒栗薑芽詩以答之

我客京都忽三歲一官束縛似秦餐衆難索食亂咬母生產茫茫總無計一僕昨自仁鄉來皂囊紫繫馬旁繫下馬開囊問何物炒栗薑芽手所制栗如雲白得方法薑比肉肥頗甘羶素少游詩云先耐薑芽肥勝肉釘飯不足充盤餐嚼歡聲盈耳竟替因憶晨夜讀此味每與饑有濟爾管勸我勤六經旨蓄往往辦瑣細豈知餽糜亦難遂翻然令我久相離嬌女聞已如母長身

喜靈有懷家園寄叔定兄

今年晴暖到冬仲吹氣不見氈尋凍連夜月色非常明照我牀幃影空洞侵晨忽聞窗紙鳴儼崔聲僵作寒暄我方枕上徐欠申尖雪已從簾外送犯曉披裘并起坐翻笑平時戀餘寢通紅檣柵添熏盧澈碧蘭陵倒殘羹卻怪此日偏清齋等豬好肉不敢動黎祁可腐買來煮作脯安肅菜芽美入貢欣然一飽就溫

室企脚題詩朗然誦忽爾望遠憶舊鄉見山樓前老
梅重園中亂竹壓不埽石畔梧桐葉全空吾兄讀書
樓上頭念我騎驢博微俸我復思家懷二親妻女紛
紛食口衆中年屢失難鳳歡前月新增鵲鴿勸三兄
之男兒成名不得力有如彈鳥引虛控事親不能五
鼎食養子亦須半菽共何時靈夜侍高堂列燭吹笙
照尊棟

雪夜頌嘉投詩索和許惠酒走筆賦答用東坡
韻

北雪今年來校晚喜看如掌未全消尋君正嫺無官
馬得句公然勝斷橋牀下清尊知激澹階前東雀自

不夏梧桐集卷十

主

謹冀有分麴米春三斗便剪吟詩燭兩條

頌嘉得和詩以酒來餉再答一首

街頭急雪濺三尺怪我投詩夜打門衝突冷風煩老
僕提攜殘燭照芳尊重披敝褐翻書坐旋撥熏爐就
火溫卻笑侯家弄行樂妓圍密密煮羔豚

早起聞鄰家木魚聲有懷 老母

曉日臨窗作意明忽聞鄰院木魚聲依稀繡佛經堂
裏老母焚香誦淨名

贈丁畫公行人

吾愛清狂丁大行黃麻曾到錦官城飽經百道山川
險巖問千秋富貴名幾裏香醪存妙理枕中祕典悟

長生丁有詩世眼前誰浪唯風月一語何嘗及世情

哭公趾三兄時聞葬信

父母生我共五男我行第五兄第三少壯幾時各老
大學書學劍皆空譚吾兄小時節章句性喜游獵驅
名驂良弓大箭佩左右要下寶刀龍雀函曾經獨馬
向邊塞艸閒小寇藏深潭時平不用射鵬手擬下長
鳴非所甘白日無聊弄絲竹琵琶笙笛聲湛湛青樓
紫陌肆馳逐聽曲夜擊文犀簪中年壘鬱不稱意馬
頭南北勞何堪去冬別我故鄉去肌膚癢削如春蠶
豈意一夕醒短寢令我驚痛神癡愁父年坐九母望
入此時老淚空雙合我羈日下不得返區區微祿何

不夏梧桐集卷十

主

足食昨日四兄寄書至仲冬卜葬山之南待我歸時
滴枯酒痛哭墳前雙石楠

贈太僕嚴灝亭先生三首

高名嚴太僕不數鄭當時好士真如渴推賢無不爲
萬言曾白簡兩鬢尙青絲何事離清要閒歌駟馬詩

又

舊領湖山勝人稱諫議賢布衣常密坐高衲每畱連
詩滿遠公寺酒盈陶峴船自公回魏闕巖壑但雲煙

又

何限匡時畧丁寧付鯉庭風雲連紫極鷹隼接青冥
諫艸同時重芝蘭入坐聲功名屬衆頌文憲有傳經

歲除以黃熟橄欖奉餉司農公

餽歲朱門亦太奢張羅只有尙書家名香聊可添盧
火小果無妨供煮茶篆繞松煙沉細縷味浮等乳勝
流霞諸生自笑唯原憲耐冷吟詩送歲寧

除夕和升六韻三首

十年六作京華客一住京華四歲除自笑題詩常乞
米翻憐爲吏等傭書浮名看熟蕉中鹿好癢終輸店
裏驢免俗未能還早起盤輿也復混高車
看曆忽驚三十過茫茫人事豈堪思縱爲七十今將
半況復飛騰未可知學道最難心似石長貧容易鬢
先絲與君共是蕭條者冰雪蓬門我倍之

百尺梧桐閣集卷十

圭

最憶仁鄉景物新誰憐四載未歸人老親釋女思今
夕柏葉茶等又好春慙媿東方猶割肉遲回南食想
亭尊此時正切彭城感爾亦池唐癡艸頻

百尺梧桐閣集卷十終

白尺梧桐閣集卷十一目錄

古今體詩

元日和升六韻二首

新歲寓直遲頌嘉不至

咸而介生日舉子二首

元夜不出遣懷

十六夜正陽門外卽目

送李侍御左遷東粵四十韻

原一招同諸子飲梨等下各賦十韻

題畫

洛陽劉生行贈又原

長安日者行爲方虎賦

彭義門行

太和殿前看傳臚口號

題柘谿艸堂圖

銓音侍御招同康臣武管而介元闇子靜奉陪

司農公看丹臺勺藥三首

送豹人之徐州

王子玠工部招游豐臺作歌

隔院看司農公齋中合歡等做義山體

司農公以雕盤滿盛合歡等見貽以詩代簡依

韻答謝

石麟歌爲司農公題畫

子靜自慈仁寺市正德窯數器雨中畱飲同敦

復頌嘉而介程銘仲酒酣作歌

送習上人南歸

送巫山令

枯樹

病起詩三首

地安門外口號二首

夏日紀事四首

贈楊將軍

凌烈婦

百尺梧桐閣集卷十一目錄

六月四日同諸子會葬翰林編修大興王公感賦

賦

石車行

題宋道君聽琴圖

題司農公蛺蝶畫扇二首

題畫九首

送子靜假歸觀省

送子重編修假歸無錫二首

畱雲艸堂歌寄雲漸

天未明行與升六頌嘉蒼石同作

送張縈存編修歸京口觀省三首

送金長真太守之任揚州三首

送原一編修歸崑山

中秋日司農公以履霜桃見餉作歌

奉送司農公奉使粵東三首

得醉白書卻寄

任丘旅壁見西樵考功題句悽然有作

經徂徠山家

途中雜感三首

哀詩十首

拜亾兄公趾墓二首

過東郊家人指亾姬葬處

百尺梧桐閣集卷十一目錄

幼女聽余雨夜讀書

除夕

三

百尺梧桐閣集卷十一目錄終

百尺梧桐閣集卷十一

揚州 汪懋麟

古今體詩自癸丑歲正月
起至十二月止

元日和升六韻二首

青陽一夜催寒去城闕時空宿霧收風日儼然如二月
飛揚忽設想春游最嫌車馬紛投刺何處鶯鶯可
散愁對酒探鉤兼射覆少年情性未全休

占晴萬戶祝豐年唯我無田意不然何用力耕方肉
食未須識字亦貂蟬狂吟但覺春來好爛醉誰知世
上賢檢點梁閒過此日向餘百箇賣文錢

新歲寓直遲頌嘉不至

百尺梧桐閣集卷十一

十一

白日照春殿禁中人事稀宮雲晴不起城鴿喚爭
飛靜倚雕甍望閒吟輦道歸龍樓有新月待爾賞清
暉

咸而介生日舉子二首

占麟寢燕望經年弧矢於今卻竝縣兩世生兒三十
外同時初度上元前聲聞官舍真堪喜珠弄傾城倍
可憐堂上含飴心最切封書急覓錦鱗傳

辛盤蠟苴歲時同曾爲殷勤卜寢熊最快中年君有
子謾言此事我無功畫盆浴罷犀錢燦玉擊擊來繡
襦紅雖是鳳毛原有種小同好跨爾家翁

元夜不出遣懷

午後大風何獵獵宵來孤月只昏昏笙歌原不聞窮
巷盤火誰從到筆門不禁春寒馮酒壓爲憐香冷就
盧溫歡場嬾慢非疇昔坐對殘書送瓦盆

十六夜正陽門外卽目

莫道絲絳屬帝京上元時節只淒清誰家老婦沿
橋去到處羣兒擊鼓行塵暗六街空雜還月臨雙闕
自分明九門早已嚴魚鑰催促金吾起三更

送李侍御左遷東粵四十韻

萬古悲涼地孤臣謫宦年蒼梧窮海上蠻瘴嶺雲邊
祖禹曾安置蘇公亦播遷君行雖坦蕩吾意獨悽然
舊業家何在空囊室盡縣魚鹽曾白簡冰雪只青氈

百尺梧桐閣集卷十一

二

白束登山馬遙尋入廣船但嫌琴鶴累豈畏虎狼眠
麗水揮戈去龍山叱馭前好探風雨害試驗女牛天
院記松明古祠尊洗氏虔蟬蛇形可怪珠龍狀堪憐
化俗宜茲誦開田辨陌阡異才姑小試諫艸尚爭傳
賈誼書原數長沙路幾千聖朝嚴令長薄譴歷山
川猶是專城任行看作吏賢事功翻可立民社寄非
偏守俗艱難見心須道義堅浮雲看豸繡春癡破夢
輒進退休嗟坎升沉待轉乾君恩多浩蕩臣節荷
生全莫怪逢迎少從教毀譽捐忘情依艸木作客應
星躔萬里無行李羣公有贈錢卻看單騎往投勝錦
衣旋李泌終當召匡衡願登愆最傷春色晚無那別

情牽驛艸青如髮隄楊白勝絲等閒夢作兩顚顚鳥
曉煙像嬌東門餞誰堪落日筵平生無戚戚於此泣
漣漣劇飲頻攜手高情失竝肩憐才空有意舉直恨
無權庸碌知何限功名謹自專飽芻同仗馬咽露等
寒蟬似爾官立黜何從計最便只須傾濁酒不用酌
貪泉到縣爭發懷人月再圓寄書期早達朋好枉
幽燕

原一招同諸子飲梨萼下各賦十韻

樓前兩梨萼萼綠葉能碧羃羃含紫煙春風日將夕
去年曾過君萼飛已狼藉茲來及爛熳轉覺萼可惜
紅燭照芳筵中多四方客人具高文以此應金石

百尺樓閣集卷上

三

樓下有流水夜靜響寒沙儼然入清霄塵莽得幽僻
聽此開句懷傾尊豈辭劇醉起一整袂餘萼落巾幘

題畫

山畔疏林四五樹水邊亭子兩三間此中自是少人
到時有孤暖來叩關

洛陽劉生行贈又原

洛陽劉生才實奇筆弄五色隨紛披書仿虞歐得變
幻畫窮顧陸含天姿凌煙功臣各摹肖屹立山嶽躡
熊羆長弓大箭執猛烈貂冠犀甲何雄施潑墨尤工
寫修竹風馳雨驟吹寒枝英皇晝哭鬼夜歔髮髯置
我湘江湄夢鳥蟲魚或閒作傳神一一非兒戲碑版

篆籀更精妙世上能事無不爲聲勢噴噴動閭闔碎
雍被召趨彤墀揮毫拂紙不停滯左右但覺天顏
怡雲間翰林適竝召儼如王孟開元時匿牀往事不
足數遭逢豈詭南山詩勅使泥金寫忠孝忠經神
采細動如龍絲宸心載喜索宣賜文錦端綺盤蛟
螭自此宮中常召見偶逢射鴨昆明池帝曰汝前
汝拜賜兩手四翼飛參差笑令中官送歸去此事謹
傳人所知蒙恩供奉入史館玉簡金函書法宜書
成敘秩得上郡如此遇合非人期還聞謹身殿中有
優詔咨爾劉生毋遠離

長安日者行爲方虎賦

百尺樓閣集卷上

四

長安市中有日者謹傳善卜比司馬著卿已枯龜不
靈一字無端教人寫秋天新雨道少人徐子與我訪
隱淪日者下簾正閒坐壁挂圖象何其神徐子把筆
作黿字日者褻回詞未申余卽大呼起曰好雲霄之
執飛騰早況復雨足田屢豐已爲逢年作先兆日者
理窮詞亦屈瞪目向余口期契反謂棄秋黿不時才
命依然有湮鬱豈識文章原不羣射策已冠千人軍
運取上第不足怪笑彼日者何乃云吾子何爲歎遲
莫美人不畏蛾眉妒相如楊雄非少年聖代方今
重詞賦

彭義門行

彭義門西日色變十丈煙塵人不見高車寶馬紛從
橫兩道門旂馬前轉車中端坐何郡郎新授南方好
州縣家人弓箭各在要小妾金珠飾顏而此行作吏
廉乎貪南方饑民飽萊菔

太和殿前看傳臚口號

藥榜遙遙天上來雙排御仗午門開侍臣爭羨簪
萼客耳聽臚聲又兩回

題柘谿艸堂圖

白馬湖東葭莢萋中有邨原名柘谿四圍已種萬株
樹三時常散千張犂龍歌梨列儼圖畫屋宇相接聞
犬雞回波小港百千曲漁父盪船時欲逃行人盡日

百尺梧桐閣集卷十

五

到邨舍溪柳一帶鳴黃鸝此鄉居人只一姓我公世
德開蓬萊致身柏臺挺高節清名直與文姚齊是時
魏闡織黨禍清流一一遭排擠拂袂歸田託終養十
年不出安伏枥後來攬轡按兩越倏忽陵谷驚鼓聲
文謝之儔那可道紛紛長樂驕其妻我公甘心老農
圃白頭萬卷吟常低艸堂閒開禾稼熟池籬鵝鴨兼
鳧鷖讀書講道適天性食肉不廢鹽與齋諸郎奉養
足豐潔我公一味歌簡兮此圖已如仲長統展翫令
我心中淒負米曾無半畝地買山那得多錢攜待我
佗年賣書籍結屋東鄰來灌畦

蕤音侍御招同康臣武管而介元閣子靜奉陪

司農公看丹臺勺藥三首

別業城西次第開登知塵市有丹臺層軒曲徑隨人
轉清簾疏簾映日來疊石自然成遠趣栽萼耐可送
淡栢祇緣何遜頻招客能使嵇康屢醉回

何人倍切賞萼情萼外停驂是地卿燒符亭魚煩御
史分行列坐有門生夜談說鬼供譚笑舉坐探奇迭
送迎似此交歡芳燕少當年金谷杜知名

廣陵萼譜最芳非何事三年不冝歸禪智寺前紅雨
亂魏公筵上綠煙稀豈因旅客增鄉思特爲羣賢卜
帶圍試向酒邊簪數朵一枝先映尙書衣

送豹人之徐州

百尺梧桐閣集卷十

六

偶來燕市非君意南去騎驢自在行一路東萼過泗
水滿邨舊葉到彭城老兄近喜爲州牧令弟何勞事
遠征從此對牀同歡詠不須夜雨更關情

王子玠工部招游豐臺作歌

豐臺勺藥賤如菜千朵萬朵滿車載初出一枝猶十
錢後來一錢少人愛疆半持上歌舞筵高低亂插銅
餅內紅英紫萼賞者誰萼入京師亦無態前年曾入
豐臺游公子招邀此其再下馬竟坐千萼中市地錦
雲目茫昧初疑一派脂水流又如萬疊紅泉漑園官
攜筐芥采摘摧折從教發淡嘸園官向余前致詞此
地於今屬屯塞賞萼送酒已往事試勸游人且心耐

停柩驅馬過短離獵犬信信向人吠

隔院看司農公齋中合歡等做義山體

芳樹何年種合歡愛化名字是團圓香心入夜開還
合粉露凝嬌渥未乾最喜晚煙籠碧葉卻勝朝雨洗
紅蘭尚書庭院春常駐贏得牆頭鎮日看

司農公以雕盤滿盛合歡等見貽以詩代簡依
韻答謝

雕盤小摘樹頭等萬點輕紅似曉霞宋莫開門無艸
色忽添雲錦到貧家

石麟歌爲司農公題畫

臧姥夜寢雲氣生五色爛爛天上明雲氣須臾化爲

百尺梧桐閣集卷十一

七

鳳飛上左肩時一鳴阿陵生時實聰慧怪底雙目含
青精時有沙門釋寶誌錦袍變幻鍾山行禿髮每冠
下裙帽飲啖酒食非凡情見陵摩頂口作頌石麟頭
角何崢嶸常侍後來擅制作梁陳之代多令名論文
曾嗤後主作發語嘗令魏收驚位爲僕射享名壽文
章勲業光台衡小時辨博喜經論講說大品人難爭
母乃此兒具佛性故與寶誌如生平海東沈生善圖
畫意匠慘澹多經營展圖儼與老僧對錫杖但少鏡
鐸橫司農珍翫挂繁壁生兒但願如徐卿鳳麟之祥
亦偶爾於公世德占奇嬰

子靜自慈仁寺市正德窯數器雨中畱飲同敦

復頌嘉而介程銘仲酒酣作歌

一雨南來暑全蔑几單凉生忽清潔卷簾不見蒼蠅
飛羣小胡爲頓驅絕主人洗醺歡醉余滿案等磁注
冰雪桃蒸安肅淡紅流果剝文桃煥黃齧仁魚肥美
茹鞠鮮方法相傳有時節食譜既美器且佳把翫等
磁眼光習此窯制自正德年等攬龍紋亦奇傑拖藍
不具青天雲點絳寧殊守宮血雖然爲質稍復堅若
比宜窯亦無別細管武宗耽宴游龍服微行混魚鼈
國事公然付與人豹房之痛空嗚咽物畱人去今幾
秋玉饌當時盛陳設咸陽一宦傳人閒廟市無心得
窺竊停觴歎息三摩挲不禁酒酣耳雙熱坐中有客
爭梟盧謂我狂癡癡饒舌玉魚金盃遭塵埃薄蝕千
年葬金鐵人閒萬事如浮雲寶器終須有殘缺不如
泥飲陶與菹肥肉滿盤恣流歎我聞此語恍然失起
步晴階數螳穴

送習上人南歸

幾年不到湖邊寺此地何來寺裏僧聽說浪等常繞
屋可憐山雨欲吹燈五臺冰雪難孤往一衲雲峰且
緩登我有老兄多酒病東林好與曳枯藤

送巫山令

巫峰高與碧天流萬里岷江鎖上游杜宇聲中過瀟
湘琵琶峰外指夔州白鹽赤甲巴山遠莫雨朝雲楚

履留君是方城才子後少陵祠樹倚千秋

枯樹

玉堂槐蔭接青天枯樹蕭條噪莫蟬只爲春風吹不到棟梁零落院門前

病起詩三首

暑雨涼風減玉肌日斜窗外灌萼時安排筆硯焚香坐催促歡吟病起詩
病起雙眉鎖卻愁鏡匣兩月不梳頭今宵纔整羅衣出笑指天邊月似鉤
琴藥夫人百首詞誦來如水解人頤一從病後渾忘卻字問生疏讀授遲

東坡全集卷十一

九

地安門外口號二首

地安門外見風潭山影蒼蒼水葢藍無數浴重瀛岸北一羣鸛鴨似江南
蓮葉蓮萼足萬枝香風吹送早涼時何人飲馬官牆外咫尺金鰲太液池

夏日紀事四首

太液池開衣蓋蓮百官齊赴賞萼筵若非侍從兼三品不敢吟詩到水邊
新開水殿倚昆明燕比龍門賞更榮一領錦袍宣索句坐中定有朱延清

西苑尋常到幾回菱荷坐柳擁樓臺不知此會長楊

館多少楊雄獻賦來

魚藻宮中樂事稀萼香先上侍臣衣無聊最笑金門客真似當年下第歸

贈楊將軍

我聞平定有鶴山山顛乃有扁鵲廟千年復生楊將軍一捻金鉞特神妙早年學書兼學劍恥向山中老坐釣射策虎視金門前天際神龍尾能掉羽林驍雄齊側目中敵讎呼發狂叫暇時偶發鏡經讀能令王公夜相召縛縛鉞鬼不足奇澆水捉人豈能料髮癥石博無不知家中腐枕病三療徐家秋夫與二伯伯將軍一身已畢肖至人醫術由神明豈與庸流作

東坡全集卷十一

十

變烈婦

同調君今領部開真州甲影仁光動清照時平久已罷鼓鞶弓矢在房刀在鞘將軍七畧何所施以醫活人此爲要君不見褚都尉管守吳郡事奇峭偶逢百姓李道念藥吐雞雛具羣竅君有異術足繼之坐起創痕息原燎講武廳藥橫仁樓莫學劉琨但長獻

烈婦今孝廉吳植山立女欲篋南人慘凌御史嗣子嘉格驕死難歸德孝廉義之以女配其子後嘉格卒無子烈婦絕食七日自經死其母初生時寢湘水夫人至故名仁陰轉頌嘉爲之立傳

南有篁北有泚水盈盈石齒齒孝子烈婦死名雲湘姓吳氏尚書孫孝廉子夫家誰凌御史凌死忠義

聲起孤克孝聞間里婦作配家益圯事二姑缺甘旨
手執春墮一指姑食粟已糠粃還灌園供箸七泥且
淚濺裙屢夜提瓮出汲水夫與婦步履徙雖朱門而
僕婢夫得疾藥親視疾不廖容悉毀股潛剖肉空委
鸞影雙柏舟矢竟絕食自經矣孰爲殮母與姊啓其
蒙見衣裏百縷結繫麻泉烈哉婦罕與比稱末亾猶
所恥況二天真犬豕作歌婉彼臨邛美

六月四日同諸子會葬翰林編修大興王公感賦

丹旆搖搖出國門荒原六月埜雲昏蕭條白馬諸親
從零落麻衣兩幼孫四尺孤墳長拚恨千年夢表未
歸魂生芻徐孺來何少只有吾徒灑淚痕

石車行

四輪轟轟連二車兩行百二青驪駟中載巨石屹山
嶽車上一人聲譁呀手持大竿鞭衆馬竿繩搖動如
長蛇車聲動地作碎歷所過街市揚黃沙試問輦石
此何用甲第新築侯王家山上白石采已盡城中土
木方無涯

題宋道君聽琴圖

一人道服冠黃冠七弦泠泠爲妙彈一人緋袍側耳
聽一人綠衣昂首觀烏皮小几置妥帖上有古鼎焚
茶蘭老松一株蔭其後陵霄篔簹葉如龍蟠此是天水

道君畫圖書御押紅未乾嘉國題詩在其上君臣狎
昵恣清歡邊事鴻毛付媼相幹商要劫真辛酸儋州
青城悔何及空將溲繪畱人看

題司農公蛺蝶畫扇二首

誰寫南園粉翅輕一叢錦石自分明微蟲也解依等
葉怪底人歌蛺蝶行古樂府載梁李鏡遠蛺蝶行云
青春已布澤微蟲應節歡朝出
南園葉端
依等葉端

青斑鳳子太顛狂掄取千等釀蜜房團扇幾回辭不
去雙飛只傷楚蓮香雙青斑者
名鳳子

題畫九首

清夏嵐光百道開仁亭坦腹意悠哉忽看一老橋邊
至可爲前山瀑布來

無數白雲閒不去一林黃葉冷相親釣名最媿陶貞
白卻把松風說與人

橋邊新柳碧於羅一老行春自在歌行到前谿春更
好滿林紅著杏萼多

萬木秋山落照昏船旂渺渺入江門小樓獨坐看風
色不盡潮頭一派渾

積雪千山萬壑空疏林一角小樓紅何人驢子衝風
去卻柱寒煙敗柳中

跨山臨水坐人居日落柴門艸木疏便向碧潭沉細
網一錢不費取河魚

敬亭山畔曾相識宛水谿頭幾度逢記得雙橋橋外
路陵寒只有一株松

屋後高梧百尺寒山光谿色少人看開簾企脚茅槽
下自拂無弦作意彈

流水聲中宋莫春鉅蟬金鴈總生塵已知世上鍾期
少故弄求風引婦人

送子靜假歸觀省

天北常少雨今秋莽如漏密雲來無端靄寔失白晝
溼蟲當夜號唧唧雜檐溜時序正搖落矧值別離又
側聽風葉響紛飛不可救看君思歸情疾如走曠獸
我渴若怒馬號齧閉空廐叩見一馬突束縛不得聞

夏月梅樹閣集卷十

五

出處爾我同兩試忝同售角技不肖下策名互前後
迄乎操翰來倉卒一官就我性任嬾慢爾才喜馳驟
所以對衆人獨忤每取咎長安交游者炎冷變新舊
吾從二三子如萍相依湊暇時即相過盤餐出釘飯
東郊訪池館西山歷巖岫兀兀忽四年好事未一覩
子猶投我疆拜賜藏綺繡拂拭金蓮等光輝架瑤琇
持歸獻高堂亦足制舞袞阿翁聞子歸驚喜展眉皺
家人聞子歸牽衣紛穉幼湖瀕秋氣佳場圃罷耕耨
扁舟米漊芙蓉蟹足脂肉灑埽坐陶園竹樹自疏秀
亭前一池水冷鑒毛髮透嗒然思京塵揜鼻避溝臭
天倫有真樂豈有易夢胃余亦急歸養日夜辦糧糗

送子重編修假歸無錫二首

十載簪筓早三長著史雄如何添旅病忽漫感秋風
心事林泉外文章去就中即今紛著作誰爲領羣公

又

慧山山畔路晴翠入秋多桂子巖扉落泉聲石磴過
鬪茶亭亂葉放艇看殘荷正值清秋節停觴好聽歌

留雲艸堂歌寄雲漸

箕山狷者艸堂靜灑掃自汲門前井庭斲砌石手洗
濯一塵落地三日啜堂中皎潔明鏡似燕坐焚香畫
何孔眼中俗物不許到架上異書獨淩省狷者少有
嗜茶癖百衲名泉注清冷靈夢水脚辨瑣細柘羅銅

夏月梅樹閣集卷十

古

礮排嚴整輕圓等乳浮紫磁紫金不羨頭綱餅古篆
尤愛李斯手奇石每屈米顛顛學書自束赤管筆鼠
須雞毛尖且賴食譜釀法無不精盤餐每出宣成皿
飲酒止可一蕉葉勸客時時忘夜丙中年萬事習老
嬾但有爲善心尙猛揮金與人金不來止餘薄田三
二頃艸堂一畝已再徙曲巷版扉遠人境春風石上
亭松毛秋日湖邊采蓴苻孺人曳瑟響滿階兒手持
書髮坐領一生不受利名辱賞徧人閒好風景世情
怪異何足悲默看空堂白雲影

天未明行與升六頌嘉蒼石同作

東家寒驢中夜鳴西鄰喔喔來惡聲北里狺狺吠如

豹南城打鼓纔四更居士雖美姻亂聒攬衣執燭行
前楹門前呵殿兩聲急知有封事朝上清余亦策馬
犯風露日日出門天未明噫嘻明爲日日出門天未
明

送張紱存編修歸京口觀省三首

時爲令兄
禮存營葬

西風頻送南歸客半在東吳北固邊別恨江山千萬
疊官憐留滯十三年文章幸藉光詞館丰度還宜直
講筵何故也懷鱸膾去季鷹心事少人傳
裴公絲竹正蕭閒海嶽門當水一灣秋信初傳鴻鴈
到雲颿忽趁鞠萼還帖尋盛鶴仁邊石酒載摩笄郭
外山環頰未容林壑臥春來接翼五雲間

南尺牘閣集卷十一

五

張家公子盛才名最憶臚傳第二聲鳳羽一雙今獨
返鴿原三尺日關情仁頭夜雨人何處楚外春風艸
又生莫向高堂重太息空羣已復有慈明

謂楊存
孝廉

送金長真太守之任揚州三首

十度春風錦繡谿豫州名與賈侯齊傾城車騎攀河
上滿路笙歌待竹西澤國黍苗多在水仁邨楊柳半
盈隄此時父老嚙來莫五馬何須惜障泥

太守初
任汝寧

郡亭形勝枕平山六一先生政事閒萬朵荷鰲湖上
至兩行官妓月中還文章太守今重遇賓從清游好
再夢但恨林泉僧占取蜀岡蔓艸待君刪

四竝堂開霽日紅君才綽有管簫風梅萼寒香吟何

遜勺藥成團燕魏公亭舫無雙鰲旖旎樓登第一月
朦朧夾城燈火從來盛不在尋常水旱中

送原一編修歸崑山

上古取士重選舉後來流弊爲文詞萬言對策失漢
法董龍之學誰其師浸淫淺陋到時藝洵洵執若仁
河墮王唐諸人號先輩獨儒遵守同著龜流傳日益
就庸弱病夫無食旬常饑閒或穿蠹與竊盜醜婦刺
畫描閭閻稍辨之無取上第論語以外了不知吾欲
力排孔廢并庶幾學者通書詩昌黎孔叔不可作夏
張風會須人持今年鄉舉歲壬子徐君把筆爲主司
慨然復古黜時黠玉石金鐵重磨治紛紛異才乃竝

南尺牘閣集卷十一

六

出韓徐之作尤恢奇諸生不敢馬前噪自悔所學原
平卑文衡遠邁十五國翕然公論非阿私今年春官
遇伯樂驕驪一一爭先馳得士自合受上賞索瘢何
爲按瑕疵滄溟大珠亦有數竟以挂漏遭降移知君
學道破榮辱對客大笑忘吁戲秋風颿颿動庭木忽
憶鱸膾興歸思天門三鳳古所少母乃極盛稍抑之
新洋水肥布颿飽齒涇酒熟黃鸝坐開軒讀書玉山
下顧阿不得專聲施朝廷方今重揚馬君才豈得
長弃遺宣室之召等閒耳白駒恨不堅繫維余今贈
證困泥滓儼行霜露衣纖絨浮名那足救寒餓逢時
真不如馬醫家有坐白掉頭去力耕負米甘駸癡文

章事業待公等他日訪我荒江濱

中秋日司農公以履霜桃見餉作歌

帝城八月秋氣高百果風折如煎熬忽然傾盤倒赤
玉贈我小枝含霜毛堅細如丸頗甘毳沙餅之味飽
老饕紫文青色產玉嶺鴨卵不數西王桃句鼻積石
號最大二斤十斛誰曾遭礪礪山中萬歲實日色不
到嘯蟻孫霜園巨核理或有常山拜獻空驚驚我聞
桃者本僊木厭勝百魅皆逃服之可以致長算金
光紫河母乃勞夫子愛我意良厚好學佳實時時叨
自笑東方正饑餓飽食猶勝餐藜蒿晚來月色白如
紙隔牆喚我斟香醪停杯對月不成醉興感離別心

市尺唐荆川集卷上

七

滔滔後日仗節過嶺嶠我亦仁上翠小舸

奉送司農公奉使粵東三首

三道黃麻出未央尚書旌節更輝光東門酒汎重陽
鞠北斗旂縣九月霜嶺海山川供獻訊猺獍戈甲入
梯航賢王韎韐趨承遠朝漢臺前看五羊
何事臨軒特遣行十年樞府建威名陸生當日空權
術范老何中有甲兵坐使番禺收壁壘還聽崑鰲靜
邊聲須臾奏績明堂裏慶卜金甌照火城
春來偕廡牽相依長夏聯吟到夕暉抹麗晚香頻折
贈管弦良燕共芳菲先生忽爾安邊去賤子無聊覲
省歸矯首功成仁上過一尊相待釣漁磯

得醉白書卻寄

迢遰雲山隔萬層憶君茅屋坐寒燈空憐竝食韓思
復相餉曾無百束綾

任丘旅壁見西樵考功題句悽然有作

客歲麻衣握別時豈知便與夜臺期可憐敗壁昏燈
裏腸斷先生二首詩

經徂徠山家

漠漠平沙數頃田采薪種粟自年年停車試向山橋
坐忘卻門臨大道邊

途中雜感三首

神雀當年頌有神賜錢十萬奉慈親也知景伯才難

頁稽荆川集卷上

七

及竟作千秋不孝人

又向東蒙感落暉滿山黃葉傷人飛誰知四載京華
客今日麻衣獨自歸

黃河東去海雲孤十月霜風艸木枯望到故鄉先淚
落一鞭斜日過鍾吾

哀詩十首

陟彼岵兮望吾母母何在兮兒心苦兒行中塗空悲
號萬里黃雲蔽仁許安得長風送我前拂靈衣兮侍
几筵從吾母兮九淵

心戚戚兮神離母歿十有七日兒始知有兒不送死
生兒何爲著以何裳今斂以何衣丁寧何語今去何

之思兒今不思母歿十有七日兒始知

聞母病今在仲秋中夜感疾心煎憂晨起蒲伏告宰
相臣願弃官歸舊丘宰相惻然動色移牒考功無停
爵封章艸就待 朝命門前早縣雙轡頭脂車未發
訃忽至肝肺摧裂魂難收兒不早歸人何尤

先王制奔喪日奔只百里握上恨無追風驃一夜飛
渡黃河水我馬瘠矣我僕痛日色未落行客止聽彼
啞啞屋上烏自攬麻衣中夜起

吾母生兒當六齡戴兒角巾衣兒青教兒入塾勤一
經却前誦書母夜聽啖兒棗栗兼酥醢依母不離影
與形豈意三載同飄萍兒今歸兮長伶仃

百尺梧桐閣集卷十一

九

吾母事姑嫜至孝世無兩洗手潔酒食雞鳴奉几杖
坐老猶悲思歲時虔祀饗先期滌祭器淚滴俎豆上
孝婦宜食報有兒不能養落葉不得歸本根枝幹雖
蕃生亦枉

揚州乙酉亂殺人無遺黎城中火夜起新鬼啾啾呢
吾母志凜烈甘爲井中泥井中水淡一百尺兩日不
死神扶持阻勉相父三十載指畫兒輩通書詩半生
蔬食齋與藜兒今皇皇求祿能不悲

母生五男五娶婦衣婦新衣母衣舊頭上金爵耳後
珠一一呼來手親授娶婦雖多身反勞晨昏猶煩問
井日不如貧家一兒一婦轉得力采薪汲水承顏色

兒少有酒失母憐惜不得命兒誦抑戒庶幾成令德
憶兒趨京都吾母再歎息拊背只兩言少飲兼守默
嗟余塊彼陶士行永念慈親淚霑臆

管歸歡喜今歸悲涼入門見耶不見孃管日聞兒歸
吾母羅酒漿今兒歸來誰與嘗呼母母不應兒心傷
縈帷蕭瑟飄中堂

拜公兄公趾墓二首

兄葬經年第始歸坐前荒艸挽麻衣可憐滴罷枯中
酒一嗽酸風繞墓飛

回生無計起重泉別淚空流易水前別兄都下今年我媿
顏含眞友愛不離門戶十三年

百尺梧桐閣集卷十一

十

過東郊家人指公姬葬處

錦瑟朱弦久不聞招魂何處覓金幫無端敗葉殘楊
裏說是朝雲四尺墳

幼女聽余雨夜讀書

蕭疏寒雨似春宵靜對盧香點凍豪贏得案傍睽女
笑阿耶何事讀書高

除夕

京華爲客四經春辜負庭闈節序新三十年來無母
夜二千里外乍歸人米粲柏葉何情思淚影燈光共
苦辛老穉一門俱健在除酥偏不到慈親

百尺梧桐閣集卷十一終

百尺梧桐閣集卷十二目錄

古今體詩

元日爲先慈書經雨中率成

元夕三首

春夜聽雨雜感五首

梁子培自湖上歸真定別余揚州詩以送之時

司世

此奉懷二首

題子培揖石齋圖二首

題宗副使銓船圖兼呈定九

司農公使粵還舟抵江浦不得晤蒙寄詩見

訊依韻奉答四首

百尺梧桐閣集卷十二目錄

雨中飲春雨艸堂三首

午日同舟次兄飲海陵寓園

汎舟重過春雨艸堂三首

海陵逢王亦退同舟至宜陵卽送之返橋墅二

首

真州道中夜發

憎歸

題孝威詩卷三絕句

戲題子靜畫像卷子

答家晉賢時客桐鄉

答徐松之

飲牛謠爲禹生題畫

九日原一豹人姜西溟叔定家兄飲見山樓和

豹人韻

和定九九日卽居無酒見寄原韻

寄三峯碩長老

許竹隱招飲寓齋看鞠同移倩孝威黃僊裳劉

彥度分得中字

同諸子邀長真太守汎舟游平山因議修復分

得堂字

喜次功歸自安豐

送歸孝儀返常熟

百尺梧桐閣集卷十二目錄

濬河行贈孫樹百明府

界首阻風懷子靜

題雲漸畫像二首

題子靜桃粵流水圖四首

仲冬平山堂落成太守金公招同諸君燕集卽

席得五十韻

寄給諫李公

喜于皇至

題吳冠五所藏櫟園司農北雪詩冊子二首

題孟生像

除夕攬鏡

百尺梧桐閣集卷十二目錄終

百尺梧桐閣集卷十二目錄

三

百尺梧桐閣集卷十二

揚州 汪 懋麟

古今體詩 自甲寅歲正月
起至十二月止

元日為 先慈書經雨中率成

曉來重過舊經堂
想象慈顏竟渺茫
靜展佛書翻自
痛細思母德
究何償
忽來早雨霑
檐幔不禁春寒入
布裳
苦把淚痕濡墨汁
昏鸞雙眼不成行

元夕三首

四年京洛客
此夕故園情
說亂鐙全滅
憎寒月不明
羹煙驚萬里
鼓角下重城
坐想兒時節
笙簫聒太平

又

百尺梧桐閣集卷三

一

戶外雪三尺
春前病五朝
擎杯勸 老父忍淚向元
宵
兒女魚龍戲
盤餐筍菜苗
壚將承色笑
蠟燭夜淺
燒

又

禁庭逢十五
學火異常明
歸院曾題句
逢場浪有名
新愁湮子舍
舊事說都城
只恐蒼黃裏
連宵議出兵

春夜聽雨雜感五首

年來為北客
檐雨夜間稀
聽曲全忘曙
論詩總不歸
還家翻畏溼
厭冷屢添衣
宗莫風銓裏
呼人急拚扉

又

園中小梅樹
三度不曾夢
正月開何滿
今年卻在家

偏逢春雨大不耐曉風斜
嫵藥都零落空令惜歲華

又

水僊香已足蘭葉放初齊
正好飲詩客豈知添巷泥
衆峰遮戶暗一鶴傍檐低
最嫵驚寒鶴無情竹裏啼

又

自從人日雪直到上元過
市地和風少連天東雨多
春晴關稼穡陰氣在兵戈
極目浮雲黑憂來一放歌

又

春宵嫌聽雨倦睡彌開尊
幼女催茶熟癡童報酒溫
覽書無一得種樹向何邨
轉覺閒無賴新來學閉門
梁子培自湖上歸真定別余揚州詩以送之時

百尺梧桐閣集卷十一

二

司農公 使粵將還兼此奉懷二首

五月到西湖紅蕖閒綠蒲
越姬雙盃樂巖鳥勸提壺
令弟此爲改名山興不孤
春風動楊柳行翠足千株

又

一鞭思鉅鹿兩日別揚州
殘雨侵官道春煙上驛樓
人歸恆獄遠寢遠粵仁流
聽說羊城節平安下嶺頭

題子培揖石齋圖二首

三樹梧桐二本焦艸堂窗戶
景蕭蕭呼來石丈唯長
揖卻笑元章苦折屐

靖節高眠醉眼新蘇
尋作供筆如神名賢怪石何相
合總是欽寄磊落人

題宗副使銓船圖兼呈定九

龍年爲此畫余生纔一齡
中原未格鬪仁國後泰寧
時平重甲第宗鄭尤亭亭
文采照仁左名園開郊坰
鐙火耀舟楫笙笛誰娉婷
畫檣揚紫波明燭搖飛星
長橋月色白遠岸煙光青
宗君醉艸賦詞源如建瓴
放筆作夜景瑣細各肖形
柳暗鳥驚席沙圍魚闌萍
酣游未覺曙樂極無終停
甲申遭喪亂怨雨愁冥冥
燒原鬼火黑啄肉烏鳶腥
魂驚北樓角鐵敵交雷霆
痛定三十載如病醫重醒
園林稍稍出種柳沿回汀
商賈亦好事張燈兼揚舫
輿隸混輕薄嘈雜那可聽
不復辨雅俗豈知慙尹邢
感時弔往哲展圖慨凋零

百尺梧桐閣集卷十一

三

仲容具濫識寶此重遺經
拂拭令我題才弱羞濁涇
題罷憶隋苑秋風飛亂螢

司農公 使粵還舟抵江浦不得晤蒙寄詩見

訊依韻奉答四首

王程辛苦歷重關瘴雨蠻煙滿目斑
三月眼穿黃木信一封書遶白門
山蒼黃驛騎安邊出譚笑雄藩仗
節還南海甲兵聯僧鎮好將消息慰
天顏

摘記秋風各途行征軺臨發倍關情
仁頭等信曾相約隴上荒煙只自耕
顛顛一春驚燕壘癡魂半載繫

羊城雲颿咫尺還相失
嘵微鉤輈柳外聲
手把殘編學閉關
雙魚喜接錦鱗斑
幾行珠玉傳仁

驛八尺琉璃寄與山廣寄遠道殘煙勞問訊故人書
北代封還不知萬里高州吏猶復霜臺舊日顏時得高州

友人消息

夜合等前每共行絳紗弦管得閒情豈知涕淚重揮
手忽謾干戈又輟耕戰伐近聞收楚邑聲靈更喜壓
秦城鄭侯自有關中計并聽鏡歌鼓吹聲

雨中飲春雨艸堂三首

此地空聽雨蕭疏見隱君過橋尋草水對岸立谿雲
柘柳周遭密亭闌遠近分涼風回綺席絲管隔等聞

又

繞園純種麥當戶水田開菰蔣迎波長鷓鴣作隊來

百尺梧桐閣集卷三

折筇穿小徑移酒上高臺待到晴明日牽船汎月回

又

入夜雨偏惡林唐風颯然衿衣冷午日涼色似秋天
雲暗峰巒鎔鎔明薛荔縣不須畏露溼歸路破邨煙

午日同舟次兄飲海陵寓園

當午海雲閒侵衣涼雨斜佳時半為客百里不還家
鄰女盤餐出賢兄笑語謔綠尊休負卻紅煞石榴萼

汎舟重過春雨艸堂三首

百錢呼小艇數里涉荒谿岸柳花枝轉林鶯恰恰呢
榷隨等徑入人到艸亭迷向北樓堪倚斜陽西復西

又

高臺如昨日晚眺特分明宿雨煙還重新桐影倍清
枯樺譚草水鷗鳥浴新晴亭榭經過熟從余引客行

又

半月落方唐回舟艸暗香百蟲聲送晚千樹葉迎涼
橫笛聞前浦疏鐘出上方石橋橋畔過蓮露溼衣裳

海陵逢王亦退同舟至左陵即送之返橋墅二首

首

市橋晨雨滑逢爾下租船好約左陵去斜陽夏木天
近邨聞打麥隔水正鳴蟬翠竹黃茅岸微茫生夕煙

又

妻子依橋墅柴門逐岸開雞籬知客到燈發喜君回

百尺梧桐閣集卷三

薄俗尊商賈雄文得秀才幾年漂泊意此夕聲濤枯

真州道中夜發

團月隱江樹晚風生夕波殘煙行客少燈火估船多
櫓外斜飛鳥邨中夜唱歌居然安穩象何處說兵戈

憎惡

四年客燕薊久與黍民別炎宵恣坦腹幃帳了不設
今夏復里居不雨釀奇熱徒牀當前楹密幃慎罅穴

夜防少不嚴羣小已窺竊遠來莽嚶喝聒耳實瑣屑

味比秋豪銳傳選錄賦鳴翼如飛鏃營歐陽公惜

嚼膚成淡紅入肌作高垤營營擾我眠爬搔執難

輟腹腸亦易盈短吸即飽血潰敗不復振批摑遭撲

滅下門產蕪歲佛書謂蟲爲下門虫蟲母吐餘孽東

有蟲母鳥每鳴吐蟲一二升吾欲殺惡鳥庶幾此物絕齊桓開碧

紗公肉任吮齧昏蟲豈知禮好名非人傑我儉異孫

謙遜條計原拙我奢非蕭繹高齋足怡悅安得趙炳

術蟲蚋自驅刷在北苦青蠅當畫肆凶桀在南苦白

鳥中夜困磨折能文歐陽子遇此亦卷舌公云余作

尤不堪蟲子自遠嘔喝來咬人也等足更微細利業勝蠓蟻吳興號

豹脚謂彼文彩綴長喙敢啄人行與盜賊列虛名良

可憎雖文焉足說

題孝威詩卷三絕句

夕陽樓下卸衣時簾外香飄抹麗枝直欲把君詩過

日繁琴間卻五條絲

王谿名與浣琴香千載何人更擅場慎墨堂中論絕

調羣公齊讓鄧南陽

正月風雷三月雪湖南幾火蜀西煙憂時心事無人

識只道狂歌向酒筵

戲題子靜畫像卷子

君從通籍來養生頗遠色閉閣如太常少妾不敢偏

罵余何荒淫乃爲婦人惑不知作達人未可拘方幅

祖忻亦瓊歌舞肆沉匿阿龍富勲業甘受蔡公抑

所以古名士往往悅傾國君忽寫蛾眉嗜好不可測

鳳窠十一人意態各妍極雖然時世妝已似錦僊飾

密坐闔金葉此戲吳人得君藝如彥道投馬號奇特

胡爲舍豪傑角勝脂粉側將母貴白日貽饑在飽食

吾徒不耐閒伏櫪歌勅勒慨信陵言寄意豈云實

矯首眺四方攘攘恐兵革我欲學舞樂艸檄兼殺賊

安能共王濟羣婢綺羅織願君開後閣猛氣師阿黑

保身讀陰符指揮戰場克

答家晉賢時客桐鄉

知君近住女陽亭閑閑吟詩本六經風雅於今望吾

子江湖何事隔秋螢書傳越水煖煙白人癡涵山洞

壑青何日彈弦竹林下清商好爲阿威聽

答徐松之

吳仁電發吾良友徐子紅豆聽歌技最能猶憶沉酣

同阮籍幾翻顛倒說徐陵感君團扇纏絲意令我麻

衣涕淚增讀罷詩風十八卷一時清興忽飛騰

飲牛謠爲禹生題畫

飲牛谿水東飲牛谿水南初日欲上山雲藍飲牛谿

水西飲牛谿水北落日欲沒谿雲黑頭上青若笠手

中綠楊枝短衣赤脚何所思或云洗耳或云扣角干

祿逃名有清濁搖鞭不語還牽牛牽牛過谿飲上流

九日原一豹人姜西溟叔定家兄飲見山樓和

豹人韻

與君大笑勿言悲高詆牛山杜牧詩放眼登臺愁盡

失卷簾看鞠醉相宜連萼幕裏人歸早時西漢尊榮
仁頭客去遲謂原且把茱萸好時節從容消得羽書

和定九九日邨居無酒見寄原韻

滿前黃葉曉霜殘令節懷人欲廢餐見說邨荒常有
盜爲憐身隱罷彈冠秋逢多雨農何苦酒到難沽俗
可歎賴得少文饒苦趣讀書茅屋一盞寒

寄三峰碩長老

秋入麻衣淚點重每過禪智聽煙鐘一條拄杖三間
屋半井寒萼百丈松飛錫高人何處去竄山新鬼漫
相逢此時心亂無歸著只繞南沙幾箇峰

東坡閣集卷三

許竹隱招飲寓齋看鞠同穆倩孝威黃僊裳劉

彥度分得中字

昨日王師過秋光劍戟中如何戎馬地尙有鞠萼叢
客舍芳尊出行廚雋味工遠攜妻子在且勿憶江東
同諸子邀長真太守汎舟游平山因議修復分

得堂字

替余年十三騎馬當春陽驟變出西郊楊柳青且黃
上阪復下阪直登平山堂堂前頗散朗高臺陵大荒
長仁洵我前白氣騰星芒衆山在几席拱服不敢抗
塔影盡雲外矯若烏龍翔煙際眺平埜行人如春
秋堂後枕蜀嶺竹木多溪蒼鴨脚蟠十圍盛夏森水

霜堂中縣大字廬陵名煌煌慶曆八年中實維公守
揚暇日召賓從命妓紛傳觴折筭邵伯湖四坐荷蕖
香名贊此爲政文采原非常歲久漸翫落蝙蝠飛空
梁所幸畱故蹟斯文未云亡詎意十年後浮屠侵我
疆泥佛坐堂上無復知文忠叶致此者誰子百口臯
莫償余力謀修復築舍苦道旁蒼黃忝京邑人事墜
茫茫天意屬金侯剖符來我邦大雅欣有託寤言常
不忘作詩致賤子公投余詩云殷勤爲屬平選日登
山房秋氣方鮮新置酒游蓮唐水盡到山脚僧氣迷
舊岡卜地西南隅改砌費度量底材實未易況值軍
書忙回舟列官燭臨水調清商劇飲倒天河問夜夜

東坡閣集卷三

未央豫想堂成時此樂真揚揚

喜次功歸自安豐

海岸秋殘去權遲艸堂敗了鞠萼枝歸當小雪初飛
日會及芳尊乍熟時末婢小奴歡繞却霜螯香稻共
齊眉窗前樂事吾能料斟酌先吟贈婦詩

送歸孝儀返常熟

時候正多雨冬淡只似秋不堪蕭寺別復作渡江愁
溼葉霑桐帽昏煙壓布裘倦游君莫歎詩卷送歸舟
濟河行贈孫樹百明府

督河使者牒夜到急呼濟河便通漕法平旦捉夫一
萬人縣吏休言守清操可憐吏民色如艸縣小丁稀

苦誰告使者揚揚騎大馬紅旂翻風蔽官道縣吏爲
民泣請命蒼黃不覺手版倒使者聽言色怒噴搖鞭
只云縣吏傲明日上書劾蠅蝨縣民聞之俱大譟焚
香遮馬哭向天水旱餘生我公造感激一聲萬夫集
空城荷鋤到老耄艸隄夜火燒溼雲土室晨炊闕泥
甕此時使君心轉悲太息亟用溫語勞雨淋日炙不
暇避風露敝斜使君帽一月之工六日成下視河水
深浩浩使者乃識縣吏賢如此神工孰敢冒明日上
書薦異政信乎廉能有公好

界首阻風懷子靜

內河風色惡倚欄意何如對岸看黃葉臨船買白魚

百尺梧桐閣集卷三

邨空鷓鴣噪月橋冷浪侵書此夕真無睡思君水竹廬

題雲漸畫像二首

一杖白雲外千峰紅樹間蒼茫對流水宛轉下空山
人事此何有道心真自閒溪林足名藥竟往未須還

又

箕山有狷者惡與俗人逢木末陵飛鳥雲端頽怪松
澗泉霑足冷霜葉著衣濃大笑看塵世煙霞隔萬重

題子靜桃粲流水圖四首

春山濃似染春水澹於煙萬頃開明鏡千粲送小船
人家紅雨外書卷綠波前只道谿雲盡橋回別有天

又

孤邨人不到一櫂爾何來畫槳遲遲轉天桃細細開
風光當二月人事且千栢不是粲源客鶯聲爲遣回

又

晉年過鄧尉十里著梅粲激澍春潮滿溟濛細雨斜
卽今看畫嶂只似到山家亂眼飄晴雪仁邨盡落霞

又

幾回思絳樹吾欲買青山便好攜家去扁舟竟不還
種桃堪飽食采藥得真閒攘攘干戈際全身一放顏

仲冬平山堂落成太守金公招同諸君燕集卽

席得五十韻

曠壁看飛鳥山堂擁巨鰲新晴雲日變昨夜雨風號

百尺梧桐閣集卷三

七

天意興名蹟羣情寄濁醪軒車來古寺供帳起平臯
賢守從何得斯文喜再遭此中關典禮豈獨繫風騷
轉覺經營易回思計畫勞十年謀築舍九月始開磬
伎佛人情怯驅僧物議驚名山何宋宋淫祀久滔滔
正氣思韓愈遺書念李翱憂來常獨往論定系同操
地肌還絲亘山精莽遞逃逃檐楹穿樹直棟宇入雲牢
組豆尊先哲詩書養俊髦臺前空騁望嶺上辨纖豪
細艸嘶驕馬輕波汎畫舫繡簾依錦勒魚動響春篙
蠶女條桑葉谿翁摘磻苕諸峰環几席一水接城壕
堂外仍栽柳門前好種桃榜題縣篆籀碑版翦蓬蒿
百堵工徐作層樓願尚饗倚闌觀海日側枕聽仁濤

霧氣騰雙塔風颿走萬艘唐傳法曲隋苑想雲璈
莫道繇琴改頻變戰伐塵名泉湮石甃隱語覓神膏
事更追唐宋人還得謝瞻應求來越嶠賓客有臨洮
劍氣齊騰上珠光不可改上梁文競作招隱賦相挑
白雲歌難和青天首自搔芳筵歌鯉鯉美酒瀉蒲陶
選味空亭非升堂儼獻羔朱弦調玉柱鐵撥轉檀槽
琴識圍金帶詩盟奪錦袍清游同落帽險韻續題糕
勸客持荷葉畱歡送海螯已知情倒極何惜醉酩酊
蘊火傳三楚經綸重六韜長仁空似帶羣盜實如毛
吏是今年偕恩從此日叨使君多暇豫黎庶失啁嘈
笑續真難及天書特賜褒四郊馳驛騎三命錫旌
高

百尺梧桐閣集卷三

主

寄給諫李公

最憶青陽獻歲時帝鄉親友對衙卮水亭雪霽張
燈滿畫閣簾坐奏曲遲前北蒲陶千萬顆仁南梅萼
兩三枝春來風景應如舊每訊西莊給事詩

喜于皇至

杖策到荒籬敝危步轉遲五年不相見雙鬢忽如斯
猶記持螯日逢余上馬時去來真寢寐款款說前期
題吳冠五所藏櫟園司農北雪詩冊子二首

替伴西轡歌北雪今從北郭哭西州故人死去殘詩
在開卷如何不淚流

文舉名言亘古稀善人在患自忘饑可憐友說今如
土熱淚成堆想合肥

題孟生像

怪底林宗眼倍新五株松下作閒身手揮白羽看山
坐不是尋常顧甌人

除夕攬鏡

豈期弘景尚書郎終歲蹉跎萬事荒今夕頭盧三十
過鏡中先見一毛霜

百尺梧桐閣集卷十二終

百尺梧桐閣集卷三

主

百尺梧桐閣集卷十三目錄

古今體詩

題長真觀察桐陰小像

爲樹百題顧瑟如畫杜詩冊子二首

題原一畫像

題范汝受小像

墊色

同友人汎舟游平山新堂各賦四首

送臧介子令魯山

定九以顧茂倫雪灘釣交圖索題卽寄茂倫兼

簡趙山子

百尺梧桐閣集卷十三目錄

燕子磯眺望

弘濟寺同叔定家兄訪蒲公二首

秦淮燈船歌同雪客叔定家兄作

秦淮同尙白大參讀西樵考功年譜感題四絕

句有序

尙白大參以敬亭綠雪茶見餉簡謝

虎距關訪龔半千半畝園二首

題黃俞邵千頃齋藏書冊口

飲金觀察署齋達旦卽偕馬游蔣山靈谷諸勝

王安節以詩見投惜未得偕往和來韻爲答

牛首

祖堂

贈閔翁

題劉砥淵小像

喜雲漸至

秋日再登燕子磯述懷

子修編修覲省南歸賦贈四首

九日同周伯衡觀察原一子修兩編修穆倩孝

威倪閣公仁辰六叔定舟次兩兄汎舟游平

山用少陵夔州九日詩韻得三首

送原一之京

平山再送原一

百尺梧桐閣集卷十三目錄

晚過興嚴寺

李畫公以秋原聽歌觀獵圖索題走筆爲贈

讀易三首

題郝山漁振衣千仞岡圖

題致靜齋耕牧圖四首

題仔園畫山水冊子

題雪客遺谷戴笠圖

題王東亭三桐圖

梅歎

百尺梧桐閣集卷十三目錄終

百尺梧桐閣集卷十三

揚州 汪 懋麟

古今體詩 自乙卯歲正月
起至十二月止

題長真觀察桐陰小像

白雲不流秋景沉五株桐樹枝森森桐邊巨石若虎
臥旁有偉人方坐吟榻管欲下未卽下看君用意何
其淡入洛十年播美政牧揚一載收羣心卽事多欣
少所怒遇物以緩無不任東南羽書如箭急夜遣吏
卒朝彈琴六代名賢領仁左處置變亂能開檢唯君
雅抱頗相似靜者不受衆物侵前日錦帆渡江水傾
城車騎來騷騷道旁拜揖趾相錯祝頌不聞絲竹音

百尺梧桐閣集卷十三

一

靈琴如掌不有避攀轅勸酒真難禁屢年去郡非一
守馬前之酒誰曾斟人生作郡此爲樂豈必山嶽矜
黃金此時海內印安石如君濟世稱球琳請倚長劍
掃羣盜且勿燕坐耽桐陰

爲樹百題顧瑟如畫杜詩冊子二首

谷靜春常好山溪客自歸離鷺爭竹塢小大出等屏
雲氣千巖合泉聲百道飛滕王舊亭子此景尙依稀
又

木葉下蕭蕭高天正宋家幾行晴鴈起數點碧山遙
耐可搖孤艇偏宜趁晚潮同心二三子此外未須招

題原一畫像

高齋宋屋林唐幽軒窗不使纖塵留芭蕉葉大斑竹
長主人馮樞方科頭塵尾在手意閒適漁童洗硯臨
清流旬中但覺無一事唯有萬卷相冥揆前年與君
住京國見君延攬窮九州一士不至食不下此意竟
與原嘗侔布衣窮交日滿坐脫衣供饌能不憂酒閒
往往便尺牘百函應對無停休自君南歸以求應余
亦布帽尋舊丘君來訪我曲江畔紛紛落木當深秋
此時軍鼓震江漢絳灌大笑書生謀異才衰衰已閒
出如余自合偕浮鷗君家伯仲比伊呂翊贊宜入銅
龍游試向金門展奇抱天河倒挽清戈矛山房樂事
且休矣爲君飽林雙騁驪

百尺梧桐閣集卷十三

二

題范汝受小像

恥與陶朱作後身豈同張祿巧歸秦短衣獨把閒書
卷笑看山中射虎人

墊色

墊色殘春外橋風逆浪前近仁農事早下聞估船先
白鳥飛漁艇黃鸝下麥田所嗟兵革裏飽食望豐年

同友人汎舟游平山新堂各賦四首

三尺新湖水雙簾舊酒船鸞棹初夏日梅熟乍晴天
繫艇長橋下烹魚小店前忽然聞越調歷歷四條弦
又

關河連歲別風雨故交違文酒歡重會園池景半非

晚蠶迎樂立。老認人歸浪。說游京洛多。慙晉陸機。

又

堂成羣望愜。勝賞衆歡同。畫檻雲邊出。松門寺外通。
隄長宜雜樹。臺敞正晴空。五百餘年後。依稀六一風。

又

兵戈紛聚散。會面一春難。痛飲原非易。斜陽轉耐看。
卽今娶水畔。此別隔雲端。莫便回棹去。鄰園有藥闌。

送臧介子令魯山

連朝醉臥頭顛梳。一聞剝啄心煩如。小園菖蒲長過
屋。竹筍新出堪爲蔬。忽聞門外繫大馬。故人天末何

來與握手大笑。莽脫帽卽炊白飯。享仁魚自言初得

三

魯陽邑。還過仁上。迎版輿。縣小地僻。風俗樸賦。稅不
過三千餘。余往勸農。竝課士耕田。識字通詩書。游惰
之民。罰不赦。稂莠害稼。行先除。縣居有暇。卽誦讀。呼
奴種菜。親耰鋤。以此作令。庶無辜。楊震之戒。安用諸
余。聞子言三太息。世人半以官爲漁。元公當日令此
邑。聯袂自歌於爲。於任滿。只攜一縑去。清風習習吹
柴車。用子之言。行子志。京洛自此騰令譽。佗時訪子
躡嵩嶽。爲我向導。藥青驢。

定九以顧茂倫雪灘釣空圖索題卽寄茂倫兼

簡趙山子

少文一別春。夢殘短量忽來持。繁執細書索我賦。長

句吳。仁顧子圖雪灘我思茂倫十餘載。扁舟欲渡煙
江寒。去年寄我鳴盛集。小言謬附風騷壇。邇來論詩
多所怪。聲牙頗愛蘇與韓。東南輒熟習金粉。救收竊
欲回狂瀾。敢持此說告知己。庶幾與俗殊。鹹酸顧子
負才余所畏。收拾衆美皆殊觀。漬墨正染翡翠筆。弄
船何有珊瑚竿。君家顧雍領重望。中郎異書窮研鑽。
劭榮博洽復明悟。後賢繼起眞龍鸞。煙波莫漫狎漁
釣。鴻鵠方欲舒羽翰。東吳趙子別余久。與君氣味同
芝蘭。松陵唱和儼皮陸。仁湖一櫂隨風湍。待我荷笠
走相問。買魚滬濱相盤桓。

燕子磯眺望

四

燕子磯眺望

一櫂截仁過孤亭。當面而來落颿尋細路。入寺得高臺
潮打荆門轉山連。楚岫開南征。幾幾急臨眺。首重回
弘濟寺同叔定家兄訪浦公二首
夕陽弘濟寺不到九年多。岸柳行初密。沙田水自波。
山波殘雨在仁靜。一颿過正愛羣峰好。鐘聲送晚何
又

信步到山閣。廊空僧見稀。道人方晚食。驚客乍披衣。
款款亭茶坐。恩恩解帶歸。宗雷存後約。待我啓松扉。
秦淮燈船歌同雪客叔定家兄作

秦淮五月水氣薄。樺櫓乍紅桺。等落新荷半舒菡。舊

高對面人家卷簾幕晚來列旨何謹聞鼓吹中流一時作火龍一道燈船來衆響咽嘈判清濁一人撾鼓揚雙槳宮聲坎坎兩虎搏一人按拍秉樂句裂帛時聞墜秋穉一人小擊雲鑼清髮髯湘娥曳珠珞橫笛短簫兼玉笙蘆管鳴鳴似南簫兩旁列坐八九人悉羽繡商不相若或澀如調繁女弦或潤如囀早春鶴或緩如咽松下泉或激如挑戰場稍有時回飄作數弄月白沙明叫饒鶴六船盤旋繫一纜萬點琉璃光灼灼牛渚燃犀羣怪驚昆明習戰老魚躍衆人互奏時一呼如聽宮中上元樂大肉上元夜奏樂每開樂人呼贊爲節吁嚶此聲何自來萬曆年中逞歡詭中山開平盛甲第富

百尺梧桐閣集卷三

五

秦淮同尙白大參讀西樵考功年譜感題四絕句有序曩在都下與尙白大參別忽四年矣乙卯五月相遇秦淮水閣懷人感舊因出阮亭先生手編西樵考功年譜並來書見示欲爲考功表墓故攜書行笥不忘也燈下展讀感琅邪友于哀切與尙白公生死交情俱可涕也薊門相別白門逢手把琅邪札一封說著考功先淚落作碑魂繞墓門松秦淮歌散夜將分柳外燈昏水上雲年譜一編纔讀罷已教腸斷舊司勳

百尺梧桐閣集卷三

六

見說芳香徧體傳前身金粟再生天斯人何故無中壽五十猶教少二年考功死日編禮作異香當代名傳大小蘇彭城風雨夜相呼可憐和仲先秋艸零落榮華淚影枯尙白大參以敬亭綠雪茶見餉簡謝符我游敬亭索茗過僧舍尋藥浮輕園不與基盤亞僧言有茶尾官取日無暇山頂一畝產竟爲權豪霸供給每不足頗遭吏卒罵以茲數年來種茶事漸罷好友梅與沈謂公憐我困枯筆若畏時封經貽我旅檐下酌泉時一亭能使磊塊瀉寢想十餘年此味如食蔗先生來白門憶別在清瀾四載隔溫涼轉覺顏

色妖爲歡感故舊對酒及淡夜貽我綠蠶芽重比南
金賈鉛墨刻茶頌香郁敵蘭麝入山本手制時候介
春夏開罍自煎膏清芬滿水榭悅與故交逢齒舌亦
驚訝管人鬪茶品色味有假俗謬爲龍鳳團或遭薑
鹽矴似此秋水激豈與頭網鑾陋哉蘇軾公八餅希
拜謝何如山中味恣歡悟玄化

虎距關訪龔半千半畝園二首

艸木蔽雄關森森翠壁閒關前半畝宅中有一人閒
引僕栽粲好邀余看竹還牆東新闢地從此老青山

又

賢婦何年去空堂影自悲補衣煩老妹倚杖賴嬌兒

百尺梧桐閣集卷三

七

圖畫人爭買詩篇俗未知看君吟五字直與孟亭期

題黃俞邵千頃齋藏書冊目

義皇本多事橫空爲一畫遂爲文字祖後來紛簡策
貽禍到秦談詩書受奇尼漢興稍接絢殘缺良可惜
作者東西京自是競纂釋各爲一家言牛要幾千尺
歷代有撰著純雜理須關勝國重淹雅名藩富經籍
下逮學士家典墳亦充積所嚙時文與古書相扞隔
盈箱未必窺但取耳目赫四海莽多故遺編毀兵革
余嘗入三館顛倒觸履迹散亂無全書儼鼠飽永久
牙籤悉斷割縹緗爲地席小胥閒盜竊千萬無什百
余欲叫九閭笑者頗噴噴執卷發長喙誰爲共考覈

歸來達戶下敝簾恣怡懌安想宛委山漁獵快夙癖
但愁十指短難探海中璧古人目十行一覽不再經
我讀未終卷記憶悔忙迫聰明天所限人事況役役
意欲專一經守約或有益藏書羨黃子塞屋地苦窄
浩瀚六萬卷丹鉛盡先澤父書既善讀而且保亂逆
仁山有變遷此書無改易黃子固多才孝思實無射
佗時購遺書造君千頃宅不須槌鎔來邊生吐匈膈
發君四庫藏光輝照金石

飲金觀察署齋達旦卽偕馬游蔣山靈谷諸勝

王安節以詩見投偕未得偕往和來韻爲答

桃葉歌殘夜忽闌登山犯曉僭金鞍經過舊內銅駝

百尺梧桐閣集卷三

八

沒望去荒原石馬寒麥隴已迷行輦迹 聖朝猶置

守陵官南禪澗水如縣瀑悔不同君竝轡看

牛首

淡日微風麥浪秋尋山袞袞上牛頭白雲回合丹梯
滑青嶂從橫翠靄浮見說朝陵雙闕在空餘講法一
鐙畱獻粲巖畔等如繡簇擁風光入寺樓寺有白雲樓

祖堂

纔分香飯別香臺又向幽栖寺裏來衆壑同時樵徑
引萬松溪處佛堂開洞門馴虎如童子石上枯僧化
劫灰欲向瞿曇窮這箇朦朧媿不是宗雷祖堂舊名幽栖寺

贈閔翁

鄉里有善人爲善亦孔力雞鳴卽早起此心常惻惻
懷金衣帶閒濟人衣與食不肖道姓名何曾見顏色
計翁所爲善一一屬隱德遠近感高義守令旌正直
翁意守恬退所寶但稼穡吾翁年九十與翁晚相識
善言兼善行相契在何臆杖履每見過通家比陳寔
賤稟恥諛言中心慕悃悃因思富民侯出錢助疆域
奇術動漢武致身不可測方今重軍需輸納得官職
輕財如翁賢自應邀聖勅翁笑殊不爾久矣鄙卜式
題劉砥瀾小像

君管過都下疲驢跨一匹維時方嚴冬北風吹瘳日

百尺梧桐閣集卷三

九

賃屋與我鄰土銓時對却朱家纔倦游謂秋竝坐弄
凍筆有時廟市回百錢買盧橋斟酌易州酒忘形恣
歡暱春明試碎雍一掃萬言疾寸晷鼓餘賦賦詩走
長律司成動顏色謂與何蕃一自此名大噪賢豪託
膠漆崑山好兄弟稱述尤啣啣方期售美玉賈可高
萬鎰豈意秋風生先後北堂失麻衣各相弔忍淚不
敢出憐君乖良會余合弃微秩伏處忽二年涼風感
蟋蟀攬鏡見白鬢怪余早蕭瑟昨日展圖畫見君好
容質踞榻把築書讀唐不巾櫛含意未及申所思杳
難必余倦實無堪終日自捫蝨美酒亦厭傾舊籍亦
嬾述四方正格鬬何暇用儒術與君且荷鋤行采南

山臬

喜雲漸至

今年畏熱吾猶嬾觸熱何期子卻來舊日笑譚都自
廢此時懷抱向誰開始知獨行妨流俗信有羣狐妒
異才儲淚不須真一斗消憂唯願且千栢

秋日再登燕子磯述懷

五月歷江滸樂風陵高臺季秋此再陟涼氣森山隈
落日忽西墮霞色穿雲堆空江盪明鏡細浪相滌洄
沙洲一萬頃遠望如層治蒲颿一葦直搖蕩中流來
因憶兩回渡防險何勞哉人生老矣樂意思常不開
對此江與山浩蕩包九垓東南苦戰鬪蛇豕紛讎厓

百尺梧桐閣集卷三

十

安能學嵇阮兀兀窮一枯風濤正杳冥濟川需良才

子修編修覲省南歸賦贈四首

余管陪西掖君方在起居堵牆看視艸紉樂促臨書
長日移潑殿昏鴉下直廬一從罷趨走忽忽二年餘

又

好士逢賢主承恩讓異才說書弘德殿看獵涼鷹

臺繡段宮人出金貂內府來年年頻賜與妒殺衆鄒

枚

又

猶記當清夏中官召翰林御牀香綬緩溫樹影沉
沉書法君王問茶漿侍衛斟自今歸院晚睿藻

興方浚

又

二人方健在九載喜君歸上壽分天祿承歡著賜衣
江南茶筍煖澤國稻魚肥試問官廚供將毋此味稀

九日同周伯衡觀察原一子修兩編修穆情孝

威倪閣公江辰六叔定舟次兩兄汎舟游平

山用少陵夔州九日詩韻得三首

卻喜今年秋水大平山竟可小船來已多鞠藥淒疏

放還有芙蓉冷澹開蘇鄭賓朋須爛醉隋梁宮寺賸

餘灰佗時傳此茱萸會不數彭城戲馬臺

燕薊人將去謂原一荆襄客久來謂觀酒因離緒滿

百尺欄閣集卷三

士

寧惜別時開代馬且停發楚颿須緩回管賢逢九口

珍重此潑栢

堂碑新作記慙媿說高文時出余平山堂記何牽蘇黃客重

偕鷗鷺羣題詩沿石滑采鞠埜香分此日龍山燕將

毋峴首聞

送原一之京

管時送君歸玉山我方游戲東夢間今年送君詣北

關我正放浪茱萸灣車馬如雲不得發遠近賓客相

追攀我且與君盪船去芙蓉夾水開斑斑潑栢屢勸

不辭醉隔船奏曲聞雙鬟忽憶去年九日會孫郎美

子同老頑謂人翦燭向我樓上坐初弦月色如弓

寧鞠等之栢此再把人生良會非等閒君去 青宮

正側席議禮直領羣賢班顧我贈登苦負米送君不

覺多別顏如鳥在雲魚在水升沉相望何其艱長安

舊游若相問爲道劉伶常閉關

平山再送原一

六一堂前酒一卮樂心不負鞠等期此堂偕作勞勞

地不是尋常送別時

晚過興嚴寺

問法興嚴記十年兩株銀杏殿臺前己公門與蕭齋

對猶想經聲落日邊

李晝公以秋原聽歌觀獵圖索題走筆爲贈

百尺欄閣集卷三

士

平原澹蕩秋雲高秋山層疊明纖豪楓林栢葉各蒼

翠鞠等桂子何飄颻此時風景正清暇等棚高敞叢

簞下繡牀企脚天人姿俊爽欽寄偈王謝理喻一部

弦管清賀老按句爲慢聲主人顧盼色飛動芙蓉粲

外秋盈盈吾徒陶寫賴絲竹吹蓬落葉搖寒玉白是

屯田解樂章久知公瑾淡詞曲更愛長坡平似瀉健

兒一輩能騎馬麋鹿溪鱗滿月追狐狸怒發流星打

埜雄離羣飛向空蒼鴈臂上金眸紅韓盧櫟想馳

逐黃鶴悲鳴聲最雄主人此時神正王意氣飛騰青

漢上再令前山合一團頻呼小隊歌千唱覽圖令我

起欣羨擊劍彈箏歡已徧握躡笑彼庸腐儒丈夫豪

舉誰曾見古人射獵秋冬俱艸檄殺賊臨萬夫寄情
聲伎偶然耳死守章句何爲乎況今海內莽多故英
雄智敵期平樂獻策知君志埽除譚兵豈僅驅狐菟
噉余所好亦非一讀書飲酒兼音律有時跨馬愁控
鞍欲學彎弓苦無術君有清歌我竊聽君有美酒傾
玉餅陽元之射汝南騎還欲與君共讀陰符經

讀易三首

市中挾冊幾人知易學相傳入蜀奇篋交醬翁今益
少漫將此事語袁滋

譙家夫子有聲名講易涪州理最精何事大廷多不
合只須歸去隱青城

尚書易義稱精了九事猶然辨未清卻笑鄧颺全未
解要言空聽管公明

題郝山漁振衣千仞岡圖

戴生寫真入神妙前春爲余三寫照非有四目與兩
口何事經營獨難肖今披郝子千仞圖毛髮之間無
不到蚪須開張閃巖電此意直與蒼冥傲手挽兩幅
白練帶頭上接離風欲倒遣懷固已追左思搔首還
應同謝眺頻年生事涉江海近始不出守漁釣讀書
負米儻足安用登山犯羣盜知君有才頗滑稽東
方老子通至道佗年盡室學冲舉足蹋松濤濺飛瀑
題致靜齋耕牧圖四首

五月新秧似翦齊沿谿坐柳碧如絲科頭坦腹清陰
下一盤頭網乍熟時

阿段平肩短笛橫飯牛纔罷急催耕不知主伯勤農
意半是中年砥礪情

何異箕山潁水瀕最難世外此閒身輪佗藉艸聽鶯
坐校勝長歌扣角人

清尊紅蠟夜歡娛此老胸中有智珠誰識畫堂歌吹
海已曾料理作農夫

題仔園畫山水册子

獨坐山樓雪下遲寒梅正吐最高枝畫圖何意逢王
洽髣髴沉酣潑墨時

題雪客遺谷戴笠圖

攝山山中有遺谷松茂泉香思煞人大口廣眉者誰
子道衣芒屨此閒身偶然曲柄同靈運何待高標笑
孔淳避俗君如真哉決尋幽我亦不遂巡

題王東亭三桐圖

東亭舊種三株桐結陰吐秀含清風幽泉甘露日披
灑時聞鸞鳳調商宮吹臺百圍不足數龍門千尺依
稀同據枝洗幹亦偶耳博陵愛惜非名通種桐先生
本靜者寄暘艸木憐菁蔥石牀燕坐悟玄遠混泥雅
致卑王充君家過江止三理六儒之論噉從工夸甫
譚多亦小極何如簡默超鴻濛季楚自備四時氣茂

遠見審司徒公桐風習習桐葉響恍然天籟鳴秋空
小園亦有五桐樹少小閉閣潛磨礱十年薊北困趨
走時時癡落桐等紅昨歲歸來埽石徑蒼皮剝蝕東
廂東墜我何堪物如此慨然見樹同老翁誓將戀此
不復去與君相視清柯中

梅歎

石上老梅吾所愛今冬開萼大無對黃英紫萼圓如
珠屈幹低枝香最耐小攜銅餅細采擇密編籬竹妨
偷戴指揮園官驅役童丁寧幼女嬰羣妹豈意曉來
簪飛悉著等如掌枝全礙我來園中心可憐布幔高
張喚奴輩斜撐石角茅屋同自羨此中圖畫在五更
急雪積三尺幔墮等傾力難載絲枝密葉盡凋喪遂
使溪根一朝廢天資本足敵冰雪愛惜反覺有嬌態
匪尋橐駝培舊根竹縛繩纏自遺悔顛顛無復絲盛
容傲牽春風庶幾再吁嗟榮落理有之何用巡檐發
潏嘅

百尺梧桐閣集卷十三

五

百尺梧桐閣集卷十四目錄

古今體詩

元日小園侍 家大人飲

海陵寓園晤冒巢民以蔡金兩少君所畫古松

春燕箋扇及芥茗見貽長句爲謝

題巢民畫像三絕句

又題扇面

和雲漸

回銓

後房

題憚正叔凌唐戲魚圖

百尺梧桐閣集卷十四目錄

題采鞠圖

張桐僊以餽餽見餉戲簡

趙鐵源中允南海 使旋投詩見訪奉和三首

題孟端士編修詩卷二首

漫興

贈僧

舟行觀漲

飛騎

子靜兄子畫像列景與余三好圖畧相類請題

走筆疾書兼呈子靜

題玉琴圖扇圖

新夏過子靜樂志堂三首

題嚴光坐釣圖

題戴安道破琴圖

題畫二首

仁氏雙節歌

平山真賞樓第五泉亭落成和叔定家兄韻四

首

將之京同叔定家兄飲樂志堂對月留別李維

饒吉士陳冰壑子靜共用十蒸三首

淮陰客舍促禹生歸時余北上留別三首

飲丘季貞西軒枉詩見贈賦答

夏氏精補閣集卷四目錄

二

入山東境

沂州口號

青駝寺阻漲

我行山東道

經徂徠山

山漲阻泰安一日二首

新泰旅壁有楚客和余蒙陰舊題自爲此詩距

今已八年矣感題一絕

晏城

立秋遇雨宿平原旅店有懷董默菴編修二首

黯澹

礮車行

趙北口

宿都門外

七夕入京

送楊孝廉歸常州用司農公韻兼簡頌嘉二首

送方虎編修歸觀兼簡就斯學士

司農公招飲秋碧堂卽席贈方邵邨侍御

題畫二首

醉歌行簡田子綸轉升六林澹亭顏修來謝方

山兼懷頌嘉南歸

題邵邨侍御畫嘉莊農隱圖贈子培

夏氏精補閣集卷四目錄

三

重九前一日陪益都馮公游萬柳堂見示二律

依韻奉和

寄內子生日

子綸員外招同諸公東河汎舟作歌

李梅崖儀部齋前春海棠秋日復萼屬和三絕

句

送耦樵副使之任荊州三首兼簡李岷瞻

愚阮亭先生傷逝

爲牧仲題清谿江山臥游圖二首

奉簡大宗伯宛平王公時爲余題百尺梧桐閣

畫卷兼呈司馬公二首

重來

題淵公畫冊四首為生洲西嚮

紫微洞歌贈海寧陳封公兼呈大中丞

贈倉場侍郎嚴公

題辰六俗書圖二首

忽忽

塾店

亂山殘雪夜

望泰山積雪

除夕

除夕又成一絕句

百尺梧桐閣集卷十四目錄

四

百尺梧桐閣集卷十四目錄終

百尺梧桐閣集卷十四

揚州 汪 懋麟

古今體詩自丙辰歲正月
起至十二月止

元日小園侍 家大人飲

細雨入新年登樓霽景妍雲猶屯木末春已到簾前
九十親方健兵戈信漫傳讀書兼負米吾意老耕田

海陵寓園晤冒巢民以蔡金兩少君所畫古松

春燕箋扇及芥茗見貽長句為謝

州西邨原好林木疏快真能媚幽獨上春來游新雨
晴主人許我偕茅屋門前菜甲綠未齊庭外梅萼紅
已足開軒把卷正蕭爽車馬聊此遠馳逐東行何意

百尺梧桐閣集卷十四

一

逢故人握訴衿情拭雙目參辰十載鬢須換問年忽
過六十六恍慨示我乙卯吟悲歌欲向春風哭先生
品地本王謝少負香名動當軸書法道逸類蕭引詩
筆清蒼比光祿軒冕早弃甘松筠陶寫中年賴絲竹
酒酣每每說往事悅聽東東寢夢錄紛紛誰復開寶
人容易高言忤流俗此輩蠶蠶何足投世事但可消
醺醉林泉樂事猶自多畫譜茶經得賢淑何當貽我
蒼松圖老幹盤挈兩枝禿白團小燕齊啄粲嫵柳三
眠似新浴闥中金蔡雙畫師韋畢徐黃徒碌碌洞山
琴藥原最珍分餉正值春泉熟頭綱八餅不足費宣
城綠雪同芳馥尚白大參自利錄
露茶見貽最佳元祐名賢此相愧

東坡好詩累長幅媿余飲歡如王濛報謝卻少名篇
續品茶對畫聊爾爾眼底句中洗塵麴水繪卷中得
真賞我欲扁舟訪谿澳琴濃水曲鶯亂呢細話春窗
亭茗粥

題巢民畫像三絕句

白恰青衫此逸民當年名占白門春王尼事事都難
及布置須眉亦勝人

聽君吐納可忘疲文采風流老益奇昨共茗香山閣
上玄言直到日斜時

按却搗牀坐鹿皮蘇公甚不合時宜四圍何少煙雲
供問取闌闔兩畫師

百尺梧桐閣集卷四

二

又題扇面

畫譜宣和細作行書追褚薛墨痕香後堂亦有簪簪
體此老風流總擅場

和雲漸

琴時卻怪少晴天閒煞谿頭載鶴船山閣儘堪消永
日故人休說已衰年且拌綠酒千場醉能值青銅幾
箇錢新柳漸黃梅未落杖藜還過岳祠前

回銓

淺著青羅隱玉肌松仁髻子入時宜回銓忽捲烏雲
墮憐取羊家淨琬兒

後房

後房香煥下簾時小月臨窗斂拜遲吾愛紫雲梳掠
好當筵狂煞杜分司

題惲正叔淺唐戲魚圖

水荇風萍動碧天於今繪事屬南田分明一對魚兒
出淺葉淺學淨可憐

題采鞠圖

烏帽欹斜淺絳衣一雙白眼昵晴暉欲攜筆札何方
去說到南山采鞠歸

張桐僊以餽餽見餉戲簡

此鄉春韭肥能早青螺何當入饌溫拔勝范公羊麪
好飽餐餽餽閑開門

百尺梧桐閣集卷五

三

趙鐵源中允南海使旋投詩見訪奉和三首

堂堂春色去宋宋莫煙斜渡巷多曉鳥聞門有落鸞
荒蕪慵掃徑剝啄忽停車瘴雨蠻煙外驚心鬢恐萼

又

驛路詩情滿萼邊酒態多君才真迅發余意早踈此
嬾合耕田了須憐看鏡何關心唯戰伐恐未穩松蘿

又

滿酌勸君醉休言心事違莫春好天氣難得此晴暉
曲聽珠仁美萼看庾嶺歸青宮新有詔早晚達不

幾

題孟端士編修詩卷二首

藥吟詩記管年丁東鈴索院門前俊才早已逢
仁主不比襄陽孟浩然

碧湖春漲柳青青才子高歌放鶴亭盡道南風詩句
好白團傳寫徧西泠

漫興

出水時魚劈細鱗櫻桃蠶豆及時新小園雨後饒清
供只恐文書促吏人

贈僧

己公開白社種樹當茅亭榆柳千章合江山一派青
立言支遁理妙解淨名經高坐誠凶物王劉莫謾聽

舟行觀漲

百尺梧桐閣集卷四

四

何事人舟翻不樂出門風浪便隨人接天大水傾淮
泗徧楚浮民失夏春老屋壞牆猶蕩漾浴鳧飛燕自
鮮新頻年河決關兵象壁馬徒教怨苦辛

飛騎

昏夜忽看飛騎到紅旂先已過墩臺東南戰鬪從橫
甚知是何軍報捷來

子靜兄子畫像列景與余三好圖畧相類請題

走筆疾書兼呈子靜

欽寄好事如我無昭陽禹生爲寫少壯三好圖左擁
異書一萬卷右貯良醞三百壺前後列坐五少女彈
絲吹竹歌吳歎丈夫寄興偶然耳一時傳笑驚庸愚

謂我好色兼愛酒蠹魚乾死何其迂嗟我此圖多所
怪阮家阿咸雅且都作鬚髯寫此意乃與所好若
合符看子白哲好眉宇雙眸爛爛非凡夫顧我龍鍾
過三十百無一得空豪癡猶然兒戲何爲與

題玉琴閣扇圖

君子彈玉琴佳人弄統扇玉琴合清商統扇驚秋燕
秋燕自去來清商好畱戀人生歡樂亦何常不如彈
琴焚妙香臨邛女兒解此意玉纖笑把幽蘭芳

新夏過子靜樂志堂三首

依然三畝宅突兀見斯堂高枕真疏快開軒總鬱蒼
樹原階下有等入夏來香積水方池外游魚儼作行

百尺梧桐閣集卷四

五

又

一船當檻立疑是汎江湖艸木隨高下風濤問有無
觀虛心自得鑒物理非迂吾愛歐陽子淡愁對畫圖

又

曲室堂東好藏書四庫多開函感先澤未老慎蹉跎
勲業心空在文章願若何名山儻有意把臂理漁蓑

題嚴光坐釣圖

抱釣箕牀態故狂只須兩語報君房西轡買菜徒求
益畢竟知君是漢皇

題戴安道破琴圖

破琴不肖向王門嵇紹曾言法服尊莫使姦雄託豪

邁揚挫打鼓笑王敦

題畫二首

昭陽顧子畫樓觀絳闕瑤房生白雲如螳宮人三百
六丰神都似李將軍

萬點黃蘆宋莫灘早潮來過晚潮寒此翁身在風濤
裏安穩常持八尺竿

仁氏雙節歌

醴陵之族多令名一時兩節汪與程程也秉操尤嘯
嶸提攜幼婦成雙貞夫子著書簪有聲惜哉短命歸
九京孤雛穉女同弱并匪母牢固根其傾十指紅績
昏達明敬伺老姑意所萌豈唯自奉湯與羹母之外

百尺梧桐閣集卷四

六

孫余館甥母之賢也余耳盈母之猶子瑤與瓊與余
同舉稱弟兄國典五十玄題旌此責屬在邦名卿維
風範俗關重輕豈曰余私鄉之評

平山眞賞樓第五泉亭落成和叔定家兄韻四

首

經營甲寅夏游眺丙辰年荒歲開叢棘寬閒頓萬川
茲山纔不墜吾道仗人傳興廢無常理丁寧屬後賢

又

公欲存眞賞因教命此樓不須懷賴上當亦戀揚州
戰鬪文章在驅除鳥雀休辛勤題木主俎豆喜新留
歐陽公和劉原父平山見寄詩云題中爲我
我留眞賞恨不相隨暫解頰因取以名樓

又

一水三山外紅亭綠樹閒當時蚯蚓合此會鹿盧攀
隱語葦仍在茶經似可刪若教臨大道鉅益未應閒

又

當門分兩塔拾級有高臺萬壑兒孫列千颿遠近開
粵從閒土種碑共老松裁詞賦羣賢好臨文我塊哉
將之京同叔定家兄飲樂志堂對月留別李維

饒吉士陳冰壑子靜共用十蒸三首

又

蟋蟀聲何早空堂夜氣澈乍涼凝節候久雨失炎蒸
地敞全收月檐虛欲背鐙客行愁宋莫秋思已先增

百尺梧桐閣集卷四

七

到此忽三宿主人情意仍當風除白恰高枕偕青綾
道路憐余拙園林讓爾能不須揮玉塵此地少飛蠅

又

黃河遲渡馬心亦厭飛騰對景憐遙夜將離戀舊朋
怕言山萬疊好進酒三升後此常相憶江湖有廢鴻

淮陰客舍促禹生歸時余北上留別三首

聞君烏鵲喜竟隔夏秋閒芳樹已搖落佳期何未還
簾坐明鏡穩琴履繡牀閒留取黃荃筆歸家點鬢鬟

又

往來公路浦見說有逢迎誰共林泉癖虛傳顧陸聲
客亭春艸合旅寢夜潮生百舌關情思朝朝屋上鳴

又

爲我畫團扇美人空復情梅萼與楊柳惜別又長征
浪說前谿癯難呼後夜各自今懷裏裏嬾對月夢明
飲丘季貞西軒枉詩見贈賦答

十年五渡黃河去惆悵元王市上祠仁漢問君爲客
早風塵常悔訂交遲西堂對酒憐今夕北闕坐鞭是
幾時同學舊游俱衰衰松窗何事獨吟詩

入山東境

白浪江淮萬井空卻看禾黍熟山東京寧車騎紛來
往不見西南戰火紅

沂州口號

東尺格爾爾集卷古

八

沂水城東橋畔樹斜陽繫馬記曾來行人問我何相
熟此地經過第九回

青駝寺阻漲

昨夜山中夜雨縣小谿平漲百重泉白沙青艸行來
倦食得茅檐半日眠

我行山東道

我行山東道季夏艸木長黍稷何翳翳麻菽青以黃
小麥已早熟收拾重滌場棗林閒林葉結實坐道旁
昨夜山雨足谿澗流湯湯北地少鵝鴨成羣戲陂塘
黃雞上茅屋驚客飛攘攘州邑咎地震崩闕無周防
茲來悉繕治儼然成庶康淮南苦大水浩浩湖與仁

城郭滿蠹蚌黎民隨叛將田廬竝隄岸千里成大洋
舟楫不得施何況車馬裝吏無安上門誰爲呼穹蒼
國家用兵來徵發出四方府庫竭軍實總計籌皇皇
請蠲懼冒昧設賑原荒唐我欲叫九閭此地須付量
天下十五道財賦江淮彊挽漕且黃海士馬資騰驤
一朝盡魚鼈半已坐死亡萬一迫饑餓無乃煩叟張
康熙七年中淮揚罹水殃朝廷爲肝食命吏會勘
荒蠲賑數十萬恩澤今未忘庶幾半舊典幽谷回春
暘

經徠山

徠徠山下一蟬鳴槐柳周遭澗水清不見譚經舊廬

東尺格爾爾集卷古

九

舍臨風常憶石先生

山漲阻泰安一日二首

驟雨萬山鳴山泉百道橫纔看雷澗落忽報斷人行
疲馬衝波險卽重狎浪輕臨岐徒躑躅翹首嶺霞生

又

登岱年前慣看山雨後饒白雲中壑斷紅日半峰銜
瀑水同奔馬危樓似落巖管會朝玉女題句未應饒
新泰旅壁有楚客和余蒙陰舊題自爲此詩距
今已八年矣感題一絕

猶記蒙山落木時壞牆停燭夜題詩何當楚客遙相
和八度風塵鬢已絲

晏城

暑雨炎風日日生時從馬首問陰晴中年離別傷哀
樂六月馳驅豈性情翻徧殘書忘晝永行過山路覺
身輕西來相識人何少疏樹平沙認晏城

立秋遇雨宿平原旅店有懷董默庵編修二首

天意嚴秋令侵晨雨便飛溼雲遮去馬涼氣壓單衣
不禁鄉愁起頻墜遠道非何人念搖落疆步倚郊扉

又

平原曾駐馬兩度醉君家亭外羅芳樹門前放棗
三年違夜雨數里隔昏鴉傷曉期相訪城中路不斜

黯澹

百尺梧桐閣集卷四

十

黯澹斜陽急莫蟬西風作意早秋天鄧亭敲枕聽疏
雨猶當梧桐閣上眠

礮車行

風雨莫宿德州道忽聞街卒謔驚聲爭言礮車自北
下黃牛一百夫千名官吏縛船架木石大河一夜如
地平我起曉行過卽店守牧將士紛旂旆泥策馬
帶弓箭礮車十乘來轟轟水淺泥活道路澀長轡
牛牛不行千夫挽牛杖齊下屹然山嶽相崩傾紅衣
自督位大將應手一發無堅城東南殘黎苦荼毒紛
紛家室遭機槍國家用兵已三載何爲羣盜猶從橫
安得將軍展神力蕩除賊壘原墊清女歸織今男歸

耕六軍自此常洗兵

趙北口

平湖漠漠柳依依白鷺鷀鷀兩兩飛錯認隋隄隄外
水瀉弩風起采菱歸

宿都門外

長樂鐘聲隔曉聞故人哀哀半青雲上林此日多栖
鳥只恐孤飛少舊羣

七夕入京

京華爲客四經秋人在穿鍼乞巧樓此會重來逢七
夕渡河風雨只添愁

送楊孝廉歸常州用司農公韻兼簡頌嘉二首

百尺梧桐閣集卷四

十一

入洛是何年相逢又別筵清羸餘酒病顚顚復秋天
詞賦原無益江湖好放船君行成小隱不乏阮宣錢
又

昨年通籍友 帝里舊相過聚散星霜改升沉戰伐
多漸聞收白馬何遽戀青裘爲我詢轡植還家近若
何

送方虎編修歸觀兼簡就斯學士

自我南奔感秋穽桑乾木葉忽三落京華時枉友朋
書孺子聲名動長樂名成五載急將母已戒單車載
書橐顧我纔北君復南三市空教歎烏鴛舊游雨散
兼星離大雅於今半蕭索尙書宅裏曾燕游學士齋

中每歡譔一字同爲季主卜先鞭已讓祖生著早成
晚遇無定期雌伏雄飛那能度送君令我懷故歡合
肥門第秋風落鍾山一老歸仁瀆謂仙勝事何人續
東閣嚴平里居方著書試掃鄉園共秀魄鞠粦藥大
相葉坐執手歡呼傾上若煩君爲我一問訊何日巾
車出林壑

司農公招飲秋碧堂卽席贈方邵邨侍御

秋碧堂中夜如水桂粦正吐黃金藥抹麗含香夾竹
紅水晶簾外冰輪起有客笑語四坐驚龍眠僊人意
氣橫朱顏白髮說往事傾倒柘案歡情生食譜茶經
各精緻玉盤新薦楓亭荔絳珀滾凝鳳尾膠碧煙細

百尺樓閣集卷四

主

滄龍團字太和酒白如名泉嘉窯醖子青可憐百川
倒瀉亦不醉接奇說鬼兼譚天忽爾中宵起雷電燭
光亂攪秋雲變啞茵投轄歸已遲尙書愛客心無倦
顧影積唐如酒龍噫嘻此夕開心何我來長安已一
月紛紛汎愛徒千鍾人生舒寫所賢對名士不然紅
裙絲竹眞凡庸

題畫二首

一道飛泉走白龍天風回颺兩三松輸佗細艸畱連
坐如此谿山未易逢
萬疊雲峰已倦登坡前息影似枯僧山蟻林鳥頻催
促莫負蠻奴七尺藤

醉歌行簡田子綸轡升六林澹亭顏修來謝方

山兼懷頌嘉南歸

慙也金門老饒朔歸田荷鋤圃初學掉耳卷舌絕西
笑苦遭官府莽催捉衝炎北征尋舊游半理長鏡半
橫梁鳳皇池上今宋寥老鶴廟前且踰蹕巷南卻喜
鄰田郎朝莫停車聞剝啄還攜轡謝竝馬來永夜傾
壺不嫌數檢情傾寫各倒極命世心期誓河嶽我猶
山人惜早歸學僊豈遂尋孫逸孤標仍有顏氏子咫
尺街西手可握茱萸香滿急沽酒休論聖賢清與濁
對門林子還可呼中夜雞聲嬌尹喔

題邵邨侍御畫嘉莊農隱圖贈于培

百尺樓閣集卷四

主

曉日弄霽色白雲生遙山埜田鳴黃鸝雞犬方閒閒
一邨陰淡樹艸屋八九閒編籬作門徑曠望常不關
牀書隨意讀何論述與刪鵝鴨散不數爭食往復還
龍畝熟禾黍婦子多歡顏問誰爲此圖龍眠筆所堅
此莊信可樂此境疇能攀矯矯伯鸞子世守稼穡艱
山林富經濟饑渴關病瘼懷寶且高臥把釣臨潺湲
重九前一日陪益都馮公游萬柳堂見示二律

依韻奉和

霜翦坐楊綠未收清谿初日照寒洲新澆菜甲千畦
滿舊種魚苗二尺畱此會正濃桑落酒來朝記接鞠
琴秋東南漸喜消兵甲拌醉雲山好放愁

廉相閒情楚外賒曾傳裁柳隔東簪卽看流水當門
住何異清陰繞屋斜小市卹酤消暇日高城莫鶴起
晴霞山林幽興如公少指點開池更種萼元廉希憲有萬柳堂在燕京城東

寄內子生日

簾閣秋溪露下遲鏡奩寒浸鞠等枝鐙前中婦持觴
夜掌上嬌兒入抱時料得當筵謔笑口還應見月憶
歸期中年家室關心切顚顚京塵染鬢絲

子綸員外招同諸公東河汎舟作歌

京東東門連夾城城上角樓頗高亢門外長橋跨大
河轉粟轟轟車萬兩上橋輪駟莽從橫爭門人畜互
擊撞常時送客扛籃輿踟步敲斜防跌踢今秋雨霽

東河橋閣集卷四

古

塵不飛田郎招客汎清漲聽事臨流足松竹行廚及
午陳脯醬翻匙一飽循河干突兀方舟此游汎連橋
結纜排米船繡段紅纒作行幃緣隄最愛艸樹齊逆
浪還憐鵝鴨放岸邊亦有高下樓朱綺青蛾出相望
客謹船重風力微北地操舟如梟盪長繩竝逐青驢
牽短篙漫憶黃頭唱五里一聞如面牆下版橫波不
肯讓開東更有雙櫂迎日映簾泉屹相向歡情爛熳
履舄交主人大呼倒官釀一時供帳皂隸趨吾徒顧
此神色王京朝之官人所榮池魚中鉤徒弄吭開元
選勝成故文矣想緡錢曲江上泥復四郊暗戎馬咄

嗟此游理亦曠人生快意須目前車壁空搔朱雀桁
諸君戀戀思繪圖田郎推我寫圖狀忠恕精神雖未
工和之大意吾能相寒宵放筆試絲絕指點谿山呼
巧匠

李梅崖儀部齋前春海棠秋日復萼屬和三絕

句

羯鼓誰教火速催芳菲偏逗早霜開上林百卉無顏
色故遣名萼九月來
黃英紫鞠正秋風宋莫西齋感舊叢鴻鴈南飛蛩唧
唧冷煙涼月一枝紅

錦官城裏十分春薊北何來兩度新秋日重題春日

東河橋閣集卷四

五

句也應傲煞浣萼人

送耦樵副使之任荊州三首兼簡李岷瞻

憲使臨戎去荆蠻擁傳來漢煙當峽出壁壘背仁開
料敵饒兵法鄧註孫子兵法籌邊仗異才寧河遺烈在早奏
捷書回

又

南郡屯營久巴江涉險遲風多謹鼓角雨暗溼旌旂
鶴澤名賢老龍山戰馬饑廟謨千里勝見說轉秦
師

又

羣盜鏌金折親軍勝可棄不須憂漢沔急爲下夸陵

屏翰人爭印招徠計舊能節管中煩君語降將聖
澤最寬弘

慰阮亭先生傷逝

夫子中年來憂傷寡歡趣淚盡防妃詩眼枯紫荊樹
秋抱失兩子憶時急蜀諭使節方西馳麻衣忽東顧
羣從還周謝期功嫺情憐既無安石達絲竹亦云誤
今秋居省郎騎馬每蹢步僻倪陵雲霞兀傲對鴛鴦
策名二十載猶然困錢布意態日荒忽關情及婦孺
豈意朱弦催凶問一朝赴四德兼人姿內外悉依附
尤解雜珮訊豈僅鳬鴈具閨門失良朋河陽那忍賦
秋風鳴枯槐葉落不復聚寒宵嗟孤鴻隻影共誰住

百尺梧桐閣集卷四

夫

中情豈不哀奈此陽九數彊飯慰皓首荀孫見原固

爲牧仲題清谿仁山臥游圖二首

畫手荆關法已無清谿放筆學方壺臥游卷軸盈千

箇此是仁山第一圖

看山品畫數商丘浣手生憎寒具油怪底停舟當赤

嶼爲沓潑墨寫黃州赤壁舊名赤嶼

奉簡大宗伯宛平王公時爲余題百尺梧桐閣

畫卷兼呈司馬公二首

小春晴日照新霜閣外官梅引細香三歲未曾瞻白
髮前宵重此醉青箱卒依司馬譚兵久見說尙書讀
易盪好待閒園親弄鶴願隨杖屨奉清光

曾以狂言邀畫扇幾回懷裏印仁風如公吐握懷真
少似我疏慵學未工當代大名歸謝傅百年家法屬
王弘敢將葵下勞題句虛擬龍門百尺桐

重來

鳳城晴旭雪初殘紫陌重來畏曉寒三載江湖成漫
客半生趨走老微官姓名猶屏宮臣問殿閣還尋舊
友看卻憶管游零落盡禁鴉飛上玉闌干

題淵公畫冊四首爲生洲西簪

小亭孤壁大仁開宋宋疏松長石沾如此煙雲誰領
畧杖藜卻有一人來

天門中斷兩峰秋一匹簾泉萬道流可似廬山三疊

東梧閣集卷四

老

好怪佗十步九回頭

幾派寒林秃未齊一閒茅屋枕荒隄此翁孤櫂往何

處說是前山明月谿

參差櫛木高如竹上下河房淨若樓記得敬亭游眺

日一方明鏡宛谿頭

紫微洞歌贈海寧陳封公兼呈大中丞

紫微山中有巖洞中有太古之名泉泉聲直下一千
尺珍珠耀日生蒼煙僊人飲此得遐算金光瑤艸猶
從然藤蘿挂壁白蟻守霜雪覆墜蒼龍纏儻非至人
那得遇石乳空閑高崖顛此鄉紫氣日翳魄太丘之
後多名賢伯仲崢嶸盡伊呂一操鈞軸黃麻宜一謝

軒冕抱高節東山養望歌在田指菌射矢等閒耳著
書講道相師傳篤生胤哲比稷契中丞獨坐形埒前
宣公州制 聖人喜叔則啓事庸材捐去年 前星
沛恩澤衰衣赤舄頒堯天我公顧此蹶然笑依然鶴
髦如神僊今茲酒熟孟冬月海濱梅萼方新鮮麟脯
鳳體不足俟山中橙橘登瓊筵願爲挹取紫微洞中
水我公酌之娛長年

贈倉場侍郎嚴公

諸道用兵米京師重轉粟歲漕二百萬豐年或不足
荆楚況多梗章江急易牧就近餉士卒方議輸麥菽
白粳貢吳越所以厚官祿征發重朱提改折令初肅

夏尺格樹閣集卷西

七

山東奏大有十錢米一斛穀賤民轉貧脚躡算茅屋
廟謨正肝食何以慰當軸經綸仗侍郎持籌計倉穀
飛蓋臨潞河徵催動心目憫茲軍吏艱寬仁能鞭朴
粒米重珠玉國脉繫盈縮億冀天庾充孔爲民命蓄

題辰六俗書圖二首

蕭齋宋莫 帝城春倦眼鈔書嬾是真賴得名山隨
處有不須弄筆學王筠

叩門西李與東王阿段牽驢有底忙百卷異書馮僧
得清譚已屬蔡中郎

李謂池北學士王謂莊平給事公也

忽忽

忽忽歲坐盡真如蛇赴壑寒威偏短景日色痿且薄

顧我尚行役大埜莽蕭索驅車歷川原冰霜馬蹏弱
殘雪明亂山驚飈號凍雀枯林刺倦目餘霰向人落
晨發不及旦攬衣聽征鐸車中接遠轡輾轉搖蹏魄
僵臥擁布衾腸裂縮雙腳緬想十年來五度向京洛
一官閱七載趨走厭黃閣及茲始謝去浩蕩脫束縛
榮名匪我期歸田性所樂吾翁齒坐百救養愚刈獲
還家適正月獻歲舉芳酌生菜方鮮新春鐙正的灼
嬌女剪綵勝小妹戲爭攫雜還那可嘆只供老親嘆
去秋聞生男得書意旁魄繡襦初入懷欲來意復卻
書帙齊高樓東西對等萼游子常風塵老兄費營度
少小曾幾時筋力忽衰削夙管好文史努力慕述作

夏尺格樹閣集卷西

七

白日奔奔走猛省難鑄錯四方苦格鬪民命等秋擇
官軍亟埽除城郭但狐貉東南困巨浸田廬悉漂泊
二湖滿麋蚌老穉飽藜藿念此傷我情疇爲拯民瘼
國家選賢俊所以資謨畧伯牧與守令紛紛拜高爵
受恩既非常庶幾民社託咄嗟樗散材自合守耕鑿
長竿學釣魚短鋤事行藥讀書以養志安貧兼守約
匿影縱幽討頽印可無作

埜店

蕭條埜店路臨岐來往門前認酒旂最是歲殘重繫
馬接天衰艸雪飛時

亂山殘雪夜

亂山殘雪夜茅店晚鐘時書料春前到歸嫌臘後遲
鄉心連北鴈等信望南枝欲識征塵倦臨風試鬢絲

望泰山積雪

常時青未了今但白雲昏色與晴光合峰全海氣吞
迷離思日觀浩蕩失天門不覩兒孫列安知泰岱尊
除夕

東蒙荆莽雪塞途百里聲嶠日漸晡散車羸牸屢顛
厥水堅石滑須人扶奴子八九半狼狽一一俱凍神
癡愚山澗境窄復昏黑坐曠豈但愁崎嶇四山猱猱
積雪白耳邊怪鳥時驚呼遙看一苴出林樾邨農娶
笑來迎趨亟投頓舍下車坐吹枯折朽爲紅蘆田家

百尺梧桐閣集卷十四

辛

林釀瓦盆送酸澀轉覺脣吻殊塗硬餅彊羅列飲
獸自顧真豪麤此夕何夕歲行盡蒼黃岐路何爲乎
十年以來倦北道山東之歲三云徂故園今夜好風
景兒女絲絨紛庭除城中爆竹響達曙滴水無復聞
金壺我行到家人日後燈火歷亂謹笙竿傳柑翦韭
且爲樂更招飲客呼臬盧長安一來一回老莫教霜
色侵鬢須

除夕又成一絕句

千山殘雪照林丘客裏停柁轉自由馬首漫言春到
晚東風明日是沂州

百尺梧桐閣集卷十四終

百尺梧桐閣集卷十五目錄

古今體詩

元日青駝寺阻雪少霽南發途中四首

立春二首

送路襄露明府母喪奔里

又送襄露

過善慶菴訪楚公禮闈禪師肉身遺相

勺藥

舟次二兄之賴榆學官既作序送之復命作詩

得二十八字

喜豹人自西仁幕府歸讀其詩稟即題卷後得

百尺梧桐閣集卷十五目錄

五絕句

得舟次兄賴榆書以海味見餉作書奉報即題

紙尾二首

雨中懷陶季客樹下菴送酒一壺兼示慧長老

左巖兄之太湖學官余時在都下未及相送今

年抵家連得來書作此奉寄兼以述別即示

舟次兄

雨中漫興六首

聽隱長老彈琴和陶季韻

六月七日汎舟登平山堂作歌同宗鶴問孫無

言豹人穆倩孝威僊裳汝受陶季仔園龍翁

家兄叔定

避暑平山堂漫興十二首

雨

山中四首

夏夜聽陶季說閩南荔枝欣美作三絕句

大家

孝威鶴問以詩見簡平山堂仁韻奉答六首

長真觀察向守揚州有惠政民戴之去郡三年

復來攝兩淮都轉事傾城歡迎余時避暑平

山堂聞之作歌

題彭爰琴小像二首

百尺梧桐閣集卷五目錄

題金正夏小像二首

題畫

題吳子吟詩秋葉黃圖

九月小雨席上送邵邨侍御歸白門

題覽母圖十二幅爲熊師母夫人壽

題蟲鳥畫冊二首

李倚仁檢討以春殿入直圖屬題二首

喜次功舉省試卻贈二首

紫漪舉省試第二賦贈

冬日放舟白田送子靜之京

寄輟大升六兼懷葉井叔牧仲澹亭子綸修來

方山

邵邨侍御爲余畫百尺梧桐閣卷子畱京師阮

亭先生所且一年一日題詩見寄竝得李湘

北葉子吉陳子端三學士題句賦謝二首

題徐原一贊善彥和編修公肅學士三君像

送姜定菴京兆之任奉天

奇朱子昭無關二首

青藜索詩贈半唐寺端長老漫設二問

題畫

和就斯學士京口見懷之作卽送入京

讀存菴集中超山營葬及除夕曙退菴諸作感

百尺梧桐閣集卷五目錄

慟成詩兼以志媿

就斯學士同車與三給諫過飲見山樓夜出東

城明口以詩見投依韻奉答

與三給諫招同就斯學士劉彥度湯石臣飲寓

齋卽席得煥王歲枯醉不辭之句各足成一

首

除夕前一日大雪就斯學士以蘭茗蓮粉見餉

口占奉答

除夕拜 兩大人像感涕成六百字同叔定家

兄作

百尺梧桐閣集卷十五目錄終

百尺梧桐閣集卷十五

揚州 汪 懋麟

古今體詩自丁巳歲正月
起至十二月止

元日青駝寺阻雪少霽南發途中四首

不眠頻問夜驚聽雪勢飛映燭纔穿戶推簾忽半屏

山東矜歲熟江北阻人歸彊起驅疲馬寒光滿客衣

又

雲薄遙天出風微早日晴山容猶臘意社鼓已春聲

白認林篁發青憐宿霧平送寒何處鳥歡喜向人鳴

又

楚市年光冷無風幸少塵山重迎客喜卹女插萼新

百尺梧桐閣集卷十五

穀爲輸糧賤家多典屋貧四方征調急嗟爾力田人

又

淮南當歲首車馬夾城通羅綺春風外香煙曉霧中

聽歌珠鎔落卷幔玉玲瓏水旱尋常事燒鐙夜夜紅

立春二首

立春沂水上寒意覺全消煥日籠山郭殘冰斷坐橋

清波方活活枯柳亦條條馬客搖鞭過行歌隔岸遙

又

久歷車徒倦春風好渡河心飛淮甸近寢越楚山多

負米兼鋤藥承歡一放歌白頭常健在吾願老漁蓑

送駱襄露明府母喪奔里

入憺神君去吾憐孝子歸灰心辭墨綬老淚結麻衣
送米民情見看某世態非期君封樹畢早晚出巖扉

又送襄露

悲歌陟屺欲何依翻悔當年奉檄非我亦麻衣二千
里與君相對哭春暉

過善慶菴訪楚公禮蘭禪師肉身遺相

城南幽寺背仁開說法應須俗辨才岸柳遠分雙塔
出官河曲抱九龍來初嘗香飯知僧味靜對真身悟
癯回久識人非金石固讓佗白骨不成灰

勺藥

苦憶藥闌三十二四枝金帶久凋零園官忽送粇三

百尺梧桐閣集卷十五

朶供入宜窰馬挂餅

舟次二兄之韻榆學官既作序送之復命作詩

得二十八字

曾聽匡廬瀑布還又看東海海中山文章日共波瀾

闊天與先生歲月閒

喜豹人自西江幕府歸讀其詩稟卽題卷後得

五絕句

節度親賢世所無何妨白首授生徒縱非就食依嚴

武也算吟詩遇石湖

先生忽漫放歸船閉置軍門羨水鳶通德時時關屢

想疲神久已笑伶玄

入門穉子笑相迎，爛賤時魚可作羹。休道眼從今歲暗，鏡臺前面自分明。

十年望字作比鄰，相見何須轍與巾。君自南行余北向，風塵顛顛兩歸人。

檢校行藏好是閒，只須痛飲破衰顏。興來便駕扁舟去，真賞樓頭看遠山。

得舟次兄顛榆書以海味見餉作書奉報即題
紙尾二首

祝其書信喜初傳，學舍荒涼海氣連。寄我大魚長數尺，果然堂上有三鱣。

雞肥麥熟粳粳明，庭外新蟬噪幾聲。飽食便便且高枕，只將此腹示門生。

百尺樓閣集卷五

三

三

雨中懷陶季客樹下菴送酒一壺兼示慧長老
時雨連西復過午，穉竹開風老鷓鴣。舞西偏新瓦響，瑣碎龍龜怒。誰如惡鼓樓前吟，眺遠憶君矮屋一僧共。淒苦菴前隙地基，局大種莧栽蒿沿廢堵。行者遠出米甌空，囊下涇新誰爲煮。堊唐水滿鳧鴨喜，欲濟直須煩楫櫓。知君隱几搖鼻息，遶鬢飛蟲暗欺侮。地低氣溼思一沐，櫛槽黍斛也。何從取一尊下若聊相遺，薄醉差能破愁旅。爲人耘田三十年，規老之謀竟鹵莽。比來州府豈得已，點算行藏頻畫肚。故人慙媿祿米薄，尚以園蔬藉老圃。安得啜取八州督，買山卜

萬聽君數自此安眠六尺牀，湖邊艸堂願方補。

左嚴兄之太湖學官余時在都下未及相送今年抵家連得來書作此奉寄兼以述別即示

舟次兄

莽莽春夏交日送人作吏問吏何所之，俱領聖賢地。江東與河北吾宗得其二，悔齋教祝其風采已小試。昨接一封書海味且遠致，更張洗酸寒刮磨樹禮義。邑令因改容門生不敢戲，老兄去舒州遠道失把臂。阿段前月來連枉八行字，日書兼口訊令我喜不寐。賃屋得寬閒可以貯茶器，山泉滑且甘松煙破初睡。從游擁童冠僭馬歷山寺，麥飯欣一飽非酒或微醉。

百尺樓閣集卷五

四

賦情本漫浪與物自無忌，一官雖非榮八口已足寄。規摹湖州賢優屬經濟事，讀書志行道豈必在高位。因風託此言補我贈行意。

雨中漫興六首

暑雨炎風溼未收，高臺疏快好科頭。階前水滿無人到，自在吟詩不下樓。
常時對客倦寒溫，兩日長須不報門。一卷晉書看未了，下簾籠燭繼黃昏。
夜來如水簾紋涼，靜裏分明癡校長。病嗽幾場虛食酒，熏衣一味煮衙香。
安榴正色似丹砂，新竹搖風翠尾斜。是物經時俱得

力只教吹落刺桐等

雨足高原自有年聽鳩偏我意茫然投量點滴誠無味昨日湖頭佃薄田

午飯香炊雲澤米晚煙色汎靈阮茶年時霑溼山東道日落纔尋賣餅家

聽隱長老彈琴和陶季韻

寺樓陰森影千尺久雨青苔沒階石一鐙寄此曾十年回步真同磨牛迹風弦忽聽壁琴動山僧妙彈指常憺微音澹弄五音具廉折春溫不相隔雞鳴登木馬枉墊賀若依稀立前席枯木無情轉有情何必空城訪琴客聽久令我神氣靜日色移牆度駒隙折腳

百尺梧桐閣集卷五

五

鐙中細泉響水尾何辭風雨腋有耳平生厭箏笛欲共谿堂數晨夕久知此趣無人傳好問陶家老詩伯窗前澀勒搖晚晴飛鳥驚栖如避射大鐘一撞聞梵音蝙蝠飛來佛鐙碧

六月七日汎舟登平山堂作歌同宗鶴問孫無

言豹人穆倩孝威僊裳汝受陶季仔園龍眉

家兄叔定

官湖綠漲明鏡明疏柳著波粼鴨迎轉紋澹拖四天淨積雨如瀟煙初晴舊日蓮唐一萬畝荷葉荷葉枝交橫紅衣翠袞儼行列弄色直與浣女爭奈何一夕盡顛顛光景似已聞秋聲洪潦之苦甚肅殺遂令君

子遭煎亨顧此歎息掉船去步履且向山頭行山頭高堂敞雲際頻視萬壑何其清周遭竹木竟不暑況有井水堪酌傾真賞樓中坐六一俎豆只可睂山并後賢不敢妄窺覲揶揄何物空彭亨諸公大笑惡命酒酒枯落手千憂輕山川勝槩本文賦詎料征戰奔聽聽李全督曰此高會長槍雙拂爲縣旌瓮門既塞淖中陷楊氏涕落黎黎名君不見范葵義氣至今在牧馬埜叫西門城

避暑平山堂漫興十二首

真賞樓中一辨香文章千古拜歐陽廿年心事今癡了大叫先生醉萬場

百尺梧桐閣集卷五

六

層層闌檻敞青春改築誰知費苦辛行客但言登眺美十年前已付荒萊

卿衣安步合榷鞵晚食何須菜與鮭好與山僧同粥飯正逢連日太常齋

三晨晏起久相仍睡足山中眼不啻破曉登樓看山色大仁水氣白騰騰

長日觀書或欠中槐安游戲好逡巡請看六尺琉璃簾便是義炎以上人

萬里青天無片雲千松頂上百蟲聞清宵不到平山上辜負揚州月二分

無邊涼月白紛紛攤卷殘書到夜分開卻蒲葵團扇

子嫺人無復聽飛蟲

一點煙中見兩城平時歌管太從橫空山靜夜無人語獨聽疏鐘十八聲

法本廬山此六時數聲清梵聽來遲老夫也有閒功課緩了文書又誦詩

驟雨挾風西北來高臺前面見奔雷青山候忽模餽裏只等斜陽始放開

雨過閒行松外嶺日斜高眺瀉前坡忽看一隊燒香客旂蓋紛紛亂打鑼

蓮子拳圍保障開畫船龍寺即爭回平山臺榭寬閒甚不是吾從那得來

雨

驟雨入虛堂絺衣六月涼山南聞碎歷岡北正斜陽老樹搏風黑新苗貼水黃移時見開霽小鳥莫驚翔

山中四首

山中少來往獨坐習幽宋鳴禽時皆細蟲或邇邇頻想逐城市真性日沉溺把書欣所獲五情賴煎滌得詩只自哦有酒亦自喫浩然悟造物何事是歡感南風送微雨候忽見雌霓陰晴固變態癡陽倚山壁

又

清晨正葛巾斂衽讀曲禮古人謹微細所以東四體

我友忽入門謂陶季東階顙先稽茗粥一飽共細歡甘勝薺山居鮮供給蔥蒜無次第忘形辭絮羹煩苛姑且洗

又

園官適送瓜節候正六月肌肉雖未豐綠色柔且滑拔刀手欲剖轉慮嫌其突削瓜有古禮副粢不可越絺綌固漫巾累寔亦且歇山塋具公庭此義爲誰發吾願同庶人解衣恣一斲

又

日午眺前洲漠漠一船盤停篙清平橋如蠟綠堦上童冠六七人鍾楹遠相餉感此親串意要笑對平曠

百尺梧桐閣集卷五

八

姻媾偕崔盧朋好兼直諒及時且行樂筋力難再壯入世苦爭角吾願甘退讓達哉管人言著展能幾綱

夏夜聽陶季說閩南荔支欣羨作三絕句
萼清一曲荔支香妃子承恩帶笑嘗艸木如何解公國只今遺恨在二郎

閩南荆棘歎蠨蛸爲憶陳家老樹梢可復坐坐間紅紫只愁斬伐到黃巢用蔡君謨荔支譜中事

聖梅盧橘且消停飽食輸君齒尚馨不怕蠻煙兼瘴雨直思六月到楓亭

大家

偶行蜀岡側突兀見大家儼然堂坊封豈僅同馬懸

荒忽誰氏子老柏久已拱邨農記髣髴一男九女奉
鑿石爲大榔同穴相抱擁御婦儼諸侯僭越毋乃恐
全室占黃壤此塊太癰腫我聞陳乾咎遺命堪一啖
大棺夾二婢欲以人作俑卓哉尊己贊能以禮爲重
將爲文告之爾聽已惜懂爾一枯酒作達見亦祇
隋皇本荒淫生時盛女寵玉鈎千萬釵無一伴丘隴
輸此陳死人片石尙孤聳

孝威鶴問以詩見簡平山堂依韻奉答六首

嬾慢無堪只愛閒何當高枕對青山夜來風月無拘
束多事松門復夜關

自顧欬寄可笑人高吟最喜劍南新王陽盧駱終何

百尺梧桐閣集卷五

九

物甘與東坡作後塵

由來文筆說王曾我道荆公不易承怪底此翁常執
拗獨騎驢子向金陵

閉目尋常歌舞筵看山只共亂書眠倦時細展茶經
讀第五名泉有浪煎

經旬樓上食高眺縱復懷人不下山有使數錢呼小
艇茶瓜分與片時閒

每聽鐘版學經行多少牛羊下廢營向夕陡然秋思
起一番涼雨過高城

長真觀察向守揚州有惠民戴之去郡三年
復來攝兩淮都轉事傾城歡迎余時避暑平

山堂聞之作歌

住山十日習真嬾蔗屨艸衣當晝祖阿香殷殷驅風
輪祝融赫赫張火繖山堂且喜渥冰霰獨臥松風髮
初散忽聞埜田耕箇謹爭攜酒漿百壺滿招邀巷婦
奔里兒踉蹌直踴皇尊館競言驛使重按部陡覺幽
巖候溫煥騶前拜舞家人歡夾道香煙雜簫管三代
直道久不聞何意斯誠向公款我公爲政如水平從
客對人寬且緩饑饉嗷嗷各待哺大厦千閒咸翼卵
枯安得庖丁批卻欲知公廉靜能感人輸納毋勞費
籌算可以餘閒及林壑西岐稻等行纂纂看山飲泉

百尺梧桐閣集卷五

十

公所喜狂夫先滌廬生盥

題彭爰琴小像二首

碧天雲影闌谿光誰坐高梧怪石旁秋色滿前難著
句清才的的讓彭郎

相君大耳復長須自是胸中有智珠閣筆欲吟何限
事未應二頃作田夫

題金正夏小像二首

初日年華藻思新杜朱何粉總成塵愛侬黃葉山前
石卻坐烏衣巷裏人

越布輕衫映紫沽問誰添與作詩才已多細水穿林
過况有奇山劈面來

題畫

石壁誰停一葉舟
蕭蕭蘆荻滿天秋
斜懸笠子橫書
坐目送滄江萬里流

題吳子吟詩秋葉黃圖

木末亭高荳氣涼
最憐仁色到衣裳
秋來自得吟詩
客便覺千林落葉黃

九日小雨席上送邵郎侍御歸白門

每到重陽便雨飛
東籬細菊未全肥
正憐藥裹驚寒
早忽謾歡場送客歸
畫卷詩篇從我乞
酒邊琴下幾曾違
更拌茗芋畱君住
不見牛山有落暉

題賢母圖十二幅爲熊師母夫人壽

孟子母市肉圖

東家縛豕磨刀霍
霍兒問何爲母曰
女嚙前言戲耳
奈何教欺言必有
信市以啖之兒雖
啖心勿喜紛紛
肉食母乃鄙

雋不疑母問平反圖

善人治獄獄無冤
民豈以國法爲母
活人多平反平
母何言法無私母
則慈張湯趙禹未
可疑不疑

孟仁母作大被圖

慈母手中綫爲兒
縫厚衾小兒無德
致上客庶幾氣
類相與淩爲魚官
自織網網魚作鮓
非苞苴賢母顧
此猶嗟噓不見後
世官爲漁

陶侃母截髮畱賓圖

長沙公少孤窮得
母訓所以雄截髮
劉薦何忼慨結
納名士欲兒濟世
成大功侃握兵向
石頭擁粟不肖
俗溫嶠此意將毋
賢母羞

韋逞母絳帳傳經圖

符秦之代六經喪
亾遺此宋姥高坐
講堂猛輩安在
乃讓婦人符氏之
業所以不振平惟母則善樵采課
子賜號宣文君當
時學士多婉矣

王珪母窺客圖

太宗贊佐魏與王
君臣兄弟之義何
茫然是時所重
富貴耳怪底阿母
勤窺窗阿母亦有
識乃能器房杜

相業惜艸艸負爾
公與輔開元之功
七德舞

柳仲郢母和丸圖

韓氏女柳氏母教
兒辛勤苦其口口
雖苦實則甘兒
夜讀丸必含饒連
之性久可耐膏粱
之味慎莫食噉
爾諭蒙著書治獄
真無慙

李景讓母拵錢圖

天雨牆壞得錢盈
船家人驚喜走白
母母曰拵之乃
告天家固貧錢非
所願諸孤學成名
立庶幾足勸賢
哉母願非虛鋤金
久已羞子魚

歐陽修母畫荻圖

母手執荻葉短短
苟勤識字豈必以
管荻短思長

日汝勿荒克體此訓惟文忠叶母德千載揚瀧岡

呂希詰母教子圖

申國進賢獨遺其子雖為避嫌曰有命矣母聞大笑
父未知見經術操行聖賢為師出友名儒內稟賢母
法度嚴明古未曾有雖陷黨籍名不朽

蘇軾母讀范滂傳圖

嗟彼紹聖之季多姦回蘇公正直稱黨魁竄身海外
不少屈天子太后歎為真奇才真奇才學不倦母授
書具卓見却下淋漓范滂傳

陳堯咨母杖墮金魚圖

陳氏三子及第將相堯咨豪俊是用加杖以錢為的

東坡集卷五

三

射貫其中少文尚力有媿父風金魚之佩徒為容誰
其墮之嚴母馮

題蟲鳥畫冊二首

蒲陶樹底著蝸牛雨過閒園物態幽莫謂小蟲無意
思角旁兩國也春秋

艸肥土煥羽毛新蜀錦囊中十月春近日侯家多好
事曲房圍却闕鶴鴉

李倚仁檢討以春殿入直圖屬題二首

殿角煙霏月落遲御河行過聽流澌七年橐筆宮門
外最憶鐙籠傍曉時

春風冠珮步悠悠回首東華我倦游閣內黃麻君舊

物坐看佗日艸詞頭

喜次功舉省試卻贈二首

忽有登科信初聞涕滿裳美名原藉舊業久茫茫
匿卷孤舟上低顏估客旁紛紛誰雀誰卜此高翔

又

蛇年還省試虎試擁羣才盡道文章賤安知天意回
馬卿曾入粟楊子亦須媒不是逢倉壤驂駟路豈開

紫漪舉省試第二賦贈

叢桂開文社恩恩十六年異才寧渡落大志果騰鶩
名久魚頭著詞真鳳尾鮮鸞輪空領解何讓一人先

冬日放舟白田送子靜之京

東坡集卷五

古

雲意作雪北風吼逆浪牽船篙細手天明振柁邵伯
湖日午始見露筋柳官河冬乾行見底河水一石泥
數斗急行胡為逐估舶衡寒念我遠行友我友停車
且遲發我有一言勸君酒上林此去非舊羣蛾眉久
厭吾徒醜但舉故事真陳人慎勿揚揚易開口君學
東方且游戲獨操大筆同敝帚詞頭如山一眼過問
事寧須鑿窗牖平津虛已舊相識此際尤稱才絕偶
鴻鵠高翔會有時我自張眸倚田畝

寄瞿大升六兼懷葉井叔牧仲澹亭子綸修來

方山

天街雪殘風乍消星稀月明鐘漏遙門前快馬夜特

特燈下美酒思迢迢黃紙久操計莫遣白髮漸出誰
相招布帽蒙頭萬念宋君輩使我常鬱陶

邵邨侍御爲余畫百尺梧桐閣卷子畱京師阮

亭先生所且一年一日題詩見寄竝得李湘

北葉子吉陳子端三學士題句賦謝二首

舒州御史判工夫爲寫梧桐百尺圖小別清霜經一
載綠陰金井不曾枯

麥光桌尾細摩挲髮髯新桐引露多等是一張閒故
紙不知換得幾羣鵝

題徐原一贊善彥和編修公肅學士三君像

吾聞陳善則乃有三男子進士俱第一同時被青紫

百人梧桐閣集卷五

五

堯舜同平章爲政必中軌堯佐晉太師事業照青史

堯谷秉節鉞書射擅奇技高幢擁巨轂四世六公矣

又聞陽夏公生兒亦鼎峙兄弟竝及第景初名尤美

卓哉賢母高婦德亦累累邈茲百世後乃有崑山起

天意固莫測實自少者始對策取狀頭殊恩賜紹綺

宜麻復贊政王言手常饒正笏領經筵開陳聖

顏喜伯仲奪槲等兩科如接趾猶恨鬼神各不屈第

二指三賢綴一乳盛事罕與比伯氏余最親論文同

柱砥饑渴引士類竊願執鞭箠仲也本靜者觀心得

微旨卻掃謝時輩門庭宋如水取士燕秦越南北樹

桃李天下操觚家冷然宗徐氏此圖誰所貌一一丘

整裏鑒古各有適笑語儼相似旁有亭亭姿手執是
何紙問疑卻欲前此君亦奇士小弟實秀發謂寅卿
洗眼吾且俟

送姜定菴京兆之任奉天

松山王氣鬱蔥蔥百道關河渭水同盛代車書通極

北朝廷鎮鑰重遼東白羊雪霽千旂碧青海雲開

一騎紅乘節暫煩京兆往姓名先在御屏中

寄宋子昭蕪關二首

夜涼聞落木離思滿江關知己此爲政高齋應獨閒

晚潮誰白紵早雪下青山流水公餘外清歌盪槳還

又

百人梧桐閣集卷五

六

桑乾分手日正是歲殘時滾滾看人事荒荒驗鬢絲

酒懷同浩蕩愁緒獨攢離好待春風裏雙旌會未遲

青藜索詩贈半唐寺端長老漫設二問

半唐寺裏血經奇猶記看當二月時我欲重拈問端

老可曾親見孔禪師寺有宋金等手疏血書

雙桂靈巖舊講堂繼公衣蓋在繩牀頻年嬾作東林

癡試問兒孫那箇彊

題畫

長隄春水拍晴天風轉青帘坐店前紗帽何人蹋春

色錦韁低控鐵連錢

和就斯學士京口見懷之作卽送入京

寢繞西吳雪後峰
苔谿煙水一重重
五年人事看蕉鹿
半世交情託酒龍
阮籍縞衣雙鬢禿
蘇公綵筆五鬚濃
青宮黃閣遙相待
小別何須有別容

讀存菴集中超山管葬及除夕嗜退菴諸作感
慟成詩兼以志媿

與君同抱蓼我傷泣血頻年有斷腸馬鬣未封三尺
地牛眠空卜五更霜超山見說管幽室除夕還聞哭
影堂我正麻衣逢臘盡冰須霑淚不成行

就斯學士同車與三給諫過飲見山樓夜出東
城明日以詩見投依韻奉答

城東燈火常如晝帶醉呼船路不紆八尺玉山何磊

百尺梧桐閣集卷五

七

落一枝邛竹最清癯若言應有君都有卻媿當無我
未無用世祇益龍鍾三十過不辭最後飲餘酥

與三給諫招同就斯學士劉彥度湯石臣飲寓
齋即席得煥玉淡枯醉不辭之句各足成一

首

寒盡江城雪下遲東雲挾雨不成絲吳頭楚尾還堪
熨綠酒紅盧且歲時汲黯諫書心最切宣公制艸涕
堪坐差余布帽真無補煥玉淡枯醉不辭

除夕前一日大雪就斯學士以蘭茗蓮粉見餉

口占奉答

大雪送殘年登樓望渺然千林明檻外一鳥避簾前

歡若亭蘭葉翻匙試粉蓮已珍方味美況出剡谿船
除夕拜 兩大人像感涕成六十字同叔定家

兄作

在晉康熙初實爲行路始余以癸卯舉省試北上迄今十六載
光景如潑水中閒七歲除艸艸客游是三度山東道
四回長安里祿薄秋且卑交親鮮依倚京華多債吏
而我幸寡累癸丑請覲省詎意遭哀毀老母舍我
去此痛乳無已母氏少造家辛苦備十指喪亂兩
破產整頓不移晷末年遂長齋何曾厭甘旨負此恩
勤恩在生幾男子是冬伏廬居老父健杖屢疆爲
歡喜顏哽咽祝箸七繼進九十觴俛已歲再徙侍養

百尺梧桐閣集卷五

大

欲終焉有司迫我起牽衣愁出門孟秋河水滿微名
何足戀弃之等敝屣勉彊事入粟蓋爲歸養爾算程
只數月里門便可企吾父猶康彊細作蠅頭紙贊
人尼龍蛇當飯忽遺矢遠聞早心動行步每錯趾李
冬驅馬回冰霜折鞭筮上春渡黃河望鄉已先喜蒼
天惡不孝不使視易第三年兩麻衣痛哭城東市入
門見總帷悲若初失恃大禮仗吾兄百事奉不鄙死
者究何益生者徒觀美嗟哉前後喪恨與子與比今
餘皆不足負咎在 先妣每覽瀧岡文摧腸竟如燬
吾父實盛德矩度合天理一生守敬恕不得辜桑
梓少壯抱奇蘊墜跌數多否壯游燕楚閒畫策利牙

齒公卿輒避席謂此實崎士交薦試一州握臚不肖
仕中年臥柴荆荷鋤樂耘買書教兩兒晰義取精
體獵名絕傲卒搖手說金紫及夫忝通籍簸揚塊穢
批布蔬教益嚴於茲又一紀今復舍我去淒涼侍靈
几今夕是何夕歲已盡丁巳遺像雙在縣形模儼相
似呼我耶與孃次第進蘋芷屢呼不一應盈眶淚相
視釋孫各羅拜嬰笑牽娣姊不識兒心悲爭桌復奪
鯉噴喝時一加公然肆爪紫顧兒已老大挽須兼拊
髀揚名與行道一一不堪礙營兆卜未吉幽房幾時
壘四尺冀可封千騎願敢修阡碑且有待潛德率邀
詠尚白大參已為先慈作誌取復先君行述許為銘墓青松栽墓門白
石鑿礪底此事恐貽愆兒臯莫贖矣長臨陳此詞稽
額額有泚

百尺梧桐閣集卷十五終

百尺梧桐閣集卷十六目錄

古今體詩

元日試筆二首

新歲仔園以除夕詩見投即韻奉答

立春後一日拜先妣權厝墓因卜葬未就第

成二首

上元後雨中同子靜冰壑飲見山樓

正月二十一日為先君生忌感賦

高念東侍郎以文待詔谿山雪景卷子屬題卻

贈

題唐濟五翰林小像

百尺梧桐閣集卷十六目錄

為紫漪壽母

古意

尚白大參枉書見問奉答四首

二月五日同仔園子靜次功叔定家兄登平山

堂晚過師六潯園小酌因懷力臣同用春字

得二首

題邵邨侍御畫寄王印周大參

淮卒

充飯

上巳舟過常州訪頌嘉不值作書約過吳門即

題書尾

聞頌嘉在無錫趨舟夜進道中相失悵然有作

再寄頌嘉

曉雨過無錫

清明雨中登虎丘萃勝閣

虎丘迎神歌

冒雨過堯峰訪家莒文兄六首

女真院

同仁趾過莒文兄皆山閣

過王咸中別業

同莒文兄咸中仁趾登堯峰避雨湘雲館晚霽

望太湖諸山

育尺樓閣集卷十六

目錄

二

調仁趾

過繼禪師塔院詩以弔之

晚過堯峰下院

市酒

雨中重游靈巖

觀音山

化城巷

法巖

夢山訪卑牧長老夜宿泐潭禪院早起微雨登

絕頂蓮子峰即示卑長老

賀九嶺

夢山石佛

由夢山道經天平游范氏廢園弔文正公

菜羹黃二首

客原一贊善夢谿時牡丹盛開張幕置酒酌余

曰夢爲舍人開也余慙斯語歌以謝之

閏三月三日同巢民園次原一穀梁仁趾飲夢

谿石上即用夢谿爲韻各賦二首

晚過楓橋

題畫牡丹

題徐電發釣魚小照

送春

育尺樓閣集卷十六

目錄

三

夜泊西水驛對月

初寓吳山西爽閣雜詠十二首

題承篤明府西湖載鶴圖

題菴莊圖爲電發

吳山僊蹟三首

閏三月晦日喜晴由清波門入舟游南屏淨慈

寺晚過湖心亭飲宿舟中

四月一日游靈隱寺飛來峰憩冷泉亭上輞光

登北高峰還歷三竺晚際入舟小泊孤山再

宿湖心亭

金蓮池觀白太傅題石二首

二日由法相經石屋上煙霞涉九谿十八壩至
理安寺度嶺失道尋真珠虎跑甘露諸泉即
憩甘露僧舍

翁康飴招同仁趾飲湖莊游寶稷山諸寺登寶
所塔初陽臺觀葛井放舟西泠橋看南宋古
柏

岳武穆王祠墓四首

于忠肅公祠墓四首

泊舟放生池晚坐橋上看月示同游諸子

錢武肅王祠

斷橋放舟泊孤山登放鶴亭弔林處士墓謁四

百尺梧桐閣集卷六 目錄

四

贊祠四首

孤山陸忠宣公祠

雨後登鳳皇山慈雲嶺憩石佛寺觀八卦田下

經天龍寺午後入舟由學士港至湖心亭待

月

謁王陽明先生勲賢祠三首

康飴同陳廣陵招同仁趾再游靈隱登飛來峰

絕頂回坐冷泉亭與菽施諸子小酌

清波門

湖上覽古五首

飲顧季葢侍御願圃卻題二首

驛馬殿閣編修見投原韻

湖中口號

湖上晚歸二首

晚過昭慶寺與暫秋岳侍郎別

出鳳山門緣錢唐江岸山行游雲棲寺歸經湖

上憩萬松書院

過六和塔

五月一日同電發仁趾艮山門外觀競渡歌

午日風雨汎湖

別杭州二首

夜游煙雨樓

百尺梧桐閣集卷六 目錄

五

吳江訪茂倫二首

未明登惠山絕頂還坐亭上酌泉題壁

重游錫山園林

答于皇卽和原韻

病起

得請

重九前三日齋前桂萼盛開喜作一首

九日汎舟登平山堂同次功辰玉蕭雲五叔定

家兄二首

除夕述懷九首

百尺梧桐閣集卷十六目錄終

百尺梧桐閣集卷十六

揚州 汪懋麟

古今體詩 自戊午歲正月
起至十二月止

元日試筆二首

簾閣有清興高樓焚妙香春聲空外得日色靜中長
萬事唯閒好中年見道彌摺頤把書卷涉趣勝壺觴

又

闌墨澆龍尾開囊驗鼠須面窗臨舊帖試茗活風爐
鑒古規摹在觀心晉魏趨寸長了無進弄筆亦何迂

新歲仔園以除夕詩見投即韻奉答

臘盡方纔檢舊篇高樓明燭夜溪然林鴉幾聲雪後

百尺梧桐閣集卷十六

落梅藥一枝窗外妍驚心骨肉偁新歲屈指歡娛非

少年前夕知君好詩思拔劍醉舞何蹉跎

立春後一日拜 先妣權厝墓因卜葬未就涕

成二首

東郊昨日始迎春便有春光刺眼新殘雪冒松猶歷
歷晴豁映竹已粼粼五年想象先慈面四尺耽延不

孝人每到西山泣乾土白楊風起最傷神

靈車一出四經春白艸黃泥幾度新一穴藏衣原治

命千金立石望何人久知封樹遘尼父枉把龍牛問

景純鎮日勞勞作何事竟因形相薄吾親
上元後雨中同子靜冰壑飲見山樓

細雨散春燈高樓入夜登風威搖燭繁霧氣奪星能

莖韭和蔬翦湖魚共餅蒸不須絲管奏清論正騰騰

正月二十一日爲 先君生忌感賦

漫天細雨作春寒翦韭燒燈夜已殘只道白頭人健
在豈知紅燭淚闌干淒涼九十屏中字悞燭三千隊
後官何事輕違葵菽願百年遺痛失承歡

高念東侍郎以文待詔谿山靈景卷子屬題卻

贈

先生愛山復愛雪心迹雙清實雙絕每逢大雪吟風
檐自拾冰簞恣嚼歡世人所愛富貴耳此何獨與世
情別掉頭脫卻司敗冠拔脚早駕勞山轍有如鯨鯢

百尺梧桐閣集卷十六

出滄海惡風大浪手親掣身騎白鹿訪韓衆口弃丹

砂笑劉徹金光紫河亦假藉枕中自有不死訣祇退

最喜錢若水衣白山人更明哲後先蹤迹實髣髴自

古神僊在豪傑情懂可憐李林甫嗜欲熏天枉墜跌

學道務絕食與癡此義尋常苦難決先生挂句無一

事白雪青山自怡悅手攜一卷衛山圖玉樹瓊巖執

寒冽中有老子藥青驢幅巾風卷一角折搖鞭特特

向古寺此老意思殊不熟先生寄興豈在畫謂此谿

山似孤潔管年曾躡南嶽雲道書已對夢存揭乘中

冷芋不肖喫何用嬾殘掉長舌今春相遇謝公宅款

款前因向余說卻婉蠢蠢了不解敢把先生白須埒

題唐濟五翰林小像

咄嗟高人生貝丘盛年卻卻烏貂裘
服采藥日向名山游山中道士亦無數
八百奇人在何處白石成羊未可呼
黃金爲餌終多誤古來達者慕長生
拔宅紛紛說道成我嘗一讀列僊傳
神僊大藥驅利名先生早已辭金馬
閒吟只坐青松下世上從知仕宦榮
靜中早晤頭盧假誰爲先生寫此真
文家畫手足丰神文名于米果然磊落欽寄骨不是尋常行路人

爲紫漪壽母

屋後艸堂三兩間藥蘭萼架寬且閒
舊栽老樹足一

百人格桐閣集卷六

三

抱枝柯交亞寧須刪管年於此結文社
宗道氣誼人爭攀中廚疊出美肴膳
窗閒噴噴窺恩頑公輔自知媿房杜
文史竊奉同輪般磨磨候險十寒暑
我友始領南省班歸持鹿茸爲母壽
白頭一夕成朱顏管弦啁嘈衆賓集
我先叫笑來叩關房中陽陽合雅樂
美人新髻堆煙鬟偃仰盤枕好方法
時聞妙曲調小蠻北堂聽此發笑齒
此樂非易天所慳艸堂光景益濃肥
梅萼點地何斑斑四坐勿謹樂勿奏
聽我醉舞歌南山

古意

西鄰有佳人調笑諸少年含情拚長
衰欲卻還復前

待買千黃金繡幕高樓寒東鄰有年
少信誓禮不愆日夕冀良匹豈料仍
弃捐自矜不世姿玉體誰不憐大珠
累三斛庶足通經縣南鄰有年少束
帛尤加虔北鄰有年少傾囊來爭先
錦繡堆如山黃金壓兩肩佳人顧之
笑吾將安適焉春風綻天桃楊柳舒
碧川物候各有時此理或在天咄咄
東鄰子愁歎持空卷豈敢怨良媒所
挾原幾幾昏嫻以財始君子固不然
譬彼水作珠究竟那得圍紅絲紫兩
頭望望空勞牽不如求故劍舖糜同
晏眠

尙白大參枉書見問奉答四首

敬亭無去鴈仁郭得來書歲月飄蓬
外庭闕涕淚餘

百人格桐閣集卷六

四

八行真款款一面恨徐徐苦憶秦淮
口清尊舊話虛

又

曾共譚爲政清風世未能危言拒宰
相直道咸中丞

公視學山東時事金穴誠虛過即某中丞語東封只自登高樓題

白雪此意至今稱公修于歸白雲樓

又

持節冀他日投竿耐此時異才多特
達公望故羈遲

勲業原難了文章已自私鈍翁隱吳
市二老實心期

謂家君

又

君方逢甲子余亦值庚寅縱緩龍鍾
態坡公詩龍鍾三十九

餘毀瘠身學書全未長見道亦難真只欲尋瑤艸相隨宛句韻

二月五日同仔園子靜次功叔定家兄登平山堂晚過師六薄園小酌因懷力臣同用春字得二首

及此清游趁淺春園驚隄艸尚因循一年最好二三月千日難逢四五人入寺聞鐘添道氣當山對酒喜閒身佗時會老堂中約此會先來醉百巡
傷水園林挽去人捉胡喚我語何真接天翠竹鄰家少繞開紅梅雪後新客不待招公人坐月當初見倍生春遙憐騎馬東寧路艸絲池唐引寢頻

市人椿樹閣集卷六

五

題邵邨侍御畫寄王印周大參

洛城一望二千里寢繞嵩陽寺裏鐘遙羨故人蔡傳去三寧先已放中峰

淮卒

螳子紛紛跨下身偶逢軍吏點行頻未曾殺賊先驚衆盜狗懷雞亂捉人

充飯

昨夜清齋竟忍饑蕭條山店賣魚稀丹陽城下等豬肉充飯還勝菜把肥

上巳舟過常州訪頌嘉不值作書約過吳門卽題書尾

蘭陵城下逢寒食岸柳谿桃作禁煙大索故人思書飲竟虛舊約放春船趨朝見說攜雙妾悵別何期

忽五年有向吳閭重握手徐家亭子好林泉謂原一

聞頌嘉在無錫趨舟夜進道中相失悵然有作

再寄頌嘉

傳君小住慧山隈振柁迎潮作惡來最恨逆風連夜發豈知冒雨一颿開燈前對酒思千徧寢裏逢舟問幾回良晤無端隔煙水昏昏吟望眼慵擡

曉雨過無錫

枕上呻吟檐一枝曉煙遮斷放生池溟濛細雨經粍采跌踢春風在柳絲觸序懷人虛此會聽泉買酒憶

市人椿樹閣集卷六

六

前時好山當面輕過去分付船梢緩緩移

清明雨中登虎丘萃勝閣

懊惱空林展齒聲馮高漸放一分晴白桃等共紅桃落遠壑雲連近壑生如此好山虛令節奈何細雨亂春情隔樓尚有吹簫客一曲吳歛滿院清

虎丘迎神歌

吳俗自管稱好鬼剪綵刻木兼縛葦太保粉面紫游韞冠上金蟬雉雞尾綵輿八坐齊奔忙小兒亦作太保妝帕首烏髻戴假面小旂肩上風飄颺二十鄉中王神怪繡服烏紗面如畫何劉沈謝爭姓名懷刺傳呼各相拜公侯卿相家紛紛就中知者春申君死明

生暗亦可憐李園之計何不聞此事茫昧我所疑鬼神姓名誰其知君不見剝落杜甫廟後人謬作杜十姨又不見伍子胥後人乃作五丈夫因以十姨嫁翼漢荒唐怪異良可吁先王立社寓正道祈穀逢年憂旱潦嗟爾吳人休好奇試向田間種秔稻

冒雨過堯峰訪家菖文兄六首

四天陰氣十分濃顛顛幾春似病容兀坐武丘殊不耐衝風冒雨向堯峰

吳中小別九年光略約紅桃與綠楊忽見橋頭舊亭子看梅曾此渡橫唐

靈巖東去一峰孤信有川原抵畫圖共道吾兄此通

夏播蘭集卷六

七

隱著書久已號潛夫

見說交章競薦雄天書曾否到山中廟堂一紙爭

傳笑拍手而今起鈍翁

青門猶記送君回八度寒暄一笑開問我麻衣何故

出尋山兼爲索碑來

皆山閣外百重山禪榻香爐日日閒用意直教人如

煞莫嫌剝啄擾柴關

女真院

上方山下翠煙微聖女祠前蜨亂飛寢雨莫教歌夢綠繡幃坐處有玄機

同仁趾過菖文兄皆山閣

山鳥驚人繞屋呼艸堂春色在靡蕪喜看此日紅堆徑卻訝何時白了須壘石種粦聊活計參禪講易判功夫客來早有三章約炊黍烹魚酒不沽

過王咸中別業

離門卻喜對山開略約沿谿長綠苔石屋半開粦歷亂紗窗六扇水潑洞豈因北郭逃名早還爲東鄰聽講來王謝弟兄多俊朗似君尤是不羣才

望太湖諸山

峰執率律樵徑幽初日欲上山煙收笥輿登頓氣力敵指顧已達千峰頭高巖絕壑各莽蒼突兀龍洞尤

夏播蘭集卷六

八

雕鏤千年老蛟破壁出爪痕尙作之而畱洞門巨石

列几案屹立不動如眠牛摩挲偃仰不能去雨執候

忽騰山阪奔靄盤空與石關避溼且入東林游停車

脫帽下階坐辛夸爛熳光油油寶雲泉水頗甘滑亭

來簞藥香浮甌堂頭乞食向何處我輩講法驚蛟猴

衆僧側聽默無語松聲挾雨疑淡秋須臾返照倚山

壁雲水澹蕩聞鉤轉太湖萬頃瀉明鏡洞庭如黛雙

眉修菜粦黃綠錦成絨春秋鱗櫛初搗顧此豁然

快心目碎倪萬象皆蜩螗黃昏杖策下山阪微茫月

色銜前洲

調仁趾

曉蹋堯峰百丈顛枕屏羣索費鑽研何人鼻息如雷
動輸爾軒眠臥榻前

過繼禪師塔院詩以弔之

重訪堯峰舊講壇一枝木筆正闌干眼前神駿思支
通坐上清言憶道安塔院雨來春色暗影堂燈閃棟
雲寒遺書盡在中箱裏宋莫宗風未忍看師寄余手札尙新

晚過堯峰下院

晴日明湖景更佳無名茱烏自啖啖松梢殘雨霑桐
帽石畔閒苔上艸鞦老衲願分居士坐山廚正喫午
時齋粥槽又報溫湯早無垢多慙土木猷

市酒

百尺樓閣集卷六

九

市酒沽來琥珀光青州不敵狀元強怪余生性耽辛
辣不信虛名顧建康吳中名美酒爲狀元紅

雨中重游靈巖

名山瞥眼九年過閉塞日向井中坐羸癯扶腳始再
來到山卻怪風色大吹來雨點似擦豆此事何勞天
意挫升輿奮臂思一登成闕僕夫敢媮惰取徑直造
琴臺顛白雲一氣奔難破有如夜半入蔡軍元濟儼
騰向高臥老僧驚我自天降如此頑陰來幾箇馮高
大笑罵山鬼盜雨媮風只虛作最憐惠遠今成灰縱
有高吟孰能和謂繼公

觀音山

數里支硎路春來有底忙一邨都賣酒三月爲燒香
兜子迎風輒吳兒逐隊狂蜨蠶無意思也戀菜萼黃

化城菴

化城菴子好傳自趙凡夫鑿石成飛瀑圓山學畫圖
斯人何宋莫春色任荒蕪好事今難繼墳前片石孤

法廬

曲磴細通泉山橋斷復連徑深夢自引谿轉竹能圍
疏快眞遺俗遲回欲判年果然逃出處何必賦游僊
萼山訪卑牧長老夜宿泐潭禪院早起微雨登

絕頂蓮子峯卽示卑長老

百尺樓閣集卷六

十

斜日欲墮挂山背暝禽一聲山色晦古松夾路陰翳
荀細水奔巖響瑣碎到寺卻喜白足迎升堂不遣烏
策吠爲言山鹿昨夜叫逆計來游必君輩炊飯爲作
東坡羹汲泉更煮元修菜四大僧我快申脚癢入諸
天總無礙曉聞竹葉齋細蠶起視峯頭雨如漑名山
落手儼虛放十州鑄錯枉墜嘅榮興卻攜木上坐援
石攀枝戲莫對山靈逞態來效奇能令兩師斂客退
翻身上踞青蓮萼頻瞰天池一甌在蓮子倒挂疑側
輪蓮葉半張似潑碓下有石鼓時夜鳴感兆兵戈漫
搖喙茲山開自支道林劫火剛風閱興廢荆莽芟除
賴文趙文文肅趙凡夫檠菴之後卑公再亭前白鶴任飛去
樞下青巖原不愛山有支道放鶴亭義馬欄老龍讓湫只虛語山

鬼築垣非所耐期我佗年結蓮社釀林燒豬白雲內

賀九嶺

嶺頭黃鞠照紅顏問道夫幾夜燕還何事茱萸難碎
惡卻教越寇下羊山

夢山石佛

片石屹立無攀援雨淋日炙開潺湲石上童童一青
蓋交柯坐覆如層軒石上何人鑿古佛青巖纍纍頭
如龜右坐手掌足一丈左挽帶索衣扁反田翁俚婦
昧襲寶以手磨礪紛辭言我聞至人實無相錢刻山
骨母乃煩不如刮磨反太古所資萬物窮本源

由夢山道經天平游范氏廢園弔文正公

百尺梧桐閣集卷六

七

夜宿名山曉將別老僧牽衣語尤切鼓敲直欲登前
峰到眼煙雲此還瞥人生隴蜀望甚食縱入谿山亦
思竭連巖駕壑通一門峻閣當山何截泉洞中窄徑
似木鷲山中崩崖同跛鼈森森萬笏朝上清濟濟千
靈就班列青雲已見陵乾宮白骨何人藏丙穴龍蔥
下有范公墳古木荒祠弔先哲後人小築清且幽委
宛長橋跨雌蜺當年絲管延春風錦帳金屏好鋪設
夫人樓上白玉肌半卷輕綃透紅雪趙家新婦相往
還林下閨房總人傑盛衰轉眼灰與塵但見土壘蝕
殘碣山頭古柏子孫賣園內閒尋路人折最憐墓道
千金碑厲劄排牆任蟪蛄自管豪奢水共流休嗟夢

屋與山丘羊曇狂作西州痛只有清名終古留

菜萼黃二首

吳風愛種菜萼黃不信閒萼管亂亾三百餘年聞此
曲至今澆酒賽張王

田中不見麥頭昂盡說萼場勝麥場菜子上場油便
熟耕田不敵打油強

客原一贊善萼谿時牡丹盛開張幕置酒酌余

曰萼爲舍人開也余慙斯語歌以謝之

莫雨廉纖密如織綠陰紅散總無力只有萼谿谿上
萼承露搖煙弄顏色九萼帳裏陳夸光五蕋湯中眠
合德擅品最數姚家黃竊名卻笑劉家黑直教末婢

百尺梧桐閣集卷六

七

視玫瑰更把萼奴拋檐窗當風競舞搖錦裙對燭增
妍挂珠勒香兒露面臨鏡圓徐妃粉黛迎簾側先開
漸落如墮馬半卷纔舒似鈎弋紫鳳將翔故刷翎青
鸞欲戲還鋪翼臨池妒煞雙鴛央隔檻驚回兩鸚鵡
曉鶯語燕爭流連蜜蠶粉蝶相欺偏藥重不上嬌女
頭香清只許平章得果然富貴能駐顏不信絲萼遂
傾國寄語東皇好護春開元寺裏句能新主人特設
青油幕敢謂舍芳待舍人

用徐
疑句

閏三月三日同巢民園次原一穀梁仁趾飲萼

谿石上卽用萼谿爲韻各賦二首

春歸渾似欲還家卻借東風補物萼細雨可憐新聞

月暝蠶無賴舊錢等一閒小閣當山正三面行梧逐
水斜獨我醉眠坐不遠簾紋沉篆隔窗紗

玉藥浴谿放得齊畫樓檐榜喜新題黃羅包處初嘗
果白墮來時好聽鴈高致自然堪景戴狂名敢謂欲
攀嵇看鸞十日忘歸去無復人閒錦繡谿時樂景
戴樓

晚過楓橋

東吳兩月雨連宵辜負春風百二朝怪煞看山晚歸
櫂定然霑溼過楓橋是年閏
三月

題畫牡丹

臉霞初破未全酣無限春風意態含投勝元微看雨
後衰紅寥落憶胡三

題徐電發釣魚小照

越布爲裳席爲帽手把珊瑚坐孤權從來失意英雄
人每向煙波託漁釣休言釣直與釣曲明月清風餌
堪笑淮陰乞食心所羞嚴灘沽名非所好升楓瑟瑟
黃葉鳴石壁江天對清照船中有畫還有書豈少酒
盆與茶竈偶然於水或入山變姓藏名總難料近聞
下詔徵隱淪好卷絲綸向廊廟

送春

一春寒雨苦霏霏愁煞蓬窗夜燭微屬付燈夢晴
日虎丘明日送春歸

夜泊西水驛對月

西水驛前園月生一春未有此回明湖山晴後晚尤
好風物夏來閒更清網落微潭夜魚山銚移沙渚水
禽鳴蓬窗正切故鄉思又聽遙邨橫笛聲

初寓吳山西爽閣雜詠十二首

迎山晴鳥向人呼斌媚斜陽似此無喜煞小樓屏障
礙一方明鏡是西湖

已拌高枕臥山樓早莫雲煙檻底收不是鈎留因此
地爲何風雨戀杭州

曉來濃霧溼窗閒倏忽模糊面面山只有六橋遮不
斷又漁人弄小船還

積煙初破日中時畫艇如梭柳外移聽說銀鱗長一

丈回棹齊攏放生池

每當西嶺日初斜百道湖光散綺霞縱有錦江難比
似只疑漂出武陵等

湖波向夜碧澈澈臺榭冥濛水氣蒸上下星光何歷
亂滿隄漁火雜春燈

保叔浮圖插碧空孤標不與衆峰同每當萬象餉塗
裏特立昏煙曉霧中

雷峰古塔接雲居劫火消沉宋代餘趙氏故宮無斷
瓦一鈴深夜獨欷歔

昨經馬腦寺前坡喚取湖船逆浪過直取湖心亭子
上數枝楊柳得風多

水面笙歌久不聞一湖春水送行雲船中忽奏商人曲四月如聽落木紛

東吳一月常聽雨何事西陵也不晴日對北高峰上望南屏曉煞婦姑聲

定香橋外第三橋坐柳坐楊久宋寥翻笑蘇公太多事教人濃麗想南朝

題承篤明府西湖載鶴圖

乘輿入吳還入浙一路看山幾曾缺天氣正及春夏交湖上楊華滾成雪今年晴雨頗不時雲霖亂撥清和節扁舟衝開湖上煙絲波澹澹何修潔錢唐使君遺我圖圖畫全湖執周折錦唐進艇呼獠奴一鶴相

東吳相閣集卷六

五

從實清絕有書有酒還有筇目送春山聽曉鳩倚檻不使沙鳥驚行春常令邨農悅知君治郡才有餘能使文章化金鐵越東幾幾行漸消勞吏心思早枯竭已聞報最五馬迎婦孺謹騰臥車轍管人偕寇唯一年百里如何困賢哲管領湖山君獨宜清風不許鄰封竊佗時乘傳去朝京展圖細向兒孫說

題鞠莊圖爲電發

秋谿涉盡逢鞠莊離門竹徑秋粲香小樓雨過散書帙幅巾倚檻迎新涼谿邊一艇繫淡柳磯底殘流趨石梁新篳正熟耐孤酌卻有鄰翁來共嘗

吳山僊蹟三首

重陽菴

開成年閒韓道古結茅曾向中峰住松頂朝聞白鶴來室中夜看蒼龍舞青衣童子來洞天依稀雙頰桃粲然我欲款扉一呼出陰森石扇空寒泉

丁僊祠

突兀東峰好巖壑怪石嵌寄五丁鑿洞口雲封不可開洞中人睡何曾著道人的的嬾無堪順逆俱忘六十三臨行舉手別妻子獨騎一鶴天西南

三僊閣

或行或止或高臥笑煞斯人何嬾惰一瞰天風吹醒來始識三僊原一箇生平游戲顛且狂千里郵書張

東吳相閣集卷六

六

守常不知竟夕作何語纔展黃庭閱異香

閏三月晦日喜晴由清波門入舟游南屏淨慈

寺晚過湖心亭飲宿舟中

白日落何處遂及閨月晦春風爛如錦宋莫一朝退曉枕聽鶯鶯朝曦忽林內重陰喜初破快如賊圍潰幽懷甚渴饑爬搔那能耐振策沿清波烏榜酒先載南屏積翠開濃溼轉多態小步到寺門一池萬工旣疏松落澹潭光景何細碎倏然撞大鐘千僧列行隊闍黎坐上頭羣僊一佛在濟公笞笞食肉等食菜沉醉臥淡殿黃金吐肝肺神僧不可起攫攫蓄此輩構樓復架閣雄誇枉搖喙周覽出粵港餘日挂山背

晝榮劃明湖水天兩無礙小亭幾枝柳迎舞我所愛
何意匳鏡中有此好眉黛臨流聞玉簫暝色漸曖曖
人物此俱朱只與兩峰對

四月一日游靈隱寺飛來峰憩冷泉亭上韜光

登北高峰還歷三竺晚際入舟小泊孤山再
宿湖心亭

陽彩匿已久鬱積成初炎清晨升簾與霧氣熏且霑
取徑造古寺望見飛來尖古木秃石上託根如相黏
泉聲出磻底奔流執何鉅壘石且一喝遂令池水添
方亭駕池上衆壑坐疏簾萬景此中落一分濃纖
入寺揖世尊睂目真端嚴我欲問大意無奈口舌箱

南宋楊萬里集卷六

七

寺西有石墜密竹茶可瞻上有金僊居實與塵俗嫌
高峰入雲表一椽何人苦不復見聾突何從尋道潛
但見仁與湖一勺鋪鏡匳流連下山阪漸覺風日恬
三竺取次得勝覽茲辰兼所憎逢俗僧令我游意願
日脚未到地已見湖上帘機舟孤山下晚飯亭政鹽
復此亭上酌山翠飛雕檐明星齊熠燿可以當新蟾
湖光盡盡食夜色人所康獨攬兩湖秀此樂余何謙
金蓮池觀白太傅題石二首

春去纔逢一日晴潏山四月喜聞鶯忽來小閣驚飛
雨卻是山泉滴瀝聲

韜光絕壁好禪關多少游人池上還何事紅莖與青

芥高吟只愛白香山

二日由法相經石屋上煙霞涉九谿十八磻至
理安寺度嶺失道尋真珠虎跑甘露諸泉即
憩甘露僧舍

初徑入南山已覺巖壑僻北山固聳秀光景似莫敵
茲山富艸木老松足千尺修竹幾萬箇清陰覆崖石
法相隱真僧耳長聞過額錢王來趨迎四大賸衣襍
石屋誰所鑿造物亦奇闢東坡與秋壑題名古落碧
賢姦今何如千載總陳迹煙霞壘新綠上下如磨撫
回顧前所遭瞥眼都一擲涉谿徑益溪細水緣磻窄
時聞蘭蕙香幽芳不可摘峰轉步恐迷石觸路疑畫

南宋楊萬里集卷六

九

不謂塵湫中有此神僊宅理宗管巡幸君子重遺澤
奈何吾道湮竟以儒化釋愛彼癡月樓卻枕諸峰脊
此中好圖畫妙手黃鶴客老濛笱摹索大得川谷益
方我入煙霞嚙賞已嘖嘖謂畫似松年及此又讓格
山水原無窮自歎所見迫歸路尋名泉謬說一嶺隔
豈意行失道幾罹豺虎尾綫路緩狹爭僅受履一隻
伏行達前山履險仗厮役出林達老僧神漢始漸獲
燒筍兼剝豆飽食定魂魄從容別滋味子細審泉脈
吾僊欲一眠繩牀僧經籍

翁康伯招同仁趾飲湖莊游寶稷山諸寺登寶
所塔初陽臺觀葛井放舟西泠橋看南宋古

柏

翁子我初識乃同久要厚知我山水癖稱說不去口
旋埽湖上莊稼藪瓮中酒拏舟邀我游雲氣薄林藪
謂此風日佳登陟氣空陟岸憤扶長鏡解衣著短後
身輕等猿猴奇峰先落手顧我卻遲鈍印看腫在首
及險不得濟每每引君肘精舍與高臺一一爲余剖
神僊那可求丹砂復何有要言羅劫灰兩隄少彎柳
園池雖僅存蠶龜網窗牖僧寺固無恙一二老衰朽
君來恨已晚茲游毋乃苟我起謝翁子山川有陽九
所季勺水在猶未變田畝雖非澹妝妍猶異奉心醜
鼓柁西冷橋新荷正離滿遙指岸上柏歷年南渡久
諸陵松爲薪此存亦其偶艸木何所知猶作風雨吼
興廢余嬾道爲子傾大斗

岳武穆王祠墓四首

結髮威名震北邊百年遺痛在朱僊兩宮魂魄虛同
輩一德君臣實格天塞上已催金甲解軍中從令繡
旂縣湖山半壁饒清暇不用黃龍戰血濺
岳家兵執自馬陵指顧河山奏中興正與諸軍期痛
飲豈知百戰阻先登誰教鵬鵬椿梧甚謂于鵬等卻購
鵬兒告許能最恨獄成齊進秩更將餘怒殺劉升
到此何人不淚坐堂堂鬱鬱墓前碑一門伏劍金人
賀三字醜勲聖主私白日南風吹艸木黃昏北雪見

百尺梧桐閣集卷六

尤

旌旄起即自是忘讎敵何用曉曉罵會之

戰守紛紛策半空君王和議鑄劍中斯王已罷醴泉
觀少保何辭萬壽宮攜酒跨驢真得計牽牛載糗竟
何功杜門若向西湖老明哲應如福國公

于忠肅公祠墓四首

善相曾聞蘭古春果然社稷仗斯人左頭門外數言
定得勝軍前百計神緊獄將軍親授鉞蒙塵天子暗
回輪爲人家國何相負卻使朝衣血淚新
最恥春秋城下盟甲兵十萬出書生小儒占象倡南
渡逆豎臨戎挾北征遂令六師湮紫塞幾同二帝狩
青城當時不遇于司馬復辟奇功那得爭

百尺梧桐閣集卷六

于

此舉無名獄可哀忍看鍛鍊骨成灰權姦到底流金
驛將相須與總夜臺監國淒涼無片土孤臣骭髀有
三台公葬三台生平何事畱遺恨不遣商山四皓來

定香橋裏墓門通風雨靈旂廟祀雄碑版旌功傳勅
使雞豚祈饗黍邨翁兩行石馬荒煙白一樹殘松落
照紅猶記關西紫賜第乞身悔不向湖東

泊舟放生池晚坐橋上看月示同游諸子

湖心寺前湖水含一鏡正對雙澈潭吾愛此水碧於
玉輕棹十日游兩三朱闌跨波綵虹闌碧柳蘸浪青
蛾參池中大鯉躍如馬橋下細鮒多於蠶堂堂策策
若有訴乞憐求食何其食人行橋上買香餌昂頭鼓

鬣先來探小物自然具生意殺機何事常耽耽日色
將墮滿湖靜明霞散綺天西南倒影湖中作雲錦嬌
紅淨綠成歲藍此時衆山盡如染輕颺淺黛飄煙嵐
自矜此景少人見清歡良夜真無慙倚檻何人更吹
竹聲聲擊碎文犀簪風尖露溼小月側令我意致翻
不堪不如回船翦明燭持觴捉麈爲清譚

錢武肅王祠

表忠觀倚聖湖邊壞道陰房劇可憐幾點土萼香案
上一雙胡蝶殿門前絕無宮監來澆酒時有游人此
繫船吳越氣恩當戰鬪太平忘卻五王賢

斷橋放舟泊孤山登放鶴亭弔林處士墓謁四

百尺梧桐閣集卷六

主

贊祠四首

斜日斷橋西移船白傳隄近山湖笛起拍浪水禽嘯
杏葉初霑雨淩粲不著泥自然心賞靜懊惱是前谿

又

石上一亭在風前小樹稀山雲原嬾出海鶴久忘歸
應悔開籠晚還憐得食微先生實知己來去手頻揮

又

南宋陵園盛西僧盜發演梵人原棄葬片石總傷心
豈有黃金盃空存白玉簪關情仗提舉梅子種成陰

楊建發通墓唯端現一枚上簪一枝至正
間儒學提舉余謙修葺樹梅立亭其下

又

衰衰此州牧紛紛避世賈何期千載後只有四人傳
蘆藉湖山外飄飄酒賦邊盛名誰可繼雲樹暗祠煙

孤山陸忠宣公祠

肅肅衣冠陸舍人高名真與石嶙峋幾番艸制回庸
主三載宜麻嫗佞臣白月明湖祠外冷浴鳧飛燕岸
旁春錦唐楊柳凋零盡只有梧桐一樹新

雨後登鳳皇山慈雲嶺憩石佛寺觀八卦田下

經天龍寺午後入舟由學士港至湖心亭待

月

微雨不溼山白雲在高嶺趁此初旦涼游展間可逞

百尺梧桐閣集卷六

主

賓客四五輩發興一時猛筍興渡長橋小麥滿畦町
幾流落谿谿涓涓自清冷雙峰排劍門一穴透陽景
石級艸鞵滑望勞引領屢顛見石佛一卷頗幽靚
何年來佛牙仁皇贊可晒寺有宋仁宗見孫遂南渡
此兆母乃朕突兀見一丘壘場畫九井南郊此遺趾
翠輦屢行幸六龍去何時泥中牧牛野山形鳳翼張
宮闕皆嚴整西嶺種萬松講武在峰頂才人帶弓箭
衛士列刀盾大雉率未報此辱何遽忍弔古正鬱紆
山僧進新茗攜客眺前山湖色漾如鏡一艇自窈窕
畫樂可徐引夕霽有好月不樂良已蠢豈慮酒酸空
尚有衣可準出港試縱游城郭那能窘

謁王陽明先生勲賢祠三首

陟彼慈雲嶺下見龜疇田上有太極亭卦形何自然
奉祀文成公俎豆良不愆天真答講學議論無纏牽
直提此心出文字何用焉為善與去惡斷以知為先
肅穆拜遺像髣髴日在天兩壁頌規約文翰眞騰騫
道以事功顯庶不慙聖賢

晉間驕王變亟收四郡甲設疑與反閒卻借一丸蠟
夜半俞公春宸濠氣先壓只以五千人遂使八萬踴
渠逆既就縛餘黨款可納用兵誠如神大將都舌呬
先生非腐儒旬有穰苴法

武宗好兒戲自署威武將縱寇欲自禽六師蔽江上

頁梧欄集卷六

七

大功不見賞幾為羣小誑獻俘投大閤公以宸濠等

保身社能讓及夫世廟初拜爵飲拒邕文臣兼五

等舉朝自歛望因以偽學攻百口肆譏誚知公王司

馬定亂一人仗當時固取忌後世亦可諒紛紛周

孔從勲名孰輩行

康伯同陳廣陵招同仁趾再游靈隱登飛來峰

絕頂回坐冷泉亭與菽蒡諸子小酌

海上—峰巨靈送倒挂芙蓉屹不動前度竟為樵牧

詒苦說登山少飛輕翁子好奇還見招涉欄攀條上

雲棟翻身欲藉羽翼輕拔脚但嫌鞵襪重崖前密竹

何人栽石畔楊梅幾時種蓮萼異彩風際翻舍利神

清波門

光日芻弄老媛一任黑白呼靈泉卻喜冷煖共龍從
纔上虎頭巖窈窕再入龍泓洞巧匠子細窺玲瓏造
物分明逞豪縱迴回四洞行相連旭日晴仁光每中
此閒布席可忘暑無奈馬通積成凍西僧斧鑿已可
傷北客熏蒸尤足勸我欲大叫訴眞宰試遣霹靂爲
我用洞中曉迹盡掃除石上玄魔亟磨磨庶幾蒼翠
還本然好看翔龍與舞鳳裴回下坐泉上亭月菟新
茶老僧貢亭前風吹酒氣香鉅釘卻出陳家仲譚談
更遇高陽後直欲酣眠倒銀瓮回持一栢勸了元對
此空饒堪一哄神山如此那能別五城十二徒虛癡

頁梧欄集卷六

四

清波斜繞郡樓前日日看山上酒船苦憶咎人圖畫

好頻將金帶問松年劉松年舊住清波門

湖上覽古五首

好女等開湖店旁紅紅白白可憐芳爲誰換卻舊名

字只避宮中李鳳嬈鳳嬈等因避李后諱改名好女等

何來妙女賜春陽水濺羅衣會鳳郎見說夜渡常竝

出佩聲只在此君堂

葛嶺門前月色新雙鬟何處綠衣人繡羅錢篋曾拋

與魂斷橋邊又幾春

錢唐等落又等開梅雨紗窗是夜臺寶曆羅裙葬何

處卻看小燕掠風來

紳約旬宣街裏郎斷橋橋上看斜陽無端贈得雙魚
墜醉倒風前孔二孃

飲顧季敬侍御願圖卻題二首

何處叫黃鸝芳園勝大隄有山皆種桂無檻不臨谿
雨過青荷小人來綠蔭低行觴清且密已判醉如泥
又

學圃何年事公然十畝寬嫌人呼柱史只自課園官
癩矣菰蒲願荒哉解身冠濟時需一出恐未穩漁竿

麟馬殿閣編修見投原韻

入越雨如漏浩蕩失峯嶺小樓面全湖日晚轉淒耿
吾意在巖壑何心奉朝請首夏見霽色豆麥已落穎

夏梧閣集卷六

五

亟向兩山游幽懷始一騁盧邊逢白眉吐藻何雋永
每愛萼燭前高譚見須影自謂蘇公酌蕉葉獨獨省
酒人顧與嚴請季敬方貽玉餅曳長綬公榮固有徒
酒旂各自秉醉歸湖上眠灑而晚風冷還約涉九谿
路諸君可領兩湖未足戀溪山有奇境

湖中口號

學士港邊黃鳥稀岳王祠畔翠煙微一船雙槳往來
去嫺亂停雲總不飛

湖上晚歸二首

昨日尋山下權遲湖亭人靜夜涼時朝來也自山中
返碧浪紅闌竟嬾移

水上簫聲繞翠微晚風吹絮戀人衣無端催促城中
去暮雨吳山獨自歸

晚過昭慶寺與瞿秋岳侍郎別

暝色暗禪房鐘聲上佛香到門山雨落入夜白衣涼
詞賦傷羈客湖山別侍郎夢我同有恨珍重此行藏
時公與余方
辭薦不赴

出鳳山門緣錢唐江岸山行游雲棲寺歸經湖

上憩萬松書院

晨露猶未晞早日映山郭江波弄曉色染比春煙薄
越山互濃澹水樹何漠漠遠颿似輕燕一一鏡中涼
天風西南來潮痕到山脚亂石自齒齒僕夫足力弱

夏梧閣集卷六

美

盡頭逢巨浪崩崖向前落小輿蕩空中此徑毋乃錯
跋涉及范邨始聞噪鳥鶴柴荆數十家朝煙總蕭索
早麥未上場晚蠶正登箔汲泉出供客上風喜朴畧
徑轉見平田農夫散耕鑿三折渡石橋葭蕩見新穽
水曲山復幽人迹自罕著初地逢礪泉分流似疏淪
竹密蔽雲日直上執如削中有蓮公塔當年此柄託
雙桂當石階一燈照玄冥傳自大扇僧伏虎靜林壑
蓮公實繼來真行啓寥廓獨闢淨土門妙義埽糟粕
一椽聊自安宮室不肖作即此贊其從豈受世緣縛
入門問遺蹤渺然一山閣木榻塵自封隻屨風已嚼
上堂數百僧各各守規約磬聲正呼粥靜裏聽漸漸

儻非心已灰那能志不躍
我繫塵網欲住足便卻
還尋螭頭舫載把鶴尾勺
解衣萬松院升高恣翫
中有明道堂先賢此開拓
安能事枯禪名教有真樂
浩浩湖與山臨風且淡酌

過六和塔

塔下清池不盈尺到此遲留爲泉石
臨流卻憶蘇舜欽
竟日沿橋待金鱗

五月一日同電發仁趾艮山門外觀競渡歌

五月一日天氣清艮山門外聞鼓聲
鼓聲鏜鏜越林木羣龍上下來
趨迎赤日吐芒動鱗甲綠波駕壁翻
旂旌大龍欲挾小龍鬪白龍儼與黃龍爭
長橋壓水

百尺梧桐閣集卷六

毛

似高關一點額天門行昂頭掉尾五六十髻
髯大海吞鯢鯨耳聾目眩不得語
船頭畫角鳴鳴一呼盡由水門入
兩旁樓閣妝盈盈珠簾繡幕帶鉤
枰酒船買船篙櫓橫此時觀者塞兩岸
須臾斜日銜西城爲問水嬰此何盛
半山山畔朝玉京弄潮諸兒更傳說
西湖五日如昆明

午日風雨汎湖

葛蒲節高海榴放畫鼓鳴鼙湖水上
傾國先期排酒船紅粉青蛾挾高唱
侵曉忽聞山雨來兩峰白雲推不開
金牛掀浪辟歷動水僊吹霧驚鶴哀
篙師畏風但垂手開頭且繫湖亭柳
扇扇紗窗總罷歌船船密

坐唯呼酒尚有魚龍遠近謹怒張鱗爪來軒軒水濱
船重鼓聲澀鵝鵝停旂不翻向晚湖光還可愛面
面煙波弄姿態吹笛船歸導港前打魚人在蘇隄外
菱葉青青荷葉濃此時歸騎且從容酒闌客緒在何
處聽打南屏雨後鐘

別杭州二首

爲愛西湖林壑深每當著句酒頻斟
那知纔別錢唐去對此清尊已倦吟
樂天詩云自別錢唐山水去不多飲酒猶吟詩卽用其意
咫尺清游路遙遙武林門外雨瀟瀟
思量小月吳山下行到平安第二橋

夜游煙雨樓

百尺梧桐閣集卷六

天

夜乘小艇向南湖無數鳴鼙傷樂呼月欲出時雲
變鍵邨將近處對模模樓空但有碑文在荷盡從憐水
色枯只有一僧來共語送余燈火出菰浦

吳江訪茂倫二首

細雨楓江道輕颿笠澤船
卽黃將熟麥湖碧乍生蓮
此地藏茅宇高人正午眠
來從漁父問流水是門前

又

甲子今逢午山居當小年
雙童看竈藥一老坐盧煙
漸覺鈔詩蠟唯知學道堅
所欣封禪詔不擾茂陵賢
未明登惠山絕頂還坐亭上酌泉題壁

歲月纔隨山鶴唳及此初涼早
停櫂山下人家未啓

屏山中老僧驚我到晨光映山張翠簾病露坐松著
高帽幾羣亂石驅白羊數折溪林臥青豹半嶺已覺
筋力非履顛偏與童僕拘太湖一勺奔渴虹曉浪千
層濺飛瀑須臾初日含紫煙曠息重巖寫清照灣環
細水曲若眉遠近谿田綠如醲浩浩陽鳥看已升喔
喔邨雞曉猶叫還從亭上來試泉萬斛明珠迸山隕
水勢帶霧尤清柔僊液著唇洗炎燥我攜八餅欲自
煎好向山家藉丹竈卻憐出谷轉狼籍最嬌招名日
謹開安得翦取幽壑中氣味淡藏遠時好多事無如
陸季疵品居上中已堪笑中冷之水誰及嘗讓爾虛
聲向人釣

重游錫山園林

白葛烏紗趁曉涼看松問竹到山莊倚堂碧樹重新
長跨水紅闌比舊荒曉事癡癡還記憶種粳郭老漫
相羊愛佗池館堪消夏亨得名泉子細嘗

答于皇卽和原韻

北門何自苦西笑實非倫自付才原拙休言禮是真
陳情輸李密博學媿劉因涕淚辭徵詔無心傲隱淪

病起

病裏荒園竟嬾過朝煙夕月半墜跼坐夢黏砌甃
喜秋艸侵簾蟋蟀多晴雨關心籌稼穡江湖滿眼說

兵戈嫵安高枕慙無補敢玷虛名博學科

得請

布帽蒙頭伏欄阿梧桐閣外挂藤蘿卻來長吏徵書
急翻笑諸生議禮多丹詔已教從誓墓量衰何忍
效鳴珂王良周黨非吾比戀此東岡意謂何

重九前三日齋前桂萼盛開喜作一首

前月山唐一擢回百錢新買桂萼栽但添密葉迎蕉
出豈意縣枝占鞠開發爲後時偏嫺娜看當病起夏
裏回風多露重須憐惜畱取重陽下酒來

九日汎舟登平山堂同次功辰玉蕭雲五叔定

家兄二首

林木經霜葉乍飛百年難得此晴暉休嫌止酒心全
減不怕登山力尙微病後逢僧憐我瘵秋殘入寺覺
人稀天南衆壑青如許卻喜前時策杖歸時歸自吳越
揚州勝事在林臯及此秋谿水半篙斜日芙蓉光淺
澹晚煙叢菊影蕭蕭鐙看歸騎雙橋轉歌愛鄰船一
笛高珍重尊前桑落酒西南樓櫓正風濤

除夕述懷九首

一年都錯過幾事畧堪思王母歸泉日先親瞑目時
豈忘封樹早只爲亂離遲表墓何人責諸孫鬢已絲

又

禮葬原三月何爲越二春時逢丁日正兩先人葬日以季冬朔日

地得西山真名士來徐孺奇人遇景純謂見劉氏
碑猶有待竊恐媿前人

又

宋莫吾兄去思量莽七年幼孤今長大宿艸痛纏牽
一穴經營得雙阡遠近連望親兼望祖日莫有松煙

又

子姓吾宗盛支分本一王烝嘗嚴故里祠廟缺仁鄉
買宅規模壯迎神俎豆香辛勤收族意百世好隄妨

又

鹿鹿自堪笑中年方有兒鐙前能學語日後好吟詩
竊祿非吾願邀名恐世疑撫摩憐襁褓清白此相期

百尺梧桐閣集卷六

圭

又

識字原多事何勞又著書祇緣費博奕不復畏空疏
靜屢嫌人索閒吟只自如覆瓿原不足何敢辱停車

又

幾年羈北闕今歲到西湖南北山俱盡陰晴態實殊
茲游矜未有得句豈全無只欠梅約春來再跨驢

又

聖主求賢切羣英作隊來紛紛迎玉尺袞袞上金臺
坐首甘愚孝安心守不才蛾眉休切如蓬華未曾開

又

貧校前時甚諸兄爲我憐事親羸謂丁謀食似難全

曠有所年酒稍分押歲錢高堂懷罔極獨立淚潸然

百尺梧桐閣集卷十六終

百尺梧桐閣集卷六

圭

序

吾友汪蛟門先生輯其初集新成亟以一編屬循覽之次有所甲乙必相問也余如其言越二日以書報蛟門曰君集文章第一詩二詞三二與三對文章言之若孤行仍不妨第一也蛟門疑吾言復余書曰夫吾之於詩剽心有年矣爲文章之日淺而古人之堂與濫未敢以自信也今君反昂吾文於詩是必有獨見焉敢請端論吾文之所以得而遂以弁吾文之首不甚愉快乎余因再報蛟門曰吾非知文者也然獨竊有見於斯文荆榛數百年至歸震川而始得其宗震川歿後百年間荆榛彌甚於其時大聲疾

百尺樓閣集 杜序

一

呼昌言復古力排異說不避羣忌者則東鄉父千子之功不可誣也今之人無道及者何淺薄也然千子之言詳於宋而畧於唐詳於歐而畧於韓韓固不易學也歐學韓而卒自爲歐遂爲宋文之矩矱蘇明允有健氣然不學韓亦不學歐子瞻正類其父子由師子瞻其文轉似歐曾子固學歐而別行已調大抵皆不似韓似韓者獨臨川王介甫蓋得韓之神檢而觀者未能淺察其文簡傲適宕溢爲奇嶮尤於用少見長居然韓筆也今蛟門之文質堅而氣厚才地有餘而一稟於裁不使篇有剩字高古頓挫使覽者惟恐其盡蓋邦驛於王以達於韓同志中可與談韓氏之

學者一人而已雖東鄉首功未遑及此也安得不以第一目之乎蛟門教余端論其文爰書此復之顧未知可以當序否也

康熙戊午仲秋黃岡杜濬撰

百尺樓閣集 杜序

二

余生十三四年背塾師學韻語謬爲詩見人家屏幃
執素閒跡輒善者記之否者掩鼻走笑先生長者目
爲妄童子今忽忽二十餘年究無一語近乎道髭髮
間白壯且日衰將奈何四方朋好不余棄近復強余
以爲文屢謝不獲又且忘其妄而爲之矣旣已爲之
不忍棄思存之而竊自愧王荊公論爲文務有補於
世而所謂辭者猶刻鏤繪畫之施於物也誠巧且華
不必適於用誠適用不必巧且華善乎其言之近於
道也孔子所謂辭達而已矣然必適用而後無取乎
其容苟容之不修而又無以爲用也烏乎文此余之
不免爲妄也懋勝自記

近世古文作家甚難其人卽牧老專場大帙往往爲
名人所駁論幾無可以自樹他若侯魏亦各成其戶
牖以建幟於當時而吾家鈍翁剪截高雅爲能得古
人法度其明史諸稿卓卓可傳而前後類稿中文實
較勝於其詩能與前明震川先生相敵餘賢吾無敢
諛焉若子季父蛟門公才氣清越少年早發本聰明
豪達又勤於讀書聲酒追尋絕無虛暇而披覽一過
卽善通解融液以故詩詞發揚俊偉爲海內稱最公
亦自負未肯輕出天下至於古文公常自謙退然獨
喜王介甫其剪裁高雅得古人法度處竊謂可與鈍
翁後先如眉山兄弟似非子之阿論也公歿已二十
餘年遺稿詩十卷今年始得鐫其殘編古文有史論
若干篇公臨終尙拳拳於口迄無人可託以此事舊
刻文集逐篇續累竟未成編子茲勉力續刻數篇釐
爲八卷卷以體分如書如序如記不拘其數之多少
而各成一卷焉前置總目每體文若干所未刻者俟
有有心者與商畧成之予力固未逮也

康熙乙未孟冬姪荃敬書

百尺梧桐閣文集總目

卷一

書八首

卷二

序四十九首

卷三

記二十六首

卷四

書後二首

卷五

傳十三首

墓表一首

碑陰二首

卷六

雜文四首

卷七

祭文十四首

卷八

行狀三首

百尺梧桐閣集總目

墓誌銘八首

百尺梧桐閣集卷一

揚州 汪 懋麟

書

上兵部尚書王公書

懋麟稽顙再拜謹奉書大司馬王公閣下懋麟淮南賤士也溷迹下寮不敢飾名希進初辱太公知與閣下采一言之得收之門牆賜以教督因得望見履舄顧未遑執經請問就問於左右舒所欲陳前年冬彼事趨走辱召賜酒食因得恭承訓誨退而矜喜輒用自壯懋麟雖才識短淺竊有志當世願備驅策顧親聞老矣執不敢去鄴下遂歸田畝求魚菽之養不意中道銜哀此意莫遂自悔奔馳跋涉不常乎親之側以貽沒身之痛已不得爲人日唯蒙首居廬不敢望齒於當代賢人君子而又何有非分之望哉今天子下明詔舉文學閣下不遺葑菲采及懋麟列名入告聞之惶駭莫知所云天下之才多矣出閣下之門與先後作屬吏者無慮數百輩而獨取至愚極陋平咎疏賤之士不知爲懼爲媿與爲感也夫以人事君大臣之道然必熟察焉而無疑向以文字侍坐側數刻之頃爾未嘗有所論說於前知鄙材之果足於用咎人云其貌濟其言隘其言濟其實隘若懋麟者言與實交置爾以言實交置之人毅然不疑拔之衆

百尺梧桐閣集卷一

一

人之外安得不懼溪爲媿媿溪爲感也聞 命義當竭厥就道叩副期勉但服制未終兩喪未葬以此夙夜愁痛疚心疾首若竟衰裳入 朝希心榮進恐負大君子知人之明竝累 國家慎選人材之意禮子有父母之喪君命三年不過其門所以教孝也記曰君子不奪人之親況非金革之事敢悖禮以爲利乎慙麟以此旁皇終夜遑

詔旨率盛德滋懼冀大人先生憐其不得已之情而察此心勤勤欲報者尙自有日使得終小人之喪畢先人之丘墓然後歸報於下執事則成我之恩甚于知我矣頃已具狀本省巡撫懇其代 題謹佈區區之懷於閣下伏冀坐察顯日威尊臨書悵悚

百尺梧桐閣集卷一

三

二

上工部尚書陳公書

慙麟稽顙再拜謹奉書大司空陳公閣下春初伏讀 詔旨知

朝廷廣搜文學之士用備顧問著作之選四海欣欣拭目以賀得人繼覽諸公卿薦疏暨中外所舉被徵者若干人不才如慙麟亦重辱閣下與大司馬王公之知疏名入告不謀而同踧踖羞懼者累日即擬齋沐奉書兩閣下具述所以不敢赴 召之意二月中聞閣下有太公之喪不敢即通重念慙麟無狀平昔侍閣下側最疎乃荷不罪更日以非常不敢忘束芻負局匍匐越疆弔哭於太公之堂時聞閣下將歸祇候四十餘日冀得一面奉慰孝思即述區區之懷又聞舟楫多阻糧盡而歸唯垂察幸甚慙麟之不即赴召也大旨不過兩言謂不敢忍之情與不敢信之隱父母之喪不容假借此禮之不必更言者竊近代以來奪情起復號稱才能始猶大吏近及有司見於彈文挂於部議者累累猶覩不知止慙麟忍復蹈此耶奪情之事古亦有之必將相大臣身繫國家之重如鼂錯父死旬日以御史大夫調兵食翟方進後母死三十六日復起治丞相事房玄齡蘇頌張九齡寇準諸賢皆帷幄侍從雖欲終之而不可得者豈後世故營祿位者比哉閣下受恩

百尺梧桐閣集卷一

三

三

兩朝身任司空當四方用武之日戈甲器用一切取辦於俄頃

上方親爲簡任責不可謂不重任不可謂不專而朝廷必聽閣下之歸而不奪以非禮者誠以此禮之不當奪而亦知閣下之必不可奪也且近日奪情之事多見於外吏不見於京朝是禮法廉耻猶在乎此也懋麟縱不肖忝竊近禁有年顧忍蒙面自欺託

詔旨以希榮遇邪所謂不敢忍之情者此也凡人之才力貴乎自審僞託以欺世不可也況欺君父乎今皇上孜孜好學求賢自輔所望甚厚所資甚遠必如詔旨所云學問淵通文藻環麗乃爲稱 旨則古今

不頁尺格欄閣集卷一

四

幾人從來被徵卓然見於史冊者亦寥寥矣如東漢先後徵周黨王良樊英徐淑諸人不過布被瓦器以名高率無奇謀策一時失望見譏於范升張楷左雄之徒唐開元初因選敘太濫縣令非才召策殿廷惟甄城令韋濟詞理第一餘二百人不入第且令之官四十五人放歸學問此往事之可笑者也唯元世祖徵處士劉因天資絕人日記千百言過目成誦留心經學不事訓詁拜右贊善大夫常今日求如因者不敢謂無其人然豈遂若是之多乎倘不自揣度因緣竊附一旦放歸學問何其往來屑屑不憚煩也所謂不敢信之隱者此也閣下知懋麟懋麟不敢負亦

竊謂必如此庶不負閣下之知辱

朝廷之詔用自策勵讀書進德報 國家以謝知己實他日事也今不敢遽必耳炎暑方盛伏唯孝履善保尊重臨書惶悚

百尺格欄閣集卷一

三

五

再上王公書

懸麟伏讀大疏謬辱弘獎恐皇無地自念趨走一官
九載頑鈍無狀本無一善足錄之人一旦獲邀大賢
之舉不可謂非畢生厚幸也今年閏三月曾具書報
謝輒不自揣度敢述經經之私方懼違背 明詔辜
負盛德乃具狀吏部代 題得請因延喘里門經營
兩先人窀穸魂魄稍安矣夏秋之交遂爾病熱展轉
三月幸免倉皇道途得全餘生爲幸固已多矣季冬
之初聞太公棄養心竊驚疑謂道體素康強善飯未
應至是又數日凶諱果然拊心酷痛一代文獻所繫
實大海內嗟悼寧止私恩生芻之誼昔人所重限在
疆域母由哀臨乃爲位北向灑酒陳詞特書一通獻
之靈宇鄙樸之言止寫其真不文非所計也伏念開
下身係社稷之重又當 國家用兵之際謨謀帷幄
勢不可一日去

朝廷聞閣部寮屬欲合疏請留復以大義堅辭在閣
下自處誠得矣如中外屬望何也懸麟本庸材辱開
閣下又相繼謝政是兩大君子與不肖懸麟俱麻衣
相弔若時會使然又能無慨然乎天氣嚴寒特甚伏
惟孝履善保尊重卽所以爲天下重也臨書悚又

夏尺牘閣集卷一

六

與曹我眉論白鳥書

入京二十餘日冗雜百端心神耗頓與吾兄甫一會
面真踈澗矣昨奉來教深荷垂念兼讀白鳥佳什博
雅標緻得大家咏物之體見獵而喜思一步和意緒
荒穢不能成章卽強爲之恐亦不能過吾我眉也僕
自入京時卽聞江南有獻白鳥者

上方駐西苑不以爲祥尋常蓄之僕聞而嘆曰古聖
王所寶者嘉禾瑞麥雖有奇禽異獸與怪物等區區
羽毛不足爲盛世之祥也明矣且白鳥果祥耶抑非
祥耶考於古麟鳳龜龍兔鹿魚燕之屬俱有以白名
者或爲國瑞爲家禎雜見於書傳未聞有白鳥齊高

夏尺牘閣集卷一

七

帝時有獻白鳥者帝問何瑞范雲答曰臣聞王者敬
宗廟則白鳥至時謁廟始畢高帝信其言以爲感應
之理然其說固虛誕不足據安知非誚媚以希旨者
哉夫鳥者鳥也鳥而白失其本矣鳥頭白詩人猶惡
之况純白乎僕以爲鳥水鳥族也白水氣也不林而
陸爲人所獲失所處也又見於江南江南澤國也今
江淮之間洪水爲災衝隄防壞城郭沒田舍民饑餓
漂轉以死者道路相枕

朝廷日夜爲憂方遣大臣發倉廩急拯拯之策吁嗟
小鳥實兆之矣然則白鳥果祥耶抑非祥耶在吾兄
以壤偉博辯之才如有以見其大則不當作是詩以

歌詠之使傳於後世而遺議於君子也僕既不能爲是詩又因吾兄之詩而議論之得毋謂僕之好辨而自掩其拙乎是固僕所甘受也吾兄其何說

百尺梧桐閣集卷一 鳥八

與陳椒峰書

不孝慙憐再拜稽顙椒峰足下車騎入京吉事也過不孝廬見有先君之喪易服而弔慰唁並至哀感伏地復蒙畱書見教謂先君行述後未列某某填諱恐荒迷遺錯憐而教之謹叩頭叩頭夫諱名之義載在禮經魏晉以來人于尤謹不孝敢不慎顧讀曲禮卒哭乃諱蓋葬而虞虞然後卒哭卒哭之前猶用事生之禮又考檀弓既卒哭宰夫執木鐸以命於宮曰舍故而諱新自寢門至於庫門此雖國君之禮而實則卒哭乃諱之通義也則不孝於初喪固非當諱之時矣不孝謏劣無似區區之懷將欲狀請於當代名卿

百尺梧桐閣集卷一 鳥九

先生求賜之傳銘於義又不當諱矣禮云詩書不諱臨文不諱述其親之生平而先自匿其名天下後世何以稱也又考喪服小記復與書銘自天子達於士其辭一也男子稱名婦人稱姓與伯仲檀弓云銘明旌也以死者爲不可別已故以其旌識之愛之斯錄之矣蓋愛之而錄其名也名可書於旌獨不可書於行述乎雜記有云免喪之後行於道路見似目瞿聞名心瞿孝子之心久而且然不孝敢自安乎顧臨文之際雖在古人臣可以名君子可以名父如箕子爲武王陳洪範曰使羞其行而邦其昌昌者文王之名也太史公自序曰喜生談談爲太史公則遷直名其

父且名其祖矣此豈復有忌諱哉若臨文執筆更屬
一人從旁填其親之名不知此一人果繁熟於吾親
之名乎抑人子手書口述以授之也且近世填諱之
說不知何自始也例假賢人或隔百里千里必書其
官爵以爲榮又不知臨文時戒書急足以請之或不
必請而仍自填之也甚有婦人死亦書填諱氏者近
代婦人多無諱不知又何填也若云填氏則未聞並
諱其氏者今喪禮不講甚矣揚俗銘旌之旁亦書賢
人姓名甚或書數賢人爲光顯不尤可怪乎不幸淺
陋不學又常大故罔從考正里中親故亦多以不書
填諱見譏敢因台教佈此欲言未審於禮有當否伏

冀坐示幸甚

百尺梧桐閣集卷二

十一

與黃繼武書

石林從足下邸寓歸述殷殷恨恨之意甚念僕云昨
見容貌頗頽神氣頽情問所愁苦不能舉以對察其
中蓋重有憂者若結而不舒必發奇疾既委曲以導
之不聽將涕泣以從庶幾有改乎又云僕負才任氣
雖暫屈鬱窮挫久當得伸且不至饑餓何不舒肅其
性情陶寫於義禮乃覺處自苦不善處窮乎噫嘻足
下可謂愛僕之至教僕之激且切矣微足下孰有知
我者然僕之心足下雖知之而猶未知其隱也僕起
自田間由諸生取科第不出五十六年在尋常之人亦
自謂足矣不知士君子立身行道不見於朝廷則施
於郡邑二者既已坐失乃低眉屏氣自逃於清閒曠
散之地以爲可以養廉而用拙豈意重有不然者卽
如足下以曠代之才古人之行試禮部第一當不知
致身何等固猶困辱於此如僕者又何足深惜耶顧
僕所歷之境尤非人所堪自去年五月倉皇北走寄
食友朋忽忽一載憂愁已深繼以疾病始患心痛少
涉思慮心肺動搖今幸少已左臂受風欲舉如折近
又左足委頓一發不能移尺寸恐遂廢棄大抵皆焦
勞趨走之所致也昨家書來云大水之後米貴薪斷
饑民數萬聚積城郭日乞食於市夜探掠於野居人
攘攘不可朝夕僕家有老親年八十餘矣妻孥嗷嗷

自營糜粥窮陰積雨莫能炊煙覽書飲淚不可告人
僕固何爲致令不能養父母蓄妻子已不得爲人又
何論其他僕性素豪蕩喜酒好客不耐冷寂白來京
師百事拂逆意緒枯槁男女飲食人之至情今一切
痛割舉目荒涼誰爲親暱每獨坐沉思宵眠不寐涕
不能止用是日習嬾慢學廢名蹟對人欲睡以僕所
懷當亦足下之所聞而欲涕者也僕少讀書固見道
未淺時命易曉顧乃憂傷顛顛不能自已者亦止自
悲夫時也命也怨尤則何敢昔蕭惠開有言曰人生
不得行胸懷雖壽百歲猶爲天嗟呼其言雖放浪不
近禮法然亦無聊不平而故爲是激昂曠遠之論乎

百尺梧桐閣集卷二

三

昨足下欲與僕講明聖賢之學庶幾無入不自得天
資淺鄙恐不足辱明教姑述所懷以謝吾知己懋麟
白

與宗梅岑書

新柳堂大集辱教屬序將一載重念序足下文不敢
鹵莽從事又苦家居冗雜不能收召魂魄屢屬思不
就昨往白下擬乘閒爲此又爲酒食譟遊所奪頃檢
筆札得足下去秋重九後一日書展讀發愧文債久
逋豈所以報知已乎因往白田弔前侍御喬公意舟
中得少憩可以序大集又恐以嬾廢乃以尊扎置行
笥時把玩自警於六月四日竣事歸郡早發汜水晨
起洗沐畢卽執筆爲序甫半幅抵湖口將渡阻風舍
大舟從內河覓小船達秦郵是日暑甚舟若米顛所
謂如許大兩足卷屈不得伸日午饑甚不能作食而

百尺梧桐閣集卷二

三

序之後半幅往來胸中不得吐意舍去則隔塞莫能
成矣遂取小研於船尾上手執紙懸空作書以續之
舟人聞僕吟哦聲竊笑不止日斜至秦郵復覓大舟
飽食命小胥錄稿復取讀則淺陋不足言文也卽欲
投之中流旣懼無以報知已命思抵家復爲之則恐
益亦無此淺陋者矣文固不佳凡三易舟受諸饑熱
跋渉而後成或可塞僕之誠乎幸足下教之若不可
存則仍付之水濱何如前哭王西樵考功絕句施愚
山大參見和二首望足下速惠教欲梓寄濟南也三
好圖小像荷允賜題向不敢促以鄙作未就今敢請
得毋謂僕貪而不恕乎六月五日邵伯舟中懋麟白

答三峯碩揆師書

不孝慙麟再拜稽首復書三峯碩大師坐下侍者來蒙賜香楮兼示法語宣揚幽隱卽跪奉先大人靈几前涕淚悲感再奉讀良書悼愍竝至不孝兄弟辱師慈憫何若此淡耶既反復來教竊增惶惑莫知所云猥辱師問不敢不答從來儒釋異教判若河漢儒之不可入於釋猶釋之不能彊爲儒管人見學佛者必舉吾道以正之遂至釋氏見吾儒亦必盛稱佛法以引之二者之見皆非也設復於此更作無佛論固屬無味若便欲舉天下文士一棒打殺恐亦不能門戶之見本不必設也來教疑不孝不以先大人露

百尺梧桐閣集

古

頂偏祖泰山示夢及不孝夢中見先大人呼不孝名曰我前此偶然來昨亦偶然去汝不必悲此二事不人行述因竝追憶先太安人弃養時家兄行畧中有奉大士甚謹呼名仆賊與合掌而逝數事不孝竝刪之不具載使傳於天下以爲不孝懼以佛雜儒故絕口其事誠有如師所言不孝不諱也人子事親有禮顯親有道屈到之芟君子猶諷之況生儒而死墨之乎不孝無狀莫能立身行道揚名後世誠罪之大者若要以冥漠不可知之事告之天下後世將謂欺世誣親百死何贖故此事第可與師言之不可與佗人言之也既不可與佗人言而獨與師言之者冀

師爲之闡幽載在語錄使後世於大藏經中知此世此人有此等事如古人別傳此則不孝所望於師之心也來教引先師朝聞夕死之語謂此道字與釋是二是一不孝則有疑子程子嘗云初亦從事釋氏之書究無補於道王文成未嘗一語及禪後世猶疑之甚矣儒釋之各道其道終不可謂之一道也來教又以古人之道自己之心詰不孝不知師所云古人爲何人若釋氏之古人非不孝所敢知若吾儒所謂古人則二帝三王周孔顏孟道不外乎日用飲食非如釋氏幽渺不可測識之旨此不孝自知而自得者也若師所云自己之心則又非不孝所能知道本於心

百尺梧桐閣集

二

五

卽心是道何分人已此心人亦此心天地萬物亦此心亦卽此道若存已見卽有人見有人見卽莫能見道何能見心心無人已道無古今今之道卽古之道已之心卽人之心此則不孝所見之理也來教云韓退之貶佛不孝以爲不然退之所爭在國體人心而其見於文字者固未嘗與僧絕也至于瞻出入禪悅文章狡獪似入於佛矣而其行實非佛雖謂子瞻罵佛退之尊佛始無不可法語中云拆骨還父拆肉還母現本身說法引諸釋典師意良厚媿謝於心第稍參以吾儒之見則臨溪履薄一髮寸膚不敢毀傷不知佛氏所云拆骨拆肉實有是事乎抑託諸喻言

以爲訓也不孝性愚暗意見未忘近復荒迷無由入道敢因師問以此發端夏末當造謝山中面晰此義師如不弃先條分以示卒甚幸甚

不孝於丙辰十二月南歸侍養衡冰隔雪竝日兼程夜宿泰山旅舍夢先君科頭白髮漚衣曳杖行於前一老僧隨於後不孝涕泣追呼終莫能及計是時已辭養十日矣及抵廬夜伏苦次夢先君從廳外來如行秦山下狀直入臥內東向立不孝西向跪以右手按几左手撫不孝頂曰我前此偶然來昨亦偶然去今來視汝汝不必悲言訖即去不孝痛哭驚起異哉先君生平固涉獵佛書實未嘗精浮屠學而身後固如此不孝追痛不能忘因識於書尾

百尺梧桐閣集卷二

序

百尺梧桐閣集卷二

揚州 汪懋麟

序

蕉林詩集序

蕉林者今戶部尚書梁先生讀書之屋也先生生平好學喜積書多至數十萬卷日流覽其下初由文學侍從歷官吏部侍郎領兵禮刑戶四部尚書事功業垂數十年偉然矣當其在史館也有纂述紀載謨詰之文及領部事進賢退不肖征伐制作明刑定賦出入周官之書釐爲成憲見之章奏播之天下可師可法則先生之治教政令卽先生所爲文先生所爲文無一不洽於治教政令故其得於心發而被之事罔不善也被於事引而書之策罔不善也二帝三王之書政也而文在焉詩三百十一篇文也而政在焉是故古之君子積其學施於事無意爲文而文爲天下之極彼陋者無所積適焉否焉泥焉流焉逆於心許於事而猶日孜孜爲文穿蠹藥繪雖欲善烏得而善乎先生所著非一書凡涉國家大政者絕不示人而世所得而見者唯其詩而已懋麟出先生門受知爲獨濃嘗假館邸第之東日夕侍竊見退朝之暇一几一硯下簾匡坐四方以屏幃紉紵來乞武郊勞餞送燕享贈答點筆揮灑捷如風雨賓客繞席笑語

百尺梧桐閣集卷二

一

不廢一落紙卽傳誦都下羣以爲莫可及非先生之所積有固然邪先生嘗爲懋麟言余世家子又早達忝竊六卿已二十年遭逢盛世幸四體壯盛生不識藥物得天不可爲不厚偶然而爲詩不過舒余所欲吐詎能矯情飾志謬托爲幽憂愁歎之言以與天下文學頽頹之士投工拙哉以故先生之詩本於學問出以和平雍容渾浩博通於諸大家而不得執一以名詩有之穆如清風其風肆好先生之謂與先生之詩無慮數十卷深自祕匿其錢版以行者皆出於門生屬吏南北本各異非先生意也今從子承篤官錢唐乃彙前後諸刻與吳仁徐子電發校而梓之適懋麟來湖上屬爲序不敢辭噫嘻懋麟侍先生久見其政習其文富韓范歐陽之儔也而登所謂詩人哉卽以詩言雖古今工詩者度不能過也敢以此爲先生述

佳山堂詩集序

國家命相寄以軍國重事進賢退不肖審制度定禮樂取諸道山川圖籍風俗人才水旱凶豐經營區畫指諸掌上入告於朝廷相與咨嗟戒警無少暇逸故天下有事則疆圉險要命將遣師唯相臣是問無事則經邦坐論賡歌太平唯相臣是資所謂宰相繫社稷之安危人君每慎其選隆其禮尊之而不名歷代以來未之有改也明初矯往代之失以翰林五品官入辦閣事遂去宰相之名懼侵權也及其弊而侵者尤甚焉夫人主操其柄於上相臣贊其政於下道實有在若用一人出一政相臣不與焉曰此妨其侵也只以書詞頭而已則又何取乎相哉我國家命相之法爲最善無首輔次輔之嫌有同堂協恭之美事分隸於六曹而持衡必準於政府進止必請於朝廷三十餘年命相非一率皆都兪一德無少嫌微朝而贊政莫而退食多優游閒泰之樂無赫奕熏灼之勢固國家立法使然亦由在位之多賢人也吾師益都馮公初由侍從佐吏部晉位左都御史領刑部尙書事遂入贊大政在位盡職敢言爲尙書時上封事數千言皆立國化民之本天子嘉納及爲相首疏薦賢果稱其官不數年躋位九列

上益歎公爲知人公事業備矣然時時以負國恩竊祿位爲懼嘗云宰相當平章天下事乃爲無愧余老人何爲者故累疏求去溫旨慰留噫嘻昔人謂司馬相公不可一日去朝廷當留相天子其我公之謂與公生平無嗜好唯喜讀書靜坐吟弄以自適偶闢京城東隅廢地數百畝種樹疏池爲萬柳堂時偕朋好觴詠其上余小子復從游焉因得竊讀公所爲詩渾質精嚴出入經史閱時籌國之意隱然言表洵大臣之言也夫古人得位行道則專一於事功文字其緩也乃我公身司帷幄每託興於丘園寄情於文酒或其所懷猶有未能盡發者與非余小子所敢測矣初請公全葉示天下公不許去年冬陳子玉璫始郵此本爰齋沐次第授之梓公從父琢菴先生奏議詩古文卓然稱前代名臣所著有北海集迄今爭購其書則斯集其濟美矣天下不將共寶之乎

荊州胡先生詩集序

荊州胡念翁先生初由刑曹承

御試特授按察使司僉事銜文江南克明克公士人悅服秩滿歸養居十年復來京師例得補外藩待命於朝未卽拜官客僧舍從二三老僕擁寒火披短裘賦詩命酒日哦不倦懋麟往謁遂巡起立而請曰先生何若是之窮也先生曰噫嘻余之拙於官也起矣爲西曹不能枉法從事及掌學政好文章收寒賤不能私於已而負於公及歸再焚吾廬大水相繼舊業盪滌無復一存雖欲不窮烏可得然猶不窮於詩乃出一卷相示凡若干首懋麟受而卒讀因嘆曰信乎詩之工豈不以窮哉當先生爲學使時所至官吏郊迎士人道謁入公府盛服擁高座此時手四子之書搜帖括之義勞心慮而甲乙之連日夜不遑豈有暇爲詩縱爲之欲如今之搜抉奇怪刻意要眇如樵樵專一之士不失毫黍亦有所不能也及謝事歸不載江南一物環堵蕭然太夫人春秋高負米於吳越齊魯晉豫之間駕一舟乘一馬所歷荒江窮谷終歲不得息嗟乎天下有服官十餘年且得美仕一旦解職去竟無毫髮計留如先生者乎此先生之所以窮而詩之所以工也暫使先生窮不甚則遊不遠遊不遠則亦不過如今之貴富人學爲軟熟習聲律自鳴

其得志而已豈遂至於是而必傳於後無疑乎懋麟
爲童子時受先生知最濫今繫官於朝窮且日迫詩
不加進豈窮而後工之言信於先生而獨不信於懋
麟耶是又可自勵矣

漁洋續集序

漢儒說詩分四家各有師傳不可易中培公倡於魯
張唐褚氏之徒傳其學轅固生倡於齊翼廷師伏之
徒傳其學燕人韓嬰推詩人之意作內外傳名韓詩
傳之者爲王食長孫諸人皆立博士至大官徒衆甚
盛趙人毛萇傳詩爲毛詩未得立唯賈長卿解延年
徐敖諸人轉相教授至謝曼卿始爲之序馬融爲之
傳鄭玄爲之箋而毛詩之名得並著之四家者各守
其師之說歷久不易雖未必盡合於聖人之旨其意
與文之著非苟焉而已甚矣詩之學豈可以無傳與
自蘇李變三百創五言而漢魏興六朝衰而有唐諸
賢振起之五代降而兩宋之禮變而肆其間非常特
出之才不過三數人爲一時之倡後之人亦遂各傳
其學相雄長雖不必若四家者之師承而各以其才
之近性之悅刻意倣效不啻高曾學之既成自爲一
宗睥睨騷雅凡以得所傳故也苟無傳焉則亦猶之
不學而已雖有作焉得爲作乎國子祭酒濟南王先
生產聖人之鄉傳申轅之學爲齊魯詩宗卓矣海內
名卿賢士號爲工詩者無不折衷於先生得一言之
當則羣目之曰此濟南公所許度其詩必大異於是
執卷而造者無虛日先生亦樂爲磨勵以大其學之
傳初先生官揚州懋麟猶童子也偶以七字見知即

竊聞所以爲詩之學幸不謬於古人而爲教之辱今二十餘年矣先生方以學行遺焉

聖明拔之館閣爲天下師而海內言詩者又皆輻輳於門卽如申韓諸公立博士盛徒衆未爲不可輒開關簾閣非素所游好不肯接日與懋麟輩數人講論自娛輯辛亥以後所爲詩若干篇爲漁洋續集命序永命愧懷筆不得下者累月先生詩豈懋麟所得序然先生之學旣竊嘗聞之矣知先生之學而謂不知先生之詩當在所棄而今之名詩人者往往詬懋麟之言豈先生所以學與懋麟之所竊聞他人不必知而有自知其知者與先生之詩具在其鏡刻而藻績之者極萬物變幻之巧而出之以自然所謂非常特出之才得古人之傳自爲一宗者也他日過齊魯之間必有蒼蒼而傳先生之學如馬鄭者流爲之箋傳海內乃得藉聞先生之學不才如懋麟亦得竊附於旻卿之列則世之見詒者或亦可以少息與

扈從東巡日記序

自古英武不世出之主必巡行畿甸登陟山川審覽風俗周知民隱一除壅蔽之習而憂深思遠之臣又必以溪居端拱相勸戒乘輿輕發伏輦固爭由是守成恭儉之君閑淡宮遠車馬非郊祀大典不敢出沿及末俗怠安自喜日與婦寺親昵而賢士大夫至扞隔不相見雖有軍國大計不過從中可否其奏而已爲害可勝言哉大抵爲人君者雖身居九重必周乎四海之大察夫萬物之情然後耳目無不達左右之人莫敢肆其欺則所以審處於出不出之間者又烏可忽乎我

皇上神武睿哲遠邁前古削平反側顯承謨烈驅馬豐鎬躬祀

山陵所以告成功昭

祖德也適以今年仲春望日六轡東巡扈從萬甲特命內廷供奉翰林侍講高君參行幄朝夕

上前不離馬首所過山川郡縣元塞要害之地必與侍講撫今追昔究論興衰治亂之由而詠懷古蹟流連景光則親灑宸翰用紀名勝侍講必倚馬磨盾以和如告祭

三陵則有詩望祭長白山醫巫閭山則有詩過盛京舊宮則有詩弔夷齊廟及呂翁山駐蹕山海關大

陵河望月遶城載游千山皆有詩 御制諸篇外廷
小臣不可得而見也所及見者侍講奉和諸作與賜
侍講一絕句云六御東巡海上同夜淡懷古帙重開
秘書日日隨行殿玉勒前頭珥筆來觀此則知君臣
壯和之美一時遭遇之榮雖古人殆有所不及矣賞
大駕之東巡也自京師至奉天抵烏喇虞村
往返萬有餘里中間所舉大典禮則告成

陵園柴望山川宴勞諸臣於奉天宮門外百戲具
陳恩賚普遍又以餘閒射虎於山漁魚於淵行圍講
武威加遠通計其時月出以仲春入以仲夏不過八
十日事耳 六龍馭風神迅莫測所過市肆不移禾

東樞閣集卷一

一

十

麥無恙又 賜租釋罪歡動遠邇何其盛歟嗚呼後
代端拱之朝席安枕怠身不出乎宮闕目未覩乎禾
稼鑿與一出必徵兵衷甲重圍密布翠華鄭重日移
數里國勢日就孱弱武備不講而大事以去不重可
歎哉侍講讀書覽古從來強弱興亡之故灼有淺鑒
故於關河邊腹之間廣搜前史旁及山經地志歷歷
紀載用彰我

皇上英武遠略垂戒於萬世者實大豈僅以詩詞誇
雄麗也然其篇章典博已與宸翰相輝映天下後
世將傳誦於無窮豈子株守一經者所得測識乎哉

陳學士詩集序

詩始於朝廷郊廟朝聘燕饗畋獵用兵行師征伐不
庭告成於王獻賦於廟銘功昭德勞使臣餞賓旅發
為聲歌宜以鐘鼓節以磬筦何其大與列國之風貞
淫美刺雜出不無怨悱憂傷感憤之音多託於山川
草木禽蟲雖志趣各殊而卽事起義務本人情其旨
一而已後之學詩者每於窮愁無聊閨房流蕩之作
誦習不倦而於郊廟雅頌之詩謂其繁音紆節與衍
質實相率而苦厭之故有身處賢盛四體強壯必託
言疾病窮老以為非是不可以言工甚有足未越乎
鄉里早衰京邑亦必遠思窮山幽壑以為非是不可

東樞閣集卷三

一

十

以明高二者皆過也古人之詩隨乎境觸於情止夫
義詎容偽託與使少陵獻三大禮賦就試集賢院時
卽得志於朝其詩亦不過曲仁對酒紫宸口號諸作
豈必預為憂蜀幽險沉痛之言哉今翰林學士陳公
年二十成進士遭遇

兩朝廻翔侍從又二十年矣其拜宮詹入政府宣麻
草制教習養賢尙年未及四十儀觀俊偉操履方嚴
望若天人

起居殿陛間舉凡大朝會燕勞外藩命將遣使講武
行幸說書便殿游賞所在公無不從又奉
命祭告北鎮越關塞抵遼海觀

興王之舊都馮弔於松山杏山訪轉戰制勝之地公生平所歷嗚呼盛矣

天子優渥異數每微

御筵珍味宮貂羔羊白金文綺以賜故所著詩多朝廟雅樂紀載典實其於燕居交友懷人山川道路感時觸物之際又復憂深思遠含蘊以出詞無不工義無不備真得詩人正大之遺音者與公虛已下士天下稱爲說巖先生卽庸劣如懋麟辱公下交且十年不以爲愚且賤出其詩屬爲論次不敢辭因束囊南歸展讀於平山堂真賞樓下閱月始畢釐爲十六卷附言簡末授之梓以永公之傳天下讀公之詩者亦可知所觀法矣乎

東坡全集卷三

上

學文堂文集序

康熙八年春余與石林自吳門抵常州艤舟河上步訪陳子陳子出迎歡甚坐未定呼童奴持文二大卷置案上屬余讀且亟索酒時昏黑門將闔不及展視遂攜陳子並其文宿於舟中且譚且讀余亦出吳門游覽詩一卷陳子顧余曰士君子讀書明道當爲古文傳千百世安用工五七字爲余曰自周秦漢唐以來能文者何慮數十百家而宋以後書人多不屑讀則千百世後誰覽子文者不若詩以感人而傳之爲可信於是歡飲達曙各別去自余來京師不見三四年人有從常州來者卽問訊陳子或言其選文統一

東坡全集卷三

陳

三

書累數十萬言撰述勞苦又或云方大治屋闢客園四方來遊者日飲食滿座上又或云揮千金購名姝以自娛樂傳說多不類大抵稱陳子名者日噴噴余前而余竊疑陳子詭怪好奇終不知其何所爲也今年四月因賀子天士寄余文若干卷積尺餘未暇讀笑謂天士曰不見陳子久乃以多文夸我耶發其書屬余論次爲序余固不能文者烏能序又不獲辭於是取其文讀兩日夕掩卷嘆曰噫嘻陳子已進於道矣凡古人爲文者必先養其氣窮於理而達於事養其氣然後爲文有紆徐條暢之態而無躁慢浮動之習窮於理庶幾得乎聖賢中正之旨不爲邪說曲學

之所或達於事則可叅於古酌於今不徒爲空疎可喜之論今陳子已盡得之其傳於後世何疑也嗟乎不見陳子三四年其爲文之多已如此使再十數年則其文當摺載而來連車而折軸矣是蓋有才焉不可強也若余浮沈羈旅終歲無一言陳子當益傲慢相視今而後亦可鼓余之惰也夫

許青嶼詩集序

放船遵渚集者常州許先生乙巳出京庚戌入京時之所作也中間五六年放浪於山陬水湄行不裹糧隨境而止所與遊皆恢奇磊落之士或吹簫擊鼓飲酒談調日夜不倦先生負盛名所過無論識與不識皆爭相周旋或贈以金印日散盡不爲明日計間困頓無一錢無幾微憂患之色或入山與名僧譚浮屠之學其不可測識如此先生昔爲邪說者所中坐奪職歸里囊書數卷慷慨出國門至無以辦舟楫猶歷吟終日處之恬然讀放船集可以知其懷也後數年其人得罪

朝廷復先生官乃襍被渡江而北是時淮黃大漲城郭田舍漂沒相望余亦挈小舟從先生後至河口惡風卷波萬弩激射舟不得進相與賦淮漲諸詩今載於集巾者是也余以舟小先發抵京閭兩月先生始至而遵渚集成先生多潔癖至則掃旅舍溫房涼室次第修築居十餘月須次選人鬱鬱不得志輒病臥是歲京師苦奇熱愈不能堪乃慨然謂余曰人生快意除少老不過數十年耳其中升沉顯晦何境不歷余老矣須妻子搔背作食安能去故鄉割親愛兀兀守此官爲耶余歸矣乃彙集其放船遵渚詩屬余序噫先生昔爲御史時矯然立風節山按三秦多異政

乃中道摧抑放歌林泉迨放而復起雖將進用而先生之志已澹然遠矣賢者之不可屈辱如此哉至其詩之工而可傳世多有知之者余故不俱論祇敘其一出一入及其再出而先生之梗槩可見矣

棠村詞序

歐陽公嘗謂遭時之士功烈顯於朝廷名譽垂於竹帛每視文章爲末事而又有不暇與不能者焉故有事業者不必有文章而窮居隱約失志之人每感激發憤一寓於文辭甚矣二者之難兼也然從來得志於時者不盡勞心以爲人也試觀晨而興暮而息皆悉心於天下國家之大乎抑別有所以耗吾神而勞吾形者耶是不能者固有之以云不暇則未也今大司農梁公領尚書事垂二十年功名既赫奕矣猶篤學不倦每退食卽簾閣靜坐嘯詠自娛所著詩古文海內傳頌已久間爲小詞必奪宋人之席每一篇出藝林競相傳寫何暇且能歟而人或謂公得時行道文章在史館政事在天下安用此小技爲也懋曰不然昔晏元獻歐文忠爲宋名臣其所建樹與所著作自古罕匹而珠玉六一之詞歌咏人口至今不廢蓋大君子之用心不汨汨於嗜欲政事之暇寄閒情於詞賦性情使然也夫何害松陵徐子電發梓公棠村詞一卷合龔大宗伯香嚴詞並行於世以懋受業於公獨爲序顧余小子自通籍以來方固辱於趨走憂愁鬱積殆歐陽公所謂窮者也夫窮者之言固宜工而亦復鹿鹿不暇以爲則兼而有之者不愈難哉不愈難哉

游西山詩序

日馳逐於牛溲馬糞中拳拘彳亍耳目俱廢思一曠
朗之境升高而嘯入林而嬉以舒幽憂抑塞之氣香
不可得壬子三月始爲西山之遊見夫呀然者山窪
然者溪古松怪石縈青綠白紛錯離立相與坐石伏
溪泉聲淙淙若操琴瑟得詩十數篇以歸以爲西山
之勝庶幾爲我有乎越二日見濟南兩王先生出其
遊西山詩見示古今體若干首韋孟之飄蕭杜韓之
蒼輿橫見側出與山水爭奇始茫然自媿昨日之遊
何草草而詩何俛俛也自有茲山以來遊而賦詩於
此者不知其幾矣而茲山之名終未能與嵩高泰岱
并峙俱傳者何也昔謝康樂柳子厚遊跡所到荒江
窮谷一遭披覽林木變色始知山水之傳於天壤間
者豈必以地哉苟遭非其人雖有溪巖絕壑幽泉茂
樹與糞土蕪沒耳兩先生往在江南時登探幽險無
境不至至必賦詩而詩傳地因以顯則西山之所遭
可知矣愁麟從兩先生游日講習爲詩顧久無所得
於是焚其向所爲十數篇者用以自勵云

百尺梧桐閣集卷二

六

萬山樓詩集序

康熙甲寅之秋崑山許子竹隱與徐子原一來揚州
相與方舟命酒觴於紅橋之下許子出萬山樓詩一
卷屬余序許子曾領黔黔當叢山灌莽之間樓卽署
齋所築託以頤印而舒懷者卷中詩不盡於黔乃戀
戀於此樓必以名篇者何與或亦不忘其所歷之艱
難險巇而志則在乎山谷也許子曰諾余未及序其
詩卽別去改補入京余與徐子亦先後詣闕下許
子得郡紹興祖帳都亭酌酒以送之曰紹古會稽山
陰地山川明麗靈淑而和清六代以來名賢偉人宦
游其間者趾相接也君異才當漢謀廟廊不宜煩以
外郡然是豈不足以爲政乎視黔固相什百矣許子
曰唯再促余序余曰君行矣黔在萬里越在東南皆
之去黔也有懷鄉去國之憂虎豹瘴癘之苦得詩猶
若彼之工今越在故鄉門庭攜妻孥汎輕舸蕭鼓汎
游旦夕而之郡則其所得又遽止於是而已邪余嘗
慨古之賢人君子不得展其所懷卽乞郡以自效以
君之才既不得大用於朝發舒其所欲爲誠不足以
言遇然猶得翺翔大郡出其文章與山川相照耀則
又其遇之善者矣詎知非天始之以荒服繼之以名
區苦樂其心思筋力而所得乃益異乎君行矣余言
無難者今年戊午春余過吳門館於徐子粵谿艸堂

百尺梧桐閣集卷二

七

九

先是徐子從越來爲余述君治郡諸異政竝誦其所爲詩及夏余過湖上許子適以事之省相遇吳山執手對酒飲酣起而歎曰余固不得官於京朝與君輩優游放浪於文酒而竟困辱於此乎余曰止徐子與余言固在胡遽忘之邪因亟索其詩讀之從容和厚自然知其爲越之詩而非黔之詩矣許子曰子許我序四年矣今猶可以無言乎曰余固已言之矣更何加卽次以爲序

宋牧仲詩集序

世祖章皇帝御極之初命公卿大臣子弟入衛時商丘宋文康公長子牧仲年甫十四儀觀俊偉冠侍從冠蟒衣袴褶帶刀侍

上左右

上愛重之每賜食中和殿一日牧仲對食逡避私出帶間斜幅裝餅餌棗栗將懷之

上怪問牧仲前跪謝曰臣有祖母老甚愛臣臣懷以

獻榮

上之賜也

上喜自是每賜食必盡物以歸

上嘗獵過渚沱河牧仲從時天大寒河冰闊二丈餘

牧仲揚鞭大呼一躍而渡

上壯之文康公謝政事

世祖弓劍上昇銓衡者收牧仲外補判黃州感憤不得志虛已向學與四方賢士大夫相交結牧仲少稟異資侯朝宗買靜子徐恭士同里學爲詩歌卽有名自是益奮發磨礱刻苦要眇如寤愁專一之士及之官黃州肆游江湖山谷之間所至名賢依附相與切劘故詩日益工會以母太夫人憂去歸田里數年不得卽補官康熙十五年與余再遇於京師握手敘暌咎甚歡也顧時時臥疾居必重戶出必重帷稍觸風

卽大病余常過其臥所慰問牧仲好作達人生死語
余聽之輒惘然若失噫嘻管牧仲以宰相子爲侍從
被服如天人飲啖

上前彎弓從獵怒馬渡河意氣殊自豪及官外州放
浪山水溺意文字蕭然下同貧士四體清虛不復自
振中間二十年事耳升沉變易遽若兩世不重可歎
哉管韋蘇州當開寶間宿衛仗內親近惟幄及漁陽
亂後流落失職始折節讀書成名士其性鮮食寡欲
所至焚香掃地而坐以視牧仲固相似應物詩超然
簡遠牧仲思致囑逸人多以草目之其才又何相類
與牧仲有弟子昭魁梧杰出工詩善飲酒閒輒抵掌
笑傲倅倪世人多與余合若二宋者以視古人何如
哉遂書此序其集

百尺樓閣集卷三

二

三

施匪莪文集序

泗水之濱吞吐黃淮連接豐沛自漢興以來代多恢
奇偉略之士通曉兵法習爲戰鬪以建非常之業而
文士寥寥無聞焉歷數千百年至於今乃有施先生
出以文章見稱於世可謂挺拔於其鄉者矣豈河濱
效靈世久變易昔以武而今以文與先生狀甚偉豐
頤廣頰長六七尺餘聞其少時任俠好義殆所謂魁
梧豪傑者流與卒困於帖括才無所施以明經高第
白首下僚治縣有聲將遷擢爲京朝官又苦窮且介
人無肯援引者僅得補司城而年已將老矣嗟乎余
不及見其少壯有爲之日徒相遇於衰頽枯韻語以
消桑榆然則先生之以文見其所遇之窮乎使當日
出其奇氣讀圯上老人之書當必有以自見而豈以
文士窮耶先生非獨窮於官而且窮於嗣往在范縣
已喪其長男今處垂老寂寞之時相依止一子所恃
以授詩書者不啻一髮繫九鼎乃又忽嘔血死豈人
情之所堪余在慰問先生悲痛之餘不忘文字出其
所著文四卷屬余序相與把酒劇譚論斯文升降及
古今人得失意致飛揚精悍之色勃勃眉宇若忘乎
其有悲痛者及回顧屋中亂籍堆滿牀案復嗚咽自
嘆曰余老且病不能爲且暮計百歲後誰爲收此者
則余文之或傳其所賴於友朋者重矣於是泣數行

百尺樓閣集卷三

三

下余亦掩淚不能出一語因歎古之善人才士多無後豈天之報施有獨刻耶然其文之光怪不可遏抑固不必有子而後傳此又非天之所得操者矣今先生雖老精力未衰況爲善久知必有後余願異日果得子當痛戒不得習文字使以武烈顯庶幾其壽且昌與先生乃大笑起且謝曰謹如君言

新柳堂集序

出郭東門行數十里蕭然一村茅宇隱伏種柳爲垣宗子梅岑讀書其下此新柳堂之所以名也村固僻荒地高亢無稅稻魚鼈唯黍稷麥是藝宗子又苦貧課一二老僕耕廢田春而食折而費足不入州府著書自娛舊有芙蓉集數十卷傳頌於世近又編其所爲詩古文若干卷爲新柳堂集屬余序卒讀而嘆曰異哉宗子之善變也夫人之生歷少壯老常其壯也思少之時不可得矣及其老也思壯之時又不可得矣豈非老不如壯壯不如少哉獨爲學不然凡人少恃其才發言爲文卽毅然信爲後世莫能議至少遲以歲年覽其昔所自命之文爽然若失甚欲焚棄改易而後快則少之文固多不如壯而壯又不如老豈不存乎善變哉宗子爲人恭謹朴雅與人交終始無失學有源本旁搜子史六朝奇聞僻事罔不手鈔心識自總角以後卽與諸父昆弟修飾爲文詞馳騁南北四方賢豪奔走願交其見於芙蓉集者是也十年以來屏跡村野鐫刻洗滌約六經史漢以爲文總陳杜韓蘇以爲詩變華贍爲簡潔溫麗爲峻質蕩逸爲沉痛開道加進此之見於新柳堂集者是也夫昔之所爲天下旣知貴之矣而今之所爲又且異於昔則天下之益貴之也何如哉遠近賢士大夫多傾慕

不可見往往向余索其撰著無虛日而宗子甘爲寂
寞潛退之人守其村之屋幾間田幾畝柳幾株茅焉
耘焉樹焉讀先世之遺書永其傳於其子而已嗟乎
宗子之學固日異而其爲人愈不可及也矣其子名
禮陵甫十餘歲已工爲詩所居村在郭以東因名東
原而性又嗜梅常植數本堂下遂以爲字大凡有美
名於時者人之愛之多傳其所居之里與其性之所
存樂爲稱道焉故余並及之

陋軒詩序

唐書之傳隱逸也纔二十有二人中開或隱或仕畧
相半而爲道士之學者數人焉史臣謂隱之槩有三
而其所述皆下槩也噫何真隱之難也上焉者身藏
而德不晦萬乘之資等軌而委聘次則挈治世之具
弗得申或持峭行悠然爵祿使人君常有所慕企未
焉者資槁薄樂山林內審其材終無當於取舍故迹
迹不返使人高其風而不敢訾史臣之論率如是以
余觀其論列諸人若朱桃椎田游巖李元愷盧鴻陸
羽之徒其於泉石煙霞洵膏肓痼疾矣若王績吳筠
賀季貞秦系張志和陸龜蒙諸子文詞卓越以詩歌

相雄長談諧放蕩浮沉榮遇之間當時慕之後世傳
之身雖隱而名益彰豈宋宋無所表見者比哉揚之
泰州有吳先生者名嘉紀字楚人隱居東陶名所居
曰陋軒與世罕接家最貧雖豐年常乏食以歌詩自
娛樂獨與余兄舟次善嘗竊誦其詩於周櫟園司農
爲刊其初稟繼家芾斯分司東陶慕其賢爲再刊其
集於是江南北家有其詩漸達於京師濟南阮亭王
公尤時時口其詩不置先生之名雖欲俱隱不得矣
余獲交先生久間入城必過余家故得盡覽其作大
抵四五言古詩原本陶潛從橫王粲劉楨阮籍陳子
昂杜甫之間七言古詩渾融少陵出入王建張籍七

言近體幽峭冷逸有王孟錢劉諸家之致自脫拘束
至所爲今樂府諸篇卽事寫情變化漢魏痛鬱樸遠
自爲一家之言必傳於後何疑與先生之詩日益多
不自收拾其友方子于雲哀其前後詩重刊精好吾
黨義之詢其人孝而樂善又左右於先生賢矣先生
以其所刊首示余且屬爲論次余何足爲先生序顧
不鄙弃而必見屬者或以余之知之也噫余之所以
知先生者獨詩云爾哉大都號爲隱逸者多違乎時
不得已而託焉者爾苟有知而舉之者卽攘臂而起
肩相摩於道求如桃椎諸人塵芥微辟忝林艸以自
匿者幾人乎若先生名雖聞於時身處海濱自甘竊
宋不肯託迹於終南嵩少爲釣名竊祿之計愛其詩
而願見其人者至想像不可得此其品槩何等也先
生生平無所好唯酷嗜茶有鴻漸魯望之遺風焉他
時有傳逸民者當與竝列云

百尺梧桐閣集卷二

元

元

笠山詩集序

士君子立身爲天下望莫先於氣節其人浩然以往
矯然以立斯好惡正好惡正由學問嚴學問嚴斯度
量遠而言語有典則故觸於物而爲言也必予人以
可與可慕雖有高世絕俗之概人不以爲驕嫉惡好
善之懷人不以爲激蓋君子之爲人也峻於外未嘗
不和於內故其與人也雖凜凜有不可犯之色及相
與往復古今是非成敗得失之理天地萬物幻變消
長之數君子小人義利真偽之情則油油然無思不
入無言不酬使人人各得其正以去然後知君子之
氣節所以爲世防非與世絕也又孰得而怪異之哉

百尺梧桐閣集卷二

元

吾讀笠山詩因之有慨焉笠山詩者淄川孫君樹百
作也自舉進士領縣侍諫垣與奉使採風之作有詩
若干卷屬爲序給諫自其少時卽以文章氣節迥異
流俗及爲吏得東南荒疲之邑人所不堪乃能用其
廉明澤其邑人見稱於諸大吏卒以異才卓行升於
朝廷邀

主上之知迨領言職甫歲餘章十數上所言必繫民
情國體本乎好惡之公

天子咨嗟嘉納格於例未卽行者亦多以宸斷行
之給諫感激知遇日夜深思圖報稱故奉使八閩道
路所經於吏治民隱三致意焉斯其氣節何如也然

其爲人望之似難合卽之則甚溫其立言以期行道也無日不以天下爲己任澹然與物相忘也時有登真脫屣之想余嘗入其室道書數卷清琴一張名藥一爐蒲團瞑目故其爲詩睥睨塵埃流連莊老寓蕭遠開曠之致不知軒冕榮辱爲何等復念親老欲巾車高蹈急魚菽一日之養顧以

君恩深重不敢卽去豈肯恃其氣節以好惡之偏數數與人爭長短哉嗟乎從來君子之於世也難進而易退則所以養其氣節以圖有用者非學道不爲力給諫講習有素子將屏棄一切以從君其有以教我乎

黃澗詩集序

仰陽王君幼華詩若干篇濟南王先生刪定予序詩凡七卷其作於甲辰者曰山中集乙巳丙午曰涉江集己酉庚戌曰漢渚集乙卯丙辰曰京華集丁巳曰芝陽集戊午己未則續漢渚山中而仍其名也今刪存其大凡總名黃澗詩君抱異才博聞強記自其早年已工五七字而斷自甲辰何謙抑也初君戊戌釋褐涉江游吳越間蓋予識君之始既領縣潛沱治行卓越被召閣下拜諫官赫然多所表著復需次歸舍芝陽讀書太史公祠下草衣蠶笠蔬水一盂見者不知爲官人乘輿再游漢上旋歸山中往來

梁楚所得益多此則二十年間君出處之大概也君爲人沉敏與人交訥訥無多語及辨駁古今揚抑騷雅議論風發不可遏抑其才與學之異也君所居縣臨大河去龍門才數十里土高而風樸人務耕牧無賓客車馬之來無紛華玩好之娛山曰飛浮卜子夏石室在焉城曰夏陽文王之妃太姒其墓存也君讀書之暇或登山臨城歌吟咄呼弔南國西河之遺風詩三百十一篇之義仰思而冥悟此君之自得於中者乎王荆公序詩云上通乎道德下止乎禮義放其言之文君子以興焉循其道之序聖人以成焉自周衰迄今泯泯紛紛其說難明嗚呼今人不求爲詩之

本徒以世代爲升降撮拾陳言粉墨顛錯漫無補綴
之序烏足以知君詩之有本而能測其窮極與予別
君十六年矣辛酉秋始相聚於京師幾不相識猶能
歷歷記其作詩之歲月見雖疎而詩之投寄實未嘗
有間顧君之所得如此而予類唐自放甘爲人所譏
訕而不知改猶誕妄以序君之詩豈君之見衆惡而
獨好之與抑亦別有相合者在也

華黍樓詩序

憶癸卯之秋與王子瑁湖舉省試觴宴於中山舊園
志意投合卽歡如平生明年試禮部下第並馬南歸
止頓舍與喬子石林解鞍脫帽臥酒壚看濟南東蒙
諸山譚諧放浪相顧殊自豪未嘗幾微有行旅放廢
之色也又五年余與石林羈縻京師瑁湖又兩試禮
部不得意輒相與對酒欬歎而昔時意氣都落落矣
丙辰春瑁湖成進士官太常時余再入京以親老卽
歸未得與瑁湖握手晨夕又三年瑁湖與石林應
御試改史官余亦復來因念自舉省試時三人齒俱
二十餘余差長石林次之瑁湖又次之忽忽十有八
年中間合而離離而復合關河之阻濶歲月之飄疾
人事之遷變有欲語難盡者則有相顧而嘆耳二子
方以詞賦睥睨相如楊雄而瑁湖之詩則益多且工
兼開元大曆之美卽戊午己未兩年諸作鋪張刻畫
已備岩廊林壑友朋文酒之盛余反復讀莫能釋自
顧荒蕪衰瑟無毫髮之長足以側身二子不重爲慨
然乎

澹堂文集序

予論詩於當代推一人爲孫豹人徵君其爲詩不宗一代一人故能獨爲一代之詩亦遂爲一代之人他不敢知矣亦時爲文多謙讓不自居曰吾非工此者聊以殿吾詩耳屬予序予於徵君非第好其詩且并愛其文其爲文異夫今之爲文者也取徑唐人或摹魏晉六朝獨不肯學宋時之人或非之不知其文之可愛亦如其詩者正以此擅耳不見徵君之爲詩乎最喜學宋時之人大非之而其詩之工又奚啻其文也與此徵君詩之所以異卽其文之所以異也夫

淨業堂詩序

康熙十七年戊午莫春來游於吳徐子健菴館余等谿之上識其門人翁子康飴時牡丹盛開入夜雨大作健菴燒燭命酒劇飲連曙翁子從坐上時左右余聞將之杭唯唯去比至已先期待焉因邀過其湖上之莊游近湖諸山翁子短衣蹣跚登陟如飛余遇險蹣跚則以手引余上相與飲眺甚樂也及歸追送於吳間感其意良厚若翁子者可謂善乎朋友之道矣將別蕭衣再拜出其尊先生和倩淨業堂詩一卷屬爲序時爲德清縣學官未獲覩君之爲人及覽其詩篇首則和淵明飲酒詩十首思孔而意靜泊然若忘乎榮辱得喪之際者其化諸作多此旨君生長於杭自有其杭之詩乃寄興若是噫遠矣君少負才氣不遇於時託迹於小官等夫抱關擊柝之吏大與淵明令彭澤類豈久戀戀於此者哉君之莊矚湖而開有軒有池有桂數叢松數株梅篳竹石雜植而有致雖荒於戎牧可稍葺以居君子康飴方爲名孝廉將大用於時倘慨然賦歸去來兮余以暇日再游湖上扣君之扉相與飲酒東籬登放鶴之亭訊采菊之詩則儼然故人也敢以此約

南州艸堂集序

蘇文公允明嘗慨於魯人顏晁繹先生之詩若文因語子瞻曰自今以往文章其日工而道將散何哉蓋以世之爲文者慕遠而忽近賢藝而賤實而晁繹之言必有爲精悍確苦如五穀之療饑藥石之伐病非徒以其言而已近代立言之家多矣尤必以無言不工乃可喜而邀名於時故工詩矣必工詞工詞矣必工古文非是則以爲非工之至而名不成嗚呼難矣古之人非有意爲文也將以明道也烏有辭弗顧於理理弗顧於事幾積雕繪爲邀名之具者乎吳仁徐子電發匿影藏采刻苦於學余曾在京師龔尚書坐見其詞因訂交自是得數覽其所爲詩雖遠道必以詩寄余今又六七年來杭州徐子盡出所爲古文屬余論次余受而反復其言而歎徐子之心日益苦學日益深其言之屢進而益工無疑也今徐子方以博學宏詞爲余師大司農梁公薦於朝徐子無意於名者乃其言之工而名自歸之豈與世俗假文辭弋名譽者比哉余與徐子交久且善非徒誇以言當必有以相勵也余方鹿鹿虛聲爲學旣墮見道多惑僅以游譚枝詞抗顏與時輩爭雄而不知止其不見譏于允明者幾何也余願與徐子以道爲歸而已

百尺梧桐閣集卷二

吳

藤塢詩集序

梁子治澗治錢唐之七年余始挈舟來游治澗埭吳山西角小樓館余其上山周遭樹木叢密寺觀櫛比獨缺其西一面適與湖接而樓直賴其下治澗初治縣無歲不以書招余余不得至是不復望而余來歡甚嘗過樓中爲余指曰彼淳然綠者爲湖湖中疏柳窺蔽者爲亭修然若削橫於鏡者爲隄爲橋臨然南北者爲兩峰高低相望者爲二塔蜿蜒於西陵左右者爲孤山隄外隱然潏翠取徑以入者由北則北勝由南則南勝凡目所不能盡口亦不能述也時積雨不得卽往聽治澗語益悔其來之晚已治澗又出其所爲詩一卷多余所未見大抵皆治澗以後之作凡其所指而爲余言者皆其游履之所經而詩之最工者也及霽治澗命舟與導余游乃攜其詩以往然後益歎其工而湖山之助爲多矣夫管之賢而吏於此者民事之暇罔不流覽川谷寄情歡歌當世榮之後世誦之今何時哉雖有奇才異能之士鮮不憂愁困折莫知所爲而治澗固能優游於治抒寫其稔抱上服其才民戴其澤至於遷秩且挽留不得去則其足爲湖山重者特詩云爾哉余來雖晚而及其政之成與榮矣

百尺梧桐閣集卷二

毛

陶季舟車集序

陶先生季者吳人也先世出吳季札其大父嘉靖中徙居揚乃姓陶季其字也季名激視其字之義無所取季嘗云余生當末造遭喪亂遷徙於世齟齬命也亦時也因以季自稱人遂羣以季稱之於是天下莫不知有陶季季工詩好游天下之嶽五季游其四以西嶽荒寒獨未到所爲詩無慮數千首輒痛自洗割非當意雖極工不冒畱世以爲工者則必割也今自定其詩若干卷名舟車集天下之大水與土盡之窮於土者達以舟窮於水者達以車極舟車所得達則無乎不達矣季之游亦遠矣哉以季之才使遭逢於時何所不立固不得已而鬱其才爲詩又不幸謀衣食養妻子流蕩於川嶽道路忽忽且老季之志蓋可傷也矣季論詩最嚴謹近始一涉於昌黎東坡間四方爭傳誦之季本延陵後再著姓於臬里其審音遊跡竟以詩名或亦有自哉

百尺梧桐閣集卷

天

秋水軒詩集序

退谷先生有軒三楹在都城西南隅下臨城濠疎柳行列開軒而眺西山鬱蒼直入窓戶其下清流滌滌可鑑眉髮入其中者恍在江湖曠朗之境而忘其爲京師塵土之鄉也先生愛以秋水名其軒周子雪客假館於斯一時名公賢士無日不來相與飲酒嘯詠爲樂自春徂冬得詩若干首大抵成于軒中者爲多雪客遂以名其詩屬余論次之時余趣走寓直不辨色而興者九十日矣乃于寒夜披覽達曙擲筆而嘆曰凡人賦詩見志豈必惟其所處哉雪客爲樸園先生令子愛山水喜文字今舍白門仁山清潤之地來遊京師又當市廛牙儉車馬雜沓乃能閉門踞床開軒而水終日與詩書賢達相接觀其所以名詩者儼然有莊周遺世見道之思不屑屑於流俗宜其寓言高遠洋洋灑灑隨境而輒得也夫人處靜則思一處動則思擾荷動而不失其靜尚能一其心思發爲歌詠則其所志可知矣以視余之逐逐卑冗時荒學廢雪客當笑余之嬾而憐余之遭也夫

百尺梧桐閣集卷

天

卓永瞻詩序

壬子秋卓子永瞻從北雍應舉不第乃與其二三友朋爲西山之遊相與升高歷險歌吟嘯呼若借以寫憂而抒怨者及觀其詩曠遠自適得山川登陟之趣又澹然若無愁者噫此永瞻之所以賢而詩之所以遠也今人小有才六經之學未明聖賢之道不講武以資地致功名遂以天下之才莫我比小失意卽怨尤謾罵不可以生視永瞻何如也永瞻將南歸告別於余欲取道恆山遍覽畿甸之勝請序其詩夫詩不以詞而以意窮焉而能舒愁焉而不怨則亦何所往而不得也然永瞻家吳與蒼雪之間山水明麗歸而讀書講道老其才爲世用又孰能量之哉余願永瞻之勿遽游也歸語尊人火傳當不以爲市人之交而虛譽其子也夫

東尺牘桐閣集卷三

罕

粵遊詩序

廣以東大海翼於外五嶺礪於內惡溪怪石犬牙參錯蠻烟毒雨盜賊負隅非時竊發雖國家時際太平猶難治而易亂故其地可以兵服不可以文令中朝士大夫非有大故奉王命未嘗以無事往康熙十四年秋舉鄉試

天子先期命翰林編修趙君鐵源行至之日冠犯高雷等郡羊城震驚藩鎮諸大帥環甲冑提桴鼓日夜集兵馬刀盾劍槊相磨闔君神采自若閉鎖院持文章取羣士而進退之國典克光文教覃被一時文武大僚咸服君雅量爭相結納君亦以其餘閒與

東尺牘桐閣集卷三

四

賓從山川流連賞會從容以還得詩若干首道過揚州屬余序余受而嘆曰君才之不易及者豈僅以詩哉自其取高第官侍從年今不過二十餘身未出乎國門足未陟乎險塞乃一旦履危疆臨大事獨能處之以靜鎮論文講道於戎馬倥傯之日士得人而兵不侮使海邦之民赫然知

朝廷武足以定亂文可以攝俗何其偉與君生長膠西其地山高水深故蘊結恢奇魁梧俊爽今讀其詩蒼涼閒肆不屑屑於雕琢一往如洪濤直瀉混浩自得若南昌過嶺下灘諸詩尤憂時憫物得少陵新安石壕兵車之遺國家方爲

東宮選賢任職道拜君春坊中允則其奏事而歸也
可以是以詩備採風獻

天子於時補救豈小哉昨歲 大司農梁公奉

命南海得詩二百餘篇中間情事備至余既次而傳
之矣又得茲篇前後照耀余雖身潛蓬戶耳塞而目
盲不知天下奇險為何物讀此亦可慨然知所興起
乎

韓醉白詩序

論詩者或怪于去唐而趨宋甚者分疆自樹是奚足
較哉詩嚴於唐放於宋里巷婦孺所知也夫其學必
已至乎唐而後可以語乎宋如未至焉而遽測以耳
豈惟不能知夫宋之詩究亦未嘗知夫唐之詩而已
今之竊學言唐者必以黜乎宋爲言而竊學言宋者
又未淡究乎所以爲宋之意之二者其失一而已吾
友韓子醉白自見時遭世難脫身鋒鏑生十餘歲始
知讀書苦力無所藉不本教育不階講習苦思力索
搜訪百至必至乎此而後已故其學卓然自立而尤
工於爲詩當予兄弟讀書與嚴僧舍醉白欣然負書
共學及予游敬亭醉白與俱相與講習爲詩時予之
見未出乎唐也及予求祿官 京師醉白亦偈口於
仁淮吳越間不以詩相質者十餘年癸卯之交始一
再至京師館于客舍日夕討論並出其十餘年所爲
詩讀之凡昔之所講習者已無乎不窺而縱橫自喜
之態則望宋人之室孜孜焉予於是嘆醉白之才之
無窮而學之愈不能已矣醉白嘗游道旣廣往來都
邑與名卿賢士交相酬贈者不可數計也凡詩之淺
深高下當世何以名後世果足以傳與否亦已悉知
也按以古人之法若者唐若者宋若者於唐宋人之
貌似矣而非似至不能名爲唐之詩宋之詩則亦自

名其爲己之詩而已又烏可不辨耶醉白近復疑其前後所爲詩若干卷屬予刪其故存其新予及復其所謂故者皆其得名於時傾動當世名卿賢士者久於此取效焉而所謂新者倘如予說愈進而無已恐人之怪而相詆者又將舍予而及予矣得毋有悔與予是以嘉其新並收其故倘時名是虛乎則仍故是圖否則願吾子於其新之見日新而不惑庶幾不爲故之辱也夫

史叔時詩序

史子之爲詩也予初不及知爲之而工工而遠近稍知詩者無不知予猶未及知甚矣予之暗也史子故人子也其爲詩知之宜莫予先及其工而猶後乎稍知者不幾失予而重予之暗乎史子學詩生十五六年以後又且十年予方歸里其先人初與予旅諸生日夕討論時文無暇及詩史子方總角戲硯側亦烏知其今之能詩且工遠超其家學如是哉則予之暗也久矣史子蚤以時文齒諸生冠其儔伍噪名江南北無俟予知也其以詩來質實爲乙丑之冬時予衝寒歸自丙舍昏倦欲睡奴子投一卷曰才冶樓集視

其名史子也大驚異故人子而以詩來乎半展異其目再異其詩非今之以詩投人者也於是張目破睡就燈卒覽其七言歌行託體長吉而音情駘蕩又類鮑明遠近體清麗在飛卿義山之間五言古體則寓旨多微言駿駿乎嗣宗之域矣喜而忘寐及旦延致與語博洽如其爲詩自是史子遂日來來必以詩予方嬾言詩史子固時時鉤致予言並欲叙其集勤請無已予已悔知其詩之後愛其詩之淡而又何請之拒也於是轉以詩質之曰子好爲古詩以詠懷其言之史子曰阮嗣宗所爲八十二章某之所服習也予曰然予知嗣宗之所以爲詩乎其篇中首述顏閔進

稱孔聖孜孜於忠義氣節保身味道終身履冰惕然
懷太行失路之憂守性命自然之旨且雅志王業期
威八荒頌聲流於無窮不得已通一託於酒沈湎混
俗慕莊老虛無以自逸觀其詩曰對酒不能言悽愴
懷酸辛八十二章只此言酒他無一字及酒是豈酣
飲不與世事者乎誦其詩知其世卽以師其人世之
言嗣宗者徒以飲鄰婦哭兵女散髮箕踞爲高顧不
知其內行清遠奉禮法凜冰霜以荒淫爲戒豈若子
山輩以淫放之辭爲詞賦罪人遺議史氏哉以子之
才縱橫自喜而行復卓犖不與俗伍殆志嗣宗之志
者也尚其守嗣宗之守則聖賢王佐可幾加晉魏人

數等僅詩云爾哉

東坡詩集卷二

史記

學

見山樓詩集序

余兄弟五六歲時戲弄先人膝下輒教頌唐人五七
言斷句上口不怠稍長見人家屏障所書古今人詩
必記其可頌者歸爲先人頌之十五以後從事時文
非性所專好間游獵他書恣情聲律所師謂與時文
妨也禁不許更潛習不肯輟先人見之顧大喜爲治
興嚴寺北樓令讀書其中四方賓客稍稍來必給筆
札酒食不倦或出所爲詩示賓客今國子祭酒濟南
王先生時爲揚州推官因小試得以詩爲質先生加
獎焉反復所以爲詩之道又時時商余兄弟名於通
儒大人之前先人聞益喜二十以後余謬通籍趨走

東坡詩集卷二

學

中書去家四年俯仰不給遂大困兄里居奉先人養
省試又屢蹶南北俱失意窮愁無聊益肆志爲詩郵
書臧寄無虛日兄之學務典實喜辨駁故博而該詳
而有體確守古人律度無毫髮失余性通脫嫻於譬
較又不肯強記遂類唐白恣按以古人之法不知何
如已嗣余廬居前後六載與兄經營兩先人喪葬筋
力早衰舊業都廢余復以浮名虛拘纂局再治刑書
去家又五年中間臧書往來兄時寄詩慰勞余不能
答隻字今年四月兄以明經入對携所爲詩八卷命
余次第已痛割少作什五六非感時覽古意之所託
則不存而徵事取材必確有源本間事雕繪必極殊

采非空疎驟安之人所能一覽而卽得其意與力之
所至也余嘗慨古今人兄弟以名位並稱於時者何
限固其才之異其遭亦非偶然也若余之摧折蔑落
以其愚狂而見困於時也固宜兄則循循中禮法好
學深思孳孳于親友于弟遠近無間而固尚如是才耶
遭耶古今人誠不相及耶他日余與兄歸老故鄉掃
興嚴北樓舊舍盡然所爲詩學東坡兄弟息影禪學
余稱東軒長老以從或更有得才與遭之見兩忘矣
康熙甲子六月序

選韓詩序

有唐二百八十九年自武德至天祐中間以詩名者
各竭其才力以爲不無短長而文與意率不能大異
何與則亦限於其才力而已矣惟杜甫氏勃興自開
間與莫有窮極王荆公所謂自然非人之所能爲而
爲之者唯其甫也後有韓愈氏出論詩獨推李杜謂
其陵暴萬物故其爲詩竊有意於甫而又不欲遂以
甫之詩爲之更闢一境務爲巉削怪險而御之以氣
一往橫肆如其爲文遂自爲愈之詩而非甫之詩人
亦自然知非甫之所爲而爲之者惟其愈而已古今
學詩者知甫不知愈謂愈之非甫也豈第非甫且以
爲甫病是不知愈又豈知甫者故甫之學鮮能傳者
傳之惟愈若堯之與舜孔之與顏不可誣也其詩之
全舍聯句三百七十有六余精而存之得百四十有
一用以自娛學詩者必明乎愈而後知乎甫知乎甫
乃益知乎愈而不知愈竊謂知甫者則亦不知者而
已知之難其愈哉

宋金元詩選序

吳君蘭次嘗守湖州以好客聞東南卽坐是罷官未嘗以屑意客居吳間著書飲酒自娛樂尤喜爲詞賦六朝排麗之言出語往往驚絕遠近傳誦既取宋金元數百家之詩精按博採彙爲若干卷屬余序近世言詩者多矣動眇中晚必稱初盛追慕漢魏上溯三百篇而後快於宋人則云無詩何有金元噫所見亦少隘矣世非一代代不一人信詩止於唐則三百篇後不當有蘓李六經以降不當有左丘明四唐之目見本於庸人時會所至何能彊而同之也近人且言不讀宋以後書是士生今日皆當爲黔首自愚無事雕心鏤腎希一言之得可傳於後世也余嘗論唐人詩如栗肉布絲金犀象珠足以利民用而濟其窮誠不可一日無若宋元諸作則異脩奇錦山海罕怪之物味改而目新學之者必資家富室無所不蓄然後開出其奇譬舍執轂而衣布縈御金玉而陳陶匏其豪侈隱然見也倘貧窶者驟從而放效之適形其酸寒可笑而已烏可執是以蠱學詩者哉是選諸體一律以法似中晚者尤多讀其詩而拚其名止知爲唐人之詩不知其爲宋金元之詩也是可以塞妄議者之口矣君之功大矣哉余意欲別其致而各存之專與唐人異宜世見誦者之多乎待余暇時出其本與

是集同異叅之功歸君罪在余復何辭也

重修揚州府志序

國有史郡有志重矣考一代治亂興革君臣庶事臧否得失使後世有所觀法視乎史問一郡山川人物風俗險塞美惡戶籍生齒之劑繁禽獸草木水土之產畜使治此者瞭然而來游者得所止則視乎志統天下之志上之天子付之太史採擇而書之卽以成一代之史所繫於國家何如也興王在上必得著作之臣取勝國之史而修之近或百年遠或數百年而後成賢有司爲郡縣取郡邑之書稽覈考訂之刪其蕪而增其新事取其信文法乎古大抵數十年而易蓋史不可以間作而志則不可以不修顧修之亦

百尺梧桐閣集卷

三

不易宜游商賈滿天下稽之戶口無一丁在籍者寥寥田野之窮民其人死已久而名猶掛於籍謂天下之戶口可信乎供賦徭役載於經制者不行於井里定於戶部者變亂於奸胥守令之能者粗窺其大綱而不能者贖贖終而已忠孝節烈名宦賢隱淪才藝之士考之往古不世出而今家龍比而戶曾閱老而寡者以節書貴而不必德者以賢祀鄙言惡扎繁溥連篇人物藝文至於今何獨盛也凡以執筆其間者不過取舊集而繕錄之妄有所增益數月而集成署其端曰某年某官修要名而已耳以是爲修何可以爲志 曲沃少師衛公引疾久矣

今上思其賢欲倚爲治安車蒲輪起於家召對命言天下事無隱公條列數事以修一統志爲急

上曰可詔督撫下郡縣於是天下始知志爲國家之所重如此言者又疏請修志禁私派務得人使可傳信

朝廷并下其議則修志於今日烏可苟焉爲也方是時山陰金公知揚州甫蒞事卽以志下詢余請博採於公獨斷以信不可參以人公搜前志得故明萬曆中鄉大夫盛公儀所修及近代諸本又下令十邑各以所緝新舊志進合以

本朝因華文獻之徵驗彙爲書未成會公擢按察江

百尺梧桐閣集卷

三

寧蘇松等處驛傳鹽法副使去政固繁較揚爲稍簡因得以其暇時精搜嚴剔必信必文逾年而書成以書示余曰志初謀於予今幸竣事子其序終始焉余以非才遜謝者再公屢書促不佞恐辱公命夫志史事也况奉

天子命將達於

御所頒之史館取信於天下後世敢不愼公固賢者治揚僅一載視民寬和若慈母又好文愛士遠近歸之去而士民思之不忘古所稱仁者也仁者之言必不誣又本以學問則其爲志不可信哉不可信哉遂書以報

賦序

余幼讀三都兩京上林大人諸賦竊謂成一賦洵非十年不易工既又嘆人生年命幾何精力幾何必十年成一賦縱活百歲才得十賦而止幸而傳可也不幸無傳詎不大可惜哉於是棄去覽六朝諸賢所爲賦感物造端詞既顯約字無聲牙視兩漢易耳又覽唐人應制諸賦上可以聲韻爲程而士子繩趨步追不敢踰尺寸其音促其旨淺卑卑乎無足觀矣近代詩古文詞家雄而戶競獨爲賦者什百罕一則其難可知文安紀子拙庵驅馬南遊以所爲賦七篇見示小草纖禽寓言波遠司馬相如所謂包括總覽蓋已得賦家之心不僅纂組成文錦繡爲質一經一緯一宮一商徒以跡爲工者也余於此畏紀子之才之敏將仿江總持作一日成三賦之詩以美之而又懼不能也則亦善藏余拙可耳

百尺樓初集卷三

詩

昌邑于氏族譜序

天下自宗法不講廟祀之禮廢氏族之書亦漸放失而不明故家大族子孫資盛世守其鄉者猶能述其得姓之由不卒貧賤轉徙湮沒不振遂莫能名其高曾以上服止而親盡憂不弔慶不賀至於相視爲路人不可懼哉唐世最重氏族國史有氏族錄姓無貴賤各有源本近代滋紊矣吾仁以南守宗法奉廟祀重譜牒者微爲多而山以東則莫如兗蓋孔顏朱子之遺意在焉天下不當放而行之乎余同官于君陸阿昌邑之望也來游吳越訪余廬居甫冠再拜出所輯族譜屬爲序感君鄭重之意不敢辭謹按君先世爲文登赤山人自明洪永間徙於昌邑仁義鄉以諱阜者爲始祖兄弟弟本三人中間三傳至綦爲五代祖而三傳者之名則湮其所以徙之故莫得而知焉矣綦生福緣是爲高祖有醇行生四子長諱淇是爲曾祖治書詩爲秀才有名于氏文學之盛自公始公生七子第四諱丕順是爲君祖以氣誼聞於時生英是爲君考才識超遠多善行惜享年不永以諸生終鄉里私謚爲文質先生生君兄弟登甲乙科官於京朝克著令聞光大其族所積蓋已五世矣其興也不將勃然乎余覽君所爲譜於本支爲獨詳蓋譜由君作也其化則簡而該朴而質述其先德務本於譜桑

東栢樹閣集卷三

序

耕整服勤而力學不爲粉飾率合卽文質先生所遺家訓二十五條與君所著家誠諸篇教其子若孫者雖造而進於聖賢之途可也詎止取富厚祿位而已哉方正學先生云有君子無祿位族雖衰猶盛也祿位光榮而君子無聞焉族雖盛猶衰也有味哉斯言乎于氏代有君子積之既久發之必遠陸阿自甲午舉孝廉成進士至於今凡二十有四年恂恂善下不矜不伐溫然君子人也又能推本其先人爲尊祖敬宗收族之舉著爲譜牒蘇文公所謂孝弟之心油然而生者畢見於是矣嗚呼今之世舍其本宗而謬附于他人唯視爵位爲尊卑詩所謂佻人父謂佻人昆誠不知其何心矣尙何望其講宗法而崇廟祀與余聞于安侯定國者東海剡人也與于同里姓世多陰德君豈其後邪而君以世遠無稽不欲竊附止詳其所知親親爲仁敬長爲義誠不媿其所居之鄉是可以風矣

百尺梧桐閣集卷一

奏

家祀圖序

禮載祭法祭義祭統自天子達於士庶罔有不敬其制詳其義該必先知其義乃可考其制故禮云唯賢者能盡祭之義祭必受其福非世所謂福也福者備也備者百順之名也無所不順之謂備言內盡於己而外順於道也是故賢者之於祭也致其誠信與其忠敬奉之以物道之以禮安之以樂參之以時明薦之而已矣凡所以盡孝子之心也後代諸儒辨論異詞莫知所守唯文公家禮其言祭也參於古法合乎人情明白簡要約而易遵原無煩重難舉之事上自卿大夫下至士庶人皆得循分自盡若必執古祭典強人所難行則富貴貧賤或有以限之其何以慰孝子之心乎今按察使司王公爲政以和事親以孝國家方大用公乃遽陳情養母因得以其暇時考祭典制器繪圖將昭示于孫垂法後世命余序余覽圖歎歎反復嘆公之賢而其用意爲深遠也近世之仕者僥倖於美官汨沒於榮利中道而知返者蓋少矣不得已而去官則出其私財營田宅廣臺榭蓄聲伎以極耳目玩好之欲自矜其得志問其祖宗祠廟四時祀事之禮則耳聾而目盲遇歲時俗節不過於主前陳酒食再拜跪如世俗之儀雖不祭可也烏識所謂豆遵祖祖之制哉嗚呼不祭則不孝不孝則無所

百尺梧桐閣集卷一

序

爲人貴而富者且然況貧賤乎此風俗弊壞至於仁
河之下而莫可救也余意治民莫先於定禮定禮莫
約於文公家禮一書爲治者苟懸是以教天下則吉
凶之禮明仁孝之心見風俗可一變矣然則我公作
圖之意有味哉有味哉

太上感應篇序

善惡禍福之道見於六經聖人之書如日之在天鑑
之在懸也而儒冠而儒行者多日習而昧其旨矧愚
氓乎故聞老佛之說則憬然皇然奉爲經典鏤刻以
布之錦繡以飾之鐘鼓以節之焚香拜跪以頌之聖
人之書則易之耳何哉聖人之論善惡唯其理老佛
之言禍福唯其事又雜以鬼神顯赫之威報施死生
之慘故人聽而懼懼而敬敬而拜跪頌說之不暇矣
今聖人之道不明吾儒有所不能救而老佛之說亦
足以相助若太上感應一書相傳出道藏中近世奉
行者上自士大夫下至婦人孺子皆尊其說而不敢
忽又轉相做刻銓註互異遍天下矣今某氏又刻而
廣之來請序余嘉其善不得辭聞人有言以茲篇千
卷授人者可立獲福且積禍夫爲善在力行不在虛
語苟所爲善雖無是篇太上其祐之苟所爲不善欲
託是篇以自解太上之罪知之者不將甚於不知者
哉今人奉老佛之說者大率如此不知聖人日用飲
食之際善惡禍福之機卽於是乎在又何他求乎然
不能使人之信吾說若他說之懼且敬也是則吾徒
之愧也夫

續指月錄序

我聞天下有是人卽有是事有是理因有是書書以言是理載是事乃天下後世傳是人若無是書必無是理雖有其事其人不傳既有是書必有是理卽有其事雖欲不傳了不可得若或有是書或無是書乃至或有或無是書必其理其事亦或無或有其人有與無亦與是書等古今人如恆河沙古今人之書如恆河沙中所有數究竟沙在恆河見恆河何嘗見沙然必使見沙乃益見恆河乃知是人不可無則是書不可滅一世不可滅乃至百千萬世不可滅如吾徒言道理則有易言政事則有書言治亂與亾則有史

百尺梧桐閣集卷三

一

序

言人物臧否則各有各紀傳若醫方若箴卜若馬牛若種藝莫不有所師傳而紀載之則是人是書果不可滅若有滅者必非是人如佛出世原無語言乃至百千萬億諸佛遂有百千萬億諸語言分宗別戶如大藏諸經多所傳說本欲見佛佛無見處必焚是語言乃可見佛又懼世人多所疑惑無從信心則有傳燈以示源流指月以明法要是爲佛子是爲見佛置公幻寄初編指月凡十六世明佛宗旨是真長者南宋隆興以後無傳焉佛嗣將滅誠可悲憫聶子樂讀懼而續之仍名指月凡三十七世佛嗣將滅終不得滅善哉聶子是名功德乃請我序我不見佛何由見

書聶子再彊百反不倦彼以佛視我我卒不見佛是名無佛我既不見佛乃爲佛語言是又各罵佛必墮罪業聶子曰善哉果否我不獲辭乃爲是言若有見聞必發噴笑

百尺梧桐閣集卷三

二

序

募脩興教寺禪堂序

郡東南有寺前後萊圃數十畝面陵污澤雖近市而饒有閒曠之致余少讀書於寺東小樓凡十年每日夕與余兄及同學二三人步寺門外履圃巡谿見萊葉黃綠野香紛來寺鐘晚動意致殊樂也及余求祿於京師去寺十有五年而歸管之圃者屋污者寒市廛喧囂無復閒曠可游眺矣寺殿東一角折而缺堂廡毀齋庖露爨寺後巍然所稱萬佛樓者雨淋傾牆且壞余周覽歎息問管住持之僧以窮老死而後來者率力莫能復也因慨天下廢興之故卽浮屠宗莫之地猶賴乎其人况其大者哉有竹上人者贊有才

百尺梧桐閣集卷三

三

謀新其官請余言爲勸今天下方用兵吾郡又連苦大水民瘠財匱二氏於此謀大宮室非余所樂聞而獨於斯寺爲少時讀書游眺之所不忍其遂廢及時而脩之猶力有可爲於是樂助其事則余於斯寺有獨私也夫

募醫藥濟人序

周禮王者有醫師掌醫政令凡邦之有疾病疔瘍者造焉又設爲疾醫掌養萬民之疾病四時皆有癘疾春時有疔首疾夏時有痒疥疾秋時有瘧寒疾冬時有嗽上氣疾以五味五穀五藥養其病以五氣五聲五色眡其死生故其時民無夭折常享壽考何風之美歟寢及後世古法不講天時失序水旱災之饑饉困之兵革擾之疾病苦之庶類凋瘵鮮能生活噫可哀也江淮之間數歲以來河水爲虐百穀不登饑饉疾病者流轉道路枯槁之色呻吟之聲不絕於耳目賴

百尺梧桐閣集卷三

三

朝廷加惠黎民獨賑以數十萬計斯民之不卽淪亡者以此也今揚之民潦於春旱於夏雨暘旣乖疾病時有興教寺太上人發爲悲憫延醫士募藥物廣爲施救病且貧者咸赴焉又懼力有不足乃侵晨叩吾門請一言以爲勸余謂施濟之道聖人所難而饑溺之心寔君子所共切矧醫以活人當夏秋災眚之際揆之王政未云無補豈與出錢求福于浮圖者比哉余因樂爲勸而人其亦樂聞斯語乎

送劉次山序

凡邑必有山川亭館關梁祠廟與夫聞人名宦貞夫烈婦高僧羽流及水土百物奇禽異虫佳花美木并載於志乘守土者獻於採風採風者達於邦國所以彰此邑之盛美而示人以可往次山劉君爲邑得南安之崇義按其邑志無山水足以登陟無人物足以稱揚無風土景物足以採擇而怡悅惟相傳有聶都山前人臨眺之跡無聞焉君固名士工文章一時賢公卿咸謂君多才當得名邑始足以爲治而固困於此皆爲君嘆且惜汪子聞之不以惜而以賀曰是烏足爲君困嘗考茲邑界在五嶺之東扼交廣距湖湘

可人稱謂集卷三

南

蜂蟻窟宅明正德中始削平歸板圖陽明先生爬梳而滌蕩之歟者人逆者順迨我國家沐浴三十年駸駸乎禮義之鄉矣今又得名人撫字援濯於其間則爲政之暇必有創造以備觀覽教育以成人文嘉瓜瓞麥草木之珍禽鳥之異咸召而時至茲邑將藉君以顯豈君得之爲困也不見今之宰大邑者乎朝至官而暮去任後者來前者猶未得去雖有奇才異能無所表見其湮沒困折可勝道哉惟地簡僻可長守鮮失坐致通顯則崇義之可賀信然矣用君之才他日出其文章修輯邑志必有以增其所無然後知賢者之有益於茲土也故書此以爲贈

送程職方守桂林序

康熙十二年夏兵部職方郎中南海程侯出守桂林凡京師素與遊好者皆治酒賦詩祖行余與宵竊裘舂石林亦以請程侯馳書來謝曰龍行以酒食習也豈所望於吾子乎吾子曷以言他日從萬里外見子言如見子矣余謝不敏者再乃三揖以告曰君之行榮乎否乎其才所應得乎抑拒而不受於懷乎將安然受之以克盡所事乎君昔試禮部第一故事當列鼎甲官翰林爲忌者所中不能得俛首爲中書舍人往例當考選爲臺諫會例停又不得久居郎署多所表見凡郎署中諸所應與者君皆不得及秩滿當遷

可人稱謂集卷三

奎

或視學或備兵以至糧儲屯鹽水利郵傳諸執事皆所當得者最後爲郡守而君於凡所當得者又不得乃得其最後者爲桂林守一時士大夫咸歎且惜曰程侯文士舍職方顯曹就桂林荒微非才所堪今天子方銳意文學延訪詞賦若程侯者何官不可以相容而必迫之以出也余曰不然今世之仕者多喜內而惡外以在內任輕貴薄保祿位而就便安也故羣視郡縣爲畏途避之惟恐不遠使國家盡如斯人則天下民社之大其不相胥於淪沒者幾何矣不見夫得郡而治者乎土田城郭有屬邑足以蔽屏翰也司馬長史有僚佐足以供趨走也祿二千石足以仁

親族周友朋一郡之人視喜怒爲憂樂然則官至郡守亦足展其才行其志而不爲卑辱矣况桂林當西南險塞襟帶五嶺控御兩越連楚疆接滇界徭民雜處地設重鎮甲兵數萬近以主者不善往往多事苟郡守非其人則西南之憂爲最大程侯久在樞府凡天下輿圖形勝兵馬芻糗之數籌之已至熟余知其必盡所事不以非才所應得遂戚戚於中而不釋也君行矣爲郡之暇歷山巖入川谷探幽怪以爲文章則山川之助又曷有極哉

送吳蘭次歸滄浪序

有宋賢者蘇舜欽子美開封人既罷官攜妻子居蘄州買水石築亭名滄浪讀書其下子美爲宰相杜祐公婿范文正公所薦舉與歐陽文忠公游最善高才特行不容於時中之者以一酒食之故坐放廢當時哀之吳君蘭次以尚書職方郎中領湖州輕財好交既去郡家無一瓦一甕貧不能歸遂客於吳托跡滄浪間余不知斯地卽子美所居否當時一水一石猶渟泓直立否其亭猶屹然在否子美當日爲湖州長史蘭次則爲守官同也子美負才爲人所中蘭次以疏節取忌出處同也又何疑於其地哉顧子美既罷無聊不平憤悶於歌詩多激昂顛顛之態蘭次蕭散自得陶然於酒所至偕故交文士名娼高衲放浪於湖山澹蕩之外每醉輒歌吟笑樂談調終夜酒痕淋漓頭伏几案與之游者至忘寢食歐陽公嘗稱子美聞其名而慕見所傳而喜聽其言而驚以服久與其居而不能舍以去也余與君亦云爾矣今年冬一至揚州與余飲酒而樂將別謂余曰歸滄浪矣子曷可無言余曰君生於揚安以揚爲歸而吳是畱歸乎客乎所稱滄浪者特奇矣乎從來有官其地而因家焉者亦有擇善地以自便者宦游得也君今舍其所宜歸而歸於無可歸也不重可歎哉君富於才爲名公

卿所印行且復起願化日買田築室於故鄉與余輩
飲酒以老是又所謂滄浪矣何必於吳哉

送江都知縣駱君雷菴序

爲州邑吏於今者公私去官率羈留不得卽去動踰
數年不季有喪其父母至終其喪猶不得歸者甚卽
釋麻衣被章服亟亟就選人豈復知有喪禮乎士君
子之仕於外也不及歸致喪其父母人子所不忍言
也先王制爲奔喪之禮所以安孝子之心若終喪猶
不及歸則先王之世之所少而近代束縛於官守者
皆是也豈人子所得已乎是在不失乎禮而已吾邑
令駱君雷菴同年友也康熙丙辰冬來領斯土廉於
守勤於事教民循循若慈母於嬰兒民悅從其化明
年夏聞母夫人憂亟請解官去大吏欲疏留之不可
奪吾邑賦稅絲剝凡舊令之去也新令必算官帑多
糾錯侵耗卽繫留不可去惟君淺於官而綜核嚴且
無豪髮取故其去官時不挂一錢噫亦難矣宜其歸
之速可以成孝子之禮也顧復爲人繫留至二年之
久始得脫而歸君之心傷矣邑之士大夫並里兒巷
婦思君不得卽去之故不可得於是尤憐其悲傷之
情而不勝歎恨於斯也君久廬於客貧無以給朝夕
百姓爭以斗米餉時繁車過市門道旁噴噴指目贊
哉令嗟乎以君官未久而喪其母母旣喪而不得歸
齋糜二年貧窘顛顛孰不爲吏而困亦至此極乎雖
然君之在官也士民頌之其將去也惜之及去官不

得歸也又共憐其悲傷之情而歎恨於不得卽去之
故非賢者之感人烏至此乎君今歸矣服將禪君孝
子也吾知必奔如先王之禮痛若初喪而豈近世亟
亟爲吏者比哉君先公仲逸先生與母夫人厲太君
有隱行生平教兒不以富貴爲榮寵則君之廉於官
實本於所自其所以爲孝者固不大異因其歸書此
以送之

送益然師住黃山序

黃山天下之奇也名不列於五嶽而靈怪幽峭雲雷
霧露日月出沒長松翠柏蛟虬呼爲僊佛之所宜
神鬼之所窟宅凡諸駭目動心者非身履其間莫能
道惜僻在一隅行者艱於栖食又山多風雨非奸游
忌險罕能造其顛故雖生長其鄉得入而游者百不
一人焉以故黃山之奇昭塞天壤歷代封禪不之及
四方聞人登眺詠歌之者亦寡矣山之奇不幾因僻
而辱乎山中峯爲慈光寺剎於吾郡黃氏構樓架閣
巍煥矣郡之賢士大夫思得奇偉之人主其席久而
未得也適益然大師歸自閩之吳山暫息於揚乃造
而請焉師辭不有往彊之再乃許師吾宗也初以名
孝廉馳聘當代工文章擅聲譽酒棗色常游西湖
召酒徒狎客從諸聲技匿廣席連樓船歌吟嘯呼爲
娛樂月糜千數百金不惜也後所遭不偶迹迹嶺嶠
三十年坐臥一室久之悟浮屠之肯虎爲候門不去
若師者亦奇矣使其際時行道山其才畧以爲世用
當必有濟乃毀形易服託浮屠以終老迹雖奇豈師
之志哉嗟乎以黃山之奇緣其僻也不得與五嶽共
榮望之禮爲四方游者所表揚以師之奇遭逢蹉跌
與衣淄而雍髮者混滅於空虛崇莫之地不有同慨
乎師尤喜註易自謂聖人之學非佛氏所能到然則

師固已明於吉凶顯晦之理將與茲山俱淡而又何以奇見也師行矣爰偕吾族人無以長設香粢茗粥以送之佗日投老故鄉將從師講易問道於軒轅之臺爲我指山靈所托一吐其胃之奇當有莫逆於心者而何五嶽之足云

送兄舟次冊封琉球序

古帝王懷馭遠之略咸欲控撫荒外聲行海表令滅
貊倭韓文身雕題之族露頂肘行獻奇納貢梯航萬
里賓於王門所恃德修化格時和氣應然後海邦百
國瞻雲望波歸我神聖此石磐楫天所由駢集蓋有
不期而自致者迨好事之臣起倖功媚上黷武開邊
於是睹璫珎枸薈天馬蒲陶則建珠崖開牂柯通大
宛抵安息張官置郡授印封王由此火珠翠羽通犀
文甲之珍奇騷象師猛犬大雀之異物莫不四面
環至充於宮闈何其盛也不知強弱何常垂眸罕定
兵威之肅服有時而窮財賂之懷誘有時而竭旋置
者未始不旋罷其爲國家悔辱者幾何矣此千載而
下言西南夷則首唐蒙司馬相如言兩粵則首嚴助
朱買臣言朝鮮西域則首浹何張騫之數人者蓋功
半而過倍也我
國家綏乂四海罔有不臣乃若身熱首痛龍堆慈嶺
諸異域皆懸度梯檣稽顙角崩如朝鮮蒙古土尊番
暹羅荷蘭安南西天西洋諸國朝貢以時吉凶必赴
其有易世改王必束身奉璧待命
天朝錫以制勅賜以龜綬乃敢君長其國否則主臣
戰栗不敢安寧而
朝廷初未嘗加兵賜繒馳命走驛或投書於辯士或

假道於旁邑而來享來王如是其恐後何歟康熙二十
年冬琉球國中山世子遣陪臣奉表告其先王即
世乞嗣封禮臣以界在海外議以冊命遙授而陪臣
具狀哀陳必得使者儼臨藩屬爲光寵報可臚列應
遣諸臣以進

天子曰噤命海邦其慎選學識宏博儀觀俊偉者以
行乃下九卿詹事臺諫推舉僉曰莫如翰林檢討汪
某奏上即以吾兄爲正使中書舍人林君麟煊副賜
一品麒麟服 天仗前導龍旗揚揚使臣通服五等
乘八騶自燕歷閩將駕萬斛之舟樹十丈之檣甲士
數百從官先後以

百尺梧桐閣集卷

二

送兄

三

朝廷寵命馳告海神百靈恭順風與帆從瞬息萬里
度來往時月由夏徂冬成命來歸可尅日待也按琉
球得通中國始於隋大業朱寬陳稜迫以兵威唐宋
以來招之不至明代使聘相望迄我本朝稱藩尤謹
初得封於

世祖再降封於

今上皆不煩咨籌自然馴服雖其守禮固然良以盛
德大化無遠弗届其得之占驗感名亦有不期而自
致者乎吾兄負淵雅之才敦忠信之學奉

天子命令詔告東遐風以仁義教以詩書海外諸國
鮮不莫先馴之賞凜後服之誅鉢腎革心歸命我

后使臣雖有招携懷遠之策都無復施若史氏所云
境俗性智之優薄產載物類之區品川河嶺障之基
源氣節涼暑之通隔必能審根求實達情寫形編之
箋帙歸獻 闕下備職方之採由是中國無事外藩
清靜荒陬窮島聽其自來雖有倖功多事之臣屏無
所用豈非萬世馭遠之良規哉

百尺梧桐閣集卷

三

送兄

四

送兄左巖之任沛縣序

兄昔領太湖學也余適在京師未及以言爲送歸來作一詩以寄距今九年矣兄以服滿再領沛縣余在田間將別誠不能已於言也按教授之設唐府郡置經學士各一人掌以五經教授開元二十六年勅州縣每鄉各置一學仍擇師資令其教授至於宋立學遍州郡置教授以三年爲一任以經術行義訓導諸生掌其課試而糾正不如規者然其爲官則委選司及長史於幕職州縣官內薦或本處舉人舉有德藝者以克又或用兼官或舉士人委於漕司而未隸於朝廷也熙寧六年詔諸路學官並委中書門下選

夏良楮開集卷三

序

差至是教授始命於朝元豐七年立法試學官上等爲博士下等爲正錄願教授者聽中丞胡宗愈言學者初登科遂領師席非是詔內外學官經任年至三十方得在選誠重之矣今選法仍本於

朝廷獨試法雖行而無所擇又軍興廣側多少年喜進之士而老成經術之儒僅遇之則領斯職者不重難其人哉吾兄以名孝廉爲當代賢士大夫所推自通籍以來又將十年其在太湖也出其文章本以誠信率厲諸生使躬問學蹈繩渠出入先聖之門固有或悖又領新廟學守其圖書服器春秋典祀悉中規矩又能和其邑令致虛已以政事資講論興除其利

不利者及以憂歸士民遮送泣下則斯一官不足以盡吾兄之才可概見矣而吾兄固甘爲之盡不苟以從事如此使天下郡縣得人盡如此則庠序之興不將有望哉沛邑爲古彭城劉項戰爭之地曹參王陵周昌樊噲周勃夏侯嬰之徒皆生長其間霸王之餘以武爲俗似難文化然土厚而風樸士人好賓游任氣節視東南以詞貌爲賢者轉移爲甚易吾兄施以太湖之餘當必有聞風興起者他日最聞於朝徵人國子教習與賢將四門六館之士皆抱經以從進講殿廷倡明師說吾兄之才庶有以盡之歟

夏良楮開集卷三

序

夫

贈揚州知府金公序

淮以南臨大江控州府一十有七者惟揚爲最大夙
號難治我國家休養三十餘載游蔡太平士民恬
熙商估豐豫四方賓旅來游來集守茲土者不勞而
理

皇帝十三年春滇閩叛亂東南震驚揚人多惑易擾
爲言道聽家室朋奔城門夜開填衢泣路我公甫下
車不急不縱既溫且和徐告吾民曰爾毋遽往曷與
歸來盜伺於郊寇在萬里於是聞者感泣去者悉返
自夏徂秋遂告無事公因興除其利不利於吾民者
廉以約已明以聽訟勤以視事爲政大體尤善用寬

事以不廢

百八卷何開集卷三

七

朝廷加意江浙愛命親藩帶甲數萬先後過揚一
時酒食芻糗供具之屬取備俄頃動以萬計吏卒倉
皇不知所出公曰毋擾吾民單騎迎王舟朝服拜
岸上曰揚土水旱民貧勞苦供給不備罪在知府
王咨嗟動色謂督撫大臣曰知府賢揚固孔道國
家自用兵以來羽書露布道路相望南北走驛馬歷
州縣夜鞭郭門時刻不得悞悞者中軍法苟非其人
鮮克勝任公治驛有方一呼百應郵傳不滯督撫大
臣因交薦公才並條公實政請賜優擢
天子報可卽令觀察江寧蘇松等處驛傳士民聞之

驚曰奈何奪我慈母不呼而集者數千百人謁督撫
請駐揚州不忍公去也公勤學好交留心古名賢遺
蹟海內聞人及布衣之士相與文酒往來無虛日昔
歐陽文忠公守揚州作堂平山爲郡巨觀後寢廢公
毅然修復取材於官募役於工不徵一錢役一民閭
閻而堂成之日大召賓客車馬滿山谷遠近來觀
者千餘人咸謂數百年無此事矣爲之歌詩以紀其
勝凡天下爲吏者偏於才則偏於事或多躁妄輕率
之舉而民易憂嗇於才則廢於事鹿鹿無所表見民
有緩急無所倚二者處無事之時尚不可況一旦臨
大利害軍興多故如今日乎若我公之才守之以靜
移出之以震沉以無事視有事使得公數輩爲國
家領封疆定方畧東南之寇不足平矣豈僅賢司牧
之任而已哉

百八卷何開集卷三

七

贈賈徵君七十序

從來尚氣節重門閭者莫如東漢諸君子以及仁左六代之習名賢畀士伏處田野放言高論品目人物公卿大臣畏其機彈得一言為榮辱與家大族世承通顯輕纖簡傲習為清譚互相誇誕當是時望其丰采聞其論議非不愛憎而嚴憚之及其弊也取禍最烈鉤黨之獄僇辱之慘至於曹節侯景之際蓋有不忍更言者也君子之處世也象乎時其立身也準乎道當漢之末天下之不可為雖愚人知之矣而李范諸君子汲汲於空言標榜卒無榮髮之益與國俱敗東晉以後偏處一隅王謝之族固思臥薪以恢社稷

古文精義卷一

一 五

乃以人地相高自謂弘長風流迨戎馬載興篡弑疊見求為庶民以自免者百不得一嗟乎清流華族其間賢不肖之殊雖相去萬萬而好名取忌同歸於禍正不能以寸余常讀書至此既廢書歎息而於申屠蟠謝瞻之徒則有取焉當范滂諸人非許朝政公卿以下折節下之太學諸生爭慕其風蟠獨歎曰處士橫議今之謂矣乃絕迹梁陽間自同傭人超然評論謝晦權遇既重賓客輻湊瞻獨驚駭以離隔門庭謂非門戶之福又特以微言裁抑靈運不得商榷人物之二人者庶幾象乎時準乎道故能處衰亂之世卒免禍難雖謂之君子可也如舉目徵君者初以舉公

子負才任氣當勝國承平無事之日翱翔南都與一時名賢相交結聲稱噴噴無何天下大亂南渡苟且黨人用事公與侯朝宗陳定生諸子誚讓權貴幾蹈大禍後乃弃官屏迹海隅束身奉太公憲副公暨母太夫人養三十年不出庭戶又能友于弟昆推讓千金終始不逾遠近彌之嗟乎以公少壯之志其欲側身李范騁詡主謝及時不可為見機明決歟其粹華歸於蕭宋甘同鄉里自好之士豈非賢與凡人之患莫大於染習而不返少處賢盛中際衰落加以災難橫逆非意相干苟無道以處之興感今昔悲從中來不知此身何所歸往亦惑矣余與公游且十餘年服

古文精義卷一

二 今

其文章氣誼巍然猶老嘗於江南北山閒水際歌樓酒壁聽其敘前代名卿黨逆門戶排擊是非邪正之事以及南都才人學士名倡狎客文酒游燕之歡為之色飛神動不知酒枯之覆案也噫若公者何可一日離邪惜余居郡中相望數百里今又將奔走京師公甚念余以令子青若來別問起居則言今老矣病足園居口不問戶外事而已有饑饉災患緩急諸大疾苦則捐飲食拯救之家雖乏無不計也明年三月壽且七十請一言為贈不敢辭因念公五十時太倉吳祭酒為之序及六十穀梁在京師合肥龔尚書為之序是誠足以為壽矣今年益高固所取益卑交滿

天下乃無所取而獨有取於各位至賤之士何與公
嘗云子實知我故穀梁青若亦不欲取諸佗人嘻既
以余爲知我則不敢以不知我之言進姑以平符感
觸於東漢仁左間事者爲公述當爲余舉酒滿引攘
袂欣躍如親少壯時高中大帶譚笑於公卿坐上時
乎既復自念事異時遷屏居田畝忽忽終老得母有
伏櫪而悲者乎二者皆非余所望於公也余請舉一
觴約一言以祝曰學道以觀時雖安坐而至於數十
百歲可也公其許我乎

贈心廣道人序

有以美田宅遺其子孫者其後人蠹壞荒蕪之離其
棟礎汚其疆理爲鳥鼠之所居蛇魚之所窟過者歎
息指之曰此經營於某人而遺非其人也有一人起
蠹者新之壞者完之荒蕪者芟之柞之離者正汚者
關鳥鼠既去蛇魚亦徙過者又歎息指之曰此廢於
某人屋幾新而地幾澤也非若人安至此則此一人
者非所稱賢子孫乎今天下老佛之宮櫛比鱗次耗
民財者多矣其從猶日事侈大廢其舊而新是營君
子惡之新者誠可已而舊者若遂聽其頹蕪漸滅微
爲瓦礫之墟亦甚可惜也吾郡有道人心廣者姓唐
氏中歲并家從浮屠游髡髮而蚪鬚方袍禿衲類道
者所脩飾也故舉國呼爲道人而不除其姓道人無
所事凡郡內外二氏之舊宮就廢難葺者毅然任之
冒風雨集材力修復觀廟院寺凡十有三下及橋梁
街衢城樓若干處度錢數十萬木瓦鐵石麻索丹碧
之數又無慮數十百萬悉逆計於心無毫黍縻而人
不疑卽謂二氏之賢子孫可矣康熙十三年秋余憮
平山堂之廢也與郡守金公謀復之將舉工而難其
人時道人方閉關余往謂之曰道人所以盡心於二
氏者良苦矣獨吾聖賢之教尚有所未聞平山堂棚
自歐陽文忠公固聖賢之從也曷盡力於斯道人卽

破關出數月而堂成又三年春郡教授秦君修學宮
復以屬道人余適自京師歸樂贊其事郡中先有大
禹廟廢郡贊修之道人實董其役其有功於吾聖賢
又如此余嘗慨天下宮廟屬於聖人者不過郡縣各
一率多廢壞不治豈吾徒之力反二氏之不若與良
以市人所以傾心殫力於二氏者非真能見二氏之
道也祇以求福而已吾聖人之宮固非求福之地又
建於

文廟紀畧序

釋經議禮至漢宋諸儒爲已極猶不無離合是非於
先王之意後人承之輒窺一隅而爲之辭遂謂翼乎
經之亾衛乎禮之失也不可以已乎然先王之意欲
以立教也不得已也必人知之漢行之久乃習焉而
不背而無如知者之少也言之又烏可以已也天下
之禮莫大於學行禮之地莫先於聖人之廟廟之中
有俎豆磬筦登歌洗爵俯仰升降之儀寓心體耳目
手足從容之節上乎於先王孝友睦婣任恤之意去
其謠言詖行詭怪判道之舉無非教者而後之領其
職者不之言遊於廟中者不必知則同一不知而已

矣不重可歎乎吾郡宗先生者少負異才絕學欲任
當世之重不遇而折節於小官抱其經學司教池陽
其生平所負鬱鬱無所施乃俯首廟中仰思禮器殘
缺不可復識跬步廊廡塵土憑涉審視先賢歷代大
儒姓名位次東西錯亂乃慨然而興曰是非先王立
教之本乎於是奮筆輯文廟紀略一書祀典之因革
禮樂之沿革考其終始載其典章釐然矣而卓然獨
見者則位次諸議足以參諸儒之議而救其失如先
賢潛臺而下當以齒爲次少者或躐於長矣先儒左
丘明以下當以代爲次後者或錯於前矣甚則如二
程子之兄弟失序矣大抵事理之背相因而難返而

一察其非則不憚毅然而改定如尊崇聖人之禮公而王王而師八份而六份十二籩而三獻從祀之典顏子已領十哲又升四配此非因其失而改定者乎夫禮之行於天下也難矣施於朝廷宗廟布於典冊者固歷歷可見而可知也然天下之大至乎此而明乎是者幾人乎惟學廟之中人盡可見而可知則於以教人爲甚易惜乎無有發明其義爲天下言之者此先生有憂之故勤勤抱是書亟思改定而不倦也今學廟之制改王稱師撤像爲主更立啓聖祠諸典禮悉定於嘉靖九年其實皆從張璁桂夢之議耳而其言有可採不背於先王之意者尚從之如是是在

百尺梧桐閣集卷三

五

議禮之君子虛已而共定之也康熙乙丑季夏序

送兄舟次之任贛榆序

古取士莫重於明經上之登朝廷卽本其經學講說道德輔導天子下之領一鄉一邑職任師儒進羣弟子而教育之以應君上之求所取固不大與延及後世明經之科以年不以學士游於庠者少而壯壯而老屢蹶不得售積其俸廩率數十年乃貢於禮部又需次十餘年甫得授學官大都皆六七十歲人志氣墮頹耳聾目暗以斯爲歸老之地貪束脩利羊豕而已及督學按部冠服敝壞革鞞不完祭散扶掖參差歷階上督學臨睨易之而已安望其昌明經學如答賈教授生徒卓然爲天下後世法哉我

百尺梧桐閣集卷三

六

國家用廷臣議增復教職破食餼年分於是英敏軼羣之才應詔而出二百餘年罷廢之席一旦更新此又例之善變者矣余兄舟次時以明經貢於廷司教得贛榆將抱其經以往四方聞人歌詩爲文祖於郊爲賀之言者曰君且少富於學問名公卿咸折節願交今爲吏名將益大而行且日遠乎又爲惜之言者曰才如君宜出其文章備員侍從性伉直通達治亂不則爲臺諫奈何齟齬於小官又有起而慰之者曰君之親老矣家復落抱關之吏古人不弃雖升斗詎不足爲養乎客之言如此卽余亦莫能有加也嘗聞贛榆在秦時爲鬱洲地東接大海中有鬱洲

山管明僧紹當宋齊之間隱避不仕居州之弁榆山
棲雲精舍後歸攝山齊高帝稱爲堯之外臣賜竹根
如意笏簪冠當世榮之吾兄咎讀書攝山慕休烈之
遺風今復官其隱地其涉海登鬱洲間所謂弁榆之
山安在嚮時棲雲之舍猶有存者否挾書一卷酒一
壺升高望海歌吟叫囂召諸生之秀杰者而憤發之
當有勃然興起者佗日有過其境見彬彬之士聞弦
誦之音人執一經問其何遂能此也其父兄子弟悉
以手加額曰繼明休烈而來者有汪先生在噫是可
以行矣

百尺梧桐閣集卷三

揚州 汪 懋麟

記

游西湖南北諸山記

繫舟湖上經游南北山凡十有五曰得峰十五嶺十
一巖十三洞九泉十四井六池七寺二十有二祠廟
六書院三塔五亭四臺三環湖之莊六峰則升巾子
飛來蓮華北高南高乳竇雙桂白雲中印稽留賢人
白鶴獅子慧日雙髻飛來爲最闊其諸小峰不記焉
嶺則越白沙石人僊芝大麥小麥楊梅風篁捫壁幽
淙慈雲萬松慈雲爲最峭其諸平嶺不記焉巖則類
青林虎頭玉女歡喜崑崙佛手落石象鼻百丈烏石
天香千歲日月青林爲最削洞則穿紫雲呼猿龍泓
玉乳射旭通仁園公石屋蝙蝠呼猿爲最怪龍泓爲
最奇其諸竇壑不記焉泉則漱冷泉煖泉夢泉僕夫
參寥卓錫沁雪一勺六一茯苓真珠甘露虎跑法雨
虎跑爲最甘井則窺神運龍井上井葛洪井郭璞井
白公茶井龍井爲最冽池則濯洗馬鴻鴈金蓮蘸筆
如意金鰲萬工萬工爲最曠其諸小水不記焉山北
之寺由昭慶崇壽大佛智果鳳林買經於瑪瑙飯於
靈隱飲於韜光禱於三竺靈隱爲最壯山南之寺由
淨慈過惠因禮宗慧大師肉身於法相探石屋於大

仁流連於煙霞，暇心於理安，回憩襲慶觀，魚定悲飯於廣澤，理安爲最幽，再由慈雲嶺，至永壽觀，宋仁宗佛牙贊下天龍觀八卦田而返，南北諸精舍不記焉。祠廟則拜七賢，陸忠宣錢武肅岳武穆于忠肅王文成書院，則萬松紫陽天真其他，淫祀非所知，記不及塔，則登保叔雷峰靈鷲神尼六和亭，則倚湖心放鶴望湖冷泉臺，則登看松初陽翻經莊之杼而可游者，爲黃巖顧錢翁盧其餘，毀者不及知焉矣。所得於游者，畧如此。當游之在，山也，或陰或微雨，或雨後晴，爲多。若其汎於湖中也，朝煙夕月，白雲絳霞，川谷變幻，一日萬態，莫可名狀。故在水之日，投在，山爲多。初余之來臨湖而眺，以此易盡耳。及泳游於清波，登降於絕壑，始知其不易盡也。嗟乎，余之游尚不及好游者萬一而所得已如是，使更鼓其力，入其幽，所得豈如是止乎？恐他日好游者更舉余所未歷，則將悔其入之淺力之怠矣。又能無媿然乎？游之日，始閏三月二十九日，已巳，迄四月十五日甲申。實康熙十七年戊午。同游者爲吳子仁趾翁子康怡家羣從諸昆弟，導余以舟，與者實知錢唐事梁君治淵之力是宏書。

游雲棲山記

出鳳山門而西數里爲錢唐仁水悍激岸多積石，潮日夜撞，蝕劍齒森布，崩山壁側峙巨石欲落，僕夫行水石中二十里，稍折而入爲范邨，居人數十家，蠶桑蕭條，少息折而南有田井，然山環水濼，田中石徑行一二里，泉淙淙自山麓出，爲梁三折，得竹徑陰森蔽天，高者可十尋，大者三四把，數里不絕，竹外古松茂柏，拊被山谷，山下有亭爲雲棲初徑，徑左右皆天竹，上數十步又一亭，竹益密，竹中流泉三池，曰青龍聖義金液徑，左寶有院，方亭巍然，雙桂樹前是爲蓮池，大師塔堦尙書其昌表其石徑而上一門南向宮西向棟宇低壓丹漆不施，宮後爲堂，聚僧數百人，圍繞誦佛，宮右一閣祀蓮公像，木榻敞展，宛然出飯於宮左小室，頰而入縮而坐，竊怪其制之隘也。僧曰：此吾大師之教也。當吾師之來茅而處山，多虎食人，師來而虎去，邨數旱，邨人請於師，立雨由是爭輸木築室居，吾師此猶其始構也。後雖饒餘命無改，卽傾棟完無增，嘗語吾徒曰：毋孽爾宮，孽卽奪毋新爾衣，豐爾食足而已。又曰：吾生平尙眞實賤浮夸，甘窮約羞名利性尤謙下，雖老未嘗受一人拜，萬曆中兩宮遣中官奉金賜紫，悉封置高閣，嗚呼，蓮公可謂知道者矣。今天下爲浮圖之學者，稍竊其師之說，卽執木

杖披黃衣踞高坐構樓架閣擬於王者引徒驚衆羅拜謹囑恬不知其受之過而福實爲災也不皆蓮公之舉人乎余不知蓮公所爲道云何但聞其行事與生平所以教人遺後者賢於其徒遠矣蓮公姓沈氏初爲名諸生年三十一始爲僧名祿宏字佛慧別號蓮池然則蓮公固明於吾徒之理者與還揖其塔而返

遊南池記

昔杜少陵客遊齊魯與任城許主簿遊於南池賦詩其上因得名池在濟寧州城下循天井開折而東過雙橋汶泗合繞鑿溝洫通舟船築土爲簾池上高柳鬱青荷葉的灼桐梧在原蒲葦在隰穹者梁窪者溪翼者亭覺者堂四時以夏爲最宜池之東有樓突起跨城而開朱楹藻櫺盡然雲表相傳賀知章守茲土與李白飲酒於此因名太白樓中祀二先生像多宋元人碑記究東諸山與近湖之水或起或伏或渟或滃色蒼蒼而聲瀼瀼與樓相環帶洵南池之巨觀也余以康熙九年六月道出濟上得往游焉兩易早暮盡覽其勝北道塵沙刺天草木枯萎又當炎暑屈曲於尺寸之舟氣咽塞不得出四顧思僻地息樹下不可得乃忽游於清開曠朗之境且古名賢之所宴游歌詠者不啻出汚泥而濯之以清泉也夫何幸然余重有感杜李賀三先生以曠代之才務爲詩歌其所游歷不必盡名山川卽偶然一作息之地後人思之重之爲立祠宇作亭沼或想慕其形容爲像以祀之而其地以顯鳴呼豈不以人哉當太白之遊於此也賀爲王少陵之游於此也許爲主則主簿亦賢者矣賢而其名不傳賴少陵之詩以傳然則人亦慎其所與哉是爲記

平山堂記

揚自六代以來宮觀樓閣池亭臺榭之名盛稱於郡
籍者莫可數計而今罕有存者矣地無高山溪谷足
恣游眺惟西北岡阜蜿蜒破塘環映岡上有堂歐陽
文忠公守郡時所創立後人愛之傳五百年屹然不
廢康熙元年土人變制爲寺而堂又無復存焉矣揚
在古今號名郡僚庶羣集賓客日來所至無以陳俎
豆供燕饗爲羞孰甚而老佛之宮充塞四境日大不
止金錢數千萬一呼響應獨一歐陽公爲政講學之
堂亦爲所侵滅而吾徒莫之救不甚可惜哉堂初廢
余爲諸生莫能奪六年釋褐與余兄叔定爲文告守
令將議復又迫於選人去京師五年而茲堂之興廢
未常一日忘也十二年秋山陰金公補揚州余喜曰
是得所託矣金公諾至郡廢修墜舉士民和悅會余
丁先妣憂歸里相與蓄材量役度景於明年之七月
經始於九月告成於十一月不徵一錢勞一民五旬
而堂成公置酒大召客四方名賢結駟而至觀者數
千人賦詩落之會公還按察驛傳道移治江寧去明
年春公按部過郡又屬余拓堂後地爲樓五楹名眞
賞樓祀歐陽公與宋代諸賢於上皆昔官此土而有
澤於民者堂下爲公講堂左鐘右鼓禮樂巍然所以
防後人不得奉佛於斯也堂前高臺數十尺樹梧桐

百尺梧桐閣集卷一

木

百尺梧桐閣集卷一

七

數本舊名行春之臺今仿其制臺下東西長垣雜植
桃李梅竹柳杏數十本敞其門爲閭闕廣其徑爲長
隄垣以西北古松蒼翳松下有井卽第五泉覆以方亭
羅前人碑石移置其上是則平山堂之大槩焉爲用
二千四百四十八兩六銖爲工萬有八千五百六十
爲時周一歲資出御史轉運太守諸佐令鄉士大夫
兩河諸商而百姓無與焉任土木之計者道人唐心
廣勞不可沒側得書噫嘻平山高不過尋丈堂不過
衡宇非有江山奇麗飛樓傑閣如名嶽神山之足以
傾耳駭目而茅念爲歐陽公作息之地存則寓禮教
興文章廢則荒荆敗棘典型凋落則茲堂之所繫何
如哉余願繼此而來守者尙其思金公之遺意而吾
郡人亦相與保護愛惜則幸矣因勒此以告後祀

玉勾洞天記

幽渺怪異不經之事君子之所不道以其不可知即不可信卒亦不得而傳也若既傳矣即可信可知雖欲不信使其終無傳也亦不可得也揚州有玉勾洞天載於郡誌在蕃釐觀後相傳唐時有道士持書謁帥守字皆雲章烏篆不可識守異之使人跡其後則入后土祠井中因以囚入視見屋宇森然額曰玉勾洞天復入水漫不可見矣今瓊花觀即古蕃釐觀所以祠后土者井故在雖其事有無不可知而相傳既久井上有亭順治初遭悍弁鎮揚牧馬於此亭遂覆井亦隨塞余過此每徘徊嘆息思修復未能也會壽

百尺梧桐閣集卷三

州御史夏公人佺來修醮於觀招轉運王公維新郡守金公鎮及子周覽殿廡相與尋玉勾遺址得其故處突然窈然唯土一丘東污瀆西民廬北侵爲道路荒榛敗瓦充塞滿目因共謀濬井築亭御史公曰城社疆土郡守責也復厥舊基惟金公鳩工庀材轉運事也用厥材力唯王公執筆而記之使傳於久永舍人其何辭予曰謀從來言神仙者多不可信而道書所紀大小洞天以百數十計其中可喜可怪之事往往而有而大抵皆高人達士善人君子始可與於神仙之徒而市俗無行之人不可語諸此也後之來遊於斯者尙其自省而勿泥其見於井中乎

千佛閣記

佛書言一佛二佛三四五佛乃至百千萬億恒河沙數所有一切諸佛各有名號莫可量數億佛亦甚衆矣哉釋氏之視佛猶吾儒之視大聖人而吾儒所謂大聖人若義堯黃帝堯舜禹湯文武周孔顏孟數千年間不過十數人即如道士家言傳爲神仙者亦莫可量數而其所尊爲大聖人者不過老氏一人何爲佛者之易且多而爲儒與老者之難且寡歟以余觀之佛一而已無所謂百千萬億也百千萬億無非佛究一而已唯其一故應百千萬億而不窮惟其可以百千萬億故莫可執一以論佛雖謂佛甚衆亦可哉

百尺梧桐閣集卷三

譬諸江河川澗乃至溝渠盤盂皆水也百千萬億衆生臨於江河川澗則見百千萬億衆生相一二衆生臨於溝渠盤盂則見一二衆生相非水之爲多爲寡蓋由見多則多見寡則寡非江河川澗各爲水而溝渠盤盂又一水也揚州東郭外舊有北來寺相傳創於晉歲久歷兵劫廢殿僅存僧無所棲余以先大母厝於寺南自少時隨父兄拜謁墓下顧瞻廢寺每嘆息無由興起康熙七年元汧船大師過而惜之毅然棄其精廬率其徒誅茅爲舍建幢講法雖屋宇不完而從者如歸寺常孔道遊食來往不絕悉粥飯寢處之於寺後建千佛閣壯峙端好又募田若干畝四

時飯僧請余記余問茲閣所經始則一伶人擊鐸以募感動一切遂以成噫今人具耳目手足踴躍而行義者比比皆是也或詰以佛性則茫昧鮮所知識顧乃先見於一伶則佛無所不感可知矣又無一非佛可知矣余於茲閣多師之能大其教而於此一伶尤有取伶可佛况人哉

齊雲山太素宮記

休之邑西三十餘里有山曰齊雲巖巒巒泉石奇傑幻變之態視黃山爲少遜而所謂峯者七十有二澗者二十有四崖者三十有六已足駕東南諸山而能至乎其間者亦少矣山故有宮宮祀北極明嘉靖十一年春世宗命妙應真人李得晟賫勅旨青詞祈嗣繼命錦衣衛千戶何景新其宮出內庫金萬兩又奏用外府金三萬餘兩工成命國公徐延德行安神禮自是內庭妃后出錦繡旛幢金鐘玉磬修醮祈福相望於道訖世宗朝不絕更降勅守護宮之得名實顯於此康熙十九年秋道士某徒步數千里抱其山之圖經來京師欲再新其宮奔走閱一歲僅得金數百兩不足以廣其志仍歸而告於東南之通都大邑預乞余文爲之記宮之克新與否余未能料第念共數千里徒步之意不能拒也又覽其圖經宮倚玉屏而香爐左鐘右鼓諸峰秀峭儼若天設雖在異州猶思游眺况吾宗族之鄉乎余少長江淮去故鄉既久常思舉楫歸尋雲山之勝以繫官未能他日幸得歸老故山與邑之子姓往游焉披覽世廟之勅旨青詞斯時道士之志當已大遂不信可樂耶然余尤有慨當世廟承武宗荒耽極敝之餘不能銳意興復獨好神仙之學修真西內致分宜相以青詞干寵毒流社稷雖

金錢絡繹禱祀靈祠於國家何有也又憶當年國富時康官府服豫得降其餘財粉飾山川以壯後人游觀之美而山之羽客方侈大其師之說以傾動夫遠近則道士之汲汲於斯宮也不猶然太平無事之思乎又吾鄉人之所願見矣

四女子寺記

近德州四十里有四女子寺余詢其故船上人指以相告曰鎮有寺寺前有槐爲四女子所樹其由來舊矣余登岸入寺有宇頽然墻瓦腐壞祀一老一嫗像四女子左右列容止娟好皆道士服無碑記可考有板在懸記四女事首尾鎮屬古貝州歷亭縣今高唐州恩縣漢景帝時有農民傅清字景山家故饒妻羅氏老無子生四女皆孝謹柔淑通詩書矢志不嫁養父母以終樹枯槐以明操槐復茂偃蓋如龍父活百五十歲白晝與其妻女拔宅仙去今寺與槐其遺跡也士大夫過此者多爲詩以美之噫如傳農者其亦

不達於禮矣文王之化南國也男女以正婚姻以時孟子曰男子願爲之有室女子願爲之有家聖人制禮以化成天下豈容有所獨異乎若四女子者果不忘其親之老擇人而適以時奉養誰云不可不此之出而溺於老氏之說欺世盜名烏足以爲法漢景之世去秦未遠聖人之道不明王者之化不著使聖王在上教民以禮當必詠桃夭歌標梅豈有滅倫悖理如此等事哉至所傳拔宅事尤怪誕不足信甚矣愚氓好議論不知折衷於君子故爾雖然世固有厚妻子薄父母而不知養者又或兄弟異志推委其父母至於凍餒者視四女子貞志不貳以養其親不重有

魏哉

百八種樹圖卷三

二

古

萬柳堂記

相國益都馮公將於季秋八日游於亦園之萬柳堂
先二日徐贊善乾學與懋麟飲公齋命之從是日秋
氣爽朗不寒而暄去崇文門東二里餘寬閒曠莽居
人僻少從馬上見過垣高柳蒼煙茂樹則亦園在焉
園廣五百餘畝土得五之三水得五之一蔬圃堂房
橋池臺徑又得五之一高下紛錯園之樹則合地之
五而半之樹之藝不一其種而柳又倍且半之蒼鬱
叢密根拔芽蘖多不可計總其成數爲萬實萬莫能
盡也堂之所以名取諸此每月之八日公必攜賓客
游於斯無少長賤賢無苛禮無鮮肥音樂不過茗飲
說食客無渴饑以永斯游或休於堂息於樹語唯道
義農桑養生愛物之旨時發爲嘯歌見諸篇翰無一
語及於佗因竊歎凡營園圃之樂者必其人宦而歸
謀以餘閒出以豐財耗生平之力以貽子若孫而子
若孫莫能守又或既營於家復仕於外終其身不一
見從鎖其屋守僮僕娛化人而已不甚可憎哉我公
方領政事相天下嘗爲余小子言安危治亂之理及
四方水旱盜賊輒憂見於色廢食而歎顧戀國恩
不得卽引退則公之寄意蓋亦可知也矣是園爲城
東瘠壤弃於人久矣公出俸錢收之種樹爲堂一本
於朴相地執疆理溝洫置市以休往來爲廬以棲耕

稼復命道人柴某收道路遺子女之初育者及鮮介
蟲魚長養生畜之門無闕鑰四時公於人未嘗視爲
已有也噫嘻觀我公所以爲圃者如此則其設施措
置以利民物者不可推見乎是日從公游者凡十有
八人慙慙不敏竊與賓客之數光寵矣敢爲之記

白石亭記

白太傅守蘇州種楮立堂於府署後園堂前巨石若
千尺峭嶮蒼輿壯聳人立類智者所雕琢也石頗有
記字殘缺畧可讀自唐以來若干年石無恙相傳爲
白公石歲久而仆紹興中郡守某勑亭館復起而立
之經兵燹石再仆遂爲好事者徙去歸故相國申文
定之東園世世寶之相國沒園亦寢廢僵臥於敗垣
亂棘中霜雪之所剝蝕蛇虫之所窟宅人見而怪之
莫敢取會修撰繆君尊公先生築雙泉艸堂成蘇人
咸相謂曰繆公世有盛德今新發祥石其有歸乎於
是積數十百人昇置於草堂之前先生不復辭立亭
其側因取以爲名乃爲圖寄修撰京邸修撰命余記
余竊嘆曰信乎物之隱見遭遇其亦有數乎當石生
於山塊然者而已無心與匠石者遇見賞於白公幸
矣旣仆而立復愛於郡守寶於相國又幸矣後爲奸
事者所竊轉徙於廢園顛倒缺亞不湮沒於糞壤者
幾何哉乃卒歸聞人表彰後世一石耳升沉顯晦歷
千百年而一遇由文定迄修撰此其中似有天焉而
非人所能爲乎當先生築草堂濬廢池有泉雙出泓
渟香潔旣以名堂今又得佳石噫亦奇矣吳中士大
夫家凡爲遊觀之地必輦致山石穿鑿澗壑巧盡力
窮若先生者泉湧於池石傳於古何優暇也柳子厚

所謂逸其人因其地全其天者俱在乎是是可記也已

樂志堂記

石林家居之三年不諧於俗閭巷之人亦莫窺測其雄才偉抱往往戲侮而嘗試之石林不與較獨其志鬱無所施闢其宅中閑地爲堂外敞三室入其中澹九室而特疏其後又窠其堂之東爲溫房爲曲室堂外作長廡像舟船植花輦石悉徙藏書名畫金石之可娛玩者於內而日以自適焉因名樂志堂旣成慨游好之日寡不足寫意而明歡也邈余往游且屬記夫人之情一往罕有抵極者惟意所便也顧力有未能則已耳苟力所能致而聽其意之便君子蓋有所甚懼天下之可以適吾意者何窮也唯君子獨能審所適而不任意以爲適非是則終其身役役於意之所便今日易一境而不適焉明日溺一物而又不適焉究亦何者爲吾自適也石林天資高朗勤於學問幼隨侍御公讀書講道則其所爲樂固必有在區區若仲長統之言必本乎良田美宅園池舟車妻孥飲食無不計較若田夫野老余知石林早已鄙棄不屑矣明乎此者可與游斯堂否則拒之而已

留雲堂記

有物焉起於至無成爲至有有焉而終於無無矣又未始不可有故其有也莫得而驅之既其無也又莫得而繫之惟雲爲最虛然雲雖虛而實變蘊於山與塊然之石翳翳於榛莽而已耳及麗於天龍乘而雨作雷電包其中日星蔽其上當夫夏秋之交風倅雨霽幻爲山川草木鬼神鳥獸怪形異狀五色爛然靡所不有而卷而收之也滅沒俄頃求所爲怪異者悉無矣故惟雲爲最變白田喬子凝庵以留雲名其堂余往來南北多宿焉疑庵癖嗜潔尤好法書名畫鼎彝金石性狷介交游寡所合見人急揮金周之無少惜其家始饒而後貧以是也卒至不能有其堂假其兄弟之屋以居堂旣他屬留雲之名不忍去屬余記之夫雲無者也堂固所素有乃至有者且不能留而矧欲留其所無乎子號疑者也曷疑之而思之得所不疑卽知天下凡物之可留者少矣獨雲乎哉

百尺梧桐閣集卷三

予

重禊閣記

入吳冒雨游西山六日而還健菴徐子館余學谿之上谿杜郡東一隅廣數十畝蕭遠閒曠相傳戴顓攜雙柑斗酒聽黃鸝聲卽其地董尙書其昌書其石於門谿前後有堂有亭有室有樓夾於谿之間者有讀書之屋分谿之支爲池池上有軒軒側有廊其佗溫房輿室爲賓客之館者不可數計踞谿之上者爲石山山石之西獨峻升高而望凡吳中諸山余游迹所歷不奄乎人家艸木者一一可指而數也徐子因閣於其顓將落適閏三月三日置酒召客浮栢於谿詠詩於閣既酣主人酌余而起曰今與諸君飲而樂於此也莫春雨晴谿水方長林木正茂古人不可見乃天假以時時值其地不變可得而勞髣乎請以重禊名吾閣子爲記余酌而歸之曰凡人之所以爲歡樂於世者多矣或慨於聚散之無時憂樂之何嘗卒歸於無傳而已若乃寄託於山川文酒偶得一篇一詠鳴於情而合乎道則當時後世企叩欣慕甚至寶其文筆轉相摹肖坐千百年不廢其此樂爲無窮而繼之者亦甚難爾吾子以蓋代之才負海內名領望東南四方之士以至學谿爲卒日夜執經脩謁者塞戶外至不暇飲食虛已折節以應豈非賢哉然勞苦矣今乃得分一日之閒與余輩暢詠流連論文講道

百尺梧桐閣集卷三

三

則此樂又何可易視也惜余拙於才莫能文其事而
子又謙讓不肖以爲竊恐虛此樂竟等於世之爲歡
者不幾有媿斯闕乎徐子曰子毋遜是足以記遂書
之

馬文堂記

余友韓子醉白自其先人文適先生殉節破家室時
甫兩歲老嫗背負脫兵刃匿仁潭採葦根啖兒得活
以至於長孤童子立勇於向學十餘歲卽工爲文見
者驚譽以貧故遊四方鬻其文於貴人一時名藩大
吏爭延致之所至稱上客人爲韓子榮韓子之心不
屑也游旣倦歸卜築城東隅名其堂曰馬文請余記
余曰吾子之名堂也蓋木介之推而推以不肯言祿
隱其身故其言如此子固不事事於祿而人多願分
其祿自不與推類且子之文無日不用於世非此莫
可畜妻子肆游眺然則名堂之意夫何居韓子嘆息
不卽答余曰噫嘻吾知之矣文適先生負文望數十
年才未及用一旦以殉節亡至今哀之以子之才爲
干祿之學何求而不遂因忍困阨奔走十年顛頓於
江湖寥寂之鄉而不悔者其用意固可悲也已則子
之今以文用於世者正其不欲自用者乎語未竟韓
子動容起立前謝曰子知我遂書以記之

思硯齋記

周禮占夢之官占六夢吉凶又聘吉夢贈惡夢似吉可迎而惡可遣也無羊之詩曰牧人乃夢衆維魚矣旄維旗矣大人占之實維豐年室家溱溱斯亦夢之難於名說者凡人夢生於因成於想將蒞官而夢棺將得財而夢穰或亦說之有可信者乎合肥許中丞於明熹宗朝守紹興夢蘇文忠公手一硯授之明日種竹臥龍山下掘地得硯有鐫天然硯三字背有文忠公像公寶而藏之數十年至明末兵亂硯失所在當其夢也何想何因既夢而得硯吉也非惡宜中丞公卓令名於其身及其子若孫於久遠也嗚呼昔人

百尺樓閣集卷三

四

爲吏之道與今人異卽其嗜好形於夢寐見於情事者皆可告於人以傳於後或其事已往而子若孫猶愾然思先人遺澤告之聞人見於文章以表先德永孝思不忘何其美哉或曰中丞公夢硯得而復失吉耶惡耶余曰不然凡休徵於一身不若徵於其子孫中丞公旣得奉直公以爲子又得農部君生洲以爲孫代有文名則天所以睨中丞者不旣於文忠之硯徵之歟或又曰文忠公守杭未嘗居越其生平所喜硯見於集中者有鳳硯硯銘及爲方彥德作龍尾硯歌又嘗以銅劍易張幾仲龍尾子石硯又有與胡問眉子硯歌未聞所謂天然者不知杭越相去幾何其

生平戲弄之物豈必一一皆見諸篇章必如或人所云夢夢耳至奉直公所以名其齋與農部君表揚先德之意宣城施愚山侍講記之矣余復何言哉

百尺樓閣集卷三

四

五

梅西堂記

經言梅皆實也非華也詩標梅實將落也書鹽梅二者得中以和羹也禮內則桃諸梅諸蒚也以桃梅爲蒚以藏也皆實也爾雅釋木並稱梅柟郭璞註云似杏實酢詩終南何有有條有梅傳曰梅柟也孫炎云荊州曰梅揚州曰柟似一木矣而陸璣疏云梅樹皮葉似豫樟豫樟葉大如牛耳一頭尖赤心華赤黃子青不可食柟葉大可三四葉一叢木理細緻於豫樟子赤者材堅子白者材脆則梅柟又二木矣且揚州人謂梅不聞名柟豈璣與傳謾矣乎又爾雅有時英梅註曰雀梅疏曰雀梅而大者也又爾雅有杙

百尺梅樹開集卷三

宋

繫梅註曰杙樹狀似梅子如指頭赤色似小柟可食疏曰杙一名繫梅二者其卽後世所植以爲食玩者乎又別有所謂梅者乎凡經所言梅俱未及華之色而璣註與璣疏其所比似則有赤色赤黃之異可食不可食之分又何歟梅性宜南不宜北埤雅言梅人北方變爲杏今北方有杏無梅豈詩書內則所稱杏耶非梅歟大抵經所言梅貴惟實不惟華後世取爲草木之玩則華先於實故雜見於古今詩賦者亦多言其華之美而已宗君定九性喜梅自號梅岑又於所居新柳堂之西築舍樹小梅數十本曰梅西草堂屬爲記夫梅之吐華始於春先於百卉迎東方青帝

以生者也西方爲少陰於時爲秋而梅實則在夏似非其時然夏至而陰生已具秋實之意焉然則梅岑玩在華而仍有取於實不啻詩書內則之旨乎或曰樹梅之地適爲堂以西則西之爾非有所謂華實之意也然梅岑潛心經學一草木之微必辨別其名狀根本豈泛焉以名之乎俟華時中車過草堂酌酒樹下取神農諸本草及陸璣草木疏證以爾雅箋註與梅岑細訂之

百尺梅樹開集卷三

梅

宋

十二硯齋記

舍故園高梧深竹之廬而走京師塵土蒙翳之鄉攜
敝簾缺硯從二三老奴賃屋以處今日從而西明日
復從而東如饑雀倦鳥驚飛擇木不能指其樹某枝
常爲棲息之地但苟得所止卽幸矣壬子秋九月余
清羸臥疾夢入廣庭四面列大几几上古硯多不可
以數計墨光滢滢爰取其十二出登小舟歷山澗見
夫清泉白石洗弄不輟覺於枕上賦詩紀夢喜而名
其齋噫亦幻且怪矣而四方賢士之與余友者不以
爲幻且怪多樂爲傳道兼爲作記與詩遂若真有是
硯與齋者久假而不知其爲夢也嗟夫自余來京師
初借廡於友人既凡三徙乃獲假館於斯庭止兩楹
內置書籍外延賓客又烏有所謂齋者乃客有賀余
者曰子向所賃屋傾欹卑下客至多不敢坐立若將
覆焉今大司農梁公賢而好士推宅於子屋雖小踈
朗明潔焚香洗硯坐北牖下嘯歌自得是子之齋莫
有善於此者矣子不見今之享富貴利祿者必金飾
其居羅致玩好以爲酒食博塞之地而亦託名於人
曰此齋也此齋也視子之隨所處而自得者何如也
余曰然乃屬秀水朱子錫鬯書其額以誌吾齋云

後十二硯齋記

十二硯齋何以名也居士有其所有也居士實有乎
曰非也有而無者也有而無茲何一記再記也曰昔
之有有而無今之有無而有者也烏可不一記再記
也噫居士之欲有其有者久矣今日有之明日無之
至於無有不無則雖其所素有亦無有而不無有矣
此居士之淡慨也若乃無有不無者忽無無不有此
又居士之淡幸也何也居士之硯夢也齋亦夢也無
物非硯無適非齋今居士實有其硯且實有其齋恐
齋與硯之猶夢也然此齋與硯日游其中而不覺又
何異於夢其所夢也居士之夢壬子之八月居士之
齋之成乙丑之十一月凡十有四年嗚呼一硯之微
欲其遂乃至十有四年之久天下之夢有百千萬倍
於斯硯者求其遂又何能意計乎居士又幸其夢之
易遂也齋居愛園見山樓之西偏廣丈有八尺淡如
之虛其前丈有二尺爲小山敞其後丈有四尺留老
竹數十个仍園之舊也東西增小廊七楹居士時休
憩其下

抱耒堂記

古豪傑處顯晦之際莫不有所託迹或漁釣射獵牧豕屠狗賣漿負局下至髡鉗傭保與人雜作變名入山無所惜其勞苦而自甘於污賤也唯君子潔已守道不辱身以欺俗矯行以釣名莫善於躬耕躬耕者聖賢卿相之業也舍是而求天下之役皆賤役矣舍是而致天下之名譽貴富皆賤丈夫矣故極聖賢卿相之道惟躬耕爲最尊非其人而託焉者君子不許也吾兄叔定自署其讀書之堂曰抱耒屬予爲之記銘哉吾兄之名堂也曰耒耕之具得矣曰抱耒耕之志一矣耕而耒抱此不釋也耕而不獲抱此不悔也

天下有耕而不必獲者卽有不必耕而獲者不必耕而獲則天下之役不暇擇其勞苦污賤有未可以告人者矣寧仍抱耒而已蘇子由之被謫也爲郡僚所掎子瞻恐其去官作詩寄之曰時哉歸去來其抱東坡耒子瞻常有買田穎上之願固未得遂子山乃歸穎濱以老天不輕以與人可知而吾兄弟幸得並耒而耕也天之與我者厚矣尊矣而敢失此尊焉之意乎則有抱此而懼耳

東坡耒堂記

三

假園記

居士既歸之明年無所棲息假於故人魯子郭外之小園以少休焉園在城北去郭不數里蜀岡爲背南山當前隋河左流而曠其右地以畝度得十之四五菜畦竹圃花谿藥欄具焉屋以間度如畝之數而倍之軒庖涼燠之室具焉揚俗爲園豐於宇齊於植此獨植爲豐草木之華幾備四時居士既休於此門其兩扉握一卷枕一榻終日不聞人語甚樂也客有竊笑者曰園非已屬曷樂乎居士曰必已屬而後樂天下之可樂者亦少矣必屬於已而樂而此遂不他屬也天下之樂可常屬於已者又少矣今日屬於我而樂明日屬於人而樂均樂也必樂焉而已屬究不知其何所屬而樂亦不知其何在也然則居士曷樂乎曰是爲居士少休之園卽樂耳遂記之

東坡耒堂記

三

王氏祠堂記

邵陽有篤行君子曰孝惠先生其生也無少長親疎咸德而敬禮之及其歿哀思不忘私謚曰孝惠夫私謚非古也然人有行誼未獲表見於天下而潛德幽光久而益著則易名之義起先生何積而至此也先生姓王氏諱必昌字化之又字襟黃少爲孤童振拔爲聞人以光其先施於家以及於遠至老不倦其鄉之人曰先生當凶歲嘗出粟百石活餓人又立屢通貿易居以成市又築堡禦暴鄉人以安其隣邑之人曰先生喜儲藥爲人療疾造門而求者達於晉豫其族之人曰先生厚吾宗貧不能完官稅者代爲償其

夏氏祠廟集卷一

三

他焚券減租急人緩急者比比也先生所積如是是稱孝惠易愧歟先生既歿其家嗣贈吏科給事中南溟公率其子弟謀立祠專祀經始於康熙八年己酉斷於壬子四越歲而祠始成贈公抱異才爲名諸生遭秦中寇亂不得竟所學乃佐孝惠理其家而仲弟南瞻課諸子弟學南瞻儒者倡明聖賢之道立教關中從遊者各有所成就其子弟得其傳而表見於時者則季鴻孝廉黃潛都諫也都諫念王考孝惠先生首以詩書隱行大王氏衣冠之族既得奉爲專祀矣又念其考贈公與叔南瞻仰承孝惠未竟之緒而身與孝廉又親受南瞻公之教以有今日曾不得展其

孝敬之思以答於考若叔則孝惠之靈必有怏然恫者於是奉贈公主於孝惠之側並升南瞻公主於贈公之大成先志崇家學蓋禮起於義也乃命其友懋麟爲之記嗚呼宗法與祀典難言矣倘執於禮經之言而不通乎其義則有廢祀而歎耳從來有功德於民及文章節行表表在人耳目者皆得立祠以祀此在疎遠之人且然而況其子孫之賢者乎初懋麟識都諫於甫成進士時布衣革帶抱書南遊無異寒士及爲吏潛仁以廉明第一擢授吏科給事中循循奉職言期可行不爲剗刻薰灼之行

夏氏祠廟集卷一

三

天子嘉之不次擢掌戶科今年五月奉命主廣東

鄉試其政事文章赫然中外嗚呼孝惠先生之積光遠矣因記而詩之曰

太原之喬渡河西遷在邵之陽于稼于田孝惠孤童舍耜而書一巢四雄三爲通儒有文都諫其行揭揭入相

天子職補其闕祖德維駿先祠是崇二南左右孝惠在中惟神降靈赫赫施施享以八簋從以兩旗爾祖爾思無厭無射後有考者請視斯石

唐寅高士圖記

吳趨唐寅高士圖一卷一人背笠倚牛角牽而立一人指地顧牽者曰巢父許由一人指古貌衣鹿皮荷薪而趨曰善卷一老道服以一指指口若有言一老僮而聽言者商容僮者老聃也二人執鋤一戴笠一禿其首一人皇皇似岐路者沮溺與仲由一人跣而杖一人拱卽由與荷蓀丈人一老一婦負田器書卷篋筐之屬偕而行曰老萊子一人曳杖與盛衣冠者傲而言則原憲子貢地上有甕一人指甕對一人語爲漢陰丈人黃冠野服側面叉手向一人語者爲壺丘子林席地一老與一人對膝坐曰老商肩長竿釣緝翩然行者曰莊周袖手掉頭若不屑顧者曰段干木幅巾把筆據短案坐地上若將書者黔婁先生少年短褐揖於前白衣持卷隨於後中有偉然法服者則顏曾之與孔子也并側一人坐癯然有饑色者陳仲子一拄杖一羽扇一把卷一採芝髮皆皤皤然知其爲四皓一人跪一老授跪者書黃石公之與子房乎一人朝衣冠跪爲一老繫鞵王生之與張公平前三白羊一人席地焚香撫琴則宋勝之旁置書卷硯筆開卷南面坐一人執如意北面坐張仲蔚之與景卿也幅巾坐於床著蒼草於瓶一人坐而問嚴君平之與子雲也袖掩其鬚若掉臂去者彭城老父二

頁楷閣集卷一

唐

頁楷閣集卷一

唐

人捧玄黃於前一人搯手不屑就者爲韓順圖止此高士凡二十有九與高士俱者凡十有五高士各有贊寅書牛一羊三甕一瓶一井一床一几一簞二琴一鋤鍾杖笠書卷篋筐雜物各隨其人纖悉入妙可謂極繪圖之能事爲寅真蹟無疑也昔寅生當文物之盛抱異才取巍科使其得時有爲當必有以自見卒遭挫辱擯棄使不得奮力於功名致放浪不羈寄情藻繪若寅者亦可哀也已今觀其所画高士圖多不以類或儒或老或隱或怪寅皆以高士貌之者亦從其所尚而已若繩之以道則不可寅殆所謂狂士也與是卷實於浙西沈孝廉爾燝之家有年矣孝廉貧不能有將鬻之而以示余余心愛之爲之展玩竟夕傾酒一斗因爲之記不知其終爲誰氏有也康熙壬子臘月十有九日

徐健菴畫像記

崑山徐子健菴來揚州慈谿姜子西溟適館於郡守金公之署聞徐子來出就余飲酒歡甚不能別與化禹生尚基者善寫真徐子曰余生平喜朋友如嗜飲今游於此而與兩君飲而樂也曷命禹生貌余三人像爲一卷以誌斯日之遊俾他日時與兩君見也禹生因寫古松磐石徐子面西向一手伸紙一手拈毫余面東向右臂據石上兩手把卷姜子坐稍上於余以左臂着石角右手橫管若有思者圖旣成屬余記之余惟士君子見重於天下也人每爭仰其丰采所至輒聚觀或旁窺竊嘆驚爲天人甚則圖畫於朝廷奉饗於祠廟見者歌詠瞻拜若神明焉不敢褻此皆能使人圖畫其形狀令當世愛之後世傳之何其偉歟今之人無賢不肖鮮不自貌其形以遺子若孫而子若孫之賢者猶能一傳再傳不賢者或零落于頽梁敗壁雨蝕鼠啗曾故紙之不若而人亦絕無低徊愛惜之者則像之畫不畫何有哉徐子具曠達之才既取上第又好交樂善推獎士類海內之人群歸之如百川之赴巨海卽偶寄意於圖畫亦公之友朋而不私其志趨高遠何如也顧余以山澤之癯竊系於畫側其不類已甚將奈何將奈何

百尺梧桐閣集卷三

姜

城南山莊畫像記

懋麟自順治末受知於濟南王公及康熙初舉鄉試始通賓客與海內名賢相結納乙巳得交邵陽王公丁未得交崑山徐公已酉應閭試入京得交澤州陳公相與論詩有合焉時陳公官侍讀徐公爲孝廉王公領縣潛仁而濟南公則由揚州推官遷禮部主客矣歲庚戌徐公取上第入詞館濟南公歷戶部郎懋麟在中書四人者相聚於闕下惟王公隔江漢相去三千餘里之外雖時見其詩思其人而遠莫能致也壬子秋濟南公試士入蜀尋以太夫人憂去明年癸丑徐公覲省去懋麟遭母喪去陳公方侍講幄蒙上知凜然公輔不似予輩之憔悴而濩落也又三年丙辰王公自潛仁被召授給事中余與徐公服滿入京而王公先以憂去不得見惟子四人者復聚於闕下暇輒論詩未幾徐公與余再以憂去越三年己未子兩人再來濟南公已改館開拜祭酒而陳公久領翰林學士先數月以太夫人喪歸里又不得見又二年辛酉王公始來給事門下陳公繼入再領翰林五人者始聚而不散回憶二十年來聚復散散復聚中更憂患情事不殊若有不期然而然者陳公於此有淡感焉於是壬戌七月相聚於城南山莊賦詩飲

百尺梧桐閣集卷三

姜

酒相娛樂命與化禹生貌五人像爲一圖屬懸麟爲之記夫古人以道義文章相合者其游處與共後人慕其風輒見於圖畫若香山洛社西園諸圖記流傳最廣雖市兒販夫皆知之至於齊名比肩聯類以稱者如厨顧俊及七子五君諸品目大抵皆一時矜飾之詞而千載而下亦遂以爲不可易或亦不僅以其名也與圖旣成亭榭橋梁水石竹樹筆牀茶具之屬罔不畢肖陳公據石案搦管欲書濟南公倚案左側視王公面案企脚坐握手語林木間者則徐公與懋麟也懋麟於此竊有愧陳公與濟南公各以名德爲帝師徐公翊贊 青宮與陳公并領史局王公方拾

百尺樓閣集卷三

二

采

遺補闕而于庸碌無狀無所表見齒僅少陳公一歲徒以浮名受筆札趨走纂局而諸公以故人不卽擯棄許共朝夕譚議每攬鏡自顧顛毛半禿白髭日生枯槁無聊之狀不堪向人何復以書爲哉他日諸公勲業旣盛宦游或倦欲借川澤須臾之暇而休沐焉予得幅巾方袍杖笠以從縱譚山川雲物之美或有可以把臂無媿者姑藏斯畫以待之

阮亭先生曰散提五人如支流派分甚難收拾前作兩小結後忽著五人始聚而不散一句作大結束真有百川灌河之勢中間敘述離合情文相生令人增朋友之重

德州田公畫像記

德州有兩田子者以文章孝友並聞中朝與余文酒往復稱善也嘗爲余言其先世世行隱而未白不及今以傳久且益湮思述其祖考以上託於當世之聞人爲之傳銘以顯其幽而竊念其高祖中泉公自通籍爲尚書郎距今百二十餘年遭時遷變雖再傳得蓼菴公爲之孫以名進士領劇縣將振興其業而年復不永未能表章祖德忽忽以歿中泉公之行事遂不能盡述而所留於後者惟畫像在焉屬余爲之記公像藏於家未得卽拜而見也受其勅命之詞敬讀之其文曰地卿之屬視他曹爲詳筦財賦酌盈縮於

百尺樓閣集卷三

采

邦計至重也匪得廉勤精敏之才曷克以濟爾戶部雲南清吏司主事田三戒起家賢科宣勞民署罔辭艱劇慎慮以從功載書庸達於朕聽是用進爾階爲承德郎錫之勅命夫時誦務殷輸半而費倍日者嘗往來朕衷矣上有以足國而下不病於民古所謂善財者宜何如廣思熟究益懋遠圖實嘉靖三十九年考滿恩錫也詞賁而有體得兩漢遺意焉非公之賢若勅命所稱廉勤精敏何以當之無媿歟公嘗督漕三吳吳人以竹桶貯銀覆米以進公毅然絕之在部值歲饑疫朝廷設糜粥賑餓人公領其事全活甚衆二者非廉勤之大概乎公五世孫愛康熙中官戶部

耶復領雲南司撫其署之題名愀然感愴作詩數百
言一時傳之嗚呼前代由進士起家者必別歷郡縣
遷臺諫爲得盡其言以行其志白首耶署趨走錢穀
非所樂道然則公之才與志固有未竟特留餘以待
其後之人而於畫像實式憑之則所望於子若孫者
不甚遠且大乎然非德澤之淡子若孫且不能自振
而又何有於畫像也余小子無狀不能光顯前人猶
憶兒時拜吾祖像冠服鬚眉迄今四十年恍然在目
不幸燬於兵每歲時悲痛無由更覩則畫像之存與
不存亦屬有天幸與公字子慎嘉靖中進士中泉其
自號也兩田子雯需俱第進士雯官河南提學僉事
又曷可量哉

東尺牘桐閣集卷二

四

四

藏天水記

居士齋居讀書之暇品泉闢茶稍自娛樂好事者以
四方名茶相餉居士家近城東日汲河中流世所傳
廣陵濤者時春夏之交雨澤不降河流枯竭汲率一
鍾泥沙半之揚汰其沉濁乃可烹而飲也間有以錫
山第二泉餉者易窮難繼客曰是惟天水爲最宜既
早不可得及六月大雨忽降數日夕不止居士遂取
盆盎收之得若干甕以藏試諸名茶色清而香發比
諸山谷之泉不知其居何等也居士既飲而歎曰天
之澤人厚矣哉人之生斯世也極身口之奉無物不
資於天然必假以人力始能以有成而用之爲不竭

東尺牘桐閣集卷二

四

入之力既能成之矣而力或不能以自致則又竭其
力以求之於是是有是非得喪禍福憂樂於其間當其
致之則欣然以悅不能致則戚然以悲天以資人者
轉以困人稍不自審鮮不爲所困至於死而不悔者
有之矣可不懼哉天下之物惟天無意以生人無意
以取力不勞而用不竭少取之不必以名廉多取之
不可以名貪於物無競於人無爭其惟雨澤乎雖然
不可以常恃昔居士在京師先後十有二年日出
錢買井水苦不可飲間有甘井又遠在十數里外非
資車馬不可致而北地多旱少雨天澤之降亦有時
而吝今家居有河水可汲名泉可求天復厚之以雨

潭近取諸檐楹不費一錢所以待人者良厚苟以取
之易而傾瀉無忌不善藏以仰承之一旦恒陽不雨
則所憂者不惟茗飲之不繼矣其謹藏毋忽

百尺梧桐閣集卷四

揚州 汪懋麟

書後 跋

書陸游傳後

游力學多聞善詞章諳典故尤長於詩宜在文苑之
列而史所以重游者力陳時事言論剴切其文章論
議庶幾蘇氏之遺風焉南渡以來杰然表見如游者
幾人哉其晚年再出爲韓侂胄作南園閱古泉記史
氏譏之致引朱子語謂其能太高迹太近恐爲有力
者所牽挽不得全其晚節史氏之論綦嚴矣烏能爲
之辭然游初爲秦檜所嫉顯黜之終檜之世未嘗求
出使游欲邀榮侂胄何不曲事檜於少壯之日乃于
垂盡之年悅侂胄以希寵遇乎侂胄柄國欲網羅四
方知名士相羽翼嘗築南園屬楊萬里爲記許以掖
垣萬里曰官可棄記不可作侂胄大恨當是時方嚴
僞學之禁朱子之徒禍不可測使游復拒而不爲將
清流白馬之禍不知所抵游之降手爲之也非同稱
頌功德之文猶在山林泉石之間也所以陰全士類
者何限乎侂胄之奸見絕於賢人君子固已獨恢復
之舉因金人抗禮索幣非人所堪於是絕好毅然用
兵爲金人所漢惡嗟呼自南渡以來檜首倡和議遂
以用兵爲諱游以此終身歎恨見於詩歌其示兒一

篇眷眷身後低胃之謀實游所渡許則堂記之作或亦君子取人不廢之意乎且重慨當世之君臣無有一人計出低胃之上此特假堂記以許之隱然有春秋大復仇之義焉又何堂記之絕也然則史氏之議非乎曰不然萬里之不作守經之義也游之作節取而權焉者也必於游有深責焉楊雄之美新莽馬融之論李固又何以處之也

書歐陽公論狄青劄子後

讀歐陽文忠公論狄青劄子及水災疏爲之掩卷太息曰青死矣孰死之曰歐陽公死之也青在當時未嘗陷於罪歐陽公固賢者曷云其死之也曰其言足以死之也青之不死幸而免從來武臣之於人國也功大者名高名高者忌衆自非有明哲之識與保護之人鮮不敗况有重爲之詞以疑其君者乎昔青於仁宗朝起自行伍十年之間驟掌樞密受恩最隆其心已足又當國家承平無事之日青亦何由而反哉而公則謂其不幸有得軍情之名又云其用心有不可知者噫此二言足以殺青有餘青即死其心恐有所不服自古名將與士卒共甘苦故所向成功不得軍情何以制敵至青之用心尤深知其無他何言之青雖武人頗識大體嘗見知於韓魏公范文正公文正授以左氏春秋青由是折節向學通曉將畧觀其不奉詔除面涅與不受狄梁公画像告身兩事則青固讀書明大義者賢於常人萬萬豈復有奸邪亂國之心哉當日值京師大水青在樞府士卒矜誇其家又數有光怪青避水相國寺行止殿上人情驚疑公職在論思安能漫無遠慮然但當善言保全使自釋兵柄不當危言啟人君之疑而制將帥之命猶幸仁宗寬大主也假令稍嫌疑忌之君青不知死所矣嘗

考公論青於嘉祐元年之六月青罷樞密於八月出判陳州卒於明年之三月未必不因此憂皇抑鬱以死豈不悲哉青自爲巡檢指揮使擊夏人以來威名大著天子思之命圖形以進及夜度崑崙關大敗僞智高平定廣南可謂雄矣但不能見機勇退致令黜而去而死亦重可惜耳嗟乎勇敢如青立功名如青賢而知大義如青尚不免歐陽公之疑則後之爲將者又孰肯出死力以捍社稷乎宋末邊備空虚士卒疲憊一敗不可復收未必不由乎此也後世有將如青者尚其善全之哉

蜀道集跋

次濟南王先生蜀道集詩既成客覽而嘆曰先生所工固在詩得蜀而益顯若所云是先生藉於蜀而蜀無藉於先生也請設一語爲客問蜀道與爲詩孰難客曰蜀難余曰否凡天下人力不能至者爲難而人力所可至者非難也自有蜀以來得已不得已游而至乎其間者幾千萬人也才不才至乎蜀而賦詩其間者亦幾千萬人也而蜀固在蜀之詩不一二傳然則難而非難者其蜀非難而實難者其詩也爲他詩固已難爲蜀之詩則又其難者也先生以使命入蜀往來得詩三百餘首交韓轅杜詩無不美卽蜀無不傳先生藉蜀乎蜀藉先生乎客不對而去

使粵詩跋

暇日嘗侍司農公於蕉林書屋爲言少時隨贈尚書
中憲公之官南雄甫數歲舟過西江遭大風幾覆忽
觸岸中憲公與太夫人抱公倉皇一躍而上恍有神
助時夜昏黑與家人行見村落遇老翁出婦子殷勤
慰留詢其地蓋沙溪云慙憐敬聽稱異癸丑秋公奉
命之南海道出西江過風故處問所謂沙溪者已
莫可復識賦詩興感至南雄謁中憲公祠故老擁傳
視我公山嶽之輝光思中憲公久而未湮之舊澤羅
拜感泣噫嘻當中憲公提携襁褓出守萬里風濤江
海身蹈不測詎意五十餘年我公乃以尚書秉

百尺梧桐閣集卷四

六

天子節袞衣赤舄重過廣南一時將帥大吏趨承奉
俎豆薦蘋藻歡呼祠下顯榮爲何等與慙憐於此益
嘆中憲公之惠愛廣民天祐後哲故振起光大特令
此邦之民一親兄之也我公勲業文章遍海宇垂後
世今覽斯集博大從容山川民物罔不包舉時變亂
恍忽公乃權大體宜德意成命而歸則天生我公
固非偶然襲之脫風浪遇沙溪老翁昏夜莫知有無
豈非神哉鄧子孝威叙公詩詳矣慙憐無復置辭謹
述異聞俾傳於後

跋留雲子畫像圖說

留雲子將畫其像列於二十有四先爲說以示畫師
其說短長雜以戲謔人妙亦如列景之數余覽其說
有在畫中者自謂思之畫外者畫之中固畫師之所
能畫之外唯此則固非今日亦將問筆謝不能也
余見古人畫畫事畫神又見近人畫史記
實之者重千金或數百金余皆無取焉蓋覽其畫
不若覽其文畫中之文百人具一而文中之畫千態
萬狀自有天地人物草木蟲魚可喜可怒可哀可樂
之事無不入神洽懽悅吾目而娛吾心也又何以畫
爲哉人凡前無文者或可畫既有文矣且至文則不
可畫也留雲子之說妙矣雖無畫可耳余竊有一說
爲留雲子進子少負異才處順適之境一切玩好供
御卽大貴富人不是過今老矣金散於人矣顛毛半
白閉門靜悟蓋已進於道矣而欲所爲圖者間有少
年喜怒之習豈好惡之際尚有未辨乎抑賢者之寓
意不易測識也敢以是說補留雲子之所不逮

百尺梧桐閣集卷四

七

釋智永墨蹟千文跋

山陰張氏家藏智永墨蹟千文一本攜來京師非千金不售云此本舊藏寧王府中宸濠之變王文成公定亂入王宮得之秘不示人文成公既歿陽和太史於公門客購得之傳其家四世矣按智永爲王右軍曾孫書以祖爲師嘗造樓自居誓書不成不肯下書法益進求書者塞戶外閭爲之穿乃以鐵葉封其限所用筆秃悉置大甕中歲久瘞之曾書真草千文八本百傳江左諸佛寺年近百歲乃終其弟子辯才藏蘭亭真本亦精筆法智永書雖多惜不盡傳後人購其初榻已不易况墨蹟乎雖千金不易可也余謂文

夏尺牘閣集卷四

八

成公理學大儒征宸濠時如收其所藏則是利王所有矣君子一芥不苟卽一物以充類之何以異於後世以兵爲盜者此可以理斷其必無者也余反復此本凡兩日夕其體絕無右軍法草書尤太拘束豈今所傳二王諸體皆妄耶抑此本爲獨得耶或八百本中筆法各異而此流傳者又其一耶大抵閱世至數百年後事多不可考乃至千餘歲之久區區一紙本其不與陵谷俱變者幾希耳何好古者之懼焉不察也余不知書者烏能辨但讀書論世姑筆諸此以爲癖古者一嘆云

跋王文安公所書卷子後

嘗覽虞山錢宗伯銘王文安公墓石專稱其書法爲百年來第一人於其生平出處得位行道之大固畧而不言豈以公文章勲業昭然在天下後世固所不必言而公之書法不可不表而出也康熙十五年冬商江朱子牧仲出公書屬余跋披卷盡覽如見公神采勃勃據案灑墨時墨痕汚衫袂淋漓紙上不可遏也憶余不及見公竊聞其飲啖過人善肉食每飯數升雜餽餽數十甫畢與佗宴會復盡食無餘飽後作書尤氣力盡數十百紙不倦也咎袁粲見王景文歎曰景文非但風流可悅乃輔歆亦復可觀若公者其

夏尺牘閣集卷四

九

庶幾乎噫亦奇矣

跋韓秀才臨鍾太傅書後

右韓先生摹鍾繇書一幅予觀寶之以示余屬爲跋
噫先生之書儼然繇矣繇雖起度不能議也古以書
名者多而必首宗繇重其書抑重其人與史稱繇開
達理幹洵魏氏之名臣然其初實漢孝廉也辟三府
爲廷尉正黃門侍郎催汜之亂繇嘗與尚書郎韓斌
同策謀出天子長安拜御史中丞遷侍中尚書僕射
封東武亭侯似忠於漢者迨魏國建爲大理遷相國
不在東宮賜繇五熟釜爲之銘繇以玉玦送丕互爲
書推奉及不踐祚進封崇高鄉侯與華歆王朗爲三
公則居然魏臣矣當操戰官渡時繇送馬二千匹其
心乎操久矣豈復斯須爲漢計哉千古書與人重者
唯顏魯公若繇者亦僅以其書耳韓先生諸生忼慨
死國難雖與魯公齊烈可也何有於繇哉朱紫陽自
謂書學曹孟德余未見孟德書不知何等既見許朱
子則論書固又不必以人與韓先生諱默字文適仁
都人魏宇醉白亦工書

百尺梧桐閣集卷四

十

跋陶詩鈔後

果亭徐君以上第領詞館且十有一年旣符秩青
宮一時同館滯於側不得進者方歎羨以爲榮而君
則澹然思歸旣得請將以二月之望振策而南手陶
詩一編屬朝之士大夫上書者各錄數篇彙爲一冊
欲游目於歸途噫嘻其意之所寓何蕭遠也予因拙
於書不敢爲陶之辱乃屬爲之跋予嘗論淵明之才
之志實足以有爲初非天姿槁薄果與世無情者其
自甘放廢終其身與草木爲緣而託之於酒也亦所
遭非幸耳以君所遇大非淵明之比乃酷嗜其言如
是或其幽寂有合於性生者乎予乃和淵明歸田園
六首以爲別無一語及官閥若送高人隱者之流人
或以爲訝唐李愿貴公于也以展爲父以愬爲兄弟
昌黎送歸盤谷若寒人千百世高昌黎立言之美而
嘉愿之不驕或視乎此而不予貴乎

百尺梧桐閣集卷四

十一

跋李藥圃浙游詩

獨余一舟游眺湖中十五日夕陰晴早暮凡所得於湖中者自謂盡之與藍輿入南北諸山井泉林木峯巖塔寺凡所得於諸山者又自謂盡之依仁于陟雲樓折南山而歸江湖川谷之美靡幽不造自謂人所未必盡者殆無乎不盡矣凡所歷思爲詩而劣於才間爲一詩不能與境俱盡或舉所歷以問杭之人杭人有不盡知者則時舉以矜夫游杭者遂并矜其詩而忘其不能盡者矣乙丑夏李中允藥圃自杭來出其游杭之詩一卷示余其所歷皆余所歷而所歷之詩之詳余多未備焉及披其遊跡又有乾溪鉢池且住庵爲余所未歷藥圃又云得詩僧夢閣于理安寺下亦余所未識乃慨然歎天下入境之奇渺焉難盡嚮之自矜者祇以自愧耳獨詩云乎哉藥圃之詩才與境敵幽者顯之濃者寂之總期赴境而止噫嘻余未能盡其境又烏能盡其詩也歟

百尺梧桐閣集卷四

主

跋米元章墨蹟後

右米元章書秦城詩二十八字題識九字黃公望楊維禎宋濂跋三段藏於吾郡宗傳嚴工部家有盛名愛書畫傳其孫元鼎梅岑敬守之屬爲跋按宋崇寧三年六月制詔今四方承平百揆時敘獨書畫之學未有高世絕人之風殆勸勵之不至也其議投試簡拔之法著爲律令建官養徒庶幾異時彬彬有紀焉是時元章名能書遂除書畫兩學博士對便殿賜御書畫扇各二奉詔作黃庭小楷賜白金緡錢甚腆又奉詔於後苑大書烏絲欄二十言以進徽宗在瑤林殿張絹圖方廣二丈許詔帝書帝反繫袍袂跳躍便捷落筆如雲龍飛動上大喜以馬腦硯李廷珪墨牙管筆金硯匣玉鎮紙水滴賜之復被詔書屏風數日賜銀十八笏蓋九百兩也帝之遇榮矣帝爲人高自標目刻意文詞徑奇蹈險以崖絕魁壘爲工帝固有足重者豈僅以書而被恩遇則以此固由上所好耳崇寧之際京貫竊國政事墮壞執日就危亡猶文飾太平篤好書畫可謂愚矣從來治亂興廢未始不如是是豈足道獨帝之書雄傑千古亦徽宗詔旨揚扆之所至與然則有天下者之所好重矣哉

百尺梧桐閣集卷四

主

揚州 汪 懋麟

傳 墓誌銘 墓表 碑陰

誥封戶科給事中孫太公傳

公諱克已字禮寰一字勿齋其先北直束強人明初徙居山東之淄川遂世其家公性厚重篤於孝友父文負達識不慕仕進恥言生產日誦莊列諸書與夫人王氏偕隱般陽山中公體親志棄學力田奉養終身居喪以毀聞弟欲析產推田宅腴完者予之而已受其脊壤者弟既受產復落更引與同始教育其諸子至于成從兄弟三人貧甚周給無失業鄉里稱公

百尺梧桐閣集卷五

一

行誼與古人比生子二人蕙葑蕙名進士起家邑令得江南寶應縣縣濱湖苦水風雨淮漲壞隄岸廬舍幾盡蕙日夜補救民歌其澤公襍被到縣聞其政跪蕙膝前以手美之曰兒差不負官勿以脊土稍懈也蕙卒以治行廉明擢諫官補戶科給事中遇事敢言中外凜其風節典閩省鄉試稱得人率公之教也康熙癸亥冬公年躋八十蕙迎於京邸約侍車傍執轡以從蕙大治具張筵設樂悉召道誼諸游好奉觴堂下稱猶子爲公壽公頽而長方矍修髯顏如童子衣冠嚴整出執爵以謝曰聞公等皆天下偉人兒輩獲與遊幸矣於是卿士大夫無不知公爲長者公性安

田野不樂久居京華幅巾跨馬復歸般陽明年甲子正月諸子弟環拜于庭公慨然曰余年八十有一矣數盡陽九聚散可知乃命肩輿出遊凡所舊歷流連俯仰越三日諸子弟方侍側忽無疾而逝遠近異之蕙以禮部左侍郎京口張公所爲誌銘來屬予立傳予與公子分誼早著悉其生平孝友大節又拜公京邸躬與奉觴之後親視公容貌重其生而哀其歿是宜有以傳之也

論曰百行之冠莫大於孝友先生教民興行風俗以厚後代士務聲華風衰義缺刻身厲行者多見於閭巷刺草之民而衣簪之下無聞焉詎非士君子之羞

乎孫公行立闔庭慶流賢祠鄒魯道風斯可範耳

百尺梧桐閣集卷五

二

王御史傳

公姓王氏諱與字百斯山東新城人也官湖廣道監察御史崇禎十七年三月十九日流寇李自成犯京師公家居聞變率妻子登樓自經死實四月二十六日距國難僅一月云邑人哀其忠崇祀於鄉所著有龍首集一卷公生而魁梧身長八尺廣額修眉望若神人生平忠信坦白與人油油大義所在毅然不可奪崇禎初成進士選翰林院庶吉士選例先門閥次才望公以賢州參議贈太僕寺少卿諱重光者爲曾王父戶部左侍郎贈戶部尚書諱之垣者爲王父浙江右布政司使諱象晉者爲父其伯父少師兵部尚書諱象乾門閥既高又負才工文藝因與選故事庶吉士讀書更治一經日誦古文正宗及唐人應制詩各一篇以故公在翰林無所見及授御史巡視河東鹽課所至有聲再差陝西茶馬當是時流寇充斥三秦騷然邊境多故國用空虛邊將驕侈束手撫講紛囂議增歲幣爲苟且計公至感奮激發思一洗滌率格於時執不得行作西羌雜詩發陝陝石諸篇以見志卽所傳龍首集是已使還稱職奉命督應天學政臺例御史必三差最後督學爲老差非清望繁著者不得與而御史至是亦惟翱翔拱默坐印內擢而已公奉差未行也慨天下將亂武臣本兵柄者率豪

百尺梧桐閣集卷一

王

三

百尺梧桐閣集卷一

王

四

縱不法因廉得總兵官鄧玘貪掠狀特疏奏之玘蜀人與時相王某姻婭也政府持其議坐貶官歸時布政公老公耕田養父絕輩學佛閉門示不復出及聞甲申三月之變西望痛哭不食將蹈海至利津夜半整衣冠赴水家人覺之不死因愍之曰公里居無職守可無死卽終其身放廢耳公不答復抵家佯笑語家人不疑乃夜謂其妻曰吾卽死妻曰君死妾敢獨生其子聞之泣前跪曰父死忠母死節兒願從卽夜夫婦縊於上子縊於側公先自誤殯誌述其生平出處及死國狀遺命薄葬年五十四妻于氏封孺人少公一歲子諱士和字允協廩膳生年二十八預爲絕命詞一章公死時亦自題絕句詩公諸子戶部公上禩編次授公孫啟沅傳於世論曰嗚呼歐陽公論馮道視喪君亡國未嘗舒意則身遠患難者何責乎御史公之死伏在田野委折不回從容矣吾宗文烈公偉亦夫婦死國難公復益以子難哉

梁侍郎傳

公姓梁氏諱清遠字通之又字葵石先世山西蔚州人始祖聚徙家北直之真定遂世爲真定人曾祖夢龍光祿大夫太子太保吏部尚書贈少保祖志少保公第四子封徵仕郎中書舍人父維樞山東武德道按察司僉事公其長子也生負志節善讀書覽大義徵仕公嘗携謁高邑趙忠毅南星以手摩其頂亟稱之曰非凡兒年十六補諸生自是名益著崇禎十五年壬午舉鄉試明年試禮部不第甲申流寇陷京師畿輔大震當是時徵仕公與配吳淑人老武德公官於朝中外阻絕公奉王父母避亂備極勤苦又問道

百尺樓閣集卷五

五

採武德公消息以慰其王父母鄉里稱孝我

國家正大統禮部檄下諸郡徵舉人拜官公辭不就順治三年丙戌第進士授刑部主事時律例未定公斟酌刑書號稱詳平具獄無冤在部九月用薦擢吏部稽勲司主事尋調文選選員外郎時曲沃衛公周祚爲郎中共事稱得人遷考功司郎中再調文選遂掌選事是時天下初定流品雜進公屏絕請謁綜察典澄叙進退洽然清公尚書陳公名夏歎曰梁君堂選趙忠毅後一人也九年壬辰會試同考得二十三

人皆一時名素益都孫公廷銓疏薦擢太常寺少卿提督四譯館尋晉大理寺卿平反讞獄與刑部都察

院議不合獨爲一議奏上詔公議是其不肯希指

苟合多如此擢兵部督捕右侍郎時嚴窩逃連坐法四方逮繫鼎沸死囚填牢戶公又奏上緝逃數事皆見施行又奏糜粥食囚人保全無算十二年假歸明年起補戶部右侍郎督理錢法局弊以釐調吏部左侍郎贊內計稱公勤自公爲郎在部久諸司事練習吏莫敢欺未幾坐薦人失職左遷光祿寺少卿蔚州魏公象樞亦左遷在寺漢相得魏公請養去公慨然曰良友行矣吾何留即日疏請終養歸是時吳淑人與武德公夫婦白首無恙公率諸孫奉觴上壽一堂五世至歡也遂有終焉之意康熙元年丁武德公憂

百尺樓閣集卷五

六

服除當起以吳淑人老再請終養服除移疾不卽起八年里中奸人構大獄誣公族事既白公不得已出補光祿稍遷通政司叅議居一歲移疾歸屏跡雕丘葺少保公故所築壽槐堂以居又名其退居之室曰今是齋讀書課農以自適間乘牛車入城人不知爲貴官也所著有癸史雕丘雜錄證道閑鈔若干卷二十二年以老壽終於家年七十有八公爲人恬然寡營進退以禮得志則利物不得志卽引身自潔生平喜讀書尤明習典制在朝里居倉卒有疑事人莫能辨者皆問焉早年工詩能文章書法摹顏真卿一時爭貴重之晚好道書夢入神宮傍列僊吏神脫僊吏

冠冠公公却神笑曰子能終不冠此耶及臨終謂諸
子曰吾胸中諸無所有諸無所苦神宮之夢其不免
乎遂歿夫人王氏某封子五人允樸允桓允桢允椿
允梧俱以文名世其家允桓知山東泗水縣公家世
貴盛當公之在朝也從兄弟三人同列九卿敷五公
吏部左侍郎著巖公亦由吏部左侍郎歷戶禮兵刑
四部尚書時以爲榮而公之坐事左遷不無忌之者
公視之澹如也

論曰少宰公以學問從政歷顯仕著名迹兄弟翺翔
人稱三梁望其風者如日星河樹企仰敬畏少保公
之遺澤遠矣哉及乎歸老婆娑雕丘壽槐之下幅中
道書癯然山澤卒登真脫屣以逝雖神仙夢寐荒誕
不足道以公之澹然宦情遺棄世事若草芥不足以
動其毫髮之思以視莊列又何遜焉

前舉人汪魏美先生傳

先生諱渢字魏美先世婺源人後徙家於杭遂爲錢
塘人考諱士偉母陳氏先生少卓犖負才氣操筆爲
文立就冲融宏肆齒三學明崇禎十二年己卯舉於
鄉年甚少未娶刑部郎中錢君震瀧奇之要以其子
凡兩試禮部不第及甲申後

王師未定江浙間益多故遂奉母避亂渡城江躋天
台石梁崎嶇萬山中久之母老思歸乃還家推其兄
侍養棄妻子逕跡於杭之北山其地窮寂非人跡所
經荒茅數椽悉屏生平所讀書並焚嘗所爲文與詩
終日瞑目坐臥一牀子集兄子霽趨左右採薪汲泉

執爨進食先生罔知滋味充然一飽而已固時時念
母又不肯入城市命集霽以籃輿迎母至山中坐母
牀上自爲母抑搔視色笑移時母歸復坐牀默無語
有司聞先生名踪跡及門遽起踰後垣去卒不得見
康熙三年甲辰晨起櫛沐召集霽曰吾將逝矣口吟
五言古詩云大化無停軌道術久殊轍住世守頑形
問途猶未徹至人本神運可會不可說永泮水還清
雲開月方潔一旦破樊籠逍遙從此別令集霽識之
超然塵脫不及世故端坐且瞑復張目曰坐而逝後
世將疑我爲禪不可復臥乃瞑得年四十有六錢夫
人初來歸裝累數千金及遭亂從先生奉母流離遂

盡夫人知書能詩容止甚端髮長委地數尺每櫛必
立小牀乃能挽髮歸隱後惟髻布裙日益貧無怨言
先先生十年卒將卒先生命工貌夫人像夫人遽止
之曰君隱矣妾何留形跡於世耶乃命紙墨自起大
書六言絕句詩一章其詞云來時玉果正圓去後梅
花香冷依然明月當空不必捕風捉影高潔類蓬生
者戒其子曰他日歲時祀我卽余像也書畢遂卒夫
人生一子集也後兄子霽成進士官京師與懋麟敘
譜牒有兄弟之好暇時述先生隱居北山閉一室坐
一牀目不睹一物絕思慮二十有一年未嘗有幾微
怨懟之色以至於歿又言其兄弟採薪汲泉勞苦作
食奉先生狀輒爲涕泣也懋麟視先生諸父行也因
爲之傳

東坡先生集卷之九

九

論曰嗚呼自古忠孝節烈之事奮氣於一朝在常人
或能之無難也及稍瞻顧斯餒矣以觀文謝尚受憂
乎其難哉孝廉之節爲所不必爲苦形二十餘年卒
聽命以終何也母在則然耳其夫婦之死又超然若
前知者孝廉異矣錢不尤異耶

江都知縣周公傳

公周氏諱志畏字抑畏又字雪松寧波鄞縣人曾祖
炯封文林郎祖天覺故明萬曆己卯舉人鄧州知州
父乃祚寧波府學生員贈江都知縣母李氏贈太孺
人某府知府李公應辰女初孕公時夢神告以月望
當生兒及生果及望因小字望公負至性少讀書見
古人忠孝節義事卽感激奮發日夜磨礪思發舒其
所欲爲事父母孝母早得疾臥牀十餘年公視藥臥
側不敢離間潛誦書以慰其父夜不敢解衣寢中裙
廁踰日取浣濯不假妻子手久無倦容母亡一年父
卒歿朝夕哭毀瘠過哀及葬不輟哭遇風雨卽麻衣

百尺梧桐閣集卷之十

十

趨伏墓上慟哭霽始返自傷爲諸生未得志養其親
常書夢我篇自責且詠且哭聞者哀之服除崇禎壬
午舉於鄉明年癸未成進士又明年甲申流賊李自成
陷京師謁選南京得江都當是時捍帥分部四鎮
國家莫能制所至奴官吏蹂百姓稍不當橫刀怒視
揚州一鎮尤酷惡吏民苦之帥旋死兵無所統益橫
暴公適下車將弁氣凌公公強項抗不撓取其兵害
民者置以法兵大譟謀劫公廷論多公直恐不免議
調欽縣大學士史公可法督師駐揚州知公才欲倚
爲佐聞調慰留之曰敵且至城孤立無救度不能守
民旦夕死我與子俱死民所以不卽死者恃我與子

在耳子卽去如民何公素子畜民民依戀卒不忍去城中餉匱公往高郵區畫糧數千斛入城爲堅守計未幾

王師薄城下史公守西門公守小東門躬率士卒被介冒嚴刁斗宿敵樓上夜不交曉攻益急有給公降者索縣印公罵之曰城破吾抱印死印不可得西門陷史公死兵入執公不屈擁至南郭福緣庵刃公於水公平時常以小鏡置懷中用以爲鑑至是死數日無知者一僕行覓公見尸水上識其衣啓視鏡宛在乃哭殮焉公生於萬曆丙辰四月十七日死於乙酉四月二十五日娶袁氏一子斯言比聞公死泣不止

歿於江都尼庵甫八歲公兄子斯盛字祀公

未彰也屬余爲之傳

論曰乙酉之難史公死城守顯白昭著矣乃以葬不得尸人迄今疑之甚矣小人之不可語大義也嚮使周公之尸不出其疑又孰能辯哉周君祀公不死其叔以第斯戢繼公後又表彰之嗚呼賢矣

王筠侶傳

王筠侶名崇節宛平人大宗伯敬哉公母弟工繪事不屑屑師古所画山水樓觀人物草木蟲魚蕭遠閒曠間出古人之上人爭貴之性任誕不羈非其所悅雖權貴人迫之不輕作筠侶生五歲而孤多疾病懶慢不喜爲章句學學擊劍走馬舉武科爲興州衛千總久之不樂棄去放浪家居益肆力爲画宗伯公素友愛筠侶未嘗倚門地請謁足不至公卿門或乏食不肯向其兄及從子輩索一錢甘心貧約以繪事自食其力士大夫雅慕其人求画者滿戶外必先償直後欣然命筆先是京師未有知之者大司農梁公最先賞識稱爲絕藝筠侶亦感公知己獨樂爲公画一日厚酌以繒帛辭不受曰崇節貧安用帛爲更易金如其常直強之乃受其廉於取又如此

朝廷聞其名召見中和殿筠侶偉丰儀鬚長數尺上命起立視良久令供奉画苑時年六十餘矣以足疾引退從子司空公爲築室娛老遂不出未幾以病卒画益貴筠侶生平不飲酒喜婦人得金卽持往狹邪立盡初私一婦其夫覺撻之創甚婦自經一夕坐室中見婦忽至似有所語筠侶大驚憤家人於簾間見婦裙影隨之入遂不見亦異事也筠侶初學画於崔秀才青蚓名子忠又字道毋萊陽人流寓京師宗

伯公暨萊陽諸宋皆與厚善。画尤絕俗。工天官佛子。鬼怪諸變。相與諸暨陳洪。綬齊名。爲人清古。傲岸不苟。隨人遭甲申亂。失生計。入敗畚中。自餓死。嗟乎。若王與崔者。殆所謂狂狷者流。與以彼才技。使稍就繩墨。其所傳當不止此。乃俱以任誕死。惜哉。倘生長江南。好事者爲之延譽。而推重之。豈出倪唐諸人下。今竟湮沒不傳。是亦有命也。夫崔王死。行事不盡傳。可農梁公謂余云。

吳處士傳

處士名嘉紀。字賓賢。一字野人。泰州人家州之安豐場。地濱海。斥鹵居人。煮鹽爲業。性剽悍。喜鬪。遇凶。或天下多故。卽起爲盜。平居無事。口舌憤怨。輒殺人。處士獨以溫然儒者居。其鄉初學科舉。後遂棄去。閉門窮居。蓬蒿土室。名所居曰陋軒。終日把一卷書。吟自娛。晚年善病。或并日一食。不以告人。里人不知也。近海多暴風。疾雨。水湧數丈。鹵地爲魚塲。人絕粒。動稱凶年。處士廬舍汚窪。每歲水至。常及半扉。井竈盡塌。苦吟不輟。其爲詩。工爲嚴冷危苦之詞。所撰今樂府尤淒急。幽奧皆變通陳跡。自爲一宗。近代巖棲之

作鮮有過之者。積既久。稍稍流傳於時。爲周深園王阮亭兩公所知。兩公官省郡。強致之。力疾一出布衣。草履低頭座上。終日不出一語。兩公善譚論。每說詩樹議。鈞致處士數語。微中而已。兩公雅重之。卽送歸海濱。處士生平不妄與人交。所善唯三原孫豹人枝蔚。邵陽王幼華。又且休寧汪舟次。揖飲縣郝羽吉士。儀處士時饑寒。不給舟次羽吉。每緩急之。其見知於周王兩公也。則舟次延譽焉。王公既得處士。大悅。戲謂舟次云。野人固冷。今因君熱矣。處士篤於孝友。其諸兄有死於鬪者。竭力以殮。其遺孤通場稅爲州吏。所掬掠處士。匍匐營救。州吏聞其名。卽省釋處士。牛

數子皆不學或春賃無以自資故處士閉門以窮老
終年六十有八所爲陋軒詩若干卷板行於世處士
既卒之明年幼華以都給事中典廣東鄉試返命紆
道揚州哭之留金其家時舟次亦以翰林奉使海外
憂歸爲經紀其非遠近義之余交處士稍晚常屬余
序其詩至是余兄舟次命爲傳不復辭處士素謂余
知之也

論曰歷代處士亦紛紛矣或被徵不屈或拜爵還山
若周黨伏而不謁樊英應對無奇而范升張楷之徒
輒有異議不亦難乎惟終始若穴束帛不加沒身而
後挹其高風斯爲絕俗矣嗚呼延陵庶無譏焉

東坡全集卷五

五

五

張處士傳

處士姓張氏諱奇字正甫揚州江都人初學制舉入
學齒諸生久不屑意學詩詩即工見善畫者復學畫
即過其所學家固貧性閑而傲與人交多落落家益
不治顧妻子雖寒餓無憂色日與郡之賢士大夫及
游閑公子攜名倡狹客飲酒相譔浪醉即歌詩或奮
筆作人物草木蟲魚皆瀟灑有殊致愛者爭持錢乞
乞卽與得錢復飲頽然自得也中年喜天官象數諸
兵家者言常仰而思俯而歎當萬曆季遂移家南京
及南渡馬阮輩竊權寵附者如摩率以熏灼相誇誕
然多知處士名造焉皆不報曰吾烏用此貴人來也

東坡全集卷五

六

卒閉門以死得年七十有四當其南遷時甫三十餘
偶得熱疾幾不治門有道士來曰持吾藥飲以水卽
愈驗果然延之入叩其姓曰趙氏語移時並受其服
氣之術去越數年道士復至歡顧室中空如無以贈
適有乞書者得一金卽贈之去遂不復聞又二十餘
年處士將病逆謂家人曰吾以某月日時死自題其
棺遂不食日飲白水凡四十餘日及期坐床上曰趙
道士來家人謂病人多妄不聽索巾卽巾以巾曰冑
也索衣卽衣以衣曰甲也據床作躍馬狀家人驚問
故曰道士來久矣率卒伍數百人待門外吾行矣遂
殺家一老僕以兩手舉其尸如飄風或以爲尸解云

處士有子引孫鏐引亦工書溫然君子人也鏐魁梧
善博物與子游尤與吾師司農公善康熙丙辰七月
同客京師靈祐道院出處士遺詩二卷肅容再拜述
其生平請立傳處士之詩豐厚閑雅規矩唐人司農
公序之矣不具論

論曰神仙之術儒者所不道雖見於書傳者亦往往
而有率多遇於貧賤疾病之人尤得於無意而從來
帝王卿相享有貴富百計以求長生卒無一效何與

王宜入傳

宜入姓張氏山東鄒平人曾祖一元前巡撫河南都
御史祖延登前都察院左都御史諡忠定父萬鍾仁
南鎮江府推官母李氏生母景氏適濟南新城今戶
部郎中王公士禎宜入生而明慧性孝慈勤敏儉約
識大體歸王公年甫十四奉舅姑盡禮事夫敬接諸
姑婦妯娌順以和御下寬仁有法宜入生長資族適名
家刺意朴繁終身無華飾方公爲諸生時讀書外舍
至夜分宜入必篝燈繼續以待無倦容及公成進士
任揚州府推官遷禮部奉使推清江浦關再入戶
部宜入畢從公負海內盛名所至賓客滿坐譚論移

日宜入酒食必潔或空無時質簪珥以繼人皆稱公
好客不知宜入實佐之初公在揚州有許孝廉琨閩
人計偕乏貲謀於公公廉於官適無錢宜入解脫脫
予公授許許作詩志之又徐隱士夜公同里人家貧
行誼至高當嚴冬凍餓風雪中宜入出絮帛屬公曰
知君念徐先生曷以相遺此事遠近人多稱之宜入
前後從宦不私蓄一絲一物不自嘗鮮美遇覃恩
凡三賜表裏宜入上之舅姑不敢御遇時食必先進
乃嘗或枉遠道必對食思慕姑孫太夫人歿宜入哭
之慟三年淡食易計禮部公老益敬事之滌滌滌
不假僮奴手舅喜且悲曰賢婦勞矣公女兄弟數人

歲時歸寧宜人敬禮如姑在時尤加至其有恩戚屬多如此先是公奉命典鄉試入蜀宜人連喪二子悲不自勝乃疆起治行李送公行公至瀘橋寄詩宜人見之欷泣是時病已伏康熙十五年春公服除補官京師宜人未及從是年九月病卒於家得年四十封宜人子五人啓涑啓渾啓沅啓沐渾渾沂早卒女一其姑劉氏子宜人撫之戶部公思宜人賢第泣持狀屬爲傳以懋麟出公門知宜人言質而可信也汪懋麟曰自古婦人之賢不踰門內如必以奇節顯豈幸與宜人名家子作配聞人婦德備矣况其賢有才又有非婦人所能及者乎佗日頌康吏敬賢下士宜人之助又曷可沒也

百尺梧桐閣集卷

二

九

楊節婦經氏傳

母姓經氏揚州人生而穎淑嫻容止幼稟父訓聞說貞女順婦諸節烈事傾耳以聽性至孝以多病養舅家思父母輒廢食其母抱危疾臥床久母手調藥進粥不少倦會左諭德濟寧楊公士聰遭甲申流寇之亂弃官南下過揚州以憂憤致疾獨止旅舍郡守任公民育公同年友也憐公旅病無一人侍藥者乃爲母謀出俸錢聘歸於公時年十八公病少開攜母避跡吳越間當是時亂兵四竄盜賊乘間劫掠夜伏小舟冒風雨自刃屢窘困絕食而公方羸弱扶持左右藉母力爲多尋之常州聞郭外有方坐里者地最荒宋公曰方坐者方外也是可以隱遂卜居邨有小樓公日夕坐其上每北望故鄉眺京闕傷國事壞於朋黨門戶君子莫能救雖弃家室絕意榮進自放於荒江草澤而鬱鬱深痛病且不忘輒淚下數升母婉轉承事必勤必敬見公悲憤亦拚泣不能止未幾公卒母年二十一有子三歲矣公遺命棄葬此土示不敢歸窆突其志可哀也母卜地爲塋兆將葬公誓與遺孤守墓側而公諸嫡子來言歸葬便卒歸其鄉母痛哭重違公命乃與遺孤畱葬公衣冠里中曰公雖歸其神猶在方坐也自是毀妝蒿簪布裙閉門課績每寒食提遺孤灑酒墓前踴踊號痛墳土盡溼聞者哀

百尺梧桐閣集卷

一

三

之母教其孤嚴常語人曰見先公所愛教苟無成未
公人何以歸地下也孤既長力學能文章揚州府學
生名通倫娶常州陳氏孫二人母嘗一歸濟上省公
葬處曰余識此化日從公歸也及還常州一年遂卒
時康熙十六年三月十一日得年五十

論曰婦人之事人猶臣事主然巢貴望天下之為人
臣妾者亦難矣當諭德公弃官自放非有顯榮富厚
也固甘心從公於流離疾困之時卒少寡三十年從
公以死以視委身事人享非常之榮一旦易面毀節
者何如耶揚州俗恆以女子遠嫁賢人人率以靡麗
輕之豈知有持大節如母者余受知真定大司農梁

公公實出諭德公門諭德公子持狀涕泣屬爲傳不
敢辭也

百尺梧桐閣集卷五

二

三

節孝袁氏傳

袁氏世爲蘇州府長洲縣人祖裘按察司副使父玉
鉉縣學生母周氏布政使司參議大敗女氏性端儻
寡言笑守父母訓最謹通書識大義遭家貧年十八
未許字會同里葉君子循喪妻聞其賢禮聘爲繼室
子循進士出身初官廣西容縣知縣挂誤削級家居
氏以康熙八年十一月歸於葉葉以明年二月補官
之京師期氏與母周偕葉由陸先往氏舟行以六月
至至則子循病不起尋歿氏遂不食誓以死殉周愍
勉之曰爾死孰歸爾夫仰同死客耳甚無益盍扶爾
夫歸爾夫雖死無恨迺少進食卽以觀歸葬如禮自

百尺梧桐閣集卷五

三

三

是毀容閉戶不踰尺寸雖三黨至戚罕得接氏素羸
善病周同居處憂之病作氏傷其母以憂病也割股
以進不愈再割卒不愈氏哭之毀尋亦歿實十六年
丁巳九月二十二日年二十七氏有姊爲進士誥封
翰林院修撰彭公瓏繼室公初大書氏庭有古井無
波松筠有節句氏曰余可以死矣至是狀其生平屬
爲傳公君子人也其言信再按兩縣諸學士大夫請
旌狀氏之事夫一事母誠益信表以節孝何愧焉
論曰國家典制婦人守節五十以上者例得旌其有
夫既死守節後亡者不錄余嘗覽禮部奏牘竊歎此
例之莫能收也大凡婦人能以節著良苦矣不幸年

不及格與後夫以死者遂源沒不彰何以勸袁氏弱
女子歸葉僅二月餘閒關數千里扶其夫之輓以歸
卒以死守是可旌矣況孝於其母又懇懇如是乎

董姬傳

董氏仁都以死節著聞韓文適先生家姬也姬給事
韓久有恩當乙酉城破時先生與夫人蕭氏及其長
子將就死夫人痛韓氏之絕也抱三歲兒泣拜姬姬
泣受襲諸懷卽夜逃當是時萬馬屠城城中火起照
經刃如雪天大雨淋漓與戈甲聲亂殺人塞坊市姬
匍匐蛇行刀頭馬腳之下伏死人中視兒曰天不絕
韓氏勿號兒果屏息懷中從城賣出匿仁灘拾麥穗
啖兒得不死亂定投韓之故人高氏義育之及長以
有成卽余友醉白名魏者也醉白嘗爲余言當吾父
母與兄死義時魏之不死一髮耳微姬有今日乎願
姬老矣吾母事之未寒儲衣未饑儲食疾病藥之不
卒且死葬以禮自余父醉白二十年酒閒慨涕淚
蓋熟聞其說者未幾姬歿一如其言醉白初爲孤童
其故人者復以事破家卽自爲計嘗讀書僧寺不能
朝夕姬姬居郭外卹舍思醉白並哀其主夫婦之死
也日夜哭不止其子患苦之家蓄一牛姬曰爾無苦
吾爲爾牧卽牽之墊伏田塍下仰天大哭人莫能勸
止也自是以爲常後醉白有事四方得錢歸卽往省
姬置酒內姬喜持醉白撫弄如嬰兒辭去復大哭醉
白憂姬病且老也豫爲制棺及衣姬喜卽衣其衣墳
復制之凡三易醉白嘗館其姊家姬適俱天向曉款

門數四醉白臥未起姊恚曰自第之來客數過雖應門無及也姬遽起撫姊背曰無多言必若弟之賢而客始來之早也而不然者則迫迫於他人之門矣姬逆知醉白如此及醉白將昏治居室謀迎姬會病甚疾呼其子與過新婦家熟視婦泣曰雙子病且死不及見爾夫婦之好矣善事爾夫爾夫笱抱持從萬死中活有今日其爲人賢且才雖貧勿憂後必大毋效世俗兒女子易爾夫也婦敬謝之姬歸卽歿得年八十三醉白涕泣請爲傳十數返不倦余耳姬熟敬姬問其死哀之爲立傳

論曰天下辜恩背主之徒獨婦人云爾哉嘗觀託孤

有尺牘開集卷

三

寄命之臣反顏若草芥弄者皆是也而又何以責婦人邪董姬非能識書知大節明於恩讎之義者乃犯白刃不顧終始韓氏之託至於死且眷眷比諸嬰曰何多讓焉

張烈婦傳

烈婦姓涂氏其先仁西人遷仁南寶應縣世居湖西之黎城父起祥母張氏適近邨張溝張列列所居名季義鄉農家子生八歲出嗣其伯蘭亭蘭亭既歿妻鮑氏年七十餘始爲列娶涂歸一歲有身列遽歿將殮其俗夫死妻截髮縛釘上蓋棺卽不得改適涂父母以女少難之涂號泣截髮以死誓未幾免身生男九月天涂志遂決父母度不可奪謀潛許其鄉人強送之涂未覺也歸寧至母家其姊以言動之涂憤卽告歸與行田中其僕具以告涂驚駭悲憤過其中表寡姊與夫相持大慟歸侍姑伴色喜時歲將殘助伯

東林閣集卷

三

叔諸姊姊作傳託及花草諸節物家人不疑初涂嘗死鮑竊開之令同臥起鮑老人患骨痛至是涂乃煖湯爲鮑浴浴竟扶寢於牀手爲抑搔鮑少安乃婉辭於姑曰來日歲除羣從伯叔當有事姑所請暫宿已舍許之涂出詣其小婢曰汝住侍姑及夕理髮整衣中夜焚香於庭其婢竊窺涂拜張之祖若考及其夫之靈乃起行階下時大雪深尺餘其伯間啓扉聲問之涂曰偶失匙起覓也卽踏雪出門外數十步爲溝水遂投水死及明失涂家人跡之見涂立水中以兩手掩頰顏色如生髮髮翼如也鮑聞驚起按雪跡行哭主水傍見兩膝與手著雪上若向天再拜者出

水中驗內外衣皆密初無毫髮隙而所著雙履猶新
初冷之誓以身殉也其父母兄弟力持之以有身故
須臾死嘗問其兄弟云習見世俗婦女或經或刎是
非正命且聞浮圖家言是當輪迴無復生人理信否
其兄弟言鑿鑿逆止冷意也冷又嘗謂其父母云吾
家貧膏爲姑拮据辦一棺不易也萬一女死慎勿奪
此卽然死不瞑至是從其意薄葬之鄰里遠近聞者
哀之冷之歸以康熙二十一年秋其夫之歿以明年
七月其死實二十三年十二月二十有八日嫁時年
二十一死時僅二十有三爾

百尺梧桐閣集卷

二

毛

論曰余聞烈婦事竊歎茲邑昔有戚氏女今又得張

氏婦何風之烈也戚通書能詩其絕命一章迄今傳
誦涂生長貧家又所居荒陋非有見聞薰習也乃從
容完節如是其得於天性者然與從來習大家閨範
者或負異人之才一旦臨大節多展轉忍死以就恥
辱非才之爲累乎自古士君子以才累而不克終其
節者何限顧乃得於鄉里尋常之婦爲尤難耳

傳冷氏事竟適有客爲余言邑東城中有治圃者
之妻稍有色與圃主之子張某私張誓不娶其父
母強爲之娶婦聞恚甚而張與所娶妻實未昏也
遂與婦誓同死婦乃入戚烈女祠自經張亦趨赴
相對經會里人至兩救之張甦而婦遂絕噫等死

也一以正一以邪烈女有靈必以爲汚其地而從
之矣何淫婦人之愚耶當聞冷氏之死而加媿矣
因慨自古人臣事君或偷生賣國於故君而以其
身爲後君殉縱誼有薄厚揆以春秋不貳心之義
視治圃者之妻何異哉因並記於傳後

百尺梧桐閣集卷

三

夫

刑部廣西清吏司主事沈君墓誌銘

康熙十四年秋七月聞吾友沈君肯齋歿於官不得日悲痛輟食爲位於興教寺僧舍哭之既招同年劉子長發張子楷會哭越十餘日其孤五果自山陰以訃來蓋六月九日也將奔京師歸其喪過余再拜泣曰先子生五十二年十七爲諸生十九食餼四十一入國子監二年舉鄉試明年成進士官中書舍人凡六年遷刑部主事又二年而歿去故鄉十有二載遲得官羈旅抑塞才未及用卒以窮死先子之志無窮而過竟如是止也公與先子厚知景濂其賜之銘庶不沉泯於土中乎余泣且謝曰銘宜也然不忍死吾

百尺梧桐閣集卷一

元

友何遠銘又固請曰歸將營葬銘宜速余不獲辭乃次之君諱胤範字康臣又字肯齋世爲紹興山陰人祖綰前萬曆丁酉舉人六合縣知縣崇祀名宦父懋庸國子監生贈內閣撰文中書舍人母姜氏贈太孺人禮部尚書逢元公女君生而英敏爲諸生雅負才望里中嘗歲饑民變君家素饒無賴數百人擁門索米是時贈公在米實少難遍給倉皇不知所出君從容指畫以計遣之皆謝去明末兵亂有大猾招集散亡寇浙東西素與君有卻懸賞購君急君毅然儒衣冠往見曰某來矣殺一書生何購爲猾奇之大笑縱飲而釋君爲諸生久不得志乃援例入國子監祭酒

司業奇其文謂必售尋以丙午舉順天丁未中甲榜君素工書法王柳顏歐鈞畫摹脫盡變極神對策人入必其得鼎甲竟不復用新例應開試第一授撰文中書舍人自前代至國初是官罕由進士授御史李君棠疏奏內閣職司密勿不可以他途進當擇進士有才望者爲之國家從其議君實首應是選初謂一切制誥皆得撰擬以展其才而例又不必爲以故鬱鬱無所表見與修

世祖章皇帝實錄充收掌官五年告成賜金幣加俸一級壬子主江南鄉試初奉命余問之曰何以試吾鄉君慷慨指天誓曰昔江南丁酉之役固兩浙人

百尺梧桐閣集卷一

辛

主之卒以不法戮都市今吾輩君往亦兩浙人如不肖請以丁酉鑒余敬謝之及榜發所收皆單寒稱得士其初入刑曹也例當視囚提牢夜宿獄門外銀鎗聲索索間鈴柝中夜不忍聞三月而更會朝審秋決諸大案君小心供職繼值滇閩叛亂獄中死罪數百人日夜趨事寢食不得暇時天大寒囚饑凍惻然市衣食散給之全活者多卒以是勞瘁致疾以至於歿悲夫君好學善讀書尤以詩聞所著采山堂集行於世華瞻雅則浸淫六朝後與余論詩專一漢魏變化杜韓簡潔樸與一洗少作必傳無疑者也性最喜客官固貧應接不少倦旁通篆籀偶刻石爲印記士

林寶之然不肖輕爲人作解音律余嘗春夜沉飲其
齋歎甚見簫在懸因強之一再弄後不復聞已娶史
氏封孺人生二子長五泉山陰縣學生員浙江賊起
五泉持檄往諭降二萬人督餉侍郎上其事將授官
次五泉山陰縣學生員出繼叔父皆賢有才能世其
家者女一適姚其孤將以某月某日葬君於山陰某
鄉某原銘曰

謂不利而旣試遭何難終秋官幽憂寂寞忽焉蓋棺
天齋其位不齋其詩後有考者視銘辭

孫處士墓誌銘

白岳孫處士客死揚州寓舍于往哭其孤匍匐泣而
言曰不肖孤早喪母吾父憐之失學稍長苦貧從估
人糊口江淮博升斗養不得在左右父晚年思歸隱
黃山不肖孤與生事粗理先築室山中後奉杖笠歸
耕田汲井以老今已矣父性朴質無他好惟獲交天
下賢人君子羅致其詩古文詞若嗜欲以故棄百事
爲之風雨寒暑死生存亡不少易今亦已矣而所謂
賢人君子者散在四方安知吾父之死之可悲也賴
先生在先生不忍死吾父敢以墓石之文請于悲而
諾之其孤遂言曰吾先世山東青州人唐時有諱萬
登者以金吾將軍從康成誨征蠻道經江南之休寧
樂其山水家焉世居草市此吾始遷之祖也傳二十
六世有諱秉仲者爲先大父生五子父其長也配吾
母吳氏生二子長自省卒次卽孤自益不幸母早世
父獨居三十餘年人以爲義余曰然自處士去休寧
而來遊於揚也居一椽從一奴白衣青鞋蔬食而水
飲鄉人多大估居積於揚競尚居室衣服飲食伎樂
處士望見輒搖手閉目去見通人大儒卽折節願交
而於寒人畸士工文能詩或書畫方伎有一長必委
曲稱說令其名著而伎售於時也然後快以故四方
知名及伎能之士多歸之朝一客至卽叩諸聞人之

門曰某某來暮一客至又叩之不倦處士長身高足
淡目朗眉服被甚古見其遇風日以扇障而疾行衢
巷或踟躕霜雪泥淖知必四方客至而處士爲之來
叩也見卽出卷帙潤袖中纍纍曰此某某作也如是
者自壯至老如一日嗚呼善估以長子孫者吾鄉人
之常也假高路不仕陰託王公貴人弋名利以自豐
者從來處士之習也而處士獨不事生產終其身於
交友文字中未嘗涉毫髮私一子亦不强教而黃山
去揚州非有千萬里之遠也竟謀歸未得亦當世賢
人君子之責而處士卒不言以窮老死此余之淡悲
而重媿焉者也處士嘗索送歸黃山詩四方之作幾

夏尺牘補遺集卷二

二

重

盈數千首又集孫氏凡以詩名者爲一家言欲鏤板
以行又嘗集諸名家詞期足百人爲一選俱未果其
屬余序而先板行於世者止十六家詞死之日猶啓
敝笥理四方友朋書疏授其子其重交好文固如是
處士諱默字無言又字梓養人無識不識皆稱無言
因以字行卒之時實康熙十七年五月二十八日得
年六十有六歸葬白岳銘曰
拙於已勞於人善其善如一身耻言佔復憂貧黃山
高而水清室雖虛歸其神欲考行視貞珉

亡兄汪公趾墓誌銘

余繫官京師獨居冷寂兄乘馬走五千里來視余相
見終日惟於是時康熙十年辛亥五月也居三月暴
得疾又三月思歸別余復乘馬走三千里去抵家疾
發遂不起年止四十筵十一年九月十一日兄諱兆
麟字公趾吾父封公第三子母太孺人李氏兄
幼好奇負大志不喜讀書喜騎馬握刀調弓弄矢吹
簫彈絃各擅其妙閒慷慨作歌激楚宕逸不飲酒喜
狹斜好遊笏出門駕大船率名馬鞍一切玩弄具所
至少年談調遊談技能之子滿座上名娼雜沓服則
之原野騎射角勝負笑悅爲樂雖空無不計也初兄視
余京師時開口外市馬從二三少年一日馳二百里
至牆外牆外者京師邊界也徧覽關原險塞諸要害
輒廬毳幕駱駝良馬慨然思爲世用復自傷離離源
抑不得志驅馬歸與羣妓暱乃得疾時仲秋新涼兄
臥西屋余臥東屋月微明聞兄喉間咳吐不止急
起命火則吐血數升倉皇召醫且止且作竟以是亡
兄性孝友事父母如孩提固不喜書喜兩弟讀書自
余小試詣州縣及省試計偕兩入京兄寔俱雖細事
必教與人交持一心終始無間歿既久猶有哭於其
墓者兄素自異有王半仙者通州人善相人謂兄有
奇遇當大貴卒不驗以歿悲夫娶欣氏一子衡一女

兄既歿之三年將卜墓於江都某鄉某原在康熙某
年某月某日薨已長爲國子監監生娶馬氏生一子
嗚呼兄志不遂死不與有子與孫庶其慰之

處士張君改葬墓碣銘

順治五年戊子揚州處士張君正甫年七十有四客
死於江寧君子引方食貧以處士故所弄印石納於
葬君於石城清涼山金陵寺側又三十餘年引卒
將卜地以葬慨然思其大考撫膺仰痛
祖客死江寧也不肖生甫五年家苦貧不能
起魂歸窆故土祖雖死猶客也父沒而守其鄉
魂爲客吾父之靈其受乎於是奮發泚泚徒
泣於清涼山下求處士墓不得齋而禱於神若
或焉旦日得其地夷矣發之而木見木已壞鏤再
拜江禱於其靈曰易木而殮與火而殮孰吉卜曰

火吉於是火既燼寺僧智寶視爐中得石寸許驗其
刻文兩端一曰狂老一曰正甫氏即殉葬故石也鏤
益驚竊當其求葬不得及發而木壞無所徵信復是
始信處士君之靈在焉誠鏤之卒感乎神以與石協
不然孝子之悲疑其何以釋哉遂殮其骨返再拜告
於北、曰祖歸矣乃以康熙二十二年癸亥十二月
十七日改葬於邦溝之陽元配方孺人後處士五年
沒實順治十一年甲午得年七十有三至是得附葬
焉處士諱奇正甫其字也一子引一孫鏤國學生考
授州同知處士以高隱聞於世余已爲立傳鏤復再
拜勤請於余曰吾祖之生平公既傳之矣墓門之石

非公無以文余重其孝而異其事也文以銘銘曰
木斯朽石斯久名斯壽魂歸來邦之隈與子偕孝孫
其何哀

饒母史孺人墓誌銘

余友饒子眉喪其母既葬復滄泣持築夫王先生狀
請於余曰吾母少知書賢有才遭家摧落終其身甘
貧勞苦靡有不嘗生不肖一人以教以育俾稍有知
識不爲士君子所屏棄而吾母之生平亦百一稱道
於士君子而不肖困躓一經無所表見得稍展魚菽
一日之養遂棄不肖以去痛儉於財薄葬於某鄉之
原卜者謂不吉茲復遷於某山新兆請君爲銘不肖
不他乞諸貴人而君是請者君知吾母也余曰不敢
辭自余少時與饒子同學時與賓客往來其家門巷
蕭然籬屏在中貧不能治具潔果核茗飲出助譚議
余輩遂升堂拜母見蒿簪布裙操作自喜及余輩出
乃一一察其才器小大某宜師某宜友某宜爲戒固
不中由是士君子之與饒子友者無不歎爲賢母也
母姓史氏其先肇昌安定人大父宇心亭中鹽於揚
遂爲揚州人生十九歸于饒饒公名寬字淑人溫然
儒者其家故豐遭家難悉奪其貲不與較遂日貧孺
人來歸勤其家先日而興後日而未息天初寒謀其
姑與夫之衣家人不知其未織也向午進其姑與夫
之食已則未始嘗食也值歲饑斗米千錢孺人出嫁
時衣物供俯仰會姑病且歿莫能殮孺人顧室中止
一婢卽出質以治喪自是家益貧日夜女紅操作冬

無絮又力不能具火藉草數莖擁穉子一燈紛縫刀尺達旦暑月其所僦居僅一室西向蒸熱莫避扇戶竟日十指不輟眉稍長善病公授之經乃教授他舍孺人自爲督誦又殫其心力調醫藥食飲俾讀書爲聞人家以稍振母之賢可知矣昔

王師攻揚州孺人自經不死自焚火及屋傾遂覆其身又不死卒免於兵郡志載之得年六十以疾終康熙七年八月初孺人臥疾久眉日夕侍疾及篤求醫百端不效刺指血書禱祠額神請代卒不起將歿有童子者良家子孺人素撫愛之至是謂家人曰遺歸宗無取償遂卒生一子眉也江都附學生自古

東尺格相閣集卷二

二

婦人之賢豈必他異能即知大體斯可矣而世風日壞雖世家大族其知此者或少也觀於饒母甘貧守義爲婦人所難爲尤能令其子親賢取友表母生平雖窮約何憾哉母既歿十餘年饒公益老眉教授竭力以養嗚呼公固長者眉復以孝聞讀書兩世其亦將顯矣銘曰

士之所苦終歲食貧何以甘之乃有孺人孺人固貧不愆於禮雖不有家而有其子有子克孝臨穴哀思其哀莫慰勸此埋辭

文學史淑時故妻李氏墓銘

史子淑時初受室以康熙二十三年十月十有一日歸以明年九月十有八日死死之日距昏之夕一歲而廬其二十有三日云當其妻之初喪也史子遽登樓以其妻束幃自經垂盡家人追救得不死既甦大哭不食寢其側日夕哭爲文三千言以哭之歷敘其妻之賢且才而容止之端靜也初昏之好合歸寧之悲思閨房詩書倡酬之歡絲竹藝能之美相與誓死以同歸也又爲古詩十九章五七言近體若干首以哭之纏綿哀痛無復生人意余聞而訝之史子余故人子也年二十餘丰儀雋爽工詩有奇氣少從師受

東尺格相閣集卷二

二

時文之學即匿他書案下潛閱之師怒不能禁而時文亦最工試輒冠其曹偶初余還山未知史子之才也一日挾其才冶樓詩一卷來謁余驚喜東帶見之史子羣慙歎息不止述其妻李之死而言之悲也欲得余一言以永其傳余以禮譬解之曰子以孤童爲人後又新喪本生之親兩母寡而老家且貧宜抑哀力學思所以顯其死而慰其生也哭妻而隕其身豈禮也哉史子唯唯退越數日復來請益堅余飲之酒史子遂言曰吾妻之爲吾家婦也視他婦爲難承事兩姑憐而愛之者不敢名其婦而責望其爲婦者又疑其婦之或異也妻之幽憂自此始其日侍於姑側

也怡顏如弱女子退而處於房中也淚澤澤不敢出聲以是得疾至於死悲哉爲人後之難爲人後之妻之難如此余再警解之日禮子甚宜其妻父母不悅出古之孝子有無故而出其妻者爲親屈也況生死大故有未若此其甚者乎史子聞余言變色而作曰先生之言禮也余小子之過也然吾妻之賢且才死之日不及歸之日殮時服嫁時衣也小子之悲何能已也願先生銘其墓庶幾塞吾之悲乎余曰諾遂銘之李名正芳字珠僊先世山西人生於揚州辛年十九銘曰

何悲

百尺梧桐閣集卷

四

女不必色色必離士不必才才必危天久是惡爾又

亡兄公趾元配欣氏安人墓誌銘

予兄公趾既歿之十有三年安人卒時康熙二十三年八月四日安人姓欣氏揚州人以孤姓聞於里其得姓之故及所以徙皆莫能知少孤侯母李孺人女兄弟五人安人其季也年十五歸予兄是時先府君與先妣老矣甫娶婦又年少逆慮其所以爲婦者既廟見凡所以爲婦者不教而悉中禮兩先人喜曰吾食寢自此甘矣予兄好游任俠每歲常外出不事生業久困安人安之會兄視予京師得疾歸臥牀一年益困安人日夜謀醫藥不言而憂兄卒不起時安人年三十五一子一女甫十餘齡哀痛絕粒兩先人慰勉之再乃少進食遂以是略血繼兩先人先後棄養執喪如禮每哭輒咯血終以是卒得年四十有八自安人之來歸也予兄弟俱幼未娶娶娣姒凡五人安人接之如一人兄弟之子若女凡十數人安人遇之如一母故其歿內外哭之悲有餘其平居守先妣教不識廳屏笑言不聞於外及稱未亡人執節尤謹日以女工課女窗前夜一燈相對足不踰戶外如是十三年至於歿予衛國子監監生考授州同知女孀監生薛裕一孫龍翔生五歲喪母安人實子之至是隨其祖母而悲聞者憐之初國家用兵令內外官授職未卽仕者俱得人貲授

語命以榮其生死之親於是州同知之未仕者皆爭出貨迎致於家閭里視之爲光顯矣以欣之封於側得稱太安人而衛固無力以請子復未及力致之得母有悔乎將以某年某月日附於楊之西山東浮橋先兄之兆銘曰

姓孤植族不昌以女德嬪於汪室家既好而離則早欲知其賢銘是考于何以銘曰于嫂

仔園王君墓誌銘

吾友王君仔園以康熙二十一年春就禮部試撤棘之明日聞其父之喪時客涇陽館舍大呼淚不得下反衣羊裘兩手據木榻目直視髭髮怒張晝不食飲夜不帖臥客往弔唁不能罄折發聲悲號如是者五日而卒實二月二十有一日也得年五十五予與許給事筠庵經紀其喪集同郡同舉之官京朝者會哭僉曰仔園死孝子請以斬衰殮衆曰然於是祭以麥飯奠以明水棺內外悉如禮既殮之旬日飭舟船費其老僕載其輿歸葬於揚君無子又新喪父唯母在老且病子懼其母之聞而悲莫能生也戒不以聞封

其敝麓中遺金舊裳致其寡妻諸友朋賻殮以歸者尚留餘遺君弟令穿君前夫人塚俾速葬予哀而誌其墓君姓王氏諱賓字賓王仔園自號也先世爲陝西涇陽人中鹽於揚遂爲揚州人父祚昌以文章智略用薦知江西崇仁縣母楊孺人君早年抱異才鬚眉秀朗目光炯炯向人善譚諧好交結其家故饒被服輕纖修飾自喜而性多敏給不常視書及與儔輩聯硯席角文藝若無意以爲輒工敏他人慘澹以思者不及也康熙二年癸卯秋與予同舉省試情好尤篤君家有高樓風月之夕張燈設客歌呼徹旦當其大醉抗衡古人謾罵時俗視取卿相指顧耳豈復知

有憂愁困折事哉及公車屢放齒益加長金亦盡屏
居僻園構草亭編籬時藥集海內名素之詩低眉論
次期以行遠而傳後也計偕時尚抱卷帙纍纍論議
不少倦其將死時忽起捉筆取敗紙細書哀毀之情
又云余生本關門僕僕與四方名賢相接投贈遂多
檢校奇矯之作以付殺青皆本乎夙嗜非託聲譽其
字略可辨者如此後數行傾欹有無不可復識是則
君之絕筆矣初君來館舍予詣之屋幽黯不盈丈穴
其壁上一穴日光斜漏如井中行李單寒不可耐猶
慨慷作意氣語予執手慰之曰君之行苦矣遂瞪目
泣下遂曰君知我及聞喪而號也狀如狂人竊聞其
屋連死人故多鬼勸急徙他室而君已不能支痛哉
君前娶孫氏繼姚氏俱賢而有才君癖有他好不入
臥內者幾二十年予嘗謂讓之不聽故卒以無子嗟
呼仔園抱聰明辨智之才文辭敏麗使假以時命常
不知何所至而竟如是以已痛其有極耶君故放達
不爲小廉曲謹迂儒老生竊以規矩爲君病孰知其
臨喪不食長號以死視古孝子以身殉其親者又豈
有間然則君之傳又豈有極耶銘曰
予思于思不莊而諧怒而奮筆言無不該僞學嫉之
謂與道乖以身殉父痛不可回昔飲君酒今銘君埋
表君奇孝抑又何哀而我惜者不盡之才

有尺牘閣集卷

三

三

贈奉政大夫工部員外郎李公合葬墓表

德州有合葬於城之北原者爲文學贈奉政大夫工
部員外郎李公之墓予嘗屢過其州土高而堅水清
而潔桑棗沃然問其故老鄉閭之賢者曰有篤行好
學之君子即公也事於親而孝敦於族而仁交於友
而信鄉之人稍於倫常有背懼公其間之也平居閉
門好書淡沉刻勵無所不窺鄉之人於問學有未即
達必於公乎資之也公之歿久矣其親疎及州近遠
無不稱道思慕之不忘其配封宜人高太君州左衛
指揮僉事鶴壽公女少失恃哭母以孝聞及歸李奉
兩世姑有爲常人婦所難者贊公內外能助其不及
合葬於北原者是也公之卒得年六十有三實崇禎
十三年五月其葬以十六年十一月公諱嗣美字伯
憲先世江西贛縣人其始祖洪武初隸籍於州遂爲
州人其嘉靖二十三年進士由監察御史歷官山西
左布政使諱逢時者爲公曾王考隆慶四年舉人諱
汝棟者爲公王考太學生諱煥者爲公考其以工部
員外郎贈公者曰公之子崇禎六年舉人由縣令入
爲工部郎遷廣西按察司僉事諱允禎誌公之墓者
爲監察御史州人盧世淮方李氏之興也方伯公起
於前孝廉君繼於後寢盛矣至太學公而中衰公怡
然養親力學不以盛衰易其志諸生時受知於濟南

有尺牘閣集卷

四

四

守文球目以國士及試屢蹶文歎曰吾不識宣城湯某而湯魁天下吾漢識德州李某而李老一經命也奈何其才望見重於時如此世誰誌公墓稱公爲人直質無城府與人交油油然雖田夫野老及童穉皆得通懷抱至義所不可則不假毫髮世誰字德水與虞山錢尚書謙益友善嘗稱其爲人其文足信也子生公後距公歿時已四十有四年乃因過公之里式公之墓而重爲之表者以復交公之孫浹與濤也浹順治三年進士知芮城縣濤康熙十四年舉鄉試第一十五年進士翰林院編修余與芮城君論詩有合嘗次第其作又與編修君同在史局數以表墓之文見屬逡巡數載未卽報愧予言無足爲公表也編修君請不倦乃直述所聞於其州人之言與盧侍御之誌而復考公之行義文章於兩文孫無弗合也嗚呼世之賢人君子修身砥行或不幸而不顯或顯矣而不大比一再世已失其氏名又遑問其墓乎若公之久而愈彰不惟其州之人知之且傳於天下後世豈僅甲第相望在其子孫者之爲世重也哉

百尺梧桐閣集卷二

聖

吏部考功司員外郎孝節王先生碑陰記

西樵先生既歿之三年將葬母弟阮亭先生士禩爲立隧道之碑屬仁都汪懋麟書其陰嗚呼先生之官閱世系文章孝義雜見於碑銘傳贊而爲之詞者又皆海內賢士大夫懋麟復何言顧余受阮亭先生知因託交於先生也久追憶聚散離合升沉疾痛生死之際迄今十有五年中間相與登臨飲酒歌詩爲日無幾而憂傷顛顚出苦語相感勞者固十常八九甫追隨於東粵北關以立名砥節期勉獎藉曾幾何日月而先生弃余余復連遭大故涕淚於仁潭寥宋之鄉每披先生遺文竊以爲今天下文士求先生似者百千無一也先生之學與行人能言之余最以爲莫可及者惟其守當典鄉試河南磨勘獄起中先生者以毛髮之疵下詔獄是時死生在呼吸余計偕京師爲之惴恐食不能下咽而先生一委於命終日晏坐鈔經賦詩卒得無事以出而放跡於仁淮吳越凡六七年不問生計服御如寒人及再司銓曹職任考功是職也專司罪罰能禍福人內外之吏稍違令甲卽可重輕其罪而先生一持以公門絕請謁退食時偕二三故人論文講道茗粥一設庭戶蕭然嗚呼非天下之至有守者其孰能之耶余又見其在考功無罪而奪級同時被謫者數人獨先生恬然如平時

百尺梧桐閣集卷二

聖

日與余輩攜酒坐古松茂樹樂且忘返若先生者其
心真不以富貴貧賤爲榮辱一罷再罷不得一日抒
其所學遂俟焉以歿此余之所以不能無悲也方先
生聞母夫人之喪日夜哭不止余觀其貌瘠聆其聲
日啗切切然慮之豈意竟死於孝耶而世之論者猶
或執禮經爲先生惜過矣嗚呼孝節之益私也實公
也表先生之行也孝不可沒石不可磨也

貢士學海張君碑陰記

翰林院孔目安丘張子貞以其父貢士君與其母許
氏孔氏誌表行述再拜泣請於懋麟書其墓碑之陰
貢士君卒於順治二年乙酉許孺人卒於前明崇禎
九年丙子而孔孺人近卒於康熙十六年丁巳君與
許合葬於邑東五里河之原舊矣至是啓君之藏又
以孔孺人附初君與許之葬其隧道之石缺而未書
及孔之附貞重有哀焉乃請于今國子祭酒新城王
公爲之表於是君之潛德遺行與孔之撫其孤於艱
危中者揭然於當世而不沒而貞又哀夫許之無子
而卒當其祔無子而爲君多方以謀有子也無有不
至甘心避室勸公禮迎孔氏可謂賢而知大體者矣
然又不及見孔之有子於其卒之明年孔始生貞用
能嗣公之後而光大之微許之賢則君之遺痛蓋不
忍道此貞欲亟表乎許而屬懋麟補書其墓石屢請
而不倦也嗚呼可謂孝也已余按王公所爲表稱君
賢有才於書無所不窺惜以明經齟齬不得用而死
夫古今之文人才士抑鬱埋憂生無所見沒無所傳
與霜露草木同其消亡者何限則仕進之顯與晦不
足爲君淡悲也余聞君有隱德當明末兵興二東陷
於鋒鏑君獨能佐邑令完城收納流亡出粟以救飢
入贖幼女還貧而負責者則君之爲善於其鄉者亦

厚矣故及其歿而孔孺人提九歲之孤擇外侮散私財卒能保有家室及貞成立復以明經知名於賢士大夫以博學多聞薦於朝而貞且高不出之節發遺書磨礱淬勵待用於時而克表其父母之幽光使過君之墓撫君之碑者知爲修德立行之士其兩妻之賢且節而孤童之才之孝也可以無憾矣君諱繼倫字漢菊又字學海邑之人至今稱學海先生云

百尺梧桐閣集卷六

揚州 汪懋麟

雜文

上士錢氏傳

錢氏之先本於顓頊有陸終者生彭彭孫孚爲周泉府之士泉府者錢府也周禮泉府上士四人中士八人下士十有六人掌以市之征布古文錢字作泉以錢形如泉篆文也後人以錢字代乃借泉文爲水泉不知今所謂錢者乃古田器也乎因官命氏遂曰顯其所掌者征布布者錢也錢始於太昊氏太昊氏高陽氏謂之金有熊氏高辛氏謂之貨陶唐氏謂之泉商人齊人謂之布齊人莒人謂之刀其實皆錢也自太公立九府圖法乎撝黃金布帛日以用事周景王時最寵大之秦兼天下定爵二等封其後裔冊文曰半兩權與丞相斯中軍府令高埒漢興惡其權太重除爵爲民逃于榆莢間聚而爲盜文帝憂之下令捕治卒莫能禁遂依附邪通漢相結得幸于上封以嚴道銅山鍾鳴而食四方嚮應又說吳王濞卽山鼓鑄其勢遂傾天下武帝建元元年益封三銖寵日日異巨滑郭解者將徒茂陵屬言于大將軍青青白于上于是諸王公貴人皆輻輳其門遂致深居重屋不脛而走天下矣元狩之明年益封五銖王莽居攝錫龜

印貝冊仿周子母法益封十二銖光武仍五銖元帝過江其徒從者爵有重輕大者謂之比輪中者謂之四文與吳興沈郎並貴江東宋元嘉爲四銖又爲二銖遂弱小不自振形體不復磨治面目枯槁無輪郭肉好世人號爲苻藥鵝眼雖商賈賤之矣越梁陳迄隋仍曰五銖遂復修飾背面肉好周郭成文章矣大業末群盜爭起坐致貧困裁紙爲衣唐興賜名泉寶其在江南者曰唐國通寶宋初冊曰宋元通寶太平興國後冊曰太平通寶太宗親爲草制書淳化元寶作真行草三體貴重如開元時自是帝王受命改元必依年定制山河帶礪世世勿替焉封湯浴若干邑

州錢最大山曰銅鼓五兵資焉陂塘水利無筭錢塘最大其國在叢山巨海中山勢赤石水流丹砂由金穴以入厥土赤黃厥田上上錯黃金三品壘貫爲城樓櫓睥睨無非黃金以巨錢爲門人壘錢以登乃得入其國以錢紀官貴賤皆以錢爲冠其俗驕悍多智畧好鬪能殺人而取貴寵憑勢力者必賴焉故人以爲神魯褒爲文以表之其別族以孔爲氏最有名舉世皆兄事之其子孫繁衍最著者曰繆曰倣由布衣起吳越間籍士歸宋四世五王貴盛不絕有若水者字淡成仕宋知樞密院陳希夷目以爲有神仙風骨竟以勇退終

郭猫兒傳

郭猫兒者揚州市人也名惟秀少以詼調謔浪聞市肆善謳尤善象生象生者效羽毛飛走之屬聲音宛轉偏肖尤工於猫故揚人號之猫郭亦矜其技遂自謂猫云其爲技天姿獨得無師承久且益工漸爲士君子所知問與俳優狎客彈絲吹竹之徒競進而雜坐猫則挾其徒張眇者操琵琶以進撥軸鳴絃爲陳隋間曼聲恍如風雨之夕怨女棄婦名娼艷妾啼訴於幽房暗壁聞者莫不感動其聲髮髯其態而憐其無可如何之情猫之名日益著學士大夫公卿貴人往來於揚者爭致猫猫曲盡其技罔不極歡大笑而

去余少時已習聞猫技自去家先後二十餘年至是歸所謂張眇者已死而猫七十有六矣時時於酒間遇之復其技未老也今年夏五月余家東川自錢塘來聞猫名悔齋兄召之平山堂上歌曲數行猫忽起匿屏間喔喔作老雞聲時日已逾午而遠村之雞翕然鼓應須臾又爲大吠聲一發而山之羣犬皆應於是坐客笑樂歎以爲神余酌猫以酒而謂之曰昔田文困於秦夜出關賴若輩得脫雖文上客如馮先生莫能過馮先生初入舍索魚索車食求無厭其爲文報者不過焚券一事蓋竊文利以市恩者耳烏足爲文重哉當文之困於秦也死生毫髮雖百馮先生

何益而後之論者固以雞鳴狗盜之雄少之而史亦失其名皆非也若猶者人生緩急蓋可少乎哉宋寧宗時趙師昇諂事韓侂胄至效犬鳴叢薄師昇之技未必過猶髣髴其聲遂能取悅以希寵若彼猶之技不減文客而遠過師昇使肯託此以梯榮其所至當不可測固甘守鄉里以窮賤老嘗有貴人過此欲挾以去猶叩頭請命欲老死故鄉噫嘻猶之技不惟可喜可悅而其所守亦有足尚者歟

辯道

楚有山人焉以神仙名於時因論禍福不愜於楚之大吏獲罪來京師

朝廷察無他故釋不問一時公卿士庶輿僮僕隸咸望風如靡羅拜恐後得見者為幸不得見者百計以求山人不得息於舍車馬來迎者道路交錯至相爭奪所至不呼而來者輒數十百人以為死生壽夭富貴利鈍之計可立判如龜卜也汪子曰國家時際太平士民無事得此方伎之士以為談諧玩弄之具夫亦何害竊怪士大夫之從山人遊者崇奉太過傳說不經或則謂孔氏復生或則謂大禹再見又或謂子房武侯遜其神顏淵曾子無其用極千古之大聖賢以奉之是亦可已矣又甚為之說曰昔山人祈雨於安陸以寸牒仰玉皇大雨立應人有死數十年者噓氣可立活又教人禮斗之法則仙樂聞天神降為人療病則金丹得於夢中種種怪誕不可悉數夫人即至聖何敢方駕孔子術即至神何能驅遣上帝為此語者不惟上侮聖人亦且獲罪天地雖至愚之人理所易曉而吾徒乃淩信不疑轉相師法則何也其尤可笑者曰山人善禱病可愈死可生宜凡有禱者必不死乃吾聞其設壇誦咒亦曾為貴人禱矣究竟死如故而禱無益山人其誰欺耶且其出處進退則有

甚不合於道者方其隱於山使爲仙則當遠妻子入
溪谷採藥以終飛昇而滅世亦何從見之也使爲隱
君子則當耕而食鑿而飲不求聞達於當世豈肯爲
詭怪之行以取禍也及來京師下獄候勘苟明於
聖賢家難之理則當安靜自處俯首而聽法吏人有
以禍福問者曰余方以此獲罪不敢荅其王公招之
也曰我庶人不可以無事往以美衣裘贈者曰吾守
吾素義不可受徐俟事白引退還山由此變名遠逝
終身不出豈不卓然爲君子之行事哉而山人則有
甚謬於此者聞其在獄與罪人說生死外人傳醫藥
非藉神奇以冀苟免乎及既釋高車輕裘度禮踰制

東坡志林卷六

六

不曰某王公名我則曰某公卿招我聖賢之行事固
如是乎京師五方輻輳奸邪雜處日言禍福搖動
愚民萬一

朝廷勃然震怒問以術士妄言禍福之罪山人其安
逃耶繩以惑世誣民之法山人其何說耶甚則按以
妖言煽衆將不利於京師山人於此生耶死耶吾
不知其所終矣山人可以歸矣不歸必得罪山人曰
京師非余自至也王公非余顧見也禍福非余樂言
也迫於人奈何不知天下有爲仙爲聖之人不察禍
機所伏而乃甫脫陷阱復務名聲不知恬退保身顧
復戀戀於此土耶吾謂山人絨口亟歸庶乎其可也

若其所謂道自道其所謂道必強而尊之曰聖也仙
也非術也數也此在崇信者或知之而非余所能及
也康熙壬子三月朔日作

東坡志林卷六

七

稽阮優劣難

或問於覺堂居士曰康籍以不羈名魏晉間不可繩以禮法及讀其所著書則小心自持守身味道非清狂自任者也然康以殺其身籍以全其生天道人事何吉凶凶康生平慎言行重死生賤萬物守一貞彈琴詠詩與世無營籍以酒自放沉湎荒淫側身司馬耽祿取容乃得失懸殊如是是誠何道歟居士曰善哉子之問乎世謂康得罪由於踞鍛不禮鍾會卒以諧死籍初至東郡兖州刺史王昶請與相見終日不關一言此不足以殺身有餘乎康與魏宗室婚籍醉六十日以拒文帝此理又豈有自全者乎而籍終無

夏稽問集卷八

八

恙康罹橫禍者在絕交一書或曰山濤賢者也知其不可羈屈究無相害意奈何疑與會伍也居士曰不然循性而動所以明高也託好莊老足以自豪也七不堪二不可肆語何驕也立言有體與人有道頭面可不須洗而蝨癢固須搔也何至小便忍起而轉胞也驕悍之氣悖謬之詞揆之於理理無可守返之於生豈能久潦倒巖疎固如是乎率此以往勢難終日籍不嘗有太尉蔣濟之辟乎都亭奏記詞婉意良本無可忤濟猶大怒幾陷禍殃鄉親共喻籍遂幡然就吏後乃從容謝病以籍視康道惟善藏康固曾爲家誠矣人情物態思之至熟酒坐踟躕惟期免辱何

乃遇會昧中斯毒余又嘗三復其養生一書觀物踰莊啻神追老清虛靜泰何境不了乃昵呂安擇交不早康又嘗言專靜寡欲莫若單豹行年七十有童孺之色一旦爲虎所食蓋恃內而忽外也以豹律康寧有二乎或曰先生之高籍而下康者子既問之矣籍之所以自全者願聞其說居士曰籍爲人無喜無怒不否不臧汚酒慕色散髮徜徉九錫勸進沉醉忘作據案便寫何其詭託鍾會忌籍時事是咨視其可否因以殺之乃以酣臥而免於危卽是數者豈康所知若其通易達莊大人先生詠懷諸作既哲且明大抵自全之術晦其迹穢其形而大忠莫甚於立名籍不云之乎潔己以允世修身以明濤誹謗之屬也惜乎康之未聞斯語也

夏稽問集卷八

九

百尺梧桐閣集卷七

揚州 汪 懋麟

祭文

祭戶科掌印給事中孫君文

維年月日同志舊友仁都汪懋麟謹屬同業生韓魏
奉脯脩一束昭祭於戶科掌印給事中樹百孫君之
靈嗚呼樹百天道人事宿乎莫乎荒乎裔乎亦已久
乎不可逆乎顯晦通塞莫可測乎死生離合總如客
乎念君之公亦何迫乎我與君別曾朝夕乎追憶舊
歡修陳迹乎乙丑四月車南澤乎訪我於郊俶我麥
乎時維清和土龜圻乎竹粉乍離森如戟乎君顧欣

百尺梧桐閣集卷七

一

然脫其履乎問藥東行治乃脉乎丹砂服食與有獲
乎去我幾月理歸翻乎明年上春造我宅乎我宅新
除列圖籍乎君顧之喜謂善闢乎再飲我酒割雙鯽
乎笑言慷慨神且益乎夙疾已瘳舒肝膈乎出處之
際就我盡乎期保令名以無射乎載送之舟指東嶧
乎載握其手矢金石乎期君此行順乎碩乎忽傳龍
蛇疑君厄乎意嫉君者故噴噴乎久乃信然我心掛
乎苟身可贖何惜百乎君領疲邑民衽席乎君爲諫
官言典冊乎君司文衡有遺璧乎氣矯矯乎容奕奕
乎度千頃乎身百尺乎君子進乎小人斥乎進思退
思每踟躕乎以君素履潔爲癖乎焚香掃地以自適

乎清琴名藥齋無役乎血屑未成此可惜乎有弟有
姪易名贊乎遺書在牀竄饑餓乎女史在室悲影隻
乎誰爲招魂安君魄乎誰爲臨穴就窆窆乎自君之
歿日月易乎倏焉及期企予躑乎舉民蒙頭安極祔
乎負局臨喪艱郵驛乎爰託我友將絮液乎明靈斯
在不問隔乎銘君之墓石六尺乎槐余非文思無斂
乎嗚呼樹百其來格乎尙饗

百尺梧桐閣集卷七

二

祭翰林院編修湛亭王先生文

維年月日內閣中書舍人汪懋麟謹以清醑庶修之儀致祭於翰林院編修王公之靈嗚呼夫子命止於斯學足以周乎百世而智不能謀於一時行足以齊乎古人而道不能合於今茲官貴少而適老進宜速而偏遲遷轉固不可以驟至服官一十六載乃猶循序而困於資國家以老成備顧問歷年六十有五而猶沉埋滯鬱不達前席之知嗚呼夫子此生雖遇而不遇所懷欲施而未施猶與優遊歲月論定書辭徐俟宣室之對以表桓榮之稽豈人事既斷其顯榮天心復奪其長算遂寂寥荒忽就夜臺以爲期嘗聞夫

南尺格補開祭文

三

子神童擅譽卓犖不羈爲左忠毅公之所拔議與史公道陵載驅而載馳維時閣人禍淵黨錮流離左公銜冤而下獄夫子以諸生挺義陰爲保護實左之而右之以此品著清流名高閣下樹文章之楷則標士類之羽儀羣仰孝廉之望共爲尉嶺之推公車屢顯而非困南宮旣領而遭奇荷

世祖章皇帝之眷顧問年五十有一謂其質直而不欺乃與年少之士共沐清華之選初何嘗惜其貌老而多髭癸卯之役持衡南國米藥是持援小丁輩七十八人十年之內通籍者強半皆旣就於師訓罔敢越矩而踰規有時退食羣弟子立階侍側賜以酒食

說經論史及先正之風采天寶之遺事娓娓不倦令聽者心暢而神怡數歲以來勤勞纂局編輯心疲七年而成一代之史敘功僅邀半命之移指顧成均之席變遷國子之師嘆一飽之未得時豐歲而啼饑嗟乎窮簷賤士莫不有一椽以蔽風雨夫子生長京國科名累葉乃頻年三匝於一枝匹夫匹婦猶得白首共老夫于早年傷逝致中饋之久失從難鳴致感於齊眉人孰無子莫不有媳痛雙璧之俱天致哀哀寡婦守貞茹苦復中道以棄孤兒嗚呼夫子命止於斯殘書在笥殮骨何遺唯茲及門數子視舍易簣啓手啓足而傷悲旣匠事之必謹復衣裳之載披敢無微而不慎雖竭厥其何辭後此舉觀三秋管瑣四尺將立墓門之石媿無瑣珉之詞欲請恤而無典欲立謚而懼私惟冀二孫之成立庶幾綿家學於不衰有餽旣潔有酒旣醴夫子有靈知予不知尙饗

南尺格補開祭文

四

祭子告光祿大夫太子太保兵部尚書端簡王

公文

維年月日內閣中書舍人汪懋麟謹以瓣香束帛之儀致祭於

皇清子告光祿大夫太子太保兵部尚書加一級仍支一品俸祿端簡王公之靈嗚呼余小子自丁未南宮受知於公今九年矣初與同榜諸子謁公於宣武門之邸第公肅衣冠南向立諸子拜於堂上既西向坐命諸子左右坐正色論文講道勉以立朝從政之大節諸子悚聽而退余小子竊相謂曰公端嚴正直洵古大臣之風乎後再謁公溫然以和又召賜酒食命之醉自是數數謁公公接無倦容教誨委曲不以余小子非才不屑也庚戌春公以大司馬引年乞休

天子慰留不得優詔馳驛祿之終身在廷諸臣及門之士攀轅未卽發秋從潞河南下余小子輩僂公於郊酒三行公登車去超送十餘里拜伏道左公下車揖諸子起溫語慰勞黯然而離別之色矣余私謂諸子曰公雖老耄衰

天子待公厚不日召公別暫耳公養疾金陵以書來數十百言款曲如家人捧書欣喜知公游覽山川方無恙是時公季子于玠官京畿每置酒召余小子

與諸子飲往來歡甚得時悉公起居故見季子如見公也癸丑冬余小子奔先妣喪歸里敬問公狀康強飲食如昔也以伏處苦塊未卽謁不踰年而訃至悲哉公在

朝二十七年由郎署晉位大司農釐定財賦利興弊除國蒙其庶民被其澤再遷司寇司馬恩遇兩朝勲業翺然自古得君有爲既專且久鮮有若公之盛者也公訓子姪以義方用能世其家學朔朔中外諸孫文名蔚起公歷年七十有二致政優游又四五年祿養以終訃來之日

天子嗟悼賜葬賜諡恩寵有加嗚呼自古大臣進退以禮終始邀榮亦鮮有若公之盛者也公之德澤在天下功業在史館余小子復何言第追憶泰列師門後先離合聚散之際覺公之飲食教誨纏綿勤懇往來余小子之衷而不禁涕淚之無窮也公歿於去年之九月余小子哭公於今年之五月非敢緩也俟季君之歸同執紼以送公之喪也公有靈尙其鑒余小子之誠而知余小子言之甚悲乎尙鑒

祭前河南道監察御史喬公文

嗚呼公之生於世也八十有七年前五十年之事今日之所不必道而實爲天下人之所共知後三十年之事則天下人有所不及知而今日爲之追述尤可涕而可思公立朝在啓禎之代維時品尙清流人持風節公與文姚諸君子觸邪指佞小人望而畏避言人之所不敢言爲人之所不能爲公辭位在南渡以後維時公卿大臣多公舊列皆群推爲文獻舉爲清要乃引疾而退伏處田野躬耕講道甘爲農夫以終老蓋已三十有二載於茲昔其見用也學有所未盡勢有所未宜故留滯於中書一官凡十有餘載及稍

百尺梧桐閣集卷七

七

遷爲御史甫有所建白早已事去而時非故其既退也志有所未遂心有所未隱寓其旨於性命潛其用於書詩集衆說以自警復澹藏以弭悔海內文望之士多慕其名而有所不及窺嗚呼公諸子與懋麟兄弟相遊好懋麟又與公季子石林同舉於兩試而出入於綸扉故公之愛懋麟如其子二十年未嘗開閣揖客開懋麟至則欣然賜酒食教以讀書明大義命其季子澹相結納而不疑公今云歿使鄉黨失所瞻仰後生誰法而誰師聞歿之先扶杖入其讀書之室以經籍授諸子孫執筆草遺命令卽歸葬柩溪之上還祖宗之故土而無一語及於私且云舉目見天人

聞仙樂余其含笑而如歸嗚呼公生平正直學聖賢之道鬼神怪異之事固素所不信而全天而返或與明神相感召揆諸於理其有之有祖旣潔有酒旣醴公靈非遠庶幾來斯尙饗

百尺梧桐閣集卷七

二

八

祭禮科掌印給事中內陞東堂王先生文

維年月日門下士汪懋麟等謹以清酤庶羞之儀致祭於禮科掌印給事中內陞東堂王公之靈嗚呼士君子讀書行道莫賢乎文章之爲國用而論議有俾於生民世固有文最工論最切苟所遭之不合則僅等逝水之與飄塵若文之工矣而獲遇論之切矣而得行則已光竝於日星河嶽生有以爲榮死有以爲哀豈與流俗賢富之徒爲升沉然此實有天也而非人力之所能爭吾師初登詞館翺翔侍從再司諫議敢爲名臣其文章見於典謨訓誥者已載在史冊而論議之所以贊國是拯民瘼者已流澤於遠邇而豈徒託空言以自文猶憶

百尺梧桐閣集卷七

九

弊之竝陳時

天顏載悅 詔旨多溫匪文詞之尊麗實評臣之得人援以第一用獎羣倫自是被之殊遇晉爲京卿嗚呼若吾師者言之必可見於事發之必能成其名可謂收文章之實用宜其畢生之論議壺壺若囊橐之載傾嗚呼文之固難論尤不易盡者何限而唯唯者爲朋何愚且巧者之多康彊壽考而賢且直者獨遯俗而可憎吾師藹方中壽位甫登以才若彼以

遇若此何善人之不乳而天道忽忽其難馮嗚呼余小子輩受知鄉舉拔茅彙征或執經於都下或從游於里門中閒南北相依風雨問訊蓋歷十六載而如新嗚呼夫子之病旣不知時夫子之歿亦不知日初猶聞之人言而多駭繼乃得其日月而始真東山渺渺泗水盈盈欲撫棺而何及徒望風以涕零慨貽謨之未竟其好畱之後昆余小子輩所以哀號伏地者固爲及門之私痛而實爲天下惜此遺直之無聞尙

饗

百尺梧桐閣集卷七

二

十

祭詰封光祿大夫陳太公文

維年月日候補五部主事汪懋麟謹以瓣香束帛之儀致祭於

皇清詰封光祿大夫吏部左侍郎兼翰林學士陳太公之靈嗚呼禮有云知生者弔知死者傷知生而不知死則唯弔也而涕淚之莫將懋麟竊景公之道義誦公之著作雖私淑之有素而未一望公之耿光今何爲衰絰被躬越疆而弔竟以隻雞絮酒而入哭於公之堂懋麟辱司空先生之渙知非一此固昌黎公所印望歎息而不易得者竟加於至愚極陋之人能不追維感歎而窮皇在管閭門案筆寒暑風霜實低

夏長椿閣集卷七

七

猶於趨走若病驥之塗極會賦詩於南苑紫雲臺以推揚又憶隨我益都相國游於萬柳園下衆賓雜還笑語琳瑯懋麟方遑巡避席而先生乃懇勤道故加以盼睞而稱說乎賤子之文章嗟乎古人有受一日之恩其之感有感一言之知而願以身報之者此環讓所以傷心於衆人國士而後之豪傑每窺人意念之非常今者

天子下明詔諭大臣博采天下文學之士以先生繫所教育何才不備顧以懋麟姓名上列聞而愧媿而感敢矯語夫貧賤而謬託踰垣以自狂伏念號哭在咎未及琴祥痛二親之未葬每寢食之不遑何忍貢

大賢以人事君之義而詣

闕以衰裳是以望京寧而暴足益懷盛德於難忘茲聞先生陟咭興悲麻衣歸里雖賤賤有異而與痛者言痛自不禁涕淚之浪浪然我大公生爲賢胄早弃歲廊行已高於天下名已垂於後世書所謂攸好德考終命者鮮有不備況朝廷推恩錫類衰衣亦易久已光被於君子之鄉此懋麟不敢以繇辭汚在天之聽但述我淵源感痛之故而來奠此酒漿尙饗

夏長椿閣集卷七

七

七

祭子告光祿大夫太子太保禮部尚書王公文
維年月日候補五部主事汪懋麟謹以瓣香束帛北
望爲位遙祭於

皇清子告光祿大夫太子太保禮部尚書王公之靈
嗚呼人雖極賢莫不有死死而足傳世能有幾朝而
華屋莫焉山丘如彼腐草自爲春秋冠冕主組掉頭
安在唯有榮名百世莫改中朝濟濟孰非名臣五福
具備惟公一人我公如何溫然者貌有威有儀可則
可倣我公如何斐然者文載刪載述如煙如雲我公
如何凝然者德修在身心澤在家國我公如何巍然
者功措之禮樂銘之鼎鐘所稟既全所受良厚人世

夏氏補關集卷七

三

所賢公無不有位登保傳秩已云高爲大宗伯而能
不驕年幾大耋不爲不壽壽而益恭此爲耆舊間公
所積唯有青箱遺書萬卷既富且臧令子盈

朝莫非上哲履聲鏘鏘代司喉舌所司維何厥維戎
兵決勝惟懣克奏太平憶初拜公懋爲散吏辱公下
交由於文字召賜酒食時常秋初錫以畫扇式卷式
舒衍公之澤五易寒暑思公之容咫尺未覩有圖一
卷我則梧桐彫公贈詩穆如清風時公小病隱几窗
下置酒高堂乃拜司馬司馬據席實爲雄才論斷今
古神智用開嗚呼盛與是父是一門宗臣罕有匹
矣維時小子罔養南歸關心魚菽胎痛庭闕伏處苦

廬絕無聞見何期承

詔辱司馬薦不孝無狀經營墓田出處自審敢爲辭
焉蒙恩兩世方切悚懼報德何時忽聞公訃始焉惻
恍猶涕驚疑再得消息詎已如斯嗚呼已乎善人云
漸所關吾道運實非小國有文獻於此是徵上有師
法於此是鴻豈曰私恩小子是感遺篇具在涕淚載
覽爲位北向望風而號酌斯明水陳斯澗毛公如有
靈俯聽非爽千里降神聞言來享

夏氏補關集卷七

西

祭沈青齋文

康熙十四年冬十一月二十三日亡友沈君青齋歿五月餘矣其孤五果五祭扶其喪自京師歸舟過揚州其友汪懋麟酌酒陳豆灑淚爲文以哭之曰嗚呼悲乎子來乎胡不聞子之聲見子之容而但見此三寸之桐棺長臥於荒忽冷寂之舟乎見子之孤貌似吾子卽恍惚見吾子令余之悲愈何能已乎自余與子相識于南宮也卽別有以相契及子先余入近密也又無日而不思每貽書以見招必同官而後快何後先念余之不置乎既余官京師也寂寥無偶鬱鬱不自得又善愁而多病時造子之室飲子之酒臥子

百尺樓閣集卷七

祭

之闕若忘乎其在逆旅也非子何以遣余愁而慰余病乎壬子秋子奉命較士於仁南登余堂拜余父母殷勤敘通家之好見余父母康強善飯喜動于色及吾母歿而送余南奔也助余之悲哀若自喪其親者何骨肉生死之繫念乎嗚呼子背來而余出今余返而子來宜握手以言好何呼子而莫應且哭子而莫余知乎子之志無窮而遇竟如是止乎才無盡而乃不永於年乎庸庸碌碌者無限而子獨不容於世乎余既銘子之殯畧盡子之生平又何所言於茲乎子之鄉盜賊滋蔓願子之孤早歸子於幽宅以妥吾子之靈乎他日將次第子之詩若文俾流傳於後世庶

幾不死余之良友乎子來乎聞余言而悲乎抑喜乎尙其飲余酒而鑒余誠乎尙饗

百尺樓閣集卷七

祭

六

祭前給諫李先生文

嗚呼莊烈之季國事日非如山岳之將崩江河之日
下老成憂國之士每咨嗟廢食而傷悲於時外焉盜
賊內焉門戶紛紛攘攘如豺虎蛇豕相鬪於溪山大
澤同歸於盡而山澤之禽魚草木悉遭毒螫而無遺
致一人孤立於上羣小凌競於下雖爲類非一而搖
唇鼓翼尤在臺諫之樹黨攻訐以行私嗚呼誰爲正
人我公挺出由李官而被召受天子之渙知當二相
之賢好能特立而不移禽思殺賊首論文燦之誤撫
繼等國獻則論應桂之失機其究也撫勦兩誤荆襄
不守俱不幸而言之中也雖歎息痛哭其何追至於

青尺格桐閣集卷

七

門戶之禍如火燎原漫衍莫救善乎我公之言曰始
也正與邪角既也邪與正亂熙豐元祐蜀雒真偽之
際反復陳書洞見本末蓋與君臣之一悟猶可繫九
鼎於一髮而不謂言之愈激聽之愈疎至於家公國
破俯首喪氣以無辭嗚呼天耶人耶抑數窮理極而
非人力之所能爲當是時天佑善人冊藩先出值南
渡之草草尚籌國以孜孜恨一身之後死矢百折而
不疑視馬阮爲讐仇肯左之而右之傷福藩之昏溺
時悲憤以嗟嘻迄乎天運既終束身匿影遁蒙頭於
土室遂絕望於清時是以

聖代求賢薦書屢及俱遜謝不起甘爲耕田識字之

夫詠歌堯舜之世率其婦子於荒仁寂寞之地且嘯
嘯以嬉嬉嗚呼我公考其宦跡三垣久歷語其年齒
八十有奇令子且文學侍從高會實太保太師於人
世顯榮際會生死得喪亦可以無憾然我公之心耿
耿於夙夜數十年如一日則有不可以告人者而但
以其無聊憔悴之意一託之於讀書而誦詩某通門
世好夙奉羽儀驚哀挽之忽至輒相視而涕洟陳詞
灑酒有慨於興衰治亂之由君子小人之故遂不禁
言之縷縷公靈不昧當亦聽此而沾衣尚饗

青尺格桐閣集卷

祭前

七

祭施愚山侍讀文

嗚呼施公自世風之寢薄也獨處其厚人心之日偽也獨守其真天下之廣萬物之衆不齊者性各異者情自公視之無賢不肖而皆一遇之以仁凡人之憂患疾痛不得志之事初無與於已而自公視之必爲涕泗而傷神於是雖極姦邪愴忌之子亦感悅其盛德而謂公爲善人猶啼者嚙者蠶者各含沙而懷毒咸格化於遊苑之祥麟所以端人正士得與優游講道論德而詩豪酒俠亦時笑語往復相與酢主而酬賓嗚呼施公少爲孤童長稱名士其學問之有源皆本其先世之遺訓而文章之簡潔詩歌之清勁

東坡全集卷

九

雖光怪而百變要必歸之於至醇居平對客期期吃吃似不能言及乎辨駁是非考證今古其一往之浩氣若江河之澎湃山岳之嶙峋嗚呼施公始於西曹終於東觀得以行其道而遂其志者弟子橫經於前賓從授簡於後則在東山之下與夫湖水之濱論其晚年被召從容著作不可謂非學古之榮遇而賢達滿前飛騰景慕似亦鬱鬱而未申嗚呼施公入仕以來三十餘載出爲伯牧入爲侍從而所棲之館舍竟足以蔽風雨所邀之歲祿不足以給交親及乎抱病旅中參苓不繼小妻折錮以供炊幼子典書而市藥一二素心問疾見其一絲竟屬猶閉目閑吟若達然

於生死之際者則又咨嗟於公之病而嘆歎息於其貧嗚呼老成倏焉凋謝凡我遊好文酒無與共而哀樂無與語也能不陳詞灑涕而酸辛尚饗

東坡全集卷

二

手

祭誥封一品梁母吳夫人文

嗚呼從來婦人之賢惟視於其夫故有夫榮與榮夫顯與顯則凡婦人所謂命即其夫之命以爲命而無豪髮之權可得自自如獨死生壽夭之際則其命又自爲命而不能託其夫之命以稍寬假似存乎其人之所受而理有不可以或誣故雖賢且才備乎婦人之美兼乎婦人之賢而獨不能假之以年也能不爲之感悼而歎歎若吾師繼室吳夫人之生也作配惟良邀天惟厚年甫二十卽荷一品之封坐享子孫之盛吾師爲海內之偉人領文章之鉅任爲之配者固亦不易而夫人以溫慈明淑之姿實允足以爲助而

良母傳集卷一

三

何相莊七載竟如一夕之斯須嗚呼憶壬子之秋吾師悼亡及門作誄因繼昏於前夫人之女弟一時賀者方謂去者暫而來者久長者不足而少者其有餘乃何以前夫人以二十而遂夭今夫人加以四年而亦逝若女兄弟之命適相左右而不可以或彊也又安得謂此理之或無嗚呼吾師初娶於王再繼於吳丁未之春余小子輩初受知門下時王夫人之歿未久也猶記送喪國門外余小子輩哭焉殆壬子八月前吳夫人之歿余小子輩親依兩丈見吾師之哀悼不勝而再哭焉曾幾何時今夫人又歿余小子輩困頓里居不獲臨喪一慟從西望爲位而悲至此凡三

哭焉嗚呼人世之生也不過如行客之在旅居中間悲者多而歡者少離者衆而合者疏乃何以十餘年之內爲吾師門內之痛者獨後先一轍而同途於此益信有命也不可彊也婦人之賢操於夫而生死壽夭誠莫可如何也吾師又可援理以自解而無俟爲此無益之號呼獨是閨範云遙兒號在室余小子輩因吾師之悲而不能已於悲也爰爲此明水之奠惟大人尙其馮鑒而來乎尙饗

良母傳集卷一

三

三

告祖文

維康熙十五年歲次丙辰正月庚寅甲申朔越十八日辛丑裔孫某等謹以潔牲粢盛酒醴敢昭告於顯祖昭忠廣仁武神英聖王越國公之神於穆我祖赫赫桓桓隋末盜熾民困多難帥眾保障砥柱頽瀾宜杭饒睦六州又安建號吳王十年無侮四游蜂蟻此邦禾黍高祖興唐神器有主仰遵天命弢戈緝武戒我開國納茲版土道梗伏威兵弄雄誕越侵我彌遭我勝筭武德四年九月季秋我祖拜命已為唐侯雄誕來犯實十一月孰順孰逆理不可沒唐書舛誤而以降書其事具在史文實証我祖弟昆勲業隆

百尺梧桐閣集卷

三

隆褒衣赤舄車馬兵戎迄乎宋代俱晉王封神既陟降於昭在上為靈斯赫永享和豐作廟烏聊功德用壯宗祧茂衍歷祀千秋吳越仁楚枝分幹流冠纓奕世克繼先猷根由一本派列數州越世既久昭穆漸紊孰能辨此長幼之分親猶往來疎則罔問歲時感思忍忘先訓凡我裔孫習書與詩或商或耕鮮不有儀匪同他姓繆聯一支茲當上春十八辛丑牲肥酒醴我祖斯壽祖像在庭緋袍黃綬王者之冠巍然在首子孫饒列駿奔趨走自今伊始族好斯同乾俟是戒致我鄉風尊卑式序毋有混蒙將於揚土廣我祖廟豆俎永存庶幾有約勒碑紀功祖德是耀孫謨共

飭罔蹈不肖恭修歲事執爵告虔樂既二奏假詞用宜錫我介福世澤孔緜守此祀典惟以永傳尙饗

百尺梧桐閣集卷

三

三

告 先考文

嗚呼吾父棄不肖孤等也至此忽二十四月矣來月之五日已及祥禪何日月不少延乎三年之喪聖人之中制人子之心豈遂以爲已極乎禮三月而葬無賔賤通義也今固已踰制矣豈不肖孤等之敢怠乎良以山原之幽宅必擇其高燥而安者窀穸之日時必卜其吉無凶悖者經營相度蓋二年於茲始獲城西馬鞍山之劉家集日則以季冬之朔時則以酉奉吾父之柩與顯妣太安人合封於茲土也敢告吾父之靈其馮几而聽不肖孤等之一言乎吾父生孤等晚五十年以前之事孤等不及知聞於趨庭侍立得之諄諄告誡僅記十之三四自六十以至七十孤等雖幼已仰見吾父母之劬勞日張日以望孤等而孤等讀書於舍北之興嚴寺樓每風晨雨夕曉鼓昏鐘念進取之維艱慨千人之無力則兄弟廢書對泣懼我生之無成而父母之年亦既衰矣豈能鬱鬱以久待乎而此二十年之初既遭流寇之震驚再罹南渡之屠掠蕩家破產萬死一生痛二兄之就戮歎家室之凋零我父母艱難再造以長以育而復卽於溫飽也先後嫁一女娶五婦加以好交喜客周人緩急產僅中人而門戶日大吾父母之力日竭神日勞孤等不能自致一錢事無小大罔不累我父母而何有一

魚半菽奉承歡於朝夕者乎至八十以迨九十又二十年以來不肖孤等始微微名倖邀一第吾父母畧開顏喜也而不肖慙慙又奔走於京師前後五年昏晨久缺雖玷名禁廷寒苦實甚方乞米之不遑日圖歸之無計而又何有升斗之餘大官之俸以爲顯榮而鼎養者乎壬子之秋不幸三兄病歿孤寡無依而田漂蕩歲則屢凶余家本不貧轉食於孤等成名之後以百口之家貽我二人之焦勞拮据者實無異於貧賤之族孤等束手莫展曾不若販夫販婦自力以養其親者顧微名之何補而所以求安於人子之心者何枉乎嗚呼傷哉癸丑之秋吾母棄養不肖起麟耀麟痛視殮舍不肖慙慙倉皇奔里不欲爲人言父感勉強飯荷延艸土猶記四方來弔諸大人先生設奠兩楹吾父寒總惟顧孤等曰余旦莫人耳今雖生同享此矣孤等伏地呼號肝腸寸裂記意遂成今日之識乎嗚呼傷哉乙卯之春吾父壽躋九十孤等無狀幸不見絕於當代賢人君子遠近稱觴上壽書幣盈庭吾父屢介壽之文詞累累成軸顧孤等喜曰贈人以言仁者事也小子歲之當是時方慶四體之康強咸謂百年之可卜詎意不肖慙慙爲有司迫促起復京朝拜違僅六閱月而吾父遂不相待也孤等通天之惡與沒齒之悲將何事之可贖乎嗚呼已乎復

何言乎今年九月已奉 祖母遷葬於西山之浮橋
又將於冬杪葬三兄於浮橋稍南一里去吾父母墓
地總相望也望母望子其亦吾父母之所願而不以
爲非者乎三兄之孤衛已列名北雍起麟懸麟俱已
有子耀麟四子不季折其二餘二子日長知讀書自
後起麟力於田耀麟力於書以冀萬一之獲報吾父
母未盡之志懸麟頃辭

詔終喪執不能久處於家將於來歲詣

闕倘荷 祖宗父母之餘澤 天佑孤等得奉一命

之 封歸而立碑墓上庶幾歐陽公滄岡之阡則孤

等死且無恨故今隧道之石礧且未刻用以有待而

幽宮之銘則施先生閨章墓前之表則族兄宛文之

矣吾父之生平畧見於二石孤等又何多言乎有酒

在尊有肉在俎謹以吾母太安人配食吾父其哀憐

爲盡一爵而不吐乎尙饗

先考辭靈文

嗚呼吾父遺命葬地不得過十里外念後世子孫上
冢者未必盡車馬也嗚呼吾父之慮遠而戒濫切也
顧揚之葬地止西山一丘茲滿矣不獲已卜在三十
五里之內視吾父命已越其二罪也後之子孫或咸
體此意思者勤于農秀者勉爲士各能於春秋祀事
駕車乘馬以拜謁於墓下幸也吾父吾母之福澤所
留者久也卽不爾擔俎豆提酒漿從步而來世守清
白奉祖宗墳墓不敢忘荒猶賢也究何傷也嗚呼人
事何常天道有在誠敬善墳墓之爲守者不獨其子
孫也而不然者子孫雖賢富赫奕而墳墓或不能保

也以吾父吾母之所積不肖孤等竊敢料其必能保

而非敢謂不肖孤等之遂能守也嗚呼已卜是月二

十九日奉吾父之柩於季冬朔日與吾母合葬茲土

則吾父之處斯寢也竟三夕耳痛哉凡人有出必有

返有難必有合今吾父一出不復返也諸子永離不

復合也几杖不復御也音容不復覩聞也痛哉雖然

吾父形歸幽宅而神依然防降也神在左右卽視聽

其非遠也吾子孫其各守乃業盡乃誠誓守墳墓祀

享於有祀也靈車既駕三爵載辭瞻望明星其相率

呼號挽紼而送吾父於郊也尙饗

百尺梧桐閣集卷八

揚州 汪 懋麟

行狀

徵君孫豹人先生行狀

先生姓孫氏諱枝蔚字叔發號豹人世居西安三原之王店曾祖諱思輝祖諱繹芳徵仕郎考諱振生歲貢生誥贈奉議大夫前母羅氏母王氏先卒俱贈太宜人奉議公生子五人先生第三子也仲兄枝蕃辛卯舉人知屯雷縣再知徐州同知兗州海防贈其致奉議者也先生幼穎異過人生十二歲隨奉議公客揚州讀書數行俱下歸里應童子試三冠其曹偶補

百尺梧桐閣集卷八

一

三原附學生時年十五自是每試輒高等與兗州君噪名三原里中望其升第指顧耳會奉議公歿先生執喪如禮是時闖賊李自成已起關中國家征調日急所用大帥率黨局擠排懦懦不習兵事所在將吏又驕悍不奉法賊至輒逐民被蹂躪屠掠男女村堡蕭然先生憂憤遂焚書破產倡集鄉里義勇數十百人爲殺賊計時涇陽郭某亦建義殺賊先生遙應之嘗陰雨入山狼薊告竭先生衣短衣徒步與客二十人夜趨張果老崖橫刀坐樹下招集敢死之士往復說以大義皆感動流涕是時同伍中有故盜聞先生語踴躍推爲盟主願效死力賊亦卒不敢犯會

百尺梧桐閣集卷八

二

王師入關盡滅賊先生仰歎曰國讐已復可以隱矣遂散衆棄諸生幅巾將妻子趨揚州奉議公有所遺舊園日擁經史吟嘯自放四方名素聞先生名無日不來雞黍作供舊業日落遂賣其園居浪跡吳越無聊寄興乃與姚山期仝輯四傑詩板行於世四傑者李夢陽何景明李攀龍王世貞也既與桐城方爾止文論詩悔更輯天下名人詩曰詩志于是天下之名能詩者紛投其門更僦屋於董江都祠旁名其所居曰澹堂閉戶刪訂當是時南昌王于一猷定涇陽雷伯嶺士俊長安王策夫巖黃岡杜茶村濬朝邑李叔則楷先後稱寓公與先生相往還諸君各以詩古文

名先生獨以詩名海內無論識與不識皆知有豹人先生矣是時新城王公阮亭士禔三原梁公木天舟官于揚其鄉人李岷瞻念慈任淑源璣亦來遊咸折節於先生休寧孫無言默講宗人之好時左右之東洵有吳野人者名嘉紀歛縣郝羽吉士儀休寧汪舟次楫俱以工詩名與先生交最洽而邵陽王幼華又旦自秦中來見先生與三人者傾囑願交相與論詩無間及歸命畫工繪五子論文圖以去先生既久不出家益困總督江西都御史董公聞先生名卑詞致幣帛延課其子勉起應之會

等疏先生名與諸名士上報可 勅巡撫都御史敦
促以行先生以老疾辭都御史不可力疾請

闕下

御試既授五十人翰林院官復

加恩老成夙學授先生與傅清渚山杜

越王仲

昭嗣槐丘敬夫鍾仁王惟夏吳申周伯維翰鄧孝威
漢儀內閣中書舍人

上念諸君老矣不可煩以執事俱聽還山當其應

詔之京也公卿士大夫莫不傾動而吏部郎趙公士

麟索先生前後詩古文詞全集讀之稱歎愛惜爲校

讐得二十二卷損俸鐫板以行遠近賢之先生爲詩

百尺樓閣集卷八

三

初喜六朝繼歸漢魏于唐宋元人全集莫不手批心

識即近代凡以詩名者皆流覽能一一道其所以故

其詩縱橫沉博有正有變意思所託準乎風人不能

名其爲何代何人之詩蓋自成其爲孫子之詩也其

爲文偏喜晉宋齊梁間作不肯盜竊宋人生平所爲

文不過數卷而每一篇就必可傳誦其爲詞專摹東

坡稼軒一往雄肆秦風之餘也所著有慨堂前集九

卷續集六卷文集五卷詩餘二卷已板行于世矣又

著古今稱謂彙編四卷慨堂隅說若干卷遺稿若干

卷藏于家先生生平篤於友朋兄弟當宛州君在屯

畱與徐州也嘗驅牛車往省小畱即返爲王幼華曾

一至潛江梁木天一至安肅任淑源一至濟寧皆三

君所領郡縣也晚年倦遊閉門不出及吏部趙公奉

命撫浙始扶疾一往感知已也趙公許梓其未刻諸

稿未幾移節三吳按部過揚親造先生之廬先生口

不及他事寒暄而已自是兩越月先生遽歿先生素

無疾三十時鬚髮盡白如老人嘗有日者謂先生四

十餘當死即自爲輓歌踰期不驗至是乃無疾而逝

得年六十有八生之歲爲前明萬曆庚子年四月十

九日卒之歲實康熙二十六年丁卯正月八日也娶

石氏子五人燕穀俱揚州府學生員儀石孺人出

匡側室沈氏出女子六人長適雷毅伯額先生子也

百尺樓閣集卷八

四

次適生員員觀次適候選州同知李耀次適官生許

大履次適貢監秦四謙次適候選知縣吳壽潛孫心

人舒揚州府學生員憲乘遜宏才陽先生自董子祠

旁移居懷遠坊與予兄弟望衡咫尺文酒過從二十

有一年自予歸耕以詩文相質尤晨夕無間嘗屬予

叙其文又畫學稼穡二圖屬予兄弟題其像雖予

識先生稍晚而知先生心跡終始爲相悉也其長君

燕以狀來請不可辭畧述其梗槩其出遊四方予所

未及知於海內交先生者尙有望焉覺堂汪懋麟謹

狀

翰林院編修王公行狀

公諱勗初名世約字灌亭先世山東青州府壽光縣人始祖以武功官京師遂世爲順天大興人祖諱良佑中故明隆慶庚午經魁山西大同府同知父諱有第以明經爲山西太原府靜樂縣知縣贈中憲大夫母張氏封恭人生子二長以約已卯舉人江南太平府知府次卽公生質異才側儻不羣年十三應童子試時左忠毅公光斗督學畿內善相人拔公與史公可法俱第一呼近案前熟視謂史公事業非常公當以文章名世後左公遭魏忠賢禍陷鎮撫司獄備極酷苦士大夫無敢問者公以諸生與史公不避利害

夏曆四月二十八日

五

陰左右之左公死號呼當路請葬謚人皆稱公正士不負所知忠賢購公急將不測會敗乃免自是名益著與兄以約工文章矜氣節傲睨公卿間公素慕黃公道周爲人時黃公官翰林乘馬出公從道傍目之望其丰采嘆曰真清流也士君子不當如此耶其刻意樹立蓋如此公爲文高古折衷先輩大家與艾君南英梁君以樟馳名南北性耿介不與時合凡十應舉至戊子始舉順天鄉試已亥成進士對策昌明博達書法倣顏真卿擬及第不果置二甲第一時年五十一

世祖章皇帝問諸進士年齒公對以實授翰林院庶

吉士歷科館選多取年少習國書備侍從公以五十與選實異數也越二年授編修又二年充江南鄉試正考官校馬晉錫等七十八人品臨精覆禮部較天下至司公稱最公之在翰林也多所纂述五經四書通鑑全書孝經衍義悉屬較訂

今上六年遇

覃恩加一級纂修

世祖章皇帝實錄撰次詳核閱七年告成陞俸一級賜金幣公固貧服官十五年困於資序不得遷夙負大志未竟所學以病卒於官卒之日貧無以殮受業諸子爲之質公生平好古力學於書無所不讀善談

百八希桐閣集卷八

六

論對客娓娓終日不倦一時有文獻之目尤篤於孝友方贈公官靜樂僅七十日而卒公經營扶襯喪事如禮後二十餘年張恭人自太平官舍還京師忽中道病卒公哀號竭蹶奉喪以歸未幾公兄以約罷官以事留太平不得歸歿於旅舍公從數千里外迎致其喪歸葬其大節皆能爲人所難公生於故明萬曆己酉四月十三日未時卒於康熙十二年五月一日卯時享年六十五元配蕭孺人先公卒生子二長智庠生早卒娶陳氏繼娶李氏皆無出次斐庠生亦早卒娶閔氏苦節十餘年於是年正月卒生孫男二長垺次塋垺序當承重公易簀時顧謂受業諸子曰吾

早喪子孫幼凡吾身後事諸子識之於是翰林院編修周弘張英檢討胡士著戶部浙江司郎中諸定遠原翰林院庶吉士候補主事程文藝吳本立內閣中書舍人鄒嶧喬萊雲和縣知縣白良彥進士曹有光張琴沈攀李欽式舉人馬晉錫歸允肅等泣視含殮謹奉公遺命相與次公始末屬內閣中書舍人汪懋麟書以爲狀小子等從公遊既晚少壯行事多所未悉恐多挂漏負公於地下又不敢妄爲撫拾特取嘗所見聞一二大節以告於當代諸老先生庶幾賜之傳銘以彰幽德謹狀

貢士學海張公行狀

公諱繼倫字漢菊又字學海先世淮陰人明初徙居安丘遂爲安丘人公考贈文林公五十無嗣買一妾良家子也非其所願公卽遣還其女感泣禱於天爲公祝曰願公生三丈夫子爲盛德報後公果生三子長嗣倫萬曆壬子舉人季緒倫崇禎辛未進士官御史公其仲也齊魯間以才行著聞者稱三張初文林公夢蒲萄蔓行乃產公因字公曰漢菊孟季雖以科名顯孟生子而天季卒無嗣惟公生才子子孫綿綿以大張氏夢爲之兆矣公生平孝友讀書樂善尤有守御史公按鹺兩淮有巨商坐法輦重貲至公家請緩獄公毅然曰方以執法爲吾弟勉顧撓之耶卒謝去流寇陷京師山東盜起公助邑令治戰守具寢食城上者數月城以完亂定流亡滿路公爲收卹還其家嘗有鬻女償官錢者出金助之女得不鬻又遠買來糴粟奸人雜沙礫欺之賈莫能較爲白於有司完故直去歲大比士貧不能赴者貲以行所出錢穀振婁人緩急親黨不可數計其修行於家者略如是公兄弟先後病藥餌必親視及歿哭最哀厚嫁其兄之孤女敬養其嫂終身命其已子爲季弟主祀手題木主撫其棺曰吾弟有子矣其篤於兄弟之誼如此公生負異才年十四補諸生十八食廩僚爲學生天啓

丁卯貢入太學崇禎壬午本省鄉試中副榜用恩例
謁選當授一縣公慨然曰國家用人非科目不顯吾
安能俯首辱此耶竟不就晚年益肆力於書博洽浩
渺無所不窺下逮醫方卜筮罔不精驗尤工書法及
善墨竹得其片紙者珍弄焉嘗築一室命善繪者悉
圖商周秦漢以來鼎彝金石於壁徜徉其中性不能
飲而喜客飲蓄一琴以意爲玩弄以是終老於家卒
時得年六十有一實順治乙酉十月二十有八日也
男于貞也翰林院孔目女子六人孫三人孔目君
才行克紹公後海內學士大夫皆樂與遊孔目君初
以博學宏詞薦以母夫人憂不起而子亦以先人憂
辭薦終喪吏部以子二人名聯牘奏聞報可孔目君
與子締交於先而以此志同事同益篤於久要也嘗
屬子書其先公與兩夫人墓碑之陰至是復以生平
行事請曰願有述也不獲辭因撰次如右謹狀

賈生之言曰德人無累知命不憂其生若
若休死生之際亦大矣而視之坦易如脫
不謂難歟鄉里庸人平居狂謀謬算恣取而無累
若將可以長世及其一旦有徒手而去耳彼夫矯
矯立名之士確然自信有以傳後雖更歷千劫至
於骨腐冢夷金石銷泐而真我固自在也足以雖
死不恨我郡汪蛟門先生病且垂絕意氣閒曠不
見衰頹可憐之態趣令其家人洗研磨墨汲泉煮
茶以進玩愛移時笑曰香沁我肺腑死亦快矣豈
過爲越情以取名乎抑庶幾於浮休之義而無有
牽迫縈擾於中者耶先生不察余謏陋以遺藁若
千卷屬余刪訂反覆詳觀見其匠心獨造一言半
辭皆可以名世而行遠余以此知先生雖死不恨
也其脫躡視之也宜矣嗟呼人亦患其貪生與其
不立名耳貪生則於天下事多不敢爲不立名則
亦不肯爲如先生者天假之年朝廷轉而柄用
其縱軀委命以踴躍勲名者必有可觀也豈直文
詞爛然而已哉乃竟以謹請終所就止於如是又
何其大類賈生乎康熙己巳良月一日顧圖河

木生於陰崖巖巖絕壑之中堅冰夏凝霜霰冬積雖有百圍十仞之材擁腫卷曲而匠者亦莫之顧其摧踏於樵斤牧斧也固宜若夫陽崖之木受日月滋雨露幹挺拔而敷榮引之中繩墨度之中規矩而匠石之過之者日裴徊而不去駸駸乎登明堂備宋棟矣而不幸中道摧踏與擁腫卷曲者同尤可惜也夫此余序吾亡友汪君蛟門之集不禁爲之絮歎太息而不能已也君年少成進士負盛名以推擇官內閣中書會

今上長傳學鴻詞之科尚書宛平王公海寧陳公

序

二

交章薦君同時被薦達者皆授翰林後多至大官而君適會丁外艱不與試既服闋需次部主事總憲崑山徐公列君名與李公清曹公溶同薦入史館二公辭不至而君又格於部議僅以原官充纂修在館勤於其職今集中所載史傳若干篇是也及官刑曹屢發疑獄一時驚以爲神京師人至今能言之而司寇蔚州魏公大器重君當宁亦知其名一日禁中出宣德紙百幅命羣僚書擇其尤者二十四幅爲御屏君書與焉人謂旦晚且進用矣亡何竟罷歸數年遽以疾卒壽止五十

烏庫悲夫臨歿口占絕句有云半生心事無多字只在儒臣法吏間蓋君名厠纂修而未嘗授史職官西曹雅非其好而又未竟其用齎志以歿彌留哽咽誠心愴乎其言之也以余觀世之人富貴且壽考者何限乃臯某方號屋而聲名湮滅已與其骨毛爪齒同漸化而無餘而汪君顧有不朽者存亦又奚憾君著有百尺梧桐閣集詩十六卷文八卷益以遺藁詩文明史擬藁合之凡如千卷行於世君詩出入昌黎眉山間而時出新意能自成家與其文皆卓乎可傳者君歿且十餘年會余視賑維揚其子藁猶子荃持遺藁請余序余不忍拒也爲濡筆泫然者久之康熙庚辰中冬下澣之六日商丘宋肇撰

序

序

三

季父蛟門公所著百尺梧桐閣集板行於世數十年其未刻之詩自巳未歲始至戊辰歲四月止共十卷公沒之日屬顧先生書宣校勘付鐫顧先生旋掇巍科請假家居與余商其事於巡撫都御史商丘宋公宋公慨然爲之序並留鈔本意願欲爲故人雕鏤會內擢奉命入京未果家間所藏祇一草本無副藁遠近索觀者甚衆致有舛失幸未多畱頃歸自京師收拾殘缺略去數首仍編年爲十卷遂於暑中揮汗手錄選定去年在京師見商丘公令嗣山言先生已屢索鈔本蒙允檢還而余匆匆回未及端待然此十卷中前六卷失去者不十之一二而十失三四者後四卷也憶公去官歸里築十二硯齋杜門却掃興致勃發山水妓遊花間月夜排日而醉豪氣洋溢絕無行吟澤畔之苦而前輩風流於今亦罕有矣作詩每累數十葉命余謄寫間有字訛及自註錯置者余以意改正之而公不勝喜往往向人言余能學詩也余不幸不獲從公遊致學業荒淺聞見拘陋至於今尚兀兀以處不重可歎哉公之古文自歸田後增刻數十篇在前集內其遺藁數十篇與明史擬藁二卷疏

球國紀事一卷及四聲古叶錄通志閒編諸書將別輯成帙以傳也康熙庚寅七月廿二日姪荃敬題

汪蛟門先生集行於海內者數十年內詩止十六卷戊午前所作也先生有未刻詩十卷藏其兄子民長所民長手所錄定世未嘗見錫璜過民長齋出此共讀之則驚怪而歎其未有錄本以語汪生義尚義尚慨然曰先生與先君兄弟友善余雖未及親炙先生然素慕先生風遺稿余之責也遂鳩工鐫刻於是蛟門先生集始爲全觀自明人摹擬唐調三變而至常熟乃極稱蘇陸以新天下耳目先生與阮亭愚山綸霞豹人周量荔裳公勇諸前輩適承其後各立畛域以言詩其時宋調入人未

言不精補遺集

六

深故先生詩斟酌於唐宋之間用唐而不失之膠固用宋而不失之類放淵情微致攬之有餘即之不見迥乎異於今之學宋者今之學宋者使先生見必啞然笑也而老筆幽懷尤見於晚年十卷中吾嘗論詩之才華當於盛年求之而法度精練氣味深永則至末年始佳讀先生詩必於遺棄始見其詩之細讀先生遺稿當益信吾說矣乙未六月成都浚學費錫璜撰

往時江浙以詩著名者吾汪氏得四人長洲稱蒼文先生錢塘稱東川先生揚州稱悔齋蛟門兩先生數先生者著不及親炙其人然皆誦讀其詩蒼文先生以古文雄當代長于考核詩高秀而微婉蓋文章之餘事也東川先生華而瞻有潘江陸海之譽悔齋先生與吳野人先生齊名野人詩清而冷悔齋則清而腴所謂同工而異曲也蛟門先生初年沉酣於唐調中年變化于宋元詩不專一體不學一人要之淡宕而清遠則方駕王孟錢郎且不啻過之也已未歲同以博學宏詞被

言不精補遺集

七

天子詔一時稱人才之盛者吾汪氏爲冠首焉蛟門先生尤與先君子兄弟至好其百尺梧桐閣集衣被天下者數十年暮年詩十卷民長大兄手錄一日攜以見示受而讀之信乎海內名家不特吾宗大手筆也昔工部詩晚節尤細子瞻詩海外益工讀先生集亦應作如是觀耳著在猶子之分爲之授剗剗若校讐之未工點畫之疎漏則寡陋不文之過也夫乙未季夏姪文著拜撰

比部汪蛟門傳

濟南友人王士禎拜譔

君汪氏諱懋麟字季角後更號蛟門故蛟門之名獨著其先徽產越國公裔也繼徙浙徙揚遂著籍江都曾祖某祖某父觀瀾先生諱如江年逾大耋以齒德重鄉里有五男子君次第五幼穎異殊常兒與兄耀麟同授經長安王巖築夫之門築夫宿儒工古文通經學君得其指授爲多順治庚子辛丑間予爲揚州李官識君儔人中補諸生康熙二年舉鄉試又四年成進士與同年生陳賡明玉璫

沈康臣

傳

十

沈康臣廣范顏修來先敏齊名都下公卿倒屣迎致之以推擇爲內閣中書舍人君固嗜書每入直襖被外攜書卷自隨公事畢輒鉛槧雜誦或行吟陸橋間丙夜不輟由是學日益博詩文日益有名居三年繼丁內外艱居喪盡禮戊午

天子思得鴻博之儒備 顧問於是兵部尚書宛

平王公工部尚書海軍陳公文章論薦君以未終制力辭服闋需次部主事會左都御史崑山徐公復以君名與李公清曹公溶黃君虞稷同薦於朝先是已未鴻博之舉選入翰林者五十人至是

李曹二公辭不至君僅以主事入史館充纂修官

著史傳若干篇補崇禎實錄又若干卷時人稱之尋補刑部仍直史館君才通敏不敢託史事自佚聽斷矜慎雖彊禦不顧也南城武某以一車一馬販米於南花園宿董之貴家董利其貲殺之夜以車載尸鞭馬曳之他去武父得尸於道得車馬於劉氏之門訟之官謂劉殺其子君曰殺人而置其車馬於門非理也乃微行南城外縱其馬馬至之貴門輒跳躍悲鳴銜戶以入君即令收之訊得實寔之貴於法劉得釋去都人爲作馬訟圖賦詩張

王其兄弟

傳

二

之王其兄弟五人與海戶關自殺其病弟而訟海戶於官君微行察之其鄰曰關則有之殺人則未也至王其門其家籠鷲忽羣鳴延頸如有所訴君立逮弟妻訊之具以告某遂自伏既具獄忽二人稱親王使者直前謂某隸籍府中君怒曰吾爲刑官爲

朝廷守法耳必索之當奏聞二人者氣奪其奉公守法皆此類也君既負文望在西曹又能於其官爲尚書蔚州魏公所器

嘗寧亦知其名一日禁中出宣德紙百幅

命翰詹諸臣及羣僚書進擇其尤者廿四幅爲

御屏君書與焉人謂旦晚且進用亡何罷歸初君

爲舍人楚人朱方旦挾其術游公卿間惑其說者

至擬諸大禹孔子君獨作辯道論詆之以爲妖妄

士孝感熊公見其文造廬定交焉君詩才票姚

跌宕其師法在退之子瞻兩家而時出新意古文

尤喜王介甫晚歲爲文章峭刻近之君稱詩輦下

與今刑部侍郎田公綸霞巡撫都御史宋公牧仲

前國子祭酒曹君頌嘉湖廣按察使丁君澹汝故

給事中王君幼華吏部郎中顏君修來工部主事

言不格補闕遺書

傳

主

葉君井叔今禮部郎中曹君升六刑部郎中謝君

千仞相倡和時號十子歸田後鍵戶謝賓客晝治

經夜讀史日有程課將銳志著述成一家之書而

惜其遽病以死也歐陽文忠平山堂傳數百年毀

爲浮屠之居君言於太守金君力修復之前堂後

閣上祀歐公其下雜植花竹梧桐楊柳前賢遺跡

一朝而復其風流好事如此越國之後多家於揚

舊無專祠君鳩其族勅越國公祠而以開國公配

歲時饗祀合族於此人謂君知禮意焉君篤師友

好獎引後進爲立名譽如今翰林編修顏君圖河

吉士史君申義皆是也旣得疾彌留令洗硯磨墨

噢之復令烹佳茗以進自謂香沁心骨口占二絕

句云惡夢虛名久未閒孤雲倦鳥乍還山半生心

事無多字只在儒臣法吏間小住遊僊五十年大

冠長劍亦翛然文章勲業都無是敢與何劉一例

傳大笑呼奇絕而逝實康熙二十七年四月十一

日也年止五十所著詩文集合二十四卷行於世

一子曰葉

漁洋山人曰予居揚州得汪生衆人中時纔弱冠

耳與其論詩家流別甚晰生嘗戲謂王門弟子升

言不格補闕遺書

傳

四

堂者衆矣至於入室或難其人懋麟未敢多讓其

序予詩歷舉漢儒說詩四家授受源流而願居鄭

康成謝曼卿之列其重師傳若此子媿不能當也

嗚呼君之名固已顯於天下矣使其不死當必有

進於是者長轡甫騁而芳蘭早凋悲夫

百尺梧桐閣遺藁卷一

江都 鮑門

己未 庚辰

元旦後一日對酒示醉白

早梅迎暖蕊全舒舊臘風光得似無節序莫如春
可惜飄蓬何幸酒同呼交情半世憐青髮老態連
年數白鬚但得余閑君不出即拚沉醉作狂夫

人日同諸子游平山堂大雪驟至飲真賞樓
走筆得四十韻

時節初逢卯是日年華復建寅一冬常苦旱七日

百尺梧桐閣遺藁

卷之一

一

已驚春出郭宜登陸尋幽怕問津柳容青未著梅
意白如勾凍草承車軟林禽語客馴到山鐘未午
禮佛飯初辰祠宇尊先哲周防仗後人廿年心始
遂八字夢何因結真賞樓初成夢蘇雨文忠公命余作聯勝
余應聲曰登斯樓也大哉觀乎遂用爲對

跡原無敵佳題信有神江山列淮楚人代本梁陳
夜夜笙歌沸朝朝粉黛噴燒香來妙女祈嗣肅明
禮范相宮方楚胡公廟肯薪山傍爲文正
安定兩祠三賢真尚

友百世此爲鄰地脉原通蜀泉源舊出岷一亭依
衆樹片石出荒榛近水烟光活遙天雪意純初焉
猶是霰條矣盡成塵素女翔天關湘娥舞漢濱滿

空交蛟蜃遍野失麒麟著地渾如掌當杯不及唇

迴戈光灼灼奔馬勢駢駢喜勝塞瑤草狂思倒葛

巾步兵厨恐竭公瑾味稱醇接席皆仙客逃名半

隱淪爭先持玉斗攘臂劈銀鱗勢欲傾三峽歡堪

抵一句交原垂髮好飲是布衣真慎勿言通塞何

須辨主賓余今猶竊祿公等豈常貧時命花沾席

遭逢水聚蘋文昌雖失曜士氣已將申曳白驅庸

子飛黃待俊民行觴休緩緩起舞共躡躡晚霽還

移席終筵莫吐茵夕陽看有態積雪浩無垠暮雀

歸飛急昏烟繞舍頻紅樓連市燭畫鼓隔城聞兩

百尺梧桐閣遺藁

卷之一

上

夜期烹韭晴天訂採蓴徵書余嬾問得醉即稱臣

題吳襄宗丈像

伊何人衣白衣廣者目疎者眉口髯髮微有髭問

何學無常師手所觸似郁離踏五岳睨兩儀吉與

凶偶中之非其人搖手辭不耕稼忘寒飢但守道

以待時訪君之廬荒江湄

清明

去歲清明在虎丘惜人風雨閉高樓屢年總未逢

晴日放眼齊看作勝游艷曲初翻難按調妖姬新

館最高頭紅橋蕩子千千萬拍手同聲羨綠舟

過放生堂懷三峯頌公用登閣韻

春去禪房草色深
淡雲拖雨過遙岑
偷閒有意尋蓮社
問法無因見道林
一棹溪山虛舊約
六時鐘磬想餘音
道人莫訝閒書札
舊有奇頌公辨宗旨書塵劫常懸出世心

飲某氏舊園看牡丹晚觀女劇

石家豪貴忽成塵
爛賤池臺別與人
十隊青蛾飄夢雨
一枝紅藥殿殘春
簾前定子歌疑舊
座上章郎眼較新
久笑繁華同逝水
當時賓客漫沾巾

西莊看牡丹

古人看牡丹詩

卷之一

三

日日花前醉聽歌
寥寥春事剩無多
何來異種施檀粉
况擁名倡衣薄羅
淡日烘烟嬌著水
晚風勸酒笑盈波
旁人怪我顛狂甚
髻髻釵橫奈爾何

力臣招飲潯園看牡丹時師六下第歸自京

今歲賞花真不惡
薄雲微雨逼新晴
歸人獨抱蕭條恨
小草偏爭富貴名
笑我春風常寂寂
讓他國色且盈盈
及時杯酒休辜負
無那黃鸝聒絮聲

入吳東原一

嬾事京華役重爲
吳會游微茫愛春水
浩蕩有扁舟
谷鳥晴相喚
山烟午未收
花溪溪上好待我倚

高樓

飲雙泉草堂戲徵牧之體得三首

正憶清歌響遏雲
習家池上忽逢君
奈他酒倦燈殘後
一綈鞋兒出畫裙

昔年小語欲相期
不道春風有別離
惻然背人相向立
一簾飛絮落花時

年紀真如張好好
丰神不似李端端
憐他玉臂雲鬟墮
使性爭強在酒闌

四月八日重過天竺禮佛

看竹曾從上竺回
清和時節却重來
鳴鳩乳燕迎人熟
細蕊幽花作意開

古人看相閣遺集

卷之一

四

漫向邨帘尋酒舍
好隨石室認香臺
繡幃垂處聞天樂
疑有慈雲下九垓

酒舍

酒舍爭傳段七娘
王墳小豆摘新嘗
春殘花事都無了
別有幽芳出院牆

冷泉亭

此亭不厭百回坐
一杖還從四月來
游女漸稀山寺靜
渚禽初下夕陽開
泉聲雨後響尤急
梵唱晚來心欲灰
忽憶蘄王舊時事
跨驢攜酒亦悠哉

從岳墳後尋紫雲洞

昔游最愛湖上水一月看過湖上山幽泉巨壑盡
落手對客往往多驕顏延州吳子向余說紫雲古
洞胡未攀以此抑塞不滿意一棹重向西泠還短
衣振策上高嶺但聞細水聲潺潺樵夫指徑每錯
誤俯視怪石多且頑旁啓小竇浩無底彷彿潛蛟
伏虎蟠其間自謂陰森此洞是仰見一菴門獨關
牽衣十步遇奇石中有大書苔蘚斑倚天石壁削
欲墮支以象鼻如弓彎布席直可百人坐巧鑿似
已經輪般不然鬼斧幾時劈嗟哉造物真險艱陰
崖風磴毛髮豎只恐雲霧迷塵寰老僧烹泉勸我

青衫補遺卷

卷之十一

五

酌世事總讓斯人閒驥文牛疾有古基

洞旁有牛車墓墓碑書大

宋驥文疾牛公墓

荒榛敗棘無人刪壯士一心事武穆死戰

未畢師空班可憐埋骨冷相向天於宋室何其慳
古來興廢那可道揮手高吟湖水灣

湖中晚眺懷舊游賓客乘東承篤明府二首

畫檣蘭橈日日過嬌鶯戲蝶午風和看魚池上衣
香滿弄笛亭前月色多欲雨漸晴山作態似烟非
霧水增波比來光景無分別只自擎杯可奈何
無端哀樂感中年陶寫翻嫌借管弦狎客飄零同
去燕壁人流浪化輕烟轉頭遠有三秋恨放眼能

無一倍憐多謝錢唐賢令尹苦催游騎到歌筵

題承篤小照八幅 有序

明府作小照八幅設景著意各寓生平已
未初夏僕信宿湖山席上出此索題時燭
影歌聲殊匆匆也乃命吏人追於塘西舟
次晨起小雨走筆畧如其意

架上青藤裏細絲芭蕉新綠映流離竹牀一卷教
兒處却聽春聲晚作時

越水恒山望渺然每逢寒食聽啼鴉他時千騎歸
來早正是雙旌上冢年

青衫補遺卷

卷之十一

六

青蒲綠柳望如油畢竟耕田可到頭分付行官稽
與段春犁款款試吳牛

柳浪桃谿總不寒魚罾釣艇繫前灘回頭笑向樵
青說兒子爭持手內竿

初日芙蓉冉冉開越州司馬放衙回笑圍三婦調

弦坐小婢前溪折桂來

開元八尺玉花驄噴沫搖波叫晚風忽聽東南金
鼓急看他神駿欲行空

紫衣枯坐此何人花落蒲團不染塵一夜定中聞

蟋蟀始知金粟是前身

萬疊雲峰接翠微。天風吹冷道人衣。草鞋兩隻何方去。月滿空山自在歸。

贈洞霄宮道士

道人曾住洞霄宮。笙鶴時時下碧空。我到吳山君已去。丁仙祠畔露桃紅。

與孟舉別七年矣。今夏晤於湖上。即別期過。

石門舟中風雨却寄四首

七載不相見。去春曾屢過扣門。君已出繫纜。悵如

何有客傳書札。屬黃九烟招余訪澗阿。喜聞三殿詔

聊以慰蹉跎。時投郵書見訊

言人相相道卷一

七

執手對湖山。相逢却送還。渡頭花寂寂。衣上雨斑斑。

斑遂有香鑪贈。空憐夜燭閒。風塵余較醜。瀟灑愧

君顏。

雨濕輕帆重。風斜小燕遲。寧辭湖上水。恐負石門

期。苔徑呼兒掃。清尊爲我移。昨宵山館外。蟲網定

成絲。

小築在西郭。高吟非北門。久知書繞屋。定有竹圍

邨。黃葉思秋色。

別館名黃葉山莊

丹花照水痕。爲君留一宿。

心事好同論。

飲孟舉橙齋四首

著屐驚余到。開軒一笑迎。樓前花半掩。簾下卷斜橫。細述編詩意。頻嗟久別情。向人真款款。不復計歸程。

蠟燭夜深燒。觥船靜不搖。一童能按曲。吾子亦吹簫。極樂忘拘束。將離恐寂寥。却看雙粉黛。羅袖帶人嬌。

穉子呼來。揮聽明過。袁師座隅。能讓酒夜靜。解聽詩。學圖翁才屈。呼難汝術奇。孟舉出禮某詩及圖詩示兒作他時文選熟。小鳳羽差池。

書畫知余癖。開絨送我還。來箋傳令伯。水樹出衡

言人相相道卷一

卷之一

八

山。念子常懷璞。何當復開關。旅人無以贈。只唱大

刀環。

游上方山

姑蘇好景在城西。四序山光氣不齊。客散盡言春

事最。我來獨聽夏鶯啼。浴珠亭正吞湖水。串月橋

偏接大隄試。上郊臺看松栢閣。廬踪跡已全迷。

再游華山晚經謝宴嶺放歌

吳山最幽唯支硎。一年一過支公亭。支公坐亭梳

鶴翎。有時放之凌青冥。愛馬時披相馬經。神駿疑

是天駒。星支公一去。山色零幽泉。澗雨空冥冥。凡

夫何人家翠屏一水一石皆刻銘迄今墓柏猶青
青法螺巷子門不扃細流曲折流浮萍山深四月
草木馨林中忽見雙姝娉又聞簫管聲冷冷髣髴
此際逢仙靈我思築室栽茯苓道書靜檢延長齡
却顧妻子無丁寧奈何僕夫曾不停催我下山沿
回汀謝宴嶺頭天風腥俯視萬物同秋螢如彼醉
者公然醒怪禽落日不可聽野田麥秀飛蜻蜓

過楓橋

選妓徵歌夜夜豪東南大估擁錢刀誰憐滿眼飢
民在且喜今年米價高

古人稱相國遺業

卷之一

九

日暮泛舟半塘夜登虎丘

一棹送斜日滿溪生夕烟寺昏僧磬隱山靜塔鈴
懸石氣當宵潤星光入樹圓忽然聞笑語燈影珮
聲傳

再過花路三首

不成谿上住轉愛隔年游舊榻封朱戶新題在畫
樓樓名景戴
余所題也池陰仍蔽日石色欲矜秋幽賞宜終夕
清樽緩緩投

繞園惟一水跨檻忽雙橋境比初時開花驚五月
饒琴書真楚楚竹樹各蕭蕭萬事浮雲過蓬山此

未遙

我嬾未能遂君閑應有時避人嫌剝啄多病強支
離薄俗須防忌浮名每自疑高風憶龐老白首欲
相期

姑蘇競渡曲六首

姑蘇五月沈塘灣多少船窓好髣髴戲罷魚龍不
歸去琉璃屏下唱歌還

海榴火齊一般紅斜壓金鈿頭午風半掠蟬紗低
粉額一枝珠鳳在當中

短衫窄袖及時裁半臂香雲項領開欲識真珠裙

古人稱相國遺業

卷之一

十

帶動凌波一對玉弓來

雙櫓中流駕小舸去來爭險只分毫吳兒赤脚翻

騰慣對舞龍環大食刀

碧浪飛空濕畫旗黃龍似比白龍遲吳娘笑背兒

家立指點開籠放鴨兒

畫舸真同水上園鷺梁鷺渚晚烟繁日斜狎客分

行坐更打新填小十番

樓上

歌船散罷總悠悠獨對吳閨水上樓不解箇人憔悴
意比來兩日倦梳頭

團扇

髮紗一抹掩烏雲。團扇時遮月半分。兩岸珠簾三十六。若教卷上總輪君。

匆匆

果然秋水好丰神。却恨匆匆記未真。只有玉纖今不忘。臨窓看寫衛夫人。

俞邵應

詔入京闈母喪歸里相見吳門出。諸公贈行詩見示並索題却贈二首。

千金市駿詔如飛。誰料黃童心事違。官錦未曾遑一寸。悽涼仍是白衣歸。

古人梅開遺集

卷之一

士

墓田辛苦謝公車。爾亦牽衣戀倚闌。出處一時同有意。不才辜負兩尚書。

廢花朝詩爲冒青若賦

曉烏將子正東風。萬樹花開淚眼中。不辨參差桃李色。一時都作杜鵑紅。

題畫

背看芙蓉生水面。倒聽楓葉下船頭。何當明月清無極。一片長江萬里秋。

過雲漸草堂慰其傷逝

每醉君家十斛春。草堂光景自鮮新。花深小屋名

香細書亂風牀。穉子親檐雀比來猶報客。壁琴何事獨傷神。知君寂寞簾垂地。爲少當春燕下人。

七月十八日與叔定家兄別於甘羅城黃河

隄上用東坡鄭州西門外馬上寄子由韻

入舟十日心傲兀。有如逆風神不發。昔別辛酸耶與嫌。可憐此時俱冥冥。今來黃河隄上行。秋雨如烟濕。還沒葛衣一夕生。早涼前夜船頭好。明月平居不識弟兄樂。及至臨歧始悲惻。家事如毛那足道。欲語轉流去忽忽。升高苦將別眼送。遙見五兩自飄飄。點數淮中別幾回。區區爲此卑官職。

古人梅開遺集

卷之一

士

泊古城

殘月起黃河。蒼茫滾白波。廢城昏幾少。崩岸夜蟲多。野濶看星近。沙喧識棹過。忽然聞鼓角。客思欲如何。

重過南池遇任初菴郡丞招飲署齋即別

十年重問維舟處。細雨寒蟬異往時。幾葉殘荷依北渚。一行衰柳認南池。城隅却遇任明府。秋水還思杜拾遺。可惜相逢仍是別。酒樓回首意遲遲。

阻東昌三日飲耿編修公望許主事虞廷宅

寫悶

西地黃沙眼倦看。停橈兀兀對魚竿。舟前花鴨憑
游戲。天上飛鴻自羽翰。杜北韋南留客苦。水桃火
棗薦牙酸。若非爾汝交歡在。無那孤蓬夜水寒。

宿土橋閣

野橋喧晚泊。向夜靜無聲。岸束波偏湧。邨荒月較
明。水禽飛不定。風柳葉爭鳴。耿耿秋燈裏。關河無
限情。

秋果

西行莫厭水程遙。秋果盈筐出市橋。爛熳蒲桃同
白啖。最輕梨子實紅消。荔枝名白啖
梨名紅消

有春相聞遺集

卷之一

七

八月十四夜宿武城

西風吹驛柳。八月尚能青。節近憐完月。城荒落曙
星。昔賢曾作宰。舊俗有傳經。寂莫遺民在。弦歌何
處聽。

歷亭中秋和蘇子由南京寄東坡韻有懷家
兄叔定

驕雲不雨風益高。平野曠望明纖毫。河流漸與海
相接。崩沙百折喧洪濤。我行落落二三子。日隨估
客憂風水。七夕辭家別意多。中秋見月鄉愁起。雲
端月色懸金丸。風吹有耳雙疊蟾。姮娥側坐掩明

鏡。桂樹無聲清露寒。遙憶隋隄。連古汴橋上吹簫
羽聲。變那復清歌開畫簾。但有哀蟲上墻板。吾兄
念我山樓前老梧。乾葉鳴何堅定復停杯。不能進
兒女嬉笑來。爭看去年想見無限好。絳燭高烧照
秋草。今上長安十一回。外州之客將母老。果然不
如在家相對貧。何事常爲行路人。安得耕田識字
不復出。種瓜自號山中客。

唐官屯阻雨舟中寫懷

入舟四十日。忽忽夏秋過。出門荷正華。及此菊欲
破。自從渡河來。塵埃總欲唾。飛蝗遠邨野。百草禿

有春相聞遺集

卷之一

古

如到飢人號。道旁顏色實瘦餓。行行及東魯。一麥
差可賀。近邨見晨炊。泊岸聞夜磨。雞豚不值錢。梨
棗那論箇。客行少嚼啜。賴此餽釘佐。船窓秋日長。
敦敦但枯坐。飽食羞博奕。限書督程課。有時押疆
韻。苦邀同侶和。庶幾振神智。惟恐落慵惰。惜陰在
分寸。攻石須切磋。昔聖猶戒謹。矧我本愚悞。水驛
達都邑。怪風日無奈。兩月少雨汁。黃沙起坳堦。野
店斷烟火。一卒強巡邏。豐年尚盜賊。而況逼賊軻。
京師聞地震。旬日似飄簸。蹴踏骨骸橫。顛倒屋宇
挫。駭走紛羣僚。驚心到黼座。下詔先罪已。遠

近已揚播聞者欲吞聲此變或虛作朝廷實寬
仁彌災重僭荷根本儻無傷枝葉不先瘳立政重
農桑省官賤錢貨興廉與善俗豈被此物泥然
念師友典冊正敷譖在位慎交綏防身凜跌蹉我
來值九日一笑解鞍馱燕市酒味薄家釀倒新稌
白飯爲我炊青蒿爲我莖絮語操吳音狂歌敲楚
些尤思對牀眠無如風雨那寥落阻荒屯沾濕路
坎珂天寒疑鳥鼠川迫似還婆夜久雨轉急側聽
不得臥歷歷響殘柝風攪燭花大

逆風三首

青人補遺卷

卷之十一

五

此去京華隔幾程逆風謾說太無情平生剩有仁
湖福每遇谿山不肯行
拔地風威卷岸塵接天高浪勢嶙峋山中兩脚蹣
跚久策足輸他要路津
生無羽翼可如何仰視鷺鷥與鸛鷖默數十年滿
宦海順流僥倖正無多

憶南食

西風初破菊花枝色色南京入饌宜海岸車教舍
貝錦稻田黃雀賽羊脂蟹將饒罷新篇熟魚欲冰
時軟飯炊莫遣門生重集議萬錢早已笑人癡

齋

浪殺能鳴與伏雌比來十日太常期恐虛朝菌初
生意不忍秋瓜欲落時逞味韭花空自好報霜菜
葉正嫌遲周妻何肉憑相誚只詠河魴宋子詩

晚

短日逼殘秋昏昏欲白頭三年別京國兩月滯行
舟白鳥浮寒浪青楊落戍樓鴉啼邨又暝燈火正
生愁

入京呈孟都公

青人補遺卷

卷之十一

六

宵旰匡時重老臣朱顏還復似青春乞歸累疏思
田里奪請頻年賴聖人未許抽身稱學稼久知
濟物號知津即今要遠平泉志須待西南叛國賓
重九前二日其年升六子綸頌嘉子靜舟次
家兄喜余抵京集飲頌嘉邸齋同用六月韻
舟車兩月幾曾歇昨到城門日將沒下馬踉蹌解
弓箭入坐從容整巾襪故人驚我未老瘦似謂平
生厭嫌蹤跡豈料同觸羊時命早知遇磨礱三
年偃臥棲碧山十度還回望丹闕不堪覲面稱臺
郎直可藏身作街卒不才那足遣人知無狀定須
行自核威彼馬得復馬失莫欺狐埋與狐搢方驚

地軸翻巨鰲聽說天門掃流亭吾徒對酒聊偷安
風昔逢場笑干謁嵇生自顧玉山頽李侯豈受金
谷罰虛名不欲歌五噫妄語何勞矜七發爭奇角
勝齊開張摘伏攻瑕顯嘲訐到底同心比唇齒豈
有他時異子鉞一生着屐能幾兩百計營生苦多
窟及時且挿頭上花何難直棄囊中笏

九日游黑龍潭同其年升六子綸頌嘉子靜
舟次家兄再疊前韻

風定塵消雨初歇壇樹秋陰未全沒共向城東試
布襪較勝江南擁羅襪肥者大肉硬者餅嫩者晚

百八集相國遺集

卷之十一

七

崧堅者斃酒徒強食喜無恙舊友彈冠如見蠡山
林巖廊等閑耳漫說南山與北關笑彼捶車真豎
奴竟欲揮戈傲強卒擊球走馬亦快事博士酸寒
苦相核人生性情貴自適水清豈受土者捐用呂覽

何妨把酒邀長星莫謂披朱遇淫亭自昔還山習
老嬾只今出閭疎朝謁冷官原不一錢值熱客真
須百杯罰野田韭葉暖正花荒籬菊蕊寒未發頭
上冠欹不須正坐處文成任相訐佳時但得常持
螯爛醉公然勝秉鉞景景威彼柘下人寂寂空存
墓前窟連袂高歌歸去來指點西山幾枝笏

子綸工部地震後移居作詩自嘲依韻和之
京兆有書充幾車口艷異味如子家橫身藝苑肆
游獵怒驅快馬追麋鹿冬官邇來罷營建日色未
午先放衙新移小屋在深巷窓戶且免東西斜手
齊亂帙但高枕屋角艷艷東籬花回憶溟渤巨鰲
動一舟掀簸隨神鴉即今將身出逆浪安穩儼聽
回帆揭且買雉兔試一割解衣飲啗追義媼

宿夢敦學士邸第夜譚達曙屬作詩記之

綠垣陰森日將晏太液蒼茫好林澗宮柳幾葉黃
半濃禁葦千行綠全蘸下馬直入學士廬小鳳趨

百八集相國遺集

卷之十一

太

迎昔曾慣謂由臣庶常燈籠向夜君始歸霜雪三年異
毛幻故人高飛勝鵬鴉賤子卑棲等駕鷄倉皇他
語不及申急喚盤飧咄嗟辦中男別時才及膝倏
已森森兩角小者嘻笑向我揖競前問事語多
嫺懷中昨歲重添丁齒昔迎秋色初綻中厨已訝
烝豬雞改宴還驚足爪辦久知薄祿難療飢八口
嘈嘈那辭訕階前楚老移帽覆室內桓君剩腰褰
看君顏色能不憂日侍彤扉草金鑑官門下馬驚
羽林殿上傳殄走官監金貂屢賜人所稀玉勒頻
參孰能間似此得志比鱗翼何事懷歸憶葑菲恩

依鳳關雙脚深山欠龍眠一舟泛苦言茅屋思夜
綯妄想溪魚任朝山便腹自合享鼎鐘詩腸未許
飽藜莧且舒布被踞足眠秋夜天明香難盼牆根
喔喔聞老雞雲外難離度斜雁忽聞樞馬走嘴枯
又聽疲驢冷爭秦山童熟睡叫不起公子開簾自
來觀貴盛依然似賤貧自是平生熟愛惠閒齋月
白窓紙鳴轉類空山響清梵欲期竹杖還烟江須
待金戈掃雲棧顧我疎慵無遠圖先弄扁舟曬蒲
帆

贈相人

古人稱相開道業

卷之一

尤

易與難顏久倦游懷金食肉也堪羞自知骨相尋
常甚嬾把空言奪應侯

題畫扇

藍菊枝枝染暮霜蘭階草色正蕭涼蜘蛛一點紅
如血著在秋花引蜡螂

拜王文貞公墓二首

曉霧漫天雪意濃白雲回合在西峰看碑忽作前
賢勸滴酒空思舊日容凍淚兩行沾近土梅錢幾
葉上高松平生不效羊曇泣無那懷涼午寺鐘
憶共深杯大載前青箱堂外桂花天畫圖詩卷當

年贈苦語溫言別後傳盧居厚手書在存愧不能文
銘隧石幸猶借樹傍平泉每當落葉吟風夜痛認
東山舊管弦

韻

飲頌嘉寓齋醉後指盤中蚶子作詩得四十
角飲已中夜放筋恣飛談主人忽擁舉而我方揚
駢敵幟正徐樹物類須細單大獵想霜兔小餒遭
泥蚶蚶薦衆猶濯手勞吾最諳胡爲閉巨口更爾
衷堅錫縮頭類養息偃蓋如懷慙了然混頭目一
氣誰婦男吸哺豈擬屈和塵或師賸無聲玷恐再
春
古人稱相開道業 卷之一
春
春舌籍維三稻梁不得厭沙水時一貪折足等秋
蛻昂頭輪春蠶心隨腐草死性與頑石愁屢接拙
難吐貝珠窮不舍味已異蟹蛤脂尤非鷄鵲盡掩
或漏網小拾常盈籃名可假白小肉差比黃柑所
勞苦細嚼何當煩嚴戢當其飽海氣亦復沾山嵐
植根託碎礫綿種沿荒潭嚴若介胃列參如毛髮
耗朋黨結蜀洛兄弟齊言譚薄怒排密齒盛威張
前奔哈喝肆腥沫彭亨漲狂痰豈知落盤案遂爾
資酸甘衣以糟與粕食以汁與泔反復養不靈宛
轉類且酣觸七每每重下酒稍稍堪客死久西北

滋味懷東南。羈房美莫致。瑤柱芳誰探。瓶罍思累
累。方法徒誦誦。只此快投李。不須歌采藍。寒官熱
藜藿。舊好聯裾簪。一味必同試。小鮮敢獨婪。吾徒
豈守寂。茲樂聊且湛。妄語雜無緒。彊韻危能擔。揮
灑到天曙。拂沫忘朝參。檐星淡欲落。街鼓寒猶飮。
嬾歸維摩室。寧共彌勒龕。可憐黃州老。戒殺宗瞿
曇。

臘月一日廟市見海棠探春盛開各詠一首
糞塞金牛路。不開西川錦樹已成灰。五丁不及園
丁力。右手能移蜀道來。

古人梅補遺卷之十一
地爐火急報春知。雪滿朱門綠滿枝。不信天公分
冷暖。四郊青草獨生遲。

題方渭仁編修健松齋

齋前老松圓幾圍。霜枯雪厚雷雨霏。秦兵楚炬屹
不動。百卉瘞死枝偏肥。將毋鬼神亦利勢。畏此十
八公。靈威我聞茲。園昔開鑿池心古。鏡含晶輝盤
龍背。面鑄就道此鐵。或伴君王妃。神物隱現莫能
料。走入地與松根依。千年茯苓待夜劇。食此竟可
長不飢。君家喬木本南宋。蛟峰先生曾閉扉。
宋淳安方

達辰官吏補尚書力張貴似通誤
國乞歸杜門講學號蛟峯先生
石英山中白石梁清路

洞口清泉稀。果然秀發得。吾子出典制。作紛貝璣
每每攀條法。先澤松菊雖荒安得歸。他時為表隱
士宅。咫尺相廬方雄飛。

百尺梧桐閣遺葉卷二

江都 汪懋麟 蛟門

庚申歲

清明同大可子靜家舟次朝彩游摩訶菴四首

春風如雪滾黃沙何處從看柳勢斜却喜才收寒食雨添衣時候不吹花

摩訶菴子絕纖塵杏白梅紅次第新此地若教春好在未妨常作住菴人

乞得山泉解鉢囊紙窓潑眼送晴光竟須企脚蒲

百尺梧桐閣遺葉

卷二

一

園上消受紫簾一炷香

毛公檇散更權奇少日薰香喜弄姿醉向花前調

遍疊一天春氣颺晴絲

由西隄至裂帛湖上作

暄風吹沙昏九衢馬上不辨黃眉鬚出郭十里見

清溜快如箭水奔驚鳧兩隄楊柳亦漸綠久行成

巷聞提壺水田每每作井字長腰秋實如牛酥山

行得水已足貴詎料明鏡還平鋪微風吹浪疊裙

翠煖烟噴沫紛星珠水禽一點帖波去雙翅掠開

青芙蓉此景的的似吳越快刀剪斷錢唐湖初秋

見說菑萑盛碧葉如蓋千花扶菱角茨嘴嫩可剥乳飴不羨含宮妹前代龍舟日臨幸儼入漢武昆明園舉網巨魚應手出玉顏一笑羣妃趨只今金鉤尚盈尺野人偷網時沾濡我欲誅茅隄上廬夢想聊慰杭與蘓日日紅塵束帶何爲乎

萬壽寺永樂鐘

寺在西直門外七里先是文皇冶銅鑄大

鐘高二丈餘圍數十抱內外書華嚴經八

十一卷銑于間書金剛經一卷舊藏漢經

廠萬曆初勅懸寺中日供六僧擊之天啓

百尺梧桐閣遺葉

卷二

二

中不復擊今置地上

下馬一逕入山寺到眼突兀逢大鐘特立儼然鐵

色壁畫蝕日月含霜風圓肩潤畧四裙裂巨靈縫

掖凌華嵩又如奇鬼夜被甲面敵審勢將急攻八

牛之腰數十抱筋骨五節凡十弓通體真書巧鈎

畫大如丸彈何其工手摹口讀莫能盡厚腹妙楷

仍在中兩經何止十萬字或云宋克沈度同磨礱

文皇內篆性喜殺髡奴婦亂誇壹戎白骨如山正

人死諸惡欲借空王空銅山鑿斷應鐘出夜火高

燒三月紅萬曆年中勅懸此六僧遞擊千靈通谷

聲遠應數十里一氣直達咸陽宮當時妃后頗好
佛此物得令聲隆隆啓禎以來遂寂莫埋聲厚地
秋草豐滿牢縮頸似跋鱉昔何智慧今何聲安得
剗苔剔蘚置妥帖重與景陽長樂爭明聰

爲尤展成檢討題畫即用尤起句

家在江南楊柳邨一池清漲未全渾年時記得開
軒坐粉蝶黃花直入門戊午暮春飲水哉
軒時菜花如錦

家在江南楊柳村白梅盧橘日傷魂那須便草歸
田疏待賜頭網眼未昏

觀小伶邢郎歌舞和司農公韻

青人梅閣遺墨

卷之二

三

密坐金屏聽玉漱梁塵不動絳雲高未知得似平
陽舞一點紅酥綻露桃

半臂香羅穩稱身可憐新柳欲搖春不須邢尹重
分別淡薄衣裳也勝人

雨後詠瓶中芍藥二首

七年不踏豐臺路到眼何來金帶圍花憶廣陵連
日好人憐京洛幾時歸森森曉態方臨鏡盎盎濃
香欲上衣却顧病身如此瘦耐他繁葉十分肥
天街餘濕尚沾衣無限名花捆載歸不信數錢移
爛熳肯教一雨失芳菲深紅淺白爭相妬癡蝶狂

蜂窠亂飛騎馬來朝西郭去繁花落掉向晴暉

莫春過樹百寓齋出姬人顧榮可玉山堂詩

卷見示兼聽小史雲岫彈琴三首

丁香葉大碧梧新愧爾釣簾岸憤人讀罷玉山堂
裏句支離真負一年春詩中有支離已是春
相負之句余最賞之

孫郎解珮得青霞姬名也並坐春風一笑譁怪底閑

房多秀氣顧家今已勝喬家

紛紛飛鳥倦知還一曲清琴萬慮閒休道白雲無

意思出山未久即歸山

贈大可姬人曼珠

青人梅閣遺墨

卷之二

四

荒邨侍婢賣珠回補屋牽蘿曉鏡開怪底紅顏如
芍藥妾家生小住豐臺

卓家少女好顏容一曲朱絃意萬重早與相如心

暗許誰言恭敬借臨邛

玉體橫陳病嬾扶藥爐經卷在紗廚昨宵夢得楊

枝露從此香名號曼珠

甘著青氍毹厭負抽書賭茗送殘春得披宮錦尋

常事喜嫁毛公是異人

病中展水壑見題小集絕句吟賞久之即答

原韵

閉置籠中似剪翎
瘠飢不愛五侯鯖
市樓見說新
筇熱輪爾臨街倒玉瓶

因病成閒起較遲
釣簾已報日中時
把君好句過
長晝消受輕陰細雨絲

蕙陸誰言格調低
海中仙樹少人躋
一花一實三
千歲不與人間論棗梨

送勞書升之任黔中三首

十年纔接席萬里又分攜
箬嶺連三峽蠻歌下五
谿建牙參野外馳檄夜郎西
見說驅羣盜行行罷
鼓犖

香林閣遺集

卷之二

五

旁郡饒清致休嫌物態荒
溪中撈蟹異井上釀泉
芳峒被秋眠穩蠻花雨際香
諸苗迎候遠重觀段
文昌

如何銅鼓塞亦有石門山
風景憐殊俗林巒想故
關時艱爲政好地迫得官閒
名姓中朝識徵書早
暮還

洗象

都城三伏交百物困塵鞅
思澤急沾灑洗滌到羣
象官河雨新足細流成滉漾
羽林喧金鏡畫旗夾
仙仗遮眼山岳來澗步孰能像
周折中規矩從容

合俯仰大腹垂彭亨
癯骨立骯髀牝牡固有匹
後先似糾黨見水意先貪
隨波臂爭攘圍官有次第

一浴必令兩淺波不沒膝
深壑才及顙重若沉石
犀疾如放妖蟒飲牛未足形
徒鯁差可仿豈同龍

馬負徒作鯁鵬想長牙互開
張萬斛駕雙藥巨鼻
時卷舒危檣自惚恍此物閑
空旣猛氣久快快得

勢即思逞顛倒困厮養蠻奴
好身手翻身却騰上
踞背爲爬搔公然關病痒縱橫
馬離銜放逸兒脫

桎自塊臃腫形難爲耳目賞
噴沫汚岸人此意毋
乃莽園官急掣金掉頭不敢
彊出水轉殷棘就列

香林閣遺集

卷之二

六

恐遭杖額此龐然軀畜產本
荒壤遭焚理固然被
驅罪豈枉謬竊將軍名歲糜
幾品饗一大百用拙
致遠莫能往由來儀舞朝班
列偶用掌異物非所
矜聊受遠人享駕輓與服箱
器使原不爽詎因齒
革奇遂謂牛馬長王道本巍
巍天門實蕩蕩載頌
旅焚篇自茲謝交廣

送梅耦長南歸兼簡淵公

入洛固足豪還山亦云高二
者儻不遂此身將焉
述比年盛文賦僞學如蠅毛
懷刺謁卿相所向莫
一遭紛紛槐與柳執辨艾與
蒿吾嗟宣城梅譬之

西池桃鵝肯同并。率一半供蟾蜍。秋林迫歸思落。
葉不得牢敬亭。好山水結廬期。索綯竊恐玉在璞。
光輝難遽韜。君家大小阮。同時揚風騷。一笑竹林
下。清風聞九臯。爲我問訊之。遠夢使我勞。昨見所
畫松百尺。垂猿獠對此。想奇氣大壑。驚莽濤安得。
移直幹爲我清塵垢。

送水壑南歸

薊門秋氣日陰陰。不許霜毛不夜侵。晚境易添孤
客恨。災年尤繫故鄉心。敝廬商略教兒補。濁酒殷
勤對婦斟。可惜久虛詞賦手。霸才何日起陳琳。

卷之十

七

題牧仲雙江唱和集後

橫江館外大江秋。八境臺前月滿樓。句子怪多湖
海氣。黃州才歷又虔州。

畫松歌寄淵公

老瞿畫松如畫龍。突兀半壁蒼雲濃。通身鱗甲隱
復現。爪痕劈破青芙蓉。一枝過澗渴蛟怒。一枝挂
壑驚濤春。三枝兩枝互糾結。高低橫側紛闢攻。有
時端嚴作直幹。崩髯意態老且恭。冰枯霜裂古雪
厚。六月對此疑窮冬。俗人見少頗多怪。不知畫手
何所宗。苦言懸針與垂葢。引古謬及秦皇封嶠人。

意思那可測。奔犀怒駁盤其胸。知君曾躡黃山蹤。
選奇高坐朱砂峰。神飛魄竄巧描寫。自然標格非
凡庸。宛溪遙隔秋溶溶。每每見畫難思重。曷不畫
君兼畫僕。老松磐石雙扶筇。因風寄我開塵容。

題山陰圖

誰家閨子枕山青。見說剛鄰曲水亭。欲語芙蓉秋
的的。將眠楊柳雨冥冥。釣簾正好安吟榻。閑息還
宜展道經。禹廟鮑山知近遠。放翁曾此鴨船停。

閏八月十五日。遊南塢借樹園。晚際看月。明
日適歷西山。抵暮再宿園中。凡兩日。夕始返。

卷之二

八

用廬壁野堂舍夕清五字爲韻得五首

秋信行及閨。氣候不少假。林葉墮客帽。冷如山雨
灑。入門見紅柿。半熟漸可打。最愛青桂枝。芳芬坐
其下。海棠初過花。殘藥尚盈把。顏色若放妾。泣泣
有餘冶。前軒頗疎快。所宜在春夏。峻嶒有高臺。登
矚見原野。西峰翠欲滴。玉泉響如瀉。乘興往遊之。
殘雲送驕馬。

繞園富雜樹。突兀惟高楊。垂綠儼峭壁。一半遮其
堂。下有百丈井。曉汲聲蒼涼。遠灌菜畦曲。細潤羣
卉芳。北道少泉脉。得此真瑤漿。看柳與聽汲。竟日

依東廂

向夕野烟暝圓月開鏡函金鎔耀離采萬景無不
含對此急呼酒一飲爵輒三百斛頓垂罄藉艸聊
清談寒螢與蟋蟀碎語橫相參將毋箏笛耳聽此
多不堪絲竹原偶然荒寂余所甘

尋山不知暮修已日再夕好月覺微破猶然照故
迹人事豈常滿念此最可惜京城揚風沙天色不
易碧秋河憐皎皎大星看歷歷浩蕩開我懷有酒
那辭喚

晨興望城郭還傍西隄行回思昨日游多非人所

重刊增補遺集

卷之二

九

更廣泉路崿絕一線牛羊爭玉華固陳蹟晚景幽
且清謝柳有深癖此事非好名青山當良友欲去
增別情勒馬且須更秋水孤烟生

九日頌嘉招同諸子飲黑龍潭得九字

客京十一載倏歷九重九中間閱歡場樂事無不
有平曠愛空潭每歲此遊走環湫龍所家作雨時
夜吼枯松老不華空腹削如剖見說蘊奇怪出入
藏橋更白楊聲尤堅風來不肯受敵關相鳴悲聽
此百合朽大叫趣行觴開軒面南敵蒼蒼者何物
霜後裁晚韭韭花正逞味蟹螯持左手右手不得

閒滿持靈英酒斟酌墟墓間那得不濡首初月如
好女窈窕勝疎柳夜色淨如洗野曠散列宿有客
醉言歸我狂掣其肘清霄亦易旦好顏亦易醜春
秋兩佳節此尤不可負菊花本何物似與我情厚
大笑能幾回見此即開口勿逐名利徒一生徒苟
苟

益都公與諸子雪後遊祝園余未及從見示
長句依韵奉和

霜林乍丹十月交雪意初酣片雲凍跨馬傳爲杜
曲游空齋側想神飛動歸來示我雪後吟華館張
燈照檐棟我公吐詞如怒鯨羣賢競爽疑翔鳳竹
裏盤餐次第陳筵前林木參差貢畫鼓從教緩緩
擷玉簫正爾遲遲弄檻邊梅綻香未殘地上葭飛
月將仲我有青銅杖底錢紫遊韉穩還重控

益都公招遊怡園奉和原韻

近闕成幽築江湖寓此心疏溪繞百畝種竹已千
尋傍水軒窓淨依山洞壑陰來當殘雪後端可奏
清琴

直北起層巒西山晚翠寒只思驅短策不似在長
安磴絕驚飛鳥松高響急湍冷然疑羽化豈復歎

泥塔

先人墓門封樹告竣叔定家兄以書寄聞悲喜交至口占奉答

墓門封樹說崢嶸敢望袁安席上卿辛苦三年求
墓地道旁曾遇幾書生袁安父沒母使安訪求墓地道迷三書生乃指一處云墓此當世為三公須臾不見故累世陰盛

送高念東少司寇予告歸里和司農公韻四首

身依魏闕志江湖共訝先生意態殊老眼昏花看
熱客白頭零落著潛夫衆中諧笑同心少醉裡狂

言人排相贈道書

卷之十

七

吟和者孤似此時人何處著為君聊寫赤松圖

已知禁網聖朝疎牘背閒題得自如豈少身陶

稱法吏不須子產著刑書園空但得常羅雀身退

何妨竟毀車七十乞歸歸正好白駒場藿獨愁余

不畏西風更障塵青門回首得閒身山中自有三

間屋膝下初歸萬里人時公子自歸鄉里却看鬚鬢舊行

藏轉覺去來新果然父子躬耕好穩醉田家趣未

春

方袍竹杖渡豐河消遣殘年可若何蕭寺閒行堪
芋少虛墮夜槽降真多天台有夢招猿鶴吳苑何

心乎綺羅若使巾車申後約揚州山色有摩訶揚州之約

贈徐贊善五首

東漢善推士稱張皓王龔陳蕃與李固一一為所
庸秉心在通汲自為衆所宗奈何臧孫辰常令柳
下窮薦達收器用此心原大公甘塊牛醫兒不屈
矜高風

有客妙推獎謂君負氣力直繼合肥公廣大不可
測豈少英雄人傾倒受卵翼更進一字箴所歡在
用識似謂薰與猶宜別白與黑水渾魚所官弦激

言人排相贈道書

卷之十

十三

鳥避弋由來蕩蕩胸何嘗事豁刻

雅頌不可作洵洵江河下反古為清吟態度實瀟

灑懋也肆狂縱蘇陸間披瀉對君慚冠裳短衣不

掩蹀往往奉良誨磨治到礫瓦龜勉就追琢庶幾

收朴野習氣苦未知此過行將寡

名園有花谿招遊每春仲隔江有平山君時躡飛

輦相遭即泥飲每醉雜嘲弄今觸東華塵游宴亦

時共下直過西苑雪意正飛動聯步趣蓬瀛恍疑

少霞夢冒干司諫嘆考功法幾中聖明恕散吏不
忍奪微俸與君且沽酒此事頗驚衆

我閒無處著忝竊事編纂疲馬強驅策日夕猶在
館嘗笑務觀愚炙冷不及煖陸放翁來勸修史有炙冷不暇嘗之句諸賢
敵邊固自合容老嫗君才十倍加高提赤玉管上
下三百年踟躕意思滿欽手且避之請君補我短

讀東漢書偶題

吾愛臨涇李叔英西方持節樹威名金銀婢馬都
無受布被羊皮了一生

歲除司農公以太和春一瓶真定韭六束見
餉口占志謝

步兵厨外日逡巡僕射何如此樂真縱有好官思

百尺梧桐閣遺葉

卷之三

爛熟只須常醉太和春

白菌青蔬守素風笔羹不羹大官慈雪中春韭堆
盤美儲食真能做放翁

百尺梧桐閣遺葉卷三

江都 汪懋麟

蛟

辛酉

題此瞻學士扈從射麋圖和存菴詹事韻

羽林健兒熊虎軀生小射獵君王俱捷如黃鶴翔
雲衝翻身疾點春草鋪繡襦袴褶青搖綸雕肝咤
叱顧盼殊春霜如霞光塗塗長楊館前花萬株百
物乘令齊榮敷驪駒駢駟驪驅賁育絳噲褒鄂
趨忽傳宣索拳毛駒大羽之箭張軒弧帝言學
士神采都錦靴金鞍騰雙鳧黃塵突起奔膏虞引

百尺梧桐閣遺葉

卷之三

一

滿馳逐蒼鷹呼一箭正中羣驚吁連營規地罰賓

輪中殺下殺充細厨燔羊椎牛斟錦繡頒賜先及
侍從徒始知白面非腐儒此時意氣橫八區佳哉

學士眉與鬚欽手鵠立玉座隅被服輕溫貂貉狐
紫羅照耀腰黑張豈但繁弱兼屈虛皇仁夙昔

矜天雛蒐行恐踐春田蕪下令戒彼山澤虞火耕
水耨嗟農夫君吁臣涕良然乎上林之賦空有無

同子靜舟次朝采過天壇道院看牡丹和鐸

堂詹事韵二首

騎馬到仙壇憑欄問牡丹當風香已足承露影能

團綠重繁陰密紅銷晚態寬餘酣真被酒趁取夕陽看

濃芳今已暮幽賞轉嫌遲欲借春三日還留藥數枝元與休作賦供奉有新詞不易逢傾國誰教緩玉卮

同展成攜酒怡園陪大司馬王公遊燕竟日得詩四首

北苑稀栽竹南堂况面谿朱魚分符出翠羽隔烟啼宛轉逢窓戶蕭疎想杖藜百年存孺慕不爲慙幽樓園有慕蘇爲文貞公築也

有本相閣連筆

卷之三

二

沈流何處入飛瀑響潺潺靜疑聽雨松高偃在山風軒蕙枕簟水檻起烟鬟忽有江湖興輕鷗個個閒

高閣驚雷動層臺報雨來滿園濃樹合一道夕陽開勝賞陰晴見清言弟子陪莫辭藜藿意石上有流杯

對客羣峯侍當筵晚色添美花沾薄霧細草映疎簾廟畧朝廷重台星太史占巖廊林壑在出處道能兼

三月晦日漫興五首

吳閭曾賦送春詩絃管聲中落日遲寺外使船紛似織樓前人柳密於絲一行入洛湮塵土兩載離

家負歲時墮綠飄紅空滿眼幽懷但有白雲知年來光景幾篇詩中酒昏昏起較遲習嬾舊拋牀上筆早衰新鑷鏡中絲楊花作勢原乘令燕子投人已後時輸却無情窓下草榮枯不受蝶蜂知

自來玉局嬾題詩可惜韶華不肯遲甚欲飲醉兼近色妄言吹竹與彈絲三春好景多虛日一刻東風刺此時轉怪啼鶯苦相喚丁寧花落爾曾知

洗硯微吟自在詩烹來茗粥不嫌遲靜看香篆低

有本相閣連筆

卷之三

三

簾影點聽飛蟲繞幾夜惡風初定日一番小雨乍晴時此回天氣宜商略已有爭喧芍藥知

近愛元和以後詩冷吟閒醉意遲遲停機倦掃難成錦下箔餘香不吐絲任彼是非甘忤俗已拚棄置惱逢時相如大有黃金在詞賦何勞世上知

同子靜舟次朝采飲豐臺芍藥花下值就斯

詹事祀瞻學士至晚歸再邀頌嘉集子靜寓

齋同用十藥

首夏氣暄暖百物勢燠灼卉木各競妍顏色亦爭託漲眼耿飛埃竭翼同倦雀何意郊垌間成此真

率約入林得芳圖脫帽坐溪閣前有十弓地中有
三畝藥朱白既淺淡紫翠更濃著有如紅玉姬摩
妝不可謔又如青裙女乘風儼將作花頭非不繁
花香亦不濁所惜燒婪尾乃令殿春脚苦遭狂蜂
喧忍受粉蝶掠含仁讓李梅守義愧藜藿植體已
非時弄芳總云錯賤同薺麥沾爛與薤菜斫尤惜
登虛筵徒用勸深爵顧此方嘆噓忽然聞刺啄安
語勿復煩餘杯尚堪酌形骸或可忘飢餓莫嫌薄
禮數留巖廊蕭閒且林壑斜陽低戀人歸馬仰趨
郭卜夜燈再燒窮歡友重捉人生金繞身不如杯

青不格相開連筆

卷之三

四

在握感彼將離花安得不爲樂

在昔一首贈前廷尉李映碧先生

在昔莊烈朝國事足驚咤卜相既屢非登壇復輕
罷所以中原危乃令君盜霸至尊徒憂勞廷臣自
閒暇虎鼠日爭雄門戶肯相下可憐章奏間但聞
臺諫罵封疆等兒戲節鉞供驅嚇每因黨局攻即
以邊禍稼武臣無所施勞吏不少借見事昂首趨
遇難斂手卸執支大厦傾坐看頽波湧是時得廷
尉獨立樹聲價蜀洛耻依附權倖敢彈射慷慨論
辦賊支離惡築舍所急惟勦撫所重在耕稼隻手

扶日輪片言補天鍊方期薄海晏詎料鼎湖夜世
已忘晉魏公遂反頽瀾短褐謝簪裾長鏡事桑柘
土室暗莫窺心史吁可怕遺恨痛溫周餘生羨文
謝慙也仰白衣無由訪黃帽前年几杖間竊喜笑
言乍文字許往復論議互迎迓南北授簡冊梨棗
願憑藉自矢藏名山豈合置高架朝廷重前史中
承勸修駕時壽維云夥談遷此其亞先生臥不起
小子出堪訝驪首尚低垂驚足敢連跨今子富文
藻深情敵烟姪分編共筆扎接席同臘蜡每思
尊鱸時時說程穠感烏望風巢愛日倚雲樹我知
丈人強猶比少女姪湖鱗割初網邨醅壓新酢節
物登暮春冠巾岍長夏興至或據梧狂來任舞蔗
綴羽憐文禽毀臍笑香齋嗜能涉波瀾廷頭望嵩
華

青不格相開連筆

卷之三

五

送樹百給事使閩

疎雨淅炎溽潤物如流膏葉沃沃以先新蟬聲咽
嘈是時把使節馬足何其高茲行有三樂負此可
以豪得士報主知所貴搜譽髦八閩蘊才傑文
字紛牛毛有目似巖電自然佳處遭君從入華省
將父思告勞何意被宮錦過縣烹豚羔老人望弄

孫此權當自操勿效謝安石竟為婦所撓吳越富
好女雙頰燃天桃傾城悅名士何用琴弦挑雙珠
果然獲萬事皆秋毫側聞無諸城仙嶺翔巨鼇兩
山列旗鼓天風揚海濤早秋熟荔枝香色羞蒲萄
水鮮螭房擅豈更思蟹螯吾徒戀游眺亦復耽丘
糟安能共偽學齒舌徒囂囂君如鷹脫鞵奮翼不
可條余若鳥剪翎閉籠將焉逃感君苦相勉藏器
聊晦韜其如夜懷寶苦遇奇鬼鑒自此誓卷舌不
作寒蟲號閉關謝俗物妙理參濁醪

哭伊中丞三首和祭酒王公韵

王師圍六詔金鼓震全川只恐疲軍食應須減寇

七

烟韋臯空有志李穀竟無年安得聊城矢蒼茫憶

魯連時圍洙
數月矣

猶記臨分日刀環仔細看暗憐雙鬢白早畏尺書

丹慨慷方乘傳淒涼忽蓋棺燈昏歸化寺戰雨夜

漫漫公在滇寓
居歸化寺

遺表蒼皇發軍書火急行薦賢心最苦破賊恨難

平鐵柱功誰紀金沙夢自驚可憐丈夫淚空灑女

郎城漢有天水城為
李穀女秀可築

就斯詹事引疾乞歸優詔慰留和叱瞻學士

韻奉簡三首

未許名成便乞身聖明原自重儒臣久知澹泊
違時好更賴孤高領搢紳正殿起居方執簡扁舟
笑傲憶垂綸似君骨相宜廊廟漫擬嚴光一輩人
世事渾如百折灘紛紛棋局肯休官但乘時會思
攘臂謬託疎庸說挂冠白首已拚常採藥黃麻豈
料勸如餐賦詩內殿知才子絲筆從來氣象干
用拙方知吾道尊傳來天語亦何溫平生不解
他途進獨立惟邀聖主恩賜藥時時煩禁苑
避人的的掩衡門秋槐落盡無人到衣上何曾見

王師圍六詔金鼓震全川只恐疲軍食應須減寇

七

酒痕

答叱瞻學士見投原韻

驚人無句問青天一卷蟲魚手自箋虛擬楚狂鸚
鵡賦嬾調蜀客風凰絃不才枉辱時賢忌有恨惟
蒙學士憐但說長楊先罷足八年前已避瓊筵

獨酌詩四首

入京六移居跼蹐少歡樂突兀見梧相似我山中
閣清陰實疎快錦石亦紛錯雨過聞新蟬秋聲遂
交作獨坐命一壺欣然自斟酌商歌本無意聽者
疑有託久笑王郎愚拔劍但空斫

青銅數百錢買花遂成吟安榴竟垂實細竹且行
筍海棠與蜀葵枝蔓各相引顧此欲爛醉持杯那
能忍其爲空尊愁尚有衣可準阮生雖云達苦爲
步兵窘美醞貴自謀官廚吾所哂

飲酒貴快意安論斗與石鄙哉淳于髡所見亦何
窄取媚君王前終爲遊說客吾愛五柳賢獨酌自
成癖南山色正佳東籬菊可摘一醉便高枕不知
日既夕

人言飲酒樂何如作僕射此語近好名聖賢無假
借養牛與上尊至死不肯罷涓滴必自貪路壑任
人罵世無伯倫輩濁醪亦減價安得其酒入糟丘
卜晝夜踞此可以豪豈屑易王霸

夢中詩

辛酉八月六日夢行沙水上見一井井上
有亭井中白氣上騰如縷旁有老猿守之
自言止宿井中井水甚甘欲煮以酌余時
風雪大作雪花片片著衣上余欲辭去猿
忽僧帽方袍揖而固留又一道士來相與
對坐優侍於側因口占一絕以荅之醒來
枕上不忘一字

洞裏袁公亦太奇白頭深著道入衣丹砂賁就腰
人喫大雪漫天不放歸

同展成入直史館蒙示和謝惠連秋懷詩走
筆和之

束髮學書劍不成良足患抵掌笑齊人所知但管
晏勲名雖云高金石亦易爛不如腰長箭秋空射
飛雁不然擁名姬春風醉羅幔安能學縫掖巧黠
各相半余也率性人平生實寡算行藏一錯料遂
遭小儒慢低眉就纂局非隱亦非官常笑陸務觀
奉祠本閒玩何事效辟壽敗筆較書翰小吏督日
程竟使手足亂悲心對冷炙每每忘昏旦余復蹈
苦轍青簡幾時煥兩見堂瓦霜攬衣自與歎露葉
空垂珠飄零那成串

題江邨垂釣圖爲高澹人侍講

柳色溪光欲染天洗頭時節草如綿此間垂釣非
容易蝦蟆通君且十年
聞道閒心欲種蔬君思浩蕩是江湖龍眠居士
同心事也作還山學稼圖

題畫三首

新柳搖春葉葉開牛欄寂寂長莓苔牧人歸去小

橋濕一片晚烟吹雨來

幾點閒花作意濃綠房紫蒂一重重無情粉蝶不
許下妒殺枝頭雙蜜蜂

山寒木落雁初飛露下高天秋氣微攜手白雲紅
樹下得閒如此兩人稀

送子靜主桂林省試五首

建陵諸寨舊稱強景物于今半已荒三華烽烟遮
粵嶺九年荆棘暗文場使星重入蒼梧野綵筆高
懸八桂堂料得春風披拂後別開桃李滿清湘
日南近報異花開天末從無太史來只爲雄文工

有人春相用遠寄

卷之十

十

羽獵故教絕域訪龍媒果然得士一人足何惜銜
恩萬里回若向劉蕡詞下過自今豈復歎遺才
有劉黃詞

紛紛較士競中原見說殊方總避垣此去獨逢柑

子熟子厚建柑子堂所嗟不及荔枝繁地經象郡龍城除

景愛紅蕉翠羽翻西過冉溪幽麗絕紀游好問柳

宗元

洞庭烟浪氣如蒸高鳥飛來欲避矰小理春帆趁

漢水緩搖柔櫓下巴陵楚天雲雨暗何處吳苑鶯

花嬌未曾想到歸途清興劇新詞傳寫刻谿藤

日日都亭強送人昏花倦眼怕飛塵論文何與狂
夫事贈遠偏驚病客身獨秀山光青未了相思江
水渌初勻蠻天夜雨懷鄉處楊柳櫻桃鎖却春

臘月三日同諸子攜酒佳山堂與益都公爲
壽蒙示二詩即席奉和

且共清尊對綺筵漫言白髮上華顛太平不是尋
常事變理頻煩十二年聊藉管絃酬晚歲不須服
食學神仙洛中臺榭非公志只憶瑯琊負郭田
有錄老寧無二頃田之句

昆明波靜慮還多未便東歸理釣養好把平安報

有人春相用遠寄

卷之十

十

修竹原倡云蕭治久知清夢託烟蘿風隨鐵馬初回
聲雪滿銅龍正洗戈只待四郊書大有青門商略
意如何

百八梧桐閣遺葉卷四

江都 汪懋麟 蛟門

壬戌

送杞瞻學士扈從謁陵

輕風吹烟如亂絲暖氣炙破桃花枝沙平土潤方
流漸細草一碧光離離八龍在廐驕欲馳蹴蹄顧
影不受羈 聖人宮中方嗟嘻蜂蟻窠壘俱磨治
賊首在懸俘在累八載宵旰神靈司春念豐沛王
所基告成獻捷禮則宜翠華出郊嚴六師豹尾黃
纛千熊羅試問後車從者誰起居學士簪筆隨學

朱之南

一

士年少妙羽儀真如彩鳳翔天陸朱唇白面揚廣
眉顧盼雋偉天人姿當年扈從遇亦奇合圍特賜
飛龍騎奔驂一箭應手拔一時驚倒黃鬚兒下馬
韜弓還賦詩此事中外無不知 至尊選才無何

私陵園紀載須弘詞澗毛不足充釜錡特獵豬鹿
爲牲犧松花江水波琉璃邊風颯颯翻畫旗禮成
旋轡原有期歸時年麥青盈岐田間野雉飛雄雌
物情生意良在斯我知控弦不忍發推此盡荷

君王慈

送澹人侍講扈從謁陵

古之英主每巡狩入駿騰驤出天廡有時倉卒不
載書即以儒臣置左右東馬嚴徐何足論少室山

人有匡救宣公所遇非所期劄子連篇苦煩縻吾
愛侍講學問醇內殿深嚴達宵畫宮中草木且不
言何況箒邊與平冠以此敬慎 九重喜密勅飛
箋必親授詩書陳說當几筵筆扎淋漓上袍袖功
成治定告宗祖不爲菟苗獵圍囿 詔令侍講參
龍駒曰維汝才足先後春雲如蒼長白高春水如
油鴨波皺外藩君長爭來迎海風天吳雜文繡歡
呼一日三列圍殪得黃羊與青獸特取上殺獻

朱之南

二

陵廟較勝櫻桃供飢餒日斜鼓角還 御營一騎
封章更宣奏古來勤政如此稀好向轅門待星宿

送林澹亭視學中州

五嶽作鎮誰最雄瀍澗洛汭嵩當中四方聲音此
爲的譬彼詩騷稱正風山川蘊結得清淑經術義
禮無不工兎園賓客盛詞賦建安諸子諧商宮周
程尹邵闡至道皎皎果日開鴻業後來風俗漸繁
侈園林草木爭鬱蔥士宦忘歸不肯去買田築室
箕穎東此間文物信可樂末劫乃爲羣盜攻名藩
既隳汴流決碧紗朱邸成蒿蓬燕歌趙舞一時盡

豈但網戶飛春蟲大河以南悉蹂躪千里罕見烟
火紅 聖朝沐浴四十載景光略與當年同士子
文筆亦稍振惜哉元氣猶未充莆田才子秉文柄
泥沙珠玉須磨礱魏晉以來曠奇氣一顧駿足凡
馬空信陽已往孰可繼勿令庸子欺愚輩三花二
室好遊眺自然物色非匆匆

送余中丞開府吳中和司農公韻二首

帝錫中丞禮數崇金盤玉勒出深宮 御林密授
絲綸詔帷幄徐收節鉞功告廟封章追雅樂公疏補
更定樂
章入吳詩句廣仁風公昇平詩曰奉
仁風之吳王江淮自此同磐

石滾滾狂瀾不復東

自愧侏儒共比肩何當青眼向人偏未成狂客依
劉志虛負明公說項年十載望塵曾畫省八驂分
道又春天不才願向吳中老化雨晴郊未報懸

送夢敦學士假歸桐城八首

李泌休言跡太奇雲龍依傍復何疑勲名有待成
王佐啓沃無形實帝師玉案是書皆共展 鑒興
何地不相隨豈紹美膳尋常賜特選拳毛內殿騎
幾年身在漏聲中庭院稀看日影東寒盡未知隄
草綠春歸畧覩禁花紅時封密勅來三殿每和新

題播六宮不是趨承多敬慎誰能早晚近丹楹

緒語何時不憶歸故園門巷感伊城秋雲漠漠仁

鴻度春雨綿綿社燕飛丙舍最憐松柏瘦丁徭敢

計稻苗肥陳情原遂躬耕志已辦山中薜荔衣

昇平纔宴即抽簪至孝原能格 聖心手詔數行

憐懇切講幃片席費沉吟歸山無意拔宮錦上塚

何期有賜金共道關西清白後自然大鳥集高林

縱陽名勝首龍眠說有先人數畝田築室更添三

兩架課農好趁夏天避喧儘可容疎放註易還

期假歲年時若易
經裏解只願犁鋤手親把杏花菖葉滿

斜川

官河春暖一帆張驛柳搖青正作行細把賜書臨

水看淺斟法醇喚兒嘗郵簽報處休嫌遠官燭燒

時特怪長回憶內朝趨走地一堆筆扎在南廂

舊宴慈恩百五人一時意氣總相親飛騰何限雲

中鶴寂莫空餘澗底鱗進退久知余計拙窮通逾

覺子情真綠垣燈火三年話不及離亭酒數巡

從來難受是人恩况復深知在九閣殿上選才除

令子官中賜食及公孫莫因沉醉揮金檢遂爾狂

歌戀瓦盆料得故廬眠未穩驚聞黃紙到山邨

送蔣莘田大參之任粵東

蔣侯始通籍即上所著書磊落千萬言氣矯筆力
殊規模似金鑑新語恐不如以此蒙主知遂令
參石渠三年束館課辛苦如舊奮學成未及用風
抱那得舒聖朝重言路稂莠須誅鋤冠以獬豸
冠立在白玉除觸奸並指佞有發無失虛譬彼蟻
蝨叢一一皆爬梳未免涉忌諱誰為分毀譽東粵
界嶺海羣盜多雖王師鏖壘穴遠服勞軍儲雖
然起瘡痍未復民田廬蔣侯領牧伯慷慨登轡車
陟彼五羊城安此百越區山川與風俗所過關趾
踏此鄉富實玉君志甘布羣但飲珠江水不食鰕
湖魚政成即來還小別毋嗟嗟

出阜城門看馮園海棠值風得端字

春風動百樹振響如驚濤將身入林壑遂覺俯仰
寬所惜芳樹姿搖落非舊觀託根豈不固近則
易殘不見空谷中寂寂多幽蘭

韻
幼華給事招同諸公飲祝園亭子限山莊二

三月已云暮一亭今始開柳花何漠漠谿水自潺
潺只此便高枕未須思故山林鶯如愛客作意語

緜蠻

醉來呼給事曾否卜西莊種樹他年約看花且放
狂真宜臨曠野最好是斜陽獨塊何居士嘲余似
太常余是日齋

三月晦前一日陪司農公再游祝園

溪邊花欲盡柳外絮還飛春色荒荒老風光緩緩
歸何期逢早夏乍可試單衣小逕經過熟先來款
竹扉

病足五首

策足輸才俊偷安趁此人樊嫺惟一室裸跣忽三
旬酒盞經時廢方書鎮日親災年敢尤怨天意老
閒身

隱几亦自適看雲空復情不成垂脚坐漫說繞牀
行獨鳥下階立幽花沿砌生志機遂疎懶伏櫪笑
長鳴

豈作低眉態聊為抱膝吟向誰明痛癢只自悟升
沉蟲響依寒砌鐘聲出禁林一燈秋夕裏驗此百
年心

未衰先策杖徙倚望晴空樹接鄰家綠荷分別渚
紅疎簾鈎落日細竹響微風向晚饒清景如弦月

在東

酒伴邀余出神飛舊酒壚欲騎官馬去須借小童
扶池上紛葭菼林中叫鶉鴒那堪臨水照添白幾
莖鬚

題畫

青山當野近流水傍籬斜晴翠紛楊柳清霜著菊
花此真棲隱地誰似老夫家日夕閒攜杖柴門數
過鴉

送舟次二兄冊封琉球

細斑之布青黑絲黃靶勒巾巾服奇短軀廣袖細

青木樓閣遺書

卷之四

七

馬騎天街街南曾見之海邦陪臣幾萬里天風一
夜能北吹元正百國列王會中山守禮來無遲稽
顙請封聖人喜虎節特令儒臣持賜以一品上公
服歸昌遊聖麟與麒麟閩海六月南汛至樓船十丈
揚熊旗神魚潛蛟避命吏一一縮息如寒龜珠宮
貝闕自隱現羣仙出沒乘龍螭恍聞張樂洞庭野
碧海明鏡分毫釐平佳彭佳舵尾辨黃嶼赤嶼針
頭移二聞泊船到那霸夷官導引紛旌麾歡會門
前世子出拜謁道左躬何卑夷山之顙殿宇正安
置諾令平不敬君臣妃妾拜受命王者被飾爛威

儀宗臣子弟好裝束異舞蠻歌無不為禮成更為
北宮宴山海儲錯登盤匱金荆榴木似美錦香可
作枕供支頤歸帆却與善風便枕此或可添奇詩
海東亦有良畫師壁間定貌天朝姿么魔但覺國
人小蠻女亦媿顏徒施中朝妙選固不爽威遠所
重兼文詞吾兄大筆恣揮灑自能宣播 君王慈
歸來細說日南事笑我聞見猶參差

送林石萊舍人奉使琉球

海於天地間其大幾萬里連山有巨魚每每劃波
起若無王命來百怪不肯徙留仇海中央四面積

青木樓閣遺書

卷之四

八

黑水蛟魚之所宮日月浴其裡隋唐梗聲教不足
煩鞭笞明初賜棹卒三十六姓始遂與中國通得
共外藩齒格心歸 聖朝稽顙請勅璽舍人金閨
彥足為海邦使况復生閩疆海其所知耳吾聞彭
湖島烟火望尺咫餘寇乘風帆往來疾如矢近日
樓船軍聲言向東矣軍儲數百萬揮此等糠粃所
美銅柱成勿為伏波耻君學蘊經術必已審進止
誰謂書生謀而不中邊鄙昔賢服蠻荒惟在撻一
紙今古無異才茲行毋乃是中山奉禮法約束但
唯唯鄰封諸島夷睢盱望風執倘能悉歸附不讓

趙勇美大化周四方歸朝奏豐邑

奉送益都公致政歸里五十韻

閣門初卜相講席正譚經時辛亥二月初御經筵花氣薰春殿

香烟上御屏火城樓外見玉珮月中聽夫子真夢

契高風備典型薦賢先隱逸公入相首疏薦賢今端本大司寇魏公其表也

自朝廷愛國心難盡憂時色每形只將清勵濁不

以醉為醒昔掌紅藤院還栖栢樹廳持衡兼秉憲

弼教更明刑殿上尚書履天邊執法星上書同賈

董儲藥比參苓公為大司寇係時政數萬言上嘉納之直膽由中赤重

瞳分外青孤裘頒晚歲特賜玄狐裘為公禦寒貂珥慰高齡裝

有人格相開遺書卷之四九

帽珠為飾圍腰玉作釘君恩方感激時事忽飄

零三孽妖氛暗諸方戰血腥九重除膳樂兩府

政安寧睿慮能持算軍威若建瓴果然傳露布

畢竟畏雷霆弼亮三公力憑依九廟靈齊歌聯

玉陛錫宴倒金餅側弁知身老扶歸覺夜冥久思

黎藿飽豈戀鼎鐘銘放乞臣章切低回御札停

公引年疏凡屢上皆不允至是再請乃許還家同社燕去國感秋螢種柳城

陽密疏溪杜曲淳從游常汗漫惜別恐伶仃土憶

青州潤園多萊竹馨冶泉流瀝瀝灌木伐丁丁屏

當收禾麥逍遙醺醺關強應策杖乘輿或揚舠

訪道思嵩華同塵渾渭涇田夫容曝日穉子任趨

庭遙鯉徐衝浪閒鷗靜刷翎回思困軒冕何似臥

郊垌揮手追黃綺低頭笑尹邢寵榮終寂寂去住

責惺惺勇退高車疾虛拘小戶尚有懷依杖履無

計挽和鈴露下秋風早霜寒夜雨濕愁同墮葉

官跡等飄萍野鷺虛投網龍驤不在駒浮沉差木

土誰浪郵優伶縱酒甘疎放為文厭使令不堪供

筆扎甚欲鑿窓櫺合志憐麋鹿分飛感鶴鴒時舟次家兄奉

使海應求原落落燈火但熒熒詩就從誰賞歌殘

只自矜午橋疑碧漢洛社隔回汀他日平泉訪先

有人格相開遺書卷之五十

尋富范亭公里有富相范公二亭

萬柳堂餞送益都公和席間原韻

早年官漏聽長楊七十抽簪鬢未霜富貴誰能輕

去國身名最好此還鄉賜游西苑天厨出眷念東

山驛騎長畢竟君王惜賢達青門詩送賀知章

上賜五言詩

中秋前三日飲孫學士園亭同嚴徐諸公暨

舟次兄朝采弟共用星字二首

蕭閒門館似郊垌突兀何期見草亭種樹十年方

有此開軒一望似曾經擔前棗熟從人打竹外蟲

喧耐客聽。倘許平安常問訊。高窓還擬看秋星。
金門酒伴舊忘形。世上紛紛渭與涇。醉裏難逢塔
影白。忙中失却髮毛青。早知寒信輸征雁。欲借餘
光笑亂螢。落葉何關羈客事。年年同此歎飄零。

題倚江檢討望雲圖

獨立燕山百尺臺。桑乾流水自滌洄。誰言親舍無
多路。未免鄉愁日幾回。史筆三垣傳北寺。詩篇二
雅重南陔。青宮賜錦行拋得。穩趁春潮觀省來。

題吳赤一畫像

荒荒葭葦兩三枝。正是霜清露白時。天地潮來渾

未了。江湖鬢老竟如斯。幾雙白鳥衝烟路。一點秋

風颭釣絲。誰識延陵吳季子。手中閒却國風詩。

題修來畫像

寫真好手誰為儔。波臣之後推文侯。二子之筆往
往見十得四五。非其尤。曹霸丹青不易遇。雖逢佳
士空嗟咻。神仙中人顏氏子。孤標絕俗騰驂騑。婁
東顧老七十六。匠意摹畫如雙鉤。紫衣坦腹古松
下。恍聞天籟聲。颺颺頰上三毛少。飛動此際有待
須。虎頭吾子啓事得休沐。偶過吳越搵蘭舟。幽泉
怪石賞已遍。回腸亦復憐青眸。更選畫師寫山水。

南屏北固兼揚州。閒情似子頗好事。斷與世俗爲
薰蕕。東南比屋講風雅。氣力似讓齊魯鄒近來。禹
生善畫像。不獨貌似神亦周。已爲子寫振衣句。尚
欠濯足滄江流。他時更刷好東絹。爾我把臂登林
丘。

除夕前三日。陳學士招飲寓齋。以東坡餽歲
別歲守歲詩爲韵。見示即答。

歷歷天上星。遷移本五佐。陰陽逼短景。欲挽不受
貨。所怪太暄暖。未見雪花大。行游愛清夜。幸得免
僵卧。燈明君子堂。五客圍一座。劇論忘宵寒。鄰街
已春磨。追維困官書。那得數相過。一醉起積昏。勝
於親劑和。

歲盡勢苦急。我閒思轉遲。譬彼失韉馬。一縱焉可
追。不見日與月。出沒倏天涯。人生百年內。光景能
時閒來。把明鏡。少壯分瘠肥。不如且行樂。安能
苦悲念。彼堯峯叟。謂若文兄早與軒冕辭。保身等金
或救筋力衰。

短衣射猛虎。奮臂斬長蛇。卓哉軼羣子。怒氣難邀
遮。顧我久淪落。撫髀嗟奈何。低眉望牛後。徒爲志
士譁。塵埃策歟。段行歌。揚馬過。相逢半輕薄。不語

頭自斜陳公意良厚溫言慰蹉跎雲霄不可仰泥

塗何足誇

原倡云座中汪舍人年少未踰
跎宜惟事一歲一日猶可誇

學士再疊前韻見貽奉答三首

長安交游者得勢即相佐銖兩權重輕計若擅奇
貨薰灼竊自尊不復知漢大所以羊裘老直欲伸
足臥豈學夷門生口舌博上座作賦余所短焉能
工餅磨論詩愛彊韻人或以爲過嗜嘉惟我公更
倡復迭和

鯢徒亦何遠蜩飛亦何遲鱗羽有豐鍛九萬不可
追揚杓測海水茫茫無畔涯積學苦不早生年空

古人稱相國進學

奉之西

主

後時

余少學
士一歲

矢口莫能戒安能免言肥以茲多俗

忤往往生酒悲咄哉歲云晏行行與客辭何當聆
高論起我靡與衰

行藏不可卜何有筭中蛇妍媸亦易辨其如半面
遮吾徒守忠信智巧將奈何達人寡營慮得失終
笑譁分財鄙諸嬪掩戶欲自掘出門見大道乃列
直與斜確持澹臺訓何暇憐蹉跎舉手謝要津策
足毋相誇

除夕司農公示詩奉答次來韻

歲寒簾閣幾經旬

時公
休沐

又見瑤筐寶勝新攬鏡未

須驚白髮登朝猶自勝青春金甌屢遜三公

桐雙添

四代人

公一月添

只此榮華誰得似燈前珍

重酒如銀

除夕遣懷再疊前韻呈司農公

壯歲爭榮又一旬東皇先報鬢毛新風塵面目能
禁老嬾慢心情怕過春竊祿敢邀詞館例攜家直
當帝京人年年此夕叨珍餉短韭新筍白似銀

古人稱相國進學

奉之西

主

百尺梧桐閣遺藁卷五

江都 汪懋麟 蛟門

癸亥

送孫編修同周儀部奉使安南

九真屬國天南隅其地舊築東西都毒溪百道列
關隘豈獨浪泊兼來蘓荷花海口最險要難綢片
站尤崎嶇已聞蠻江號愛子何來絕塞稱困吾拿
圓山色在何地當時負固多睢盱五代以來易四
姓篡竊每每煩形弧 聖朝久已作臣服入貢不
敢遲須更速人異物非所寶何用鐵網尋珊瑚丹

青人梧桐閣遺藁

卷五

一

砂白雉總擗素檳榔萬斛無所須但期禮義化狡
黠不必郡縣歸板圖世子告哀請嗣爵吉凶特遣
儒臣俱太史隻手把王印曰汝拜受黃金蚨禮官
入廟賜巨匱束帛薦璧陪臣趨再捧黃紙出宸
翰扶桑照耀筆筆殊禮成並設使星宴上公袍服
驚有無威儀詞氣震天末蠻夷敢復稱老夫馬援
陸賈已陳跡應笑樓船連舳艫

送黃自先之官平遠

吾憐江夏英磊塊素滿腹睥睨傲流輩何啻蟻附
木爲文似翻水所到無不足有才竟不遇乃令老

場屋尤工真行書千毫一時禿操翰偶遊戲遂以

一命辱親老家且貧那得却微祿所嗟千百州獨

剖牂牁竹水西本殊方其地甫臣僕編戶列三郡

蠻獠非一族平遠接大田猶未異寒燠曠土如力

耕五穀可時熟君才耐磨鈍足以壓荒服况當叛

亂餘黎人急思蓄誰謂監州微不可作良牧

種蕉

曉雨初晴暑氣餘愛他深映綠天居昨朝筆研都
焚了不是臨牕要學書

生女

青人梧桐閣遺藁

卷五

二

癡懷日夜望微蘭何意香幃曉夢殘夢得夢婆親
抱送于今嬌女七金鑾

早過南塢飲借樹園薄暮即別四首

出郭愛清曉人家還掩扉溪風斜入帽草露暗侵
衣野靜雞聲少林陰日色微機心憐宿鳥猶自背
人飛

東華滿塵垢蕭爽是城西山翠濃如壘村烟濕欲
迷近屯無牧馬傍舍有浮鷺閨夏新蟬早清吟隔

短銘

高柳三年別虛堂一徑諸攀條情最切感物我何

堪昔宴懷投轄重遊幸盡簪未須分出處竟日且清談

竹裏出行厨盤殮事事殊傳觴紛小史促坐賞清飲晚境人偏戀歡場日易晡知君有懸榻還擬聽林鳥

再過借樹園宿聘懷堂

爲愛林亭清且幽不辭三日雨同遊分張樹色來簷際輕轆泉聲在井頭四扇碧窓真似水一條冰簟儼如秋茶瓜向夕還移坐面面風簾已上鉤梔子花開入夜香如著小月影初黃忽看絳燭然

言人希相聞達美

卷之五

三

高樹却訝寒星吐夜光聽曲不知山漏轉臨風微覺葛衣涼玲瓏難唱休相促高枕何妨入醉鄉

天禧昌運宮

宮有武宗神記太監張永乞恩建也

仙人臺殿紫泥封檐角翠恩燕語重畫壁有塵俱作蒼松無幹不成龍只今東廠賢張監憶昔南巡獲武宗誰道文成太迂濶檻車先已送元兇

銷夏

銷夏今年比舊強深垂簾幙淺籠香越中山水吳中妓坐對能吟白侍郎

食魚

待飯還繙幾葉書中年葷血已消除一端尚犯岐亭戒貪食銀鱗頓頓魚

選白詩竟題一絕句

淡粥三杯藥一匙清晨忽報日中時欲知閒裏忙功課要畢丹黃白傳詩

題金碧堂爲趙銀臺玉峰

有客萬里家俞元川岳奇麗蒙發源盤江夾浦各環抱金蓮玉笋疑飛翻康郎魚美不受釣撫仙湖靜無罽喧此景此味那易得夢中結想時憂煩宣武邸舍有閒地剪除遂爾成小園高臺築亭得空

言人希相聞達美

卷之五

四

曠曲逕編竹如丘樊主人襟抱本洞達虛窓之外圍短垣鄰家池館近可拾墻下棗梨香且繁花時置酒召賓客世事不及惟寒暄有口但可飲醇酎似忘職司爲納言故山渺渺隔天外聊以金碧題其軒枕書坦腹足高卧猶恐使節催車轅囊琴籠鶴早檢校海內久矣思平原

銅鼓歌爲樹百給事作

銅山夜鳴颯風雨鐘鏞四應疑彪虎金鐵精靈帶兵氣巧匠烹煎作軍鼓鼓聲坎坎如鳴鼙蟲魚鏤錯花葉多龍師慘澹直千鎰驟園不得誇玉螺

中縣四進樂制本錄于世所寶祀鬼穰災集夷徐錄

有玉環銅鼓制本錄于世所寶祀鬼穰災集夷徐錄

縱絕域雄夜郎騰蹕蠻溪逆天討叛服有類鳥獸

羣九絲勞動樓船軍南交越萬實泰瘴烟毒霧

徒紛紛古鼎躍水何年至竟作閒齋金石器回憶

番人絳帕時奮臂雙槓不兒戲龔州刺史空咨嗟

魚懸佛寺生土花咸通末張直方刺史龔州修城掘得銅鼓載至襄漢拾延壽慶院番禺

大帥枉收拾神入野田為怒蛙傳宗時鄭績鎮番禺有收兒開田中拾鳴捕之

蛤入壁塚遂得銅鼓鼓上有蛙絕狀因獻龔武庫中何幸黃門作知己古色摩挲

碧于水料量尺寸兩握腰辨識花文四垂耳或稱

此鼓由文淵主人意思殊不然工金工木妙諸葛

考之紀載多流傳書生異同且高閣吾欲當筵作

桮杓不然短衿禿袖招花奴楊桂三弄非豪麗

祭酒先生以詩見東日暮下直口占奉荅

霜老梧桐一院陰簿書堆裏塵清吟承恩獨愧瑤

林殿能博君王幾笏金米南宮被詔瑤林殿書屏風賜金十八笏

題匡堰草堂圖為高侍議

沿溪深柳如蛾翠過橋邨徑柴門閉草堂風亂牀

上書簌簌桐花滿階墜何為寫此匡堰圖知君清

夢無時無門前扁舟且穩繫留待他年歸鑑湖

百尺梧桐閣遺藁卷六

江都 汪懋麟 蛟門

甲子歲值

朝采以遺懷詩見示索和走筆荅之

客思不禁春花開又一旬那知逢冗長無復得閒

身冷解朝霜薄官書夜燭頻自憐衰晚日轉與吏

人親

子病忽三月書幃生暗塵關心青鬢日嚙指白頭

人肺氣春將減醫方買欲貧連林吾夢切悔不傍

東隣

眠食動調護煩憂已破除人當新節起酒是舊年

餘勝賞隨時足浮名未可居好將閒筆札親授兩

兒書

蹉跎羞伏櫪雜沓強開筵小院分燈火深杯促管

絃落梅聞此夜欲雪看高天自笑飛揚態猶疑是

少年

得舟次二兄琉球使還消息寄懷時有涉帖

之痛兼奉慰

聞道乘槎客安流實快哉南風三日正開由閩達中山佳三日夜

東海一帆開波靜蒼龍避舟輕粉蝶回海中央粉蝶島即慶平安

王傾國出驚看使星來

半載中山住鄉思日夜懸
蠻歌山館外海氣殿廬
前九日曾開宴中秋九日宴三秋亦放船使設水塔諸樂不知桑
落會可似菊花天

葭管一灰飛樓船海上歸
神鷄翻作惡綵鷄欲何
依百怪斜迎棹驚濤逆濺衣
平生忠信在况復仗
天威

持節當炎夏還家值早春
親朋齊失喜時序轉傷
神命服方歸省麻衣忽在身
好將安穩信報與下
泉人

友人春相問遠書

卷之六

二

反命原臣誼陳書實子情
八驛歡奉使一杖痛
還京憔悴應憐弟艱難再見兄
連牀能幾日白馬

又南行

此恨嗟曾歷悲涼直至今
一官羞計拙萬里豈初
心上塚紛歸騎磨碑出賜金
猶堪慰哀毀顧我獨
浮沉

送力臣都諫假歸揚州兼東師六孝廉

君入詞館年柔兆歲在丙
久挫才實雄乍伸氣愈
猛好書原深沉爲文肆馳
騁短檠然寒青長編續
餘景高名動玉陛特擢授
華省矢報在公忠發言

多骨鯁東南賦欽苛民命落機穽關市征求嚴商

稅到舴艋君言委曲陳不惜再三請直聲遂開張
貪吏亦縮屏取士當酉秋銜命陟秦嶺紛紛理厥
絲一一拔其穎廓然此關河迷爾絕微倖歸輶痛

荒殘上書切咨傲秦人戴雨露銘勒寶璫環彈擊
誇鷹鷂聒亂鄙蛙龜從來讓論權必由正人秉胡
爲當楓廷無端感梧井勇退人所難告歸君獨惺

是時春氣和况乃客懷靜此行何優優惜別徒耿
耿令弟富文藻契濶類萍梗兀自飛翻遲使我歎
息永駿足宜騰燕高唱方發郢正際宏綱開共仰

友人春相問遠書

卷之六

三

朗鑑炳努力登康莊慎勿戀幽境

送宗人歸里

南陌東風颺軟塵洛河新漲細于鱗
官橋弱柳綠初動野館天桃紅未勻
六扇船窓書一卷兩條棹燭酒三巡
西莊給事足清興櫻筍還家猶暮春同時

力臣

與勝事看杏花

興勝寺中花事勝杏花如雪幾時開
不辭辛苦尋春去特地飛揚借馬來
樹杪高亭何突兀階前細草足徘徊
迷離錯認吳中景剪取銅坑一角梅

再過興勝寺

可耐雙眉日日低，散愁端只有城西。無多小雨能清路，不動香塵欲作泥。好景一年三月半，濃花萬樹十分齊。風光如此不沉醉，辜負黃鸝恰恰啼。

興勝寺前花園小亭上有龔尚書題會香二字感題一絕

會香亭下細泉流，謝傳題名在上頭。拋却酒杯揮馬策，十年重此痛西州。

寄苦文兄

還山不作長安畫，惟向山中種花草。片語偶答故人問，手移樹石日益老。

苦文兄

卷之六

四

吳人好事競傳說，盡道此翁懷抱好。堯峯山下數間屋，日喚漁童幾回掃。池塘不更養鸞鴨，閑閑怕惹比鄰惱。東阡西陌信脚行，姓字田夫總能曉。山居功課有次第，布被繩牀起常早。灌園焚香與靜坐，豆粥藜羹亦堪飽。有時寺僧來悟禪，有時門生請原道。此中習氣知未除，肯令黃鸝矜嘴爪。門外索碑或索字，真行款斜一筆了。興至時還吟小詩，零落牀頭幾篇藁。長安交遊智量淺，每每爲翁惜懷寶。不知官職何足多，况爾爭名器尤小。但看山中花開草復長，醉

倚東軒泛清醪

送趙中丞玉峰撫浙二首

霜飛栢府映清冰，美度從容八座升。管領湖山新節度，扶持風紀舊中丞。裙腰細草春深碧，鏡面晴波日暮澄。五代以來絃管地，遙知休息自今稱。名賢爲政在清時，料得規模次第施。化俗勸農無別事，栽桃種柳總相宜。表忠尚有錢王觀，遺愛還傳陸相祠。若比白蘋官職大，更添開府幾篇詩。

郊行雜興同朝采作

帝城日日起飛塵，出郭偷爲馬上人。今日桃花前

帝城日

卷之六

五

日杏不曾忙裏廢青春

城西幾度看花還，沙雨塵烟作碎斑。最愛輕陰騎馬路的應只有兩人閒。

果下青驄齒乍生，風前蹀躞向人鳴。垂楊夾路晴沙軟，勒定金銜緩緩行。

玉泉開水向東流，接引寒游到御溝。勤政一春稀綵纜，船房閒鎖小龍舟。

萬壽花宮百丈松，枝枝臨水欲成龍。兩年不踏松間路，百遍摩挲永樂鐘。

喜湯西厓至京

萬壽花宮百丈松，枝枝臨水欲成龍。兩年不踏松間路，百遍摩挲永樂鐘。

喜湯西厓至京

喜湯西厓至京

喜湯西厓至京

新桐抽萌淨如濯老矣春歸此能覺歡呼一客忽
到門萬里三年手重握懷中美玉未得剖畢竟良
工待誰琢我昔識子錢唐湖笑指湖中兩山角時
聞簫管湖上船彷彿湘娥水仙樂浮沉豈料七寒
暑寂寂空教笑蝴蝶龍蟠泥中馬伏檻那得飛翻
與騰蹕爾抱奇文少已工我厥刑書老纔學久思
作達縱聲酒不爾消憂弄荖黎安能鬱鬱常低眉
苦被時賢較清濁聞爾昨從東嶽來一杖天門手
牢捉曾否細捫登封碑此禮于今貴商確韓詩柳
雅紛雄才詭浪詆諧讓饑朔我且與爾傾一壺夜

有人持樽開遠客

卷之六

七

短杯長惱難嚥徒行不必愁夜歸蹶蹶疲驟受烏
啄搖鞭尚可往來頻談舌縱橫莫嫌數

題畫蜀海棠

浣花一老最能詩惆悵西川第幾枝嫩綠嬌紅吟
不出精神付與趙昌之

叔定家兄入京同朝采出郭相迎抵寓即事
得二首

人回細問何時到說在清和月上弦犯曉最先騎
馬出挑燈預想對牀眠感時元元驚雙鬢憶別匆
匆忽五年何幸雁飛同北向秋來無復望南天

板扉曲巷乍停車却訝軒窗面面虛亦有梧桐開
小徑更饒芍藥勝山居競前同事紛兒女向晚開
簾漫掃除風味此鄉安穩未且當家醪剪園蔬

同叔定兄東川弟與諸友人之豐臺看芍藥

飲王相國山莊用西厓所書扇上拓溪詩韻

紫絲幕張見珠色曉態森森向人立洗妝偏受纖
露滋破體猶嫌野風急朱唇白面各自妍粉蝶黃
蜂一時集玉奩亂潑脂水濃春波半濺青裙濕齋
時拾得一日晴周顒怕聞何肉腥且將良醪對花
酌不然空令頭毛星春風五度恨草草客心一寸
嗟熒熒花前送酒有看黛西峰卿日何其青

好雨

好雨初聞入夜遲簾紋清似乍涼時隨風未審田
園足露濕先教草木知新買榴花紅爛熳舊栽葛
葉綠離披開簾且喜琴書潤懶作元和賀雨詩

奉荅中丞劉公見寄用工部雨過燕端韻

觸熱治刑書眠食不得好飢人夢飯滋乃荷退食
早到門驚尺素一覽風塵掃烏絲十二闌詞源百
川倒白駒聞在郊丙舍蔭梨棗閒居萬感集誰爲
展懷抱所嗟山頭松轉望原上草搖落難爲高憂

傷易成老賤子人所輕一信其能保低顏謝夫子
此意向誰道

題惠元龍詩卷即和卷中寄荅文兄韻五首

愛君詩骨玉亭亭欲把烏絲上紙屏寫了吟看看
過日昏花倦眼幾回青

惠子白驢曾到門青藜一束爲君有斯人豈合常

空谷漫問東溪何處邨

風騷諸將在江東壁壘于今有異同個個水犀稱

善射獨君寸寸挽強弓

宋賢句子不爭多誰向睂山門下過若說龜堂還

校別此中強弱定如何

吾宗一老別三春七字閒吟淨少塵已被老元偷

格律肯將方法授他人

朝采將請假觀省先書甲子詩一冊寄呈堂

上屬題冊首

十口催歸在暮春更除筆血爲何人周妻何肉都

忘了辦得南陔潔白身

新來換得好頭銜欲捧黃麻慰老顏莫作尊簠高

典看秋風準擬掉頭還

偶然屋喜東西住遂爾譚無早暮時要與白頭添

一笑先傳甲子倡酬詩

朝采投詩慰余秋懷登韻爲荅

涼雨何分舊與新每逢搖落欲沾巾孤飛幸接同

羣鴈高詠常憐失意人閉戶任荒深院草拋書從

委半牀塵世情炎冷余粗了珍重池塘夢裡身

刻漏

宣武丹樓碧漢間敝車來往幾時閒西洋刻漏分

明甚將卯晨趨過午還

食官舍蒲桃

西陸蟬聲飲露高秋風一架落蒲桃初嘗官物疑

非分清節將毋愧爾曹

荅定九見寄三首和來韵

嬾注蟲魚與六經懷人夢繞竹西亭閒中只愛微

之句遍寫新詩上小屏

讀定九美齋詩故用
樂天書屏風事相况

倦擁琴書欲撥難冰霜冷我稱秋官時清不藉平

反力漫作于張一輩看

一行新雁抵雙筒欲問平安趁北風珪似月明珠

似露五年前記賦文通

九月十三日還山四首

幸遂還山願蕭然去國輕獨驅羸馬出城別故人

行秋氣。飄零狀。浮雲聚散情。廿年塵土夢。幾聽曉雞鳴。

詩書皆長物。答此遂初衣。夢與國羣熱。人隨雁陣歸。山川原有待。出處久知非。自此安耕鑿。觀身好息機。

出郭一舟在。居然秋水寬。掛帆風最正。倚棹日初寒。兄弟鄉思久。與叔定家兄同發親朋友語闌。青樽聊取醉。

白翼漫驚看。

涕淚執相親。艱難見一人。時自時有所營。素法與余南還。青雲何限好。白首此時真。笑子求名拙。從余盡室貧。漁磯隨處有。竟許共垂綸。

舟泊淮口文華寺。夢與真定公。剪燭坐小亭。候張筵。觀劇吏人忽報公入。相慰驚喜涕零。謂公游歷六卿。三十餘載。有爾勞深。至此乃蒙臨卜。醒時猶淚漬枕上。不勝離索之感。時仲冬朔日五更也。

文華寺前淮水漲。孤舟寒壓木棉余。歸人正切還家夢。卜相何關去國心。熱淚有情同感涕。斷蓬無意任浮沉。絳紗已隔三千里。猶把笙歌枕上尋。抵白田。憇樂志堂。蒼雲漸見懷原韻二首。

往事匆匆總莫論。虛堂小月正黃昏。似曾醉裡驚風浪。却累燈前攪夢魂。半世坐狂宜見黜。寸心知咎敢辜恩。從來取笑揚朱輩。每遇岐途便淚吞。目斷黃河九派深。放船難似上龍門。時阻風黃河八日飄蓬可惜身名賤。呼吸方知鬼物尊。幸得全生成逐客。不須垂死說驚魂。忘情豈敢虛耕鑿。擊壤高歌是報恩。

歲暮遣興

幸託園居代掃治。暮雅誰道宿無枝。漸無人問逃名種。惟有書看過日遲。甘寢美餐真得策。分冬守

歲又良時。此間樂事今纔領。二十年來悔未知。喜朝采至。同飲樂志堂。竟日別去。兼訂吳越之游。

老夫睡美夢才蘇。却怪巡檐鵲噪殊。送喜已知連月少。到門却有一人呼。相逢大笑。寒簾幙小。佳臥酒壚南北浮萍數千里。豈知吹合在荒湖。

昔年穉子驚吳語。未解先生問草堂。朝采向過此欲觀樂志堂未是此會翻教屬適客。為歡誰道是他鄉。試看酒面如人白。況有梅梢比橘黃。自染緇塵三五載。何曾清味淺深嘗。

短景荒荒不可留。白頭雙倚望行舟。庭間信有歸人樂。天地何知獨客愁。送別忽臨涇水畔。尋春還約越溪頭。惠山山下林塘好。先上秦家最小樓。

祀竈

旅舍炊烟雪後新。妻孥祀竈學比鄰。屢年作客悲時序。無計逢人問鬼神。強欲送窮文懶作。更思原毀論難伸。牀頭白酒方簞了。獨對寒燈且數巡。

除夕

客中歷此夕。默數十有三。有家久忘歸。虎虎毋乃慚。微名一錢值。胡爲抵死貪。秋髮漸種種。老色憎

言人梅樹閣遺集

卷之六

七

鏡函持身味薄冰。失足幾深潭。脫身幸歸來湖畔。尋僧菴故人推宅居。風土昔所諳。撈蝦與網鯽。其多如春盤。我來適大水。澤滿無由探。僮僕過小市。時或登一籃。天意不濫餉。蔬食我所甘。奄忽歲云徂。疾若車揚驂。閉門絕衆慮。枯寂同瞿曇。坐擁木棉裘。打睡南窓南。婦人那敢窺。聒亂惟小男。嗔喝不肯去。似翁愚且憨。明年汝當學殘書。猶在擔識字。究徒然。此理粗能參。不如習漁獵。力食宜自覃。大道難與人。覺者惟老聃。孺子烏足知。持杯吾且酣。

百尺梧桐閣遺集卷七

江都 汪懋麟

蛟

乙丑

元日立春大雪。縣人鼓吹送芒神。土牛至。

客裏荆扉冷未開。雪花一尺上階苔。縣人似賀歸田好。春信猶煩傍曉來。短短芒神農具足。喧喧社鼓土牛回。老夫大有祈年興。栢葉何辭最後杯。

叔定家兄以元日立春詩見寄。和原韵。

鼓吹荒城報曉天。打春旗尾向東旋。風回見雪真無價。雞日迎牛定有年。焚硯最羞曾識字。荷鋤穩

言人梅樹閣遺集

卷之七

十

辨學耕田。鄉人問我還家信。約在暄妍二月前。

雪中飲雲漸齋中。以古藤杖見贈。薄醉扶杖踏雪歸。明日以詩謝之。

雪霰聲急如雨冰。屐齒到階童出摩脫帽。徑面紙窓坐爐烟。細作春雲升居士。徐徐引譚舌。數月啞似秋天蠅。對君猛氣忽然發。爪嘴撿動寒林鷹。品目前賢少拘忌。總洽公好無私憎。

時縱談唐宋人詩

爾汝相

視不燕。越瓶盞疊送分淮。澠稍嘗異味。我已足盤薄。大啖君何能醉。舞欲捉九節杖。倚壁瞥見千年藤。赤龍黑蛇實誕幻。玉筍霜脊原峻嶒。提携自合

伴詩老嘆喝最笑隨談僧不待巧偷與素奪欣然
持贈爲枯朋凌虛已得鳬作鳥渡水豈畏橋懸繩
幽巖路滑未及試小徑雪深聊一乘采芝覓藥固
得策鏃蛟刺虎今羞稱春風少待渡江去萬疊雲
峰登復登

更號覺堂答客問

漫叟當年號漫郎愚公愚谷耐思量馬牛不用呼
名字新拜頭銜是覺堂

讀楞嚴經

楞嚴一卷在林頭妙偈丁寧示子由怪底弟兄遭

言不格相用達孝

卷之十

三

宦海只將巨浪認浮漚

東坡次韻子由浴罷詩云
楞嚴在林頭妙偈可仰讀

辨見微心鈍未能琉璃合眼思騰騰但將竹几憑

雙肘去學南窓打睡僧

題東坡集後

火急徒勞促著書好名習氣未全除窮愁畢竟爲
何物若比虞卿我不如

坡與王定國詩云火急著書
千古事虞卿應未厭窮愁

投荒嶺海飽風烟料得先生道力堅却怪寺門來

揖佛猶稱我是玉堂仙

坡入寺詩云我欲入寺門
世事我是玉堂仙請來海內

客有自閩來者云荔支無佳味詩以解嘲

傾城肌肉絳羅裳尤物魂消十八娘何事楊盧敢

相笑將毋諫草放唐堯

漢和帝永元中交州進
蘇文林氏長唐堯諫止

元夕寄家兄

小縣人家學試燈晚來簫鼓太喧騰客心嬾似爭
樓鳥兒子歡如掣臂鷹兩地故園勞北望一年完
月正東升獨看積雪煨殘火耐冷禁愁得未曾
佛燈一點舊琉璃婦子同擎雪後厄草草節憐今
久過匆匆歸惜去冬遇當時畫鼓揭三疊此夜寒
花剩九枝二十餘年歌吹海不曾吟此上元詩

家兄來白田爲余作生日口占謝之

買犢春來學耦耕篋中舊筆已無情卯君生日誰

言不格相用達孝

卷之十

三

當念多謝年年白髮兄

坡爲子由生日詩云同思十年
愧箇中第但願白髮兄年年作生

歸舟將抵郡郭二首

路直如弦眼倍新東風爲我浣衣塵全家飽歷魚

蝦市

客白田

半世繞看浩蕩春野岸巾車喧穉子家

草堂乾雀賀歸人災年不必重追究但驗題

詩筆有神

坡語

七年前記渡河秋十丈蒲帆掛驛樓舊事浮雲真
忽忽新春流水自悠悠空嗟少壯花辭眼漸覺蕭
騷雪上頭莫訝鄉人驚怪甚虛迎虛送此扁舟

抵舍自嘲二首

難違門生到後堂。打頭老屋已全荒。重尋花下三
條徑。自掃樓頭七尺牀。數卷殘書須次第。幾竿亂
竹任分張。歸田慚愧香山老。未買林亭履道坊。
舊業蕭條勝舊時。不堪收拾似殘基。半生仕宦有
如此。一味浮沉空爾為。款段尋春無駱馬。笙歌隨
分少楊枝。對人言語還粗大。草草編成六卷詩。余
刻詩十六卷至
是又增六卷

牡丹

濃雨欺花作意寒。海棠零落絳桃殘。空餘曉露滋
新綠。忽報東風上牡丹。淡粉半施人乍起。輕黃欲

香人春相用道李
本十七

由

暈月將圓。狂蜂癡蝶休相犯。獨掩荆扉百遍看。

枯枿逢春每後時。春殘纔放最高枝。休嗟耐雨經
風久。原有驚人絕代姿。曉態妍于臨鏡候。繁香謝
却上頭時。看花何限駿兒女。敢詠山桃野杏詩。

張杞園自安丘來訪余郊園相與遊宴數日

即送之南行歸舟再過同令子兔公泛舟紅

橋復留余小齋盤桓不忍別于其歸也賦四

詩為贈感君纏綿遠顧而余之傾寫亦至矣

去秋曾大臨岐別謂升料得張髯跨馬來不道相

思遙命駕真成一笑再卽杯悲歌氣誼如君少寂

莫遂為我歸文字有神交有道悠悠行路豈能
猜時以尊君
行狀見履

忽爾中宵秉燭呼。不將心事語妻孥。自言南行之計
定于中夜不謀
明即行自來極上排驕馬。遂向門前犯夜烏。白首湖
山常在眼。黃河風露欲沾鬚。相逢宛轉憐無恙。此
事真堪訝腐儒。

風前小別且南征。誰信輕帆任意行。弔古好過江

令宅看花先指閩。廬城余勸先通吳
門再遊白下買書市上人爭

識沽酒壚頭不道名。踪跡將毋疑劍俠。紫茸皂帽

氣縱橫

香人春相用道李
本十七

王

江左風光在暮春。清和景物總鮮新。飽嘗玉版驚
雷筍。細斫銀絲出水鱗。青野聽鶯曾兩度。紅橋泛
酒又三人。草堂苦欲留君住。愁說河梁十丈塵。

喜杞園見訪和阮亭先生奉懷二絕句韻

種菜疏泉引別畦。雨餘門巷不沾泥。雞聲忽漫驚

生客。飛到黃茅屋上棲。

便與支筇竹外行。寒溫指點乳芽生。更呼放鴨鄰

船至。去看城西柳色晴。

題定九東原草堂圖

楊柳成圍手自栽。草堂三面受風來。幽人藻思如

秋水笑指芙蓉萬朵開

寄輓施侍講尚白

誰道先生好酒悲。每當哀樂淚爭垂。秦淮杯案淋漓夜。燕市朋交聚散時。孤館五年遺舊史。雙溪百代有傳詩。素車竟負生芻誼。未作墳前四尺碑。

題巢民姬人玉山子畫薛少保十一鶴用杜韻

少保青田姿。能爲鶴寫真。意思本冰雪。自然無纖塵。豈知千載後。乃有如花人。更貌十一鶴。磊落意態新。高步肆飲啄。一一傳其神。我聞水繪翁。近與

卷七

太

復鶴鄰。閨中兩小妻。莊如舉案賓。持此前上壽。勸酒寧辭頻。飢茹黃公芝。渴飲許由津。低頭看鴈鷺。醒齷焉能馴。

題夏公玄成林塘晚歸圖兼贈令孫次功

仕不領交趾郡。隱不入林慮。角巾三疊似高屋。絳衣全幅光編欄。雙脚已蠟一編屐。手中之杖似有赤龍黑蛇相往還。林塘蕭疎意獨往。松風吹鬢三尺紛朱顏。此翁丰神大與道者類。不然胡爲巾上環兩環。昔舉孝廉不稱意。青園十畝歌閒閒。公卿屣履日造請。強以纁帛趨清班。先生顧之直欲

唾。譬彼九霄鸞鳳焉能攀。早年好奇喜賓客。座挾絲竹圍妖鬟。雲間思翁亦超絕。往往幅巾道服來叩關。兩翁篇翰各揮灑。一時嘯詠何翩翩。我從丹青拜翁像。歎息豪雋空人寰。貽謀幸有好孫子。少小白皙雙眉灣。豈但文筆似爾祖。勇氣欲取強弓彎。可惜青園早搖落。荊棘半蝕雙扉鏤。只此遺像幾滅沒。拂拭幸不污鮮斑。文孫漸次啓故宇。我翁鬚眉勃勃生綃間。古來褒鄂意誰是。不若兩塘春水時潺湲。

題豹人學稼圖

卷七

七

蒯緱不如刀。欺殺不如犢。賣此而謀耕。終年常僕僕。辛苦食破硯。年荒那得熟。不如棄書籍。成此雞黍局。呼兒買一牛。兩角猶未禿。非同太廟犧。被錦神穀餼。亦非王家駁。一割厭豪腹。風雨伴老農。安穩有茅屋。田家齊物理。小心事芻牧。服箱非所求。黃金不可拘。惟期閉秋齋。足以供淖粥。勿使多牛翁。做人腐紅粟。

題豹人采藥圖

古之隱逸流。賣卜或賣藥。神仙不可知。異人此棲託。陰陽與草木。其理費探索。神農更好事。一去不

可作流傳池上書。庸人守糟魄。採吸苟不慎。禍同金石惡。達人具真性。不受世緣縛。鐘乳倘可求。朱顏不凋落。深山有靈草。神物不易攫。枸杞每夜吠。茯苓待誰斫。大抵千歲資。原與俗人薄。思邈姑先驅。吾將試雲鶴。

題崔氏授經圖

早年入鄉校。乃識崔州平。讀書北樓上。氣誼同嚶鳴。通家互往復。阿翁時出迎。老眼具深鑒。期我千秋名。相攜就省試。中夜煮香杭。供具必親歷。美醢勸我傾。及乎謬通籍。歡喜由深情。不似世俗輩。忌

青本梅村閣遺集

卷之七

入

嫉同懷生。廿載銘高義。未報瑤與瓊。高標展畫像。一榻當中橫。阿翁坐上頭。令子何英英。有孫方授書。頭角非凡嬰。一經及三世。風味何其清。顧我久奔走。今始遂躬耕。東阡與西陌。可以連柴荆。春秋有佳會。羔豚還共烹。更語少時事。愧歎蒙虛聲。何如對朋舊。一醉千憂輕。

苦雨

坡老學治生。乃師賈耘老。斷錢三十塊。為計恐不早。黃州米價賤。不用種秔稻。魚蟹不論錢。麋鹿多於草。樊口有酒店。小舟隨意造。柑橘裨芋味。美

勝梨棗。此地信可樂。無復逆懷抱。而我歸田來。物物費探討。風土既奢薄。天時變寒燠。夏秋感風雨。四野困淫滂。蛙聲滿城市。時聞壞墻倒。菱芡爛積水。魚鼈匿深藻。口腹且置之。薄田未能保。空堂陰濕生。豹脚尤可惱。暗中時中人。爬搔勝蝨發。腐穢亦乘令。那得急驅掃。平生耻言錢。觸脚惡王媪。豈意牀頭盡真令。顏色槁。吾媿黃州翁。處窮能達道。

雨霽出郭。叢桂正開。漫興。

荒荒秋雨不肯歇。滿城鳬雁相與迴。郊扉十日未全啓。叢桂一枝今半開。遂有濃香薰几席。可無清

青本梅村閣遺集

卷之七

九

實倒樽。疊作書火急。報飲客須赴。扁舟侵曉來。

遣僕檢校園中花樹畢有作

狂風狹雨每無時。吹倒園中老樹枝。蚯蚓上階書篆字。蜘蛛網戶作游絲。周遭折竹扶秋色。指點牽蘿補舊籬。好向東軒看巖桂。災年勿遣醉人知。假園誰道非吾有。掃地看花且自由。倦客真同賃。卑廡旅人何異。借荊州錢。編馬埒原豪舉。徑闢牛。關欲緩謀。獨對秋風傷子敬。半生零落此林丘。

紫海亭

康也

蟋蟀

苦語太紛紛不知何所云寒憐牀下逼聲耐定中
樂天詩人在曉月送餘照秋衾留夕薰自然無遠
定中聞鐘聲
夢不是為鐘分

喜升六至即奉送之官徽州和西厓韻

到門久矣無此客駐馬忽爾來北曹草堂塵積不
願掃頃刻明淨無纖毫往事浮雲那足道此際但
可談莊騷小別匆匆僅一歲何至爾我俱二毛窮
達聚散總難料不信果有神鬼操咄嗟餉客少正
味草率作具陳邪蒿客當饑索粗糲我正欲飲
斟醪醪持螯豈須更擇手說晷不復能加尻已無

言人椿相聞遠寄

卷之七

十

酸醜別嗜好豈有戈槩相攻臺此行且分一郡竹
投贈爲卜三州刀久知所學具本末不在官職論
卑高况君持重不妄語焉用三復師官滔清風扇
動紫陽俗自此不敢言魯褒軒轅高臺一萬丈上
有千歲之靈桃我欲乘風一飽啖猛如鷹脫不可
條儻能釋政爲我出同看天門雲海濤

奉和真定公中秋見懷原韻

顛狂敢與昔賢期論事無端覆酒卮不待排排歸
較晚及當憂患悔原遲絕無可戀推囚地最不能
忘立雪時何日後堂容再到烏絲銀燭絳紗移

河樓觀俞錦泉伎樂即席懷陳芳二首

臨河新敞十三樓樓上明妝翠欲流公子正開金
屈成美人齊綰玉珥兩行雪面香初滿一曲花
腰柳最柔久把道書簾下讀閒情何意遂勾留

中年頗覺道情真刺得楊枝伴釣綸笑傍鉛華身
漸老醉逢羅綺眼重新每當艷舞纖歌夜却憶閒
吟冷醉人寄語阿戎開水榭扁舟約在小梅春

爲史淑時悼亡和豹人韻四首

顧家新嬾好半神三五韶光二九身得嫁文簫心
已死便追桓必不辭貧豈知綠綠花花夢竟作朝

言人椿相聞遠寄

卷之七

十一

朝暮暮人可惜天桃曉破曉不教開滿一年春
畫屏十二紫鴛鴦誰解琴中風引鳳好女已知歸
屈宋外家真不羨姬姜登樓私語天應老擁被微
吟齒亦香何事長生盟七夕寄愁埋恨兩心傷
句其實事也

青梅薦齒諱生兒但覺心情嬾約看病裏依然梳
掠巧歡時每訝語言癡去年十月嘗羹日今歲重
陽餽藥時不料綠華來頃刻風車雲馬忽星馳
一夕驚風剪敗荷可知夫婿失無他羅巾欲盡才
人少金梳重遺鬼婦多酒冷香銷憐夜久春花秋

月奈愁何四絃已付塵封了。忍聽尋常懊惱歌。

十二硯齋落成自題十二首

筋力歸來及壯年。因循惜未買林泉。樂天詩園林亦要閒置筋力

應須及健時其學因循自狂謀忽想三重屋。謬算虛拋兩

歲田。余去田數十畝成此縱使忍饑聊自得。且排快飲更誰賢。

貧家卜築關心計。似此軒窓不偶然。

引繩操墨亦紛紛。自許簷才匠作羣。小試神通移

杜法大誇手段上。梁文好言南北東西合。上梁大體有東西南北

北中諸利市話佳興風雲月露分。驕語妻孥須上賞。五將餅

餌策奇勳。

人善相與達意

十一

眼中突兀見虛堂。四角周遭十步強。左右置書同

複壁。東西開戶擬迷藏。舊時修竹重新綠。此後疎

簾分外涼。一榻從容攤飯了。臥聽烏雀報斜陽。

夢現名齊事本虛。長安何地是安居。十年繞遂躬

耕。願半世粗成退隱廬。返我寸田兼尺宅。任他大

馬與高車。不才無補絲毫事。消得蒲羈角上書。

垢老書名擅八分。程顥傳為余作八分十二硯由來韓蔡可

為羣。隔江傳寫真憐我。鎮日相看倍憶君。體勢緜

綿疑擘絮。丰神飄渺欲生雲。青谿一去何時返。重

染羊欣白練裙。

片石如拳伴醉吟。傍人多事疊雲林。求仙恥幻驅

羊術。罷獵開消射虎心。點雪無端成白玉。燒丹漫

擬變黃金。極天豪貴原非分。夢裏春山且細尋。

青錢火速買花栽。典取朱提鑿落杯。一樹小梅香

欲動。半窓暝色雪初來。梧桐盡秃思重補。芍藥初

分望滿開。見事自憐遲鈍甚。却將枯草作新培。

名園多少鎖春扉。剩欠風花滿目飛。盡道吾廬無

限好。可知客夢早思歸。藏身不要開蓬逕。遠俗何

須覓釣磯。一自閉門甘種菜。故人略似曉星稀。

貴賤死生皆偶爾。區區此際說交情。知他世事何

害定。此老心中太不平。屠狗賣漿多狷獷。談玄論

白刺縱橫。諸公未是閒人友。耐久朋惟趙藥生。

習懶渾如退講僧。當年豪氣倦飛騰。新來看月樓

慵上。老去尋山步緩登。昨日南禪分上座。淨會園老僧以禪椅

贈舊年北郭與枯藤此身合作譚經叟。十

卷楞嚴讀記曾。

種種霜毛一番新。漸知老色不禁春。此生未歷榮

華夢。一輩空餘患難身。縱有金釵全滅典。東坡詩老來漸減金

與况無雪面足依人。香山好作荒淫語。兩換紅顏

恐未真。

分冬守歲又年光舊曆閒翻剩幾行如水門庭無
節物比膠氣誼有篇章時與約人子魚通印難頻致

黃雀披綿且細嘗多謝病中勞記憶黎祁雙甕遠
攜將五六謂友人近餉七八謂雲漸卧病自田以腐乳見寄

顧書宣移送斑竹及新釀見餽以詩代柬用
來韻答謝

蕭齋正爾憶論文忽漫門前對此君渭水何時消
積雪湘娥昨夜別寒雲久知高節原無匹益信虛
懷定有羣從此平安應屢報一林烟景兩家分
買來野竹豈堪栽難得雲霄未易才且與龍蛇蟠

晚發試看鳥獸走驚雷天寒不要依長袖月滿惟
應照酒杯拚與琅玕同一醉東橋問訊幾時來

叔蘇視學桂林同令子玉可過別四詩送之

犯曉鴉繞噪長鬚早扣門君歸曾幾日前月曾枉顧相訂再過言

別別意欲重論冬菜萼芽短邨醅粥面渾歲寒酸

冷話急切那能溫

夙有飛揚態羞教燕雀知一官今嶺越猶是被思

私絕俗文章遠殊方洞壑奇最憐多桂樹桃李是
凡枝

何處過元日今年到武昌江湖春氣早荆楚歲時

強水店多烹鯉山邨亦射鰲停車看粵嶺迎候滿
清湘

為政曾顏柳題名且范黃山川原不辱橘柚自來
香地雜民徭險家多戰鬪荒天心關教育不僅曜
文昌

百尺梧桐閣遺藁卷八

江都 汪懋麟 蛟門

丙寅 永

人日同駿霞醉白叔定家兄游平山

春聲勾引向山行。歲首難逢七日晴。酤酒尚能驅
便了。著書久欲謝更生。遍招飲客無閒侶。自信狂
夫有道情。松徑一條堪放杖。不勞支遠特相迎。

一堂縹緲少躋攀。雙塔孤雲自往還。除却醉翁無
可語。空餘修竹伴人閒。寒遲城北難消雪。晴送江
南無數山。翻笑營丘稱老手。不曾身入畫圖間。

新歲荷真定公寄書並二律見問次韻酬謝

十

抗志還初服。怡情理角巾。東風方駘蕩。西望渺烟
塵。日下荒荒夢山中。寂寂春何期。到雙鯉珍重色
如銀。

樞府紆籌策。官齋尚詠詩。懷人秋色裏。公乙丑中秋見
懷有千里懷人
之句得句雪殘時。今所寄詩乃
臘月廿日也消息勞頻問。行藏更

勿疑邇來諸道味。心與鹿門期。

題田綸霞詩卷

別君猶記庚申歲。此會重看癸亥詩。半世交情仍
我輩。六。年。心。事。幾。人。知。飛。揚。甘。讓。千。秋。計。潦。倒。空。

餘兩鬢絲忽漫相逢須不忌。茱萸灣口雪殘時。

欲留雲堂酒。竟以空尊返之。戲題二絕。

萬事消除愛此身。肯將筋力費青春。可憐些子長
沙郡。辛苦齋中運甕人。

灌園汲水老閒身。消却雲安幾斛春。愁枕空尊太
無味。不如送與釀泉人。

雲漸以正月詩卷見示。已成六十餘首。吟歎
久之。題二絕句。

誰道支離老病身。傳來詩句總如神。飛揚強似兒
時節。不信時常草木人。

衰頹才屬鈍人。遲行過風廊。撒白毳。一月輪君編

二

一卷足當買島一年詩。

同李都諫。閑程兩居士。叔定家兄。登法海寺
平樓。和都諫韻。

花月迷藏剩此機。幾枝楊柳伴春遊。鶯聲不繫橋
邊棹。草色空連寺外洲。簫鼓讓他斜日散。山川輸

與老夫收眼前。作達無人會。談笑逢場只自由。

聞傳自遠歸。簡問。

無賴江風正掩扉。長鬚門外報君歸。小樓別記春
燈滿。遠道人驚夏燕飛。紅藥漸開逢細雨。綠窗爭

起試單衣金尊翠杓知相勸竟尺黃魚上市肥

八載不爲豹翁上壽今年生日兩人在家都
暇口占爲祝

少壯同居履道坊先生鬢髮已先霜兩人踪跡分
南北一樣飄蓬合退藏櫻筍盤筵身最健清和風
景日初長自今爾汝持觴勸大笑應須十萬場

立秋前三日自遠以詩招飲南樓依韵奉答
畏熱但深坐怡人還月明迎秋河影重饒暑竹風
輕惟覺清尊好何知白髮生南樓排日醉寂寂任
閒情

飲張氏含空臺觀燈聽樂

清秋雲物望中開城闕風回落日催萬里星河懸
几席四天燈火擁樓臺纖歌正繞簾旌轉畫鼓還
驚屋棟來伎樂魚龍齊變幻始知張緒是奇才

和孫杞瞻侍郎見懷原韻

逋客依茅宇棲鴉噪野田吏民喧使節湖海正秋
天昏墊災黎困丁徭盛代憐朝宗今有望百谷
漸安然

鶴問至自秋浦邀同孝威蘭次豹人集小齋
即送還任

青鬢看如昨朱顏念已非君從何日返我是去年
歸舊雨浮雲散新晴落木飛閒門慵報客特爲啓
巖扉

地借崔秋浦官憐鄭廣文八年才一見渭樹與仁
雲及此黃花爛何辭綠酒醺秋風垂隴外容易賦
離羣

答雲漸見夢一首和來韻

紛紛交態總非真何限黃金陌路人底事夢魂偏
識我未曾憂患已知君

讀易

寒過應須假百齡私心常恐髮星星阮生竟作玄
真解不信義文是變經

讀太玄經

特極陰陽草太玄精思欲並五經傳只因滿汎無
人務一幅深藏四百年

題馬季長集後

放狗逐麋原誕漫鼓琴吹笛總玄虛可憐忠孝譚
經手代草梁家李固書

自遠飲余見山樓既醉以詩來謝依韻答之
露濕紅蕉潤花沾白葛香料來連日雨拾得此宵

涼君客非三匝余狂有二鄉謂醉鄉睡鄉也或曰白雲溫柔亦得秫田粗刈了不更卜陰陽

題張武仕瀑泉書屋圖兼柬令兄學士

讀書屋在瀑泉西花裏時聞謝豹啼可與賜金園子接料應只隔兩條谿

君家仲有躬耕志自署龍眠學圖翁只爲欠他霖雨願出山前日又匆匆

題畫再贈武仕

聞道飛泉外空庭老樹深每聽山鳥下時繫故園心物態看流水秋聲在遠林待君投老日成此十年陰

年陰

自遠招同文治醉白書宣家兄叔定飲南樓

夜半有自爪渚送黃魚至者烹啖極歡口占

得第四句醉未就也自遠補成因依韻和足

之

高齋簾幙映空虛叢桂幽蘭靜者居半夜秋燈臨

白墮一帆疎雨送黃魚蕭條節序宜調護潦倒襟

情合破除更與諸君申後約平山約在菊花初

疊前韻

秋雨秋烟四望虛仙人自昔好樓居簾纔下了催

翻曲酒正闌時報意爲似此新歡原不易如何舊習欲全除余有三好讀書酒書畫已曾想到紅欄外雪點梅花十月初

醉白以杭州韭見餉欣然命酌得詩四首

露葉霜根雪後收風天送抱碧于油厨娘細斫銀

絲繪老子歡齊玉筍頭恍似剪燈聽夜雨還如餽

歲在皇州年年上谷封題好白酒辛盤憶勸酬客

數載真定公每以冬韭及太和春見餉

閉戶甘爲種菜翁他方方物力難通嘉蔬到眼花

先逞異味登盤本自豐並爲杜老貧分園吏蔬放

翁備用大官慈不貪自信惟居士對此何嫌放筯

空

讀史曾聞貨殖方一畦千畝勝栽薑腰鎌苦欲東

園去獻祭還輸北道強味美似非貧士食日中可

許富兒嘗自今但覺便便好三九從他笑庾郎

在黃在白拆香泥韭之美在黃黃之美在白何意開籠兩色齊有

道留賓供急饌李倫驕客出名蔬暮春天氣論斤

賣欲雪年光隔省攜小物倏然分貴賤晚菰聲價

近來低

百尺梧桐閣遺葉卷九

江都 汪懋麟 蛟門

丁卯

元日稍霽自遠明府招往南樓看雪邀醉白
同飲聊述席中情事爲贈

雪後初分一線春便安履齒過比鄰今年信有豐
年喜纔出門來見醉人

誰道劉伶善閉關花扉深掩靜于山絕交書已喧
騰了只有閒人略往還

萬瓦如鱗一目收十三樓又得南樓年時已約看

東坡閣遺葉

卷之九

一

殘雪定着紅衫到上頭

愛花高掣護花鈴夜倒銀瓶不肯停大索章臺騎

馬客一雙巖電似明星

明府目醉白雙
目如鈴故云

盤筵笑我食無魚連日清齋飽凍蔬賴是明朝開

素早中厨先辦割龍豬

龍豬余所好也明
府爲余特致之

虞家燈接鈕家燈簾幙玲瓏有數層未到月明風

定夜此翁高興已飛騰

破除偽學有紅妝花裏時時喚泰娘李一阿三工

勸酒任他嘖嘖罵淫荒

搜羅怪石作奇供

平

膚寸烟雲足萬重選得一峯

持贈我米顛袖裏第三峰

交道文章信有神每于醉後見天真茶經食譜尋
常味我輩原非口腹人

二日同袁密山飲自遠南樓

清湘歸路尚悠悠夜泊揚州水驛樓十二月中空
旅餐八千里外有孤舟約尋南澗寒梅去且任東
風小月留板築故人能醉客不須天末起鄉愁

四日秘園蘭次遜齋梅書諸君閒集見山樓

靜裏逢春始覺春幾枝萼綠又鮮新且拚花下顛
狂態猶似風前少壯身落落江湖雙白鬢悠悠天

東坡閣遺葉

卷之九

二

地幾閒人自慚尚有忙功課算酒管書弄釣綸

和密山見贈原韻

別君疑昨日相憶更何人不謂揚州夢還同洛社
春鶯花堪放眼風月可爲鄰驗取蕭閒態從知自
在身

豈有才堪並空蓋齒却同艱難君績偉寥落我途
窮每畏霜花雨常迎逆水風行藏略相似天意本
來公

曉起自遠以綠華檀香二種梅花見貽綠華
乃其後堂所植賓客不得見者故有末句

昏昏曉睡失青春。亂裏林宗折角巾。忽覩綠窓雙
萼在。何來檀粉幾枝新。臨風小憶孤山月。窺鏡如
逢絕代人。妬煞水晶簾下看。衣香鬢影各停勻。

泛舟送密山歸粵西和自述韻

圓荷貼水綠波漲。遊魚躍出浮萍上。風吹楊柳水
氣寒。一棹還從夕陽放。今日新夏昨日春。紛紛飛
絮明湖濱。何來花裏作狂客。却卧船中稱酒民。與
君無日不相見。笑語掀捩幾曾倦。肯令細故常低
眉。但遇名娼即回面。此意只有黃鸝知。不見頻啼
落花片。風光不負山中人。只須燒却頭上巾。憐君
萬里方問津。從來行路多苦辛。看君奕奕偏有神。
長風一往無遺巡。開頭試聽迴帆鼓。洞庭西去神
鴉舞。九疑山色青可數。九疑一望湘水多。湘江月
落思如何。

茶邨枉過和見投原韻

時五月四日

十年真忽忽。舊事已堂堂。此會添蕭爽。新詩洗混
茫。老徵湖海壯。閒愛歲時長。留客尋常少。因君坐
夕陽。

附原詩

一雨得深涼。新軒亞草堂。情親緣契濶。意遠

忽蒼茫。照酒朱花正。凌風碧篠長。異時談此
聚。明日是端陽。

懷石林二首

一帆歸種柘溪田。石林夢老夢荒荒。亦偶然斷不料
君虛壯歲。何期與我共殘年。行藏敢謂終相合。踪
跡應須各自傳。若問安心惟學道。閉門久已似枯
禪。

憶昔分飛九月中。霜風搖落菊花叢。榮華有限飄
零似憂患。無端約畧同天地。何方容逐客。江湖只
合老衰翁。紛紛舊事都忘了。準擬扁舟理釣筒。

同悔齋兄之白田訪石林舟中疊前韻

曾勸湖濱買薄田。只愁此意竟茫然。何期早及歸
田日。正爾閒逢學稼年。定計畫檢書籍賣。藏身不
欲姓名傳。新來略解楞嚴理。肯與東軒講夜禪。

一棹相過六月中。芭蕉葉大竹成叢。虛堂不與吾
廬異。高論還教昔日同。萬事茫茫真有定。三人草
草漸成翁。聞君種樹城東路。好向清溪試灌筒。

同悔齋兄再疊前韻與石林

閱盡金張與寶田。縱令罵坐亦徒然。粗疎自悔作
風漢。哀嬾于今非少年。心事難尋游夏語。文章聊

借滑稽傳從人謗我爲仙佛裙屐浮沉醉裏禪

似子雄才豈下中當門可惜蕙蘭蕪何須持論分

聖白猶記爲文辨異同石林御試班馬異同辨甚佳極北紀年師范

曉粵西化俗比文翁生平事業原粗了檢點殘詩

理舊簡

答雲漸和原韻

最愛高齋永日閒雪中得句憶同看三年一別去

何易百里孤舟來亦難聚散可憐兼疾病寒暄無

那雜悲歡近來詩思頓唐甚敢說飛揚李杜壇

題張正甫畫

張家狂老學倪迂統素凋零剩此圖曾爲作銘兼

作傳此翁高致世間無

奉答真定公見寄和原韻

奉答真定公見寄和原韻

已甘寂寂子雲居短後長饒耻曳裾謬誇更無遺

世法逃名只注養生書何當垂記勞夢稷自分無

才敵庾徐却笑松窓鹿門老苦言多病故人疎

附原詩

長夏停雲歎索居飛塵漠漠上衣裾有無同

舍亡金事恠底中山滿篋書天上友朋多慰

藉田間歲月自舒徐閉門著述千秋在莫使

南來雁羽疎

初冬定九辰玉書宣晚過齋中和定九韻

秋田初熟似淵明籬菊將殘節又更好客偶來譚

白業清宵且共煮黃精樓西小月荒寒影天北孤

鴻寂莫聲此際奈何惟有醉漫言霜露隔曾城定九

寓郊外先別

述懷呈董尚書制府

荷鋤依空邨獨精種樹術力作管一飽此生志粗

畢今晨牽一船負弩雜街卒胡爲奪所守匍匐爲

公出足縮心欲前車笠未敢必列騎鳴蕭蕭雲帆

颺斜日令嚴水驛靜遽蒙禮遣逸衮衣與短褐忘

分竟接膝野人拙言詞深荷慰衰疾告別歸秋齋

寂寂聞蟋蟀早起掃落葉忽聞枉赤紱八駟無諠

闐一徑入我室從容譚林泉傾寫擬膠漆貧家具

雞黍公然事真率語我澄清志勲業期篤實兩江

數千里無事不心悉知公急興除所過已洋溢彈

擊先豺狼爬梳及蟻蝨雷霆偶然施貪墨盡股慄

集議商河渠省金已萬鎰功在郡者兩恩被邑者

七利濟心無窮大端此其一方今橫剽竊兵盜互

芽茁將毋事姑息在賊曹將帥自公肅科條不敢

肆狂獨惟期厚風俗斯民守甲乙江左昔繁富閭閻半蕭瑟窮迫禮義輕驕侈等咸失抑奢與崇讓庶幾救放佚公昔領獨坐丰采樹岸律論議維紀網鷹鷂佐斧鑕九重首南顧臨軒論深察爲此九州督必以司馬律觀化何嬉嬉頌聲已唧唧食曰使相仁終爲帝室弼吾儕耕田人借寇念專壹但期春雨中含舖各腰鉞

贈殷生

曾指松楸問景純幸非龍耳得棲神三公骨相非吾有墜馬羞爲折臂人

陶氏牛藏原幻爾滕公馬豕亦荒哉久知福命輪前定三個書生那得來

相冢書兼兆域圖異人家學在青鳥策勲若問周官法拜爾頭銜墓大夫

荅雲漸見寄和原韻

梅寒月山影初昏噓吸黃庭守命門好客新來非趙勝揮杯最耻喚桓溫解醒不羨金人掌搔首常思玉女盆嬾到吟詩無一句若論降將似馮魂

陳馮以嶺南降
隋陳地悉平

雪後西齋送顧松邨歸杭州和留別原韻

夜雪深燈送客歸將離一曲亂金徽吟鞭好縱青絲鞵展齒從閒白板扉似水交情原寡合如蘭氣誼敢相違蘓公隄外褰腰綠新種垂楊有夢依

百尺梧桐閣遺藁卷十

江都 汪懋麟 蛟門

戊辰 歲時

元日和雲漸韻

誰遣天工作意調凍雲已逐濕烟消梅容欲破春
前藥柳意還遲雪後梢好鳥一聲初日上新衣重
疊小兒驕署門不許長鬚報臘甕深浮曲項瓢

新歲石林以除夕詩見寄依韻和答

曾愛秋溪泛水濱別來涼燠幾經旬懷人可惜虛
殘雪得句何期及早春天漢翔翔輪野鶴春波浩

蕩穩潛鱗姓名漸不為人識肯效河東表罪臣

和石林園林落成韻

板屋叢書置此間閒編未了手重刪余時撰通志
閒編未竟下

簾最喜無人到烹鯉何緣有信還見說百金朝買

樹更聞千指夜爲山貧家亦作誇張計種滿梅花

待扣關

試燈前一夜雨雪

數日濃陰氣少暄生憎簷溜滴層軒擁爐但覺清
寒緊啓戶還驚暮雪繁世事奈何惟益睡天心如
此更何言笙歌燈火都消歇信有春愁連上元

雨霽自速以詩招飲依韻和答

幾番中酒欲觀身無那梅花冷趁人對此豈能辭
綠醕看來還勝擁朱唇輕寒留得三分態積雨行
辜二月春幸有東鄰與西舍百川分送不知貧

每見春陰惱却人昨宵新月最清真曉窓先問薰
衣伴倦枕纔舒岸幘身元夕風光都未賞高樓燈
火豈嫌頻殊方珍味猶相及爾我庖厨不似貧以邊味
見餉者

二月六日點燈會客偶詠東坡冷烟濕雪梅

花在留得新春作上元之句即事寫情邀書

宣乾行于鼎文治叔定家兄同作即用坡公

韻

三五明星儼在天未曾料此夜清妍膏騰醉眼花
中霧滄蕩交情雪後船莫厭觥籌喧竟夕可憐燈

月是今年新春若使常留得便合時時作上元

寄軒看梅疊前韻

每到君家別有天後堂綠萼最鮮妍數竿舊長樓
前竹半畝新牽岬上船甚欲開池迎好月便思招
客送餘年鬢絲禪榻余粗解不用譚空問了元
乾行邀同于鼎文治叔定家兄寺園看梅再

用東坡韻

維摩室傍四禪天花雨逢春色轉妍梅下正開池
上酌柳邊閒却寺門船高臺聽鳥宜今日小伎揚
箏憶舊年亭外方塘如鈎鋸探幽何必效宗元

贈于鼎文治臺前韻

遲日園林欲暮天夕陽何限傍人妍飽食羊酪思
高枕縱癖魚餐嫩上船一派烟花園小月幾多哀
樂感中年吾宗大有能吟客略似同聲白與元

題自遠小像

曾領丹山碧一春道衣早已謝冠巾一堆怪石差

不負丹青手

堪語不肯重

示人

聽曲

不分春來太瘦生去秋猶記眼波橫可堪細雨淋
鈴夜又疊朝元第四聲

無題

垂鬟猶記上樓時能唱楊枝舞柘枝豈料春風都
不管可憐青鏡爲誰持狂蜂癡蝶爭相逐怨雨愁
雲恨已遲我欲開籠放鸚鵡還教碧玉屬知之
王氏園中再見時輕紅繞上牡丹枝如波送酒心
難定似柳迎風態不持好夢十年真恨速清歌一

原缺

百尺梧桐閣集二十六卷

兩淮馬裕
家藏本

國朝汪懋麟撰懋麟字季角號蛟門江都人康熙丁
未進士授秘書院中書舍人官至刑部主事其詩
法傳自王士禎而才氣縱橫視士禎又爲別格趙
執信談龍錄記嘗見其浯溪中興頌詩起句云楊
家姊妹顏妖狐卽擲去不視謂頌中興而自天寶
致亂敘起雖萬言不難辦也雖以懋麟爲新城弟
子借懋麟以攻士禎未免操之已蹙然亦足見其
少所翦裁矣